


ਡਾ. ਦਵਿੰਦਰ ਸਿੰਘ ਦਿਵਿਆਰਥੀ
ਦੇ ਪਰਵਾਰ ਵਲੋਂ ਭੇਜਾ

ਗੁਰਮਾਤ੍ਰ ਗੁਰੂ

ਰਵਿ ਸਿਰਾ ਰਮ



ਡਾਧਾ


1899 ਈ.

ਗੁਰਮਾਤ੍ਰ ਗੁਰੂ
152 ਪੰਨੇ

ਗਾਏ ਸਾਹਿਬ ਗੁਰੂ ਜੀ ਗੁਰਮਾਤ੍ਰ ਗੁਰੂ

ਗੁਰਮਾਤ੍ਰ
ਗੁਰੂ
192 ਪੰਨੇ

43



مذہب مان نائی



ਭਾ. ਦਵਿੰਦਰ ਸਿੰਘ
ਭ ਪਰਵਾਰ ਫਲਕ ਭਾ

ਹਨੂਮਾਨਨਾਟਕ

— ੪ —

ਕ੍ਰਿਤ ਕਵਿ ਹਿਰਦਾ ਰਾਮ

ਜਿਸਨੂੰ

ਰਾਇ ਸਾਹਿਬ ਮੁਨਸ਼ੀ ਗੁਲਾਬ ਸਿੰਘ

ਐਂਡ ਸਨਜ਼ ਨੇ

ਅਪਨੇ ਮਤਬਾ ਮੁਫੀਦਆਮ ਲਾਹੌਰ ਮੇਂ

ਛਾਪਾ

੧ ਓ ਸਤਿਗੁਰਪ੍ਰਸਾਦਿ ॥

ਅਥ ਹਨੂਮਾਨ ਨਾਟਕ ਲਿਖਯਤੇ ॥

ਕਥਿਤ—ਤੀਨੋ ਲੋਕ ਤਿ ਪ੍ਰਾਨਪਤਿ ਪ੍ਰੀਤਿ ਹੀ ਸੋ ਰਤਿ ਅਗ
ਤਨ ਗਤਿ ਕੇ ਸਿਰਨਾਇ ਹੋ ॥ ਸਦਾ ਸੀਲਪਤਿ ਸੱਤ
ਪਤਿ ਏਕ ਨਾਰੀ ਸੁਵ ਸਨਕਾਦਿ ਪਤਿ ਜਸਹ ਸੁਨਾਇ
॥ ਸੁਰਪਤਿ ਹੁੰਕੇ ਪਤਿ ਜਾਨਕੀ ਕੇ ਪਤਿ ਰਾਮ ਨੈਨ ਕੋਰ
ਓਰ ਕਬਹੂੰ ਤੋ ਪਰ ਜਾਇ ਹੋ ॥ ਫੁਰੇ ਬਾਕਪਤਿ ਸੁਨੋ ਸੰਤ ਸਾਧ
ਮਤਿ ਤਬ ਐਸੇ ਰਘੁਪਤਿ ਕੇ ਕਛੁਕ ਗੁਨ ਗਾਇ ਹੋ ॥ ੧ ॥

ਸਵੈਯਾ—ਕਾਹੂਕੇ ਸਾਰਸੁਤੀ ਬਰ ਪੂਰਨ ਕਾਹੂ ਕੇ ਹੈ ਸ਼ਿਵਸੇਬਰ
ਦੈਯਾ ॥ ਕਾਹੂਕੇ ਹੈ ਚਤੁਰਾਨਨ ਕੋ ਬਰ ਕੋਊ ਗਜਾਨਨ ਆਸ
ਬਸੈਯਾ ॥ ਕਾਨ ਸੁਨੇ ਪਹਿਚਾਨ ਨ ਕਾਹੂੰ ਸੋ ਸਾਚ ਕਹੇ ਕਵਿ
ਰਾਮ ਕਹੈਯਾ ॥ ਜਾਨਤ ਸ੍ਰੀ ਰਘੁਬੀਰ ਕੋ ਨਾਮਹਿ ਜਾ ਸੁਨਏ
ਸਬ ਹੋਹਿ ਸਹੈਯਾ ॥ ੨ ॥

ਕਥਿਤ—ਸ਼ਜਾਮਘਨ ਦੇਹ ਸੋ ਮੈਂ ਚਾਤ੍ਰਿਕ ਜਿਓਂ ਨੇਹ ਬਾਂਧਯੋ
ਦੇਹ ਪ੍ਰੇਮ ਬੂੰਦ ਹੋਂ ਜਪੈਯਾ ਤਾਂਹੀ ਨਾਮਕੋ ॥ ਚਰਣ ਸਰੋਜ ਰਸ
ਭਰੇ ਤਾਂਕੋ ਭਯੋ ਅਲਿ ਜਾਂ ਦਿਨ ਪਰਾਗ ਪਾਊਂ ਤਾਂਹੀ ਛਿਨ
ਕਾਮ ਕੋ ॥ ਰਾਮ ਮੁਖ ਧੁਨ ਸੁਨ ਭਯੋ ਮ੍ਰਿਗਤਾਂਹੀ ਛਿਨ ਰੂਪ
ਸਿੰਧ ਮੀਨ ਡਰ ਹੈ ਨ ਕਾਲ ਘਾਮ ਕੋ ॥ ਵੈ ਉਦਾਰ ਗਾਇ ਹੋਂ
ਭਗਤਿ ਭੀਖ ਮਾਂਗੋ ਵੈ ਤੋ ਰਾਮਚੰਦ ਚੰਦ੍ਰਮਾ ਚਕੋਰ ਮਨ ਰਾਮਕੋ ॥ ੩ ॥
ਸਵੈਯਾ—ਸ਼ੈਵ ਕਹੈ ਸ਼ਿਵ ਯਾ ਰਘੁਬੀਰਹਿ ਬ੍ਰਹਮ ਕਹੇਂ ਸਭ ਬੇਦ

ਪਵੰਯਾ ॥ ਬੋਧਕਹੇਂ ਇਕ ਕਰਮ ਕਹੇਂ ਇਕ ਧਰਮ ਕਹੇਂ ਇਕ
ਧਾਮ ਸਹੰਯਾ ॥ ਏਕ ਕਹੇਂ ਕਰਤਾ ਹਰਤਾ ਜਨ ਏਕ ਕਹੇਂ ਘਟ
ਪ੍ਰਾਨ ਬਸੰਯਾ ॥ ॥ ਤੇ ਪ੍ਰਭੂ ਰਾਮ ਸੁਨੇ ਅਪਨੇ ਜਸ ਹੈ ਸਭ ਦ੍ਰਿਸ਼
ਸਨ ਦੌਰ ਸੁਨੰਯਾ ॥ ੪ ॥

ਕਬਿਤ-ਕੌਸਲ ਤਨੰਯਾ ਤਨ ਤੁਸ਼ਲ ਨਿਧਾਨ ਪ੍ਰਭੂ ਕਲਮਲ
ਮਥਨ ਸੁ ਸਾਧਨ ਕੇ ਪ੍ਰਾਨ ਹੈਂ ॥ ਕਰੁਣਾ ਕੀ ਖਾਨ ਪਹਿਚਾਨ
ਜਾਂਕੀ ਦੀਨਨ ਸੇਂ ਮਾਨ ਲੇਤ ਜੀ ਕੀ ਸਬਹੀ ਕੇ ਸਾਵਧਾਨ
ਹੈਂ ॥ ਦੇਵਨ ਕੇ ਦੇਵ ਰੀਝੇ ਨੈਕ ਕੀਏ ਸੇਵ ਹੀਏ ਪਰ ਪੀਰ
ਜਾਨਬੇ ਕੇ ਚਤੁਰ ਸੁਜਾਨ ਹੈਂ ॥ ਬਾਰਦ ਦੇ ਸ਼ਾਮ ਅਭਿਰਾਮ
ਕਾਮ ਹੂਕੇ ਕਾਮ ਅਸੇ ਰਾਮ ਰਾਮ ਕੇ ਹਿਯੇ ਰਾਜਮਾਨ ਹੈਂ ॥ ੫ ॥

ਸਵੈਯਾ-ਰਾਮ ਕੇ ਨਾਮ ਸੇਂ ਪ੍ਰੀਤ ਕਰੇਂ ਰਾਮ ਕੇ ਕਾਮ ਰਹੇ
ਉਰਝਾਈ ॥ ਜੋ ਨ ਬਨੇ ਤਉ ਏਕ ਦੀ ਸੁਨ ਲੈ ਗੁਨ
ਕੇ ਤਜ ਆਰਸਤਾਈ ॥ ਪੇਟਹੀ ਮੈਂ ਜਿਨ ਪੇਟ ਭਰਜੇ ਅਬ
ਪੇਟਕੇ ਕਾਜ ਕਹਾਂ ਦੁਚਿਤਾਈ ॥ ਲੈ ਸਿਖਿ ਆਵ ਰੇ ਆਉ
ਚਲੀ ਜੈਸੇ ਪਾਨੀ ਮੈਂ ਨਾਉ ਮਲਾਹ ਚਲਾਈ ॥ ੬ ॥

ਸਵੈਯਾ-ਰਾਮ ਕੇ ਰੂਪ ਨਿਹਾਰ ਮਨੋਜ ਲਜਾਇ ਮਨਹੁ ਨਿਜ
ਦੇਹ ਬਿਸਾਰਜੇ ॥ ਮੰਜਨ ਕਾਜ ਕੀਓ ਉਦਵਰਤਨ ਤਾਂਹੀ ਕੇ
ਲੈ ਨਭ ਚਾਂਦ ਉਭਾਰਜੇ ॥ ਸ੍ਰੀ ਰਘੁਬੀਰ ਕੇ ਬਾਕ ਬਿਲਾਸ ਤੇ
ਧਰਮ ਰਚਜੇ ਤ੍ਰਈਲੋਕ ਬਿਥਾਰਜੇ ॥ ਨੈਨਕੀ ਕੋਰ ਤੇ ਨੇਹੁ
ਕੀਯੋ ਬਿਧਿਭੀਲ ਕੀ ਛਾਹ ਤੇ ਸੀਲ ਸਵਾਰਜੇ ॥ ੭ ॥

ਸਵੈਯਾ-ਕ੍ਰਿਸ਼ਨ ਧਰਤੇ ਧਰ ਧੀਰ ਸਭੈ ਭਟ ਹੋ ਨ ਕਛੁ ਬਲ ਕਾਹੂੰ
ਕੇ ਪੋਤੇ ॥ ਛਤ੍ਰਿਯ ਸ੍ਰੋਤਿਤ ਕੇ ਕਰ ਕੁੰਡ ਨਹਾਤ ਫਿਰਿਯੋ ਭ੍ਰਿਗੁ
ਨੰਦਨ ਸੋਤੇ ॥ ਕਿਉਂ ਦਰਤੇ ਸੁਖ ਰਾਵਣ ਕੇ ਧਨ ਤੋਰ ਕਹੇ
ਸੀਯ ਲਾਇਕ ਕੋਤੇ ॥ ਜੋ ਰਘੁਬੰਸ ਸਿਰੋਮਣਿ ਭੂਤਲ ਰਾਜੀਵ
ਲੋਚਨ ਰਾਮ ਨਾ ਹੋਤੇ ॥ ੮ ॥

ਸਵੈਯਾ-ਮੇ ਬਿਨਤੀ ਅਹਿਨਾਥ ਕਹੇ ਬਿਧਿ ਹੋਂ ਬਿਨ ਕਾਨਨ
ਕਾਹੋਤੇ ਕੀਨੋ ॥ ਹੋਂ ਡਰਪਜੇ ਸੁਨ ਬਾਤ ਫਨਿੰਦ ਡਗੈ ਸਿਰ

ਨੈਕ ਫੁਟੇ ਪੁਰ ਤੀਨੋ ॥ ਹੈ ਕਹੁ ਕੌਨ ਸੁਨੇ ਜਸ ਰਾਮ ਕੋ ਸੀਸ
ਕੰਪਾਇ ਕੈ ਸ੍ਵਾਸ ਨ ਲੀਨੋ ॥ ਮੈ ਸ੍ਰਮ ਕੇ ਤ੍ਰਈ ਲੋਕ ਰਚਯੋ
ਤੁਹਿ ਐਸੇ ਈ ਜਾਨਤਹੀ ਸਿਰ ਦੀਨੋ ॥ ੯ ॥

ਸਵੈਯਾ—ਸ੍ਰੀ ਰਘੁਬੀਰ ਸਿਰੋਮਨ ਕੀ ਯਹਿ ਕੀਰਤਿ ਹੈ ਕਿਧੇ
ਦੁਤੀ ਬਖਾਨੋ ॥ ਆਨ ਵਈ ਕਮਲਾ ਹਰਿ ਕੀ ਯਹ ਬਾਤ ਸੁਨੇ
ਸੁਰ ਲੋਕ ਡਰਾਨੋ ॥ ਜਾਨ ਯਹੈ ਮੁਖਚਾਰ ਕੀਏ ਬਿਧਿ ਸੰਭੁ ਰਹੈ
ਅਜਹੂੰ ਲਪਟਾਨੋ ॥ ਸ਼ੱਕ੍ਹ ਸਹੰਸ੍ ਕੀਯੇ ਚਖੁ ਚੌਂਕ ਛਹੂੰ ਮੁਖ
ਵਿਆਹ ਕੀਯੋ ਨ ਸਿਆਨੋ ॥ ੧੦ ॥

ਸਵੈਯਾ—ਭੋਗਹਿ ਛਾਡ ਨ ਜੋਗ ਕਰੈ ਕੋਊ ਮੈ ਸ਼ਿਵ ਲੋ ਸ਼ਿਵ
ਲੋਕ ਨਿਹਾਰਿਓ ॥ ਆਗਮ ਤੋ ਨ ਮਿਏ ਮਨ ਕੋ ਰਾਮ ਬੇਦ
ਬਿਬਾਦ ਨਾਜਾਇ ਬਿਚਾਰਿਓ ॥ ਮੋਨ ਤੇ ਕੌਨ ਸੁਭੋਟੀ* ਰਹੈ ਬਿਨ
ਬੋਲ ਖੁਲੇ ਘਰ ਕੇ ਨ ਕਿਵਾਰਿਓ ॥ ਤਾਂਤੇ ਇਹੈ ਜੀਅ ਜਾਨਤ
ਹੋਂ ਜਿਨ ਰਾਮ ਕਹਿਓ ਤਿਨ ਕਾਮ ਸਵਾਰਿਓ ॥ ੧੧ ॥

ਸਵੈਯਾ—ਹੈ ਨ ਕਹੂੰ ਕਵਿ ਅੰਤ ਸੁ ਸੁੰਦਰ ਸੰਤ ਸਮੂਹ ਤਉ ਸੁਖ
ਪੈ ਹੈ ॥ ਕਾਹੇਤੇ ਰਾਮ ਕੇ ਨਾਮ ਮਿਲੀ ਕਵਿ ਰਾਮ ਤੁਮੇਂ ਸਿਰ-
ਨਾਇ ਸੁਨੈ ਹੈ ॥ ਖਾਰੇਊ ਨੀਰ ਨੁਵਾਇ ਗੁਬਿੰਦਹ ਜੋਬ ਕੋਊ
ਚਰਨੋਦਕ ਵੈ ਹੈ ॥ ਕੌਨ ਸੁ ਸਾਧ ਨ ਆਦਰ ਸੇਂ ਕਹਿ ਮੁੰਡ
ਚੜ੍ਹਾਇ ਨ ਸ਼ਾਦਹ ਲੈ ਹੈ ॥ ੧੨ ॥

ਸਵੈਯਾ—ਹੈ ਮਤਿ ਹੀਨ ਇਹੈ ਕਵਿਤਾ ਸਿਰ ਜਾਨਤ ਹੋਂ ਉਪ-
ਹਾਸ ਧਰੈਗੀ ॥ ਰਾਮ ਮਈ ਸੁਖ ਵੈ ਸਬ ਕੋ ਮਨ ਕੇ ਦੁਖ ਦੋਖ
ਸੰਤਾਪ ਹਰੈਗੀ ॥ ਜਿਓਂ ਬਨ ਭਿੱਲਾ ਕਿਰਾਤ ਕੀ ਆਗਮਥੇ
ਲਘੁਦਾਰ ਤੇ ਜੋਤ ਜਰੈਗੀ ॥ ਤੋ ਕਹ ਹੇਮ ਸਮੂਹਨ ਕੋ ਯਹ
ਹਾਟ‡ ਕਲੰਕ ਨ ਦੂਰ ਕਰੈਗੀ ॥ ੧੩ ॥

ਸਵੈਯਾ—ਜੋ ਕੁਛ ਵਾਕ ਬਿਲਾਸ ਹੁਲਾਸ ਸੁ ਸੰਤ ਸੁਨੇ ਜਗ ਜਾਹਿ
ਸੁਨਾਵੈ ॥ ਫੂਲ ਸੁਗੰਧ ਸਬੈ ਕਵਿ ਮੰਡਲ ਫੂਲ ਚੜ੍ਹੇ ਤੁਮ ਸੇ
ਅਲ ਪਾਵੈ ॥ ਆਕ ਕੇ ਫੂਲ ਸਮਾਨ ਕਵੀਸ਼੍ਵਰ ਰਾਮ ਤੁਮੈ ਕਿਹ

* ਪਾਠਾਂਤਰ ਸੰਭੋਟੀ ਬੀ ਹੈ † ਭੀਲ ਭੀ ਹੁੰਦਾ ਹੈ ‡ ਕਾਟ ਭੀ ਹੁੰਦਾ ਹੈ

ਭਾਂਤ ਰਿਝਾਵੈ ॥ ਚੇਤ ਚੜ੍ਹੈ ਚਿਤ ਚੌਪ ਮਲਿੰਦ ਕ੍ਰਿਪਾ ਕਰਕੇ
ਸਭ ਹੀ ਫਿਰ ਆਵੈ ॥ ੧੪ ॥

ਸਵੈਯਾ—ਬਯਾਸ ਪਰਾਸਰ ਨਾਰਦ ਸ੍ਰੀ ਸੁਕ ਏਸਭ ਰਾਮਹਿ ਆਜ
ਲੋਗਾਵੈ ॥ ਸੇਸ ਸਹੰਸੂ ਧਰੇ ਮੁਖ ਯਾਹੀ ਤੇਵਾਰ ਪਰੇ ਗੁਨ ਪਾਰ
ਨ ਪਾਵੈ ॥ ਸੰਗ ਫਿਰੈ ਹਨੂਮਾਨ ਸਦਾ ਸੁ ਯਥਾ ਮਤਿ ਯੋ ਕਹਿ
ਕੈ ਸਮਝਾਵੈ ॥ ਤਾਂਹੀ ਪ੍ਰਸਾਦਿ ਤੇ ਰਾਮ ਕਹੇ ਮਨਕੋ ਗਿਰ ਤੇ
ਕਨ ਜਿਓਂ ਦਿਖਰਾਵੈ ॥ ੧੫ ॥

ਸਵੈਯਾ—ਸੂਰਜ ਕੀ ਮਨੁਕੀ ਕਵਿਰਾਮ ਦਲੀਪ ਕੀ ਰੀਤਿ
ਕਹਾਂ ਲੋ ਲਿਖਾਉਂ ॥ ਸ੍ਰੀ ਰਘੁ ਕੇ ਅਜ ਕੇ ਜਸ ਕੀ ਸੁ ਕਥਾਨ
ਕੋ ਅੰਤ ਕਹਾਂ ਲੋ ਸੁਨਾਉ ॥ ਸ੍ਰੀ ਰਘੁਨਾਥ ਕੇ ਤਾਤ ਕੀ ਬਾਤ
ਕਹੋ ਤੋ ਕਹੋਂ ਕਹ ਅੰਤਹਿ ਪਾਉਂ ॥ ਤਾਂਤੇ ਸੁਨੋ ਰਘੁਬੀਰ ਕਥਾ
ਤੁਮ ਸੋ ਕਹਿਕੈ ਤਨ ਤਾਪ ਸਿਰਾਉਂ ॥ ੧੬ ॥

ਕਬਿੱਤ—ਰਿਖਿ ਸੰਗ ਜਾਇਬੋ ਧਨੁਖ ਚਟਕਾਇਬੋ ਧਰਨਜਾ
ਬਿਵਾਹਿਬੋ ਬਡੋਈ ਜਸ ਪਾਇਬੋ ॥ ਧਾਇਬੋ ਪਰਸਰਾਮ
ਗੈਲ ਮੈ ਖਿਸਾਇਬੋ ਉਲਟ ਬਨ ਜਾਇਬੋ ਸ੍ਰੀ ਰਾਮ ਰਾਜ
ਗਾਇਬੋ ॥ ਬਨ ਕੋ ਸਿਧਾਇਬੋ ਜਨਕਜਾ ਚੁਰਾਇਬੋ ਸਮੁੰਦਰ
ਕੋ ਪਟਾਇਬੋ ਐ ਲੰਕਪਤਿ ਘਾਇਬੋ ॥ ਬੀਰ ਤੀਆ ਸੰਗ ਲੈ
ਪਲਟ ਘਰ ਆਇਬੋ ਸੁ ਐਸੇ ਰਾਮਚੰਦਗੀਤ ਤੁਮਹਿ ਸੁਨਾਇ
ਬੋ ॥ ੧੭ ॥

ਦੋਹਰਾ—ਖੰਜਨ ਲੋਚਨ ਕੰਜ ਮੁਖ ਨਿਤ ਖੰਡਨ ਪਰ ਪੀਰ ॥
ਅਰਿ ਗੰਜਨ ਭੰਜਨ ਧਨੁਖ ਭਵ ਰੰਜਨ ਰਘੁਬੀਰ ॥ ੧੮ ॥
ਦੋਹਰਾ—ਸੁਖਸਾਗਰ ਨਾਗਰ ਨਵਲ ਕਵਲ ਬਦਨ ਦੁਤਿ ਮੈਨ
॥ ਕਰੁਣਾਂਕਰ ਬਰੁਨਾਧਿ ਪਤਿ ਸ਼ਰਨਾਗਤ ਸੁਖ ਦੈਨ ॥ ੧੯ ॥

ਬਿਸ਼ਾਮਿਤੋ ਵਾਰ ॥

ਸਵੈਯਾ—ਬੈਠ ਬਿਚਾਰ ਕੀਓ ਰਿਖਰਾਜ, ਏ ਜੱਗ ਨ ਪੂਰਣ
ਹੋਤ ਹਮਾਰੇ ॥ ਕੌਨ ਬਲੀ ਇਹ ਲਾਇਕ ਹੈ, ਤਿਹੁ ਲੋਕਨ ਮੈਂ
ਤਿਨ ਰਾਮ ਬਿਚਾਰੇ ॥ ਧਾਇ ਚਲਜੋ ਨ੍ਰਿਪ ਸੋਂ ਕਹਿ ਬਾਤ

ਕਹੀ ਸਮਝਾਇ ਬਢੇ ਸੁਖ ਭਾਰੇ ॥ ਤੇ ਨ ਟਰੇਂ ਸਸਿ ਸੂਰ ਟਰੇਂ
ਸੁਨ, ਸਾਥ ਬਿਨਾ ਰਘੁਨਾਥ ਤਿਹਾਰੇ ॥ ੨੦ ॥
ਸੋਚ ਬਢੇ ਨਿਪ ਕੇ ਜੀਅ ਮੇਂ, ਕੁਲ ਪੂਜਹਿ ਪਾਇਨ ਲਾਗ
ਮਨਾਵੈ ॥ ਏਕ ਬਿਨਾ ਰਘੁਬੀਰਹਿ ਤੀਨਹੁ, ਲੈ ਨਿਜ ਸੰਗ
ਗੁਰੂ ਸੁਖ ਪਾਵੈ ॥ ਏ ਤੇਰੇ ਪੂਤ ਸਪੂਤ ਸਬੈ ਬਿਧ, ਰਾਜਹਿ ਯੋ
ਰਿਖ ਰਾਜ ਸੁਨਾਵੈ ॥ ਰਾਜਨ ਜਾਂ ਮੁਖ ਰਾਮ ਕਹਯੋ ਅਬ ਤਾਂ
ਮੁਖ ਔਰ ਕਹਯੋ ਨਹਿ ਭਾਵੈ ॥ ੨੧ ॥

ਦਸਰਥੋ ਵਾਰ ॥

ਕਬਿੱਤ-ਸੰਗ ਭਟ ਭੀਰ ਲੈ ਸਮੀਰ ਹੁੰਤੇ ਬੇਗ ਧਾਉਂ ਆਇਸ
ਜੋ ਪਾਉਂ ਜਾਇ ਮਾਰੇਂ ਰਾਜਨੀਤ ਹੈ ॥ ਜੋ ਕਹੋਤੇ ਠੋਰ ਤੁਮੇਂ
ਬਾਗ ਮੇਂ ਬਨਾਉਂ ਔਰ, ਭੋਰੀ ਦੈਤ ਰਹੇਂ ਚਹੂੰ ਓਰਜੈਸੀ ਰੀਤਹੈ
॥ ਦੁਤੀਆ ਕੇ ਚੰਦ ਜਿਉਂ ਨ ਦੇਖੇ ਨੈਨਾਂ ਰਾਮਚੰਦ, ਤੁਮ ਹੂੰ
ਬਿਚਾਰੇ ਰਿਖ ਕੈਸੀ ਵਿਪੀਤ ਹੈ ॥ ਭੀਰ ਮਸੁ ਨਾਗ ਤੇ ਸੁਤੀਰ
ਨ ਚਲਾਇ ਜਾਨੇ, ਐਸੇ ਰਾਮਚੰਦ ਕਿਉਂ ਪਿਸਾਰਨ ਤੇ
ਜੀਤ ਹੈ ॥ ੨੨ ॥

ਕਬਿੱਤ-ਬਾਲਕ ਅਯਾਨੇ ਹਠੀ ਔਰ ਕੀ ਨ ਮਾਨੇ ਬਾਤ,
ਬਿਨਾ ਦੀਏ ਮਾਤ ਹਾਥ ਭੋਜਨ ਨ ਖਾਇ ਹੈ ॥ ਮਾਟੀਕੇ ਬਨਾ
ਇ ਗਜ ਬਾਜੀਰਥ ਖੇਲ ਮਾਤੇ, ਪਲ ਨ ਬਛੋਰੇਂ ਤਾਂਕੀ ਨੈਕ
ਨ ਬਸਾਇ ਹੈ ॥ ਹੋਤੇ ਧਨਬਾਨ ਬਲ ਪੌਰਖ ਪ੍ਰਮਾਨ ਤਾਂਕੋ,
ਹੋਇ ਟੂਕ ਹਾਥ ਮੈ ਸੁ ਕਾਕ ਖੋਸ ਖਾਇ ਹੈ ॥ ਰਾਮਕੀ ਤੇ
ਐਸੀ ਬਾਤ ਕੰਜਪਾਤ ਗਾਤ ਜਾਂਕੋ, ਸਾਮੁਨੇ ਮਰੀਚ ਤਾਂਹਿ
ਦੇਖ ਸੁਕਚਾਇ ਹੈ ॥ ੨੩ ॥

ਸਵੈਯਾ-ਰਾਜਨ ਕਾਹੇ ਕੋ ਬਾਤ ਬਢਾਵਤ, ਗਯਾਨ ਗਹੇ ਮਤ ਮੈਂ
ਨਈ* ਜਾਨੀ ॥ ਪੂਤ ਸੇਂ ਨੇਹੁ ਬਢਾਵਤ ਹੋ ਪੁਨਿ, ਮੋਹਿ ਦੁਖੇ
ਬਸ ਹੈ ਰਜਧਾਨੀ ॥ ਇੰਦ੍ਰ ਕੇ ਤ੍ਰਾਸ ਡਰੇ ਜੈਸੇ ਭੂਧਰ ਯੋਂ ਡਰ
ਪਯੋ ਮੁਨਿ ਕੀ ਸੁਨਿ ਬਾਨੀ ॥ ਰਾਮ ਕੋ ਰਾਖਬੇ ਕੀ ਬਤੀਆਂ,

* ਪਾਠਾਂਤਰ-ਨਾਹੀ

ਨਿਪ ਕੋਟ ਕਹੀ ਰਿਖ ਏਕ ਨਾ ਮਾਨੀ ॥ ੨੪ ॥

ਸਵੈਯਾ—ਕਾਂਪ ਉਠਜੇ ਮੁਨ ਤੇ ਅਜ ਨੰਦਨ, ਜਿਉ ਜਲ ਬਾਉ
ਭੁਲਾਵਤ ਇੰਦੈ ॥ ਲੇਹੁ ਜੂਲੇਹੁ ਕੰਪਾਇ ਦੋਉ ਕਰ, ਔਰ ਫੁਰੈ
ਨਹਿ ਬਾਤ ਨਰਿੰਦੈ ॥ ਰਾਮ ਚਲੈ ਹਸਕੇ ਮੁਨਿ ਸੰਗ, ਪਰੇ ਪਿਤ
ਪਾਇਲਵਾਇ ਫਨਿੰਦੈ ॥ ਯੋ ਰਿਖ ਲੈਨਿਕਸਜੇ* ਰਘੁਬੀਰਹਿ
ਕੰਜ ਕੀ ਬਾਸ ਜਿਉਂ ਐਂਚ ਮਲਿੰਦੈ ॥ ੨੫ ॥

ਸਵੈਯਾ—ਸੰਗਦੀਓ ਰਿਖਿ ਕੇ ਨ ਚਲੇ ਬਸ, ਸੋ ਦੁਖ ਨੈਨਨ
ਹੀ ਨਿਪ ਘੁਟਜੇ ॥ ਤਾ ਦਿਨ ਤੇ ਨ ਸੁਹਾਇ ਕਛੂ ਬਿਨ ਰਾਮ
ਹੀਯੋ ਬਨ ਮੇਂ ਜਨ ਲੂਟਜੇ ॥ ਸੀਸ ਧੁਨੇ ਧੁਨ ਬਾਤ ਕਹੇ, ਰਵਿ
ਕੇ ਕੁਲਤੇ ਸੁਖ ਜਾਨਤ ਛੂਟਜੇ ॥ ਨੈਨ ਚੁਚਾਤ ਰਹੈ ਨਿਸ
ਬਾਸਰ, ਜੈਸੇ ਰਿਸਾਤ ਰਹੈ ਘਟ ਫੂਟਜੇ ॥ ੨੬ ॥

ਸਵੈਯਾ—ਰਾਮ ਸੋਂ ਬਾਤ ਕਹੀ ਰਿਖ ਰਾਜ, ਤਪੋਬਨ ਜੋ ਤੁਮ
ਆਜਹੀ ਹੋਰੇ ॥ ਏ ਦੋਉ ਗੈਲ ਸੁਨੇ ਸੁਤ ਸੁੰਦਰ, ਏਕ ਤੇ ਦੂਰ
ਹੈ ਏਕ ਤੇ ਨੇਰੇ ॥ ਏਕ ਪਿਸਾਚਨਿ ਹੈ ਇਹ ਬੀਚ, ਚਲੇ ਕਿਉਂ
ਨਾ ਤਾਤ ਕਰੇ ਭਟ ਭੇਰੇ ॥ ਤਾਂ ਕੁਲ ਕਾਨਨ ਕੋ ਹਮ ਪਾਵਕ,
ਬੀਰ ਸਮੀਰ ਸਹਾਇਕ ਮੇਰੇ ॥ ੨੭ ॥

ਕਬਿੱਤ—ਰਾਜ ਰਿਖ ਜੱਗ ਮਿਸ ਲੈ ਚਲਜੇ ਲਵਾਇ ਸੰਗ, ਗੈਲ
ਹੀਂ ਮੇਂ ਤਾਰਕਾ ਕੇ ਪ੍ਰਾਨ ਪਧਰਾਇ ਹੈਂ ॥ ਹੈ ਹੈ ਜੱਗ ਪੂਰਨ
ਸੁ ਪਰਮਾਨੰਦ ਪੂਰਨ ਏ, ਪੂਰਨ ਨ ਤੇਈ ਜੇਵੈ ਰਾਮ ਬਿਸਰਾ
ਇ ਹੈਂ ॥ ਸੰਕਟ ਹਰਨ ਹਾਰ ਦਸਰਥ ਕੇ ਕੁਮਾਰ, ਜਾਂਕੀ ਲਾਜ
ਛਾਹਿ ਲੋਕ ਚਾਰੋਂ ਜੁਗ ਗਾਇ ਹੈਂ ॥ ਆਏ ਬੀਰ ਬੀਰ ਤਾ
ਪਿਸਾਚਨਿ ਕੇ ਤੀਰ ਦੇਖੇ, ਆਜ ਰਘੁਬੀਰ ਪਦ ਸੂਰਨ ਕੋ
ਪਾਇ ਹੈਂ ॥ ੨੮ ॥

ਸਵੈਯਾ—“ਦਿਗ ਸ੍ਰੀ ਰਘੁਬੀਰਨਿਹਾਰ ਨਿਸਾਚਰਿ, ਰੋਕ ਰਹੀ
ਮਗ ਕ੍ਰੋਧ ਭਰੀ ॥ ਧਰ ਭਯਾਨਕ ਰੂਪ ਮਹਾਂ ਅਤਿ ਦੀਰਘ,
ਬਾਤ ਕਛੂ ਮੁਖ ਤੇ ਉਚਰੀ ॥ ਪ੍ਰਭੁ ਲੈਕਰ ਬਾਨ† ਕਮਾਨ ਕੋ

*ਪਾਠਾਂਤਰ ਉਕਸਜੇ

†ਪਾਠਾਂਤਰ—ਤਾਨ ਕਮਾਨ ਕੋ ਬਾਨ

ਤਾਨ, ਹਨਯੋ ਤਿਹ ਭਾਲ ਸੁ ਭੂਮਿ ਗਿਰੀ ॥ ਕਰ ਕਾਲ ਭਯੋ
 ਰਘੁਨੰਦਨ ਕੇ, ਸੁ ਛਿਨੇਕ ਬਿਖੇ ਭਵ ਸਿੰਧ ਤਰੀ ॥ ੨੯ ॥
 ਦੋਹਰਾ ॥ ਤਾਂਹੀ ਦਿਨ ਨਿਰਖਯੋ ਸਬੈ ਬਰਨ ਬਿਰੰਚ ਸੁਰੇਸ਼ ॥
 ਮਨ ਹਰਖੇ ਬਿਲਖੇ ਬਹੁਰ ਫਣੀ ਕੁਬੇਰ ਮਹੇਸ਼ ॥ ੩੦ ॥
 ਦੋਹਰਾ—ਇਹ ਬਿਧ ਮੁਕਤ ਪਿਸ਼ਾਚਨੀ, ਕਰੀ ਰਾਮ ਬਲਵੰਡ ॥
 ਜਯੋਂ ਪਾਵਸ ਫਟ ਘਟਾ ਰਵਿ ਪ੍ਰਗਟਤ ਕਿਰਨ ਪ੍ਰਚੰਡ ॥ ੩੧ ॥

ਇਤਿ ਤਾਰਕਾ ਬਧ:

ਸੋਰਠਾ—ਚਲੇ ਚਮਕ ਦੇਉ ਬੀਰ, ਪਰ ਪਾਇਨ ਕੁਲ ਪੂਜ ਕੇ ॥
 ਧਰੇ ਧਨੁਖ ਮੁਖਤੀਰ, ਤਬਹਿ ਹਨੋ ਰਿਖ ਰਾਜ ਕਹਿ ॥ ੩੨ ॥
 ਸਵੈਯਾ—ਦੇਖ ਤਪੇ ਧਨ ਕੇ ਬਨੁ ਸ੍ਰੀ ਰਘੁਬੀਰ, ਸੁਬੀਰ ਬਡੇ
 ਸੁਖ ਪਾਯੋ ॥ ਤਾਲ ਤਮਾਲ ਬਿਸਾਲ ਕਦੰਬਨਿ, ਕੰਜ ਸਰੋਵਰ
 ਭੈਰ ਲੁਭਾਯੋ ॥ ਕੋਕਲ ਕੀਰ ਕਪੋਤ ਸਿਖੀ ਧੁਨਿ, ਹੰਸ ਚਕੋ-
 ਰਨ ਯੋਂ ਦਰਸਾਯੋ ॥ ਮਾਨਹੁ ਲੈ ਰਿਖ ਰਾਜ ਬਸੰਤਹਿ, ਰਾਮਕੀ
 ਦੇਹ ਸੋਂ ਕਾਮ ਮਿਲਾਯੋ ॥ ੩੩ ॥

ਸਵੈਯਾ—ਜੱਗ ਰਚਯੋ ਯਿਹ ਜਾਨਿ ਬਿਰੰਚਿ, ਸੁ ਬਾਹੂ ਮਰੀਚ
 ਸੁਮੀਚ ਕੋਪੇਲੇ ॥ ਯੋਂ ਗਰਜੇ ਫਟ ਭੂਮ ਗਈ, ਸਬ ਕਾਂਪ ਉਠੇ
 ਬਿਨ ਰਾਮ ਅਕੇਲੇ ॥ ਧਾਇ ਗਹੇ ਰਘੁਬੀਰ ਦੇਉ, ਇਕ ਭਾਗ
 ਗਏ ਇਕ ਜੀ ਪਰ ਖੇਲੇ ॥ ਮਾਨਹੁ ਪੈਨ ਪ੍ਰਚੰਡ ਬਲੀ, ਕਦਲੀ
 ਬਨ ਸੇ ਧਰਤੀ ਪਰ ਮੇਲੇ ॥ ੩੪ ॥

ਸਵੈਯਾ—“ਪੂਰਨ ਜੱਗ ਕੀਓ ਪਰਪੂਰਨ, ਬ੍ਰਹਮ ਜਗਾਂ ਨ ਤਹਾਂ
 ਦੁਚਿਤਾਈ ॥ ਨਾਮ ਲੀਏ ਅਘ ਬ੍ਰਿੰਦਰੈਂ, ਪੁਨ ਆਪਨ
 ਬਾਨ ਕਮਾਨ ਚਢਾਈ ॥ ਤਾਂ ਦਿਨ ਤੇ ਸੁਨ ਰਾਵਨ ਕੋ ਬਿਧਿ,
 ਬਾਵਨ ਜਯੋਂ ਰੁਚ ਮੀਚ ਬਢਾਈ ॥ ਦੇਵਨ ਜਾਇ ਕਹਯੋ ਸੁਰ
 ਰਾਜਹਿ, ਰਾਮ ਭਯੋ ਜਗ ਲੇਹੁ ਬਧਾਈ” ॥ ੩੫ ॥

ਦੋਹਰ—ਬੀਤਿਓ ਜੱਗ ਤਿਹੀ ਸਮੇ ਜਨਕ ਦੂਤ ਕਹ ਬਾਤ ॥
 ਸੀਯ ਸ੍ਰਯੰਬਰ ਲੇਤਹੈ ਪਗ ਧਾਰੋ ਪਰਭਾਤ ॥ ੩੬ ॥

(ਵਿਸ਼ਾ ਮਿਤ੍ਰਉਵਾਰ)

ਕਬਿਤ-ਰਾਮ ਲਛਮਨ ਜੁਸੇ ਬੋਲ ਕਹਜੇ ਕੁਲਪੂਜ ਆਯੋ ਹੈ
ਪ੍ਰਭਾਤ ਹੋਂ ਤੇ ਜਨਕ ਕੇ ਜਾਇ ਹੋਂ ॥ ਜੈ ਕਹੇ ਤੇ ਰਾਜਾ
ਦਸਰਥ ਜੁਪੈ ਪਹੁਚਾਉਂ ਨਾਹੀਂ ਸੰਗ ਚਲੇ ਤੁਮੈ ਕੋਤਕ ਦਿਖਾ
ਇਹੋਂ ॥ ਛੋਟੀ ਸੀ ਕਛੋਟੀ ਕਟ ਧਨ ਹੀ ਨ ਮੋਟੀ ਕਰ ਚੋਟੀ
ਧਰ ਕਹਜੇ ਨੈਕ ਹੋਂ ਹੂੰ ਤੇ ਚਵਾਇ ਹੋਂ ॥ ਰਾਜਾ ਤੇ ਜਨਮ
ਰਿਖਰਾਜ ਤੇ ਮੈਂ ਪਾਯੋ ਗੁਨ ਐਸੇ ਸ਼ਿਵ ਕੇ ਧਨਖ ਹੂੰ ਤੇ
ਗੁਨ ਪਾਇ ਹੋਂ ॥ ੩੭ ॥

ਕਬਿਤ-ਚਲੇ ਜਾਤ ਸੁਖ ਦੇਤ ਫੁਲੇ ਫੁਲ ਤੋਰ ਲੇਤ ਰਿਖ ਸੰਗ
ਬੀਰਨ ਕੀ ਸੋਭਾ ਇਹ ਭਾਂਤਿ ਹੈ ॥ ਕਿਧੋਂ ਦੇਵ ਤੁਈ ਕਿਧੋਂ
ਪੌਰਖ ਕੀ ਜਈ ਨਈ ਕਿਧੋ ਬੀਚ ਮੇਰ ਇਤ ਉਤ ਦਿਨ
ਰਾਤ ਹੈ ॥ ਕਿਧੋਂ ਰਵਿ ਸੰਗ ਨਵ ਨੀਰਧ ਅਨੰਗ ਕਿ ਤਰੰਗ
ਗੰਗ ਜਮਨਾਂ ਸੁਰਸਤੀ ਪਰਾਤ ਹੈ ॥ ਦੇਖ ਰੂਪ ਗੋਲ ਕੀ ਲੁ-
ਗਾਈ ਜੇ ਦੁਰਾਈ ਰਾਮ, ਸੰਗ ਉਲਟਾਈ ਨ ਫਿਰਾਈ ਫਿਰੀ
ਜਾਤ ਹੈ ॥ ੩੮ ॥

ਕਬਿਤ-ਆਇ ਗਏ ਜਨਕ ਕੇ ਦੇਸ ਮੈ ਨਰੇਸ਼ ਸੁਤ, ਰਿਖਿ
ਕੇ ਸੁਨੇ ਤੇ ਰਾਜਾ ਆਗੇ ਲੈਨ ਆਯੋ ਹੈ ॥ ਖੋੜਸੇ ਪਚਾਰ ਕਰ
ਪੂਜਾ ਕੁਲ ਪੂਜ ਜੂ ਕੀ, ਮਨ ਬਚ ਕਰਮ ਚਰਨ ਸੀਸ ਨਾਯੋ
ਹੈ ॥ ਪਾਛੇ ਬੂਝੀ ਕੰਨਕੇ ਕੁਮਾਰ ਤਾਤ ਤੇਰੇ ਸੰਗ ਸੁੰਦਰ ਸਪੂਤ
ਸੇ ਸੁਨਤ ਸੁਖ ਪਾਯੋਹੈ ॥ ਚਲੀਏ ਗੁਸਾਂਈ ਧਾਮ ਦੀਜੀਏ
ਬਡਾਈ ਮੋਹਿ ਯਹੈ ਦੁਚਿਤਾਈ ਧਨ ਕਾਹੂ ਨ ਚਵਾਯੋ ਹੈ ॥ ੩੯

ਕਬਿਤ-ਬੋਲਜੇ ਰਾਜਰਿਖ ਰਾਜਾ ਲਿਖੀਏ ਕਹਾਂ ਲੈ ਗੁਨ
ਦੇਖੀਏ ਜੋ ਦੇਉ ਬੀਰ ਬਡੇ ਰਘੁਨਾਥ ਹੈਂ ॥ ਲਛਮਨ ਛੋਟੇ
ਕੀਨੇ ਭੂਪ ਬਲ ਖੋਟੇ ਮੋਟੇ ਧਨੁਖ ਚਵਾਇਬੇ ਕੇ ਇਨ ਹੀ ਕੇ
ਹਾਥ ਹੈਂ ॥ ਰਘੂ ਕੁਲ ਕੇ ਤਿਲਕ ਬਲ ਹੈ ਮਿਲਕ ਜਾਕੀ ਦਸ
ਰਥ ਨੰਦ ਬੰਦੈ ਤੀਨੋ ਲੋਕ ਮਾਥ ਹੈ ॥ ਭਾਗ ਹੈਂ ਤਿਹਾਰੇ ਧਾਮ
ਇਨਕੇ ਮਿਧਾਰੇ ਪਗ ਜੱਗਜ ਕਾਜ ਲਜਾਯੋ ਤਬਹੀ ਤੇ ਮੇਰੇ

ਸਾਥ ਹੈਂ ॥ ੪੦ ॥

ਕਬਿੱਤ-ਸੁਨਯੋ ਜਬ ਨਾਮ ਕੁਲ ਪੁਲਕ ਪਸੀਨੋ ਨਿਪ ਧੂਪ
ਦੀਪ ਚੰਦਨ ਚਰਚ ਰਘੁਬੀਰਕੋ ॥ ਹੰਸ ਤਨ ਹਾਥ ਜੋਰ ਮਾਥ
ਨਜਾਇ ਨੈਨ ਮੀਚ ਦੀਜੈ ਦੇਵ ਬਲ ਰਾਮਚੰਦ ਭੁਜ ਤੀਰਕੋ
॥ ਜਨਕ ਕੋ ਮਨ ਰਾਮ ਇਨ ਹੀ ਪੈ ਟੂਟੈ ਧਨੁ ਮੀਨ ਰੂਪ
ਜਾਨਕੀ ਮਿਲਾਉਂ ਨਿਧ ਨੀਰਕੋ ॥ ਬਾਤ ਹੈ ਬਨਾਈ ਬਿਧ
ਰਾਜਾ ਸੋ ਜਨਾਈ ਰਿਖ ਮਾਨ ਮੇਰੇ ਬੋਲ ਗਾਂਠ ਦੇਹੁ ਨਿਜ
ਚੀਰ ਕੋ ॥ ੪੧ ॥

ਕਬਿੱਤ-ਪੂਜ ਕੁਲ ਪੂਜ ਕੋ ਨਿਵਾਇ ਸੀਸ ਚਲਯੋ ਨਿਪ
ਮਨ ਰਘੁਨਾਥ ਢਿਗ ਧਾਵੈ ਤਨ ਧਾਮਕੋ ॥ ਮਾਨੋ ਤਰੂ ਛਾਹੀ
ਕਿਧੋਂ ਚੀਤੋ ਰਬ ਮਾਹੀਂ ਜੈਸੇ ਧੁਜਾ ਫਰਰਾਹੀ ਤੈਸੇ ਦੇਖੈ ਪਾਛੇ
ਰਾਮ ਕੋ ॥ ਕੈਸੇ ਕੈ ਬਨਾਵੇ ਬਿਧ ਇਨ ਹੂੰ ਤੇ ਹੋਵੈ ਸਿਧ ਰਿਖ
ਤੇ ਕਹਯੋ ਹੈ ਜਸੁ ਇਨ ਹੀ ਕੇ ਨਾਮ ਕੋ ॥ ਐਸੀ ਹੂ ਜੋ ਕਾਨ
ਦੈਕੈ ਸੁਨੀਓ ਗਨੇਸ਼ਜੂ ਦਿਨੇਸ਼ ਔ ਨਿਸ਼ੇਸ਼ ਹੋਂ ਮਨਾਉਂ ਦੇਵ
ਬਾਮ ਕੋ ॥ ੪੨ ॥

ਕਬਿੱਤ-ਆਇ ਰਨਵਾਸ ਸਬ ਬਾਤ ਕਹੀ ਰਾਜਾ ਜਬ ਤਬ ਹੀ
ਤੇ ਨੈਨ ਲਾਗ ਰਹੇ ਵਾਹੀ ਓਰਕੋ ॥ ਦੇਹ ਸੋਂ ਸਨੇਹ ਭੂਲਿਓ
ਗ੍ਰਹ ਸੋ ਅਨੇਹ ਬਾਢਯੋ ਤੀਨੋ ਲੋਕ ਮਾਹਿ ਵਰ ਦੇਖਯੋ ਸੀਅ
ਜੋਰ ਕੋ ॥ ਐਸੀ ਪ੍ਰੀਤ ਲਾਗੀ ਮਾਨੋ ਚਾਤ੍ਰਿਕ ਜਜੋਂ ਸ੍ਵਾਤ ਘਨ
ਤਾਮਰਸ ਭੋਰ ਜੈਸੇ ਘਟਾ ਘਨ ਮੋਰਕੋ ॥ ਮੈਰੇ ਅਪਰਾਧ ਦੋਸ
ਕੋਨ ਸੀਸ ਧਰੋਂ ਆਜ ਮਾਰੈ ਕੋਊ ਮੋਲ ਲੈ ਕੁਬੋਲ ਮੇਰੇ
ਚੋਰ ਕੋ ॥ ੪੩ ॥

ਕਬਿੱਤ-ਜਨਕ ਕੀ ਰਾਣੀ ਸਬ ਦੇਖੋਂ ਰਾਜ ਧਾਨੀ ਚਢ ਬਾਲਕ
ਜੁਵਾ ਪੁਰਾਨੀ ਰਹੀ ਨ ਮਹਲ ਮੈਂ ॥ ਦੇਖੈਂ ਰਘੁਬੀਰ ਜੂਕੇ ਆਗੇ
ਲਾਗੇ ਐਸੇ ਨਿਪ ਜੈਸੇ ਸੂਰ ਆਗੇ ਪਟ ਬੀਜਨਾ ਸਹੱਲ ਮੈ ॥
ਜਾਨਕੀ ਨਿਹਾਰ ਛਬ ਮਨਹੀਂ ਮੇ ਰਹੀ ਦਬ ਬਿਧ ਸੋਂ ਨ ਆਵੈ
ਫਬਿਪ੍ਰਾਨ ਹੈਂ ਕਹੱਲਮੈਂ ॥ ਰਾਜਾ ਜੀ ਕੋ ਕਠਨ ਕੁਬੋਲ ਮੇਰੇ

ਏਈ ਪਤਿ, ਜਾਨਤਹੈਂ ਮਾਈ ਬਾਪ ਪਰਜੇ ਹੈ ਜਹੱਲ ਮੈਂ ॥ ੪੪

[ਜਨਕ ਪ੍ਰੋਹਤਉਵਾਰ]

ਕਬਿੱਤ-ਬਡੇ ਬਡਾਗੀ ਜੋਗਜੱਗ ਅਨੁਰਾਗੀ ਰਾਮ, ਆਜ ਕੋਉ
ਸੂਰ ਹੈ ਚਢੱਯਾ ਯਾ ਧਨਖ ਕੋ ॥ ਤਾਂਹੀ ਕੇ ਗਰੇ ਕੋ ਫੂਲ ਮਾਲ
ਜਸੁ ਟੀਕੇ ਭਾਲ, ਔਰ ਬੈਠਬੇ ਕੋ ਹੈ ਸਿੰਘਾਸਨ ਕਨਕ ਕੋ ॥
ਕੂੰਦਨ ਤੇ ਕੋਮਲ ਕਮਲ ਹੂੰਤੇ ਸੌਰਭ, ਸੁ ਐਸੀ ਜਾਨਕੀ ਕੋ
ਸੋਈ ਦੂਲਹੁ ਬਨਕ ਕੋ ॥ ਰਾਜਾ ਕੇ ਪਰੋਹਿਤ ਸਭਾ ਮੈ ਕਹੀ
ਉਂਚੇ ਟੇਰਿ, ਸਾਵਧਾਨ ਸੁਨੀਓ ਹੋ ਬੋਲ ਹੈ ਜਨਕ ਕੋ ॥ ੪੫ ॥

ਰਾਵਨ ਦੂਤਉਵਾਰ ਰਾਜਾ ਜਨਕ ਸੋ

ਸਵੈਯਾ-ਤੋਹਿ ਤੋ ਕਾਹੂੰ ਕੋ ਦੀਬੈ ਹੈ ਜਾਨਕੀ ਬਾਦਹੀ ਜੋਰ ਸੁ-
ਯੰਬਰ ਲੀਨੋ ॥ ਰੇ ਰਘੁਬੀਰ ਤੂੰ ਕਾਹੇਕੋ ਬਜਾਹਤ ਰਾਵਨ ਬਜਾ
ਹਨ ਕੋ ਮਨ ਕੀਨੋ ॥ ਭੂਪ ਕਹੀ ਧਨੁ ਆਨ ਚਢਾਵੈ ਤੋਂ ਮੈ
ਸੀਅ ਸੋ ਧਨ ਵਾਹੀ ਕੋ ਦੀਨੋ ॥ ਰੇ ਗੁਰ ਕੋ ਯਹ ਨੈਕੁਨਹੋਇ
ਤੋਂ ਬਾਂਟਤਿ ਟੂਕ ਤਿਹੂੰ ਪੁਰ ਤੀਨੋ ॥ ੪੬ ॥

ਸਵੈਯਾ-ਇੰਦੁ ਉਮਾ ਦੁਰਦਾਨਨ ਔਰ ਖੜਾਨਨ ਸੋਂ ਗਨ
ਬਿੰਦਨ ਜੇਤੇ । ਬਾਰਨ ਸਿੰਘ ਮਹੀਰੁਹ ਤਾਲ ਤਮਾਲ ਸਰੋਵਰ
ਔਰ ਨਕੇਤੇ । ਸੋ ਗਿਰਿ ਰਾਜ ਕੈਲਾਸ ਉਠਾਇ ਲਯੋ ਕਰ
ਬਾਮ ਡਰਜੇ ਨਹਿ ਲੇਤੇ । ਯੋਂ ਭੁਜ ਕੋ ਬਲ ਤੂੰ ਨਹਿ ਜਾਨਤ
ਬੁਝ ਲੈ ਮੂਢ ਜੁਰੇ ਨਿਪੁ ਏਤੇ ॥ ੪੭ ॥

ਰਾਜਾ ਜਨਕਉ ਵਾਰ ਰਾਵਨ ਦੂਤ ਸੋਂ

ਸਵੈਯਾ-ਤੈਂ ਹੀ ਕਹਜੇ ਦਿਜ ਰਾਵਨ ਕੋ ਬਲ ਸੋ ਸਭ ਸਾਚੁ ਨ
ਕੋਉ ਅਰੈ ॥ ਸੁਨ ਬੋਲ ਲੈ ਆਉ ਸੁਯੰਬਰ ਮੈ ਲਟ ਤੈਨ ਗਯੋ-
ਬਲੁ ਆਇ ਕਰੈ ॥ ਅਰ ਤੈਂ ਜੁ ਕਹੀ ਸ਼ਿਵ ਕੋ ਧਨੁ ਹੈ, ਤੋ
ਕਹਾਂ ਭਯੋ ਰੇ ਛਤੀਆਂ ਪ੍ਰਜਰੈ ॥ ਗੁਰ ਕੋ ਘਰ ਤੋਲਤ ਲਾਜ
ਭਈ ਨ ਕਮਾਨ ਚਢਾਵਤ ਲਾਜ ਮਰੈ ॥ ੪੮ ॥

ਦੋਹਰਾ-ਪਚਿ ਹਾਰਜੇ ਪੌਰਖ ਗਯੋ ਕਿਨ ਹੂੰ ਨ ਮਾਨੀ ਬਾਤ ॥
ਭੁਜ ਬਲ ਦੀਪ ਪ੍ਰਕਾਸ਼ ਬਿਨੁ ਕੈਸੇ ਹੈ ਤਮ ਜਾਤ ॥ ੪੯ ॥

ਕਬਿੱਤ-ਆਨ ਨਿਜਕਾਤ ਛੈ ਛੈ ਜਾਤ ਨ ਉਠਾਯੋ ਜਾਤ ਕ-

ਠਿਠ ਸੀ ਬਾਤ ਕਛੂ ਲਾਗਤ ਹੈ ਅਬਕੇ ॥ ਪਾਵਤੇ ਮਰਮ ਤੋਨ.
ਆਵਤੇ ਜਨਕ ਧਾਮ ਜਾਨਤ ਹੈਂ ਰੂਪ ਦੇਖ ਬਰ ਹੈਂ ਤੇ ਰਬ
ਕੇ ॥ ਈਹਾਂ ਕਛੂ ਕਠਿਨ ਕੁਪੇਚ ਆਗੇ ਆਨ ਡਾਰਜੇ, ਬਾਸਕ
ਸੁਮੇਰ ਸੋਂ ਨਿਰਖ ਜੀਮੈ ਦਬਕੇ ॥ ਫੂਟਯੋ ਨਿਜ ਕਰਮਨ ਲੂ-
ਟਯੋ ਸੁਖ ਜਾਨਕੀ ਕੋ ਟੂਟਯੋ ਨ ਧਨੁਖ ਟੂਟ ਗਏ ਮਨ ਸਬ
ਕੇ ॥ ੫੦ ॥

ਸਵੈਯਾ—“ਸੀਅ ਸੁਯੰਬਰ ਕਾਜ ਸਬੈ, ਧਨੁ ਤੋਰਨ ਕੇ ਭੁਜ ਠੋ-
ਕਤ ਬਾਈ। ਆਇ ਉਠਾਇ ਸਕੈਂ ਨ ਨਿਵਾਇਕੈ, ਨਾਰ ਖਿ
ਸਾਇ ਚਲੈ * ਹਰਵਾਈਂ। ਨਾਹ ਕੇ ਰੂਪ ਨਿਹਾਰਬੇ ਕੋ, ਮਹਿ-
ਮੰਡਲ ਕੀ ਕਿਹ ਮਾਹਿ ਲੁਗਾਈ। ਸ੍ਰੀ ਰਘੁਬੀਰ ਕੇ ਦੇਖਬੇ ਕੋ
ਸਭ, ਦੇਵ ਬਧੂ ਮਿਲ ਦੇਖਨ ਆਈ” ॥ ੫੧ ॥

ਸਵੈਯਾ—ਪੂਰਨ ਹੈ ਕਿਯੋ ਚਾਹਤ ਆਜ, ਬਿਰੰਚਿ ਮਨੋਰਥ ਜਾ-
ਨਕੀ ਜੀ ਕੋ। ਆਨ ਜੁਰਯੋ ਜੁ ਹੁਤੋ ਨਿਪ ਮੰਡਲ, ਲਾਗਤ ਹੈ
ਸਭ ਹੀ ਮਨ ਫੀਕੋ। ਰਾਮ ਅਖੰਡਲ ਸੋਂ ਤਿਨ ਮਧਜ ਬਿਰਾ-
ਜਤ ਹੈਂ ਸੁ ਲਏ ਜਸੁ ਟੀਕੋ। ਦੇਖ ਸਰੂਪ ਸਭੈ ਬਲਿ ਜਾਹਿ,
ਕਹੈ ਸਭ ਯੋਂ ਸੀਅ ਕੋ ਬਰ ਨੀਕੋ ॥ ੫੨ ॥

ਕਬਿੱਤ—ਜੋ ਲੋ ਰਘੁਕੁਲ ਕੇ ਤਿਲਕ ਤੀਨੋ ਲੋਕ ਪਤਿ, ਅੰ-
ਚਤ ਨ ਤੋਲੋ ਸਭ ਠੋਕੈਂ ਭੁਜ ਬਾਮ ਤੇ। ਪਾਗ ਪੇਚ ਖੈਂਚ ਦੈ
ਲਪੇਟ ਫੇਟ ਬਾਂਧੈਂ ਪਟ, ਅੰਡੇ ਅੰਡੇ ਆਵੈ ਪੈ ਨ ਟੂਟੈਂ ਡੀਮ
ਡਾਮ ਤੇ। ਰਾਜ ਰਿਖਿ ਆਗੇ ਰਘੁਬੀਰ ਸੰਗ ਬੀਰ ਦੇਖ, ਫੀਕੇ
ਸਬ ਲਾਗੈਂ ਜੈਸੇ ਦੀਪ ਰਵਿ ਧਾਮ ਤੇ। ਅੰਬਰ ਬਨਾਵਤ ਸੁਯੰ-
ਬਰ ਕੇ ਰਾਜਾ ਸਬ, ਕੰਬਰ ਸੇ ਹੈ ਗਏ ਪਟੰਬਰ ਸੇ ਰਾਮ ਤੇ ॥ ੫੩
ਦੋਹਰਾ—ਇਹ ਬਿਧਿ ਪਚਿਹਾਰੇ ਸਬੈ, ਕਠਿਨ ਧਨੁਖ ਕੀ
ਬਾਤ ॥ ਤਬ ਰਘੁਪਤਿ ਛਿਤਿ ਪਤਿ ਨ ਸੋਂ, ਬੋਲੇ ਮੁਖਿ ਮੁਸਕਾਤ ॥ ੫੪
ਸਵੈਯਾ—ਆਨਿ ਜੁਰੇ ਸਬ ਦੇਸਨ ਦੇਸ ਤੇ, ਆਜ ਨਰੇਸ ਕੁ-
ਲਾਹਲ ਭਾਰੀ। ਰੇ ਸ਼ਿਵ ਕੋ ਧਨ ਕਜੋਂ ਨ ਉਠਾਵਤ, ਆਵਤ

ਹੋ ਢਿਗ ਤੇ ਬਲਹਾਰੀ । ਸ੍ਰੀ ਰਘੁਬੀਰ ਕਹੀ ਸਬ ਸੋਂ ਭਾਈ
ਬੀਰ ਬਿਨਾਂ ਛਿਤਿ ਰੋਇ ਪੁਕਾਰੀ । ਦੇਖਹੁ ਹਾਥਲਗਾਇ ਸਭੈ
ਭਟੁ, ਨਾਕ ਚਲੀ ਕਟ ਨਾਕ ਤਿਹਾਰੀ ॥ ੫੫ ॥

ਸਵੈਯਾ-ਬੋਲ ਉਠਜੋ ਲਘੁ ਬੀਰ ਸੁਨੋ ਰਘੁਬੀਰ, ਕਹੋ ਛਿਨ
ਮਾਂਹਿ ਓਠਾਉਂ । ਸ੍ਰੀ ਮੁਖਤੇ ਨ ਕਹੋ ਕਛੁ ਦਾਸਹਿ ਭੋਂਹਨ ਕੋ
ਨੈਕ ਆਇਸ ਪਾਉਂ । ਪਾਇ ਛੁਵੇਂ ਰਿਖਿ ਕੇ ਅਬਹੀ, ਰਬਿਕੋ
ਕਰ ਬਾਮ ਸੋਂ ਜਾਇ ਉਚਾਉਂ । ਰਾਮ ਉਠਾਇ ਤੁਮੈ ਦਿਖਰਾਇ
ਕੈ, ਦੇਉਂ ਚਲਾਇ ਕਹੋ ਪਟਕਾਉਂ ॥ ੫੬ ॥

ਕਵਿਓਵਾਰ

ਦੋਹਰਾ-ਜਨਕ ਬਚਨ ਇਤ ਰਾਮਉਤ, ਕਠਿਨ ਧਨੁਖ ਅਤਿ
ਈਸ । ਸੀਅ ਜੀਅ ਕੀ ਅਤਿ ਦੁਚਿਤਈ, ਕਜੋਂ ਟਰਹੈ
ਜਗਦੀਸ ॥ ੫੭ ॥

ਸਵੈਯਾ-ਕੋਮਲ ਸ੍ਰੀ ਰਘੁਬੀਰ ਮਹਾਂ ਨਵਨੀਤ ਹੂੰ ਤੇ ਨਵਨੂਤ
ਨ ਮਾਈ । ਹੈ ਸ਼ਿਵ ਕੋ ਧਨੁ ਬੱਜ੍ਯ ਸਮਾਨ, ਸਸੀ ਰਵਿਤਾਸਸਕੇ
ਨ ਉਠਾਈ । ਤਾਤ ਕੋ ਬੋਲ ਅਡੋਲ ਸਬੈ, ਨਿਰਮੋਲਕ ਆਨ
ਬਨੀ ਦੁਚਿਤਾਈ । ਜਾਨ ਕੀ ਆਨ ਕੀ ਆਸ ਤਜੀ, ਕਿ ਬਰੋਂ
ਇਹ ਕੋ ਕਿ ਮਰੋਂ ਬਿਖੁਖਾਈ ॥ ੫੮ ॥

ਵਿਸ਼ਾਮਿਤ੍ਰਉਵਾਰ

ਦੋਹਰਾ-ਕਹਜੋ ਰਾਜ ਰਿਖਿ ਰਾਮ ਸੋਂ, ਪੂਤ ਕਜੋਂ ਨਜਸੁਲੇਹੁ ।
ਸਭਰਾਜਨ ਕੀ ਆਸ ਸੋਂ, ਕਰ ਦੁਟੂਕ ਧਨੁਦੇਹੁ ॥ ੫੯ ॥

ਕਬਿੱਤ- ॥ ਤੇਜ ਪੁੰਜ ਦੋਉ ਭਾਈ ਰਾਜਰਿਖਿ ਆਗਯਾ ਪਾਈ,
ਉਠੇਰਘੁਰਾਈ ਮਨਮਾਂਹਿ ਅਤਿ ਹਰਖੇ । ਪਾਇਸੋਂ ਲਗਾਇ ਏਕ
ਹਾਥ ਹੀ ਉਠਾਇ ਰਾਮ, ਔਰ ਰਾਜਨ ਕੇ ਬਲ ਤੇਹੀ ਘਰੀ
ਪਰਖੇ । ਸੁਰਗ ਪਤਾਲ ਮਿਲੇ ਅਚਲ ਤਮਾਲ ਗਿਰੇ, ਹਾਲ
ਚਾਲ ਪਰੀ ਮਨ ਸਭ ਹੀ ਕੇ ਧਰਖੇ । ਦੇਵਤਾ ਬਿਵਾਨ ਤੇ ਸੁਰੇਸ
ਕੇ ਦਿਵਾਨ ਤੇ, ਨਿਸੇਸ ਬ੍ਰਹਮ ਭਾਨ ਤੇ ਹਰਖ ਫੂਲ ਬਰਖੇ ॥ ੬੦ ॥
ਸਵੈਯਾ-ਗਾਢੀ ਕਸੀਸ ਲਗੀ ਕਰ ਕੀ, ਕਰਸੀ ਛਟਕੀ ਕ-

ਮਠੀ ਕਰਕੀ । ਅਰਿ ਕੀ ਛਤੀਆਂ ਧਰਕੀ ਫਰਕੀ ਛੁਟੀ
ਜੋਗ ਜੁਟੀ ਅਖੀਆਂ ਹਰਕੀ । ਪਲਕੀ ਖਰਕੀ ਹਰਿਕੀ ਨਿਧਿ
ਛੀਰ, ਧਰਾਧਰ ਕੀ ਅਹਿ ਉਪਰ ਕੀ । ਭਈ ਚਾਂਪ ਧੁਨੀ ਸੁ
ਮਹਾਂ ਡਰਕੀ, ਭਰਕੀ ਭਟ ਭੀਰ ਸੁਖੰਬਰ ਕੀ ॥ ੬੧ ॥

ਸਵੈਯਾ-ਤੋਰ ਕੁਵੰਡ ਕੀਓ ਬਿਬ ਖੰਡ, ਮਹਾ ਬਰਬੰਡ ਭੁਜਾ
ਬਲ ਤੇ । ਡਰਪਯੋ ਬ੍ਰਹਮੰਡ ਚਕ੍ਰੇ ਨਵ ਖੰਡ ਅਖੰਡਲ ਮੰਡਲ
ਭੂਤਲ ਤੇ । ਰਘੁਬੀਰ ਘਮੰਡ ਕੀਓ ਨਿਪ ਖੰਡ, ਚਲਯੋ
ਤਜਿ ਜਯੋ ਮਛਰੀ ਜਲ ਤੇ । ਪਛੁਤਾਤ ਖਿਸਾਤ ਚਲੇਈ
ਪੈਜਾਤ ਭਜੇ ਗਜ ਜਯੋ ਬਿਚਲੇ ਦਲਤੇ ॥ ੬੨ ॥

ਸਵੈਯਾ-ਚਾਂਪ ਕਹਯੋ ਬਡੇ ਪਾਪ ਕੈ ਹਾਥ, ਰਹਯੋ ਸ਼ਿਵ ਆਪ
ਨਿਕੰਦਨ ਜੂ ॥ ਪੁਨਿ ਮਾਇ ਕੋ ਮਾਰਤ ਸੰਕ ਕਰੀ ਨਾ
ਨਿਸੰਕ ਛੁਯੋ ਭ੍ਰਿਗੁਨੰਦਨ ਜੂ ॥ ਜੀਅ ਜਾਨਿ ਇਹੈ ਰਘੁਨਾਥ
ਕੋ ਹਾਥ, ਚਢਯੋ ਤਪ ਤੀਰਥ ਮੰਦਨ ਜੂ ॥ ਮਾਨੋ ਪ੍ਰਾਨ ਤਜੇ ਨ
ਭਯੋ ਭੁਅ ਮੰਡਲ, ਫਾਂਧ ਚਲਯੋ ਭਵ ਫੰਦਨ ਜੂ ॥ ੬੩ ॥

ਕਬਿੱਤ-ਜਾਨਕੀ ਕੋ ਰਾਮ ਰਾਮਚੰਦ ਕੋ ਪਰਸਰਾਮ, ਤਾਕੋ ਅਭਿ
ਮਾਨਦਿਜ ਮੰਡਲ ਅਸੀਸ ਕੋ ॥ ਰਾਵਨ ਕੋ ਕਾਮ ਕ੍ਰੋਧ ਕੁਹਠ ਕੁਪ-
ਤਿ ਦੂਤ, ਰਾਮ ਸੁਰਲੋਕ ਡਰ ਕਾਲ ਬਾਲਿ ਸੀਸ ਕੋ ॥ ਬੋਲ ਉਮਾ
ਨਾਹ ਕੋ ਅਨਲ ਲੰਕ ਦਾਹ ਕੋ ਸੁ ਦੁਖ ਸਿੰਧੁ ਜੀਵਨ ਕੋ ਜਸ
ਕਪਿਈਸ ਕੋ ॥ ਖੱਪਰ ਕੋ ਜੋਗਨੀ ਸੁ ਭੋਗਨੀ ਸੁਗ੍ਰੀਵ ਰਾਜ,
ਟੂਟਯੋ ਧਨੁ ਈਸ ਦੌਰ ਪਰੀ ਠੌਰ ਬੀਸ ਕੋ ॥ ੬੪ ॥

ਕਬਿੱਤ-ਰਾਜ ਰਿਖਿ ਬਾਤ ਕਹੀ ਭਲੀ ਪਤਿ ਰਹੀ ਰਾਜਾ,
ਰਾਜਾ ਦਸਰਥ ਜੂ ਕੋ ਬੇਗਹੀ ਬੁਲਾਈਏ ॥ ਕੁਟੰਬ ਸਮੇਤ ਔਰ
ਬਾਲਕ ਲੈ ਸੰਗ ਦੋਊ, ਨੈਨਨ ਸੋ ਪੂਤਨ ਕੋ ਬਿਜਾਹੁ ਦਿਖ-
ਰਾਈਏ ॥ ਮਾਨੀ ਸੋਈ ਕਰੀ ਦੂਤ ਬੋਲਯੋ ਤਿਹੀ ਘਰੀ, ਬਿਦਾ
ਕੀਨੋ ਕਹਯੋ ਪੌਨ ਸੰਗ ਰੈਨ ਦਿਨ ਧਾਈਏ ॥ ਸੀਰੀ ਭਈ
ਛਾਤੀ ਪਾਈ ਭਾਗਨ ਕੀ ਥਾਤੀ ਰਾਮ ਪਾਤੀ ਲਿਖ ਪਠਈ
ਬਰਾਤੀ ਹੁਕੈ ਆਈਏ ॥ ੬੫ ॥

ਕਬਿੱਤ-ਬਾਚੀ ਸੋਈ ਪਾਤੀ ਪ੍ਰੇਮਸੋਂ ਲਗਾਇ ਛਾਤੀ, ਰਾਜਾ
ਅਜਜੂ ਕੇ ਨਾਤੀ ਭਯੋ ਜਾਤੀ ਚਿਤ ਹਰਖਯੋ ॥ ਦੁੰਦਭੀ ਬਜਾਇ
ਕੁਲ ਪੂਜਨਕੇ ਪੂਜ ਪਾਇਦਾਨ ਐਸੇ ਦੀਨੋ ਮਾਨੋ ਬਾਦਰ ਜਜੋਂ
ਬਰਖਯੋ ॥ ਕਟਕ ਚਲਯੋ ਅਪਾਰ ਸੂਝਤ ਨ ਵਾਰ ਪਾਰ ਨੇਹ
ਡੋਰੀ ਡਾਰ ਭੂਪ ਮੀਨ ਜਜੋਂ ਅਕਰਖਯੋ ॥ ਭੇਟੇ ਚਾਰੋਂ ਪੂਤ
ਪੂਰਹੂਤ ਹੂੰਤੇ ਸੂਤ ਨੀਕੋ ਬਾਢਯੋ ਅਨੁਰਾਗ ਭਾਗ ਭਾਲ ਹੂੰ ਕੋ
ਪਰਖਯੋ ॥ ੬੬ ॥

ਸਵੈਯਾ-ਭੂਪ ਗਹੇ ਰਿਖਿ ਰਾਜ ਕੇ ਪਾਇ ਕਹਯੋ ਅਬ ਦੀਪ
ਭਰੋ ਸਭ ਘੀ ਕੋ ॥ ਧਾਇ ਕੈ ਲਾਇ ਲਏ ਉਰ ਸ੍ਰੀ ਰਘੁਬੀਰ
ਮਨੋ ਨਿਜ ਆਨੰਦ ਜੀ ਕੋ ॥ ਚੰਦਨ ਸੋਂ ਘਨ ਸਾਰ ਮਿਲੈ
ਘਸ ਰਾਮ ਮਿਲੇ ਸੁ ਮੁਹੂਰਤ ਨੀ ਕੋ ॥ ਆਨ ਬਸਿਸ਼੍ਟ ਕੀਓ
ਅਪਨੇ ਕਰ ਭਾਲ ਮੈਂ ਕੇਸਰ ਲਾਲ ਕੋ ਟੀਕੋ ॥ ੬੭ ॥

ਸਵੈਯਾ-ਬਜਾਹ ਕੀਓ ਕੁਲ ਇਸ਼੍ਟ ਬਸਿਸ਼੍ਟ ਅਰਿਸ਼੍ਟ ਟਰੇ ਘਰ
ਕੋ ਨਿਪ ਧਾਏ ॥ ਲੈ ਸੁਤ ਚਾਰ ਬਿਵਾਹ ਤਹੀ ਘਰੀ ਜਾਨਕੀ
ਤਾਤ ਸਬੈ ਸਮੁਦਾਏ ॥ ਸੋਨ ਭਏ ਅਪਸੋਨ ਸਭੈ ਪਥ ਕਾਂਪ
ਉਠੇ ਜੀਅ ਮੈ ਦੁਖ ਪਾਏ ॥ ਅੰਕ ਨਿਸੰਕ ਲਿਖੇ ਬਿਧਿ ਜੇ
ਅਬਤੇ ਬਿਧਿ ਹੂੰ ਕਬਹੂੰ ਨ ਮਿਟਾਏ ॥ ੬੮ ॥

ਕਬਿੱਤ-ਐਸੋ ਕੋਨ ਚਾਰਬਾਕ ਮਾਂਰੇਸੂਰ ਏਕੈ ਆਕ ਦੇਵ ਰਾਜ
ਕੋਨ ਰਾਂਕ ਤੋਰੈ ਜੋ ਧਨੁਖ ਕੋ ॥ ਨਾਰਾਇਨ ਛੀਰ ਨਿਧਿ ਸੇਖ
ਕੀ ਨ ਬਨੈ ਬਿਧ ਸੂਰਜ ਅਕਾਸ਼ ਵਹਿ ਸੋਂਪਯੋ ਹੈ ਜਨਕ ਕੋ
॥ ਕਾਹੂੰ ਚੀਟੀ ਲਾਗੋ ਪਾਂਖ ਕਾਹਿ ਜਮ ਮਾਰੈ ਕਾਂਖ ਸੁਨਿਯੋ ਹੈ
ਨ ਦੇਖਯੋ ਘੁਨ ਲਾਗੋ ਹੈ ਕਨਕ ਕੋ ॥ ਚਲਯੋ ਧਾਇ ਕਮਠੀ
ਚਢਾਇ ਫੁਰਕਾਇ ਆਂਖ ਬਾਂਈ ਜਗ ਸਾਂਈ ਬਾਤ ਕਛੂ ਨ
ਤਨਕ ਕੋ ॥ ੬੯ ॥

ਕਬਿੱਤ- ਜਾਨਕੀ ਬਿਵਾਹੀ ਰਾਮ ਰਾਵਰੀ ਦੁਹਾਈ ਫੇਰ ਸੋਚ
ਕਰ ਬਾਤ ਰਹਯੋ ਸੁਨਯੋ ਨ ਛਿਨ ਜਜੋਂ ॥ ਦਸਰਥ ਆਯੋ ਬਲ
ਬਹਤੇ ਜਨਾਯੋ ਹੋ ਅਨੰਤ ਫੂਲ ਚਲਯੋ ਸ ਬਸੰਤ ਕੈ ਸੇ ਦਿਨ

ਜਜੋਂ ॥ ਦੋਰਜੋ ਤੇਹੀ ਠਾਵਤੇ ਸੁ ਆਨਿ ਡਰਪਾਏ ਕੈਸੇ ਪਾਇ
ਹੈਂ ਸੁ ਕੈਸੇ ਜੈਸੇ ਦਾਰਦੀ ਕੇ ਰਿਨ ਜਜੋਂ ॥ ਕੀਬੋ ਬੁਰੇ ਕਾਮ
ਤਾਕੇ ਲੀਜੈ ਫਲ ਰਾਮ ਮੈਂ ਤੋ ਗੈਲ ਹੀ ਮੈ ਪਾਈ ਸੁਧ ਤੋਰਜੋ
ਤਾਨ ਤਿਨ ਜਜੋਂ ॥ ੭੦ ॥

ਸਵੈਯਾ-ਭਾਨੁ ਨਿਹਾਰ ਕਹਜੋ ਭ੍ਰਿਗੁ ਨੰਦਨ ਚੂਕ ਪਰੀ ਤਬ
ਯਾਂਹਿ ਨ ਮਾਰਜੋ ॥ ਜਾਨਤ ਹੈਂ ਨਿਜ ਬਾਹ ਕੁਠਾਰ ਫਲਜੋ
ਤਰੁ ਮੂਲ ਸਮੂਲ ਉਖਾਰਜੋ ॥ ਜਾਨ ਸੁ ਭੂਲ ਵਿਚਾਰ ਚਿਤੈਧਰ
ਯਾਂਹਿ ਪ੍ਰਲਯ ਜਲ ਬੋਰ ਨ ਡਾਰਜੋ ॥ ਏ ਜੀਅ ਮੈ ਇਹ ਭਾਂਤ
ਬਿਚਾਰਤ ਰਾਮ ਕਛੂ ਚਿਤ ਔਰ ਬਿਚਾਰਜੋ ॥ ੭੧ ॥

ਦੋਹਰਾ-ਬਿਸ਼੍ਵਾਮਿਤ੍ਰ ਬਿਸਿਸ਼੍ਵ ਰਿਖ ਨੋ ਗ੍ਰਹ ਸੁਭ ਨਿਜ ਠਾਇ ॥
ਸੀਅ ਜੀਅ ਸੁਖ ਕਬਹੂੰ ਨਾ ਲਹੇ ਪਰੇ ਕਰਮ ਕੇ ਪਾਇ ॥ ੭੨ ॥
ਕਬਿੱਤ-ਏਕ ਠੌਰ ਭਈ ਸੈਨਾ ਸਿਮਿਟ ਸਟ ਪਟਾਇ ਕਾਪੈ
ਸਹਜੋ ਜਾਇ ਤੇਜੁ ਐਸੋ ਜਜੋਂ ਅਰੱਕ ਕੋ ॥ ਕੌਨ ਧਰੈ ਧੀਰੀ
ਪਰੀ ਪੀਰੀ ਮੁਖ ਕਾਂਸ਼ੀ ਰਾਮ ਕਾਪੈ ਕਰ ਦੰਡ ਖੂਨੀ ਨਿਰਖਜੋ
ਖਲੱਕ ਕੋ ॥ ਲੈਕੇ ਸੁਤ ਸਾਥ ਜੋਰ ਹਾਥ ਇਤ ਭੂਪ ਘਟਿ
ਭਾਖਜੋ ਵਹਿ ਮਾਨਤ ਨ ਜਕੀ ਆਪ ਜੱਕ ਕੋ ॥ ਕਠਨ ਕੁਠਾਰ
ਕਰ ਧਰੇ ਜੋਗਵਰ ਦਿਜ ਆਯੋ ਬਿਕਰਾਲ ਜੈਤਵਾਰ ਚਾਰ
ਚੱਕ ਕੋ ॥ ੭੩ ॥

[ਪਰਸਰਾਮ ਉਵਾਚ ਰਾਜਾ ਦਸਰਥ ਸੋ]

ਸਵੈਯਾ- ਤੋਰਿ ਕੁਵੰਡ ਦੁਟੂਕ ਕੀਓ ਜਿਨ, ਸੋਬ ਕਹਾਂ ਹਮ
ਸੋ ਲਰਹੈ ॥ ਭ੍ਰਿਗੁ ਨੰਦ ਕਹੈ ਹੈਂ ਨ ਜਾਨਤ ਤਾਂਹਿ, ਸੁ
ਅੰਤਕ ਦੰਤਨ ਸੋ ਪਰਹੈ ॥ ਸਭ ਸੈਨ ਠਟੀ ਮੁਖ ਕ੍ਰਾਂਤਿ ਘਟੀ
ਬਿਪਰੀਤ ਗਟੀ ਘਟ ਕਜੋਂ ਟਰਹੈ ॥ ਪੁਨਿ ਤਾਂਹਿ ਕੁਰੰਗ ਤੇ ਭੈ
ਨ ਕਛੂ ਜਿਨ ਕੇ ਸੰਗ ਰਾਮ ਸੋ ਕੇਹਰ ਹੈ ॥ ੭੪ ॥

ਸੋਰਠਾ-ਦਸਰਥ ਸਕਲ ਸਮਾਜ ਸੁਤ ਤੀਅ ਬਧੂ ਬਿਭੂਤ
ਸੰਗ ॥ ਯਹ ਮਾਤੋ ਗਜਰਾਜ ਨਦੀ ਨਾਉ ਬੋਰਨ ਚਹਤ ॥ ੭੫ ॥

ਸਵੈਯਾ-ਕ੍ਰੋਧ ਪ੍ਰਚੰਡ ਕੀਓ ਮੁਨਿਨੰਦ ਅਖੰਡਲ ਜਜੋਂ ਡਰਪੈ

ਸਕੂਚਾਹੀ ॥ ਕੌਨ ਗਨੈ ਭੂਅ ਮੰਡਲ ਕੇ ਨਿਪ ਹੈ ਬਲਵੰਡ
ਸੁਤੇ ਘਰ ਮਾਹੀ ॥ ਠੋਕ ਰਹਜੇ ਭੁਜ ਦੰਡ ਕੁਠਾਰ ਸਮੇਤ ਧਰਾ
ਫਿਰ ਸੋਨਤਨਾਹੀ ॥ ਰਾਮ ਬਿਚਾਰ ਨ ਕਾਮ ਕੀਓ ਤੂੰ ਨ
ਜਾਨਤ ਮੋਹਿ ਬਢਜੇ ਧਰ ਛਾਹੀ ॥ ੭੬ ॥

ਕਬਿੱਤ—“ਕੌਨੈ ਸਿਖ ਦੀਨੀ ਤੋਹਿ ਤਾਂਕੇ ਤੂੰ ਬਤਾਇ ਮੋਹਿ
ਓਠਨ ਚਬਾਇ ਓਰ ਦੇਖੈ ਰਾਮਚੰਦ ਕੀ ॥ ਰਾਤੇ ਕਰ ਨੈਨ
ਧੂਰ ਨਾਕਤੇ ਸੁਸਾਇ ਤਿਨ ਰੋਕਜੇ ਨਾਕ ਜਾਇ ਤਹਾਂ ਸੂਰ
ਜੋਤਿ ਮੰਦਕੀ ॥ ਰਾਜਾ ਪਛੁਤਾਇ ਦੇਖੇ ਕੈਸੇ ਦੁਖ ਪਰਜੇ ਆਇ
ਤੋਰਜੇ ਗਜ ਚਾਹੈ ਬੇਲ ਆਨੰਦ ਕੇ ਕੰਦ ਕੀ । ਲੋਪ ਸੁਖ ਭਯੋ
ਧੋਪ ਦੀਨੋ ਬਿਧਿ ਕੇ ਪਰਾਧ ਕੋਪ ਦੇਖ ਓਪ ਮੁਖ ਘਟੀ ਅਜ
ਨੰਦਕੀ” ॥ ੭੭ ॥

ਦੋਹਰਾ—ਧਨਖ ਛੁਟਜੇ ਕਰ ਧਰ ਪਰਜੇ ਦਸਰਬ ਠੋਕਤ ਮਾਥ
। ਬਿਕਟ ਬਚਨ ਭ੍ਰਿਗੁ ਰਾਮਸੇਂ, ਬੋਲੇ ਹਸ ਰਘੁਨਾਥ ॥ ੭੮ ॥

ਰਾਮਚੰਦ੍ਰ ਵਾਰ

ਕਬਿੱਤ—ਲਾਗਜੇ ਸਿਹ ਦੇਖ ਜੇ ਮੈਂ ਰੋਖ ਹੈ ਧਨੁਖ ਤੋਰਜੇ, ਜਾ-
ਜਰੇ ਪੁਰਾਨੇਂ ਹੋ ਮੈਂ ਜਾਨਜੇ ਗਯੋ ਕਾਮ ਸੇਂ । ਸੋ ਤੇ ਐਸੀ ਹੋਨ-
ਹਾਰ ਗਵਰੋ ਕਹਾ ਬਿਚਾਰ, ਮਾਰਜੇ ਚਾਹੈ ਮਾਰ ਬੈਰ ਹੈਨ ਕੰਜ
ਘਾਮ ਸੇਂ । ਸੁਖ ਦੁਖ ਏਕਬਾਰ ਦਸਰਬ ਜੀਆ ਧਾਰ, ਜੈਸੇ
ਫਨਿ ਮਨੀਹਾਰ ਤੈਸੇ ਰਾਮ ਨਾਮ ਸੇਂ । ਕੈਸੇ ਹੈ ਹੈ ਦਈ ਮੇਰੇ
ਆਨੰਦ ਕੀ ਜਈ ਰਾਮ ਭਈ ਰਾਮ ਰਾਮ ਆਜ ਨਈ ਰਾਮ
ਰਾਮ ਸੇਂ ॥ ੭੯ ॥

(ਲਛਮਨੋ ਵਾਰ ਰਾਮਚੰਦ੍ਰ ਸੇਂ)

ਕਬਿੱਤ—ਮਹਾਂ ਰਣਧੀਰ ਮਹਾਂ ਬੀਰ ਲਘੁਬੀਰ ਹਸਿ ਬੋਲੇ ਐਸੇ
ਨੈਕੁ ਬੀਰ ਆਗਯਾ ਮੋਹਿ ਦੀਜੀਏ ॥ ਕਹੋ ਬਾਂਧਿ ਡਾਰੇਂ ਕਹੋ
ਦੇਸ ਤੇ ਨਿਕਾਰੇ ਕਹੋ ਬਾਰਧ ਉਤਾਰੇਂ ਕਹੋ ਜੁਰਾ ਕਾਟਲੀਜੀ
ਏ । ਕਹੋ ਕਵਿਕਾਂਸ਼ੀ ਰਾਮ ਕੇਤਕ ਪਰਸਰਾਮ ਨਾਮ ਸੁਨਿਜਾਕੋ

ਛਿਤਪਾਲ ਹੈਕੈ ਛੀਜੀਏ । ਮਾਰੇ ਮਹਾਂ ਪਾਪ ਛੀਨ ਲੈਹੋਂ ਤੂਨ
ਚਾਂਪ ਆਪ ਦੇਖੀਏ ਤਮਾਸੇ ਪੈ ਨ ਸਾਂਸੇ ਕਛੂ ਕੀਜੀਏ ॥ ੮੦ ॥

(ਰਾਮਚੰਦ੍ਰੋ ਵਾਰ ਪਰਸਰਾਮ ਸੋਂ)

ਕਬਿੱਤ- ਮੈ ਨ ਜਾਨਜੇ ਤੇਰੇ ਬਲ ਤੈਸੇ ਤਾਕੇ ਲਾਗਜੇ ਫਲਿ
ਕਠਿਨ ਕੁਠਾਰ ਧਾਰ ਕੰਠ ਪਰ ਧਰੀਏ । ਏਤੇ ਪਰ ਔਰਕਛੂ
ਬਾਤ ਆਵੈ ਤਾਤ ਹਾਥਕੀਜੈ ਸੋਈਭਾਵਤੀ ਪੈਰੋਖ ਕੋਨ ਕਰੀਏ
। ਐਸੇ ਕਛੂ ਕੁਲ ਕੇ ਸੁਭਾਉ ਹੈ ਹਮਾਰੇ ਰਾਮ ਮਾਰੇ ਮਾਰ ਖੱਯੈ
ਪੈ ਨ ਮਾਰੀਐ ਜੋ ਮਰੀਏ ॥ ਬੈਰੀ ਸਰਨਾਇ ਔਰ ਸੁਨੋਮੁਨੀ
ਰਾਇਗਾਇਬਾਹਮਨਸੇ ਲਰੀਏ ਤੋਪਾਇ ਕਾਕੇ ਪਰੀਏ ॥ ੮੧ ॥

(ਪਰਸਰਾਮੋਂ ਵਾਰ)

ਕਬਿੱਤ-ਦੇਖਨ ਜੋ ਪਾਉਂ ਤੋ ਪਠਾਉਂ ਜਮਲੋਕ ਹਾਥ ਦੂਜੇ ਨ
ਲਗਾਉਂ ਵਾਰ ਕਰੇਂ ਏਕਕਰਕੇ । ਮੀਜ ਮਾਰੇਂ ਉਰ ਤੇਉਖਾਰ
ਭੁਜਦੰਡ ਹਾਡ ਤੋਰਿ ਡਾਰੇਂ ਬਰ ਅਵਲੋਕ ਰਘੁਵਰ ਕੇ । ਕਾਸ਼ੀ
ਰਾਮ ਦਿਜ ਕੇ ਰਿਸਾਤ ਭਹਰਾਤ ਰਾਮ, ਅਤਿ ਥਹਰਾਤ ਗਾਤ
ਲਾਗਤ ਹੈ ਧਰ ਕੇ । ਸੀਤਾ ਕੇ ਸੰਤਾਪ ਮੇਟਿ ਪ੍ਰਗਟ ਪ੍ਰਤਾਪ
ਕੀਨੋ, ਕੇ ਹੈ ਵਹਿ ਆਪ ਚਾਂਪ ਤੋਰਜੇ ਜਿਨ ਹਰ ਕੇ ॥ ੮੨ ॥

(ਰਾਮਚੰਦ੍ਰੋ ਵਾਰ)

ਕਬਿੱਤ - “ ਜੋਈ ਕਰਜੇ ਚਾਹਤ ਹੋ ਸੋਈ ਕਰੇ ਇਤ ਆਇ
ਬੋਲਜੇ ਰਘੁਗਾਇ ਚਲਵੱਯਾ ਨੀਕੇ ਪੱਥ ਕੇ । ਤੋਰਜੇ ਮੈਂਧਨਖ
ਜਾਇ ਲਜਾਯੇ ਹੋਂ ਜਨਕੁ ਜਾਇ ਬੋਲਜੇ ਸੁਤ ਭੂਪ ਰੂਪ ਧਰੇ
ਮਨ ਮਥ ਕੇ । ਕਹੈ ਕਵਿ ਕਾਸ਼ੀ ਰਾਮ ਰਾਮ ਅਭਿ ਰਾਮ ਪ੍ਰਭੂ
ਕਰਨਾ ਕੇ ਧਾਮ ਦੈਨ ਹਾਰ ਮੋਖ ਗਥ ਕੇ । ਜਗਤ ਓਜਗਾਰੇ
ਭੁਜ ਭਾਰੇ ਯਹਿ ਬਾਤ ਸੁਨ ਨਿਕਸਕੈ ਨਜਾਰੇ ਭਯੋ ਪਜਾਰੇ
ਦਸਰਥ ਕੇ ॥ ੮੩ ॥ ”

(ਕਵਿਉ ਵਾਰ]

ਕਬਿੱਤ-ਤਰਨ ਤੇ ਤਾਤੇ ਭਯੋ ਰਾਤੇ ਭਯੋ ਨਖ ਸਿਖ ਬਿਖ ਸੇ
ਬਚਨ ਬੋਲੇ ਛਕਜੇ ਛੋਹ ਛਯੋ ਹੈ । ਭੋਂ ਹੈ ਚਵੀ ਚਵੀ ਆਂਖੈਂ
ਰਿਸ ਤੇ ਪਰਤ ਕਵੀ, ਕਹੈ ਕਵਿ ਕਾਸ਼ੀਰਾਮ ਐਸੇ ਬੇਖ ਭਯੋ

ਹੈ। ਕਾਂਪਤ ਅਧਰ ਲਰਬੇਕੀ ਹਰਿ ਬਰ ਵਾਹਿ ਸੰਬਰ ਕੈ ਕਹਰ
ਕੁਠਾਰ ਕਰ ਲਯੋ ਹੈ। ਦੇਖਤ ਹੀ ਹਾਥ ਰਘੁਨਾਥ ਕੇ ਧਨੁਖ
ਬਾਨ ਸਾਵਕ ਮੁਨੀਸ਼ਰ ਕੇ ਪਾਵਕ ਹੈ ਗਯੋ ਹੈ ॥ ੮੪ ॥

(ਪਰਸਰਾਮੋਵਾਰ)

ਕਬਿੱਤ—ਜੀਵਨ ਨ ਦੈਹੂੰ ਜਾਨ ਆਨ ਮਹਾਂ ਰੁਦ੍ਹ ਜੂਕੀ,
ਕਰੋਂਗੋ ਨਿਦਾਨ ਸੁਨਯੋ ਗਯੋ ਹੈ ਜੋ ਅਬਹੀ। ਰਿਖ ਕੇ ਸਪੂਤ
ਪੁਰਹੂਤ ਹੂੰ ਕੋ ਬੋਝ ਧਰੈ, ਕਾਸ਼ੀਰਾਮ ਬਾਰ ਬਾਰ ਬੋਲਤਗਰਬ
ਹੀ। ਆਂਖ ਤਰੇ ਆਨਤ ਨ ਔਰ ਭਟ ਜਾਨਤ ਨਾ, ਮਾਨਤ
ਨ ਉਛਰਿ ਉਛਰ ਆਵੈ ਤਬਹੀ। ਭਯੋ ਦਾਵੇ ਦਾਰ ਤੋ ਸੰਭਾਰ
ਕਰ ਮੋਸੋਂ ਰਾਰ, ਰਘੁਬੰਸੀ ਨਾਤੁਰ ਹਬਜਾਰਡਾਰ ਅਬਹੀ॥ ੮੫

(ਰਾਮਚੰਦ੍ਰੋ ਵਾਰ)

ਕਬਿੱਤ—ਤੁਮ ਸਭ ਹੀ ਕੇ ਗੁਰ ਮਾਨੀਅਤ ਪੁਰ ਪੁਰ, ਭੂਤਲ
ਕੇ ਸੁਰ ਤੁਮੈ ਦੀਜੀਯਤ ਦਾਤ ਹੈ। ਕਾਂਸ਼ੀਰਾਮ ਪੂਜਾ ਕਰੈਹਾਥ
ਜੋਰਿ ਪਾਇ ਪਰੈ, ਤੁਮ ਸੋ ਹਮਾਰੋ ਪ੍ਰਭੂ ਕਛੂ ਨ ਬਸਾਤ ਹੈ।
ਬੈਰੀਅਨ ਮਾਰਨੋਂ ਹੋਂ ਹਮ ਤੁਮ ਪਾਰਨੇ ਹੋਂ ਬੁਧਿ ਰਘੁਬੰਸਨਿ
ਕੀ ਐਸੀ ਦਿਨ ਰਾਤ ਹੈ। ਸੁਨੋ ਦਿਜ ਬੀਰ ਰਘੁਬੀਰ ਕਹੇ
ਹਮ ਪੈ ਅਸੀਸ ਕੇ ਦਿਵੱਯਾ ਕੋ ਕਸੀਸ ਕਰੀ ਜਾਤ ਹੈ॥ ੮੬ ॥

(ਪਰਸਰਾਮਉਵਾਰ)

ਕਬਿੱਤ—ਕਾਹੇ ਕੋ ਰੇ ਰਾਮ ਜਮ ਧਾਮ ਚਲਯੋ ਚਾਹਤ ਹੈ, ਖਲਕ
ਕ ਲਖਤ ਹੈ ਜੈਹੈਂ ਖਲਖਾਇਕੇ। ਭ੍ਰਿਕੂਟੀ ਚਢਾਇ ਅੰਗ
ਅੰਗ ਉਪਜਾਇ ਕ੍ਰੋਧ ਠਾਢੇ ਭਯੋ ਭਟ ਆਗੈ ਸਬ ਹੀ ਦਬਾਇ
ਕ। ਕਾਂਸ਼ੀਰਾਮ ਤਬਦਲ ਬਲ ਦਸਰਬ ਜੂਕੋਦਿਜ ਕੇਦਮਾਕ
ਦੇਖ ਗਯੋ ਦਹਿਲਾਇਕੈ॥ ਐਸੀ ਬਾਤ ਸੁਨਿ ਸੀਸ ਧੁਨਿਧੁਨ
ਮੁਨਿ ਪਤਿ ਬੋਲਯੋ, ਬਰਬੰਡ ਪੁਰਹੂਤ ਜਯੋਂ ਰਿਸਾਇਕੈ॥ ੮੭ ॥

(ਰਾਮਚੰਦ੍ਰੋ ਵਾਰ)

ਕਬਿੱਤ—ਅੱਤ੍ਰਕੇ ਚਲੱਯਾ ਛਿਤ ਛਤ੍ਰਕੇ ਧਰੱਯਾ ਛੱਤ੍ਰੀ, ਛਹੂੰ
ਰਿਤ ਛਕੇ ਰਿਸ ਕਲਹ ਸੁਹਾਤ ਹੈ। ਕਾਂਸ਼ੀਰਾਮ ਰਾਮਰਣਧੀਰ
ਹੁ ਕਹਿਣ ਲਾਗੇ ਕੈਸੇ ਹਮ ਤੋਰੇਂ ਗਾਤ ਕੰਜ ਕੈਸੇ ਪਾਤ ਹੈ।

ਅੰਗ ਲਪਟਾਏ ਮਹਾਂ ਬੈਰ ਸੇਂ ਬਢਾਏ ਕੋਪ, ਮੁਖ ਆਏ ਕਾਲ.
ਕੇ ਜੀਅਤ ਕੌਨ ਜਾਤ ਹੈ। ਨਿਗਮ ਕੇ ਭਾਂਡੇ ਕਤ ਬੋਲਤ
ਬਚਨ ਬਾਢੇ ਕਾਹੇ ਕੋਰੇ ਪਾਂਡੇ ਗਾਂਡੇ ਹਾਥਨ ਸੇ ਖਾਤ ਹੈ ॥੮੮॥

(ਪਰਸਰਾਮੋਵਾਰ)

ਕਬਿੱਤ-ਸਹੱਸਾਈ ਮਾਰਜੇ ਮੈਂ ਸਹੰਸੂ ਬਾਹੁ ਮਹਾਂਬਲੀ, ਨਰਿਨ
ਕੇ ਨਾਹਦਾਹ ਤਉ ਨ ਸਿਰਾਤਿ ਹੈ। ਕੀਨੋਯਿਹਪ੍ਰਨ ਤਰਪਨ
ਤੇਰੇ ਰਕਤ ਕੋ, ਜੈ ਲੋ ਘਟ ਪ੍ਰਾਨ ਤੋ ਲੋ ਆਨ ਨ ਸੁਹਾਤ ਹੈ।
ਕਾਸ਼ੀਰਾਮ ਰਾਮ ਸੇਂ ਪਰਸਰਾਮ ਐਸੇ ਕਹਿਯੋ ਗਹੈਜੋ ਹਥਯਾਰ
ਸੋਈ ਹੋਤ ਪਾਤਪਾਤ ਹੈ। ਬਾਂਧਤ ਜੇ ਖਾਂਡੇ ਤੇਨ ਛਾਂਡੇ ਮੈ ਜੀਅਤ
ਖਾਂਡੇ, ਖੰਡਪਤਿ ਡਾਂਡੇ ਪਾਂਡੇ ਐਸੇ ਗਾਂਡੇ ਖਾਤ ਹੈ ॥ ੮੯ ॥

(ਰਾਮਚੰਦ੍ਰੋ ਵਾਰ)

ਕਬਿੱਤ-ਛੱਤ੍ਰੀ ਛੱਤ੍ਰ ਈਸਨ ਕੇ ਅੰਗ ਜਗਦੀਸਨ ਕੇ, ਕੋਪ
ਕਰਜੇ ਮਨ ਮਾਹਿ ਬਾਹੈਂ ਉਕਸਾਇਬੇ। ਭਿਕੁਟੀ ਚਢਾਇ
ਰਘੁਰਾਇ ਯੋਂ ਕਹਨ ਲਾਗੇ, ਕਾਸ਼ੀਰਾਮ ਮੇਰੇ ਤੇਜੁ ਕਾਂਪੈ
ਸਹਜੇ ਜਾਇਬੇ। ਰੇਨਕਾ ਕੇ ਢੋਟਾ ਨੈਕ ਪੋਟਾ ਹੁੰਕੈ ਮਾਰੇ, ਲੋਟਾ
ਪੋਟਾ ਹੁੰਕੈ ਜੈਹੈਂ ਕਹੂੰ ਢੂਢੇ ਹੂੰ ਨ ਪਾਇਬੇ। ਬਹੁਤ ਬਚਯੋ ਹੈ
ਛੱਤ੍ਰ ਧਾਰੀ ਦਸਰਥ ਸੋਹ, ਬਾਮਨ ਭਿਖਾਰੀ ਅੱਤ੍ਰ ਧਾਰੀ
ਕਹਵਾਇਬੇ ॥ ੯੦ ॥

(ਪਰਸਰਾਮਉਵਾਰ)

ਕਬਿੱਤ-ਅੱਤ੍ਰ ਛਡਵਾਇ ਦੋਉ ਕਰ ਜੁਰਵਾਇ, ਦਸੇ ਨਖ ਮੁਖ
ਦਵਾਇ ਆਪਨੋ ਕੈ ਛੁਟਕਾਯੋ ਹੈ। ਮੀਚਨ ਡਰਾਇ ਬਾਰਬਾਰ
ਸਤਰਾਇ ਆਜੁ ਹੈ ਗਯੋ ਸਿਪਾਹੀ ਮੋਸੋਂਤਾਹੀ ਕੋ ਤੂ ਜਾਯੋ ਹੈ।
ਕਹੇ ਕਾਸ਼ੀਰਾਮ ਤਬ ਰਾਮ ਸੇਂ ਪਰਸਰਾਮ ਸਿਖਜ ਦੇਵਬਾਮ
ਜੁਕੇ ਨੀਕੇ ਕੈ ਸੁਨਾਯੋ ਹੈ। ਜਾਂਕੀ ਸੋਹੈਂ ਖਾਤ ਅੱਤ੍ਰਧਾਰੀ
ਕਹਿ ਕਹਿ ਜਾਤ, ਤਾਹੀਪੈਮੈਂਦਸ਼ਨ ਤਿਨੂਕਾਪਕਰਾਯੋ ਹੈ ॥੯੧॥

ਰਾਮਚੰਦ੍ਰ ਉਵਾਰ

ਕਬਿੱਤ-ਫਾਰਤੇ ਕਪੋਲ ਬੋਲ ਬੋਲਤ ਹੀ ਬਾਮਨ ਕੇ ਡਾਰਤੇ
ਉਖਾਰ ਦਾੜ ਜਮੀ ਜੇ ਬਦਨ ਮੈ। ਜੀਤ ਬੀਰ ਖੇਤ ਪਠੈ ਦੇਤ

ਜਮਲੋਕ ਤੋਹਿ, ਲੇਤੇ ਸਬ ਛੱਤ੍ਰਨਕੋ ਬੈਰ ਏਕ ਛਿਨ ਮੈ।
ਕਹਾ ਕਰੋਂ ਹਤਯਾ ਪ੍ਰਾਨ ਅਬ ਜੋ ਤਿਹਾਰੇ ਹਤੋਂ ਸੁਭਟਕਹਾਇ
ਕਰ ਠਾਢੇ ਹੋਤ ਰਨ ਮੈ। ਯਹੈ ਜਾਨ ਨਾਤੇ ਏਕ ਬਚਯੋ ਹੈ ਰੇ
ਬਾਮਨ ਕੇ, ਕਾਸ਼ੀਰਾਮ ਸਮਝਿ ਸਮਝ ਕਰ ਮਨ ਮੈ॥ ੯੨ ॥

ਪਰਸਰਾਮਉਵਾਰ

ਕਬਿੱਤ-ਟੁਟਿਟਾਟ ਗੋਸ਼ਾ ਗਏ ਫੁਟਿਫਾਟ ਮੂਠ ਗਈ, ਜੇਵਰ
ਨ ਰਾਖਯੋ ਜੋਰ ਜਾਨਤ ਜਗਤ ਹੈ। ਸੂਰਜ ਜਰਾਯੋ ਬਾਰਿ ਬੋਰ
ਕੈ ਸਿਰਾਯੋ ਮਹਾਂ, ਮੇਘਨ ਸੰਤਾਯੋ ਸੀਤ ਤਾਮੋ ਕਹਾਂ ਸਤ ਹੈ।
ਰੰਗ ਗਯੋ ਉਖਰ ਕੁਰੰਗ ਭਯੋ ਪਰੇ ਪਰੇ, ਡਾਰੇ ਉਘਰਾਰੇ
ਮਾਰੇ ਫੂਕ ਕੇ ਉਡਤ ਹੈ। ਕਾਸ਼ੀਰਾਮ ਰਾਮ ਸੋਂ ਪਰਸਰਾਮ
ਐਸੇ ਕਹਯੋ, ਤੋਰਕੈ ਧਨੁਖ ਐਸੇ ਐਸੇ ਬਲਕਤ ਹੈ॥ ੯੩ ॥

(ਰਾਮਚੰਦ੍ਰਉਵਾਰ)

ਕਬਿੱਤ-ਬਾਮਨ ਭਿਖਾਰੀ ਤਿਨ ਧਾਰੀ ਤਿਨ ਤੂਲ ਤੂਛ, ਭੂਖ-
ਨ ਕੇ ਭੂਖੇ ਮਹਾਂ ਤੋਸੋਂ ਕਹਾ ਕਹੀਏ। ਨਾਵੈਂ ਹਾਥ ਬਾਂਬੀ ਪੈ ਨ
ਆਵੈ ਮੰਤ੍ਰ ਬੀਛਨ ਕੇ, ਤਾਂਤੇ ਤੇਰੀ ਬਾਤੈ ਸੁਨਿ ਸੁਕਚਾਇ
ਰਹੀਏ। ਹਮਕੋ ਅਜਸ ਤੋਸੋਂ ਬਾਧੈਂ ਤਰਕਸ, ਅਨਰਸ ਕਰੋਂ
ਬਾਨਨ ਸੋ ਤਾਂਤੇ ਸਬ ਸਹੀਏ। ਕਾਸ਼ੀਰਾਮ ਕਹੈ ਰਘੁਬੰਸਨਿ
ਕੀ ਰੀਤ ਯਹ, ਜਾਸੋਂ ਕੀਜੈ ਮੋਹਤਾਸੋਂ ਲੋਹ ਕੈਸੇ ਗਹੀਏ॥ ੯੪

ਕਬਿੱਤ-ਰਾਜਨ ਕੇ ਪੂਤ ਮਹਾਂ ਬਲੀ ਅਤਿ ਕੋਪ ਆਏ, ਧਨੁ-
ਖ ਨ ਚਢਯੋ ਸਭ ਹਾਰੇ ਜੋਰ ਕੋਰ ਕੈ। ਦਾਂਕ ਭਰ ਹਾਥ ਲੀਨੇ
ਟੂਟਯੋ ਬਿਨ ਜੋਰ ਕੀਨੇ ਤਾਂਤੇ ਤੋਰਿ ਡਾਰਯੋ ਕੇਉ ਸਕਯੋ ਹੈ ਨ
ਤੋਰਕੈ। ਕੋਧ ਜੀਅ ਭਯੋ ਤੇਰੇ ਸੁਨ ਹੋ ਪਰਸਰਾਮ, ਬਿਨਤੀ
ਕਰਤ ਤਾਂਤੇ ਦੋਉ ਕਰ ਜੋਰਕੈ। ਤੁਮ ਸੋਂ ਨ ਜੋਰ ਚੋਰ ਭੂਪਨ
ਕੇ ਭੋਰ ਰੂਪ, ਕਾਕਰੀ ਕੇ ਚੋਰ ਕਾਹੂ ਮਾਰਯੋ ਹੈ ਨ ਦੋਰਕੈ॥ ੯੫
ਦੋਹਰਾ-ਦੇਖਿ ਰਾਮ ਕੀ ਦੀਨਤਾ, ਸਬ ਸਮਝਾਵਤ ਤਾਹਿ ॥
ਇਕ ਮੀਠੀ ਨਿਜ ਸੁਜਸ ਕੀ, ਬਾਤੈਂ ਰੁਚੈਂ ਨ ਕਾਹਿ ॥ ੯੬ ॥

[ਰਿਖਿਉਵਾਰ]

ਕਬਿੱਤ-ਰਾਮ ਅਭਿਰਾਮਘਨ ਸ਼ਯਾਮ ਸੁਠ ਕਾਮ ਹੁੰਤੇ, ਤਾਂਤੇ ਹੋ

ਪਰਸਰਾਮ ਕ੍ਰੋਧ ਮਤਿ ਛੇਰੀਏ। ਧਨੁਖ ਪੁਰਾਨੋ ਟੂਟਿ ਗਯੋ ਵਹ।
ਜਾਨ ਦੇਹਿ ਕੌਨ ਕਾਜ ਬੈਰ ਬਡੋ ਕੀਜੈ ਬਾਤ ਬੇਰੀਏ। ਬਾਲਕ
ਬਿਨੋਦਨ ਤੇ ਜੀਅ ਮੈ ਰਿਸਯੈ, ਤਾਂਕੋ ਧਨੁਖ ਚਢਯੈ ਕਹੋ
ਪ੍ਰੀਤ ਕਾਸੋ ਲੋਰੀਐ। ਬਾਤ ਤੇ ਬਿਹਾਨੀ ਸੋ ਚਲਯੈ ਨ ਕਹਾ-
ਨੀ, ਰਾਨੀ ਰਮਾ ਸੋ ਨ ਰਾਮ ਰਾਮ ਦਾਰਦ ਸੋ ਜੋਰੀਏ॥ ੯੭ ॥

[ਕਵਿਉਵਾਰ]

ਦੋਹਰਾ—ਪੁਹਮਿ ਪਾਇ ਗਾਢੇ ਨਿਰਖ ਦੀਏ ਸੁ ਜਸ ਲੀਏ ਸਾਥ
॥ ਮੁਖ ਬੋਲਯੋ ਮਨ ਮੈ ਕਹਯੋ, ਏਹ ਅਚੁਤ ਰਘੁਨਾਥ ॥ ੯੮ ॥

ਦੋਹਰਾ—ਸਨਮੁਖ ਦੇਖਤ ਮੋਹਿ.ਰਣ, ਕੌਨ ਸੂਰ ਠਹਰਾਇ ॥
ਲੈ ਪਰਚੋ ਤਪ ਕੋ ਚਲੋ, ਭੇਟ ਭੁਜਾ ਰਘੁਰਾਇ ॥ ੯੯ ॥

ਕਬਿੱਤ—ਐਂਚਯੋ ਹਰ ਬਾਰ ਬਾਰ ਯਾਹੀ ਤੇ ਨਿਸਾਰ ਧਨੁ, ਰਾ-
ਜਨ ਚਢਾਯੋ ਹੋ ਹਜਾਰ ਬਾਰ ਪਾਇਦੈ। ਤਾਂਕੋ ਚਾਹੀਏ ਨ ਬਲ
ਤੋਰਤ ਨ ਲਾਗੈ ਪਲ, ਤਾਂਤੇ ਅਭਿਮਾਨ ਰਾਮ ਕੋਸਕ ਚਲਾ-
ਇਦੈ। ਤੋ ਹੋਂ ਛਾਡ ਜਾਊਂ ਤੋਹਿ ਸਾਚੀ ਕਹਿ ਬਾਤ ਮੋਹਿ ਰਾਮ
ਅਵਤਾਰ ਹੋਹਿ ਮੋਹੂ ਕੋ ਬਤਾਇ ਦੈ। ਤੇਰੇ ਬਲ ਮਾਨੋਂ ਸਹੀ
ਜੇਤੂੰ ਕਰੇ ਮੇਰੀ ਕਹੀ ਮੇਰੇਈ ਧਨੁਖ ਲੈਕੈ ਮੋਹੂ ਕੋ ਚਢਾਇ
ਦੈ ॥ ੧੦੦ ॥

ਦੋਹਰਾ—ਬਹੁਤ ਸਹੀ ਯਾਕੀ ਕਹੀ, ਕਿਤ ਕੁਵੰਡ ਭ੍ਰਿਗੁ ਬੰਸ।
ਅਬ ਲਛਮਨ ਬਿਨਤੀ ਕਰੇ, ਰਘੁਕੁਲ ਮਾਨਸ ਹੰਸ ॥ ੧੦੧ ॥

ਕਬਿੱਤ—ਕਾਹੂੰ ਕੋ ਧਨੁਖ ਕਾਹੂੰ ਤੋਰਯੋ ਕਾਹੂੰ ਰਾਖਯੋ ਘਰਿ,
ਕਹੋ ਯਾਕੀ ਗਾਂਠ ਤੇ ਕਹਾ ਹੈ ਭਯੋ ਛੀਜਨੋ। ਗਾਲਕੋ ਬਜਾਇ
ਡਰਪਾਇ ਮਾਰੇ ਸਬੈ ਲੋਗ, ਤਾਹੂ ਪਰ ਦੇਖੋ ਰਘੁਨਾਥ ਹੀਸੋਂ
ਖੀਜਨੋ। ਕਹੈ ਰਘੁਬੀਰ ਸੁਨਿ ਬੀਰ ਰੋਖ ਛਾਡੋ ਤੁਮ ਮੇਘ
ਮਹਾਂ ਗਾਜੇ ਬਿਨ ਬਰਖੇ ਨ ਭੀਜਨੋ ॥ ਤਉ ਤੋ ਗੁਸਾਈਂ ਦੇਖੋ
ਬਾਮਨ ਢਿਠਾਈ ਰਾਮ, ਸੂਰਜ ਕੇ ਤੇਜ ਕੋ ਡਰਾਵੈ ਪਟ ਬੀਜ-
ਨੋ ॥ ੧੦੨ ॥

ਕਬਿੱਤ—ਕਹੋ ਤੋਰ ਡਾਰੋਂ ਕਹੋ ਯਾਹੀ ਫਿਰ ਮਾਰੋਂ, ਜੋ ਕਹੋ ਤੋ

ਕਾਨ ਲਾਇ ਐਂਚ ਰਾਖੇਂ ਸਾਤ ਦਿਨ ਮੈਂ । ਜੋ ਕਹੇ ਤਿਹਾਰੇ
ਬਲ ਪਾਇ ਬਾਏਂ ਹਾਥ ਨਾਥ, ਆਂਗੂਰੀ ਸੇਂ ਮੇਰ ਮਲ ਡਾਰੇਂ
ਯਹ ਕਿਨ ਮੈਂ । ਛੈਮੁਖਿ ਮਹੇਸ ਐ ਗਨੇਸ਼ ਐ ਸੁਰੇਸ, ਅਲਿ-
ਕੇਸ ਹੂੰ ਜੋ ਬੋਲੇ ਬਲ ਦੇਖਤ ਨ ਤਿਨਮੈਂ । ਕਾਇਸ ਚੁਕਾਉਂ
ਨਿਜ ਕ੍ਰੋਧ ਮੈ ਜਰਾਉਂ ਧਨ, ਆਇਸ ਜੋ ਪਾਉਂ ਤੇ ਚਢਾਉਂ
ਰਾਮ ਛਿਨ ਮੈਂ ॥ ੧੦੩ ॥

(ਕਵਿਉਵਾਚ)

ਦੋਹਰਾ—ਧਰਜੇ ਨ ਦੂਜੇ ਧਨੁਖ ਸਰ, ਸਰਨਾਗਤਿ ਨਹ ਦੀ-
ਨ। ਸੁਰਪਤਿ ਹੂ ਸੇਂ ਰਘੁਪਤੀ, ਲਟ ਮੁਖ ਬਾਤ ਕਹੀਨ ॥ ੧੦੪ ॥
ਸਵੈਯਾ—ਸੇਵਕ ਥਾਪ ਨ ਦੂਰ ਕੀਓ ਜਿਨ, ਚੁਕ ਪਰੀ ਮੁਖਤੇ
ਹਸ ਦੀਨੇ । ਦਾਨ ਦੀਓ ਜਿਨਕੋ ਤਿਨ ਪਾਇ, ਨ ਮਾਂਗਬੇਕੋ
ਬਹੁਰੇ ਮਨ ਕੀਨੇ । ਬੋਲ ਕਹਯੋ ਸੁ ਕਹਯੋ ਨ ਫਿਰਜੇ, ਅਰ
ਸੀਅ ਵਿਵਾਹ ਕੈ ਬਿਜਾਹ ਨ ਕੀਨੇ । ਏਕਹਿ ਬਾਨ ਹਨਯੋ
ਰਿਪੁ ਮੰਡਲ, ਸ੍ਰੀ ਰਘੁਬੀਰ ਸਦਾ ਬ੍ਰਤ ਲੀਨੇ ॥ ੧੦੫ ॥

(ਕਵਿਉਵਾਚ)

ਕਬਿੱਤ—ਬਾਨ ਭਰ ਛਾਇ ਲੋਹ ਕਾਨ ਸੇਂ ਲਗਾਇ ਜਿਹ ਜਿਹ
ਪਕਰਾਇ ਲਾਗਯੋ ਕਰਨ ਨਿਦਾਨ ਸੇ । ਦੇਖੇ ਬੀਰ ਦੇਖੇ ਬਾਪ
ਖੈਂਚਯੋ ਪ੍ਰਤਾਪ ਜਾਨੇ, ਚਾਪ ਚਿਰਗਾਨੇਂ ਅਰਗਾਨੇਂ ਅਸਮਾਨ
ਸੇ । ਕਾਸ਼ੀਰਾਮਰਾਮਕੇ ਰਿਸਾਤ ਭਹਰਾਤ ਰਾਮ ਭਲੀ ਸੁਧਸਾਤ
ਪਰਜੇਉਪਰ ਮਸਾਨ ਸੇ । ਦਿਜਬਰ ਖੋਯੇ ਗਯੋਭਿਰ ਭਜ ਭੀਤ
ਭਯੋ, ਜਜੇਂ ਹੀ ਕਰ ਲਯੋ ਦਯੋ ਤਜੇਂ ਹੀ ਕਰ ਮਾਨਸੇ ॥ ੧੦੬ ॥
ਸਵੈਯਾ—ਰਾਮ ਕਹਯੋ ਮੁਨਿ ਨੰਦਨ ਸੇ ਕਹੁ ਕਾਹਿ ਹਨੇਂ ਅਬ-
ਦੇਹੁ ਦਿਖਾਈ ॥ ਬੁਝਿਕੈ ਤਾਹ ਹਨੀ ਨਭ ਕੀਗਤਿ, ਔਰਹੁਤੀ
ਅਬ ਔਰ ਬਨਾਈ । ਦੇਖਿ ਰਹਯੋ ਮੁਨਿ ਕੋ ਸੁਤ ਕੋਤਕ ਹੈ ਅ-
ਵਤਾਰ ਸਹੀ ਰਘੁਰਾਈ । ਭੇਟ ਝਟਾਕ ਚਲਯੋ ਬਨ ਕੋ ਜਬ
ਰਾਮ ਕਮਾਨ ਚਟਾਕ ਚਢਾਈ ॥ ੧੦੭ ॥

(ਕਵਿਉਵਾਚ)

ਦੋਹਰਾ—ਰਾਮ ਪਨਚਤਾ ਧਨੁਖ ਕੀ, ਐਚੀ ਜਬਸੂਤਿ ਲਾਇ

॥ ਨਿਰਖਜਨਕਜਾਨਾਹ ਤਨ, ਮਨਪਰਰੇਖ ਰਿਸਾਇ ॥੧੦੮॥

(ਸੀਤ ਉਵਾਰ)

ਕਬਿੱਤ-ਯਾਹੀ ਕੋ ਤੋ ਬੋਲ ਕਛੂ ਤਾਤ ਕੋ ਸੋ ਦੇਖਤ ਹੂੰ, ਐਸੇ ਤੋ
ਅਨੇਕ ਹੈ ਹੈਂ ਕਹਾਂ ਕਹਾਂ ਜਾਇ ਹੈਂ । ਕਾਲ ਬਜਾਹੀ ਨਈ ਹੈਂ
ਤੋ ਧਾਮ ਹੂੰ ਨ ਗਈ ਰਾਮ, ਆਜਹੀ ਤੇ ਮੇਰੇ ਸੀਸ ਸੌਂਤ ਕੋ ਬ-
ਸਾਇ ਹੈਂ । ਰਾਜਨ ਕੀ ਰੀਤਿ ਬਿਪਰੀਤ ਸਬ ਜਾਨੈ ਜਗ, ਕਾਂ
ਕੋ ਬਸ ਭਏ ਮੋਹਿ ਐਸੇ ਡਹਕਾਇ ਹੈਂ । ਮਨ ਮੈ ਬਿਚਾਰੈ ਗਟੀ
ਲੈ ਚਢੈ ਉਤਾਰੈ ਸੀਅ, ਤੋਰ ਕੈ ਧਨੁਖ ਯਾਕੀ ਬੇਟੀ ਬਜਾਹਿ
ਲਜਾਇ ਹੈਂ ॥ ੧੦੯ ॥

(ਕਵਿਉਵਾਰ)

ਸੋਰਠਾ-ਇਤ ਲਛਮਨ ਸੰਗ ਰਾਮ, ਪਰਸਰਾਮ ਬਲ ਪਰਹਰਜੋ
। ਪ੍ਰੀਤਿ ਕਰੀ ਬਿਸ੍ਰਾਮ, ਅਮਰਭਯੋ ਮੁਨਿ ਦੇਹ ਧਰਿ ॥ ੧੧੦
ਸੋਰਠਾ-ਯਹਿ ਦੀਪਕ ਕਿਹਕਾਮ, ਸੋਖ ਸਨੇਹ ਜਰਾਇ ਗੁਣ ॥
ਰਘੁ ਕੁਲ ਦੀਪਕ ਰਾਮ, ਸਦਾ ਬਢਤ ਦੋਉ ਰਹੈ ॥ ੧੧੧
ਸੋਰਠਾ-ਛਾਡਯੋ ਸਮਰ ਸੁਭਾਉ, ਪਰਸਰਾਮ ਮਨਤਪ ਧਰਜੋ ।
ਰਾਮ ਉਤਾਰਜੋ ਚਾਉ, ਭਜਯੋ ਨ ਦੀਸਤ ਆਜਲੋ ॥ ੧੧੨ ॥
ਕਬਿੱਤ-ਜੈਸੇ ਅਹਿ ਮੋਰ ਤੇ ਨਿਸਾਨੋ ਚੋਰ ਭੋਰਤੇ ਕੁਰੰਗ ਸਿੰਘ
ਸ਼ੋਰਤੇ ਤੁਖਾਰ ਜੈਸੇ ਘਾਮ ਤੇ । ਅੰਧਕਾਰ ਦੀਪਤੇ ਬਯੋਗੀ ਤੀ
ਸਮੀਪ ਤੇ ਜਯੋਂ ਕਾਤਿਕ ਕੇ ਮੇਘ ਨਭ ਜਾਤ ਸੂਰਧਾਮ ਤੇ ।
ਦਾਰਦ ਜਯੋਂ ਪਾਰਸਤੇ ਕਾਲ ਜਯੋਂ ਸੁਧਾਰਸ ਤੇ ਪਾਪਨ ਕੋ ਜਾ-
ਲ ਜੈਸੇ ਏਕ ਹਰਿਨਾਮ ਤੇ । ਜੈਸੇ ਏਕ ਲੋਭ ਤੇ ਅਨੇਕ ਗੁਨ
ਭਾਜੈਂ ਰਾਮ ਤੈਸੇ ਭਾਜ ਚਲਯੋ ਹੈ ਪਰਸਰਾਮ ਰਾਮ ਤੇ ॥
੧੧੩ ॥

ਅਥ ਅਜੁੱਧਯਾ ਨਗਰ ਪ੍ਰਵੇਸ਼

ਸਵੈਯਾ-ਸਬ ਸੰਗ ਚਲੇ ਪਿਤ ਕੇ ਮੁਨਿ ਜੀਤ ਪਢੈ ਦਿਜ ਬੇਦ
ਉਸਾਸ ਲਯੋ । ਮਨਤੇ ਹਰਖਯੋ ਅਜਨੰਦਨ ਜੁ ਕਹਿ ਆਜ
ਹਮੈ ਬਿਧਿ ਰਾਜ ਦਯੋ । ਧੁਨਿ ਢੋਲ ਮ੍ਰਿਦੰਗ ਬਜਾਇ ਧਸੇ ਪੂਰ
ਦੇਖਤ ਹਾਟ ਬਜਾਰ ਛਯੋ । ਸੁ ਕਰੈ ਬਖਸੀਸ ਟਰਯੋ ਦੁਖ ਦੁੰਦ

ਅਨੰਦ ਭਯੋ ਭ੍ਰਿਗਨੰਦੁ ਗਯੋ ॥ ੧੧੪ ॥

ਸਵੈਯਾ-ਬਾਰਣ ਮਤ ਗੁੰਜਾਰਤ ਭ੍ਰਿਗ ਕਪੋਲਨ ਤੁੰਗ ਧੁਜਾ
ਫਹਿਰਾਹੀਂ । ਚਾਰਨ ਬੰਸ ਉਚਾਰਨ ਕੋ ਨਿਜ ਬਾਹ ਉਠਾਇ
ਕਬਿਤ ਪਢਾਹੀਂ । ਚਾਮਰ ਛੱਤ੍ਰ ਲਏ ਸੰਗ ਬੀਰ ਬਨੇ ਰਘੁਬੀਰ
ਸਨੇ ਮਨਮਾਹੀਂ । ਦੇਖ ਸਰੂਪ ਪੀਐਂ ਜਲ ਵਾਰ ਸਬੈ ਪੁਰ ਨਾ-
ਰਿ ਕਹ ਬਲ ਜਾਹੀਂ ॥ ੧੧੫ ॥

ਇਤਿ ਪ੍ਰਬੰਧ ਅਧਯਾਇ

ਅਥ ਦੂਸਰਾ ਅੰਕ

ਦੋਹਰਾ-ਬੈਠ ਅਜੁੱਧਯਾ ਸੁਖ ਕੀਓ ਅਤਿ ਸੁਠ ਦਸਰਥ ਸੂਤ ।

ਅਰਿ ਜੀਤੇ ਜਸ ਤਿਲਕ ਸੋਂ ਘਰ ਮੈਂ ਰਾਮ ਸਪੂਤ ॥ ੧ ॥

ਕਬਿੱਤ-ਔਧ ਰਜਧਾਨੀ ਰਾਜਾ ਦਸਰਥ ਤੀਨ ਰਾਨੀ ਕੰਸਲਯਾ
ਸੁਮਿਤ੍ਰਾ ਔਰ ਕੇਕਈ ਸੁਨੀਤ ਹੈ । ਬੇਦ ਸਮ ਚਾਰ ਪੂਤ ਬਡੇ
ਰਾਮ ਸੇ ਸਪੂਤ ਲਛਮਨ ਭਰਤ ਸੋਂ ਸਤ੍ਰਘਨ ਪ੍ਰੀਤ ਹੈ ॥ ਦੈਵੈ

ਸਨਮਾਨ ਉਪਹਾਰ ਰਿਖਿ ਪਾਇ ਪਰ ਬਿਦਾ ਸਬ ਕੀਨੇਨਿਪ
ਜੈਸੇ ਰਾਜ ਨੀਤ ਹੈ । ਬਾਢਯੋ ਸੁਖ ਸਿੰਧ ਅਰਿ ਜੀਤੇ ਸੁਪਨੇ
ਨ ਦੁਖ ਕਾਲ ਚਾਲ ਦੇਖੋ ਆਗੈ ਔਰੈ ਭਾਤ ਬੀਤ ਹੈ ॥ ੨ ॥

ਦੋਹਰਾ-ਸੁਨਹੁ ਸੰਤ ਮਨ ਦੈ ਸਬੈ ਈਹਾਂ ਲੋ ਸੁਖ ਸਾਂਤ । ਅਬਹਿ
ਕਥਾ ਰਘੁਨਾਥ ਕੀ ਚਲੀ ਔਰ ਹੀ ਭਾਂਤ ॥ ੩ ॥

ਸਵੈਯਾ-ਰਾਜ ਸਮਾਜ ਰਹਯੋ ਪੁਰ ਮੈਂ ਸੀਆ ਰਾਮ ਮਿਲੇ ਮਨ
ਅਨੰਦ ਭਾਰੀ । ਸਾਰੁਸਤੀ ਨ ਸਕੈ ਕਹਿ ਅੰਕ ਸਿੰਗਾਰ ਕਹੈ
ਮਤਿ ਕੌਨ ਹਮਾਰੀ । ਕਾਲ ਬਤੀਤ ਭਯੋ ਇਹ ਰੀਤਿ ਬਿਭੂ-
ਤ ਬਢੀ ਸੁਭ ਅੰਗਨਿ ਸਾਰੀ । ਰਾਜ ਦੈ ਰਾਮਹਿ ਹੋਂ ਬਨ ਜਾ-
ਉਂ ਬਸਿਸੁ ਕਹੀ ਭਲੀ ਬਾਤ ਵਿਚਾਰੀ ॥ ੪ ॥

ਸੋਰਠਾ—ਕਹਾਂ ਰੰਕ ਕਹਾਂ ਭੂਪ ਦੁਖ ਸੁਖ ਸੰਗ ਸਦਾ ਰਹੈਂ । ਘਰ
ਉਜਾਰ ਜਜੇਂ ਕੂਪ ਲਗੈ ਦੁਹੂੰ ਘਟ ਜੇਵਰੀ ॥ ੫ ॥

ਦਸਰਥੇ ਵਾਰ

ਦੋਹਰਾ—ਰਾਜਾ ਸਬਸੇਂ ਯੋਂ ਕਹੈ ਰਾਮ ਸੀਸ ਦੇ ਰਾਜ । ਹੋਂ ਬਨ ਬਸ
ਤਪ ਕੇ ਕਰੇਂ ਯਾਤੇ ਭਲੇ ਨ ਕਾਜ ॥ ੬ ॥

ਸੋਰਠਾ—ਦੇਖਨ ਕੇ ਅਕੁਲਾਹਿ ਛੱਤ੍ਰ ਚਮਰ ਸਿਰ ਰਾਮ ਕੇ ।
ਨੈਨਾ ਤਬਹਿ ਸਿਰਾਹਿ ਜਬ ਦੇਖੇਂ ਇਹ ਭਾਂਤ ਸੁਤ ॥ ੭ ॥

ਕਬਿੱਤ—ਜੋਰ ਕੁਲ ਪੂਜ ਪੂਜ ਪਾਇ ਸੀਸ ਨਾਇ ਅਭਖੇਖ ਕੇ
ਕਰਾਇਤਬ ਕਰੇਂ ਦੂਜੇ ਕਾਮ ਕੇ । ਲੋਚਨ ਸਿਰਾਹਿ ਛੱਤ੍ਰ
ਚੰਦਰਬਿੰਜਨ ਤਾਕੇ ਮਾਥੇ ਫਹਿਰਾਇ ਐਸੇ ਦੇਖੇ ਘਨਸਜਾਮਕੇ
। ਜਾਨਕੀ ਕੇ ਪਟਰਾਨੀ ਸੋਂਪੇ ਰਾਜਧਾਨੀ ਸਬ ਕਾਨ ਸੁਨੇਂ
ਆਪਨੇ ਹੋਂ ਰਾਜ ਆਜ ਰਾਮਕੇ । ਰਾਜਾ ਦਸਰਥ ਯਾ ਮਨੋਰਥ
ਲੇ ਸੁਖ ਪਾਯੋ ਤਾਤ ਕਹੀ ਬਾਤਾਪ੍ਰਾਤਦੇਹੂੰ ਰਾਜ ਰਾਮ ਕੇ ॥ ੮ ॥
ਕਵਿਓਵਾਰ ਕਬਿੱਤ—ਰਾਜਕਾਜ ਜਰ ਕੈ ਸਮਾਜ ਬੈਠੇ ਨਿਪਰਾਜ
ਰਿਖਿ ਆਇ ਰਿਖਿ ਮੰਡਲ ਬਨਾਇਕੈ ॥ ਰਾਜ ਭਾਗ ਆਜ
ਰਘੁਬੀਰ ਭੂਜ ਥਾਪ ਬਨ ਜਾਉਂ ਤਪ ਕਾਜ ਮਨ ਬਹੁ ਸੁਖ
ਪਾਇ ਕੈ । ਫੂਲੇ ਸੁਨ ਬਾਤ ਸੁਖ ਆਨੰਦ ਨ ਮਾਤ
ਉਰ ਜਜੇਂ ਪੁਗਾਣੇ ਪਾਤ ਦੁਖ ਯੋਂ ਚਲਜੇ ਉਡਾਇਕੈ । ਏਕਉਠੇ
ਗਾਇ ਏਕ ਦੁੰਦਭੀ ਬਜਾਇ ਏਕ ਧਾਇ ਧਾਇ ਪਾਇ ਛੁਵੈਂ
ਰਾਮਚੰਦ ਰਾਇਕੈ ॥ ੯ ॥

ਸਵੈਯਾ—ਚਾਰਨ ਕਿੱਨਰ ਮਾਂਗਧ ਸੂਤ ਸਬੈਗੁਨ ਆਨੰਦ ਸੋਮਿ-
ਲਿਗਾਵੈਂ । ਪੰਡਿਤ ਪੁੰਜ ਬਨਾਇ ਕਬਿੱਤਨ ਆਇ ਪਛੈਂ ਇਹ
ਭਾਂਤ ਰਿਝਾਵੈਂ । ਕੋਤਕ ਕੋਟ ਕਰੇ ਗਨਕਾ ਕੁਲ ਨਿਰਤਤ
ਅੰਗ ਸੁਗੰਧ ਦਿਖਾਵੈਂ । ਦੇਸਨ ਦੇਸ ਤੇ ਆਨ ਜੁਰੇ ਨਿਪਰਾਮ
ਕੇ ਰਾਜ ਮਹਾਂ ਸੁਖ ਪਾਵੈਂ ॥ ੧੦ ॥

ਸਵੈਯਾ—ਆਨ ਬਨਾਸਪਤੀ ਬਨਤੇ ਸਬ ਤੀਰਥ ਕੇ ਜਲ ਕੁੰਭ
ਭਰੇ ਹੈਂ । ਅੰਬ ਕੇ ਮੋਰ ਧਰਜੇ ਤਿਹ ਉਪਰ ਕੇਸਰ ਸੋ ਲਿਖ
ਪੀਤ ਕਰੇ ਹੈਂ । ਤੇ ਕੁਲ ਇਸ਼ੁ ਬਸਿਸ਼ੁ ਸਬੈ ਪਵਿ ਬੇਦ ਸੁਮੰਤ੍ਰ

ਨ ਪੂਤ ਖਰੇ ਹੈਂ । ਸ੍ਰੀ ਰਘੁਬੀਰ ਅਭਖੇਖ ਕੇ ਕਾਜ ਸੁ ਜੱਗ ਕੇ
ਮੰਡਲ ਆਨ ਧਰੇਹੈਂ ॥ ੧੧ ॥

ਸਵੈਯਾ—ਪੀਤ ਦੁਕੂਲ ਧਰੇ ਰਘੁਨੰਦਨ ਰਾਜਕੇ 'ਕਾਜ ਖੁਸ਼ੀ
ਮਨ ਮਾਹੀਂ । ਤੇਲ ਸੁਗੰਧ ਮਲੇ ਹਲਦੀ ਬਟਨੇ ਨਿਜ ਮਾਤ
ਲਗਾਵਤ ਬਾਹੀਂ । ਜਾਨਕੀ ਫੂਲਸੀ ਫੂਲਤ ਡੋਲਤ ਰਾਮ ਸੇਂ
ਨੈਨ ਮਿਲੇ ਮੁਸਕਾਹੀ । ਬਾਹਰ ਭੀਤਰ ਭੋਨ ਭੰਡਾਰ ਸੇ ਯਾ
ਸੁਖਕੀ ਪਰਮਾਵਧ ਨਾਹੀਂ ॥ ੧੨ ॥

ਸਵੈਯਾ—ਆਹਿ ਬਡੇ ਚਤਰਾਨਨ ਸੇ ਸ਼ਿਵ ਸੇ, ਮਘਵਾ ਸੁਰਲੋਕ
ਬਤਾਵੈਂ । ਕੰਚਨ ਕੇ ਮਨਿ ਕੇ ਚਢ ਬਾਯੁ, ਬਿਵਾਨਨ ਲੋਕਨ
ਲੋਕ ਫਿਰਾਵੈਂ । ਸ੍ਰੀ ਅਜਨੰਦਨ ਕੇ ਸੁਖ ਕੇ ਕਨਕਾ ਸੁਪਨੇ
ਹੂੰ ਨ ਦੇਖਨ ਪਾਵੈਂ । ਕਾਹੇ ਤੇ ਸ੍ਰੀ ਰਘੁਬੀਰ ਸੇ ਪੂਤ, ਸਪੂਤ
ਬਡੇ ਜਬ ਰਾਜ ਕਮਾਵੈਂ ॥ ੧੩ ॥

ਸਵੈਯਾ—ਆਨੰਦ ਏਕ ਬਢਯੋ ਪੁਰਮੈਂ, ਘਰ ਹੀ ਘਰ ਹੋਤ ਕੁ-
ਲਾਹਲ ਭਾਰੀ । ਗਾਵਤ ਗੀਤ ਦਿਵਾਵਤ ਦੇਤਿ, ਚਲੀ ਸਭ
ਆਵਤ ਨਾਗਰਨਾਰੀ । ਜਾਨਕੀ ਰੂਪਨਿਹਾਰਤ ਦੇਤ, ਅਸੀਸ
ਸਬੈ ਫਲੀਓ ਰਘੁਬਾਰੀ । ਰਾਮ ਕੋ ਰਾਜ ਰਹੈ ਤਬ ਲੋ, ਜਬਲੋ
ਜਗ ਗੰਗ ਬਹੈ ਜਮੁਨਾਰੀ ॥ ੧੪ ॥

ਸੋਰਠਾ—ਫੂਲੇ ਅੰਗ ਨ ਮਾਤ ਇਹ ਬਿਧ ਪੁਰ ਬਾਸੀ ਸਬੈ ।
ਲੋਚਨ ਸਕਲ ਸਿਰਾਤ, ਦੇਖ ਰੂਪ ਸ਼੍ਰੀ ਰਾਮ ਕੋ ॥ ੧੫ ॥

ਸੋਰਠਾ—ਸੁਨੀ ਕੇਕਈ ਬਾਤ, ਰਾਮਹਿ ਰਾਜਬਿਦੇਸ ਸੁਤ । ਨੈਕ
ਨ ਨੈਨ ਸਿਰਾਤ, ਰਹੇਂ ਰੂਠ ਦੈ ਬਚਨ ਸੇਂ ॥ ੧੬ ॥

ਸਵੈਯਾ—ਰਾਮਹਿ ਰਾਜ ਬਿਦੇਸ ਬਸੈ ਸੁਤ ਸੋਚ ਕੀਓ ਯਹ ਬਾਤ
ਨ ਚੰਗੀ । ਏਕ ਉਪਾਇ ਕਰੇਂ ਜੋ ਫਿਰੈ ਮਤ, ਦੈਬਰ ਵੈ ਲੇਉਂ
ਮਾਂਗ ਸੁਰੰਗੀ । ਭੂਖਨ ਡਾਰ ਨ ਅੰਚਰ ਲੇਤਹੈ ਜਾਤ ਸੁਸਾਤ
ਸੁ ਪਾਇਨ ਨੰਗੀ । ਦੌਰ ਚਲੀ ਪੀਅ ਪੈ ਬਰ ਮਾਂਗਨ ਮਾਨਹੁ
ਕਾਲ ਕਰਾਲ ਭੁਜੰਗੀ ॥ ੧੭ ॥

ਸਵੈਯਾ—ਜਾਇ ਜੁਹਾਰ ਕੀਓ ਨਿਪ ਸੇਂ ਤਿਨ, ਦੈਬਰ ਵੈ ਤੁਮ

ਤੇ ਅਬ ਪਾਉਂ। ਕੌਨ ਸਮੈ ਸੁਨ ਸ੍ਰੀ ਰਘੁਬੀਰਹਿ, ਰਾਜ ਦੇ
ਮਾਨਨ ਨੈਨ ਸਿਰਾਉਂ। ਰੂਠ ਰਹੀ ਮਨਮੈ ਕਹਿਓ ਭੂਪਤ,
ਆਨੰਦ ਆਜ ਨ ਯਾਹਿ ਰੁਠਾਉਂ। ਮਾਂਗ ਕਹਜੇ ਬਨ ਬਾਸ ਦੇ
ਰਾਮਹਿ, ਮੈਂ ਅਪਨੇ ਸੁਤ ਰਾਜ ਰਮਾਉਂ ॥ ੧੮ ॥

ਸਵੈਯਾ—ਰੂਠ ਰਹੀ ਪਤਿ ਸੇਂ ਤਬ ਲੈ ਜਬ ਕੇਕਈ ਮਾਂਗ ਦੇਉ
ਬਰਲੀਨੇ। ਦੈਨ ਕਹੇ ਜੁ ਹੁਤੇ ਅਜ ਨੰਦਨ, ਪਾਨਠਿ ਸੰਗ
ਤੇਈ ਅਬ ਦੀਨੇ। ਏਕ ਬਾਂਬੀ ਮੁਖ ਤੇ ਜੁਗ ਸਾਪ ਨਿਕਾਰ
ਮਨੋ ਨਿਪਕੇਸੁਖਛੀਨੇ। ਬੋਲਕੈਬੋਲ ਕੁਬੋਲ ਕੁਨਾਰਿ ਪਿਸੁਖ
ਕੇ ਕੁੰਭ ਹਲਾਹਲ ਕੀਨੇ ॥ ੧੯ ॥

(ਦਸਰਬਉ ਵਾਰ)

ਸਵੈਯਾ—ਹੇ ਸੁਨਿ ਕੇਕਈ ਹੇ ਸੁਨਿ ਪਾਪਨਿ, ਹੇ ਸੁਨਿ ਚੰਡ
ਡਸਜੇ ਸੁਖ ਭਾਰੇ। ਬੋਲਤ ਬੋਲਨ ਬੋਲ ਬਕਿਓ ਮੁਖ, ਫਾਟਹੀਓ
ਨਹਿ ਜਾਤ ਤਿਹਾਰੇ। ਖਾਇ ਤਵਾਰ ਪਰਜੇ ਧਰ ਭੂਪਤਿ ਹਾ
ਰਵਿਹਾਸਸਿਹਾਮੁਖ ਚਾਰੇ। ਫੇਰ ਸੇਂ ਕਾਹੇਕੇ ਪ੍ਰਾਨ ਨਿਕਾਰਤ
ਸੂਧੇ ਹੀ ਜੀ ਕਿਉਂ ਨ ਲੇਤ ਹਮਾਰੇ ॥ ੨੦ ॥

(ਕਵਿਉ ਵਾਰ)

ਸਵੈਯਾ—ਜਜੇਂ ਤਰਫੈ ਰਲਮੈਂ ਭਟਿ ਘਾਇਲ, ਜਜੇਂ ਕਰ ਸਾਇ
ਲਸਿੰਘ ਚਬਾਯੇ। ਜਜੇਂ ਬਿਨ ਨੀਰਹਿ ਮੀਨਦਸਾ, ਮਾਨੋਕਾਲ
ਕਰਾਲ ਭੂਜੰਗਨਿ ਖਾਯੇ। ਜਜੇਂ ਸਸਿ ਰਾਹੁ ਗ੍ਰਸਜੇ ਨ ਤਜਜੇ
ਪੁਨਿ, ਜਜੇਂ ਅਧਫਾਸ ਗਰੇ ਦੁਖ ਪਾਯੇ। ਪੈਨ ਚਲੇ ਰਵਿਜਜੇਂ
ਜਲ ਮੈ ਨਿਪ, ਕੇਕਈ ਕੇ ਬਰ ਯੋਂ ਤਰਫਾਯੇ ॥ ੨੧ ॥

(ਦਸਰਬਉ ਵਾਰ)

ਕਬਿੱਤ—ਲੀਜੀਏ ਸਮਾਜ ਸਬ ਦੇਸਨ ਕੋ ਰਾਜ ਆਜ, ਹੋਭਿਖਾ
ਰੀ ਭਯੋ ਅਬ ਰਾਮ ਭੀਖ ਹੋਂ ਲਹੋਂ। ਜੋ ਕਹੇ ਤਿਹਾਰੇ ਗਾਉਂ
ਭੀਖ ਮਾਂਗ ਖਾਉਂ ਜੋ ਪੈ ਰਾਮ ਸੰਗ ਰਹੇ ਤੋ ਅਨਕ ਦੁਖ ਹੋਂ
ਸਹੋਂ। ਜੋਂ ਨ ਹੋਂ ਸੁਹਾਉ ਸੰਗ ਰਾਮ ਲੈ ਬਿਦੇਸਜਾਉਂ, ਪ੍ਰਾਨ ਜਾਤ
ਨਾਰਿ ਸੁਨਿ ਬਾਤ ਏਕ ਹੋਂ ਕਹੋਂ। ਰਾਜ ਤੇਰੇ ਪੁਤ ਕੋ ਨ ਕੀ-
ਜੀਏ ਕਸੂਤ ਪੁਤ, ਰਾਮਕੋ ਕਹਾਂ ਪਰਾਧਰਾਮ ਘਰ ਹੀ ਰਹੋਂ ॥ ੨੨ ॥

[ਕੇਕਈਉਵਾਰ]

ਸਵੈਯਾ—ਕਜੋਂ ਦੁਖ ਪਾਵਤ ਹੋ ਬਰ ਦੇਤ, ਸੁ ਮੋਹਿ ਕਹੇ ਪ੍ਰਭੁ ਤੇ
ਅਬ ਦੇਈ। ਰਾਜਨ ਜੇ ਜੀਅ ਮਾਹਿ ਰੁਚੇ ਬਰ, ਮਾਂਗ ਲਏ
ਤੁਮਤੇ ਅਬ ਤੇਈ। ਜੋ ਨਰ ਬੋਲ ਨਿਬਾਹਤ ਹੈਂ, ਸਿਰ ਆਨ
ਪਰੈ ਘਰੀ ਸੋ ਵਹ ਖੇਈ। ਕੈ ਅਬ ਫੇਰ ਕਹੇ ਮੁਖ ਕੇਕਈ, ਮੈ
ਬਰ ਤੋਹਿ ਨ ਦੇਨ ਕਹੇਈ ॥ ੨੩ ॥

[ਦਸਰਥਉਵਾਰ]

ਸਵੈਯਾ—ਜਾਨਤ ਹੋਂ ਜੀਅਮੈ ਸੁਨਿ ਕੇਕਈ, ਭੂਖਨ ਭੋਨ ਪਟੈ-
ਬਰ ਲੈਂ ਹੈਂ। ਜਾਂ ਮੁਖ ਕੈ ਬਰ ਮਾਂਗਤ ਹੈ ਸੁਨ ਤਾਂ ਮੁਖਲੋਚਨ
ਤੂੰ ਨ ਸਿਰੈ ਹੈਂ। ਜਾ ਦਿਨ ਰਾਮ ਬਸੈ ਬਨ ਤਾਂ ਛਿਨ, ਮੋਹਿ
ਕਹੂੰ ਸੁਪਨੇ ਹੂੰ ਨ ਪੈਹੈਂ। ਤੇਰੇਈ ਪੂਤ ਸੁਨੈ ਯਹ ਬਾਤ ਪਿਸਾ-
ਚਨੀ ਗਾਉਂ ਮੈ ਪਾਉ ਨ ਦੇ ਹੈ ॥ ੨੪ ॥

[ਕੇਕਈਉਵਾਰ]

ਸਵੈਯਾ—ਬੋਲ ਨਿਬਾਹਨ ਕੋ ਹਰੀਚੰਦ, ਨਿਹਾਰਹੁ ਤੇ ਨਰਤੀ
ਸੁਖ ਛੀਜੈ। ਔਰ ਦਧੀਚ ਸੁਰਾਂਕ ਬਲੀ, ਬਲ ਬਾਵਨਪਾਵਨ
ਜੋਂ ਜਸੁ ਲੀਜੈ। ਰਾਜਨ ਪੂਤ ਸਮਾਨ ਦੇਉ ਪੁਨਿ, ਏਕੁ ਸੋ
ਨੇਹੁ ਨ ਏਕੁ ਸੋ ਕੀਜੈ। ਕੋਨਸੀ ਹਾਨ ਭਈ ਤੁਮ ਕੋ, ਛਿਤ
ਏਕਹਿ ਦੇ ਬਨ ਏਕਹਿ ਦੀਜੈ ॥ ੨੫ ॥

[ਦਸਰਥਉ ਵਾਰ]

ਕਬਿੱਤ—ਪ੍ਰਾਨ ਚਾਹੈ ਪ੍ਰਾਨ ਲੈ ਨਿਦਾਨ ਜਿਨ ਕਰੋ ਅਬ,
ਦੇਨ ਕਹੇ ਸਾਚ ਪੈ ਤੂੰ ਬੋਰਤ ਸਮਾਜ ਕੋ। ਦੇਖ ਰਿਖਰਾਜ
ਕੁਲਪੂਜ ਬਾਲਮੀਕ ਆਜ, ਬੋਲਨ ਗਏ ਹੈਂ ਰਾਮਚੰਦ ਜੂਕੇ
ਰਾਜ ਕੋ। ਭਲੇ ਪਗ ਧਾਰੈ ਪਾਇਆਇਸ ਸਿਧਾਰੈਬਨ, ਭਰਤ
ਬੁਲਾਓ ਰਾਜਾ ਰਾਜ ਕਾਜ ਸਾਜ ਕੋ। ਰੋਯੋ ਬਿਕਰਾਲ ਕਾਲ
ਬਜਾਲ ਖਾਯੋ ਲੋਟੈ ਧਰ ਦੇਖੋ ਕਵਿ ਰਾਮ ਹੋਂ ਬਹਾਉਂ ਐਸੀ
ਲਾਜ ਕੋ ॥ ੨੬ ॥

[ਕਵਿਉ ਵਾਰ]

ਦੋਹਰਾ—ਵਹਿ ਸਾਪਨਿ ਯਹਿ ਸਾਧ ਨਿਪ, ਪਰਿਯੋ ਅਟਪਟੇ

ਕਾਮ। ਵਹਿ ਕਾਟੈ ਯਹ ਮਰ ਜੀਐ ਸੁਧਾ ਰਾਮ ਲੈ ਨਾਮ॥੨੭॥
ਸੋਰਠਾ*—ਇਕ ਤੀਅ ਉਹ ਅਨੁਹਾਰ, ਸਬ ਹੀ ਜੁਗਕਵਿਰਾਮ
ਕਹਿ। ਪਤਿ ਹਤਿ ਪੂਤ ਨਿਕਾਰ, ਆਨੰਦ ਕਰ ਜੀਅ ਜਲ
ਪੀਐ ॥ ੨੮ ॥

ਸਵੈਯਾ—ਸੋਚ ਰਹਜੇ ਮਨ ਮੈ ਤਬ ਭੂਪਤਿ, ਕੇਕਈਏ ਬਰ ਕਾਹੇ
ਤੇ ਮਾਂਗੈ। ਕੌਨ ਸਮੈ ਜੁਗ ਬਜ ਪਰੈ ਯਹਿ, ਹੈ ਨ ਭਲੀ ਸੁ
ਬਿਚਾਰਨ ਲਾਗੈ। ਆਇ ਗਈ ਫਿਰਕੈ ਮਨ ਮੈ, ਰਿਖਿ ਸਾਪ
ਦਯੋਸੋਈ ਆਵਤ ਆਗੈ। ਯਾਹੀ ਤੇ ਰਾਮ ਬਿਯੋਗ ਛੁਟੈ ਤਨੁ,
ਜਾਨਤ ਹੋ ਘਰ ਤੇ ਸੁਖ ਭਾਗੈ ॥ ੨੯ ॥

ਸਵੈਯਾ—ਤੋ ਲਗ ਸੰਗ ਲਏ ਰਘੁਬੀਰਹਿ ਆਪ ਬਸਿਸੁ ਧਰੇ
ਕਰ ਬਾਹੀ। ਬੇਦ ਸਪੁੰਜ ਪਛੈ ਦਿਜ ਮੰਡਲ, ਰਾਮਹਿ ਫੂਲ
ਭਈ ਮਨ ਮਾਂਗੀ। ਚੰਦ੍ਰਮੁਖੀ ਬਨਤਾ ਚਢ ਕੋਠਨਿ, ਦੇਖ ਸ-
ਰੂਪ ਸਭੈ ਬਲਿਜਾਹੀਂ। ਬਾਜਤ ਢੋਲ ਮ੍ਰਿਦੰਗ ਬਢੀ ਧੁਨਿ
ਭੀਤਰ ਕੀ ਧੁਨਿ ਕੀ ਸੁਧ ਨਾਹੀਂ ॥ ੩੦ ॥

ਸਵੈਯਾ—ਦੁਆਰ ਕੁਲਾਹਲ ਭੋਨ ਸੁਨਜੇ ਤਬ, ਕੇਕਈ ਰਾਜਹਿ
ਯੋ ਸਮਝਾਵੈ। ਆਯੋ ਹੈ ਰਾਜਕੇ ਕਾਜ ਬਡੇ ਸੁਤ, ਜਾਇ ਬਸੈ
ਬਨ ਆਇਸ ਪਾਵੈ। ਦੈ ਦੋਊ ਹਾਥ ਕਪਾਲਹਿ ਮਾਰਤ, ਭੋਹਨ
ਸੋਂ ਕਹਜੇ ਜੋ ਤੁਹਿ ਭਾਵੈ। ਜੇ ਮੁਖ ਰਾਮਹਿ ਰਾਜ ਕਹਜੇ ਸੁਨ
ਤਾਂ ਮੁਖ ਕਜੇਂ ਬਨਬਾਸ ਪਠਾਵੈ ॥ ੩੧ ॥

ਸਵੈਯਾ—ਯੋਂ ਕਹਿ ਮੋਨ ਭਜੀ ਅਜ ਨੰਦਨ, ਕੇਕਈ ਰਾਜ
ਰਮੂਜ ਸੀ ਪਾਈ। ਹੈ ਤਤਕਾਲ ਤਜਜੇ ਪਤਿ ਲੋਟਤ, ਆਨੰਦ
ਆਜ ਹੀਏ ਨ ਸਮਾਈ। ਦੌਰ ਕੈ ਪੌਰ ਮੈਬੋਲਿ ਬਸਿਸੁਹਰਾਮ
ਚਿਤੈ ਯਹਿ ਬਾਤ ਸੁਨਾਈ। ਮੋਹਿ ਦਏ ਬਰ ਦੈ ਇਨਕੈ ਬਨ,
ਮੇ ਸੁਤ ਕੋ ਅਪਨੀ ਠਕੁਰਾਈ ॥ ੩੨ ॥

ਸਵੈਯਾ—ਬਾਤ ਸੁਨੀ ਕੁਲਪੁਜ ਰਹਜੇ ਚਕਿ, ਸ੍ਰਾਸ ਭਰਜੇ ਮੁਖ

* ਪਾਠਾਂਤਰ—ਇਕ ਤਿਅ ਉਹ ਨਿਹਾਰ ਯਾ ਇਕਤੀਅ ਉਹ ਆਨੰਦ ਹਾਰ ਯਾ
ਇਕ ਤਿਅ ਉਹ ਅਨੁਹਾਰ ਅਥਵਾ ਇਕ ਤਿਅ ਉਹ ਅਨਿਹਾਰ

ਰਾਮ ਨਿਹਾਰੀ । ਆਇਸ ਹੋਇ ਕਹੋਂ ਨਿਪੁ ਸੋਂ ਚਲਿ, ਔਰ
ਹੁਤੀ ਅਬ ਔਰ ਬਿਚਾਰੀ । ਬੋਲਉਠੀ ਰਿਖਿ ਸੋਂ ਤਬ ਕੇਕਈ
ਸਾਰ ਕਹੋਂ ਮੋਹਿ ਸੋਹਿ ਤਿਹਾਰੀ । ਭੂਪ ਕਹੀ ਜਿਨ ਮੋਹਿਮਿਲੈ
ਬਨਜਾਇ ਬਸੈ ਕਹੋ ਜਾਇ ਪੁਕਾਰੀ ॥ ੩੩ ॥

ਸਵੈਯਾ-ਸੋ ਰਿਸਕੈ ਗਈ ਭੀਤਰ ਭੋਨ, ਸੁਤੇ ਬਨ ਭੂਪਤ ਸੋਂ
ਨਮਿਲਾਏ । ਬੈਠ ਪ੍ਰਨਾਮ ਕੀਓ ਤਿਹ ਠੋਰ ਤੇ, ਤਾਤ ਕੇ ਬੋਲ
ਲੈ ਮਾਥ ਚਢਾਏ । ਸੋਕ ਭਰੇ ਰਿਖਿ ਲੋਗਨ ਸੋਂ ਕਹੋਂ, ਰਾਜ
ਰਹਯੋ ਬਨਬਾਸ ਪਠਾਏ । ਰਾਜਨ ਰਾਜ ਦੀਓ ਲਘੁਬੀਰਹਿ,
ਯੋਂ ਰਘੁਬੀਰ ਫਿਰੇ ਘਰ ਆਏ ॥ ੩੪ ॥

[ਰਾਮਚੰਦ੍ਰ ਵਾਰ]

ਸਵੈਯਾ-ਆਇ ਕੈ ਧਾਮ ਬੁਲਾਇ ਸਬੈ ਦਿਜ, ਦਾਨ ਦੀਓ ਜੂ
ਹੁਤੇ ਘਰ ਮਾਹੀਂ ॥ ਸੀਅ ਸੋਂ ਬਾਤ ਕਹੀ ਸਬ ਰਾਮ, ਸੁਨੇ ਦੁਖਸੋ
ਦੋਊ ਨੈਨ ਬਹਾਹੀਂ । ਕਾਹੇ ਕੋ ਰੋਵਤ ਹੋ ਸੁਨਿ ਮਾਨਨਿ, ਜੇ
ਕਿਛੁ ਅੰਕ ਲਿਖੇ ਨ ਮਿਟਾਹੀਂ । ਸਾਸ ਕੀ ਸੇਵ ਭਲੇ ਕਰੀਓ
ਅਬ ਹੋਂ ਹੂੰ ਚਲਜੇ ਹੋਂ ਬਿਦਾ ਕੋ ਤਹਾਂਹੀ ॥ ੩੫ ॥

ਸਵੈਯਾ-ਔਰ ਕਹੈ ਨ ਰਹੈ ਮਨ ਤੋਹਿ ਤੇ ਜਾਹਿ ਪਿਤਾ ਘਰ
ਆਜ ਪਠਾਉਂ । ਜਜੋਂ ਸੁਖ ਤੋਹਿ ਕਟੈ ਸੁਨ ਸੁੰਦਰਿ, ਸੋ ਸੁਖ
ਆਇਸ ਦੇਹ ਬਨਾਉਂ । ਹੋਂ ਬਸਕੈ ਬਨ ਭੂਪਤਿ ਕੋ ਸੁਣ, ਕੇਕਈ
ਕੇ ਰਿਣ ਤੇ ਛੁਟਕਾਉਂ । ਕਾਲਹੀ ਰਾਜ ਕਰੋਂ ਮਿਲ ਤੇ ਸੰਗ
ਤਾਤ ਕੋ ਬੋਲ ਕੀਏ ਫਿਰ ਆਉਂ ॥ ੩੬ ॥

[ਕਵਿਉਵਾਰ]

ਦੋਹਰਾ-ਬਿਦਾ ਭਏ ਬਨ ਕੋ ਜੁਗਲ, ਪੂਤ ਕੇਕਈ ਹੇਤ । ਸ੍ਰੀ
ਰਘੁਪਤਿ ਭੁਜ ਠੋਕ ਕੈ, ਬਿਦਾ ਜੋ ਇਨਕੋ ਦੇਤ ॥ ੩੭ ॥

ਸਵੈਯਾ-ਦੇਵਨ ਕੇ ਦੁਖਕੋ ਸੀਅ ਕੇ ਸੁਖ ਕੋ ਅਰ ਬਾਲੀ ਕੇ
ਪ੍ਰਾਨਨ ਹੀਕੋ । ਰਾਵਨ ਕੇ ਦਸਸੀਸਨ ਕੋ ਅਰ ਈਸਕੋ ਬੋਲਹ
ਬੋਲਕੈ ਨੀਕੋ । ਮੀਚ ਮਰੀਚ ਮੁਨੀਸ਼ਰ ਕੋ ਜਸੁ ਬੋਲ ਬਿਭੀ-
ਖਨ ਲੰਕ ਮਹੀਕੋ । ਤਾਤ ਬਿਦਾ ਦਈ ਰਾਮਹਿ ਜੀ ਸੰਗ ਰਾਮ
ਦਈ ਤਬਹੀ ਸਬਹੀ ਕੋ ॥ ੩੮ ॥

[ਲਛਮਨਉ ਵਾਰ]

ਦੋਹਰਾ—ਕਟਿ ਨਿਖੰਗ ਕਸ ਧਨੁਖ ਕਰ ਲਛਮਨ ਅਤਿ ਰ-
ਣਧੀਰ । ਔਰ ਹੁਤੀ ਔਰੈ ਭਈ ਅਬ ਚਲੀਏ ਰਘੁਬੀਰ ॥੩੯॥

[ਰਾਮਚੰਦ੍ਰਉ ਵਾਰ]

ਸੋਰਠਾ—ਕਹੀ ਬੀਰ ਸੋ ਬਾਤ ਨਿਕਟ ਬੋਲ ਰਘੁਬੰਸ ਮਣਿ ।
ਤੁਮਹਿ ਕਹਯੋ ਨਹਿਤਾਤ ਰਾਜਕਰੋ ਘਰ ਹੀ ਰਹੋ ॥ ੪੦ ॥

[ਲਛਮਨਉ ਵਾਰ]

ਸਵੈਯਾ—ਦਾਸ ਕਰੈ ਬਿਨਤੀ ਸੁਣ ਨਾਥ ਹੋਂ ਸਾਥ ਤਜੋ ਨਹਿ
ਪਾਇ ਗਹੋਂ । ਤੁਮ ਰਾਜਕੀ ਬਾਤ ਕਹੀ ਸੁ ਸਹੀ ਅਬ ਫੇਰਕਹੋ
ਤਬ ਦੇਹ ਨ ਹੋਂ । ਅਬ ਮੋਹਿ ਬਡੇ ਦੁਖ ਹੈ ਸਬ ਆਂਗਨ ਜੀਵਤ
ਲੋ ਇਕ ਬਾਤ ਕਹੋਂ । ਬਨ ਕੇ ਚਲਤੇ ਬਨ ਡੀਲ ਕੀ ਛਾਹਿ
ਰਹੋ ਤੋ ਰਹੋਂ ਘਰ ਹੋਂ ਨ ਰਹੋਂ ॥ ੪੧ ॥

(ਰਾਮਚੰਦ੍ਰਉ ਵਾਰ]

ਸਵੈਯਾ—ਸਾਚ ਸਬੈ ਤਉ ਏ ਬਨ ਕੇ ਦੁਖ ਬੀਰ ਸਹੋ ਰਘੁਬੀ-
ਰ ਕੀ ਦੇਹੀ । ਪਾਇਨ ਕੇ ਚਲਬੋ ਛਿਤ ਕਾਕਰ ਧਾਮ ਰਹੋ
ਪਿਤ ਕੀ ਸੁਧਿ ਲੇਹੀ । ਤਾਲ ਤਮਾਲ ਪਖਾਨ ਨਦੀ ਅਹਿ-
ਸਿੰਘ ਧਰਾਧਰ ਹੋਇ ਸਨੇਹੀ । ਤੂੰ ਸੁ ਕੁਮਾਰ ਸਬੈ ਅੰਗਕੋਮਲ
ਦੇਖ ਸੁਮੋਹਿ ਬਡੇ ਦੁਖ ਏਹੀ ॥ ੪੨ ॥

[ਲਛਮਨਉ ਵਾਰ]

ਸਵੈਯਾ—ਜਾਨਤ ਹੋ ਸਬ ਕੇ ਜੀਅ ਕੀ ਪ੍ਰਭੁ ਸੰਗ ਤਜੇ ਮੁਹਿ
ਕਜੋਂ ਬਨ ਐਹੈ । ਜੋ ਹਠਿ ਕੈ ਤਜ ਹੋ ਮੁਹਿ ਰਾਘਵ ਸੋ ਹਠਿਕੈ
ਸੰਗ ਪ੍ਰਾਨ ਪਠੈ ਹੈ । ਜੇ ਦੁਖ ਨਾਥ ਕਹੇ ਤੁਮਰੇ ਸੰਗ ਤੇ
ਸੁਖ ਸੇ ਦਿਨ ਰੈਨ ਸਬੈ ਹੈਂ । ਰਾਮਹਿ ਛਾਡ ਕਹੋ ਕਬਹੂੰ ਅਬਲੋ
ਅਰ ਆਗੇ ਹੂੰ ਕੋ ਸੁਖ ਪੈ ਹੈ ॥ ੪੩ ॥

[ਰਾਮਚੰਦ੍ਰਉ ਵਾਰ]

ਸਵੈਯਾ—ਜਾਨਕੈ ਪ੍ਰੀਤ ਸਹੀ ਰਘੁਬੀਰ ਕਹੀ ਸੁਨ ਬੀਰਕਰੀ
ਕਠਨਾਈ । ਤੇ ਸੰਗ ਮੋਹਿ ਨ ਹੈ ਬਨ ਕੇ ਦੁਖ ਹੈ ਹੀਅ ਮੈ ਸੀ-
ਅ ਕੀ ਦੁਚਿਤਾਈ । ਰੋਵਤਿ ਨੈਨਨ ਤੇ ਜਲ ਡਾਡ ਅਜੋਘਰ
ਹੈਂ ਨ ਚਲੇ ਬਨ ਧਾਈ । ਸੌਂਪ ਚਲੋਂ ਨਿਜਮਾਤ ਕੇ ਹਾਥ ਸੁ

ਰਾਮ ਬਿਚਾਰ ਇਹੈ ਠਹਰਾਈ ॥ ੪੪ ॥

(ਸੀਤਾਉਵਾਰ)

ਦੋਹਰਾ—ਸੁਨਿ ਸੀਤਾ ਬਿਲਖੀ ਬਦਨ ਸੰਗ ਛੁਡਾਵਤਿ ਮੋਹਿ
ਸ਼ੇਖ ਅਸ਼ੇਖ ਧਰਾ ਧਰੀ ਕਜੇਂ ਭਾਵਤ ਹੈ ਤੋਹਿ ॥ ੪੫ ॥

ਸੋਰਠਾ—ਰਵਿ ਪਾਵਕ ਸੀਅਰਾਹਿ ਤਪੈ ਤਪਨ ਜਜੇਂ ਚੰਦ੍ਰਮਾਂ।
ਸਿੰਧੁ ਸੁਕਾਹਿ ਸੁ ਥਾਹਿ ਤੋਂ ਨ ਸੰਗ ਤਜਿ ਸੀਅ ਰਹੈ ॥ ੪੬ ॥
ਕਬਿੱਤ—ਦੇਖੇ ਮੁਖ ਜੀਉਂ ਬਿਨ ਦੇਖੇ ਨੈਨਾ ਸੀਉਂ ਦੋਉ ਪਾ-
ਨੀਓਂ ਨ ਪੀਉਂ ਤਾਤਮਾਤ ਧਾਮਕੇ ਚਹੈ। ਐਸੀ ਬਿਪਰੀਤ ਬਾਤ
ਔਰ ਹੂੰ ਸੋਂ ਕਹੈ ਨਾਥ ਸੰਗ ਜੇ, ਨ ਗਹੇਂ ਪ੍ਰਾਨ ਆਨ ਜਮ ਮੋ
ਗਹੈ। ਕੌਨ ਕਾਜ ਆਜ ਪੁਰਹੂਤ ਕੇ ਸਮਾਜ ਮੇਰੇ ਰਾਮ ਘਰ
ਨਾਹੀਂ ਸੋਈ ਰਾਜ ਨਾਗ ਜਜੇਂ ਦਹੈ। ਜੋਗ ਕੀ ਜੁਗਤਿ ਮੈਂ ਤੋ
ਆਜ ਹੂੰ ਤੇ ਜਾਨੀ ਰਾਨੀ ਕੌਸਲਯਾ ਕੇ ਪਾਸ ਪਟਗਾਣੀ ਹੋਇ
ਸੋ ਰਹੈ ॥ ੪੭ ॥

(ਰਾਮਚੰਦ੍ਰਉਵਾਰ)

ਸਵੈਯਾ—ਭੂਖ ਸਹੈ ਨਿਸ ਰੂਖ ਬਸੈ ਨ ਮਧੂਖ ਲਗੈ ਰਵਿਕੀ
ਦੁਖ ਪਾਵੈ। ਪਾਇ ਚਲੈ ਸਰਤਾ ਗਿਰ ਕਾਨਨ ਮੇਹੁ ਤੁਖਾਰ
ਪਰੈ ਨ ਜਨਾਵੈ। ਸਾਸ ਕੇ ਧਾਮ ਲੋ ਜਾਤ ਕਿਸੇਦਰ ਹਾਰਪਰੈਂ
ਤੋਹਿ ਕੌਨ ਉਠਾਵੈ ॥ ਹੈ ਬਨ ਕੇ ਬਸਬੇ ਦੁਖ ਕੇ ਸੁਨ ਤੋਹਿ
ਚਲੈ ਕਹੁ ਕਜੇਂ ਬਨ ਆਵੈ ॥ ੪੮ ॥

[ਸੀਤਾਉਵਾਰ]

ਕਬਿੱਤ—ਪਾਤ ਫਲ ਖਾਉਂ ਸਿੰਘ ਸਾਂਪ ਤੇ ਡਰਾਉਂ ਨਾਹੀਂ ਪਾਛੇ
ਨਿਜਕਾਉਂ ਕਠਨਾਈ ਸਬ ਜੀ ਸਹੇਂ। ਥਾਕੇ ਚਾਪੇਂ ਪਾਉਂ ਧੂਪ
ਲਾਗੈ ਹਾਂਕੇ ਬਾਉ ਨਾਥ ਸੰਗ ਪਰੈ ਆਪਦਾ ਅਨੇਕ ਭਾਂਤ ਹੋ
ਸਹੇਂ। ਜੋ ਨ ਮੈ ਸੁਹਾਉਂ ਮੁਖ ਦੇਖੇ ਦੂਰ ਚਲੀ ਜਾਉਂ ਬਸੇਂ ਏਕ
ਗਾਉਂ ਚਲੇ ਚਲੇਂ ਰਹੇਂ ਹੋ ਰਹੇਂ। ਜੂਠਨ ਚਬਾਉ ਜੋ ਨ ਦੇਹੁ
ਮਰਜਾਉਂ ਰਾਮ ਸਾਥ ਪੈ ਨਾ ਤਜੇਂ ਰਘੁਨਾਥ ਬਾਤ ਹੋਂ
ਕਹੇਂ ॥ ੪੯ ॥

[ਲਛਮਨੋਵਾਚ]

ਸਵੈਯਾ—ਤਾਤ ਕਹਜੇ ਬਨਬਾਸ ਤੁਮੈ ਤੁਮ ਮੋਹਿ ਕਹੇ ਬਨ ਹੋਂ
ਫਿਰ ਆਉਂ। ਕੇਤਕ ਬਾਤ ਸੁਨੇ ਮੇਰੇ ਨਾਥ ਹੋਂ ਭੋਹਨ ਕੋਨੈਕ
ਆਇਸ ਪਾਉਂ। ਸੀਅ ਸੇ ਰਾਜ ਕਰੇ ਜੁਗ ਲੋ ਪਥ ਤੇ ਭਰਤੈ
ਮਿਲ ਹੋਂ ਉਲਟਾਉਂ॥ ਜੁਝ ਮਰੋਂ ਕਿ ਕਰੋਂ ਪ੍ਰਭੁ ਕਾਰਜ ਤੋ
ਅਪਨੇ ਮੁਖ ਆਨ ਦਿਖਾਉਂ॥ ੫੦॥

[ਰਾਮਚੰਦ੍ਰੋਵਾਚ]

ਸਵੈਯਾ—ਏਕ ਪਰੈ ਦੁਖ ਸੇ ਸਿਰ ਲੈ ਸਹੀਏ ਦੁਖ ਜਾਨਤਆ-
ਇ ਛਠੀ ਹੈ। ਜਾਇਕੈ ਬਜਾਹ ਜੰਜਾਲ ਕੀਓ ਭਾਈ ਭਾਲ
ਕੇ ਅੰਕ ਨ ਥਾਹ ਲਠੀ ਹੈ। ਸ੍ਰੀ ਰਘੁਬੀਰ ਕਹੈ ਦੁਖ ਕੀ ਉਰ
ਮੈ ਚਹੁ ਓਰਨਿ ਤੇਜ ਭਠੀ ਹੈ। ਤਾਤ ਕੀ ਸੋਗਤਿ ਮਾਤਕੀਓ
ਮਤਿ ਭ੍ਰਾਤ ਚਲਜੇ ਅਬ ਨਾਰ ਹਠੀ ਹੈ॥ ੫੧॥

ਸਵੈਯਾ—ਬੀਰਹਿ ਜੋ ਕਹੋਂ ਤੂੰ ਘਰ ਹੀ ਰਹੁ ਸੇ ਮੁਹਿਯੋਂ ਕਹਿਕੈ
ਸਮਝਾਵੈ। ਹੋ ਬਨ ਜਾਉਂ ਰਹੇ ਤੁਮ ਹੀ ਘਰ ਤਾ ਤਨ ਦੇਖਬ-
ਡੇ ਦੁਖ ਆਵੈ। ਜੋ ਸੀਅ ਸੇ ਫਿਰ ਬਾਤ ਕਹੋਂ ਘਰ ਆਪ ਰਹੈ
ਸੰਗ ਪ੍ਰਾਣ ਪਠਾਵੈ। ਹੈ ਇਹ ਭਾਂਤ ਕਸੂਤ ਸਬੈ ਪੁਨਿ ਤਾਂ ਪਰ
ਰਾਮ ਸਪੁਤ ਕਹਾਵੈ॥ ੫੨॥

[ਕਵਿਓਵਾਚ]

ਦੋਹਰਾ—ਲਛਮਨ ਸੀਅ ਬਿਨਤੀ ਕਰੀ ਸੁਨਰਾਘਵ ਰਨਧੀ-
ਰ। ਦੁਖ ਅੰਧੇਰ ਕਜੇਂ ਛੈ ਸਕੇ ਕਰ ਦੀਪਕ ਰਘੁਬੀਰ॥ ੫੩॥
ਸੋਰਠਾ—ਦੇਖੀ ਫਟਿਕ ਪਿਛੋਰਿ ਸੰਗ ਨ ਛਾਡਤ ਬੀਰ ਤੀਅ
॥ ਦੇਵਨ ਸੇ ਕਰ ਜੋਰਿ ਸ੍ਰੀ ਰਘੁਪਤਿ ਬਿਨਤੀ ਕਰੈ॥ ੫੪॥

(ਰਾਮਚੰਦ੍ਰੋਵਾਚ)

ਸਵੈਯਾ—ਸ੍ਰੀ ਸਵਿਤਾ ਪ੍ਰਭੁ ਸੀਤਲਤਾ ਭਜ ਰਾਹ ਸਖੇ ਲਘੁਤਾ
ਕਛੁ ਪਾਉਂ॥ ਬੀਰ ਸਮੀਰ ਹਰੇ ਤਨ ਪੀਰ ਅਧੀਰਨ ਹੋਂ ਨ
ਕਹੋਂ ਨ ਕਹਾਉਂ। ਹੋ ਬਨ ਤੂੰ ਨਿਜਕਾਇ ਕਛੁ ਗਿਰ ਰੇ ਤਜ
ਮਾਰਗ ਜਾਹਿ ਅਗਾਉਂ। ਜਾਨਕੀ ਸੰਗ ਕਹੇ ਚਲਿਬੇ ਅਬ ਕੇ-
ਮਲ ਹੋਹ ਧਰਾ ਤੁਰਤਾਉਂ॥ ੫੫॥

[ਕਵਿਓਵਾਰ]

ਸਵੈਯਾ—ਰਾਜਹ ਨੈਕ ਭਈ ਸੁਧਿ ਤੋਂ ਲਗ ਬੋਲ ਉਠਜੇ ਜਲ
ਬੁਡ ਮਰੋਂ । ਅਬ ਕੈ ਤਨ ਛਾਡ ਚਲੋਂ ਦਿਵਕੇ ਦੁਖਰਾਮਬਿਨਾ
ਕਿਹ ਭਾਂਤ ਭਰੋਂ । ਸਬ ਜੇ ਘਰ ਮੈ ਹਯ ਹੈ ਰਬ ਸਿੰਧੁਰ ਲੈ
ਬਨ ਮੈ ਬਸ ਰਾਜ ਕਰੋਂ । ਭਾਈ ਕੈ ਕੋਊ ਆਨ ਕਹੈ ਰਹੇ ਰਾ-
ਘਵ ਰਾਜ ਸਿੰਘਾਸਨ ਫੇਰ ਧਰੋਂ ॥ ੫੬ ॥

ਸਵੈਯਾ—ਤਾਤ ਦਯੋ ਰਬ ਤਾਂ ਚਢ ਸ੍ਰੀ ਰਘੁਬੀਰ ਸੁ ਮਾਤ ਕੇ
ਮੰਦਿਰ ਆਏ । ਸੰਗ ਲਏ ਲਘੁਬੀਰ ਸੀਆ, ਨ ਰਹੇ ਘਰ ਤੇ
ਬਹੁਤੇ ਸਮਝਾਏ । ਧਾਇਕੇ ਪਾਂਇ ਗਹੇ ਕਹੀ ਬਾਤ, ਸੁਨੀ ਤਿ-
ਨ ਰੋਇਕੈ ਕੰਠ ਲਗਾਏ । ਦੇਖਹੁ ਕਾਲ ਭੁਜੰਗ ਡਸਜੇ ਜਗ
ਮਾਨਸ ਕੋ ਜਗਦੀਸ ਰੁਵਾਏ ॥ ੫੭ ॥

[ਕੋਸਲਯਾਵਾਰ]

ਸਵੈਯਾ—ਪੂਤ ਰਹੇ ਬਲਿਜਾਉਂ ਪੀਓਂ ਜਲ, ਬਾਤ ਸਬੈ ਸਮਝਾ-
ਇ ਕਹੇ । ਸੁਨ ਮਾਤ ਬੁਲਾਇ ਕੈ ਰਾਜਕੋ ਮੋਹਿ, ਕਹਜੇ ਬਹੁਰੇ
ਬਨਬਾਸ ਗਹੇ । ਧਰ ਸੀਸ ਲਈ ਸੁ ਕਰੀ ਅਬ ਹੀ, ਤੁਮ ਦੇਹੁ
ਬਿਦਾ ਨ ਬਿਲੰਬ ਚਹੇਂ । ਸੁਭ ਚੰਦਨ ਅੱਛਤ ਭਾਲ ਲਗਾਇ
ਕੈ, ਦੇਹੁ ਅਸੀਸ ਖਵਾਇ ਦਹੇਂ ॥ ੫੮ ॥

ਕਬਿੱਤ—ਬੈਠੋ ਬਲਿਜਾਉਂ ਮਾਤ ਲੋਚਨ ਸਿਰਾਹੁਗਾਤ, ਲਛ-
ਮਨ ਸੀਤਾ ਸੰਗ ਰਾਘਵ ਸੁਹਾਏ ਹੋ । ਰੂਖੇਸੇ ਬਦਨ ਤੁਮ
ਤੀਨੋਂ ਕੁਮਲਾਨੇ ਫੂਲ ਕਹੇ ਕਾਟ ਡਾਰੀ ਤੁਮ ਕੋਨੇ ਬਿਲਖਾਏ
ਹੋ । ਰਾਜਾਕੇ ਬਚਨ ਬਨਬਾਸ ਆਜ ਤਯਾਗ ਰਾਜ, ਬੋਲ ਸੁਨ
ਬੂਢਨ ਕੇ ਭਲੇ ਉਠ ਧਾਏ ਹੋ । ਖੇਲ ਰਸ ਮਾਤੇ ਤਬ ਬੋਲੇ ਹੂੰ
ਨ ਆਵਤ ਹੋ ਵਾਰ ਫੇਰ ਡਾਰੀ ਆਜ ਆਪ ਹੀ ਤੇ ਆਏ ਹੋ ॥ ੫੯ ॥
ਕਬਿੱਤ—ਤਬ ਤੋਂ ਨ ਦੇਖੇ ਜਬ ਰਾਜ ਰਿਖਿ ਸੰਗਰਾਮ ਲਛਮਨ
ਹੂੰ ਕੋ ਲੈ ਸਿਧਾਰੇ ਅਰਿ ਨਾਸ ਕੋ । ਬਹੁਰੇ ਪਰਸਰਾਮ ਸੰਗ ਬ-
ਕਬਾਦ ਭਯੋ ਤਰਸਤ ਰਹੇ ਨੈਨਾ ਕੀਨੋਂ ਬਿਧਿ ਤ੍ਰਾਸ ਕੋ । ਰੋ-
ਵਤ ਪੁਕਾਰ ਰਾਮ ਕੰਠ ਲਪਟਾਇ ਮਾਥੇ ਚੁੰਮ ਜਾਨਕੀਕੋਲੇਤ
ਉਰਧ ਉਸਾਂਸ ਕੋ । ਸੁੰਦਰ ਸਪੂਤ ਮੇਰੇ ਬਨੈ ਸੂਤ ਮੈਂ ਨ ਦੇਖੇ,

ਭਰਿ ਭਰਿ ਨੈਨਾ ਜਾਤ ਚਲੇ ਬਨਬਾਸ ਕੇ ॥ ੬੦ ॥

ਸਵੈਯਾ-ਕੇਕਈ ਕੇ ਬਸ ਹੈ ਬਿਖ ਕੇ ਘਟਿ, ਪੀ ਨਿਬਰਜੋਕਿ-
ਧੋਂ ਪੀਵਤ ਹੈ। ਕਿਧੋਂ ਤਾਹੀਕੇ ਬੋਲ ਲਗਜੇ ਉਰ ਨਾਗ ਸੋਂ
ਕਾਟ ਗਯੋ ਅਬ ਖੀਵਤਹੈ। ਜੀਅ ਜਾਨਤ ਹੋਂ ਕਛੁ ਐਸੀਭਈ
ਗਤਿ ਜਜੋਂ ਬਿਨ ਤੇਲਹਿ ਦੀਵਤ ਹੈ। ਸਖੀ ਕੈਸੇ ਕੈ ਰਾਮਹਿ
ਜਾਨ ਕਹਜੇ ਬਨ, ਦੇਹ ਛੁਟੀ ਕਿਧੋ ਜੀਵਤ ਹੈ ॥ ੬੧ ॥

ਕਬਿੱਤ-ਭਸਮ ਲਗਾਓਂ ਗਾਤ ਚੰਦਨ ਉਤਾਰੇ ਤਾਤ, ਕੁੰਡਲ
ਉਤਾਰੇ ਕਾਨਮੁੰਦ੍ਰਾ ਪਹਿਰਾਇਦਜੇਂ। ਜਟਾਊਸਵਾਰੋਕੇਸ ਗੋਰਖ
ਕੋ ਕਰੋ ਭੇਸ ਜਾਨਕੀ ਲਖਨ ਕੋ ਹੋਂ ਖਿੰਬਾ ਹੂੰ ਸਿਵਾਇਦਜੇਂ
। ਖੱਪਰ ਲੈਹਾਬ ਹੋਂ ਹੀਂ ਭੀਖ ਮਾਂਗ ਆਨ ਦੇਉਂ, ਦੇਖੇ ਮੁਖ ਜੀ
ਉਂ ਨਾਹੀਂ ਪ੍ਰਾਨਨ ਬਹਾਇ ਦਜੇਂ। ਏਤੀ ਸਬ ਕਰੋਂ ਪੈ ਨ
ਨੈਨਨ ਤੇਟਰੋਂ ਰਾਮ, ਰਹੇ ਤਾਹੀਂ ਬਾਗ ਮੈਜੁ ਦ੍ਵਾਰੇਈ ਬਠਾਇ
ਦਜੇਂ ॥ ੬੨ ॥

ਕਬਿੱਤ-ਜਾਨਕੀ ਤਿਹਾਰੇ ਸੰਗ ਜਾਨਤ ਨ ਏਕੈ ਦੁਖ, ਯਾਕੇ
ਸਬ ਲਾਂਡ ਬੇਟਾ ਬਨਹੂੰ ਮੈ ਸਹੀਓ। ਪਾਇਨ ਕੋ ਚਲਬੇ ਜਹਾਂ
ਲੋ ਯਾਪੈ ਚਲਿਓ ਜਾਏ ਆਗੇ ਜਿਨ ਜੱਯੋ ਯਾਕੇ ਸੰਗ ਨਿਰ
ਬਹੀਓ। ਲਛਮਨ ਜੂ ਕੋ ਮੁਖ ਭੂਖੇ ਨ ਰਹਨ ਦੀਜੇ ਆਵੈਕੋਉ
ਇਤ ਤੋ ਸੰਦੇਸਨ ਕੋ ਕਹੀਓ। ਉਤਰਤ ਜੱਯੋ ਕਾਹੂ ਗਾਉਂ ਕੋ
ਨਿਕਟਿ ਮੇਰੇ ਪੂਤ ਬਨਬਾਸੀ ਮੇਰੀ ਸੁਧ ਲੇਤੇ ਰਹੀਓ ॥ ੬੩ ॥

ਕਬਿੱਤ-ਕੈਸੇ ਦੁਖ ਸਹਿਓ ਜਾਇ ਕੌਨ ਸੋਂ ਪੁਕਾਰ ਕਹੋਂਕੈਸੀ
ਉਰ ਲਾਗੀ ਆਗ ਸੁਨਤ ਅਚਾਨਕੀ। ਯਾਹੀਕੇ ਬੁਲਾਇਭਲੇ
ਰਾਜ ਲੈ ਬਠਾਇ ਰਾਜਾ ਰਾਜ ਕਰੋਰਾਜਨੀਤ ਬੂਡੀਕੁਲਭਾਨ
ਕੀ। ਰਾਨੀ ਪਛੁਤਾਇ ਮਰਜਾਇ ਹਾਇ ਹਾਇ ਦੇਖੇ, ਕੇਕਈ
ਕੋ ਦੇਤ ਬਰ ਨੈਕ ਭੂਪ ਹਾ ਨਕੀ। ਕੈਸੇ ਰਹੀ ਦੇਹ ਜਰਿ ਖੇਹਿ
ਨ ਉਡਾਨੀ ਰਾਮ ਬਿਦਾ ਹੋਤ ਰਾਮਚੰਦਲਖਮਨਜਾਨਕੀ ॥ ੬੪ ॥

ਕਬਿੱਤ-ਏਕ ਕਾਮ ਕਰੋ ਮੇਰੇ ਦੁਖ ਕੋ ਜੋ ਹਰੇ ਰਾਮਤਾਤ ਮਾਤ
ਆਇਸ ਮੈਂ ਭੇਦ ਹੂੰ ਨ ਕਹਿਓ ਹੈ। ਤਾਂਤੇ ਸੀਅ ਸੰਗ ਬੀਰ

ਲਛਮਨ ਲੈਕੇ ਪੂਤ ਮੇਰੇ ਧਾਮ ਰਹੇ ਯਾ ਮੈ ਮੀਤ ਧਨ ਰਹਿਓ
ਹੈ। ਹੂੰ ਸੁਖ ਪਾਉਂ ਤੁਮੈ ਕਾਹੂੰ ਨ ਦਿਖਾਉਂ ਦਸਰਥ ਜੂ ਕੇ
ਜਾਨੇ ਤੁਮ ਬਡੇ ਬਨ ਗਹਜੇ ਹੈ। ਭੂਪੈ ਨ ਸੁਨਾਉਂ ਨ ਬੁਲਾਉਂ
ਹੋਂ ਭਰਤਜੂਕੇ ਦੇਖੇ ਮੁਖ ਲੋਚਨ ਸਿਰਾਨੇ ਮਗ ਲਹਜੇ ਹੈ॥੬੫॥

[ਰਾਮਚੰਦ੍ਰਉ ਵਾਰ]

ਸਵੈਯਾ—ਮੈਂ ਧਰਕੈ ਸਬ ਸੀਸ ਲਈ ਬਤੀਆਂ ਤੁਮਰੀ ਸੁਨਕੈ
ਮਨ ਮੈਂ। ਅਬ ਦੇਹੁ ਬਿਦਾ ਤੁਮ ਹੂੰ ਤਜ ਮੋਹਿ ਧਰੋਂ ਪਗ ਸੀਸ
ਚਲੋਂ ਛਿਨ ਮੈਂ। ਘਰ ਬੈਠ ਰਹੋਂ ਸਬਲੋਕ ਕਹੈਂ ਅਜਹੂੰ ਮਨ
ਰਾਜ ਸਿੰਘਾਸਨ ਮੈਂ। ਸੁਨ ਸਾਚ ਕਹੋਂ ਤੁਮ ਸੋਂ ਜਨਨੀ ਤਨਤੋ
ਢਿਗ ਹੈ ਮਨ ਹੈ ਬਨ ਮੈਂ ॥ ੬੬ ॥

[ਕੌਸਲਯਾਉ ਵਾਰ]

ਸਵੈਯਾ—ਆਜ ਰਹੇ ਮੇਰੇ ਨੈਨ ਸਿਰਾਹੁ ਕਹੇ ਕਹਿ ਭੂਪਤਿ ਕੋ
ਸਮਝਾਉਂ। ਕੇਕਈ ਕੋ ਇਹ ਭਾਂਤ ਦਏ ਬਰ ਰਾਮ ਰਹੈ ਘਰ
ਹੋਂ ਬਰ ਪਾਉਂ। ਮੋਹਿ ਗਏ ਬਨ ਹੀ ਬਨ ਹੈ ਤੁਮ ਖੇਦ ਤਜੋ
ਇਕ ਬਾਤ ਸੁਨਾਉਂ। ਜੋ ਘਟ ਪ੍ਰਾਨ ਰਹੇ ਸੁਨ ਮਾਤ ਤੋ ਕਾਲ
ਹੀ ਪਾਇਨ ਸੀਸ ਛੁਹਾਉਂ ॥ ੬੭ ॥

ਕਬਿੱਤ—ਰਾਮ ਹੇ ਸੁ ਚਲੇ ਸੰਗ ਲਛਮਨ ਚਲੇ ਸੀਤਾਚਲੀ ਮੇਰੇ
ਪ੍ਰਾਨ ਬੈਠ ਰਹੇ ਨ ਪਗਤ ਹੋ। ਸਘਨ ਅੰਧੇਰੇ ਬਨ ਕੈਸੇ ਕੈ
ਬਿਹੋਰੇ ਰਾਮ ਤੁਮ ਤੋ ਨਗਰ ਹੂੰ ਕੀ ਬੀਥਨਿ ਭੁਲਾਤ ਹੋ। ਕਬ
ਹੂੰ ਨ ਮਾਰਗ ਚਲੇ ਹੋ ਸੁਕੁਮਾਰ ਦੇਉ ਨੈਕ ਹੂੰ ਕੇ ਸੁਖ ਪਾਏ
ਗਾਤ ਕੁਮਲਾਤ ਹੋ। ਖਾਇਕੇ ਤਵਾਰ ਗਾਨੀ ਬੂਡੀ ਦੁਖ ਸਿੰਧ
ਧਾਰ ਪਾਰ ਕੋ ਲਗਾਵੈ ਪੂਤ ਐਸੀ ਕੀਏ ਜਾਤਹੋ ॥ ੬੮ ॥

[ਕਵਿਓ ਵਾਰ]

ਸੋਰਠਾ—ਬਹੁਤ ਰਹੀ ਸਮਝਾਇ ਰਹੇ ਨ ਮਾਤਾ ਬਚਨ ਕਹਿ।
ਬਨ ਕੋ ਚਾਲੇ ਧਾਇ ਲਛਮਨ ਸੀਤਾ ਸੰਗਲੈ ॥ ੬੯ ॥

ਕਬਿੱਤ—ਸੁਰਜਯੋਂ ਸੁਮੇਰਕੋ ਨਿਛਤ ਧੂਮ ਢੇਰਕੋ ਜਯੋਂ ਪਾਰਦ
ਪਰੇਰ ਕੋ ਜਿਉਂ ਸਾਗਰ ਮਯੰਕ ਕੈ। ਜੈਸੇ ਗ੍ਰਹਿਰਾਸਕੋ ਭ੍ਰਮਰ
ਕੰਜ ਬਾਸ ਕੋ ਬਿਯੋਗੀ ਤੀਅ ਪਾਸ ਕੋ ਜਯੋਂ ਬਲੀ ਦੌਰੈਰੰਕਕੋ

। ਚਾਂਪ ਸਰ ਲੱਛ ਕੋ ਸੁ ਮੰਤ੍ਰੀ ਨਿਪਪੱਛਕੋ ਜਜੋਂ ਬੀਰ ਭਦ੍ਰਦਛ
ਕੋ ਉਨੀਂਦੋ ਪਰਯੰਕ ਕੋ । ਕੋਟ ਸਮਝਾਏ ਮਾਨੋਂ ਛੁਟੇ ਸਿੰਘ
ਧਾਏ ਤੈਸੇ ਰਾਜਾ ਕੇ ਪਠਾਏ ਬਨ ਧਾਏ ਤਜ ਸੰਕਕੋ ॥ ੭੦ ॥

[ਸੀਤੋ ਵਾਰ]

ਕਬਿੱਤ-ਛੁਏ ਪਾਇ ਤੇਹੀ ਘਰੀ ਚਲੀ ਸੀਅ ਰੋਵੈਖਰੀ ਰਾਨੀ
ਦਾਸੀ ਜਾਨ ਮੋਹਿ ਚਿਤ ਅਭਿਲਾਖੀਓ । ਭਾਵਤੀ ਜੇ ਗੁਡੀਆ
ਲੈ ਚਲੀ ਹੁਤੀ ਕਾਂਖ ਚਾਂਪ ਤੇਉ ਸੋਪ ਕਹਜੇ ਇਨੈ ਨੀਕੇ ਕਰ
ਰਾਖੀਓ । ਤਾਂਕੇ ਪਾਛੇ ਸਾਰਕਾਨ ਬੂਝ ਸੁਕ ਹੰਸ ਬੂਝੈ ਮੋਰ ਰੇ
ਚਕੋਰ ਮੋਹਿ ਤੋਰਜਿਨ ਨਾਖੀਓ । ਤੁਮ ਹੋਹਮਾਰੇ ਅਬਹੋਂਚਲੀ
ਤਿਹਾਰੇ ਧਾਮ ਮੇਰੀ ਰਾਮਰਾਮ ਪਾਛੇ ਰਾਮਰਾਮ ਭਾਖੀਓ ॥ ੭੧ ॥

[ਕਵਿਓ ਵਾਰ]

ਸਵੈਯਾ-ਬੀਰ ਚਲਜੇ ਸੰਗ ਹੈ ਸੁ ਕੁਮਾਰ ਸੁ ਸੋਕ ਭਰਜੇ ਘਰ
ਮਾਂਹਿ ਪਿਤਾ ਹੈ । ਮਾਤ ਇਤੈ ਬਿਲਲਾਤ ਖਰੀ ਨ ਸੁਹਾਤ ਕਛੂ
ਬਿਧਿ ਸੋਂ ਨ ਬਸਾ ਹੈ । ਤਾਂਪਰ ਔਰ ਚਲੀ ਸੰਗ ਨਾਰਿ ਸੁ ਕੋ
ਬਰਨੈ ਕਵਿਯਾ ਦੁਖਦਾ ਹੈ । ਸੂਰ ਸਸੀ ਸ਼ਿਵ ਸ਼ੱਕ ਬਿਨਾਯਹਿ
ਸਾਥ ਭਲੇ ਰਘੁਨਾਥ ਨਿਬਾਹੈ ॥ ੭੨ ॥

ਕਬਿੱਤ-ਰੋਵੈ ਤਾਤ ਤਾਹੀ ਠੌਰ ਰੋਵੈ ਮਾਤ ਠਾਂਢੀ ਪੌਰ ਰੋਵਤ
ਚਲੇ ਹੈ ਦੇਉ ਰਾਜ ਤੇ ਗਿਲਾਨ ਕੀ । ਆਏ ਅਬ ਮਿਲਨ ਸੁ-
ਮਿਤ੍ਰਾ ਜੂਕੇ ਰਾਮਚੰਦ ਸੋਉ ਰੋਇ ਉਠੀ ਬਾਤ ਸੁਨਤ ਅਚਾਨਕੀ
। ਪਾਇ ਪਰ ਕਹਿਓ ਤੁਮ ਖੇਦ ਜਿਨ ਕਰੋ ਮਾਤ ਤਾਤ ਕੋ ਨ
ਦੋਸ ਬਾਤ ਬਿਧਿ ਕੇ ਬਿਧਾਨ ਕੀ । ਤਾਂਹੀ ਛਿਨ ਸੀਸ ਨਾਇ
ਠਾਢੇ ਭਯੋ ਲਛਮਨ ਰੋਇਕੈ ਸੁਧਾਇ ਪਾਇ ਗਹੇ ਆਇ
ਜਾਨਕੀ ॥ ੭੩ ॥

[ਪ੍ਰਸ਼ਨੋਤਰ ਲਛਮਨ ਕੇ ਮਾਤਾ ਸੋਂ]

ਕਬਿਤ-ਬੋਲਿਓ ਲਛਮਨ ਹੋਂ ਹੂੰ ਜਾਤ ਮਾਤ ਜਾਹ ਪੂਤ, ਨੀਕੇ
ਕਰਿ ਸੇਵਾ ਕੀਜੋ ਰਘੁ ਕੁਲਭਾਨ ਕੀ । ਇਨੈ ਨ ਖਿਝਯੋਦਲ
ਸੇਜ ਕੋ ਬਿਛੱਯੋ, ਪਾਛੇ ਜੂਠਨ ਕੋ ਖੱਯੋ ਬਾਤ ਇਹੈ ਹੈ
ਸਿਆਨ ਕੀ । ਯਾਕੇ ਅਪਰਾਧ ਸੀਅ ਛਮਾਹੂੰ ਕਰੱਯੋ

ਰਘੁਬੀਰ ਹੈਂ ਕ੍ਰਿਪਾਲ ਜਨ ਹੇਤ ਕਹਯੋ ਜਾਨ ਕੀ। ਵੇਈਬਨ
ਕੋਟ ਖੇਰੇ ਪਿਤਾ ਸੰਗ ਰਾਮ ਤੇਰੇ, ਰਾਖ ਹੈ ਨ ਦੁਖੀ ਤੋਹਿਮਾਤ
ਤੇਰੀ ਜਾਨਕੀ ॥ ੭੪ ॥

ਕਬਿੱਤ-ਫੂਟ ਜਾਹੁ ਨੈਨਾ ਬਿਨ ਦੇਖੇ ਰਘੁਬੀਰ ਮੁਖ, ਜਾਨ-
ਕੀ ਨ ਦੇਖੇਂ ਹੈਂ ਨਾ ਛੋਨਾ ਲਛਮਨ ਕੋ। ਰਾਜਾ ਕੋ ਕਬਚਨ
ਬਹਾਉਂ ਨ ਦਿਖਾਉਂ ਮੁਖ, ਚਲੇ ਸੰਗ ਚਲੋਂ ਭੀਖ ਮਾਂਗੋ ਕਨ
ਕਨ ਕੋ। ਰਾਜ ਜਾਰੋ ਤਨ ਕੇ ਪਟੰਬਰਨਿ ਫਾਰ ਮੇਲੋਂ ਕੰਥਾ
ਹੋਉਂ ਜੋਗਨਿਬਿਯੋਗੀ ਕਰੋਂ ਮਨ ਕੋ। ਕਹਿਤ ਸੁਮਿਤ੍ਰਾ ਹੋਸਪੂਤ
ਪੂਤਦੋਉ ਤਾਮੈ ਕੈਸੇ ਜਾਨ ਕਹੋਂ ਪ੍ਰਾਨ ਰਾਮ ਤੁਮੈ ਬਨ ਕੋ ੭੫

[ਕਵਿਓਵਾਰ]

ਕਬਿੱਤ-ਗਰੁੜ ਅਵਧ ਪੱਛ ਤੈਸੇਈ ਸੁਹਾਗ ਲੱਛ, ਸਤ ਕੀ
ਅਵਧ ਹਰੀਚੰਦ ਉਰ ਆਨੀਏ। ਧਰਮ ਅਵਧ ਰਾਜਾ ਪੰਡ
ਸੁਤ ਸੁਨਯੋ ਕਾਨ, ਜਲ ਕੀ ਅਵਧ ਸਾਤੇ ਸਮੁੰਦ ਬਖਾਨੀਏ
। ਪਾਨ ਕੀ ਪਿਯੂਖ ਪਾਨ ਤੇਜ ਕੀ ਅਵਧ ਭਾਨੁ, ਦੇਵ ਮਹਾਂ
ਦੇਵ ਠਕੁਰਾਈ ਹਰਿਠਾਨੀਏ। ਰਾਮਕੇ ਬਿਛੋਹੇ ਤਾਤ ਮਾਤ
ਦੁਖ ਪੋਹੇ ਜੈਸੇ, ਤਾਂ ਦੁਖ ਕੀ ਅਵਧ ਨ ਆਜ ਕਛੁ ਜਾਨੀ-
ਏ ॥ ੭੬ ॥

ਸਵੈਯਾ-ਆਜ ਹੀ ਤੇ ਸੁਖ ਰੂਖ ਕੋ ਕਾਟਿ, ਮਹਾ ਦੁਖ ਬੇਲ
ਧਰਾ ਪਰ ਬੋਈ। ਤਾਂਹੀ ਕੋ ਦੋਸ਼ ਨਹੀਂ ਕਵਿਰਾਮ, ਲਿਖੇ
ਬਿਧਿ ਅੰਕ ਬਚੈ ਅਬ ਸੋਈ। ਸੂਰ ਫਿਰੈ ਸ਼ਿਵ ਖਾਇ ਹਲਾ-
ਹਲ, ਜੋ ਬਿਧਿਨਾ ਬਲਵਾਨ ਨ ਹੋਈ। ਤੋਂ ਕਹਾਂ ਕੇਕਈ ਕੇ
ਬਸ ਹੈ ਕਵਿ ਰਾਮ ਸੇ ਪੂਤ ਨਿਕਾਰਤ ਕੋਈ ॥ ੭੭ ॥

ਸਵੈਯਾ-ਏ ਬਨਬਾਸ ਚਲੇ ਦੋਉ ਸੁੰਦਰ ਕੌਤਕ ਕੋ ਸੀਅ ਸੰਗ
ਜੁਟੀ ਹੈ। ਪਾਇਨ ਪਾਇ ਨ ਕੋਸ ਚਲੀ ਅਜਹੂੰ ਨਹਿ ਗਾਉਂ
ਕੀ ਸੀਵ ਛੁਟੀ ਹੈ ॥ ਹਾਥ ਧਰੇ ਕਟਿ ਬੁਝਤ ਰਾਮਹਿ ਨਾਥ
ਕਹੋ ਕਹਾਂ ਕੁੰਜ ਕੁਟੀ ਹੈ। ਰੇਵਤ ਰਾਘਵ ਜੋਵਤ ਸੀ ਮੁਖ ਮਾ-
ਨਹੁ ਮੋਤਿਨ ਮਾਲ ਟੁਟੀ ਹੈ ॥ ੭੮ ॥

ਸਵੈਯਾ—ਗਾਉਂ ਤਜਯੋ ਸੁ ਚਲੇ ਰਥ ਬੈਠ, ਸੁ ਏ ਪੁਰ ਕੇ ਜਨ
ਸੰਗ ਸਬੈ ਹੈਂ। ਏਕ ਕਹੈਂ ਬਿਪਰੀਤ ਬਡੀ, ਦੋਉ ਬੀਰ ਕਹੈਂ
ਘਰ ਆਜਨ ਐ ਹੈਂ। ਏਕ ਕਹੈਂ ਜਹਾਂ ਰਾਮ ਤਹਾਂ ਹਮ, ਫੇਰੇਉ
ਤੇ ਫਿਰ ਧਾਮ ਨ ਜੈ ਹੈਂ। ਗਾਤ ਸਹੈਂ ਦੁਖ ਬਾਤ ਯਹੈ, ਬਨ
ਭ੍ਰਾਤਨ ਕੇ ਸੰਗ ਪਾਤ ਚਬੈ ਹੈਂ ॥ ੭੯ ॥

(ਰਾਮਚੰਦ੍ਰਵਾਰ)

ਸਵੈਯਾ—ਰਾਮ ਕਹਯੋ ਫਿਰ ਜਾਹੁ ਸਬੈ, ਮਿਲ ਰਾਜਹਿ ਦੇਹੁ
ਸੰਦੇਸ ਹਮਾਰੇ। ਧੀਰ ਧਰੇ ਨ ਭਰੇ ਜਲ ਨੈਨਨ, ਹੈਸਬਸਾਰ
ਸਨੇਹੁ ਤਿਹਾਰੇ। ਕੌਨ ਸੁਨੈ ਯਹ ਬਾਤ ਚੁਚਾਤਿ, ਚਲੇ ਅਸੁ-
ਆਂ ਮਨ ਮੋਹਤਵਾਰੇ। ਗਾਉਂ ਉਜਾਰ ਭਯੋ ਹਟਤਾਰ, ਚਲੇ
ਰਵਿ ਰਾਮ ਭਯੋ ਅੰਧਿਆਰੇ ॥ ੮੦ ॥

[ਕਵਿਓਵਾਰ]

ਸਵੈਯਾ—ਰੈਨ ਬਸੇ ਤਹਿ ਠਾਂ ਜੀਅ ਜਾਨਕੇ ਆਵਤ ਜਾਤ ਸਬੈ
ਪੁਰ ਲੋਈ। ਆਧਿਕ ਰਾਤ ਉਠੇ ਰਘੁਬੀਰ ਕਹਯੋ ਸੁਨਿ ਬੀਰ
ਪ੍ਰਜਾ ਸਬ ਸੋਈ। ਸਾਰਥੀ ਕੋਂ ਸਮਝਾਇ ਕਹਯੋ ਰਥ ਲੈ ਘਰ
ਜਾਹੁ ਜੁ ਸੋਰ ਨ ਹੋਈ। ਯੋ ਕਹਿ ਕੈ ਸੀਅ ਸੰਗ ਲਈ ਦੋਉ
ਬੀਰ ਚਲੇ ਨਹਿ ਜਾਨਤ ਕੋਈ ॥ ੮੧ ॥

ਸਵੈਯਾ—ਭੋਰ ਭਏ ਸਬ ਲੋਗ ਕਹੈਂ, ਰਘੁਬੀਰ ਕਹਾਂ ਮੁਖ ਜਾ-
ਇ ਨਿਹਾਰੈਂ। ਦੇਖ ਫਿਰੇ ਚਹੁ ਓਰਨ ਦੌਰਿ, ਗਿਰੇ ਧਰਨੀ
ਮਨ ਰੋਇ ਬਿਚਾਰੈਂ। ਗੈਲ ਗਹੀ ਰਥ ਕੀ ਸੁ ਚਲੇ, ਸਬਲੀਕ
ਫਿਰੀ ਘਰਜਾਇ ਸੰਭਾਰੈਂ। ਦੇਖਹਿ ਜੋ ਫਿਰ ਗਾਉਂ ਮੈਂਆਇ
ਤੋ ਹਯਾਂ ਸਬ ਰੋਵਤ ਰਾਮ ਪੁਕਾਰੈਂ ॥ ੮੨ ॥

ਸਵੈਯਾ—ਰਾਜ ਸਮਾਜ ਉਤਾਰ ਸਬੈ, ਰਘੁਰਾਜ ਕਹੀ ਅਬ ਹੈ
ਸਭ ਫੀਕੋ। ਲੈ ਬਟ ਦੂਧ ਬਨਾਇ ਜਟਾ ਸਿਰ, ਬੀਰਹਿ ਭ੍ਰਾ-
ਤ ਬਨਾਵਤ ਨੀਕੋ। ਦੇਖਹੁ ਕਾਲ ਬਲੀ ਕਵਿਰਾਮ, ਛੁਡਾਇ
ਸਿੰਘਾਸਨ ਸੋਜ ਪਤੀ ਕੋ। ਮਾਨਸ ਕਿਉਂ ਮਨ ਮੈ ਪਛੁਤਾਇ,
ਸੁ ਰਾਮਹਿ ਭੇਖ ਕੀਓ ਤਪਸੀ ਕੋ ॥ ੮੩ ॥

(ਕਵਿਉਵਾਰ)

ਕਬਿੱਤ-ਰੋਵਤ ਪੁਰਖ ਨਾਰੀ ਜੋਗੀ ਜਤੀ ਬ੍ਰਹਮਚਾਰੀ, ਰੋਵੈ
ਗਿਰ ਰੁਖ ਅਰ ਜੋ ਹਟੇਵਾਹਾਟ ਕੇ। ਰੋਵੈ ਖਗਰੋਵੈ ਮ੍ਰਿਗ ਰੋਵਤ
ਮਗਲ ਭਿੰਗੂ ਰੋਇ ਗੁਣ ਪਵਿਤ ਕਬਿੱਤ ਬੇਟਾ ਭਾਟ ਕੇ। ਰਾ-
ਮ ਕੇ ਬਿਛੋਹੇ ਦੁਖ ਅੰਸੀ ਭਾਂਤ ਪੋਹੇ, ਸੋ ਤੋ ਟਾਰੇਨ ਟਰਤਪਰੇ
ਪੇਚ ਸੋਕ ਪਾਟ ਕੇ। ਬੀਰ ਤੀਆ ਸੰਗ ਲੈ ਵਿਯੋਗੀ ਜੋਗੀ ਭ-
ਏ ਯਹਿ, ਬਾਤ ਸੁਨ ਰੋਵਤ ਬਟੋਆ ਸਬ ਬਾਟ ਕੇ ॥ ੮੪ ॥

[ਕੋਸ਼ਲਯਾ ਵਾਰ]

ਕਬਿੱਤ-ਭੋਰ ਹੂੰ ਕੇ ਭੂਖੇ ਹੈ ਚਲਤ ਪਗ ਦੂਖੇ ਹੈ ਹੈਂ ਪਿ-
ਆਸ ਮੁਖ ਸੂਕੇ ਹੈ ਚਲਤ ਮਗ ਰਾਤ ਕੇ। ਸੂਰਕੇ ਕਿਰਨ ਲਾ-
ਗੇ ਲਾਲ ਕੁਮਲਾਨੇ ਹੈ ਹੈਂ, ਕੰਟਾ ਲਿਪਟਾਨੇ ਝੱਗਾ ਫਾਟੇ ਹੈ ਹੈਂ
ਗਾਤ ਕੇ। ਆਲੀ ਅਬ ਭਈ ਸਾਂਝ ਹੈ ਹੈਂ ਕਾਹੂ ਬਨ ਮਾਂਝ, ਹੋ-
ਹੂ ਕਿਉਂ ਨ ਭਾਈ ਬਾਂਝ ਹੀਏ ਕਿਉਂ ਨ ਫਾਟੇ ਤਾਤ ਕੇ। ਤਜ
ਕੇ ਘਰੋਨਾ ਕਹੂੰ ਰੁਖਨ ਕੀ ਛਾਯਾ ਤਰੇ ਸੋਏ ਹੈ ਹੈਂ ਛੋਨਾ ਪੈ
ਬਿਛੋਨਾ ਕਰ ਪਾਤ ਕੇ ॥ ੮੫ ॥

ਕਬਿੱਤ-ਰੋਵੈਂ ਸਬ ਗਾਉ ਬਾਸੀਰਾਨੀਰਨਵਾਸ ਦਾਸੀ, ਦੇਹ ਤੇ
ਉਦਾਸੀ ਮਾਨੋ ਕਾਰੋ ਨਾਗ ਛੈ ਗਯੋ। ਛੁਟੇਕੇ ਸਬਿਕਰਾਲ ਆਪ
ਆਪਕੋ ਬਿਹਾਲ, ਕਾਹਿਕੇ ਪ੍ਰਬੋਧੈ ਸਬਹੂੰ ਕੋ ਰਸ ਚੁੰਗਯੋ। ਸਬਹੀ
ਕੇ ਪ੍ਰਾਨ ਹਰਿ ਤਾਪਸੀ ਕੋ ਭੇਖ ਕਰਿ, ਜਾਨਕੀ ਸਮੇਤ ਰਾਮ
ਜੋ ਲੋ ਕੋਸ ਦੈ ਗਯੋ। ਤੋ ਲੋ ਰਹੇ ਪ੍ਰਾਨ ਰਾਜਾ ਦਸਰਥ ਜੂ ਕੇ
ਨੀਕੇ, ਪਾਛੇ ਰਾਮ ਨਾਮ ਲੇਤ ਰਾਜਾ ਰਾਮਰਾਮ ਹੈ ਗਯੋ ॥ ੮੬ ॥

ਸਵੈਯਾ-ਖਾਇ ਤਵਾਰ ਪਰਿਓ ਧਰ ਭੂਪਤਿ, ਬੈਲ ਬਕਿਓ
ਬਹੁ ਭਾਂਤ ਪੁਕਾਰੇ। ਔਰਨ ਰਾਮ ਕੋ ਨਾਮ ਲਯੋ ਤਬ, ਬਾਰ
ਦੁਤੀਨਕ ਨੈਨ ਉਘਾਰੇ। ਪ੍ਰਾਨ ਛੁਟੇ ਹੂਨ ਰਾਮ ਛੁਟਯੋ, ਅਰ
ਸੀ ਨ ਸਕਿਓ ਘਟਿ ਤੇ ਕਰਿ ਨਿਆਰੇ। ਜਿਉਂ ਨਭ ਤੇ ਗ੍ਰ-
ਹਿ ਟੂਟਿ ਪਰੈ, ਛਿਤ ਜੋਤ ਕਛੂ ਕਰ ਹੈ ਭੁਨਸਾਰੇ ॥ ੮੭ ॥

ਸਵੈਯਾ-ਚੈ ਮੁਹਿ ਪੀਠ ਚਲੇ ਰਘੁਨਾਥ, ਉਸਾਸ ਭਰਿਓ ਨਿ-

ਪਤੇ ਹੀਂ ਛਿਨਾ । ਬਿਧਿ ਕਿਉਂ ਅਜਨੰਦਨ ਆਜ ਜੀਐ, ਪ-
ਲ ਬੀਤਤ ਹੈ ਰਘੁਨਾਥ ਬਿਨਾ । ਤਬ ਰਾਮ ਹੀਂ ਰਾਮ ਪੁਕਾਰ
ਪੁਕਾਰ ਏ ਰਾਮ ਏ ਰਾਮ ਤੂੰ ਆਵਸਨਾ । ਜਿਨਕੇ ਸੁਤ ਰਾਮ
ਸੇ ਜੋਗ ਧਰੈ, ਭਾਈ ਨਿਆਇ ਹੀ ਤੇ ਮਰ ਜਾਇ
ਕਿਨਾ ॥ ੮੮ ॥

ਸਵੈਯਾ—ਆਯੁ ਬਢੀ ਤੁ ਕਹਾ ਬਿਨ ਰਾਮਹਿ, ਲੋਮਸ ਤੇ ਬਰਨੋ
ਅਧਿਕਾਈ । ਰਾਮਕੇ ਕਾਜ ਤਪਯੋ ਤਪਤੀਛਨ, ਆਪਨੇ ਕਾਜ
ਨ ਛਾਂਨ ਛਵਾਈ । ਤਾਤ ਸੋਈ ਪੁਨਿ ਮਾਤ ਸੋਈ, ਸੋਈ ਪੁਤ
ਸਹੀ ਸੁਨਿ ਹੈ ਸੋਈ ਭਾਈ । ਰਾਮ ਬਿਯੋਗ ਬਿਸੁਰਿ ਬਿਸੁਰ
ਭਿਵੈ ਛੱਤੀਆ ਜਿਨਦੇਹੁ ਗਵਾਈ ॥ ੮੯ ॥

ਇਤਿ ਸ੍ਰੀ ਰਾਮ ਗੀਤੇ ਰਾਮਚੰਦ੍ਰ ਬਿਯੋਗ ਦੁਤਿਯੇ ਅੰਕ

ਅਥ ਤੀਸਰਾ ਅੰਕ

ਦੋਹਰਾ—ਇਹ ਬਿਧਿ ਭੂਪਤਿ ਦੇਹ ਤਜ, ਸੁਰਪਤਿ ਭਵਨਪਯਾਨ
। ਨੇਹੁ ਨਿਬਾਹਨਕੇ ਪੁਰਖ, ਦਸਰਥਤੇ ਨਹਿ ਆਨ ॥ ੧ ॥

ਸੋਰਠਾ—ਮੰਤ੍ਰੀ ਸਬ ਬਿਲਖਾਹਿ ਛਟਿਓ ਰਾਜ ਰਘੁਬੰਸ ਤੇ ।
ਰਾਮ ਚੰਦ ਘਰ ਨਾਹਿ ਭਰਤ ਬਿਦੇਸੀ ਮ੍ਰਿਤਕ ਨਿਪ ॥ ੨ ॥

ਸਵੈਯਾ—ਬੈਠ ਬਿਚਾਰ ਬਸਿਸ੍ਵ ਕੀਓ ਉਤ ਨੈਨ ਵਹੈਂ ਇਤ
ਮੰਤ੍ਰ ਕਰੈ । ਲਿਖ ਜੋ ਰਘੁਬੀਰਹਿ ਬੋਲਤ ਹੈਂ ਸੁ ਨ ਰਾਜ ਸਿੰ-
ਘਾਸਨ ਪਾਇ ਧਰੈ । ਅਬ ਜੋ ਇਹ ਭਾਂਤ ਕੀ ਬਾਤ ਸਬੈ, ਭਰਤੈ
ਲਿਖ ਹੈਂ ਸੋਈ ਬੀਚ ਮਰੈ । ਕਹੈ ਕੌਨ ਉਪਾਉ ਕਰੈਂ ਜਿਹ ਤੇ,
ਘਰ ਰਾਜ ਰਹੈ ਦੁਖ ਰਾਮ ਹਰੈ ॥ ੩ ॥

ਸਵੈਯਾ—ਆਇ ਗਈ ਸਬ ਕੇ ਮਨ ਮੈ, ਭਰਤੈ ਲਿਖ ਕੈ ਇਹ

ਭਾਂਤ ਪਠਾਵੇ। ਸ੍ਰੀ ਰਘੁਬੀਰ ਭੁਜਾ ਧਰ ਰਾਜ, ਵਿਚਾਰਤ
 ਭੂਪਤਿ ਨੈਨ ਸਿਰਾਵੇ। ਤਾਹੀਂ ਤੇ ਬੇਗ ਬਿਸਾਰ ਸਬੈ ਸੁਖ, ਆ-
 ਵਹੁ ਪੂਤ ਬਿਲੰਬ ਨ ਲਾਵੇ। ਤੇਹਿ ਕੇ ਰਾਮ ਕੇ ਪਾਇਨ ਸੋਂਪਿ,
 ਬਸੋਂ ਬਨ ਮੈ ਤੁਮਹੂੰ ਸੁਖ ਪਾਵੇ ॥ ੪ ॥

[ਬਸਿਸ੍ਵਉ ਵਾਰ ਦੂਤ ਸੋਂ]

ਕਬਿੱਤ-ਰਾਜਾ ਬਿਨ ਭਏ ਰਾਂਕ ਸੁਨੇ ਦੂਤ ਚਾਰ ਬਾਂਕ, ਇਹਾਂ
 ਕੇ ਕਸੂਤ ਵਾਂਕੋ ਨੈਕ ਨ ਸੁਨਾਇਬੋ ॥ ਜੋਤੋ ਤੇਹਿ ਆਪਨ ਤੇ
 ਬੂਝੈ ਰਾਜਾ ਰਾਮ ਨੀਕੇ, ਸਬਹੀ ਕੇ ਕੁਸਲ ਸਮਾਜ ਰਾਜ ਗਾ-
 ਇਬੋ। ਔਰ ਕੇਉ ਕਬਹੂੰ ਕਦਾਂਚ ਢਿਗ ਬੋਲ ਉਠੈ, ਨਾਹੀਂ
 ਦੁਖ ਪਾਛੇ ਨੈਨ ਸੈਨ ਸਮਝਾਇਬੋ। ਬੂਡਤ ਹੈ ਰਾਜ ਕੇ ਕੁਸਾਜ
 ਹੈ ਗਯੋ ਹੈ ਆਜ, ਲਾਖ ਫੇਰ ਘੇਰ ਸੋਂ ਭਰਤ ਘਰ ਲਜਾਇਬੋ ॥ ੫ ॥

[ਭਰਤ ਪ੍ਰਤਿ ਪਤ੍ਰਕਾ]

ਛਪੇ-ਸ੍ਰਸਤਿ ਸ੍ਰੀ ਰਘੁਬੰਸ, ਮੋਲ ਮੁਕਟਾ ਮਣਿ ਉਦਿਭਟ।
 ਅਰਿ ਗੰਜਨਿ ਸ੍ਰੀ ਭਰਤ, ਦਾਨਿ ਭਿੱਛਕਨਿ ਕਲਪ ਬਟ।
 ਤੇਜ ਪੁੰਜ ਰਣ ਧੀਰ, ਬਿਪਤਿ ਖੰਡਣ ਸੁਤ ਬਲ ਭਟ। ਧਰਮ
 ਕਰਮ ਮੈ ਸਰਸ ਭਯੋ, ਕਬਹੂੰ ਨਹਿ ਪਾਪ ਨਿਕਟ। ਰਾਜਾ
 ਧਿਰਾਜ ਦਸਰਥ ਬਚਨ, ਲਿਖ ਬਸਿਸ੍ਵ ਤੁਮ ਸੋ ਕਰਹੁ। ਸੁਨ
 ਨ੍ਰਾਤ ਖਾਤ ਸੇਵਤ ਉਠਤ, ਲੈ ਪਾਤੀ ਮਗ ਪਗ ਧਰਹੁ ॥ ੬ ॥
 ਸਵੈਯਾ-ਔਰ ਬਨਾਇ ਲਿਖੀ ਪਤੀਆ, ਬਤੀਆਂ ਰਿਖਿ ਜੇ
 ਸਭ ਪਾਛੇਈ ਭਾਖੀ। ਹਾਥ ਦਈ ਸੁਚਲੇ ਧਰਿ ਸੀਸ, ਗਨੇਸ
 ਮਨਾਇ ਭਯੋ ਅਭਿਲਾਖੀ। ਭੂਪਤਿ ਕੇ ਨਹੀ ਦਾਹ ਦੀਓ,
 ਬਿਨ ਪੂਤ ਕਿਯੋ ਸਸਿ ਸੂਰਜ ਸਾਖੀ। ਰਾਮ ਸਨੇਹ ਛੁਟੀ
 ਨਿਪੁ ਦੇਹ, ਸੁ ਪਾਛੇਉ ਮੇਲ ਸਨੇਹ ਮੈ ਰਾਖੀ ॥ ੭ ॥

ਕਬਿੱਤ-ਚਲੀ ਜਬ ਪਾਤੀ ਕਾਂਪੀ ਦੁਹਨ ਕੀ ਛਾਤੀ, ਆਗੇ
 ਆਗਮ ਜਨਾਯੋ ਰਾਮ ਭਰਤ ਕੁਮਾਰ ਕੇ। ਕਹਿਨ ਲਾਗਯੋ
 ਭਰਤ ਬੋਲਿ ਨੇਬ ਮੰਤ੍ਰਨ ਸੋਂ, ਪਠਯੋ ਲੈ ਆਵੈ ਕੇਉ ਤਾਤ ਸਮਾਂ
 ਚਾਰ ਕੇ। ਪਵਨ ਪ੍ਰਚੰਡ ਘਨ ਘੇਰ ਉਠੇ ਚਹੂੰ ਓਰ, ਜੰਬੁਕ
 ਪੁਕਾਰਤ ਹੈ ਆਜ ਭੁਨਸਾਰ ਕੇ। ਜੋਤਸੀਕਹਤ ਰਾਜਾ ਦਸਰਥ

ਨੀਕੇ ਹੂਜੇ, ਨੀਕੇ ਰਾਮ ਚੰਦ ਸੁਖ ਹੂਜੇ ਪਰਵਾਰ ਕੇ ॥ ੮ ॥
 ਸੋਰਠਾ—ਤਬ ਲਗ ਆਯੋ ਦੂਤ, ਲੈ ਪਾਤੀ ਪਹੁਚਯੋ ਤਹਾਂ ॥
 ਦੇਖਯੋ ਭਰਤ ਸਪੂਤ, ਪੁਛੈ ਬਾਤੈ ਪ੍ਰੇਮਸੇਂ ॥ ੯ ॥

ਪ੍ਰਸ਼ਨੋਤ੍ਤ ਭਰਤ ਔਰ ਦੂਤ ਕੇ

ਸਵੈਯਾ—ਰਾਂਮ ਕਹੋ ਸੁਖ ਸੇਂ ਘਰ ਹੈਂ ਸੋਈ ਰਾਮ ਬਿਰਾਜਤ
 ਛੁਤਲ ਮੈ। ਸਬ ਦੇਸ ਬਸੈ ਬਰਖਾ ਬਰਸੈ, ਅਰ ਭੂਪਤਿ ਹੈਂ
 ਅਪਨੇ ਬਲ ਮੈ। ਤਬ ਦੂਤ ਬਨਾਇ ਕਹੀ ਬਤੀਆਂ, ਮਨ
 ਧੀਰਜ ਟੁਟ ਗਯੋ ਪਲ ਮੈ। ਛਬਿ ਛੀਨ ਭਈ ਛਿਨ ਮੈ ਮੁਖ
 ਕੀ, ਜਨ ਤੋਰਿ ਸਰੋਜ ਧਰਿਓਂ ਜਲ ਮੈ ॥ ੧੦ ॥

ਸਵੈਯਾ—ਧਾਇਚਲਿਓ ਉਤਸਾਹੁ ਬਢਿਓ ਮਨ, ਰਾਮਕੋ ਰਾਜ
 ਸੁਨਿਓ ਸੁਖ ਪਾਯੋ। ਜਾਇ ਸੁਨੋਂ ਸਬ ਕੇ ਮੁਖਤੇ ਚਢਿ ਰਾਜ
 ਸਿੰਘਾਸਨ ਛੱਤ੍ਰ ਤਨਾਯੋ। ਆਇਕੈ ਗਾਉਂ ਮੈ ਪਾਉਂ ਦਯੋਮਨ
 ਸੋਕ ਬਢਯੋ ਸੁਭ ਸੋਨ ਨ ਪਾਯੋ ॥ ਕੈ ਰਘੁਬੀਰ ਨਹੀਂ ਘਰਮੈ,
 ਕੈ ਪਿਤਾਮਰ ਕੈ ਸੁਰ ਲੋਕ ਸਿਧਾਯੋ ॥ ੧੧ ॥

ਕਬਿੱਤ—ਲੋਕ ਬੈਠੇ ਮਾਨੋ ਮੁਨਿ ਕਹੂੰਨ ਮ੍ਰਿਦੰਗਧੁਨਿ, ਦੇਖੀਏ
 ਨ ਕਹੂੰ ਰਾਜ ਧਾਮਨ ਧੁਜਾ ਲਸੈ। ਹਾਥੀ ਹਥਿਆਤ ਨਹੀਂ
 ਬਾਜੀ ਹਿਨਨਾਤ ਨਾਹੀਂ ਨਾਚਤ ਨ ਗਾਵਤ ਸੁ ਮਾਨੋ ਬਿਨ
 ਜੀਬਸੈ। ਦੂਤ ਕਹੀ ਝੂਠੀ ਬਾਤ ਈਹਾਂ ਉਤ ਪਾਤ
 ਕਛੂ, ਬੀਰ ਬਿਨ ਮੈਰੇ ਕੰਠ ਕਹੋ ਜਲ ਕਜੇਂ ਧਸੈ। ਪੀਐ ਨ
 ਬਛੇਰੂ ਦੁਧ ਗੇਰੂ ਰੰਗ ਡੋਲੈਂ ਸਬ, ਰਾਮ ਰਾਜ ਹੋਇ ਤੇ ਪਖੇਰੂ
 ਬਨ ਕੇ ਹਸੈ ॥ ੧੨ ॥

ਕਬਿੱਤ—ਦੇਖ ਕੈ ਭਰਤ ਸਬਨਾਇ ਰਹੈ ਸੀਸ ਕਹੂੰ ਪਾਇ ਹੂੰ ਨ
 ਛੁਵੇ ਕੋਈ ਦੇਤ ਨ ਅਸੀਸ ਕੋ। ਹਾਟ ਹਟਤਾਰ ਕਰੀ ਸੁਨੀ
 ਚਟਸਾਰ ਪਰੀ ਵਾਰ ਦੈ ਕਿਵਾਰ ਸਬ ਜਪੈਂ ਜਗਦੀਸ ਕੋਇਕ
 ਮਨ ਕਰੇ ਘਰ ਪਾਉਂ ਨਹੀਂ ਪਾਉਂ ਭਾਈ ਬੂਝਤ ਲਜਾਉਂ ਕਹਾ
 ਭਯੋ ਦੇਸ਼ ਈਸ ਕੋ। ਆਏ ਭੋਨ ਮਾਤ ਬੂਝੈ ਸਮਾਚਾਰ ਤਾਤਕੇ,
 ਕਹੋਨ ਬੇਗ ਪਾਪਨਿ ਹੋਂ ਜਾ ਨਿਵਾਉਂ ਸੀਸ ਕੋ ॥ ੧੩ ॥

(ਪ੍ਰਸਨੋਤ੍ਰ ਭਰਤ ਕੇ ਮਾਤਾਸੋਂ)

ਕਬਿੱਤ-ਮਾਤ ਤਾਤ ਹੈ ਸੁਕਹਾਂ ਪੂਤ ਹੈ ਸੁਰੇਸ ਜਹਾਂ; ਤਹਾਂ ਕੌਨ
ਕਾਜ ਗਯੋ ਦੇਹ ਛੁਟੀ ਪੂਤ ਪੀਰਤੇ। ਕੌਨ ਸੋ ਸਪੂਤ ਤੁਮ ਸਬ
ਹੀਤੇ ਬਡੋਭਾਈ, ਰਾਮ ਹੈ ਸੁ ਕਹਾਂ ਬਨ ਗਏ ਨਿਪ ਤੀਰਤੇ।
ਭੂਪਤਿ ਪਠਾਯੋ ਨਹੀਂ ਮਾਂਗੇ ਬਰ ਪਾਯੋ ਮੈ ਤੋ ਰਾਜ ਤੁਮੈ
ਰਾਖਿਓ ਛੀਨ ਲੀਨੋ ਰਘੁਬੀਰਤੇ। ਕਹਾਂ ਹੋਇ ਮੋਤੇ ਅਬ ਹੋਂ
ਹੂੰਗਯੋ ਤੋਤੇ, ਤੂੰਜੋ ਪੇਟ ਆਸਦੌਰੀ ਪਾਲਿਓ ਪੂਤ ਡਾਰਿਓ ਛੀ-
ਰਤੇ ॥ ੧੪ ॥

ਕਬਿੱਤ-ਐਸੀ ਰਿਸ ਆਵਤ ਹੈ ਮਾਰ ਛਾਰ ਕਰੋਂ ਤੋਹਿ, ਮਾਤ
ਜਾਨ ਛਾਡੇ ਸੁਨ ਰਾਜਨੀਤਿ ਅੰਕ ਤੇ। ਕੌਨ ਕਾਜ ਰਾਜ ਸੁਨ
ਪਾਪਨੀ ਅਕਾਜ ਕੀਨੋ, ਲਾਜ ਬਿਨ ਜੀਵਤ ਨ ਧਰਮ ਨਸੰਕ
ਤੇ। ਐਸੋ ਕਾਮ ਕੀਨੋ ਤੈਂ ਤੋ ਰਾਮਹਿ ਬਨਬਾਸ ਦੀਨੋ, ਮਾਰਜੋ
ਪਤਿ ਪਲਮੋ ਨ ਡਰਤ ਕਲੰਕ ਤੇ। ਰਾਮਕੋ ਬਤਾਉਂ ਬੁਝੈਬਾਟ
ਕੇ ਬਟਾਉ, ਪਟਫਾਰਹੋਉਂ ਜੋਗੀ ਭੀਖਮਾਂਗੋਂ ਗਇਰੰਕ ਤੇ ੧੫
ਸਵੈਯਾ-ਰਾਮ ਕੋ ਰਾਜ ਸੁਨਜੋ ਸਹਸਾ ਫਨਿ ਭੂਮਿ ਕੋ ਭਾਰ ਬਿ-
ਸਾਰ ਦਯੋ ਹੈ। ਜਾਨਿ ਸਪੂਤ ਭਯੋਕੁਲ ਮੈ, ਰਵਿ ਕੋ ਜਸ ਦੇਵਨ
ਮਾਂਹਿ ਛਯੋਹੈ। ਰਾਵਨ ਕੇ ਦੁਖ ਤੇ ਅਮਰਾਪਤਿਢੋਲ ਬਜਾਇ
ਨਚੀਤ ਭਯੋ ਹੈ। ਪਾਪਨਿ ਤੋ ਛਲ ਤੇ ਛਿਨ ਮੈ, ਬਨ ਮੈ ਸੋਉ
ਤੋ ਰਘੁਬੀਰ ਗਯੋ ਹੈ ॥ ੧੬ ॥

ਸਵੈਯਾ-ਤੋ ਲਗ ਆਨਿ ਬਸਿਸ੍ਰ ਕਹਜੋ, ਤੁਮ ਤਾਤ ਕੋ ਦਾਹ
ਕਰੋ ਸੁਤ ਮੇਰੇ। ਬੇਦ ਬਿਚਾਰ ਕੀਓ ਬਿਧ ਸੋਂ, ਪੁਨ ਰੋਇ
ਕਹਜੋ ਕਹੂੰ ਰਾਮ ਨ ਨੇਰੇ। ਲੈ ਰਬ ਬਾਰਣ ਬਾਜਿ ਪਦਾਤ,
ਚਲਜੋ ਤਜ ਦੇਸ ਫਿਰਜੋ ਨਹਿ ਢੇਰੇ। ਪ੍ਰਾਨ ਤਜੋਂ ਕਿ ਭਜੋਂ
ਰਘੁਬੀਰਹਿ, ਨੀਰ ਪੀਉਂ ਨ ਬਿਨਾ ਮੁਖ ਹੇਰੇ ॥ ੧੭ ॥

ਸਵੈਯਾ-ਤੋ ਲਗ ਸ੍ਰੀ ਰਘੁਬੀਰ ਪਖਾਨ ਸਿਲਾ ਕਹੁ ਤਾਰ ਧਸੇ
ਬਨ ਮਾਹੀਂ। ਆਨਿ ਬਸੇ ਗੁਰ ਕੇ ਦਿਨ ਦ੍ਰੈ ਪਿਤ ਕੀ ਗਤਿ
ਕੌਨ ਭਈ ਬਿਲਖਾਹੀਂ। ਰਾਮ ਕਹੀ ਸੁਧਿ ਲੇਹੁ ਸਬੈ, ਯਹਿ
ਕੇਕਈ ਨੰਦਨ ਹੋਇ ਕਿਨਾਂਹੀ। ਛੱਤ੍ਰ ਧੁਜਾਸੰਗ ਰਾਜ ਸਮਾਜ

ਸੁ ਪਾਇਨ ਆਵਤ ਪਾਗ ਬਿਨਾਹੀ ॥ ੧੮ ॥

ਦੋਹਰਾ—ਆਇਸ ਜਬ ਰਘੁਪਤਿ ਦਈ, ਦੌਰੈ ਸਬ ਸਿਰਨਾਇ
। ਭਟਨ ਬੁਝ ਧਸ ਕਟਕ ਮੈ, ਭਰਤ ਨਿਹਾਰਜੇ ਜਾਇ ॥ ੧੯ ॥

ਸੋਰਠਾ—ਅਤਿ ਦੁਰਬਲ ਸਬ ਗਾਤ, ਰਾਮ ਪੁਕਾਰਤ ਰਾਮਕਵਿ
॥ ਲੋਚਨ ਸਲਲ ਚੁਚਾਤ ਬੀਰਬਿਰਹ ਪੁਨ ਤਾਤਦੁਖ ॥ ੨੦ ॥

ਸਵੈਯਾ—ਦੂਤ ਕਹੈ ਫਿਰ ਲੈ ਬਤੀਆਂ ਸਬ ਲੋਗਨ ਰਾਮ ਜੂ ਯੋਂ
ਸਮਝਾਵੈਂ । ਰਾਜ ਕੀ ਬਾਤ ਖਰੀ ਬਿਪਰੀਤ ਭਲੇਮਨ ਕੇਕਈ
ਨੰਦਨ ਆਵੈਂ । ਆਵਨ ਦੇਹੁ ਕਹਜੇ ਬਹੁਰੇ ਜਿਨਿ ਸੋ ਜਸਰਾਮ
ਕਹੋ ਕਬ ਪਾਵੈਂ । ਮਾਤ ਕੇ ਬੋਲਨ ਅੰਕ ਤਜੇ ਨਿਜ ਬੀਰਲਰੈ
ਸੁਰ ਲੋਗ ਬਸਾਵੈਂ ॥ ੨੧ ॥

ਸਵੈਯਾ—ਜਿਹਿ ਠੌਰ ਤੇ ਡੀਠ ਪਰੇਰਘੁਬੀਰ ਪਰਜੇ ਧਰ ਤਾਹਿ
ਰਹੀ ਸੁਧਨਾਹੀਂ । ਜਜੋਂ ਸਿਕਤਾ ਜਰਤੋ ਪਰੈਮੀਨ ਜਰੈਨ ਪਰੈ
ਪਲ ਪ੍ਰਾਨ ਉਡਾਹੀਂ । ਚੇਤ ਉਠੈ ਸਮੁਹੇ ਭਟ ਜਜੋਂ ਮੁਖ ਰਾਮ
ਕਹੈ ਦੋਉ ਨੈਨ ਚੁਚਾਹੀਂ । ਬੇਗਹੀ ਬੇਗ ਪ੍ਰਨਾਮ ਕਰੈ ਇਹ
ਭਾਂਤ ਗਹੀ ਰਘੁਬੀਰ ਕੀ ਛਾਹੀ ॥ ੨੨ ॥

(ਭਰਤ ਮਿਲਾਪ ਰਾਮਚੰਦ੍ਰ ਜੀ ਸੋਂ)

ਸਵੈਯਾ—ਦੇਖਿ ਕੈ ਰੂਪ ਕਹਜੇ ਨ ਪਰੈ ਅਬ ਫਾਟਤ ਹੈ ਦੁਖ ਸੋ
ਛਤੀਆ ॥ ਤਬ ਦੌਰ ਕੈ ਰਾਮ ਉਠਾਇ ਭੁਜਾ ਭਰ ਲੈ ਉਰ
ਲਾਇ ਕਹੀ ਬਤੀਆਂ । ਸੁਤਕਾਹੇ ਕੋ ਬੇਖ ਕੀਓ ਇਹ ਭਾਂਤ
ਸੁਜੀਵਤ ਹੀਂ ਰਘੁਕੇ ਨਤੀਆ । ਪਿਤ ਪ੍ਰਾਨ ਤਜੇ ਹਮ ਹੂੰਤਜ
ਹੈਂ ਨਹੀਂ ਧਾਮ ਚਲੇ ਸੰਗ ਬੀਰ ਤੀਆ ॥ ੨੩ ॥

ਸਵੈਯਾ—ਸੋਕ ਕੀਓ ਸੁਨ ਭੂਪਤਿ ਕੀ ਗਤਿ ਸੀਅ ਸਮੇਤ ਸਬੈ
ਬਿਲਖਾਹੀਂ । ਕੌਨ ਬਡੇ ਅਪਰਾਧ ਕੀਏ ਹਮਜਾਂਦੁਖਤੇਸੁਪਨੇ
ਸੁਖ ਨਾਹੀਂ । ਤਾਤ ਕੋ ਕਾਲ ਭਯੋ ਹਮਰੇ ਦੁਖ ਸੋ ਹਮਹੂੰ ਬਨ
ਮੈ ਬਿਲਲਾਹੀਂ ॥ ਆਨ ਕੁਟੰਬ ਗਹੈ ਬਿਪਤਾ ਅਬ ਜਾਇ ਰਹੋਂ
ਕਹਿਕੀ ਪਰਛਾਹੀਂ ॥ ੨੪ ॥

(ਭਰਤਉ ਵਾਰ)

ਸਵੈਯਾ—ਰੋਇ ਚਲੇ ਪਿਤ ਕੋ ਜਲ ਦੇਨ, ਦੀਓ ਬਿਧਸੇ ਪੁਨਿ

ਸੋਚ ਕਰੈਂ ॥ ਦੁਹ ਬੀਰਨ ਜਾਇਕੈ ਪਾਇਗਹੇ, ਰਘੁਬੀਰ ਜੀਐ
ਮਨ ਸੋਕ ਹਰੈ। ਚਲੀਐ ਘਰ ਲੈ ਸੀਅਸੰਗ ਅਬੈ ਹਮਕੋਟਿਕ
ਬਾਰਨ ਪਾਇ ਪਰੈ। ਬਨ ਭੂਪ ਕਹਜੇ ਸੁ ਕੀਓ ਤੁਮ ਹੂੰ ਪ੍ਰਭੁ
ਧਾਮ ਚਲੈ ਬਿਨ ਦਾਸ ਮਰੈ ॥ ੨੫ ॥

ਸਵੈਯਾ—ਅਰ ਜੋ ਮਨ ਮੈ ਬਨ ਮੈ ਰਹਿ ਹੈ ਤਉਛੱਤ੍ਰ ਧੁਜਾਸਿਰ
ਚੌਰ ਢੁਰੈ। ਰਬ ਬੈਠ ਸਬੈ ਭਟ ਸੰਗ ਫਿਰੈਂ ਪ੍ਰਭੁ ਕੀ ਰੁਚਿ ਜੋ
ਸੋਈ ਦਾਸ ਕਰੈ। ਪਗ ਕੀ ਰਜ ਕੇ ਹਮ ਹੈਂ ਸਬ ਸੇਵਕ ਰਾਜ
ਤੁਮੇ ਮੁਹਿ ਦੇਹਿ ਮਰੈ। ਤਿਨ ਪਾਇਨ ਕਾਟ ਕਰੇਂ ਸਤ ਖੰਡ
ਜੁ ਰਾਜ ਸਿੰਘਾਸਨ ਜਾਇ ਧਰੈ ॥ ੨੬ ॥

ਕਬਿੱਤ—ਲੀਨੋ ਲਛਮਨ ਸੰਗ ਹੋ ਹੂੰ ਹੈ ਬਿਮੁਖ ਕੀਨੋ, ਕਿਧੇ
ਹੋ ਨ ਦਾਸ ਸੁਨ ਨਾਥ ਮੇਰੀ ਗਤਿ ਕੋ। ਕਹਾ ਭਯੋ ਜੋ ਹੋ
ਦਿਨ ਚਰਕ ਬਿਦੇਸ ਗਯੋ ਮੋਹਿ ਛਾਡ ਦੀਨੋ ਤੁਮ ਜਾਨਜੋ
ਹੀਨ ਮਤਿ ਕੋ। ਤਾਂਪਰ ਤੋ ਔਰ ਉਤਪਾਤ ਕੀ ਹੈ ਬਾਤ
ਮਾਤ ਰਾਜ ਮੁਹਿ ਰਾਖਜੋ ਪਤਿ ਕੀਨੋ ਨਭ ਗਤਿ ਕੋ। ਤੋ ਹੀ
ਭਲੇ ਜੀਉ ਰਾਮ ਦੇਖੇ ਪਾਨੀ ਪੀਉਂ ਮੁਹਿ ਦੀਜੈ ਭੀਖ ਸੰਗ ਹੋਂ
ਭਿਖਾਰੀ ਰਘੁਪਤਿ ਕੋ ॥ ੨੭ ॥

ਸਵੈਯਾ—ਪਤਿ ਕੋ ਹਤਿ ਕੇਕਈ ਰਾਜ ਲੀਓ ਸੁਤ ਕੋ ਯਹਿ
ਬਾਤ ਸੁਨੀ ਸਬਹੀ। ਤਬ ਭੂਪਤਿ ਦੇਹ ਤਜੀ ਛਿਨ ਮੈ ਰਘੁਬੀਰ
ਗਏ ਬਨ ਕੋ ਜਬ ਹੀਂ। ਅਬ ਜੋ ਸੁਰਰਾਜ ਕੋ ਰਾਜ ਮਿਲੈ
ਸੋਈ ਕਾਮ ਨ ਆਵਤ ਹੈ ਕਬ ਹੀਂ। ਮਨ ਲਾਜ ਮਰੇਂ ਰਘੁਰਾਜ
ਸੁਨੋਂ ਸੋਈ ਰਾਜ ਜਰੋ ਜਹਾਂ ਰਾਮ ਨਹੀਂ ॥ ੨੮ ॥

(ਕਵਿਉ ਵਾਚ)

ਦੋਹਰਾ—ਇਹ ਬਿਧਿ ਬਿਨਤੀ ਕਰ ਭਰਤ ਰਹਿਯੋ ਚਰਨ-ਲ
ਪਟਾਇ। ਖਿਮਾ ਕਰੋ ਘਰ ਫਿਰ ਚਲੋ ਸੀਅ ਲਛਮਨ ਰਘੁ
ਰਾਇ ॥ ੨੯ ॥

(ਭਰਤਉ ਵਾਚ)

ਸੋਰਠਾ—ਜੋ ਨ ਚਲਹੁ ਘਰ ਆਜ ਸੁਨੋ ਬਾਤ ਪ੍ਰਭ ਕਾਨ ਦੇ ॥
ਜਾਤ ਬੰਸ ਤੇ ਰਾਜ ਤੁਮ ਬਨ ਮੈ ਹਮ ਪਿਤਾ ਫਿਗ ॥ ੩੦ ॥

(ਰਾਮਚੰਦ੍ਰਉ ਵਾਰ)

ਕਬਿੱਤ—ਬੋਲੇ ਰਘੁਬੀਰ ਸੁਨ ਬੀਰ ਮਨ ਧੀਰ ਧਰਪੀਰ ਸਹੀ
 ਸਹੀ ਕਰ ਆਗੈ ਕੋ ਉਪਾਇਕੋ । ਜੀਵਤ ਹੀ ਤਾਤ ਰਾਜ ਕਾਜ
 ਕੋ ਬੁਲਾਇ ਪਾਛੇ ਕਹਿਓ ਜਾਇ ਬਸੋ ਬਨ ਸੁਨਯੋ ਬੋਲ ਮਾਇ
 ਕੋ । ਰਾਜ ਕੋ ਸਮਾਜ ਤੇਰੇ ਦੀਨੋ ਹੈ ਭਰਤਜੂਕੋ, ਸੁਨ ਸੁਖਪਾਯੋ
 ਬੋਲ ਕਹਿਓ ਸਤ ਭਾਇ ਕੋ । ਜੈਸੀ ਕਹਿ ਗਏ ਤਾਤ ਤੈਸੀ
 ਕੀਨੇ ਬਨੈ ਬਾਤ ਆਇਸ ਕੋ ਮੇਟ ਸੁਤੇ ਆਗੈ ਧਰੈ ਪਾਇ ਕੋ ॥੩੧॥
 ਕਬਿੱਤ—ਤੇਰੀ ਪ੍ਰੀਤ ਜਾਨੀ ਤੈਂ ਨ ਪੀਓ ਘਰ ਪਾਨੀ ਅਰ ਮੋ
 ਬਿਨਾ ਬਿਹਾਨੀ ਰਾਜਧਾਨੀ ਦੇਸ ਦੇਸ ਕੀ । ਮਾਤ ਕੇ ਨ ਪਾਇ
 ਲਾਗਿਓ ਤਾਤ ਕਾਜ ਕੀਏ ਭਾਂਗਿਓ ਛਾਡ ਦੀਨੀ ਬਾਤ ਸੁਖ
 ਲਾਲਚ ਕੇ ਲੇਸ ਕੀ । ਦੇਖੋ ਲਛਮਨ ਯਾ ਭਰਤ ਜੂ ਕੋ ਨੇਹੁ
 ਆਜ ਰਾਜ ਕੌਨ ਛਾਡੈ ਬਿਨ ਸੰਤਤ ਦਿਨੇਸ ਕੀ । ਸੁਨੋ ਰਘੁ-
 ਰਾਈ ਜਹਾਂ ਰਾਮ ਨ ਸਹਾਈ ਤਹਾਂ ਕੋਨੈ ਨ ਜਰਾਈ ਠਕੁਰਾਈ
 ਅਮਰੇਸਕੀ ॥ ੩੨ ॥

(ਭਰਤਉ ਵਾਰ)

ਕਬਿੱਤ—ਜਾਇ ਲਛਮਨ ਜੂਕੇ ਪਾਇ ਗਹੇ ਤੇਹੀ ਛਿਨ ਬੀਰ
 ਸਮਝਾਇ ਲੈ ਲਵਾਇ ਚਲੁ ਧਾਮ ਕੋ । ਤਾਤ ਬੋਲ ਕੀਨੋ ਤੁਮ
 ਬਡੇ ਜਸ ਲੀਨੋ ਬਨ ਆਏ ਫਲ ਖਾਏ ਦੁਖ ਦੀਨੋ ਸੀਅ ਬਾਮ
 ਕੋ । ਜੋ ਕਹੇ ਤੇ ਜਾਇ ਘਰ ਕੇਕਈ ਨਿਕਾਰੋ ਕਹੋ ਮਾਂਰੋ ਆਜ
 ਕਰੋਂ ਮੈਂ ਪਰਸਰਾਮ ਕਾਮ ਕੋ । ਮੋਹਿ ਬਨ ਛਾਡੋ ਭਾਵੈ ਸੰਗਲੈ
 ਸਿਧਾਰੋ ਪ੍ਰਾਣ ਪਲ ਮੈ ਨਿਕਾਰੋ ਜੋ ਨ ਸੁਨੋ ਰਾਜਰਾਮ ਕੋ ॥੩੩॥

(ਰਾਮਚੰਦ੍ਰਉ ਵਾਰ)

ਕਬਿੱਤ—ਮੇਰੀ ਕਹੀ ਮਾਨ ਭਲੀ ਯਾਹਿ ਮਾਹਿ ਜਾਨ ਬੀਰ ਰਾਜ
 ਤੋਲੋ ਕਰੇ ਜੋਲੋ ਮੇਰੇ ਬਨ ਆਇਬੋ । ਮਾਨੋ ਰਾਖ ਥਾਤੀ ਰਾਜਾ
 ਅਜ ਜੂ ਕੇ ਨਾਤੀ ਕਛੂ ਐਸੇਈ ਕੁਪੇਚ ਜਾਂਤੇ ਮੋਹਿ ਬਨ
 ਜਾਇਬੋ । ਸੁਨੋ ਪ੍ਰਭੂ ਮੇਰੇ ਕਹਯੋ ਪਾਇ ਛੁਵੋਂ ਤੇਰੇ ਮੋ ਤੇ ਰਾਜ
 ਕਾਜ ਰਾਮ ਬਿਨ ਕਠਨ ਚਲਾਇਬੋ । ਤਾਤ ਦੁਖ ਮਾਤ ਦੁਖ
 ਬਡੇ ਰਘੁਨਾਥ ਦੁਖ ਏਕਲੋ ਭਰਤ ਘਰ ਘੇਰਘੇਰ ਖਾਇਬੋ ੨੪

ਸਵੈਯਾ—ਜਾਨਕੇ ਪ੍ਰੀਤਸਹੀ ਰਘੁਬੀਰ ਸੋਬੀਰ ਕੇ ਲੈ ਮੁਖਨੀਰ
ਪਖਾਰੇ। ਪਾਗ ਬੰਧਾਇ ਸਮੋਧ ਕੀਓ ਏਈ ਪਾਵਰੀ ਲੈ ਕਰ
ਰਾਜ ਹਮਾਰੇ। ਕੇਕਈ ਨੰਦਨ ਸਾਚ ਕਹੇਂ ਤੋਹਿ ਪ੍ਰਾਨ ਸਮਾਨ
ਕਰੇਂ ਅਬ ਨਿਆਰੇ। ਬੋਰੇਈ ਦਯੋਸਨ ਆਨ ਮਿਲੇਂ ਸਬ ਸੇਂ
ਜਸ ਸੇਂ ਰਹੀਓ ਉਜਿਆਰੇ ॥ ੩੫ ॥

(ਰਾਮਚੰਦ੍ਰ ਕਾ ਸੰਦੇਸ ਮਾਤਨ ਪ੍ਰਤਿ)

ਕਬਿੱਤ—ਸਬਹੀ ਕੇ ਕਹੀਓ ਸਬ ਮਾਇਨ ਕੇ ਪਾਇ ਲਾਗ
ਕਹੀਓ ਸੰਦੇਸ ਸਬ ਨੀਕੇ ਰਘੁਨਾਥ ਹੈ। ਛਾਇ ਮੇਂ ਚਲਤ
ਫਿਗ ਗਾਉਂ ਕੇ ਰਹਤ ਜਾਤ ਵੈਸੇ ਹੀ ਹੈਂ ਗਾਤ ਘਰ ਪੋਖੇ ਜੈਸੇ
ਮਾਤ ਹੈ। ਕਹੀਓ ਸੁਮਿਤ੍ਰਾਜੀ ਕੇ ਲਛਮਨ ਨੀਕੇ ਰਹੇਂ ਸਮਾ-
ਚਾਰ ਸੀਕੇ ਪਰਛਾਹੀ ਕਰੀ ਸਾਬ ਹੈ। ਜੋ ਕਦਾਂਚ ਬੁਝੈ ਕੈਸੀ
ਰੌਸ ਸੇ ਰਹਤ ਬੀਰ ਸੁਨੇ ਦੁਖ ਪੈਹੈ ਜਟਾ ਕਹੇ ਜਿਨ ਮਾਥ
ਹੈ ॥ ੩੬ ॥

(ਰਾਮਚੰਦ੍ਰ ਦਾ ਉਪਦੇਸ਼ ਭਰਤ ਸੇਂ)

ਦੋਹਰਾ—ਸੁਨੇ ਭਰਤ ਸਿਖਆਨ ਤੁਮ ਕਹੇਂ ਤੋਹਿ ਸਮਝਾਇ।
ਜਾਂਤੇ ਸੁਖ ਸੰਪਤ ਬਣੈ ਸੇ ਹੋਂ ਦੈਉ ਬਤਾਇ ॥ ੩੭ ॥

ਸੋਰਠਾ—ਜੋ ਸੁਖ ਚਾਹੇ ਰਾਜ ਲੋਕ ਸੁਖੀ ਪਰਲੋਕ ਗਤ। ਤੋ
ਬਾਤੈ ਕਰਿ ਆਜ, ਸੁਨਹੁ ਭਰਤ ਰਘੁਨਾਥ ਕੀ ॥ ੩੮ ॥

ਕਬਿੱਤ—ਤਾਤ ਮਾਤ ਸੇਵ ਬਡੇ ਭ੍ਰਾਤ ਕੀ ਭਗਤਿ ਪਰਭਾਤ ਉਠ
ਕੀਜੀਓ ਭਰੋਸੇ ਹਰਿ ਨਾਮਕੇ। ਬਾਮਨ ਕੇ ਦਾਨ ਸਬ ਹੀਂ ਕੇ
ਸਨਮਾਨ ਸੁਨ ਬੇਦਕੇ ਪੁਰਾਣ ਨਜਾਉ ਕੀਜੇ ਨਰ ਬਾਮ ਕੇ।

ਰਾਜ ਅੰਸ ਲੀਜੇ ਦੁਖੀ ਜਾਨ ਕਛੂ ਔਰ ਦੀਜੇ ਸੁਖੀ ਦੇਖ
ਡਾਨੇ ਜਿਨ ਕਰੇ ਏਕਦਾਮ ਕੇ। ਐਸੀ ਭਾਂਤ ਜੀਜੇ ਸਬਹੀ ਕੇ
ਸੁਖ ਦੀਜੇ ਬੀਰ ਮੇਰੇ ਆਗੈ ਪਾਛੈ ਬੋਲ ਬਾਂਧ ਗਾਂਠ ਰਾਮਕੇ ॥ ੩੯ ॥

ਕਬਿੱਤ—ਨੀਚ ਸੇਂ ਨ ਪ੍ਰੀਤ ਕੀਜੇ ਕੁਲਕੋਨ ਛਾਡ ਦੀਜੇਬੀਰ
ਸੁਨ ਲੋਭ ਜਿਨ ਕੀਜੇ ਪਰ ਨੀਰ ਕੇ। ਆਨਤੀਅ ਮਾਤ ਸੁ-
ਨ ਬਾਤ ਘਰ ਬਾਂਢੈ ਧਨ ਤਜੇਂ ਤਜੇਂ ਨੀਕੇ ਹੂਜੇ ਔ ਬਢਯਾ
ਪਰਪੀਰ ਕੇ। ਬੈਰਨ ਕੇ ਸੁਰ ਕੂਰਮੰਤ੍ਰਨਨਿਕਾਰ ਦੀਜੇਪੀਓ

ਨ ਅਪੈਯ ਦੁਖ ਪਰੇ ਹੂਜੇ ਧੀਰ ਕੇ। ਦਾਨ ਪੁਰਹੂਤ ਸੋਨ ਦੂਤ
ਬਸ ਹੂਜੇ ਭਾਈ ਭਰਤ ਸਪੂਤ ਕਹਜੇ ਕੀਜੈ ਰਘੁਬੀਰ ਕੇ ॥ ੪੦ ॥
ਕਬਿੱਤ-ਜੈਸੇ ਜਤੀ ਸੰਗ ਤੇ ਕੁਮਤ ਜਜੋਂ ਅਨੰਗ ਤੇ ਜਜੋਂ ਪਾਪ
ਨੀਰ ਰੰਗ ਧਨ ਬਾਢਜੇ ਜੁਪ ਹਾਰ ਤੇ। ਜਜੋਂ ਕੁਲ ਕਪੂਤ ਤੇ
ਜਜੋਂ ਦਾਰਦ ਸਪੂਤ ਤੇ ਜਜੋਂ ਬਾਮਨ ਕੇ ਪੂਤ ਬਿਨਾ ਪਢੇ ਚਟ-
ਸਾਰ ਤੇ। ਦੇਖੇ ਬਿਨ ਖੇਤੀ ਜੈਸੇ ਸਾਂਵਨ ਮੈਂ ਰੇਤੀ ਔਰ ਬਾਤ
ਕਹੋਂ ਕੇਤੀ ਜੈਸੇ ਤਾਰ ਲੋਭ ਧਾਰਤੇ। ਸਾਵਧਾਨ ਹੂਜੇ ਤਾਹਿ
ਦੇਸਤੇ ਨਿਕਾਰ ਦੀਜੇ ਬੂਡ ਜੈਹੈ ਰਾਜ ਤੈਸੇ ਮੰਤ੍ਰੀ ਦੁਰਾਚਾਰ
ਤੇ ॥ ੪੧ ॥

ਸਵੈਯਾ-ਪਾਇ ਛੁਏ ਸੁਨ ਸੀਖ ਸਬੈ ਪ੍ਰਭੁ ਏ ਨ ਬਿਸਾਰ ਚਲੋਂ
ਕਬਹੀਂ। ਧਰ ਪਾਵਰੀ ਮੂੰਡ ਸੋ ਸਾਵਰੀ ਮੂਰਤਿ ਦੇਖ ਕਹਜੇ
ਬਿਛਰੋਂ ਅਬ ਹੀਂ। ਅਬ ਜਾਹੁ ਧਰਜੇ ਸਿਰ ਹਾਥ ਤਬੈ ਧਰ
ਆਇਸ ਸੀਸ ਚਲਜੇ ਜਬਹੀ। ਲਏ ਬੀਰ ਤੀਆ ਸੰਗ ਬੀਰ
ਬਿਦਾ ਕਰ ਰਾਮ ਧਸੇ ਬਨ ਮੈਂ ਤਬਹੀ ॥ ੪੨ ॥

ਸਵੈਯਾ-ਬੀਰਹਿ ਛਾਡ ਚਲਜੇ ਘਰ ਕੋ ਧਰ ਆਇਸ ਸੀਸ ਨ
ਜਾਇ ਮਿਟਾਯੋ। ਗਾਉਂ ਮੈਂ ਜਾਇ ਨ ਪਾਉਂ ਧਰਜੇ ਢਿਗ ਹੂੰ
ਨੰਦ ਗਾਉਂ ਸੁਜਾਇ ਬਸਾਯੋ। ਮੂੰਡ ਜਟਾ ਧਰ ਭੇਸ ਤਪੇ ਧਨ
ਔ ਸੁਖ ਝੁੰਡ ਸਮੁੰਦ ਬਹਾਯੋ। ਰਾਮ ਸਨੇਹ ਧਰਜੇ ਮਨ ਮੈਤਨ
ਕੋ ਤਿਨਕੋ ਨ ਸਨੇਹ ਲਗਾਯੋ ॥ ੪੩ ॥

ਕਬਿੱਤ-ਵਹੀ ਜੋ ਸਿੰਘਾਸਨ ਹੈ ਆਪਦਾ ਬਿਨਾਸਨ ਕੋ ਤਾਹੀ
ਪਰ ਪਾਵਰੀ ਲੈ ਰਾਖੀ ਸਿਰ ਨਾਯੋ ਹੈ। ਰਾਜ ਭਯੋ ਅਟਲ ਸੋ
ਕਾਹੇਤੇ ਹੋ ਰਾਮ ਕਵਿ ਰਾਮ ਸਿਖ ਦੀਨੀ ਸੋਈ ਕੀਨ ਸੁਖ
ਪਾਯੋ ਹੈ। ਤਾਂਹੀਕੇ ਬਯੋਗ ਭੋਗ ਛਾਡਜੇ ਨ ਸੰਭਾਰਜੇ ਨੈਕ ਜੈਸੇ
ਡਾਰਕਾਂਚਰੀ ਨ ਭੋਗੀ ਫਿਰਆਯੋ ਹੈ। ਜੋਗੀਹੈ ਨ ਹਸਜੇ ਸੁਰ
ਲੋਕ ਜਸ ਬਸਜੇ ਘਰ ਆਪਨੇ ਨ ਧਸਿਓ ਦੇਸ ਸੋਗੁਨੋ ਬਸਾ-
ਯੋ ਹੈ ॥ ੪੪ ॥

ਦੋਹਰਾ-ਭਗਤਿ ਭਕਾਰ ਪ੍ਰਗਟ ਕਰੀ ਰਘੁਪਤ ਕ੍ਰਿਪਾਰਕਾਰ।

ਭਰਕ ਤਕਾਰ ਸੁਖ ਨਿਧ ਦਈ ਯਾਂਤੇ ਭਰਤ ਕਮਾਰ ॥ ੪੫
 ਵੋਹਰਾ—ਇਹ ਬਿਧ ਭਰਤ ਸਦਾ ਰਹੈ ਤਜਿਓ ਤੀਸਰੇ ਕਾਮ ।
 ਪ੍ਰਾਤ ਸੰਭਾਰੈ ਰਾਜ ਕੇ ਰਾਤ ਸੰਭਾਰੈ ਰਾਮ ॥ ੪੬ ॥

ਸੋਰਠਾ—ਭਰਤ ਸਦਾ ਇਹ ਭਾਂਤ ਸੁਨੋ ਦਸਾ ਰਘੁਬੀਰ ਕੀ ।
 ਜਿਹ ਜਿਹ ਬਨ ਮੈ ਜਾਤ ਸੋਈ ਬਤਾਵਤ ਰਾਮ ਕਵਿ ॥ ੪੭ ॥
 ਕਬਿੱਤ—ਉਚੇ ਬਟ ਤਾਲ ਜਹਾਂ ਲਸੇ ਨ ਤਮਾਲ ਸਾਲ ਸਰਲ
 ਬਿਸਾਲ ਗਤਿ ਹੈ ਨ ਕਾਲ ਮੰਦ ਕੀ ॥ ਕਹੂੰ ਲਾਲ ਲਾਲ
 ਕਹੂੰ ਘੁੰਘਰੀ ਪ੍ਰਵਾਲ ਕਚ ਨਾਲ ਨਿੰਬ ਚੰਦਨ ਸੇ ਮਾਨੋ ਬਾਸ
 ਬੰਦ ਕੀ ॥ ਚੰਪਕ ਰਸਾਲ ਨਾਲ ਕੇਲਸੇਂ ਕਨੇਲ ਹੀ ਸੁਭਾਰੀ
 ਤਮ ਕੌਨ ਗਨੈ ਜਾਂਤੇ ਮੂਲ ਕੰਦ ਕੀ । ਮਾਨੋ ਅਹਿ ਦੇਸ ਕਿਧੇਂ
 ਕਹੂ ਕਾਰੇ ਭੇਸ ਡੋਲੇ ਸੂਰ ਕੀ ਨ ਜੋਤ ਤਹਾਂ ਚਾਂਦਨੀ ਨ
 ਚੰਦ ਕੀ ॥ ੪੮ ॥

ਕਬਿੱਤ—ਐਸੇ ਬਨ ਕਰੈ ਗੌਨ ਰਾਮਚੰਦ ਬਿਨਾਂ ਕੌਨ ਚਲੇ ਜਬ
 ਪੌਨ ਉਚੇ ਪਾਤ ਖਰਕਤ ਹੈਂ ॥ ਸੇਮਰ ਖਜੂਰ ਜਾਇ ਪੂਰਰਹੀ ਸੂਰ
 ਮਗ, ਤਾਂਹੀਂ ਕੇ ਤਰੰਗ ਤਹਾਂ ਦੇਖੇ ਰਬਕਤ ਹੈ ॥ ਫੂਲ ਫਲ ਰਾਤੇ
 ਮਾਨੋ ਰਾਤੀ ਜੋਤਵਾਰੇ ਕੇਉ ਤੇਰੇ ਕੇਉ ਛੁਵੇ ਤਾਂਤੇ ਐਸੇ ਝਲਕਤ
 ਹੈਂ । ਤੂਲ ਹੈ ਨ ਜਾਨੋ ਕਵਿਰਾਮ ਰਵਿ ਘੋਰੇ ਮਾਨੋ ਡਾਰਤ ਹੈਂ
 ਲਾਰ ਕੀ ਫੁਹਾਰ ਚਿਲਕਤ ਹੈਂ ॥ ੪੯ ॥

ਕਬਿੱਤ—ਉਬਟਨ ਗੈਲ ਸਦਾ ਸਿੰਘਨ ਕੀ ਸੈਲ ਬਨਜਾਰੇ ਕੈਸੇ
 ਬੈਲ ਮਾਨੋ ਬੋਲੈਂ ਡਕਰਾਤ ਸੇ । ਔਰ ਸੇਂ ਕੁਰੰਗ ਕਰੀ ਆਧੇ
 ਅੰਗਪਰੇ ਕਹੂੰ, ਹੈ ਸੁਰੰਗ ਭੂਮਿ ਕਹੂ ਦੇਖੇ ਬਿਲਲਾਤ ਸੇ । ਮੋਰਨ
 ਕੇ ਸੋਰ ਸੁਨਿ ਫਨਿ ਮਨਿ ਡਾਰ ਮੂੰਡ ਦੀਆਸੇ ਬਝਾਇ ਬਚੇ
 ਹੈ ਅੰਧੇਰੀ ਰਾਤ ਸੇ । ਗੀਧਨ ਕੀ ਮਾਲ ਕਹੂੰ ਜੰਬਕ ਕਰਾਲ
 ਕਹੂੰ ਨਾਚਤ ਬਤਾਲ ਲੈ ਕਪਾਲ ਜਲ ਜਾਤ ਸੇ ॥ ੫੦ ॥

ਕਬਿੱਤ—ਕਹੂੰ ਬਨ ਕੋਲ ਕਹੂੰ ਰੋਝਨ ਕੇ ਟੋਲ ਕਹੂੰ ਭੀਲਨ ਕੇ
 ਬੋਲ ਤਹਾਂ ਬਾਤ ਨ ਅਨਦ ਕੀ । ਮਾਨਸ ਕੇ ਨਾਤੇ ਬਨ
 ਮਾਨਸ ਹਜੂਰ ਕਹੂੰ ਬਾਂਦਰ ਲੰਗੂਰਨ ਉਚਾਈ ਗਿਰ ਮੰਦ ਕੀ

॥ ਕਹੂੰ ਚਕ੍ਰ ਵਾਕ ਕਹੂੰ ਭੂਤਨ ਕੀ ਹਾਕ ਕਹੂੰ ਕਾਰੇ ਕਾਕ ਮਾਨੇ
ਸੂਰ ਕਹੂੰ ਪੂਤ ਬੰਦ ਕੀ । ਜਾਨਕੀ ਡਰਾਤ ਬੀਚ ਬੀਚ ਚਲੀ
ਜਾਤ ਦੇਉ ਨੈਨਾਂ ਮੁੰਦਲੀਨੇ ਕਟ ਗਹੀ ਰਾਮਚੰਦ ਕੀ ॥ ੫੧ ॥
ਕਬਿੱਤ-ਐਸੀ ਭਾਂਤ ਚਲੇ ਜਾਤ ਕੇ ਹੈ ਜਾਸੇਂ ਕਰੈਂ ਬਾਤ ਗਾਤ
ਕੁਮਲਾਨੇ ਜੇਵੈ ਪੋਖੈ ਘਰ ਮਾਤ ਕੇ ॥ ਜਾਨਕੀ ਨਿਹਾਰ ਭਰ
ਸ੍ਰਾਸ ਮਨ ਕੋਧ ਮਾਰ, ਕੈਸੀ ਕੁਸਰਾਤ ਹਮੈ ਲਾਗੇ ਦੁਖ ਤਾਤ
ਕੇ । ਤੀਨੋਂ ਬੈਠ ਜਾਤ ਜਹਾਂ ਗੋਖਰੂ ਗਡਾਤ ਮੁਸਕਾਤ ਨ ਜਨਾ
ਤ ਸਮਾਚਾਰ ਸੁਨੋਂ ਪ੍ਰਾਤਕੇ । ਸੀਰੇ ਜਲ ਨ੍ਰਾਤ ਟੂਟੇ ਫੂਲ ਫਲ
ਖਾਤ ਫਾਮ, ਰਾਤ ਪਰੇ ਸੇਵਤ ਬਿਛੋਨਾ ਕਰ ਪਾਤ ਕੇ ॥ ੫੨ ॥

ਰਾਮਚੰਦ੍ਰਉਵਾਚ ਸੀਤਾ ਸੋਂ

ਦੋਹਰਾ-ਰਘੁਪਤਿ ਐਸੇ ਬਨ ਫਿਰਤ, ਦੇਖੇਂ ਨਗਰਨ ਠੌਰ ।
ਆਸ਼੍ਰਮ ਸੁਨਿਓਂ ਅਗਸਤ ਕੋ, ਚਲੇ ਹੁਲਾਸਨ ਦੌਰ ॥ ੫੩ ॥
ਸੋਰਠਾ-ਸੀਅ ਕਹੈਂ ਸਮਝਾਇ, ਲੋਪਾ ਮੁੱਦਾ ਤਾਸੁ ਤੀਅ ।
ਪ੍ਰਿਥਮ ਸੀਸ ਧਰ ਪਾਇ, ਆਇਸ ਲੈ ਫਿਰੇ ਬੈਠੀਓ ॥ ੫੪ ॥
ਸਵੈਯਾ-ਰਾਮ ਮਿਲੇ ਮੁਨਿ ਸੋ ਪਰ ਪਾਇਨ, ਲਾਇ ਰਹੇ ਛਤੀ-
ਆ ਦੁਖ ਖੋਯੋ । ਹੋ ਸੁਤ ਕਜੇਂ ਯਹਿ ਭੇਖ ਕੀਓ, ਨਿਪ ਜੀਵਤ
ਹੈ ਕਿ ਬਡੇ ਮਗ ਸੋਯੋ । ਬਾਤ ਕਹੀ ਸਮਝਾਇ ਸਬੈ ਰਘੁਬੀਰ
ਮਨੋ ਤਨ ਤੀਰ ਗਡੋਯੋ । ਪੂਤ ਰਹੇ ਇਹਠੌਰ ਸਬੈ ਮਿਲ, ਸ੍ਰਾਸ
ਭਰੈ ਮਨ ਤੇ ਅਤਿ ਰੋਯੋ ॥ ੫੫ ॥

ਰਾਮਚੰਦ੍ਰਮਿਲਾਪ ਅਗਸਤ ਸੋਂ

ਸਵੈਯਾ-ਏਕ ਘਟੀ ਨ ਘਟੀ ਸੀਅ ਕੇ ਦੁਖ ਰਾਮ ਰਹੇ ਮੁਨਿਕੇ
ਨਿਕਟੀ । ਘਟਿ ਕੇ ਸੁਤ ਸੋਂ ਤਿਨ ਨਾਰ ਜੁਟੀ ਮਾਨੋ ਧੂਰ
ਜਟੀ ਨਹਿ ਕਾਮ ਛਟੀ । ਦੁਪਟੀ ਫਟ ਜਾਤ ਜਹਾਂ ਤਮਕੀ
ਪ੍ਰਗਟੀ ਘਟਿ ਮੈ ਗੁਰ ਗਯਾਨ ਗਟੀ । ਕਰਬੇ ਕਹੁ ਮੁਕਤਿ ਹ-
ਟੀ ਬਰਟੀ ਤਹਾਂ ਪਰਮ ਕੁਟੀ ਰਘੁਨਾਥ ਠਟੀ ॥ ੫੬ ॥

(ਪੰਚਬਟੀਕੋ ਵਰਨਨ)

ਸਵੈਯਾ-ਜਹਾਂ ਸਿੰਘ ਕੁਰੰਗ ਨ ਬੈਰ ਗਟੀ ਮ੍ਰਿਗ ਸੰਤਤ ਸਿੰਘ-
ਨ ਦੂਧ ਗਟੀ । ਸੋਈ ਨੈਕੁ ਨ ਦੇਖਤ ਜਾਤ ਲਟੀ ਅਹਿਪੋਢ-

ਤ ਮੋਰਨ ਪੁੰਛ ਤਟੀ । ਚਢ ਕੇਹਰ ਕੰਧ ਅਜਾ ਲਪਟੀ ਨਹ
 ਭੂਖ ਲਗੈ ਕਬਹੂੰ ਝਪਟੀ ॥ ਜਿਨਕੀ ਦੁਖਫਾਸ ਕਹੂੰ ਨ ਕਟੀ
 ਤਿਨ ਕੇ ਸਿਰ ਹੈ ਸੁਖ ਸਾਂਤਿ ਸਟੀ ॥ ੫੭ ॥

ਸਵੈਯਾ-ਜਿਨਕੀ ਧੁਨਿ ਨੈਨਨਿ ਜੋਤ ਘਟੀ ਤਿਨਕੇਸੰਗਮੁ-
 ਕਤਿ ਫਿਰੈ ਲਪਟੀ । ਜਿਨਕੇ ਰਿਦ ਗੰਥ ਮਹਾਂ ਚਿਕਟੀ ਕਰਿ
 ਸ੍ਰਛ ਚਲੇ ਮਾਨੋ ਦੂਧ ਘਟੀ ॥ ਮੁਨਿਬਿੰਦਜਹਾਂਜਹਿ ਬੇਦ ਪਟੀ
 ਸੁਕ ਸਾਰਸ ਹੰਸ ਚਕੋਰ ਚਟੀ ॥ ਨਿਸ ਬਾਸਰ ਕਾਮ ਕਮਾਨ
 ਟੁਟੀ ਸੀਅ ਤੇ ਗਤ ਸੀ ਲਟ ਜਾਤ ਲਟੀ ॥੫੮॥

ਸਵੈਯਾ-ਸਬ ਕੇ ਮੁਖ ਨਿਰਤਤ ਬਾਕ ਨਟੀ, ਸੁਅਗਸਤਪਛਾ-
 ਵਤ ਹਾਥ ਛਟੀ । ਤਬ ਤੇਜਨ ਤੇ ਰਵਿ ਜੋਤਿ ਹਟੀ, ਕਪਟੀ ਨ
 ਰਹੈ ਤਹਾਂ ਏਕ ਘਟੀ । ਹਰਿ ਪੂਜਨ ਕੀ ਜਹਾਂ ਆਰਭਟੀ ਭਰਿ
 ਨੈਨ ਨਿਹਾਰ ਰਮਾ ਲਪਟੀ । ਜਹਾਂ ਈਧਨ ਚੰਦਨ ਕੀ ਖਪਟੀ
 ਕਵਿਰਾਮ ਕਹੈ ਸੋਈ ਪੰਚ ਬਟੀ ॥ ੫੯

[ਕਵਿਉਵਾਰ]

ਸਵੈਯਾ-ਕਾਲ ਬਲੀ ਕਵਿਰਾਮ ਸੁਨੋ ਦੁਖ ਸ੍ਰੀ ਰਘੁਬੀਰ ਕੀ
 ਬਾਤਨ ਕੇ । ਜਬ ਤਾਤ ਕਹਯੋ ਚਲਹੀ ਨਿਕਸੇ ਨ ਰਹੇ ਬਿਲ
 ਲਾਤ ਸੁ ਮਾਤਨ ਕੇ । ਅਬ ਔਰ ਕੀ ਕੌਨ ਕਹੈ ਸੁਰ ਭੂਪਤਿਹੈ
 ਤਕੀਆ ਜੁਮਲਾਤਨ ਕੇ । ਮਨ ਕੰਚਨ ਧਾਮ ਤਜੇ ਬਨ ਮੈਂ
 ਜਬ ਰਾਮ ਕੀਏ ਘਰ ਪਾਤਨ ਕੇ ॥ ੬੦ ॥

ਕਬਿੱਤ-ਐਸੀ ਭਾਂਤ ਰਹੇ ਦੇਸ ਰਹਯੋ ਦੂਰ ਕਹੈਂ ਦੁਖ ਸੁਖ
 ਨਿਰਬਹਯੋ ਸਹਿਯੋ ਮੇਹੁ ਛਾਹ ਘਾਮ ਕੋ । ਦੁਖੀ ਜਾਨ ਕਾਮਧੇਨੁ
 ਛੀਰ ਨਿਧ ਸੈਨ ਜਾਂ ਕੋ ਹੰਸ ਗੌਨ ਸਕ੍ ਸ਼ਿਵ ਸੇਵੈ ਜਾਕੇ ਨਾਮ
 ਕੋ । ਲਛਮਨ ਗਹੈ ਪਾਇ ਸੁਨੋ ਰਘੁਗਾਇ ਪ੍ਰਭੂ ਜਾਨਤ ਹੋ
 ਜਾਂਤੇ ਬਨ ਆਏ ਜਾਹੀ ਕਾਮ ਕੋ । ਸੋਈ ਕਜੇਂ ਨ ਕਰੇ ਦੁਖ
 ਦੇਵਨ ਕੇ ਹਰੇ ਰਾਮ ਬੀਛਰਯੋ ਕੁਬੇਲ ਸੋਈ ਸੌਂਪੇ ਦੇਵ ਬਾਮ
 ਕੋ ॥ ੬੧ ॥

ਸਵੈਯਾ-ਜਬਲੋ ਰੁਚਿਹੀ ਤਬ ਲੋ ਰਘੁਬੀਰ ਰਹੇ ਰਿਖਿ ਕੇ ਬਹੁ

ਤੇ ਸੁਖ ਪਾਯੋ । ਬਾਤ ਕਹੀ ਬਨ ਆਨਿ ਚਲੈਂ ਮੁਨਿਪਾਇ ਛੁਵੇ
ਅਤਿ ਮੋਹ ਜਨਾਯੋ । ਜਾਨਕੀ ਜਾਇਕੈ ਪਾਇ ਛੁਏ ਸੀਅ
ਕੇ ਬਿਛਰੇ ਰਿਖਿ ਤੀ ਦੁਖ ਪਾਯੋ । ਅੰਗ ਸੁ ਬਾਸ ਦਈ ਕਕ-
ਈ ਪਟ ਮੋਤਿਨ ਹਾਰੁ ਗਰੇ ਪਹਿਰਾਯੋ ॥ ੬੨ ॥

[ਅਗਸਤਉਵਾਚ ਸਵੈਯਾ]

ਰਾਮਹਿ ਏਕ ਸੁਮੰਤ੍ਰ ਦੀਓ ਰਿਖਿ ਜਾਂ ਰਿਪੁਕੋ ਸਿਰ ਭੁਇ ਨ
ਪਰੈਗੋ । ਕਾਟੇ ਹੂੰ ਤੇ ਉਪਜੈ ਪਲ ਮੈ ਕਹੁ ਸੋ ਤੁਮਤੇ ਕਿਹ ਭਾਤਿ
ਡਰੈਗੋ । ਤਾਂ ਰਿਪੁ ਕੇ ਸਿਰ ਕੇ ਯਹ ਬਾਨ ਸੁਨੋ ਪ੍ਰਭੂਜੁ ਇਹ
ਭਾਂਤਿ ਹਰੈਗੋ । ਜੇਹੋਂ ਮ੍ਰਿਗ ਝੰਡਨ ਸੋਂ ਮ੍ਰਿਗਰਾਜ ਭੁਜੰਗਨ ਸੋਂ
ਖਗਰਾਜ ਲਰੈਗੋ ॥ ੬੩ ॥

ਸਵੈਯਾ

ਜਾਇ ਬਸੇ ਅਬ ਤਾ ਬਨ ਮੋਂ ਮਾਨੋਂ ਸਾਵਨ ਮੇਘਨਕੀ ਅਨੁ
ਹਾਰੀ । ਆਪਨੇ ਹਾਥ ਬਨਾਇ ਕੁਟੀ ਸੀਅ ਸੋਂ ਮਿਲ ਬੀਰਹਿ
ਔਰ ਸਵਾਰੀ । ਲੰਕ ਨਿਸਾਚਰ ਰਾਵਨ ਕੇ ਦਿਨ ਰੈਨ ਹੁਤੇ
ਤਿਹਿ ਠਾਂ ਰਖਵਾਰੀ । ਕੈਸੇ ਕੈ ਰਾਮਹਿ ਜਾਇ ਕਹਿਓ ਸੁਨ
ਸੁਪਨਖਾ ਇਕ ਬਾਤ ਹਮਾਰੀ ॥ ੬੪ ॥

[ਨਿਸਾਚਰੋ ਵਾਚ ਸੁਪਨਖਾ ਸੋਂ]

ਸਵੈਯਾ—ਜਾ ਬਨ ਕੇ ਹਮ ਹੈਂ ਪ੍ਰਤਿਪਾਲਕ, ਤਾ ਬਨ ਮੈ ਤਪਸੀ
ਫਿਰ ਆਏ । ਰਾਜ ਤਜਿਓ ਅਬ ਜੋਗ ਲੀਓ, ਲਘੁ ਮੁੰਡ ਜਟਾਂ
ਨਖ ਹੈਂ ਨ ਬਢਾਏ । ਰੂਪ ਅਨੂਪਮ ਹੈਂ ਦੇਉ ਬੀਰ, ਨ ਨੈਕੁ
ਡਰੈਂ ਬਹੁਤੇ ਡਰਪਾਏ । ਜੇ ਪਹਿਲੇ ਡਰਗਵਨ ਕੇ ਇਕ ਭਾਜ
ਗਏ ਇਕ ਦੂਰ ਬਸਾਏ ॥ ੬੫ ॥

ਕਵਿਉਵਚ

ਕਬਿਤ—ਬਾਤ ਸੁਨਿ ਜਰੀ ਸੰਗ ਚਲੀ ਖੀੜ ਲਰੀ ਆਖੈਂ
ਰਾਤੀ ਲੋਹੂ ਭਰੀ ਰੋਖ ਚਵਿਓ ਨਖਸੂਪ ਕੋ । ਅੰਗ ਅੰਗ ਬਨੀ
ਮਾਨੋ ਲਿਖੀ ਚਿੱਤ੍ਰ ਧਨੀ ਗਟੀ ਮਨ ਹੀ ਮੈਂ ਗਨੀ ਆਜ
ਬਰੋਂ ਕਾਮ ਭੂਪ ਕੋ । ਬੈਰੀ ਰੁਦ੍ਹ ਜਾਗਿਓ ਤਾਂਕੇ ਐਸੇ ਪਾਛੇ
ਲਾਗਿਓ ਜੈਸੇ ਪਾਰੇ ਜਾਇ ਭਾਗਿਓ ਦੇਖ ਸੁੰਦਰ ਸਰੂਪ ਕੋ ।
ਲਾਂਬੀ ਡਗ ਭਰੀ ਠੌਰ ਠੌਰ ਗਿਰਪਰੀ ਰਾਮ ਦੇਖੇ ਜਹਿ ਘਰੀ

ਦੇਖ ਰਹੀ ਮੁਖ ਰੂਪਕੋ ॥ ੬੬ ॥

ਕਬਿਤ-ਪਰੀ ਕਾਮ ਬਸ ਤਾ ਕੀ ਸੁਸਾ ਜਾਂਕੇ ਮੂੰਡ ਦਸ ਕੀਨੇ
ਹਉ ਭਾਉ ਚਿਤ ਚਾਓ ਏਕ ਬੰਦਸੋਂ । ਦੀਪਸੁਤ ਨੈਨਨ ਮੈ
ਸੈਨਨਚਲਾਇ ਰਹੀ ਜਾਨਕੀ ਨਿਹਾਰ ਮਨ ਰਹੀ ਨ ਅਨੰਦ
ਸੋਂ । ਮਾਨੋ ਦੇਵ ਬਧੂ ਐਸੀ ਦੇਖੀ ਨਾਹਿ ਕਧੂ ਪ੍ਰਭੁ ਧਿਆਨ
ਤੇ ਜਗਾਇ ਗਹਿ ਪਾਇ ਬੈਨ ਮੰਦ ਸੋਂ । ਪਾਨ ਖਾਇ ਖਾਇ
ਮੁਸਕਾਇ ਮੁਸਕਾਇ ਪਾਏ ਪਰ ਕੈ ਨਿਸਾਚਰੀ ਸੁਬੇਲੀ ਰਾਮ
ਚੰਦਸੋਂ ॥ ੬੭ ॥

[ਪ੍ਰਸ਼ਨੋਤ੍ਤਸੁਪਨਖਾਕੇਰਾਮਚੰਦ੍ਰ ਸੋਂ]

ਕਬਿਤ-ਕੌਨੈ ਦੇਸ ਰਾਜ ਤਜ ਤਾਪਸੀ ਕੋ ਭੇਖ ਭਜ ਰੂਪਵੰਤ
ਤੁਮਸੇ ਨ ਦੇਖੇ ਜੁਗ ਚਾਰ ਮੈ । ਹੈ ਜੁ ਨਾਰਿ ਸੰਗ ਸੋਊ ਰਾਜਾ
ਕੀ ਕੁਮਾਰ ਕਹੁ ਘਰ ਹੀ ਤੇ ਲਿਆਏ ਹੋ ਕਿ ਪਾਈਹੈ ਉਜਾਰ
ਮੈ । ਤੋਹਿ ਕਹਾਂ ਪਰੀ ਅਬ ਜਾਹੁ ਭਲੀ ਕਰੀ ਹਮਰਾਜਾ ਹੈਂ
ਕਿ ਚੰਕ ਹੈਂ ਕਹੂੰਤੇ ਪਾਈ ਨਾਰਿ ਮੈ । ਕਹੋ ਕਹਾਂ ਜਾਉਂ ਮੋਹਿ
ਹੈਂ ਨ ਕਹੂੰ ਠਾਉਂ ਨਾਥਤੁਮੈ ਆਜ ਬਰੋਂ ਆਈ ਘਰਤੇਬਿਚਾਰ
ਮੈਂ ॥ ੬੮ ॥

[ਰਾਮਚੰਦ੍ਰਉਵਾਰਸੁਪਨਖਾਸੋਂ]

ਕਬਿਤ-“ਬੋਲੇ ਤਾਰਿ ਕਾਰਿਰੱਛ ਜੱਛ ਮੱਛ ਕੇਤ ਨਾਰਿਕਿਧੋ
ਤ੍ਰਿਪੁਰਾਰਿ ਲੋਕ ਛਾਡ ਛਿਤ ਪਾਈ ਹੈ । ਕਿਧੋਂ ਰੰਭਾਉਰਬਸੀ
ਮੈਨਕਾ ਸੁਕੇਸੀ ਕੋਊ, ਤਿਨਮੋਂ ਕਿ ਮਘਵਾ ਪਠਾਈ ਮੇ ਪੈ
ਆਈ ਹੈ । ਡੋਲਤਿ ਅਕੇਲੀ ਕੋਊ ਸੰਗ ਨ ਸਹੇਲੀ, ਸਮਝਾਇ
ਕਹੁ ਕੌਨ ਤੇਰੇ ਤਾਤ ਮਾਤ ਭਾਈ ਹੈ । ਸੀਤਾ ਤਬ ਬੋਲੀ ਤੁਮ
ਗਜਾਨ ਪੋਥੀ ਖੋਲੀ ਯਹ ਕੋਊ ਬਨ ਆਪਦਾ ਭਲੀ ਲੈ ਮੂੰਹ
ਲਾਈ ਹੈ ॥ ੬੯ ॥

[ਸੁਪਨਖਾਵਾਰਰਾਮਚੰਦ੍ਰਸੋਂ]

ਕਬਿਤ-ਨਭਤੇ ਨ ਆਈ ਹੈਂ ਸੁਰੇਸ ਨ ਪਠਾਈ ਪ੍ਰਭੁ, ਰੂਪ
ਦੇਖ ਕਾਮ ਕੀ ਚਲਾਈ ਜਾਨ ਲੀਜੀਏ । ਰਾਜਨ ਕੋ ਰਾਜਾ
ਨਾਉ ਰਾਵਨ ਸੁਭਾਈ ਮੇਰੇ, ਤੁਮੈ ਨ ਸੁਨਾਯੋ ਕਾਹੂੰ ਜਾਕੇ

ਜਾਏ ਜੀਜੀਏ । ਸ਼ਿਵਕੀ ਬਡਾਈਤੇ ਦੁਹਾਈ ਜਾਂਕੀ ਤੀਨ
ਲੋਕ, ਸੋਈ ਬਸੈ ਜਾਹਿ ਫੇਰ ਦੇਸ ਥਾਪ ਦੀਜੀਏ । ਗਹੇ ਬਾਂਹ
ਨਾਰ ਸੋਵੇ ਚਾਂਪੇ ਪਗ ਛਾਰਿ, ਜੈਸੇ ਸੀਤਾ ਘਰ ਮਾਂਹਿਤੈਸੇ ਦੂਜੀ
ਮੋਹਿ ਕੀਜੀਏ” ॥ ੭੦ ॥

(ਰਾਮਚੰਦ੍ਰਵਾਚਸੂਪਨਖਾਸੋਂ)

ਕਬਿੱਤ-ਸਮਾਚਾਰ ਜਾਨੇ ਮੁਸਕਾਨੇ ਕਹਯੋ ਬਾਤ ਸੁਨਿ, ਤੈਂ ਨ
ਪਹਿਚਾਨੇ ਹਮ ਬੈਠੇ ਜੋਗ ਭੋਸ ਮੈ ॥ ਤੈਂ ਨ ਸੁਨੀ ਬਾਤ ਰਘੁ-
ਬੰਸ ਮੈ ਜੁ ਹੋਤ ਜਾਤ, ਆਨ ਤੀਆ ਸੋਂ ਨ ਬੋਲੈਂ ਘਰ ਨ
ਬਿਦੇਸ ਮੈ । ਤਾਂ ਮੈ ਏਕ ਰਾਮ ਮੇਰੇ ਨਾਮ ਹੋਂ ਲਜਾਉਂ ਭਾਰੀ,
ਤਾਮੈ ਸੀਅ ਸੰਗ ਜਾਹੁ ਛਾਡ ਆਜ ਕੇ ਸਮੈ । ਭਲੀ ਸੁਧ ਆਈ
ਲਛਮਨ ਮੇਰੇ ਭਾਈ ਦੌਰ ਤਾਹਿ ਬਰੇ ਜਾਈ ਵਹੁ ਪਰੈ ਜੋ
ਕਲੇਸ ਮੈ ॥ ੭੧ ॥

[ਸੂਪਨਖਾਉਵਾਚਲਛਮਨਸੋਂ]

ਕਬਿੱਤ-ਚਲੀ ਤਬ ਧਾਇ ਲਛਮਣ ਪਾਇ ਛੁਏ ਗਾਇ, ਬੋਲੀ
ਮੁਸਕਾਇ ਏਕ ਬਾਤ ਕਹੂੰ ਭਾਵਤੀ । ਬਰਬੇ ਕੇ ਕਾਜ ਰਾਮ
ਤੁਮ ਪੈਪਠਾਈਹੋਂ, ਗਜਾਨਨ ਮਨਾਇ ਆਈ ਤਾਂਤੇ ਉਤਲਾਵਤੀ
। ਕਹਯੋ ਸੋਈ ਕੀਜੈ ਨ ਪਤਿਆਹੁ ਬੁਝ ਲੀਜੈ, ਰੂਪ ਬਸ ਭਈ
ਨਾਹੀਂ ਤੁਮੈਂ ਨ ਸੰਤਾਵਤੀ । ਗਵਨ ਹੈ ਭਾਈ ਲੰਕ ਹੋਮ ਕੀ
ਬਨਾਈ ਜਿਨ, ਬਨਹੀ ਮੈ ਆਈ ਨਿਧਿ ਫੇਰੇ ਜਿਨ ਆਵਤੀ
॥ ੭੨ ॥

[ਲਛਮਣਉਵਾਚ ਸੂਪਨਖਾਸੋਂ]

ਸਵੈਯਾ-ਤੋਹਿ ਕਹੋਂ ਸੁਨ ਬਾਤ ਨਿਸਾਚਰਿ, ਤੂੰ ਜਨਨੀ ਮੇਰੀ
ਹੈਂ ਤਬਹੀ ਤੇ । ਕਾਮਕੋ ਭਾਉ ਧਰੇ ਮਨ ਮੋਂ, ਰਘੁਬੀਰ ਕੇ ਤੀਰ
ਗਈ ਜਬਹੀ ਤੇ । ਕੈ ਅਬ ਜਾਹੁ ਤਹੀਂ ਪ੍ਰਭੂ ਪੈ, ਚਲ ਆਸ
ਤਜੇ ਹਮਰੀ ਅਬਹੀ ਤੇ । ਜੋ ਚਲੈ ਪੁਰਬ ਕੇ ਤਟਨੀ, ਨਟਨੀ
ਉਲਟੀ ਨ ਬਹੀ ਕਬਹੀ ਤੇ ॥ ੭੩ ॥

[ਕਵਿਉਵਾਚ]

ਸਵੈਯਾ-ਧਾਇ ਚਲੀ ਬਹੁਰੇ ਨ ਚਲੈ ਬਸ ਦੇਖ ਹਸੇ ਸੀਅ ਸੋ

ਰਘੁਰਾਈ ॥ ਆਇ ਕਹਯੋ ਨ ਬਰੈ ਬਲਿ ਜਾਉ ਸੁਆਗੈ ਹੂੰਕੀ
ਤਿਨ ਆਸ ਚੁਕਾਈ। ਜਾਹਿ ਤਹੀਂ ਅਬਕੇ ਬਰਹੈ ਤੁਹਿ ਦੇਉ
ਪਤੋ ਕਹੀਓ ਸਮਝਾਈ। ਸੰਗ ਰਿਖੀਸੂਰ ਕੇ ਬਨ ਮੇਂ, ਤੁਮ
ਤਾਰਕਾ ਮਾਰਿ ਪਤਾਰ ਪਠਾਈ ॥ ੭੪ ॥

ਸਵੈਯਾ—ਆਇ ਕਹੀ ਸੋਈ ਬਾਤ ਸੁਨੀ, ਪ੍ਰਭੁ ਸੋ ਨ ਬਰੈਤਿਨ
ਔਰ ਬਤਾਈ। ਜਾਹਿ ਕਹਯੋ ਸੰਗ ਪ੍ਰਾਨਨ ਲੈ, ਰਘੁਨਾਥ ਕਛੂ
ਮੋਹਿ ਔਰ ਜਨਾਈ। ਬਾਰ ਛਿ ਸਾਤ ਫਿਰੀ ਇਤਤੇ ਉਤ,
ਰਾਮ ਭਲੀ ਉਪਮਾਂ ਜੀਅ ਆਈ। ਮਾਨਹੁ ਬੀਰਨ ਕੂਲ ਦੇਉ,
ਭਰਿ ਰੋਖ ਬਢੇ ਨਦਿ ਨਾਉ ਚਲਾਈ ॥ ੭੫ ॥

ਕਬਿਤ—ਤਿਨਹੂੰ ਬਿਚਾਰੀ ਏਂ ਨ ਦੇਉ ਬਿਭਚਾਰੀ, ਪਤ ਰਹੀ
ਨ ਹਮਾਰੀ ਤਬ ਆਪ ਰੂਪ ਹੈ ਗਈ। ਪਾਇ ਤੇ ਪਤਾਲ ਕਰ
ਸੀਸ ਕੇ ਅਕਾਸ ਕਰ, ਏਕ ਏਕ ਬਾਂਹ ਕੋਸ ਡੇਢ ਡੇਢ ਲੋ
ਗਈ। ਬਾਵਰੀ ਦਿਵਾਨੀ ਕਛੂ ਐਸੀ ਬੋਲੈ ਬਾਨੀ ਜਾਤੇ ਜਾਨ-
ਕੀ ਡਰਾਨੀ ਕਾਂਪੈ ਮਾਨੋ ਜੁੜੀ ਹੈਗਈ। ਰਾਮੈ ਲਪਟਾਨੀ ਜੈਸੇ
ਸੰਕਰ ਭਵਾਨੀ ਕਹਯੋ ਨਾਥ ਯਾਕੇ ਹਾਥ ਤੇ ਸੋ ਪ੍ਰੀਤਿ ਰੀਤਿ
ਖੈ ਗਈ ॥ ੭੬ ॥

ਸਵੈਯਾ—ਹਾਥਨ ਸੇਂ ਨਰ ਮੁੰਡਨ ਫੋਰਿਸੁ ਜਾਨਕੀ ਕੋ ਡਰ
ਪਾਵਨ ਲਾਗੀ। ਮੋਹਿ ਕੀਓ ਚਕਡੋਰ ਤਬੈ ਅਜਹੂੰ ਦੁਖ ਸੇਂ
ਛਿਨ ਏਕ ਨ ਦਾਗੀ। ਰਾਮ ਸੇਂ ਬਾਤ ਕਹੀ ਹਰੀਏ ਸੀਅ,
ਯਾਹਿ ਬਰੋ ਅਜਹੂੰ ਅਨੁਰਾਗੀ। ਸੌਂਤ ਸਹੈਂ ਸਿਰ ਪਾਇ ਗਹੈਂ
ਅਰੀ ਤੂੰ ਯਹ ਰੂਪ ਤਜੈਂ ਨ ਅਭਾਗੀ ॥ ੭੭ ॥

ਸਵੈਯਾ—ਰਾਮ ਹਸੇ ਸੀਅ ਕੋ ਮੁਖ ਦੇਖਿ, ਹਮੈਨ ਕਛੂ ਯਹ ਬਾਤ
ਨਈ ਹੈ। ਤੂ ਨ ਹੁਤੀ ਰਿਖਿ ਕੇ ਸੰਗ ਮੇਂ ਬਨ ਮੈ ਇਕ ਐਸੀ
ਹੀ ਮਾਰ ਲਈ ਹੈ ॥ ਯਾਹਿ ਬਧੋ ਜਿਨ ਸ੍ਰੀ ਰਘੁਬੀਰ ਸੁ ਜੋਨ
ਬਨੈ ਕੋਉ ਯੋਂਨ ਗਈ ਹੈ। ਨਾਕ ਛਿਨਾਇ ਕਲੰਕਚਵਾਇ,
ਸੁਲੰਕ ਨਿਸੰਕ ਚਲਾਇ ਦਈਹੈ ॥ ੭੮ ॥

ਸਵੈਯਾ—ਕਾਟਿਓ ਹੈ ਕਾਨ ਸੇਂ ਨਾਕ ਬਨਾਇ, ਸਹੀ ਰਘੁਰਾਇ

ਵੈ ਬਾਤ ਰੁਸਾ ਕੀ । ਲੋਹੂ ਚੁਰਾਤ ਗਈ ਫਿਗ ਰਾਵਨ, ਜਾਇ
ਪਰੀ ਜੈਸੇ ਭੀਤ ਭੁਸਾ ਕੀ । ਬਾਤ ਸੁਨੇ ਤਨ ਆਗ ਉਠੀ,
ਫਿਗ ਨਾਰਿ ਕਹੈ ਤਜ ਬਾਤ ਗੁਸਾ ਕੀ । ਰਾਮ ਸੇਂ ਕੋਪ ਕੀਏ
ਬ ਕਹਾਂ, ਤੁਮ ਜੋਰਤ ਕਿਓਂ ਨਹਿ ਨਾਕ ਸੁਸਾ ਕੀ ॥ ੭੯ ॥
ਦੋਹਰਾ—ਏਕ ਨਿਸਾਚਰ ਹਸ ਪਰੇ ਭਲੀ ਕਰੀ ਰਘੁਰਾਇ ॥
ਨਾਕ ਕਾਢ ਦੋਰੀ ਹੁਤੀ ਆਈ ਨਾਕ ਕਟਾਇ ॥ ੮੦ ॥

ਦੋਹਰਾ—ਏਕ ਕਹੈ ਤੁਮ ਹਸੇ ਜਿਨ ਕਹੈ ਬਾਤ ਸਮਝਾਇ ॥
ਬੁਢੀਆ ਮੁਏ ਨ ਰੋਈਏ ਪੈ ਜਮ ਗੀਧੋ ਜਾਇ ॥ ੮੧ ॥

ਸੋਰਠਾ—ਨੈਕ ਨ ਨੈਨ ਸਿਰਾਹਿ ਯੋਂ ਤਲਫੈ ਲੰਕਾਪਤੀ ॥
ਜਿਉਂ ਥੋਰੇ ਜਲ ਮਾਂਹਿ ਜੇਠ ਮੀਨ ਦਾਦਰ ਬਸੈ ॥ ੮੨ ॥

ਕਬਿੱਤ—ਕਹਾਂ ਜਾਊਂ ਕਹਾ ਕਰੋਂ ਆਗ ਜੋ ਜਰਾਵੈ ਜਰੋਂ ਸਿੰਧ
ਸਬ ਥਾਹਿ ਕੈਸੇ ਬੂਡ ਮਰੋਂ ਜਾਇ ਕੇ । ਬੂਡੀ ਅਬ ਬਾਤ ਕੁ
ਸਰਾਤ ਹੋਂ ਨ ਦੇਖੋਂ ਜਹਾਂ ਮਾਨਸ ਜਨਾਵੈਂ ਜੋਰ ਜੋਗੀ ਬਨ
ਆਇ ਕੈ । ਕਾਲਹੀ ਪਛਾਰੋਂ ਸੇਸਨਾਗ ਹੂੰ ਕੋ ਮਾਰੋਂ ਛਿਤ ਲੈ
ਪਾਤਾਲ ਡਾਰੋਂ ਕਿਮੈਂ ਮਰੋਂ ਬਿਖ ਖਾਇ ਕੈ । ਕੈਸੇ ਰਹੋਂ ਆਜ
ਮੋਹਿ ਭਾਵੈ ਨਾਹੀ ਰਾਜ ਜੋ ਲੋ ਤਾਪਸੀ ਵਿਛੋਰਸੀਅ ਲਿਆਊਂ
ਨ ਚੁਰਾਇ ਕੈ ॥ ੮੩ ॥

ਕਬਿੱਤ—ਐਸੇ ਸੋਚ ਕਰੈ ਕੁੜੈ ਮਨ ਹੀ ਮੇ ਮਰੈ ਤਬ ਮੇਘਨਾਦ
ਆਦਿ ਬਾਤ ਕਹੀ ਹੈ ਉਪਾਇ ਕੀ । ਬੋਲੇ ਖਰ ਦੂਖਨ ਤਿਮੁੰਡ
ਸੰਗ ਦੀਨੇ ਝੰਡ ਕਹਿਓ ਜਾਇ ਮਾਰੇ ਸੋਈ ਬਾਤ ਤਿਨੋ ਜਾਇ
ਕੀ । ਪਾਛੇ ਨਾਕ ਜੋਰਬੇ ਕੇ ਕਾਜ ਪਚਹਾਰੇ ਸਬ ਕੈਸੇ ਜੁਰੈ
ਰਾਮ ਬਾਤ ਕਹੋਂ ਸਤ ਭਾਇ ਕੀ । ਆਵੇ ਜੋ ਪਿਨਾਕੀ ਤੋਊ
ਜੁਰ ਹੈ ਨ ਤਾਂਕੀ ਦਸ ਮੂੰਡ ਤੋ ਨ ਹੋਹਿ ਯਹ ਕਾਟੀ ਰਘੁਰਾ-
ਇ ਕੀ ॥ ੮੪ ॥

ਕਬਿੱਤ—ਆਨਿ ਫਿਗ ਗਾਜੇ ਕਈ ਭਾਂਤਿਨ ਬਜਾਇ ਬਾਜੇ,
ਖਰ ਦੂਖਨਾਦਿ ਰਾਮਚੰਦ ਦੇਖ ਕੈ ਹਸੇ । ਇਨਹੀ ਸੇਂ ਲਰਬੇ
ਕੇ ਕਾਜ ਹਮ ਆਏ, ਭਲੇ ਰਾਜਨ ਕੇ ਰਾਜਾ ਤੁਮ ਰਾਵਨ ਭਏ

ਭਸੇ । ਬਾਜੀ ਰਬ ਬਾਰਨ ਪਦਾਂਤ ਕੇਉ ਨਾਹੀਂ ਏਉ, ਬੈਠੇ ਜੋਗ
 ਭੇਸ ਮੁਸਕਾਇ ਬਨ ਮੈ ਧਸੇ । ਏਕ ਬਾਨ ਕਸੇ ਹਰ ਲੋਕ ਏਕ
 ਬਸੇ ਬਗ, ਜੋ ਨਿਸੰਕ ਨਸੇ ਲੰਕ ਬਸੇ ਤੇਈ ਘਰ ਬਸੈ ॥ ੮੫ ॥
 ਸਵੈਯਾ—ਬਾਤ ਸੁਨੀ ਸਬ ਲੋਕ ਬਡੇ ਭਟ, ਔਰ ਉਪਾਇ ਕਹੇ
 ਸੁ ਕਰੇ । ਉਨ ਲਾਖਿਨਮੋਂ ਨਹਿ ਏਕ ਫਿਰਿਓ, ਦੁਖ ਹੈ ਛ-
 ਤੀਆਂ ਕਿਹ ਭਾਂਤਿ ਭਰੇਂ । ਜੁਗੀਆ ਇਕ ਲੰਕ ਮਰੀਚ ਬਸੈ
 ਸੋਈ ਹੈ ਮ੍ਰਿਗ ਸੋ ਬਨ ਜਾਇ ਚਰੇ । ਕਰਿ ਭੇਸ ਤਪੋਧਨ ਕੋ
 ਕਨ ਮਾਂਗਿ ਸੁ ਹੋਂ ਸੀਅ ਕੇ ਇਹ ਭਾਂਤਿ ਹਰੇਂ ॥ ੮੬ ॥

ਦੋਹਰਾ—ਭਲੀਭਲੀਕਹਿਕਹਿਉਠੇਮਨਮੈਸਭਪਛੁਤਾਹਿ । ਰਾਜ
 ਰਾਖਿ ਜੋਗੀ ਬਨੈ ਤਾਂ ਘਰ ਰੂਪਕ ਨਾਹਿ ॥ ੮੭ ॥

ਸੋਰਠਾ—ਲਟੀ ਧਰਮ ਕੀ ਬਾਤ ਜਹਾਂ ਤਪੋ ਧਨ ਪਸੁ ਕੀਓ ।
 ਕਾਹੇ ਕੀ ਕੁਸਰਾਤਿ ਮਨ ਪਾਪੀ ਤਨ ਤਾਪਸੀ ॥ ੮੮ ॥

(ਮੰਦੋਦਰੀਓਵਾਰ)

ਦੋਹਰਾ—ਸੁਨਿ ਬਿਚਾਰ ਮੰਦੋਦਰੀ ਬੋਲੀ ਬਚਨ ਰਿਸਾਤ । ਖਰ
 ਦੁਖਨ ਪਲ ਮੈ ਹਤੇ ਤਹਾਂ ਨਾਹ ਕਜੇਂ ਜਾਤ ॥ ੮੯ ॥

ਸਵੈਯਾ—ਏ ਕਪਟੀ ਦਸਕੰਧ ਗਟੀ ਨ ਘਟੀ ਘਟਿ ਕੀ ਸਠ
 ਆਵ ਘਟੀ । ਹਟਿ ਧੂਰ ਜਟੀ ਕਮਠੀ ਖਪਟੀ ਸਮਤੋਰ ਰਠੀ
 ਜਨ ਬਾਚ ਕਟੀ । ਨ ਠਟੀ ਰਤਿਨਾਥ ਛਠੀ ਤਿਨਕੇ ਨਿਤ
 ਨਾਚਤਿ ਮੁਕਤਿ ਨਟੀ ਸੁਹਟੀ । ਸੁਨਿ ਕੰਤ ਕਰੀ ਭਗਨੀ
 ਨਕਟੀ ਸੋਈ ਰਾਮ ਬਿਰਾਜਤ ਪੰਚ ਬਟੀ ॥ ੯੦ ॥

ਸਵਯਾ—ਹਾਥਨ ਜੋਰ ਨਿਵਾਇ ਸਿਰੋਧਰ ਨਾਥ ਸੁਨੋ ਤੋ ਕਹੂੰ
 ਇਕ ਬਾਤੋ । ਰਾਜਨ ਕੇ ਮੁਕਟਾ ਮਨ ਰਾਵਨ ਪਾਵਨ ਰਾਮ
 ਸੋਂ ਕੌਨ ਸੋ ਨਾਤੋ । ਦੇਖਹੁ ਕਜੇਂ ਨ ਬਿਚਾਰ ਭੁਜਾਬਲ ਚੌਦਹਿ
 ਲੋਕ ਡਰੈ ਦਿਨ ਰਾਤੋ । ਬਾਤ ਪੁਰਾਤਨ ਯੋਂ ਸੁਨੀਏ ਘਟਕੇਹ-
 ਰ ਸੋਂ ਨ ਲਰੈ ਗਜ ਮਾਤੋ ॥ ੯੧ ॥

ਸਵੈਯਾ—ਮੂਰਖ ਨਾਹ ਦਸੇ ਸਿਰ ਸੋਂ ਸਖੀ ਜਾਨਤ ਹੋਂ ਦਿਨ
 ਆਵ ਘਟੈ ਹੈਂ । ਲੋਚਨ ਬੀਸਨ ਸੂਝਤ ਨਾਹਿਨ ਹਾਥਨਬੀਸ

ਹਥਯਾਰ ਜਟੇ ਹੈਂ। ਪੂਤ ਸਪੂਤ ਭਯੋਮਘਵਾਜਿਤ ਸੰਭੁ ਸੋਂਕੋਨ ਸੇ
ਦਾਨ ਬਟੇ ਹੈਂ। ਸੁੰਦਰ ਵੈ ਭੁਜ ਨੈਸਕ ਸੇ ਧਨ ਯਾਹੀਤੇਜਾਨਤ
ਰਾਮ ਲਟੇ ਹੈਂ ॥ ੯੨ ॥

(ਕਵਿਓਵਾਰ)

ਸਵੈਯਾ—ਰੂਪ ਅਪਾਵਨ ਰਾਵਨ ਨੀਚ ਮਰੀਚ ਸੋਂ ਬਾਤ ਕਹੀ
ਸਮਝਾਈ। ਹੈਂਦੋਊ ਬੀਰ ਸਰੋਵਰ ਤੀਰ ਕੁਟੀ ਰਵਿ ਤੇਜ ਤ-
ਹਾਂ ਨ ਸਮਾਈ। ਨਾਰ ਅਨੂਪਮ ਹੈ ਤਹਿ ਸੰਗਭੁਗਾਵਹੁ ਆਇ-
ਸ ਸੀਸ ਚਵਾਈ। ਛਾਡਿ ਸਿਯਾਨ ਪਿਯਾਨ ਕਰੋ ਜਿਨ ਪਾਨ
ਤਜੈ ਤਜ ਪ੍ਰਾਨ ਪੁਜਾਈ ॥ ੯੩ ॥

ਸਵੈਯਾ—ਜਾਨ ਕੈ ਬਾਤ ਮਰੀਚ ਮਹਾਂ ਮੁਨ ਦੇਹ ਤੈ ਬਾਸ ਛੁਟਯੋ
ਅਬ ਜੀਕੋ। ਰਾਮ ਸੋਂ ਬੈਰ ਕੀਏ ਸੁਖ ਹੈ ਨਲਏਦਸਕੰਧਕਲੰਕ
ਕੋ ਟੀਕੋ। ਉਤਰ ਦੇਤ ਉਤਾਰਤ ਹੈ ਸਿਰ ਯੋਂ ਤਲਫੈ ਜੈਸੇ ਨੀਰ
ਬਲੀ ਕੋ। ਸੋਨੇਕੀ ਦੇਹ ਭਈ ਤੋ ਕਹਾ ਸੁ ਤਉ ਮ੍ਰਿਗ ਮੋਦਕਸਿੰ-
ਘ ਬਲੀਕੋ ॥ ੯੪ ॥

ਸਵੈਯਾ—ਜਾਤ ਬਨੈ ਨ ਰਿਸਾਤ ਬਨੈ ਠਹਿਰਾਤ ਬਨੈ ਨਹਿ ਹੈ
ਦੁਚਿਤਾਈ। ਹੈ ਉਤਪਾਤ ਕੀ ਬਾਤ ਸਹੀ ਜੋ ਪੈ ਰਾਵਨ ਰਾਮਤੇ
ਪ੍ਰਾਨ ਉਡਾਈ। ਤੋ ਮਨ ਕਜੋਂ ਪਛੁਤਾਤ ਅਬੈ ਤਜਿ ਲੰਕਪਤੀ
ਗਹੁ ਰਾਮ ਕੇ ਪਾਈ। ਠਾਡੋ ਭਯੋ ਮ੍ਰਿਗ ਸ੍ਰਾਂਗ ਲੀਓ ਤਿਨ ਕੁ-
ਦਤ ਫਾਂਦਤ ਚਾਲਦਿਖਾਈ ॥ ੯੫ ॥

ਦੋਹਰਾ—ਫਿਰ ਬੋਲੀ ਮੰਦੋਦਰੀ ਕੁਮਲਾਨੀ ਸਬਗਾਤਾਜਜੋਂ ਰੋਵੈ
ਤਮ ਰਾਤ ਕੋ ਜਾਨਤ ਰਵਿ ਕੀ ਬਾਤ ॥ ੯੬ ॥

ਮੰਦੋਦਰੀਓਵਾਰ

ਸੋਰਠਾ—ਕੁੰਭ ਕਰਨ ਬਸਿ ਸੈਨ ਤੁਮ ਰਾਜਾ ਬਸਿ ਮੋਹ ਕੇ।
ਦੇਵਰ ਕਛੂ ਕਹੈ ਨ ਲੰਕ ਪੰਕ ਗਹਿਰੇ ਗਡੀ ॥ ੯੭ ॥

ਸੋਰਠਾ—ਅਜਹੂੰ ਚੇਤ ਸੰਭਾਰਿ ਪੀਅ ਤੀਅ ਬੈਨਨ ਮਨ ਧਰੋ।
ਪਾਪ ਬੀਜ ਜਿਨ ਡਾਰ ਛਾਹਿ ਦੁਹੇਲੀ ਬੈਸ ਸੀ ॥ ੯੮ ॥

ਸਵੈਯਾ—ਬੋਲ ਗਯੋਸ਼ਿਵ ਕੋਸੁਨ ਰੇ ਪਤਿ, ਤਾਹੀ ਕੇ ਸੰਗ ਸੁਹਾਗ
ਹਮਾਰੋ। ਭੂਤਲ ਬਾਸਰਹਿਓ ਕੁਲ ਕੋ ਅਬ, ਤੋ ਭ੍ਰਮ ਕੋ ਜਰ

ਮੂਲ ਉਖਾਰੋ। ਛੀਨ ਭਯੋ ਤਪ ਤੋਹਿ ਨ ਸੂਝਤ, ਜਿਉਂ ਤਰ
ਉਪਰ ਤੇ ਅੰਧਿਆਰੋ। ਰੇ ਸਠ ਕੰਤ ਰਹੋ ਹਟਕੈ, ਨ ਭਲੇ
ਘਟਿ ਤੇ ਪਟ ਰਾਮ ਬਿਸਾਰੋ ॥ ੯੯ ॥

ਕਬਿੱਤ-ਰਾਮ ਸੋਂ ਨ ਬੈਰ ਕਰ ਪਾਪ ਜੀਅ ਮੈਨ ਧਰ, ਮੁਨਿ
ਸੋਂ ਨ ਅੜਬਾਤ ਕੀਜੈ ਨ ਨਿਦਾਨ ਕੀ। ਅਜਹੂੰ ਲੋ ਕੁਸਰਾਤ
ਭਗਨੀ ਕੀ ਬੋਰੀ ਬਾਤ ਨਾਕ ਕਾਟੀ ਕਾਟੀ ਏਕ ਹੈ ਗਈ
ਅਚਾਨਕੀ। ਕੇਤੇ ਬਲੀ ਮਾਰੇ ਖਰ ਦੂਖਨ ਪਛਾਰੇ ਅਬ ਤੂੰਹੋ
ਚਲਿਓ ਜੋਗੀ ਯਹ ਬਾਤ ਨ ਸਯਾਨ ਕੀ। ਜਾਹਿ ਜੋ ਨ ਮਾਨੈ
ਕੰਤ ਕਾਹੂੰ ਕੀ ਬਲਾਇ ਜਾਨੈ ਔਰ ਸਬ ਕੀਜੈ ਏਕ ਹਰੋ ਜਿਨ
ਜਾਨਕੀ ॥ ੧੦੦ ॥

[ਕਵਿਉਵਾਚ]

ਕਬਿੱਤ-ਨਾਰਿ ਕੀਨ ਮਾਨੀ ਬਾਤ ਦਿਨ ਹੀ ਕੋਕਹੈ ਰਾਤ ਬਡੇ
ਉਤਪਾਤ ਹੋਨ ਹਾਰ ਚਲਿਓ ਧਾਇਕੈ। ਆਪ ਬਨਿਓ ਜੋਗੀ
ਆਗੇ ਕੀਨੋ ਹੈ ਮਰੀਚ ਮੁਨਿ ਦੇਖੋ ਕਵਿਰਾਮ ਮ੍ਰਿਗਸੇਨੇ ਕੋ
ਬਨਾਇ ਕੈ। ਕਹੂੰ ਪਾਤ ਖਾਤ ਕਹੂੰ ਉਂਚੈ ਡਕਰਾਤ ਲੰਗਰਾਤ
ਕਹੂੰ ਕਹੂੰ ਆਗੈ ਨੀਚੈ ਸੋ ਹੈ ਆਇਕੈ। ਕਹੂੰ ਚਲੈ ਦੌਰ ਬੈਠ
ਪਾਤਨ ਕੀ ਓਟ ਕਹੂੰ ਜਾਨਕੀ ਨਿਹਾਰ ਰੂਪ ਰਹੀ ਹੈ ਲੁਭਾ
ਇਕੈ ॥ ੧੦੧ ॥

ਦੋਹਰਾ-ਜਨਕ ਸੁਤਾ ਮਨ ਮੈ ਕਹੈ ਕਿਉਂ ਮ੍ਰਿਗ ਪਕਰਿਓ
ਜਾਇ। ਕਠਿਨ ਕਠਿਨਈ ਕਿਉਂ ਟਰੈ ਬਿਨ ਰਘੁਬੀਰ ਸ-
ਹਾਇ ॥ ੧੦੨ ॥

ਸੋਰਠਾ-ਕੰਚਨ ਮ੍ਰਿਗ ਕੇ ਹੇਤ ਹੋ ਜਾਚੋਂ ਰਘੁਨਾਥ ਕੋ। ਜੇਬਨ
ਬਸ ਸੁਖ ਦੇਤ ਅਰ ਜਾਨਤ ਪਰ ਪੀਰ ਕੋ ॥ ੧੦੩ ॥

ਕਬਿੱਤ-ਕੀਨੋ ਸੋਈ ਕਾਮ ਆਗੇ ਆਪ ਪਾਛੈ ਰਾਮ ਬਲ ਜਾਇ
ਕਵਿਰਾਮ ਐਸੇ ਰੂਪ ਦੇਖ ਜੀਜੀਏ। ਲੀਨੀ ਗਹਿ ਬਾਂਹ ਪ੍ਰਭੁ
ਤਿਉਂ ਤਿਉਂ ਮੁਸਕਾਹਿ ਸੀਤਾ ਕਹਾਂ ਚਲੇ ਜਾਹਿ ਨਾਥ ਨੈਕ
ਕਹਜੋ ਕੀਜੀਏ। ਕੁੰਜਨ ਕੀ ਓਟ ਪਾਤ ਹਾਥਨ ਸੋ ਟਾਰ ਕਹੀ

ਬਾਭ ਮ੍ਰਿਗ ਕੰਚਨ ਕੋ ਨੀਕੇ ਦੇਖ ਲੀਜੀਏ । ਹੀਨ ਬਲ ਹੋ
ਨਾ ਤੁਮੈ ਕੇਹਰ ਕੋ ਭੋਨਾ ਯਹ ਸਾਰੰਗ ਕੋ ਛੋਨਾ ਸੁ ਖਿਲੋਨਾ
ਕਰਦੀਜੀਏ ॥ ੧੦੪ ॥

ਕਬਿੱਤ-ਭਯੋ ਚਿਤ ਭੰਗ ਅੰਗ ਅੰਗ ਸਬ ਕਾਂਪਿਓ ਰਾਮ ਜੈਸੇ
ਸ਼ਿਵ ਸੰਗ ਮਾਨੋ ਦੂਸਰੇ ਅਨੰਗਹੈ । ਮਾਂਗੇ ਬਿਨ ਆਨਿ ਦੀਨੋਂ
ਧਨੁਖ ਨਿਖੰਗ ਤਾ ਕੋ ਰੰਗ ਨ ਪਛਾਨੈ ਜਾਨੈ ਹਠ ਹੀ ਮੈ ਰੰਗ
ਹੈ । ਕਹੈ ਰਘੁਬੀਰ ਤੂੰ ਸੁਰੰਗ ਦੇਖ ਭੂਲੇ ਜਿਨ ਭਜੈ ਸੁਖਆਜ
ਲੈ ਤੁਰੰਗ ਪੀਠ ਤੰਗਹੈ । ਕੀਨੋ ਦੁਖ ਪੰਗਸੁਨ ਜਾਨਕੀਕੁਰੰਗ
ਨੈਨੀ ਹੋਇ ਨ ਕੁਰੰਗ ਯਹ ਬਡੋਈ ਕੁਰੰਗਹੈ ॥ ੧੦੫ ॥

ਸਵੈਯਾ-ਸੋਚ ਬਢਿਓ ਜੀਅ ਮੈ ਤਬ ਯੋਂ ਮ੍ਰਿਗ ਕੰਚਨ ਕੋ ਨ
ਰਚਿਓ ਜਗ ਸਾਈ । ਜੋ ਨ ਬਧੋਂ ਸੀਅ ਪ੍ਰਾਨ ਤਜੈ ਅਰ ਮੈਂ
ਅਬਲੋ ਕਬਹੂੰ ਨ ਰੁਸਾਈ । ਬੀਰਹਿ ਬੋਲ ਕਹਿਓ ਸੁਖ ਸੋਂ
ਦਿਨ ਕਾਟਤਿ ਹੋ ਬਨ ਮੈ ਅਬ ਤਾਈਂ । ਜਾਨਕੀ ਆਨਕੀ
ਦੇਖਤ ਹੋਂ ਤਉ ਛਾਡਤ ਹੋਂ ਤੁਮਰੀ ਸਰਨਾਈ ॥ ੧੦੬ ॥

(ਲਛਮਨਉਵਾਰ ਰਾਮਚੰਦ੍ਰ ਸੋਂ)

ਸਵੈਯਾ-ਆਇਸ ਨੈਕ ਸੁਨੋਂ ਪ੍ਰਭੁ ਕੋ ਸਸਿ ਕੇ ਰਬ ਕੋ ਮ੍ਰਿਗ
ਜਾਇ ਉਖਾਰੋਂ । ਕਾਹੇਕੋ ਨਾਥ ਕਰੋ ਸੂਮ ਕੋ ਤੁਮ ਯਾਹਿ ਕਹੋ
ਛਿਨ ਹੀ ਮਹਿ ਮਾਰੋਂ । ਜੋ ਛਲ ਮੋਹਿ ਛਲਾਇ ਚਲੈ ਬਿਨ
ਵਾਹਿ ਹਨੇਨਹਿ ਹੋਂ ਪਗ ਧਾਰੋਂ । ਬੀਰ ਸਹੀ ਸੀਅ ਮੋਹਿ ਕਹੀ
ਅਬ ਹੋਂ ਤੁਮਕੋ ਕਿਹ ਭਾਂਤ ਪਚਾਰੋਂ ॥ ੧੦੭ ॥

(ਕਵਿਉਵਾਰ)

ਸਵੈਯਾ-ਕੰਚਨ ਕੋ ਮ੍ਰਿਗ ਤੋ ਅਬਲੋ ਨ ਬਿਰੰਚ ਰਚਿਓ ਦੁਖ
ਕੋ ਫਲ ਹੈ । ਕਿ ਕਲੰਕ ਬਢਿਓ ਰਘੁ ਕੋ ਕੁਲ ਕੋ ਕਿ
ਨਿਸਾਚਰ ਕੋ ਬਨਮੈ ਛਲ ਹੈ । ਕਿਧੋਂ ਗਵਨ ਤੇਜ ਬਢਿਓ
ਸਮ ਪਾਵਕ ਤਾਹਿ ਸਮਾਪਤ ਕੋ ਜਲ ਹੈ । ਕਹਿ ਰਾਮ ਚਲੇ
ਸੀਅ ਛਾਡਿਕੁਟੀ ਪੀਅ ਕੋ ਨ ਕਛੂ ਤੀਅ ਕੋ ਬਲ ਹੈ ॥ ੧੦੮ ॥

ਅਥ ਚੌਥਾ ਅੰਕ

ਸਵੈਯਾ-ਲੈਕਰਿ ਤੀਰ ਸਰਾਸਨ ਸ੍ਰੀ ਰਘੁਬੀਰ ਚਲੇ ਸੀਅ
ਬੋਲ ਅਰੇ ਹੈਂ । ਫਾਂਧਤ ਖੇਤਨ ਲੈ ਨਿਕਸਿਓ ਤਿਨਹੂੰ ਮੁਨਿ
ਏਕ ਬਿਨੋਦ ਕਰੇ ਹੈਂ । ਪੋਨ ਮਿਲੈ ਤਬ ਏਕ ਹੀ ਬਾਨ ਗਿਰਾਇ
ਲੀਓ ਬਿਨ ਪ੍ਰਾਨ ਪਰੇ ਹੈਂ । ਜਾਨਕੀ ਤਾਮ੍ਰਿਗਹੇਤ ਹਰੇ ਤਿਨ
ਤੋਰਿਪਖਾਰ ਬਨਾਇ ਧਰੇ ਹੈਂ ॥ ੧ ॥

ਕਬਿੱਤ-ਗਿਰਿਓ ਕਹਿ ਰਾਮ ਨਾਮ ਲਛਮਨ ਕੋ ਪੁਕਾਰ ਲੀਨੋ
ਬਾਰ ਬਾਰ ਨਾਮ ਸੁਨਿਓ ਹੈ ਅਚਾਨਕੀ । ਮ੍ਰਿਗ ਹੀ ਕੇ ਹੇਤ
ਮਨ ਨੈਨ ਕਾਨ ਏਕ ਤਾਨ ਸਾਵਧਾਨ ਠਾਢੀ ਉਤ ਵੈਕੈ
ਧਯਾਨ ਜਾਨਕੀ । ਬਡੇ ਉਤਪਾਤ ਰਾਮ ਗਾਤ ਕੀ ਨ ਕੁਸਰਾਤ
ਤਾਂਕੋ ਫਲ ਲਾਗਿਓ ਬਾਤ ਕਰੀ ਨ ਸਿਆਨ ਕੀ । ਲੋਟੈ ਧਰ
ਮੀਜੈ ਕਰ ਤਾਤ ਬਿਧਿ ਪੀਰ ਹਰ ਪ੍ਰਾਨ ਕਜੇਂ ਨ ਲੇਤ ਦੇਹ
ਲਾਗਤ ਗਿਲਾਨ ਕੀ ॥ ੨ ॥

(ਪ੍ਰਸ਼ਨੋਤ੍ਰ ਸੀਤਾ ਕੇ ਲਛਮਨ ਸੇਂ)

ਕਬਿੱਤ-ਬੋਲ ਲਛਮਨ ਜੁ ਸੇਂ ਕਹੀ ਸਬ ਬਾਤ ਸੀਅ ਜਾਹੁ
ਅਬ ਬੀਰ ਸੁਧ ਲੇਹੁ ਬੀਰ ਪੀਰ ਕੀ । ਸੋਕ ਤਜ ਮਾਤ ਐਸੋ
ਕੋਨ ਤੀਨੋ ਲੋਕ ਮਾਂਹਿ ਟੇਢੀ ਕਰ ਭੋਂਹਿ ਓਰ ਦੇਖੈ ਰਘੁਬੀਰ
ਕੀ । ਸ਼ਕ੍ਰਸਿਵ ਸੇਖ ਸਿੰਧੁ ਚੰਦ੍ਰਮਾਂ ਬਿਰੰਚ ਜਮ ਨਰਪਤਿ ਸੇਵੈ
ਰਜ ਜਾਕੇ ਪਗ ਤੀਰ ਕੀ । ਮਾਰ ਮ੍ਰਿਗ ਕੰਚਨ ਕੋ ਐਹੈਂ ਮ੍ਰਿਗ
ਰਾਜ ਰਾਮ ਕਾਹੇ ਕੋ ਹੈ ਹੇਤ ਸਫਰੀ ਬਿਨਾਹੀ ਨੀਰ ਕੀ ॥ ੩ ॥

(ਸੀਤਾਉ ਵਾਰ ਲਛਮਨ ਸੇਂ)

ਸਵੈਯਾ-ਘਾਤ ਕਰੇਂ ਰਘੁਨਾਥ ਬਿਨਾ ਤਨ ਤੂੰ ਮੋਹਿ ਬਾਤਨ ਹੀ
ਸਮਝਾਵੈ ॥ ਵੈ ਪਦ ਕੰਜ ਬਿਨਾ ਨਿਰਖੇ ਘਰੀ ਚਾਰ ਭਈ
ਕਹੁ ਕਯੋਂ ਕਲਿ ਆਵੈ ॥ ਹੈ ਦ੍ਰਿੜ ਪ੍ਰੀਤਿ ਸਹੀ ਪ੍ਰਭੁ ਸੇ ਸੁਨਿ-
ਤਾਹਿ ਤੇ ਜਾਨਕੀ ਤੋਹਿ ਪਠਾਵੈ । ਲੈਕਰ ਬਾਨ ਨਿਖੰਗ ਕਸਜੇ
ਕਟਿ ਦੂਰ ਹੀ ਤੇ ਪਗ ਕੋ ਸਿਰ ਨਾਵੈ ॥ ੪ ॥

(ਕਵਿਉ ਵਾਰ)

ਸਵੈਯਾ-ਏਕ ਬਿਚਾਰ ਕੀਓ ਮਨ ਮੈਂ ਸੀਅ ਕੇ ਹਠ ਤੇ ਪ੍ਰਭੁ

ਪੈ ਅਬ ਧਾਉਂ । ਹੈ ਬਨ ਮਾਹਿ ਨਿਸਾਚਰ ਕੇ ਛਲ ਮਾਤ ਕੈ
ਬੋਲਨ ਕਜੇ ਉਲਟਾਉਂ । ਰੇਖਿ ਕਰੀ ਚਹੂੰ ਓਰ ਕਹਜੇ ਸੁਨ
ਯਾ ਤਜ ਪਾਉਂ ਨ ਦੇਹੁ ਅਗਾਉਂ । ਜੋ ਬਿਧਿ ਲੋ ਇਹ ਬੀਚ
ਪਰੈ ਜਰ ਛਾਰ ਉਡੈ ਤਨ ਕੀ ਤੁਰਤਾਉਂ ॥ ੫ ॥

ਸਵੈਯਾ-ਯੋਂ ਕਹਿ ਕੈ ਸੋਈ ਜਾਤ ਭਯੋ ਬਨ ਢੁੰਡਤਰਾਮਘਰੀ
ਕੁ ਨ ਪਾਯੋ । ਤੋ ਲਗਿ ਰਾਵਨ ਹੈ ਜੁਗੀਆ ਸੀਆ ਕੇ ਫਿਰ
ਗੋਰਖਨਾਥ ਜਗਾਯੋ । ਜਾਨ ਅਤੀਤ ਭਰੇ ਕਰ ਤੰਦੁਲ ਰੇਖ
ਤੇ ਬਾਹਿਰ ਪਾਉਂ ਨ ਪਾਯੋ । ਸੋਨ ਗਹੈ ਬਿਨ ਭੀਖ ਚਲਜੋ
ਕਹਿ ਦਾਨ ਬੰਧੋ ਅਬ ਲੋ ਨਹਿ ਖਾਯੋ ॥ ੬ ॥

[ਰਾਵਨਉਵਾਰ ਸੀਤਾਸੇ]

ਸਵੈਯਾ-ਰਾਜ ਕਰੋ ਤੁਮ ਭੂਖ ਲਗੇ ਹਮ ਖੱਪਰ ਔਰ ਕੇ
ਆਗੇ ਧਰੈਂਗੇ । ਭਾਮਨਿ ਭੀਖ ਬੰਧੀ ਕਿਹ ਕਾਮ ਸੁ ਤੋਹਿ ਤਜੇ
ਹਮਹੂੰ ਨ ਮਰੈਂਗੇ । ਜਾਨਤ ਹੋਂ ਜੀਅ ਮੈ ਸੁਨਿ ਸੁੰਦਰਿ ਤੋ
ਸੰਗ ਰਾਮ ਨ ਆਇ ਲਰੈਂਗੇ । ਜੋ ਸੁਨਿ ਹੈਂ ਕੋਊ ਭੀਖ ਬਿਨਾ
ਗਯੋ ਤਾ ਦਿਨ ਭੋਜਨ ਹੂੰ ਨ ਕਰੈਂਗੇ ॥ ੭ ॥

[ਕਵਿਉਵਾਰ]

ਸਵੈਯਾ-ਯੋਂ ਡਰ ਪਾਇ ਪਿਸਾਚ ਕਹੈ ਬਿਧਿ ਜਾਨਤ ਮੁੰਡ ਕਲੰਕ
ਦੀਓ । ਰਘਬੀਰਹਿ ਜਾਚ ਚਲੇ ਤਜਿ ਤੰਦੁਲ ਤਾ ਦਿਨ ਹੈ
ਕਿਹ ਕਾਮ ਜੀਓ ॥ ਅਬ ਯੋਂ ਚਲ ਹੈ ਜਗ ਮੈਂ ਯਹ ਬਾਤ ਨ
ਹੈ ਘਰ ਰਾਮ ਨ ਬੀਰ ਬੀਓ ॥ ਤਬ ਪੀਅ ਬਿਨਾ ਸੀਅ
ਏਕ ਅਤੀਤਹਿ, ਭੀਖ ਦਈ ਨ ਸਮੋਧ ਕੀਓ ॥ ੮ ॥

ਕਬਿੱਤ-ਰੇਖ ਛਾਡਿ ਜਾਉਂ ਤੋਂ ਡਰਾਉਂ ਲਛਮਨ ਜੀਤੇ ਭੀਖ
ਬਿਨ ਦੀਨੇ ਭੀਖ ਮੀਚ ਹੋਂ ਨ ਪਾਵਤੀ । ਕੋਊ ਮੰਦ ਭਾਗੀ
ਯਹ ਰਾਮ ਕੇ ਨ ਆਗੇ ਆਯੋ ਦਰਸਨ ਪਾਵਤੋ ਹੋਂ ਦੇਤ ਨ
ਸੰਕਾਵਤੀ ॥ ਡੀਂਡ ਮੇਟ ਦੇਉਂ ਫਿਰ ਡੀਂਡਹੀ ਮਿਲਾਇ ਲੇਉਂ
ਹੈ ਹੈ ਬਾਤ ਸੋਈ ਭਗਵੰਤ ਜੁਕੇ ਭਾਵਤੀ ॥ ਦੇਖੋ ਕਵਿਰਾਮਕੋਨ
ਜਾਨਕੀ ਸੋਂ ਕਹੈ ਯਹ ਡੀਂਡ ਹੀ ਮੈ ਬੋਲ ਕੈ ਜੰਜਾਰ ਨ

ਚੁਕਾਵਤੀ ॥ ੯ ॥

[ਰਾਵਨਉਵਾਰ]

ਸਵੈਯਾ—ਤੋ ਹੀ ਲੋ ਆਇ ਸੁਬੋਲ ਉਠਿਓ ਤੁਮ ਆਇਸ ਦੇਹੁ
ਕਛੂ ਨ ਹਮਾਰੇ। ਹੋਂ ਉਠਿ ਜਾਉ ਕਹਾ ਬਸ ਹੈ ਉਪਜੀ ਨ
ਦਯਾ ਜੀਅ ਮਾਂਹਿ ਤੁਮਾਰੇ ॥ ਡੀਂਡ ਮਿਟਾਵਤ ਹੀ ਸੁਨ ਸੁੰਦ-
ਰਿ ਸੂਰ ਸਸੀ ਗਿਰ ਹੈ ਨਭ ਤਾਰੇ। ਯੋ ਨਹਿ ਜਾਨਤ ਸੋਸਠ
ਰਾਵਨ ਮਾਂਗਤ ਭੀਖ ਕਿ ਮੀਚ ਪੁਕਾਰੇ ॥ ੧੦ ॥

[ਕਵਿਉਵਾਰ]

ਸਵੈਯਾ—ਤਾਹੀ ਕੇ ਹੇਤ ਲਈ ਕਰ ਭੀਖ ਦਈ ਤਜਿ ਫੂਲਨ
ਕੀ ਨਵਲਾਸੀ। ਬੋਲ ਕਹਿਓ ਅਬ ਬੀਰ ਤਪੋਧਨ ਲੈ ਜਬ
ਲੋ ਨਹਿ ਰਾਮ ਬਿਲਾਸੀ। ਆਇ ਗਿਓ ਵਿਗ ਹੀ ਕਪਟੀ
ਜੀਅ ਮਾਨਹੁ ਫੂਲ ਕਨੇਰ ਪਲਾਸੀ। ਡੀਂਡ ਮਿਟੀ ਪਗ ਸੋਂ
ਜਬਹੀ ਤਬ ਰਾਹੁ ਗ੍ਰਸੀ ਮਾਨੋ ਚੰਦ੍ਰ ਕਲਾਸੀ ॥ ੧੧ ॥

ਡੀਂਡ ਕਟੀ ਕਿਧੋ ਆਉ ਦਸਾਨਨ ਕੈ ਸ਼ਿਵ ਬੋਲ ਜੰਜੀਰ
ਛੁਟੀ। ਕਵਿਰਾਮ ਕਿਧੋ ਕਹਿ ਰਾਘਵ ਕੇ ਸੁਖ ਕੇ ਸਰ ਕੀ ਜਨੁ
ਪਾਲ ਛੁਟੀ। ਕਿਧੋ ਦੇਵਨ ਕੀ ਦੁਖ ਫਾਂਸ ਹੁਤੀ ਸੀਅ ਕੇ ਪਗ
ਲਾਗ ਤਰਾਕ ਟੁਟੀ। ਮਾਨੋ ਰਾਵਨ ਰਾਹੁ ਮਯੰਕ ਕਲਾ ਕਟਿ
ਪੁਰਨ ਮੋਂ ਪਰਵਾ ਝਪਟੀ ॥ ੧੨ ॥

ਅਬ ਪੰਚਮੇ ਅੰਕ

(ਕਵਿਉਵਾਰ)

ਕਬਿੱਤ—ਹਾਥ ਗਹਿ ਲੀਨੋ ਨਾਜ ਭੀਖ ਕੋ ਸੁ ਡਾਰ ਦੀਨੋ ਐਸੇ
ਕਾਮ ਕੀਨੋ ਜੈਸੇ ਕੋਊ ਨ ਕਰਤ ਹੈ। ਹਾਇ ਰਘੁਬੀਰ ਰਨ-
ਧੀਰ ਪਰ ਪੀਰ ਹਰਿ ਆਜ ਤੋ ਬਿਰਹਿ ਸੇ ਮੂੰਡ ਫੂਮੈ ਪਰਤ

ਹੈ। ਹਾਇ ਲਛਮਨ ਮੇਰੇ ਫਿਰ ਤੇ ਕਜੇਂ ਜਾਇ ਹਾਇ ਹਾਇ
ਕਰ ਜਾਨਕੀ ਪੁਕਾਰ ਜਜੇਂ ਜਰਤ ਹੈ। ਡੀਂਡਤੇ ਬਿਛੋਰੀ ਰਾਮ
ਛਾਡੇ ਮ੍ਰਿਗ ਬਾਤ ਬੋਰੀ ਜੁਗੀਆ ਅਘੋਰੀ ਮੋਹਿ ਝੋਰੀ ਮੈ ਧ-
ਰਤ ਹੈ ॥ ੧ ॥

ਕਬਿੱਤ-ਹਾ ਸੁਰੇਸ ਹਾ ਬਿਰੰਚ ਛੈ ਮੁਖ ਸਸੀ ਗਣੇਸ ਜਾਨਤ
ਵਿਨੇਸ ਹੂੰ ਕੋ ਬੋਰਜੋ ਕਛੂ ਪੋਤ ਹੈ। ਸਾਚ ਕਹਜੇ ਜਾਨਕੀ ਸੁ
ਕਾਹੇਕੋਛੂਡਾਵੈ ਦੇਵ ਰਾਮ ਕਵਿ ਕਾਮ ਆਜ ਉਨਹੀ ਕੋਹੋਤ ਹੈ ॥
ਲੈਉਡਜੇ ਲੰਕੇਸ ਤਜਿ ਤਾਪਸੀ ਕੋ ਭੇਸ ਭੁਜ ਬੀਸ ਦਸ ਸੀਸ
ਕਰਿ ਬੋਰਜੋ ਕੁਲ ਗੋਤ ਹੈ। ਬਿਦਾ ਭਯੋ ਭਾਗ ਔ ਮੰਦੋਦਰੀ
ਸੁਹਾਗ ਕਹਜੇ ਰਾਮ ਰਾਮ ਰਾਜ ਅਬ ਤੇਰੇ ਨਾ ਉਦੋਤ ਹੈ ॥ ੨ ॥
ਦੋਹਰਾ-ਇਹ ਬਿਧਿ ਸੀਅ ਰਾਵਨ ਹਰੀ ਰਾਮ ਹਰੇ ਮ੍ਰਿਗ ਪ੍ਰਾ-
ਨ ॥ ਬਹੁਤ ਸੁਖੀ ਅਤਿ ਇਕ ਦੁਖੀ ਕਥਾ ਆਨਕੀਆਨ ॥ ੩ ॥
ਸੋਰਠਾ-ਯੋਂ ਜਾਨਤ ਸਬ ਕੋਇ ਯਹ ਮਗ ਤਜ ਸੁਰ ਮਗਗਯੋ।
ਜਨਕ ਸੁਤਾ ਨਹਿ ਹੋਇ ਮਨੋ ਮੀਚ ਲੈ ਨਭ ਉਡੀ ॥ ੪ ॥

ਸਵੈਯਾ-ਉਤ ਮਾਰਿ ਕੁਰੰਗਹਿ ਰਾਮ ਫਿਰੇ ਬਨ ਤੇ ਘਰ ਕੋ
ਸੰਗ ਬੀਰ ਲਏ ॥ ਇਤ ਰਾਵਨ ਆਨ ਕੁਰੰਗ ਕੀਓ ਘਰੀ
ਚਾਰ ਭਈ ਸੀਅ ਚੋਰੀ ਗਏ ॥ ਸੋਈ ਦੂਰ ਹੀ ਤੇ ਨਹਿ ਡੀਠ
ਪਰੀ ਜਹ ਜੋਵਤ ਹੀ ਮਨ ਨੈਨ ਦਏ ॥ ਤਹ ਆਇ ਰਹੇ ਪਛੁ-
ਤਾਇ ਦੋਉ ਜਹਾਂ ਰੇਖ ਕਟੀ ਪਗ ਸੋ ਹਰਏ ॥ ੫ ॥

ਕਬਿੱਤ-ਜਾਨਕੀ ਨ ਪਾਈ ਰੋਇ ਉਠੇ ਰਘੁਰਾਈ ਕਹ ਬੀ-
ਰਹਿ ਸੁਨਾਈ ਆਈ ਬਾਤ ਪਰਾਨ ਅੰਤ ਕੀ। ਖਾਇਕੈਤਵਾ-
ਰ ਸੁ ਕੁਮਾਰ ਕਹੈ ਬਾਰ ਬਾਰ ਫੂਲੀ ਬੇਲ ਕੋਉ ਗਜ ਲੈਗਯੋ
ਬਸੰਤ ਕੀ ॥ ਦੇਖ ਬਨ ਹਾਰਿ ਪਰੇ ਕੋਸਕ ਪੁਕਾਰ ਫਿਰੇ ਮਾਨੋ
ਮਨਿ ਗਈ ਫਨ ਬਾਸਕ ਅਨੰਤ ਕੀ ॥ ਦੇਖਜੋ ਤੀਨ ਓਰ
ਧਾਮ ਪਾਛੇ ਬੇਲ ਉਠੇ ਰਾਮ ਚੋਥੀ ਓਰ ਦੇਖੀ ਭਾਵੈ ਦੇ-
ਖੀਅ ਕੰਤ ਕੀ ॥ ੬ ॥

(ਰਾਮਚੰਦ੍ਰੋਵਾਰ ਲਛਮਨ ਸੋਂ)

ਕਬਿੱਤ-ਬੈਨੀ ਸੇਸਨਾਗ ਮੁਖ ਰੋਹਨੀ ਸੁਹਾਗ ਦੋਉ ਲੋਚਨ
 ਕੁਰੰਗ ਭੌਂਹਿ ਭਿੰਗ ਦੁਖ ਦੈਗਏ ॥ ਕੋਕਲਾ ਸੁ ਬੈਨ ਅਰ ਚਾਲ
 ਗਜਰਾਜ, ਮ੍ਰਿਗ ਰਾਜ ਕਟਿ ਆਜ ਕਰ ਕੰਜਨ ਮੈ ਰੈਗਏ ॥
 ਕਦਲੀ ਸੁ ਜੰਘ ਅੰਗ ਜੋਤ ਕੇ ਅਨੰਗ, ਹੰਸ ਪਾਇਨ ਕੋ ਪਾਇ
 ਮੇਰੇ ਪਾਛੇ ਕਰ ਜੈ ਗਏ ॥ ਕਹੈ ਰਘੁਬੀਰ ਛਬ ਜਾਨਕੀ
 ਚੁਰਾਈ, ਸੋਈ ਜਾਨਕੀ ਕੋ ਮਾਰ ਭਾਈ ਤੇਈ ਬਾਂਟ ਲੈਗਏ ॥੭
 ਕਬਿੱਤ-ਹੈ ਗਏ ਨਿਰਾਸ ਆਸ ਗਈ ਸਿੰਧੁ ਪਾਰ, ਤਜਿ ਪਾਤ
 ਕੇ ਅਵਾਸ ਦੁਖ ਸੁਨੋ ਦੋਉ ਬੀਰ ਕੇ ॥ ਚਕਵਾ ਚਕੋਰਨਿ ਕੁ-
 ਰੰਗ ਸਿੰਘ ਮੋਰਨਿ ਕੇ ਬੂਝੈਂ ਸੀਅ ਸੋਧ ਬੂਝੈਂ ਰੂਖ ਪੰਖ ਤੀਰ
 ਕੇ । ਛੁਵੈ ਜਲਜਾਤ ਜਲਜਾਤ ਨ੍ਰਾਤ ਨੀਰ ਗਾਤ ਲਾਗੇ ਬਾਤ
 ਜੈਸੇ ਤਾਤੇ ਰੇਤ ਕਨ ਨੀਰ ਕੇ ॥ ਲੋਚਨ ਚੁਰਾਤਿ ਨਾਹੀ ਸੁਧਾ
 ਨ ਅਧਰ ਮਾਹੀਂ ਅੰਗਨਾ ਬਿਹੀਨ ਐਸੇ ਅੰਗੁ ਰਘੁਬੀਰ ਕੇ ॥੮

(ਰਾਮਚੰਦ੍ਰੋਵਾਰ ਲਛਮਨ ਸੋਂ)

ਸਵੈਯਾ-“ਘਸ ਲਾਇ ਲਗਾਇ ਨ ਚੰਦਨ ਕੋ ਤਰੁ ਤੇਨ ਛੁ-
 ਡਾਇ ਫਨੀਮਨਿ ਕੇ ॥ ਅਰ ਬੀਰ ਉਸੀਰਹਿ ਦੂਰ ਕਰੋਨ ਬੂਝੈ
 ਦੁਖ ਪਾਵਕ ਕੋ ਕਨਕੋ ॥ ਨਲਨੀ ਦਲ ਪਾਤ ਸੋ ਬਾਤ ਕੀਏ
 ਉਤਪਾਤ ਬਢੇ ਪ੍ਰਭੂ ਜੀ ਮਨ ਕੇ । ਸੁਨੁ ਆਜ ਬਢੀ ਉਪਜੀਨ
 ਬੁਝੈ ਤਿਨਦਾਰ ਦੈ ਫੂਕ ਸਮੀਰਨ ਕੋ ॥੯॥”

[ਕਵੀਉਵਾਰ]

ਸਵੈਯਾ-ਸ੍ਰੀ ਰਘੁਬੀਰ ਅਧੀਰ ਤੀਆ ਬਿਨ ਨੀਰ ਭਰੇ ਅੰਜੁ-
 ਰੀ ਅਸ ਰੋਵੈ ॥ ਬੀਰ ਦਈ ਬਹੁ ਭਾਂਤਿਨ ਧੀਰ ਨ ਪੀਰ ਘਟੈ
 ਪੁਹਮੀ ਤਨ ਜੋਵੈ ॥ ਕੈ ਪਹਿਲੇ ਡਰ ਜਾਨਿ ਬਿਓਗਸੁ ਦੈ ਕੁਚ
 ਬੀਚ ਨ ਹਾਰ ਸਮੋਵੈ ॥ ਕਜੋਂ ਅਬ ਪਾਰ ਸੀਆ ਬਿਨ ਸੀਪਤਿ
 ਵਾਰ ਸੀਆ ਪਤਿ ਸੀਬਿਨ ਸੋਵੈ ॥ ੧੦ ॥

ਸਵੈਯਾ-“ਅਬਿਬੇਕ ਸੁਰਾਮ ਕੀਓ ਨ ਬਿਬੇਕ ਬਿਦਾ ਰਘੁਨਾ-
 ਥਹਿ ਤਾਤ ਦੀਆ ॥ ਤਜਿ ਸੰਪਤਿ ਦੰਪਤਿ ਏਕਹੀ ਬਾਰ ਅਵਾਸ

ਤਜੇ ਬਨਬਾਸ ਲੀਆ ॥ ਜਿਨ ਕੇ ਨਿਸਬਾਸਰ ਕੇ ਮਿਲਬੇ
ਹਿਤ ਰਾਖਯੋ ਹੁਤੇ ਬਿਨ ਹਾਰ ਹੀਆ ॥ ਇਹ ਭਾਂਤ ਬਿਓਗ
ਦੀਓ ਬਿਧਿ ਆਪ ਸੁਵਾਰ ਸੀਆਪਤਿ ਪਾਰ ਸੀਆ ॥ ੧੧ ॥
ਸਵੈਯਾ-ਬਜਾਕੁਲ ਡੋਲਤ ਹੈਂ ਬਨ ਬੀਬਨ ਬੁਝਤ ਲੋਗਨ
ਰਾਮ ਸੰਦੇਸੇ ॥ ਚੰਪਕ ਚੰਦਨ ਤਾਲ ਤਮਾਲਨਿ ਬਜਾਲਨ ਸੇਂ
ਗਿਰ ਬੁਝਤ ਜੈਸੇ ॥ ਕੁੰਜਰ ਕੰਜ ਕਦੰਬਕੁਰੰਗਨਿ ਭਿੰਗਨਿ ਕੇ
ਕਲ ਕੁੰਡਭਰੈਸੇ ॥ ਜਾਨਕੀ ਹਾਥ ਨ ਲਾਗਤਿ ਰਾਮ ਕੋ ਹਾਥ
ਸੇਂ ਹਾਥ ਮਰੋਰਤ ਕੈਸੇ ॥ ੧੨ ॥

ਕਬਿੱਤ-ਦੇਖ ਮ੍ਰਿਗ ਕਹੈਂ ਮ੍ਰਿਗ ਨੈਨੀ ਸੀਅ ਕਹਾਂ ਚੰਦਮੁਖੀ
ਚੰਦ ਦੇਖ ਕਹੈਂ ਮਾਨੋ ਮਤਿ ਬਾਉਰੀ ॥ ਗਾਢੇ ਬਨ ਗੋਨ ਕਰ
ਧੂਪ ਛਾਂਹਿ ਪੋਨ ਪੂਛ ਧਾਇ ਧਾਇ ਪੂਛੇਂ ਗਿਰ ਕੂਪ ਸਰ ਬਾ-
ਉਰੀ । ਸਦਾ ਸੀਲਵੰਤ ਹੈਂ ਅਨੰਤ ਭਗਵੰਤ ਜੋਉ ਕੀਨੋ ਹੈਕੁਰੰਗ
ਦੁਖ ਕੇਹਰ ਕੀ ਬਾਉਰੀ । ਕੈਤੇ ਵਹਿ ਰਾਜ ਕੋ ਸਮਾਜ ਰਘੁ-
ਰਾਜ ਤਬ ਐਸੀ ਬਾਉ ਹੁਤੀ ਅਬ ਐਸੀ ਬਹੀ ਬਾਉਰੀ ॥ ੧੩ ॥

[ਰਾਮਚੰਦ੍ਰ ਉਵਾਰ]

ਕਬਿੱਤ-ਏਹੋ ਲਖਮਨ ਤੋਹਿ ਬੁਝਤ ਹੂੰ ਬਾਰ ਬਾਰ ਦੇਖ ਸੀਅ
ਗਈ ਕੈਸੀ ਬਾਤ ਭਈ ਜਾਨ ਕੀ ॥ ਆਹੁਟ ਨ ਪਾਯੋ ਪਗਖੋਜ
ਨ ਚਲਾਯੋ ਹਮ ਭਾਰੀ ਭੂਲ ਗਏ ਅਬ ਕੋ ਮਿਲਾਵੈ ਜਾਨਕੀ ।
ਕੋਨੈ ਹਰ ਲੀਨੀ ਮਾਰ ਡਾਰੀ ਕਹਾ ਕੀਨੀ ਕਾਹੂ ਬਾਤ ਐਸੀ
ਕੀਨੀ ਹੈ ਅਜਾਨਕੀ ਕਿ ਜਾਨਕੀ । ਕਾਸੇਂ ਦੁਖ ਕਹੈਂ ਗਹੈਂ
ਕੋਨ ਕੀ ਸ਼ਰਨਿ ਆਜ ਭਲੋ ਹੈ ਮਰਨ ਬਾਤ ਜੀਅ ਤੇ ਨਜਾ-
ਨਕੀ ॥ ੧੪ ॥

[ਕਵਿਉਵਾਰ]

ਕਬਿੱਤ-ਬਿਰਹੀ ਬਿਹਾਲ ਮਨ ਜਨਕ ਸੁਤਾ ਕੇ ਦੁਖ ਤਨ ਕੋ
ਨ ਨੀਂਦ ਪਰੈ ਜਾਗੈ ਆਠੋ ਜਾਮ ਕੇ । ਭੋਜਨ ਬਿਸਾਰ ਜੀਅ
ਜਪਿਯੋ ਕਰੈਂ ਨਾਮਸੀਅ ਡਾਰਿ ਰਹੇ ਦੇਹ ਮਾਨੋ ਦੁਖੀ ਬਡੇ
ਘਾਮ ਕੇ । ਜਾਹਿ ਨਿਜਕਾਤ ਸੋਊ ਰੂਖ ਪਾਤ ਜਾਤ ਜਰਿ

ਬਾਤ ਕਹੈ ਕੌਨ ਐਸੇ ਹਾਥ ਲਾਗੇ ਕਾਮ ਕੇ । ਦੇਖਤ ਬਟਾਉ
ਆਪ ਰੋਵਤ ਰੁਆਉ ਤਹਾਂ ਜਰੈ ਘਾਸ ਝਾਉਜਹਾਂ ਪਰੈ ਪਾਇ
ਰਾਮ ਕੇ ॥ ੧੫ ॥

ਸਵੈਯਾ—ਜਾਨਕੀ ਕੋ ਹਰਿ ਕਾਨਨਿ ਦੇਰ ਗਏ ਸਰ ਤੀਰ ਤਿ-
ਖਾ ਜਲ ਕੀ । ਕਹਿ ਕੰਕਨ ਨੈਥ ਭਏ ਦ੍ਰਿਗ ਸੀਤਲ ਸੰਪਤਿ
ਦੇਖ ਰਤੋਪਲ ਕੀ । ਅਲਿ ਕੇਸ ਗਏ ਅਥਏ ਦਿਨ ਨਾਥ
ਨਈ ਛਬਿ ਤੋ ਨਲਨੀ ਦਲ ਕੀ । ਮਾਨੋ ਸਾਈਂ ਬਿਓਗ ਪਰੈ
ਮੁਰਛਾਇ ਡਲੀ ਮੁਖ ਮੇਲ ਹਲਾਹਲ ਕੀ ॥ ੧੬ ॥

ਸਵੈਯਾ—ਦੀਪ ਬਿਹੀਨ ਪਰੇ ਦੁਖ ਸੇਜ ਕਹੂ ਕਨ ਸੀਤ ਘਟਾ
ਘਨ ਕਾਰੇ । ਦੇਹ ਛੁਟ ਨਹ ਨੀਂਦ ਜੁਟੈ ਨ ਫੁਟੈਨਿਸਈ ਅਸਿ
ਗਾਢੇ ਅੰਧਾਰੇ । ਨਾਰਿ ਬਿਓਗਤਹਾਂ ਤਮ ਰੂਪ ਸੁ ਐਸੇ ਮੈ
ਡਾਰਤ ਕਾਮ ਤਵਾਰੇ ॥ ਮੂੰਦੇਈ ਲੋਚਨ ਜਾਨਕੀ ਕੋ ਮੁਖ ਦੀ-
ਸਤ ਹੋਹਿ ਮਯੰਕ ਉਜਾਰੇ ॥ ੧੭ ॥

ਸਵੈਯਾ—ਰੋਵਤ ਨੈਨਨ ਨੀਰ ਗਯੋ ਘਟ ਔਰਸਮੀਰਉਸਾਸਨ
ਲੇਤੇ । ਮਾਸਕੁ ਮਾਸ ਨ ਮਾਸਕ ਤੇ ਸਬ ਤੇਜ ਗਯੋ ਸੀਅ ਕੇ
ਬਿਛੁਰੇ ਤੇ । ਜਾਨਕੀ ਨਾਮ ਪੁਕਾਰਤ ਆਰਤ ਬੋਲ ਥਕੇ
ਸੁਨੀਏ ਨ ਕਹੇ ਤੇ । ਸੋ ਰਘੁਬੀਰ ਹੀਓ ਸੁਨ ਬੀਰ ਬਡੇ ਭ੍ਰਮ
ਕੈ ਭਯੋ ਬੱਜ੍ਹ ਹੀਏ ਤੇ ॥ ੧੮ ॥

[ਰਾਮਚੰਦ੍ਰਉਵਾਚ]

ਸਵੈਯਾ—ਕੰਚਨ ਕੋਮ੍ਹਿਗ ਬੇਦਪੁਰਾਨਿ ਲਿਖਯੋ ਨ ਕਹੂੰ ਨ ਬਿ-
ਰੰਚ ਸਵਾਰਿਯੋ । ਤਾਹੀ ਕੇ ਹੇਤ ਚਲਯੋ ਤਜਿਨਾਰਿਸੁ ਮੈ ਮਤਿ
ਹੀਨ ਕਛੂ ਨ ਬਿਚਾਰਿਯੋ । ਯਾਹੀ ਤੇ ਕੇਕਈ ਮਾਇ ਕਰੀ ਸਬ
ਨੀਤਸੋ ਹੋ ਘਰ ਤੇ ਬਨਟਾਰਿਯੋ । ਰਾਜਕੀਲਾਇਕ ਹੈ ਨ ਮਹਾਂ
ਮੜਯੋ ਕਹਿਕੈ ਰਘੁਨਾਥਪੁਕਾਰਿਯੋ ॥ ੧੯ ॥

ਦੋਹਰਾ—ਮੋਹਨਤਾਪਨ ਬਿਸਿਕਰਨ ਉਦਮਾਦਨਉੱਚਾਟ ॥ ਪਾਂਚ
ਬਾਨ ਮਨ ਮਥਨ ਕੈ ਬਿਰਹਨਿ ਤਨ ਗਏ ਕਾਟ ॥ ੨੦ ॥

ਸਵੈਯਾ—ਕਾਮ ਚਲਾਇ ਦਏਸਰ ਪਾਂਚ ਸੁ ਪੰਖਨਲੋਤਨਮਾਂਹਿ

ਗਡੇਰੇ। ਤਾ ਸੀਅ ਕੇ ਬਿਰਹਾਗਨਿ ਮੈ ਜਰੇ ਮੇ ਮਨ ਸੋ ਸਬ
ਆਯੁਧ ਤੇਰੇ। ਹੈ ਬਿਪਰੀਤ ਭਈ ਬਿਨ ਬਾਨਨ ਰੇ ਬਿਰਹਾ
ਅਬ ਜਾਹੁਨ ਘੇਰੇ॥ ਔਰ ਸੁਖੀ ਜਗ ਹੋਇ ਬਡੇ ਜਸ ਮੁਢ ਮਨੋਜ
ਦੁਖੀ ਇਕ ਮੇਰੇ ॥ ੨੦ ॥

ਕਬਿੱਤ—ਜਾਨਕੀ ਬ੍ਰਿਹੋਂਕੀ ਆਗ ਚਹੂੰ ਓਰ ਉਠੀ ਜਾਗ ਕਹਾਂ
ਜਾਉਂ ਭਾਗ ਜੀਆ ਬਡੀ ਦੁਚਿਤਾਈ ਹੈ। ਤਾਪਰ ਸੁਰਤਿ ਔਰ ਫੂ-
ਕ ਨਿਰਵਾਵੈ ਕੌਨ ਪਾਉਂ ਨ ਸੰਦੇਸ ਜਲ ਯਹੈ ਕਠਿਨਾਈ ਹੈ।
ਦੇਹ ਜਰੀ ਜਾਤ ਅਬ ਜੀਵਤ ਹੋਂ ਕੋਊ ਘਰੀ ਏਤੇ ਪਰ ਬਾਨ
ਸੋ ਕਮਾਨ ਤੈਂ ਚਢਾਈ ਹੈ। ਕਹਜੇ ਰਘੁਰਾਈ ਦੁਖਦਾਈ ਰਤਿ
ਰਾਈ ਕੂਰਮਾਰੇ ਪਰਮਾਰਬੇ ਨ ਸੂਰ ਕੀ ਬਡਾਈ ਹੈ ॥ ੨੧ ॥

ਸਵੈਯਾ—ਜਾਂ ਦਿਨ ਸਿੰਧੁ ਮਥਜੇ ਨਿਕਸਜੇ ਸਠਿ ਤਾਂ ਦਿਨ ਤੇ ਕੁ ਘ-
ਰੀ ਕਹਿ ਕੋਹੀ। ਰਾਹਿ ਗਿਲਿਓ ਉਗਲਜੇ ਫਿਰ ਬਾਦ ਕਲੰਕ
ਸੰਭਾਰ ਜਗਵਤ ਮੋਹੀ। ਆਜ ਕੁਵੰਡ ਚਢਾਇਕਰੋਂ ਸਤਿ ਖੰਡ
ਸਸੀਛਿਨ ਮੈ ਅਬ ਤੋਹੀ। ਹੈ ਨ ਕਛੂ ਬਸ ਰਾਮ ਕਹਜੇ ਜੋ ਤੂੰ
ਜਾਨਕੀ ਕੀ ਮੁਖਛਾਂਹਿ ਨ ਹੋਹੀ ॥ ੨੨ ॥

ਸਵੈਯਾ—“ਦਾਹ ਕਰੈਂ ਨਭ ਮੇਂ ਪ੍ਰਜਰੈਂ ਨ ਟਰੈਂ ਜਮ ਸੋਚ ਕੀਏ
ਮੁਖਦੇਖੈ। ਔਰ ਚਕੌਰ ਅੰਗਾਰ ਚੁਗੈ ਜੀਅ ਸੀਤਲ ਜਾਨਿ ਸੁ
ਕੌਨ ਸੇ ਲੇਖੈ। ਮਾਨਹੁਭੌਰ ਪੀਓ ਬਿਖ ਕੰਜਨ ਬੂਡਤ ਹੈ ਜਲ
ਮਾਂਹਿ ਪਰੇਖੈ। ਨਾਉ ਸੁਧਾਕਰਿ ਲੋਗ ਕਹੈਂ ਕਵਿ ਰਾਮ ਕਹੈ
ਤੁਮ ਕੌਨ ਕੋ ਪੇਖੈ” ॥ ੨੩ ॥

ਸਵੈਯਾ—ਚੰਦਨ ਸੌਲ ਪਟਾਇ ਰਹੀ ਅਹਿ ਮਾਲਕੀ ਜ਼ਾਲ ਨਿ-
ਸੰਕ ਦਹਜੇ ਹੈ ॥ ਪੌਨ ਪ੍ਰਚੰਡ ਫਨੀ ਉਰ ਤੇ ਜਬ ਹੈ ਨਿਕਸਜੇ
ਤਬ ਗੈਲ ਗਹਜੇ ਹੈ ॥ ਚਾਟਿ ਸੁਧਾ ਭ੍ਰਮਤਾ ਤਿਨ ਦੈ ਬਿਖ ਬਾਰ
ਭੁਜੰਗਨਿ ਦੇਸ ਰਹਜੇ ਹੈ ॥ ਬੀਰ ਪਟੀਰ ਸਮੀਰ ਉਸੀਰਹਿ
ਨੀਰਹਿ ਸੀਤਲ ਕੌਨ ਕਹਜੇ ਹੈ ॥ ੨੪ ॥

ਸਵੈਯਾ—ਸਿੰਧੁ ਮਥਜੇ ਜੜਤੂੰ ਨਿਕਸਜੇ ਬੜਵਾਨ ਲਦਾਹ ਕੋਦਾਨ
ਪਠਾਯੋ। ਕੈਸਿਵ ਕੰਠ ਹਲਾਹਲ ਹੈ ਤਿਨ ਖੈਚਿ ਸਧਾ ਸਮ

ਆਪ ਬਨਾਯੋ । ਸ੍ਰੀ ਰਘੁਬੀਰ ਕਹਜੋ ਸੁਨਿਬੀਰਤੂੰ ਬੁਝਿ ਸਸੀ
ਕਿਧੋਂ ਰਾਹੁ ਡਰਾਯੋ । ਨਾਉਂ ਸੁਧਾਕਰ ਹੈ ਬਿਖ ਕੇ ਘਰ ਨਜਾ-
ਇ ਬਿਰੰਚ ਕਲੰਕ ਲਗਾਯੋ ॥ ੨੫ ॥

ਸਵੈਯਾ—ਏ ਬਿਲਲਾਤ ਫਿਰੈਂ ਇਹ ਭਾਂਤਿ ਸੁਹਾਤ ਨਹੀਂ ਕਛੂ
ਖਾਨਨ ਪਾਨੀ । ਰਾਵਨ ਕੇ ਸੰਗਜਾਤ ਉਤੈਅਤਿਜਾਨਕੀਰਾਮ
ਕਹੈ ਬਿਲਖਾਨੀ । ਸੋ ਵਹੁ ਨਾਮ ਸੁਨਿਯੋ ਖਗਰਾਜ ਜਟਾਉ ਉਠਿ
ਯੋ ਜੀਅ ਮੈ ਯਹ ਆਨੀ । ਮਾਰਿ ਫਿਰੋਂਕਿ ਕਰੋਂ ਪ੍ਰਭੁ ਕਾਰਜ
ਕੈ ਜਸ ਲੈ ਦੇਉਂ ਦੇਹ ਪੁਰਾਨੀ ॥ ੨੬ ॥

ਸਵੈਯਾ—ਦੂਰ ਹੀਤੇ ਦਸਕੰਧ ਕਹਜੋ ਯਹ ਕੌਨ ਬਡੇ ਹਠ ਠਾਨ-
ਤ ਹੈ । ਹਰਿਬਾਹਨ ਹੈ ਸ਼ਿਵਕੋ ਸੁਤ ਹੈ ਸੁ ਨ ਹੋਇ ਸੁਮੋਹਿ ਪ-
ਛਾਨਤ ਹੈ । ਗਿਰਜਾਜਨ ਹੈ ਕਨਕਾਚਲ ਹੈ ਬਿਧਿ ਲੈ ਬਲ ਕੋ
ਜਗ ਜਾਨਤ ਹੈ । ਅਬ ਮੋਹਿ ਕਛੂ ਸਮਝੋ ਨ ਪਰੈ ਭਾਈ ਕਾਹੇਕੋ
ਕਾਲ ਪਲਾਨਤ ਹੈ ॥ ੨੭ ॥

ਸਵੈਯਾ—ਤੋਹੀ ਲੋ ਆਇ ਸੁਨਾਇ ਕਹਜੋ ਧ੍ਰਿਗ ਤੋ ਤਨ ਕੋ ਮ-
ਨ ਕੋ ਪਗੀਆ ਕੋ । ਤਾਪਰ ਮੋਹਿ ਜਰਾਵਤ ਹੈ ਅਹਿ ਅੰਖਦਿ-
ਖਾਇ ਜਗਾਇ ਦੀਆ ਕੋ । ਹੋਂ ਗਰੁੜਾਸਨ ਰਾਮ ਕੋ ਸੇਵਕ ਰੇ
ਛਲ ਕੈ ਕੋਉ ਲੇਤ ਤੀਆ ਕੋ । ਕੈ ਤਜ ਦੇਹੁ ਕਿ ਰਾਖ ਸਨੇਹ
ਕਿਤੂੰ ਰਨਮਾਂਡ ਕਿਛਾਡ ਸੀਆ ਕੋ ॥ ੨੮ ॥

ਸਵੈਯਾ—ਜੋਲਗ ਰਾਵਨ ਬਾਤ ਕਹੈ ਫਿਰ, ਤੋਲਗ ਕ੍ਰੋਧ ਹੀਏਨ
ਸਮਾਨੋ । ਤੇਰਿ ਧੁਜਾ ਰਬ ਕੀ ਪਥਮੈ, ਮੁਖ ਚੌਂਚਸੋਂ ਚੌਥ ਭੁਜਾ
ਲਪਟਾਨੋ । ਜਾਨਤ ਹੋਂ ਦਸਸੀਸਕਹੀਯਹ ਚਾਹਤ ਮੀਚ ਜਟਾ-
ਉ ਪੁਰਾਨੋ । ਹੈਨ ਭਲੀਅਤਿ ਜਾਹਿ ਰਹੀਪਤਿ, ਸਿੰਘ ਅਜਾ ਕਹਿ
ਖਾਤਿ ਲਜਾਨੋ ॥ ੨੯ ॥

ਸਵੈਯਾ—ਚੌਂਚਚਪੇਟਨਿ ਰਾਵਣ ਕੇ ਅੰਗ, ਪਾਇਨ ਕੇ ਨਖ ਘਾ-
ਇਨ ਭਾਂਡੇ । ਔਰ ਕਹੀ ਮੁਖਕੀ ਬਹੁਤੇ ਸੁਨਿ, ਆਜਲਦੇ ਸੁਖ ਸੰਪ-
ਤ ਟਾਂਡੇ । ਹਾਰ ਪਰੇਰਹਿ ਡਾਰ ਦੀਓ, ਸੁਤੇ ਆਪ ਗਿਰਜੇ ਰਿਪੁ
ਕੇ ਲਗ ਖਾਂਡੇ । ਘਾਓ ਲਗੇ ਰਘੁਰਾਇ ਕੇ ਕਾਜ, ਜਟਾਉ ਕੀ

ਆਉ ਘਟੀ ਰਨ ਮਾਂਡੇ ॥ ੩੦ ॥

ਸਵੈਯਾ—ਸੀਅ ਹਰੇ ਦਸਕੰਧ ਚਲਜੇ, ਮਗ ਗੀਧ ਮਿਲਿਯੋ ਸੋ-
ਈ ਸਨਮੁਖ ਜੂਟਜੇ । ਲੰਕਪਤੀ ਗਹਿ ਬਾਨ ਬਿਖੰਧਰ, ਐਂਚ
ਕੁਵੰਡ ਅਰੀ ਪਰ ਟੂਟਜੇ । ਜੁਧ ਮਹਾਂ ਜੁਗ ਜਾਮ ਕਰਜੇ ਤਬ
ਹਾਰ ਪਰਜੇ ਕਹਿ ਰਾਮ ਸੁ ਹੂਟਜੇ । ਲੱਛਕਘਾਉ ਲਗੇ ਪਰਤੱਛ
ਕ, ਪੱਛ ਗਏ ਪਰ ਪੱਛ ਨ ਛੂਟਜੇ ॥ ੩੧ ॥

ਸਵੈਯਾ—ਰਾਖ ਲਈ ਨ ਦਸਾਨਨ ਤੇ ਸੀਅ, ਮੈਂ ਜੀਅ ਤੇ ਸਬ
ਪੌਰਖ ਕੀਨੋ । ਔਰ ਨ ਸੰਗ ਗਯੋ ਘਰਲੋ, ਫਿਰ ਸੋਧ ਕਹਜੇ ਨ
ਬਡੋ ਜਸਲੀਨੋ ॥ ਔਰ ਰਹੀ ਸਬ ਰਾਮ ਕੋ ਰੂਪ, ਨਿਹਾਰ ਨ ਨੈ-
ਨਨ ਕੋ ਸੁਖ ਦੀਨੋ । ਭਾਗ ਬਿਹੀਨ ਜਟਾਉ ਕੀ ਦੇਹ ਛੁਟੀ ਨ ਛੁ-
ਟੇ ਮਨ ਕੋ ਦੁਖ ਤੀਨੋ ॥ ੩੨ ॥

ਸਵੈਯਾ—ਸ੍ਰੀ ਰਘੁਬੀਰ ਅਧੀਰ ਕੀ ਪੀਰ ਬਿਚਾਰਤ ਹੀ ਬਨ ਸੋ-
ਧਤ ਆਏ । ਨੀਰਭਰੇ ਦ੍ਰਿਗ ਜਾਨਕੀ ਕੇ ਦੁਖ ਔਰ ਬਿਹੰਗ
ਨਿਹਾਰ ਬਿਹਾਏ ॥ ਬੁਝ ਰਹੇ ਨ ਕਹੇ ਮੁਖ ਤੇ ਕਛੁ ਨੈਨਕੀ ਸੈਨਨ
ਹੀ ਸਮਝਾਏ । ਮੂੰਡ ਧੁਨੇ ਨਭ ਓਰ ਚਿਤੈ ਨਿਜ ਦੇਹ ਕੇ ਘਾਉ
ਜਟਾਉ ਦਿਖਾਏ ॥ ੩੩ ॥

ਦੋਹਰਾ—ਤਬ ਰਘੁਪਤਿ ਖਗਪਤੀ ਸੋ ਬੋਲੇ ਮਨ ਧਰ ਸੋਕ ।
ਸ੍ਰਾਮਿ ਧਰਮ ਜਸ ਲੈ ਚਲੇ ਰਨ ਜੁਝੇ ਪਰਲੋਕ ॥ ੩੪ ॥

ਸੋਰਠਾ—ਅਬ ਦੀਜੈ ਇਕ ਬਾਤ ਮਾਂਗਤ ਤੁਮ ਪੈ ਜੋਰ ਕਰ । ਸੁ-
ਰਪਤਿ ਪੁਰਹੈਤਾਤ ਤਿਨਹ ਹਰਨ ਸੀਅ ਜਿਨ ਕਹੋ ॥ ੩੫ ॥

ਸਵੈਯਾ—ਗੀਧ ਚਲੈ ਜਸ ਲੋਕ ਸਵਾਰ ਅਬੈ ਪਰਲੋਕ ਧਰਜੇ ਹੀ
ਰਹੈਗੋ ॥ ਹੋਰਹੀ ਓ ਚੁਪਕੈ ਤਬਲੋ ਪਿਤ ਬਾਤ ਸੁਨੈ ਦੁਖ ਦੇਹ ਦਹੈ
ਗੋ । ਜੋ ਲਗ ਜੁਝ ਕੁਟੰਬ ਸਮੇਤ ਉਸਾਸਨ ਸੋ ਸ਼ਿਵ ਲੋਕ ਗਹੈ ਗੋ
॥ ਸੀਅਕੋ ਲਿਆਵਨ ਜੀ ਬਿਨ ਰਾਵਨ ਤਾਤਸੋ ਬਾਤ ਲਜਾਤ
ਕਹੈ ਗੋ ॥ ੩੬ ॥

ਸਵੈਯਾ—ਦਾਹ ਜਟਾਉ ਕੋ ਦੈ ਦੋਊ ਬੀਰ ਧਸੇ ਬਨ ਮੇਂ ਮਨ ਸੋਕ ਭਰੈ ।
ਸੀਅ ਕੇ ਬਿਛਰੇਤਨ ਕੇ ਸੁਖ ਜੇ ਸਬ ਸੂਕ ਗਏ ਦੁਖ ਹੋਤ ਹਰੈ ।

ਜਹ ਰੀਛ ਲੰਗੂਰ ਬਡੇ ਕਪਿਹੈ ਗਿਰ ਕੰਦਰ ਅੰਦਰ ਜਾਇ ਪਰੈ
। ਤਹ ਫਲ ਕੇ ਬਾਗ ਮੈਂ ਭਾਗ ਭਰੇ ਅਨੁਰਾਗ ਰੰਗੇ ਹਨੁਮਾਨ
ਖਰੈ॥ ੩੭ ॥

ਕਬਿੱਤ-ਦੇਹ ਧਰੇ ਮਾਨੋ ਰਤਿ ਕੰਤ ਸੰਗ ਲੈਬਸੰਤ ਡੋਲਤ ਅਕੇਲੇ
ਬਲ ਜੱਯੇ ਐਸੀ ਚਾਲ ਕੇ। ਕਿਧੋ ਏਈ ਪੂਰਨ ਅਨੰਤ ਕਵਿ ਰਾ
ਮ ਕਹਿ ਕਿਧੋ ਰਾਜ ਹੰਸ ਛੂਟੇ ਮਾਨ ਸਰ ਤਾਲ ਕੇ। ਤਾਪਸੀ ਕੋ
ਭੇਸ ਕੀਏ ਰਾਮ ਰੂਪਵੰਤ ਕਿ ਮੁਕਤਫਲ ਦੇਉ ਟੂਟੇ ਪੁੰਨ ਤਰੁ
ਡਾਲਕੇ। ਦੁਰਹੀ ਤੇ ਦੇਖ ਕਹਿਯੋ ਅੰਜਨੀ ਕੋ ਪੂਤ ਕਿ ਸਪੂਤ
ਕਹੂੰ ਰਾਜਾ ਕੇ ਕਿ ਕਾਲ ਬਲੀ ਬਾਲ ਕੇ ॥ ੩੮ ॥

ਕਬਿੱਤ-ਲਛਮਨ ਸੰਗ ਬੂਝੇ ਕਮਲ ਕਦੰਬ ਕਹੂੰ ਦੇਖੀ ਸੀਅ
ਕਾਨਨ ਤਰਕੁਲੀ ਕਨਕ ਕੀ। ਚੰਦ ਮੁਖੀ ਪਿਕ ਬੈਨੀ ਸੁੰਦਰ
ਕੁਰੰਗ ਨੈਨੀ ਕਦਲੀ ਸੁਜੰਘ ਕਟਕੇਹਰ ਤਨਕ ਕੀ। ਸ੍ਰੀਫਲ
ਉਰੇਜ ਹੈ ਮਨੋਜ ਤੀਅ ਵਾਰੇ ਛਬਿ ਦੇਹ ਅਹਿ ਕੇਸ ਭੋਹ
ਉਪਮਾ ਧਨਕ ਕੀ। ਕੇਤਕੀ ਚੰਬੇਲੀ ਗਇ ਬੇਲ ਹੈ ਇਕੇਲੀ
ਕੋਉ ਸੰਗ ਨ ਸਹੇਲੀ ਦੇਖੀ ਜਾਨਕੀ ਜਨਕ ਕੀ ॥ ੩੯ ॥

ਕਬਿੱਤ-ਬਨ ਕੇ ਕੁਰੰਗ ਤੈ ਮਹਾਂ ਕੁਰੰਗ ਕੀਨੋ ਅਬ ਕਹਾਂ ਸੁਖ
ਦੈਨੀ ਸੀਆ ਕਹੂੰ ਸੋਧ ਆਇ ਵੈ। ਕਾਰੇ ਪਿਕ ਬੈਨ ਕਹੂੰ
ਪਿਕ ਬੈਨੀ ਹੂੰ ਕੀ ਸੁਧ ਕੰਜ ਮੁਖੀ ਖੰਜਰੀਟ ਨੈਨ ਕੇ ਬਤਾਇ
ਵੈ। ਅਹੋ ਰਾਜ ਹੰਸ ਹੰਸ ਗਵਨੀ ਗਵਨ ਕੀਨੋ ਪੌਨ ਅੰਗ
ਬਾਸ ਨੈਕ ਇਤਹੂੰ ਪਠਾਇ ਵੈ। ਚੰਪਕ ਬਰਨ ਕਹੂੰ ਦੇਖੀ
ਸੁਨੀ ਚੰਪਕ ਕਦੰਬ ਬਨ ਆਜ ਅਬ ਜਾਨਕੀ ਬਤਾਇ ਵੈ॥ ੪੦ ॥

ਹਨੁਮਾਨੋਵਚ

ਦੋਹਰਾ-ਦੇਖਤ ਬਨ ਇਹ ਬਿਧ ਦੁਖੀ ਮਤਿ ਗਤ ਤਜ ਮਨ
ਗਜਾਨ ਬਿਕਲ ਬਚਨ ਸੁਨਰਾਮ ਕੇਬੇਲੇ ਸ੍ਰੀ ਹਨੁਮਾਨ ॥ ੪੧ ॥
ਸੋਰਠਾ-ਕਿਤਕ ਦਿਵਸ ਇਹ ਭੇਸ ਕੌਨ ਬੰਸ ਪ੍ਰਗਟੇ ਦੇਉ।
ਕੈ ਤੁਮ ਬਰਨ ਸੁਰੇਸਨਾਰਿ ਬਿਯੋਗੀ ਬਨ ਫਿਰੇ ॥ ੪੨ ॥

ਸਵੈਯਾ—ਸੂਰਜ ਤੇ ਰਘੁਬੰਸ ਕਹੇ ਜਗ ਤਾਂ ਕੁਲ ਮੇਂ ਪੁਰ ਔਧ
ਰਹਾਹੀਂ । ਰਾਮਹੈਨਾਮ ਪਿਤਾ ਪਠਾਏ ਬਨ ਰਾਜਧਰਿਯੋ ਲਘੁ-
ਬੀਰ ਕੀ ਬਾਹੀਂ । ਕਾਨਨ ਮੇਂ ਤੀਅ ਸੰਗ ਹੁਤੀ ਸੁਹਰੀ ਕਿਨਹੂੰ
ਹਮਯੋਂ ਬਿਲਖਾਹੀਂ । ਬਾਤ ਹੁਤੀ ਸੁ ਕਹੀ ਤੁਮ ਸੋ ਅਰ ਮੋਹਿ ਕ-
ਛੁਕ ਰਹੀ ਸੁਧ ਨਾਹੀਂ ॥ ੪੩॥

[ਲਛਮਨਉਵਾਰ ਹਨੂਮਾਨ ਸੋ]

ਕਿਬੱਤ—ਪਾਛੇ ਲਛਮਨ ਕਹੀ ਬਾਤ ਸਮਝਾਇ ਸਬ ਏਈ ਰਾਮ
ਸਿਵ ਸਨਕਾਦਿ ਮਿਲ ਗਾਏ ਹੈਂ । ਏਈਰਘੁਨਾਥਤੀਨੋ ਲੋਕ-
ਨਕੇਨਾਥ ਕਪਿ ਛੀਰ ਨਿਧਿ. ਜਾਰੇ ਬਿਧਿ ਤਾਤੇ ਛਿਤ ਆਏ
ਹੈਂ ॥ ਸੂਰਨ ਕੇ ਸੂਰਏਉ ਪੂਰਨ ਹੈਂ ਰਾਮਚੰਦ ਮਾਰੇ ਅੰਧਕਾਰ ਅ-
ਰਿ ਕੰਦਰਾ ਪਠਾਏ ਹੈਂ । ਤਾਰਕਾ ਨਿਪਾਤੀ ਖਰ ਦੁਖਨ ਕੇ
ਘਾਤੀ ਅਬ ਰਾਵਨ ਕੀ ਛਾਤੀ ਕੋ ਚਰਣ ਚਪਲਾਏ ਹੈਂ ॥ ੪੪॥
ਸਵੈਯਾ—ਹਮ ਤੋ ਅਪਨੀ ਸਭ ਬਾਤ ਕਹੀ ਤੁਮ ਸੋ ਤੁਮ ਹੂੰ ਹਮ-
ਸੋ ਨ ਕਹੋ । ਕਪਿ ਕਜੋਂ ਸਕੁਚਾਤ ਡਰਾਤ ਸੇ ਹੋ ਕਿਹ ਕਾਰਨ
ਤੇਇਹ ਭਾਂਤ ਰਹੋ । ਮੇਰੇ ਨਾਉ ਹਨੂੰ ਕਪਿ ਰਾਜਸੁਗ੍ਰੀਵਕੋ ਆਨ
ਮਿਲਾਉ ਜੋ ਬਾਹ ਗਹੋ ॥ ਨਿਜ ਬੀਰ ਛਿਨਾਇ ਲਈ ਤੀਅ
ਰਾਜ ਗਰੀਬ ਨਿਵਾਜ ਹੈਂ ਲਾਜ ਬਹੋ ॥ ੪੫ ॥

(ਕਵਿਉਵਾਰ)

ਸਵੈਯਾ—ਦੇਖਤ ਸ੍ਰੀ ਰਘੁਬੀਰ ਕੋ ਰੂਪ ਬਨੀ ਕਛੁ ਪ੍ਰੀਤਿ ਹਨੂ-
ਜੀਅ ਐਸੀ । ਪੰਕਜ ਭੋਰਨ ਜਜੋਂ ਘਨ ਮੋਰਨ ਹੰਸਚਕੋਰਨ
ਹੂੰ ਨਹਿ ਵੈਸੀ । ਰਾਮ ਬਸੰਤਹ ਭੂਮਿ ਅਨੰਤਹ ਕੰਤਹ ਨਾਰ ਪ-
ਤਿਬ੍ਰਤ ਤੈਸੀ । ਪਾਇਗਹੇ ਰਘੁਰਾਇਕੇ ਧਾਇਉਠਾਇ ਕੇ ਅੰ-
ਕ ਭਰੇ ਬਿਧਿ ਜੈਸੀ ॥ ੪੬ ॥

ਸਵੈਯਾ—ਆਪ ਮਿਲੇ ਭਲੀ ਭਾਂਤ ਹਨੂ ਪੁਨ ਰਾਮਹਿ ਆਨ ਸੁ-
ਗ੍ਰੀਵ ਮਿਲਾਏ । ਨਾਰ ਬਿਯੋਗ ਬਡੇ ਦੁਹੂੰ ਓਰ ਕਹੈਂ ਸੁਨਿਕੈ
ਬਹੁਤੇ ਪਛਤਾਏ । ਬਾਲੀ ਕੀ ਮੀਚ ਕਹੀ ਰਘੁਬੀਰਹਿ ਛੇਦਨ
ਕੋ ਤਰ ਸਾਤ ਬਤਾਏ । ਭੂਲ ਗਯੋ ਅਪਨੇ ਦੁਖ ਤਾਂ ਛਿਨ ਬਾ-

ਨਰ ਕੇ ਦੁਖ ਨੈਨ ਬਹਾਏ ॥ ੪੭ ॥

ਸਵੈਯਾ—ਸ੍ਰੀ ਰਘੁਬੀਰ ਕਹੀ ਸਬ ਸੋਂ ਹਮ ਸੀਅ ਕੋ ਸੋਧ ਕਹੂੰ
ਨਹਿ ਪਾਯੋ। ਢੂੰਢ ਫਿਰੇ ਗਿਰ ਕਾਨਨ ਬੇਹੜ ਤਾ ਦੁਖ ਭੋਜ-
ਨ ਹੂੰ ਬਿਸਰਾਯੋ। ਗੀਧ ਜਟਾਉ ਕਹੀ ਬਿਨ ਬੈਨਨ ਸੈਨਨ
ਸੋ ਨਭ ਓਰ ਬਤਾਯੋ। ਯੋਂ ਸੁਨ ਕੈ ਹਨੂਮਾਨ ਉਠਜੇ ਕਰ ਜੋ-
ਰ ਦੇਉ ਸਿਰਨਾਇ ਸੁਨਾਯੋ ॥ ੪੮ ॥

[ਹਨੂਮਾਨੋਵਾਰ]

ਸਵੈਯਾ—ਏਕ ਨਈ ਨਿਧ ਬਾਰਿ ਕੇਵਾਰਬਡੀ ਸੁਕੁਮਾਰਉਸਾਸ
ਦੁਖਾਰੀ। ਸੰਗ ਨਿਸਾਚਰ ਕੇ ਅੰਗ ਯੋ ਮੁਖ ਰਾਹ ਮਨੋ ਸਸਿ
ਕੀ ਉਜਿਆਰੀ। ਭੂਖਨ ਡਾਰਤ ਰਾਮਪੁਕਾਰਤ ਆਰਤ ਮਾਂਗ
ਬਿਦਾਰਤ ਭਾਰੀ। ਏਬਤੀਆਂ ਸੁਨਿ ਕੈ ਕਪਿ ਕੀ ਰਘੁਨਾਥ
ਕਹੀ ਵਹ ਨਾਰ ਹਮਾਰੀ ॥ ੪੯ ॥

ਸਵੈਯਾ

ਕਾਨਨ ਕੁੰਡਲ ਦੀਕ ਸੁਬੇਸਰ ਕੰਠ ਸਿਰੀ ਮਨ ਕੰਚਨ ਭੀਨੇ।
ਸਜੇਦੁਲਰੀ ਸਿਰ ਫੂਲ ਬਰਾ ਕਟਿ ਕਿੰਕਨ ਨੂਪਰ ਝਾਂਝ
ਨਵੀਨੇ। ਪਾਇਲਡਾਰਉਤਾਇਲ ਸੋ ਕਛੁਜੇ ਹਨੂਮਾਨ ਸਕਜੇ
ਤਬ ਬੀਨੇ। ਭੂਤਲ ਡਾਰਚਲੀ ਸੀਅ ਜੇਮਹਿ ਭੂਖਨ ਕੇ ਤੇਈ ਭੂ-
ਖਨ ਦੀਨੇ ॥ ੫੦ ॥

[ਕਵਿਉ ਵਾਰ ਸਵੈਯਾ]

ਦੇਖ ਬਿਖਾਦ ਕੀਓ ਰਘੁਬੀਰ ਲਗਾਇ ਲੀਏ ਛਤੀਆ ਪਛ-
ਤਾਹੀਂ। ਬਾਰ ਭਰੇਦ੍ਰਿਗਯੋਂ ਛਬਿਹੈਮਨੋਮੀਨਸਰੋਵਰਮੈ ਝਲਕਾ-
ਹੀਂ। ਜਾਨਕੀ ਅੰਗਨ ਤੇ ਬਿਛਰੇ ਮਾਨੋ ਮੂਕ ਭਏ ਕਹਿਯੋਂ ਬਿ
ਲਖਾਹੀ। ਬੀਰ ਬਿਚਾਰ ਕਹੋ ਤੁਮ ਹੂੰ ਸੀਅ ਕੇ ਏਈ ਭੂਖਨ
ਹੋਹਿ ਕਿ ਨਾਹੀ ॥ ੫੧ ॥

ਲਛਮਨੋ ਵਾਰ ਰਾਮਚੰਦ੍ਰ ਸੋਂ

ਕਬਿੱਤ—ਜਾਨਕੀ ਕੋ ਮੁਖ ਨ ਬਿਲੋਕਜੇ ਤਾਂਤੇ ਕੁੰਡਲ ਨ ਜਾ
ਨਤ ਹੋਂ ਬੀਰ ਛਹੋ ਪਾਇ ਰਘੁਗਾਇ ਕੇ ॥ ਹਾਥ ਜੋ ਨਿਹਾਰੇ
ਨੈਨਾ ਫੂਟੀਯੋ ਹਮਾਰੇ ਤਾਂਤੇ ਕੰਕਨ ਨ ਦੇਖੇ ਬੋਲ ਕਹੋ
ਸਤ ਭਾਇਕੇ। ਪਾਇਨ ਕੇ ਪਰਬੇ ਕੇ ਜਾਤੇਦਾਸ ਲਛਮਨ

ਯਾਤੇ ਪਾਹਿਰਾਨਤ ਹੋਂ ਭੂਖਨ ਜੇ ਪਾਇ ਕੇ । ਬਿਛੁਆਹੈ ਏਈ
ਔਰ ਝਾੜਰ ਹੈ ਵੇਈ ਜੁਗਨੁਪਰ ਹੈ ਤੇਈ ਰਾਮ ਜਾਨਤ
ਜਗਾਇ ਕੇ ॥ ੫੨ ॥

ਕਵਿਉਵਾਰ

ਦੋਹਰਾ-ਨਾਰ ਬਿਰਹ ਦੇਉ ਦੁਖੀ ਇਤ ਕਪਿ ਉਤ ਰਘੁਬੀਰ
॥ ਬਿਨਉਪਾਇਦੁਖਕਿਉਟਰੇਅਰਿਮਾਰਨਰਨਧੀਰ ॥ ੫੩ ॥

[ਹਨੂਮਾਨਉਵਾਰ]

ਸੋਰਠਾ-ਭੂਤਲ ਬਾਲਿ ਪਛਾਰ ਸਪਤ ਤਾਲ ਭੇਦਨ ਕਹਿ-
ਯੋ । ਕਪਿ ਪਤਿ ਮਿਲਵਹ ਨਾਰ ਹਨੂਮਾਨ ਸਾਚੀ ਕਹੈ ॥ ੫੪ ॥
ਕਬਿੱਤ-ਦੀਨੇ ਦੁਖ ਭਾਰੇ ਇਹਬਾਲਿ ਮਾਰ ਡਾਰੇਸਬਅਤਹੀ
ਸੰਘਾਰੇ ਹਾਥ ਲਾਗੇ ਰਿਖ ਸੁਪ ਕੇ । ਰਾਜ ਛੀਨ ਲੀਨੋ ਬਿਨ
ਨਾਰਿ ਕਪਿਰਾਜ ਕੀਨੋਚਮਕੇ ਚਲਾਏ ਦਾਮ ਬਿਨਾਂ ਤੋਲਮਾ-
ਪ ਕੇ । ਸੋਈ ਕਾਮ ਕੀਜੈ ਤਾਹਿ ਮਾਰ ਸੁਖ ਦੀਜੈ ਜਸ ਲੀਜੈ
ਬਲ ਜੱਯੇ ਅਬ ਚਰਨ ਪ੍ਰਤਾਪ ਕੇ । ਆਵਤ ਭਰੋਸੇ ਪ੍ਰਭੁ ਕਹਾ
ਪੈਸੈ ਤੋਸੇ ਹਨੂਮਾਨ ਕਹੈ ਜਾਨਤ ਹੂੰ ਬੀਤੇਦਿਨ ਪਾਪਕੇ ॥ ੫੫ ॥
ਕਬਿੱਤ-ਪਾਛੇ ਸੀਅ ਸੋਧ ਕੇ ਪਠਾਯੋ ਹਨੁਵੰਤ ਨਲ ਨੀਲ
ਜਾਮ ਵੰਤ ਬਲ ਕੀਨੋ ਨ ਛਦਮ ਕੇ । ਯਹਿ ਜੁ ਸੁਗ੍ਰੀਵ ਵਿਗ
ਪਾਇਨ ਕੇ ਠਾਢੇ ਰਾਮ ਰਾਜਾ ਹੁਤੇ ਬਾਨਰ ਅਠਾਰਹ ਪਦਮ
ਕੋ । ਏਕ ਬਿਨ ਬਾਲੀ ਯਾਹਿ ਜੀਤੇ ਨ ਕਪਾਲੀ ਯਹਿ ਅੰਸ
ਅੰਸੁਮਾਲੀ ਕੋ ਦਲਾਯਾ ਇੰਦ੍ਰ ਜਮ ਕੇ । ਸੋਈ ਮਾਰ ਲੀਜੈ
ਯਾਕੋ ਰਾਜ ਯਾਹਿ ਦੀਜੈ ਆਜ ਰਾਵਰੇ ਭਰੋਸੇ ਤਾਸੇ ਕਰੈ ਏਕ
ਘਮ ਕੇ ॥ ੫੬ ॥

[ਕਵਿਉਵਾਰ]

ਕਬਿੱਤ-ਹੈ ਗਏ ਕ੍ਰਿਪਾਲ ਸੁਨੇ ਬਚਨ ਰਸਾਲ ॥ ਚਲੇ ਸਾਤ
ਤਾਲ ਭੇਦਨ ਸੁਗ੍ਰੀਵਹ ਲਵਾਇ ਕੈ । ਕਪਿ ਹੂੰ ਬਿਚਾਰੀ ਕਪਿ
ਮਾਰ ਲਜਾਵੈ ਨਾਰੀ ਕਿਧੋ ਜੁਝ ਮਰੇਂ ਰਾਮ ਆਗੇ ਘਨੇ ਘਾਇ
ਖਾਇ ਕੈ । ਕਹੇ ਰਘੁਬੀਰ ਤੁਮ ਦੇਉ ਕਪਿ ਏਕ ਰੂਪ ਕੈਸੇ
ਪਹਿਚਾਨੋ ਤਾਕੇ ਕੈਸੇ ਮਾਰੇਂ ਧਾਇ ਕੈ । ਟੀਕੋ ਕੀਨੋ ਭਾਲ

ਗਰੇ ਲਾਲ ਫੂਲ ਮਾਲ ਕਹਜੇ ਜੀਤ ਅਰਿ ਪੌਢ ਪਾਛੇ ਪਲਕਾ
ਬਿਛਾਇ ਕੈ ॥ ੫੭ ॥

ਕਬਿੱਤ—ਕਹੀ ਲਛਮਨ ਬਾਤ ਸਾਤਨ ਕੀ ਸੁਨ ਬੀਰ ਧੋਖੇ
ਕਛੂ ਨਾਹੀ ਰਘੁਬੀਰ ਜੂ ਕੇ ਬਲ ਮੈ । ਏਕ ਹੀ ਜੁ ਬਾਨ
ਏਕ ਬਾਰ ਸਾਤ ਤਾਲ ਬੈਧੈ ਨੈਕ ਚੂਕ ਗਏ ਤੇਈ ਮਾਰੈ ਤਾਹਿ
ਪਲ ਮੈਂ । ਰਾਮ ਮੁਸਕਾਨੇ ਸਮਾਚਾਰ ਮੈ ਨ ਜਾਨੇ ਅਬ ਬਚਨ
ਬਿਕਾਨੇ ਜਗ ਜੀਬੋਈ ਸਹਲ ਮੈਂ । ਤੀਰ ਕਾਢ ਤਬ ਹੀ
ਧਨਖ ਮੁਖ ਦੀਨੋ ਤਹ ਜਾਇ ਨਿਜਕਾਨੇ ਚਾਲ ਪਰੀ ਬਾਲਿ
ਦਲ ਮੈਂ ॥ ੫੮ ॥

ਸਵੈਯਾ—ਜੋ ਰਿਖਰਾਜ ਕੇ ਪਾਇਨ ਸੋ ਮਨ ਪੰਕਜ ਭੌਰ ਕੀ
ਰੀਤਿ ਬਸਾਯੋ । ਸੀਅ ਬਿਨਾ ਸੁਪਨੇ ਪਰ ਨਾਰਹਿ ਜੋ ਅਪਨੋ
ਮੁਖ ਹੋ ਨਾ ਦਿਖਾਯੋ । ਔਰ ਸਹੀ ਭ੍ਰਿਗੁ ਨੰਦਨ ਕੀ ਫਿਰ ਜੋ
ਨਹਿ ਰੋਖ ਕੋ ਬੋਲ ਸੁਨਾਯੋ । ਤੋ ਯਹਿਬਾਨ ਪਤਾਲ ਧਸੋਇਨ
ਤਾਲਨ ਭੇਦ ਸੁ ਖੈਂਚ ਚਲਾਯੋ ॥ ੫੯ ॥

ਕਬਿੱਤ—ਸਾਤੇ ਸਿੰਧੁ ਸਾਤੇ ਲੋਕ ਸਾਤੇ ਰਿਖ ਹੈਂ ਸਸੋਕ ਸਾਤੇ
ਰਵਿ ਘੋਰੇ ਬੋਰੇ ਦੇਖੈ ਨ ਡਰਾਤ ਮੈਂ । ਸਾਤੇ ਦੀਪ ਸਾਤੇ ਈਤ
ਕਾਪਜੋਈ ਕਰਤ ਔਰ ਸਾਤੇ ਮਤ ਰਾਤ ਦਿਨ ਪ੍ਰਾਨਹੈਨ ਗਾਤ
ਮੈਂ ॥ ਸਾਤੇ ਚਿਰੰਜੀਵ ਬਰਗਾਇ ਉਠੇ ਬਾਰ ਬਾਰ ਸਾਤੇ ਸੁਰ
ਹਾਇ ਹਾਇ ਹੋਤ ਦਿਨ ਰਾਤ ਮੈਂ । ਸਾਤ ਹੂੰ ਪਤਾਲ ਕਾਲ
ਸਬਦ ਕਰਾਲ ਰਾਮ ਭੇਦੇ ਸਾਤ ਤਾਲ ਚਾਲ ਪਰੀ ਸਾਤ
ਸਾਤ ਮੈਂ ॥ ੬੦ ॥

ਕਬਿੱਤ—ਫੂਲੇ ਕਪਿਰਾਇ ਉਰ ਆਨੰਦ ਨ ਮਾਇ ਰਘੁਰਾਇ
ਪਾਇਛੁਹੇ ਕਰ ਜੋਰ ਸਿਰ ਨਾਯੋ ਹੈ । ਬੋਲਜੋ ਹਨੂਮਾਨ ਏਈ
ਬਾਲੀ ਕੇ ਨਿਦਾਨ ਕਾਲ ਜਾਨਤ ਸਗੀਵ ਰਾਜ ਆਜ ਹੀਤੇ
ਪਾਯੋ ਹੈ ॥ ਚੌਕਿਯੋ ਉਤ ਬਾਲੀ ਅੰਸੁਮਾਲੀ ਕਿ ਕਪਾਲੀ ਕੋਊ
ਲੋਕਪਾਲੀ ਭੂਮਿ ਰਣਦੇਖਬੇਕੋ ਆਯੋ ਹੈ ॥ ਦੂਤ ਕਹੀ ਬਾਤ
ਜਟਾ ਮੁੰਡ ਛਾਰ ਗਾਤ ਐਸੇ ਬੀਰ ਜੁਗ ਸੰਗ ਜੋਰ ਬੀਰਹਿ

ਜਨਾਯੋ ਹੈ ॥ ੬੧ ॥

ਸਵੈਯਾ—ਤਾਲ ਭਿਦੇ ਮਨ ਚਾਲ ਪਰੀ ਅਬ ਜਾਨਤ ਕਾਲ ਕੀ
ਬਾਤ ਨਜੀਕੀ ॥ ਔਰ ਜਿਤੇ ਭਟ ਹੈ ਸਬਏ ਸਬਕੇ ਮੁਖ ਕੀ
ਛਬਿ ਦੇਖਤਫੀਕੀ । ਭੇਟ ਚਲਯੋ ਸੁਤ ਭੋਨ ਭੰਡਾਰਹਿ ਦੇਖਤ
ਹੀਂ ਭੁਜ ਸੀਅ ਪਤੀ ਕੀ ॥ ਬਾਲੀ ਕਹੈ ਅਬ ਕੇ ਰਣ ਮੈਂ ਅਪਨੀ
ਕਛੁ ਬਾਤ ਨ ਦੇਖਤ ਨੀਕੀ ॥ ੬੨ ॥

ਸਵੈਯਾ—ਆਨ ਗਹਯੋ ਨਿਜ ਬੀਰ ਬਲੀ ਰਿਸ ਜਾਹਿ ਕਹਾਂ ਅਬ
ਤੋਹਿ ਪਛਾਰੋਂ ॥ ਤੂੰ ਇਨ ਕੇ ਬਲ ਕੂਦਤ ਹੈ ਏਈ ਆਇ ਲਰੋ
ਇਨ ਤੇ ਨਹਿ ਹਾਰੋਂ ॥ ਬੀਰ ਜੁਰੇ ਰਘੁਬੀਰ ਕਹੀ ਅਬ ਮਾਰ
ਸੁਗ੍ਰੀਵ ਹੋਂ ਤੋਹਿ ਪਚਾਰੋਂ ॥ ਹੀਨ ਭਯੋ ਬਲ ਬੇਲ ਉਠਿਓ ਅਬ
ਹੋਂ ਦੁਹੂੰ ਭਾਂਤਨ ਰਾਮ ਸੰਭਾਰੋਂ ॥ ੬੩ ॥

(ਸੁਗ੍ਰੀਵ ਤ੍ਰੀਓ ਵਾਰ ਸਖੀ ਸੋਂ)

ਸਵੈਯਾ—ਦੂਰ ਹੂੰ ਤੇ ਦੋਉ ਬੀਰਨ ਕੋ ਰਨ ਦੇਖਤ ਬੀਰ ਸੁਗ੍ਰੀਵ
ਕੀ ਦਾਰਾ ॥ ਸ੍ਰੀ ਰਘੁਨਾਥ ਕੋ ਸਾਬ ਨਿਹਾਰ ਕੈ ਵਾਰਤ ਕੰਕਨਿ
ਕੁੰਡਲ ਹਾਰਾ ॥ ਆਜ ਹੀਂ ਤੇ ਪਤਿ ਸੋ ਰਤਿ ਦੇ ਇਤ ਤੇ ਉਤ
ਫੂਲਤ ਡੋਲਤ ਤਾਰਾ ॥ ਜੋ ਸਖੀ ਬਾਲੀ ਕੀ ਜੀਤ ਸੁਨੋ ਨਿਜ
ਪ੍ਰਾਨ ਕਰੋਂ ਤਬ ਆਗ ਕੋ ਪਾਰਾ ॥ ੬੪ ॥

ਕਬਿੱਤ—ਬੀਰਹ ਨਿਕਾਰ ਦੀਨੋ ਮੋਹਿ ਛੀਨ ਲੀਨੋ ਇਨ ਨੀ
ਤਰੀਤ ਛਾਡ ਸਬ ਕਰੀ ਜੋ ਅਨੀਤ ਹੈ ॥ ਮੂੰਡ ਤੇ ਬਿਸਾਰ ਰਾਮ
ਤਪੈ ਜੈਸੇ ਜੇਠ ਘਾਮ ਕੀਨੋ ਅਭਿਮਾਨ ਬੇਦ ਬੂਡੇ ਐਸੀ ਰੀਤ
ਹੈ ॥ ਤੋ ਰਹੀ ਧਰਮ ਬਾਤ ਬਡੇ ਉਤਪਾਤ ਆਜ ਪਾਪੀ ਬਾਲੀ
ਜੀਤੇ ਸਖੀ ਬਡੀ ਵਿਪਰੀਤ ਹੈ ॥ ਦੇਖੇ ਹਾਇਹਾਇ ਰਘੁਰਾਇ
ਸੇ ਸਹਾਇ ਪਤਿ ਆਜ ਜੋ ਨ ਜੀਤ ਹੈ ਤੋ ਕਬ ਹੂੰ ਨ ਜੀਤ
ਹੈ ॥ ੬੫ ॥

[ਕਵਿਉਵਾਰ]

ਸਵੈਯਾ—ਤੋਲਗ ਸ੍ਰੀ ਰਘੁਬੀਰ ਸੁਗ੍ਰੀਵ ਕੋ ਪੱਛ ਕਰਯੋ ਪ੍ਰਤਿ
ਪਛ ਸੰਘਾਰਯੋ ॥ ਜਜੋਂ ਛਤੀਆਂ ਚਢ ਕੂਦਤ ਹੋ ਸੋਈ ਏਕ ਹੀ

ਬਾਨ ਧਰਾ ਪਰ ਡਾਰਿਯੋ ॥ ਪੈਨ ਚਲੇ ਜਯੋਂ ਪ੍ਰਚੰਡ ਬਡੋ ਕਦ-
ਲੀ ਤਰ ਮੂਲ ਸਮੂਲ ਉਖਾਰਿਯੋ ॥ ਜੀਤ ਉਤਾਇਲ ਸੋ ਇਕ
ਬਾਨਰ ਏਕ ਪਰਯੋ ਰਨ ਘਾਇਲ ਹਾਰਯੋ ॥ ੬੬ ॥

ਸੋਰਠਾ—ਇਹ ਬਿਧਿ ਜੀਤ ਸੁਗ੍ਰੀਵ ਰਘੁਪਤਿ ਚਰਨ ਪ੍ਰਤਾਪ
ਤੇ ॥ ਕਟੀ ਪਰਮ ਦੁਖ ਸੀਵ ਰਾਮ ਰਾਜ ਸਬ ਸੁਖ ਲਹਯੋ
॥ ੬੭ ॥ ਸੋਰਠਾ

ਕਪਿ ਪਤਿ ਕਾਮ ਸਵਾਰ ਬਾਲੀ ਅਧ ਸਸਕਤ ਪਰਿਯੋ ॥
ਤਬ ਤਾਹੀ ਕੀ ਨਾਰਿ ਰਘੁਪਤਿ ਸੋ ਬਿਨਤੀ ਕਰੈ ॥ ੬੮ ॥

[ਤਾਰਾਓ ਵਾਰ]

ਸਵੈਯਾ—ਬਾਲਿ ਬਡੋ ਬਲਵੰਡ ਬਲਾਇ ਲਯੋਂ ਮਾਰ ਕਰੀ ਮੁ-
ਕਤਾਹਲ ਲੇਹੀ ॥ ਮਾਸ ਕੇ ਕਾਜ ਮਵਾਸ ਮ੍ਰਿਗਾਵਲ ਘੇਰ
ਹਨੀ ਮਿਲ ਮਾਰਤ ਜੇਹੀ ॥ ਕੇਹਰ ਕੋ ਹਤ ਤੋਲ ਭੂਜਾ ਬਲ
ਰਾਜ ਅਨੀਤ ਬਡੀ ਅਬ ਏਹੀ ॥ ਬਾਨਰ ਬਿਧਿ ਤਿਹੀ ਗਿਨਤੀ
ਬਿਨਤੀ ਕਰੈ ਬਾਲੀ ਕੀ ਬਾਲ ਸਨੇਹੀ ॥ ੬੯ ॥

ਸਵੈਯਾ—ਜੋ ਯਹ ਕਾਮ ਹੁਤੋਸੁਨ ਰਾਘਵ ਚਾਹਤ ਹੇ ਤੁਮ ਚਾਵਨ
ਮਾਰਿਯੋ ॥ ਆਗੇ ਹੀ ਕਯੋਨ ਕਹੀ ਸਮਝਾਇ ਤੈਂ ਬਾਲੀ ਸੋ
ਬਾਨਰ ਬਾਦ ਸੰਘਾਰਿਯੋ ॥ ਦੇਖ ਲਯੋ ਨ ਭੂਜਾਬਲ ਨਾਹਿ ਕੋ
ਨੈਕ ਬਲੀ ਤੁਮ ਹੂੰ ਨ ਪਚਾਰਿਯੋ ॥ ਤਾਹੀ ਕੋ ਜੀਤਬੇ ਕੋ ਹਨੁ
ਬਾਲਕ ਔਰ ਸੁਗ੍ਰੀਵ ਸੋ ਭੀਰੁ ਬਿਚਾਰਿਯੋ ॥ ੭੦ ॥

ਕਬਿੱਤ—ਜਾਨਕੀ ਕੋ ਲਯਾਇ ਪ੍ਰਭੁ ਪਾਇਨ ਮਿਲਾਇ ਲੰਕ
ਰਾਇ ਸੋ ਤਿਹਾਰੇ ਹੇਤ ਨੈਕ ਹੂੰ ਨ ਤੋਰਤੋ ॥ ਆਪਨ ਨ ਜਾਤੋ
ਸਿੰਘ ਸਿਆਰ ਸੋ ਨ ਨਾਤੋ ਜੈਸੇ ਬਾਤ ਸੁਨੇ ਤੁਮੇ ਭੇਟ ਭੇਟ ਵੈ
ਨਿਹੋਰਤੋ ॥ ਔਰ ਜੋ ਤਿਹਾਰੇ ਜੀਅ ਮਾਰਬੇ ਕੀ ਹੁਤੀ ਰਿਸ
ਏਕ ਹਾਥ ਦੇਸ ਜਲ ਨਿਧਿ ਮਾਹਿ ਬੋਰ ਤੋ ॥ ਬੰਸ ਅੰਸੁਮਾਲੀ
ਰਾਮ ਪ੍ਰੀਤਿ ਕਿਉਂ ਨ ਪਾਲੀ ਨਾਹ ਬਾਲੀ ਤਾਕੇ ਮਾਰਬੇ ਕੋ
ਸੈਨਾ ਹੂੰ ਨ ਜੋਰਤੋ ॥ ੭੧ ॥

ਕਬਿੱਤ—ਦਾਰਿਦ ਉਡਾਇਬੇ ਕੋ ਪਾਰਸ ਪ੍ਰਗਟ ਜੈਸੇ ਪਾਰਦ

ਕੇ ਮਾਰਥੇ ਕੋ ਸਿੰਧ ਬੜੀ ਬਾਹੁ ਕੇ । ਜੈਸੇ ਅਹਿ ਰਾਜਨ ਕੋ
ਆਜ ਖਗ ਰਾਜ ਗਜ ਰਾਜ ਕੋ ਕੁਰੰਗ ਰਾਜ ਬੈਰ ਰਵਿ ਛਾਹ
ਕੇ । ਸਿੰਧ ਕੋ ਕਸੂਤ ਜੈਸੇ ਘਟ ਪੂਤ ਤੈਸੇ ਹੁਤੇ ਕੈਸੇ ਸਮਝਾਉਂ
ਲੇਤ ਰੋਮ ਰੋਮ ਹਾਹੁ ਕੇ । ਕਰੇਂ ਨ ਬਡਾਈ ਰਾਮ ਰਾਵਰੀ ਦੁ-
ਹਾਈ ਤੈਸੇ ਰਾਵਨ ਕੇ ਮਾਰਥੇ ਕੋ ਹਾਥ ਹੁਤੇ ਨਾਹ ਕੇ ॥ ੭੨ ॥

ਕਬਿੱਤ-ਨਾਰਿ ਕੇ ਛਿਨਾਇ ਨਾਰ ਨੈਕ ਨ ਨਿਵਾਈ ਨਾਥ
ਇਨਕੀ ਖਿਸੀ ਕੋ ਦੇਸ ਦੇਸ ਰੋਈਅਤ ਹੈ । ਭਾਜ ਭਾਜ ਗਯੋ
ਰਣ ਸਾਮੁਹੇ ਨ ਭਯੋ ਮਾਨੋ ਲਾਜ ਬੇਰ ਖਾਈ ਅਰ ਜੀਬੋ ਜੋਈ
ਅਤ ਹੈ । ਤੁਮ ਜਬ ਪਾਏ ਤਬਹੀਂ ਚਢਾਇ ਲਜਾਏ ਰਾਮ
ਨਯਾਉ ਨੈਕ ਕੀਜੈ ਬੀਰ ਯੋਂ ਬਿਗੋਈਅਤ ਹੈ ॥ ਭਲੀ ਨ
ਤੁਮੋਂ ਕੀ ਬਾਤ ਏਕ ਕਹੋ ਸੋਕੀ ਬੁਰੀ ਭੈਯਾ ਹੂੰ ਸੋ ਯੋਂ ਕੀ
ਤਾਂਕੀ ਚੋਕੀ ਸੋਈਅਤ ਹੈ ॥ ੭੩ ॥

ਸਵੈਯਾ-ਕਾਹੇ ਕੋ ਛਾਡ ਦਯੋ ਤਬ ਰਾਵਨ ਰੇਪਤਿਕਯੋ ਤਬਹੀਂ
ਨ ਬਿਚਾਰਿਯੋ । ਨਾਤ ਫਿਰਿਯੋ ਲੀਏ ਸਾਤ ਸਮੁੰਦਨ ਭੁਲ
ਗਯੋ ਘੰਰ ਆਇ ਸੰਭਾਰਯੋ । ਅੰਗਦ ਕੇ ਪਲਨਾ ਝਝੂਆ ਕਰ
ਬਾਂਧ ਕਈ ਦਿਨ ਲਾਤਨ ਮਾਰਿਯੋ । ਤਾਹੀ ਕੇ ਹੇਤ ਭਲੇਰਘੁ
ਬੀਰ ਬਿਨਾ ਅਪਰਾਧਹਿ ਬਾਲ ਸੰਘਾਰਯੋ ॥ ੭੪ ॥

ਸਵੈਯਾ-ਜੀਵਤ ਹੋ ਜਗਮੇਂਜਸਸੋਂਬਲਸੋਪਤਿਪੋਰਖਪੂਰਰਹਯੋ
ਹੋ । ਹਾਰ ਭਈ ਨ ਕਹੂੰ ਰਨ ਮੇਂ ਭਜ ਕੈ ਨਹਿ ਔਰ ਕੋ ਸੰਗ
ਗਹਯੋ ਹੋ । ਨਾਰ ਨ ਬੰਦ ਕਰੀ ਕਬਹੂੰ ਗਿਰ ਕਾਨਨ ਰਾਜ
ਸਦਾ ਨਿਬਹਯੋ ਹੋ । ਜੋ ਬਿਧਿ ਏ ਸੁਖ ਤੋਹ ਦਏ ਤੈਸੇ ਰਾਮ ਕੇ
ਹਾਥ ਤੇ ਕਾਲ ਕਹਯੋ ਹੋ ॥ ੭੫ ॥

ਸਵੈਯਾ-ਜੀਵਤ ਹੋ ਇਹ ਲੋਕ ਸੁਖੀ ਰਨ ਜੁਝ ਅਬੈ ਸੁਰਲੋਕ
ਗਏ ॥ ਪਤਿ ਦੇਹ ਛੁਟੇ ਨ ਰਹੇ ਬਿਧਿ ਲੈ ਪੁਨ ਲਾਭ ਬਡੇਤੁਮ
ਰਾਮ ਹਏ । ਬਿਪਰੀਤਿ ਬਡੀ ਹਮ ਕੋ ਸੁਨ ਨਾਥ ਕੇ ਪਾਇਨ
ਸੰਗਨ ਪ੍ਰਾਨ ਦਏ । ਅਬ ਅੰਗਦ ਪੂਤ ਸਮੇਤ ਸੁਨਾਹ ਕੀ ਛਾਹਿ
ਬਿਨਾ ਪਰਧੀਨ ਭਏ ॥ ੭੬ ॥

[ਪ੍ਰਾਨਉਵਾਚਬਾਲੀਸੋਂ]

ਸੋਰਠਾ—ਅਬ ਹੋਂ ਚਲਜੇ ਅਕਾਸ ਪ੍ਰਾਨ ਕਹਜੇ ਕਪਿਰਾਜ ਸੋਂ ॥
ਛਾਡਿਓ ਜਸ ਤੁਮ ਪਾਸ ਪੁਨ ਤਾਸੋਂ ਖਿਜ ਕਪਿਕਹੈ ॥ ੭੭ ॥
ਸਵੈਯਾ—ਨਾਰਿ ਛਿਨਾਇ ਦਯੋਦੁਖ ਮੋਹਿ ਤੂੰ ਬਾਨਰ ਕਜੋਂਤਬ
ਹੀਂ ਨ ਬਿਚਾਰਜੇ । ਬਾਲੀਸੋ ਪ੍ਰਾਨ ਚਲਜੇ ਕਹਿ ਬਾਤ ਮਿਲਯੋ
ਨਹਿ ਰਾਮਹਿ ਹੋਂ ਨ ਉਬਾਰਯੋ । ਜਾਹਿ ਨਹੀ ਮੁਹਿ ਔਰ ਬਡੇ
ਦੁਖ ਦੇਖਹੁ ਰਾਘਵ ਨਯਾਉ ਸੰਭਾਰਜੇ । ਬੀਰ ਹੂੰ ਤੇ ਹਨੂਮਾਨ
ਹੂੰ ਤੇ ਨਲ ਨੀਲਹੂੰਤੇ ਘਟ ਮੋਹਿ ਨਿਹਾਰਜੇ ॥ ੭੮ ॥

(ਕਵਿਉਵਾਚ)

ਸਵੈਯਾ—ਬਾਲ ਸੰਘਾਰ ਬਲੀ ਅਸੁਰਾਰਿ ਛਡਾਇ ਲੈ ਨਾਰ
ਦਈ ਕਪਿ ਰਾਜੈ । ਆਨ ਸਭੈ ਭਟ ਪਾਇ ਪਰੇ ਤਿਨ ਮੱਧ
ਸਿੰਘਾਸਨ ਰਾਮ ਬਿਰਾਜੈ । ਅੰਗਦ ਕੋ ਫਿਰ ਥਾਪ ਤਹੀ ਬਨ
ਰਾਜ ਦੀਓ ਭਰ ਨੈਨਨ ਲਾਜੈ । ਬੈਰ ਛਡਾਇ ਮਿਲਾਇ
ਸੁਗ੍ਰੀਵਹਿ ਬੋਲ ਉਠੇ ਰਘੁਬੀਰ ਸਦਾਜੈ ॥ ੭੯ ॥

ਸਵੈਯਾ—ਔਧ ਕਹਾਂ ਨਿਜ ਦੇਸ ਨਰੇਸ, ਕਹਾਂ ਪ੍ਰਭੂ ਕੋ ਬਨ-
ਬਾਸ ਪਠਾਵੈ । ਕਜੋਂ ਦਸ ਸੀਸ ਹਰੈ ਸੀਅ ਕੋ ਕਹਾਂ ਕੰਚਨ ਕੋ
ਮ੍ਰਿਗ ਹੈ ਮੁਨਿ ਧਾਵੈ । ਕਜੋਂ ਸੁਤ ਪੋਨ ਸੋਂ ਪ੍ਰੀਤਿ ਬਨੈ ਰਘੁ-
ਬੀਰ ਕੋ ਪਾਇ ਸੁਗ੍ਰੀਵ ਮਿਲਾਵੈ । ਬਾਲੀ ਮਰੈ ਕਪਿ ਰਾਜਕਰੈ
ਐਸੀ ਰਾਮ ਬਿਨਾ ਬਿਧਿ ਕੌਨ ਬਨਾਵੈ ॥ ੮੦ ॥

ਸਵੈਯਾ—ਇਤ ਰਾਮ ਸੁਗ੍ਰੀਵ ਸਮੀਰ ਕੇ ਪੁਤਹਿ ਮੋਦ ਬਢਿਯੋ
ਨਿਤ ਨੇਹੁ ਨਯੋ । ਉਤ ਲੈ ਪਹੁੰਚਜੇ ਸੀਅ ਕੋ ਦਸਕੰਧ ਧਸਿਯੋ
ਗਢ ਲੰਕ ਨਿਸੰਕ ਭਯੋ । ਰਿਖਿ ਗੋਤਮ ਕੋਪ ਕਰਜੇ ਪਹਿਲੇ
ਤਿਨ ਗਵਨ ਕੋ ਇਹ ਸ੍ਰਾਪ ਦਯੋ । ਬਲ ਸੋਂ ਪਰਨਾਰਿ ਭਜੈਂ
ਜਬ ਹੀ ਤਨ ਛਾਰ ਉਡੈ ਕਹਿਕੈ ਸੁ ਗਯੋ ॥ ੮੧ ॥

(ਕਵਿਉਵਾਚ)

ਸਵੈਯਾ—ਸੋਈ ਤਾਂ ਡਰ ਤੇ ਡਰ ਪੈ ਜੀਅ ਮੈ, ਨ ਸਕੈ ਛੁਹਿ ਸੋ
ਬਲ ਸੋਂ ਕਬਹੀ । ਜਬ ਕਾਮਕੋ ਭਾਉ ਧਰੈ ਮਨ ਮੈ ਸਬ ਅੰਗ
ਜਰੈਂ ਤਿਨ ਜਜੋਂ ਤਬਹੀ । ਸੀਆ ਰਾਮ ਬਿਨਾ ਸਿਵ ਸਕ੍ ਨ

ਪੂਜਤਿ ਸੋ ਜਗ ਜਾਨਤ ਹੈ ਸਬਹੀ । ਜੈਸੇ ਗੰਗ ਚਲੀ ਧਸ
ਪੂਰਬ ਕੋ ਫਿਰ ਪੱਛਮ ਕੋ ਨਬਹੀ ਕਬਹੀ ॥ ੮੨ ॥

ਸਵੈਯਾ—ਰਾਜ ਸਮਾਜ ਦਿਖਾਇ ਸਬੈ ਸੀਅ ਰਾਵਨ ਤੋ ਬਹੁਭਾਂ-
ਤ ਨਿਹੋਰੀ। ਭੂਖਨ ਭੋਨ ਭੰਡਾਰਨ ਲੋ ਘਰ ਪਾਇ ਰਹਯੋ
ਤਿਨ ਡੀਠ ਨ ਜੋਰੀ। ਜੋ ਅਪਨੋ ਪੀਅ ਰੂਪ ਰਚੀ ਕਵਿਰਾਮ
ਤਿਨੇ ਰਵਿਕੀ ਛਬਿ ਥੋਰੀ। ਛਾਡ ਸਸੀ ਕਬਹੂੰ ਨ ਹਸੀ, ਕੁ-
ਮਦੀ ਸਰਸੀ ਪਰਸੀ ਨ ਚਕੋਰੀ ॥ ੮੩ ॥

(ਰਾਵਨਉਵਾਚ ਜਾਨਕੀ ਸੋ)

ਕਬਿੱਤ—ਸੂਰ ਹੂੰ ਨ ਹੋਰੀ ਐਸੀ ਰਾਨੀ ਸਬ ਮੇਰੀ ਸੁਨਿ ਤੇਤੇ
ਤੇਰੀ ਚੇਰੀ ਸਬ ਆਜ ਹੀ ਕਰਤ ਹੋਂ। ਦੇਵਨ ਕੀ ਬੇਟੀ ਪਰ
ਰੂਪਹੂੰ ਲਪੇਟੀ ਰਤਿ ਲੇਟੀ ਜਿਨੈ ਦੇਖ ਮਾਥੇ ਤਿਨ ਕੇ ਧਰਤ
ਹੋਂ। ਜਾਨਕੀ ਸਜਾਨੀ ਤੈਂਤੇ ਮਹਿਮਾਂਹੂੰ ਨਜਾਨੀ ਕਛੁ ਆਪਨੀ
ਬਿਰਾਨੀਤਾਂਤੇ ਅਧਕ ਜਰਤ ਹੋਂ। ਈਸ ਸੀਸ ਚਢੇ ਪੁਨ ਲੈ
ਅਸੀਸ ਬਢੇ ਦੇਖਤੇਈ ਦਸਸੀਸਨ ਸੋ ਪਾਇਤੇ ਪਰਤਹੋਂ ॥ ੮੪ ॥

ਕਬਿੱਤ—ਜੈਸੇ ਅੰਧ ਰੂਪ ਬਿਨਗਾਂਠ ਧਨਜੁਪ ਕੀ ਜਜੋਂ ਹੀਨ
ਗੁਨ ਹੈ ਨ ਆਸ ਕੂਪ ਜਲ ਪਾਨਕੀ। ਮੂਕ ਜੈਸੇ ਗਾਨ ਬਿਨ
ਹਾਥਚਾਪਬਾਨ ਬਿਨ ਕਾਨ ਬਹਿਰੇ ਕੋ ਆਸ ਹੈ ਨ ਰਾਗ
ਤਾਨਕੀ। ਚਾਤ੍ਰਕ ਜਿਉਂ ਕਾਤਕ ਕੇ ਮੇਘ ਤੇ ਨਿਰਾਸ
ਹੋਤ ਜਾਚਕ ਤਜਤ ਆਸ ਕ੍ਰਿਪਨ ਕੇ ਦਾਨਕੀ। ਕੋਲੋ ਸਮਝਾ-
ਉਂ ਤੋਹਿ ਕਹਾਂ ਲੋ ਬਤਾਉਂ ਐਸੀ ਛਾਡੋ ਰਾਮ ਆਸ ਰਾਜਾ ਜਨ
ਕ ਕੀ ਜਾਨਕੀ ॥ ੮੫ ॥

ਸਵੈਯਾ—ਤੂੰ ਗਢ ਲੰਕ ਬਸੀ ਸੁਨ ਜਾਨਕੀਜਾਹਿ ਨਿਸੰਕਹੈ ਦੇ
ਵਨ ਦੇਖੈ। ਮੇਂ ਡਰਤੇ ਡਰਪੈ ਸੁਰਰਾਜ ਨ ਸੇਵਤਨੈਨਲਗਾਇ
ਨਿਮੇਖੈ। ਸੂਰ ਸਸੀਜਮ ਔਰ ਸਮੀਰ ਨ ਪੀਵਤ ਨੀਰ ਬਿਨਾ
ਪਗਦੇਖੈ। ਸੇਵਤ ਪੌਰ ਸਭੈ ਜਬਏ ਤਬ ਰਾਮਕਹੋਤਪਸੀਕਿਹ
ਲੇਖੈ ॥ ੮੬ ॥

ਸਵੈਯਾ—ਅੰਗ ਅਨੰਗ ਗਹੈ ਸੁ ਗਹੈ ਅਰ ਪਛਮ ਗੰਗ ਵਹੀ

ਜੀਅ ਆਵੈ । ਸੀਤਲ ਆਗਿ ਕਹੈਕੋਊ ਸਾਚ ਗਹੇ ਮ੍ਰਿਗ ਗੋਵ
ਲੈ ਸਿੰਘ ਖਿਲਾਵੈ । ਮੇਰੁ ਚਲੈ ਧ੍ਰੁਅ ਸੇਂ ਸੁਨ ਸੁੰਦਰ ਔਰ ਬਸੰਤ
ਸਮੀਰ ਜਰਾਵੈ । ਹੋਇ ਬਡੀ ਬਿਪੈਰੀ ਤਿਸ ਬੈਪਰ ਜਾਨਕੀ ਰਾਮ
ਨ ਦੇਖਨ ਪਾਵੈ ॥ ੮੭ ॥

ਕਵਿਉਵਾਚ

ਸਵੈਯਾ—ਸੋਫਿਰ ਉਤਰ ਦੇਤ ਨ ਨੈਕ ਦਸਾਨਨ ਕੋ ਅਤਿ ਸੋ
ਚ ਭਯੋ । ਮਨ ਮੈਂ ਕਹੈ ਭੈ ਬਿਨ ਪ੍ਰੀਤਿ ਨਹੀ ਬਨ ਮੈ ਕਹ
ਆਇਸੁਕੋਪ ਦਯੋ । ਤਹ ਰਾਕਸ ਨਾਰਿਅਪਾਵਨ ਤਾਡਰ ਪਾਵਨ
ਕੋ ਤਹਿ ਸੰਗ ਗਯੋ । ਸੁ ਅਸੋਕ ਬਨੀ ਮਹਿ ਲੰਕ ਧਨੀ ਸੀਅ
ਮਾਨਹੁ ਸੋਕ ਕੋ ਬੀਜ ਬੁਯੋ ॥ ੮੮ ॥

ਸਵੈਯਾ—ਦਾਂਤਨ ਕਾਢ ਬੁਰੀ ਸਬ ਭਾਂਤਿ ਡਰਾਵਨ ਕੋ ਕੀਓ
ਏਕ ਮਤੋਰੀ । ਯਾਹਿ ਚਬਾਹੁ ਬਿਲੰਬਕਹਾਇਨ ਲੰਕਪਤੀਸੰਗ
ਡੀਠ ਨ ਜੋਰੀ । ਏ ਬਤੀਆ ਸੁਨ ਕੈ ਦਰਕੈ ਛਤੀਆ ਪਛਤਾ
ਇ ਕਹੈ ਦ੍ਰਿਗ ਵੋਰੀ । ਰੈਨ ਦਿਨਾ ਪੀਆ ਰਾਮ ਬਿਨਾ ਜੀਅ
ਸਾਚ ਕਹੋ ਸੀਅ ਕੋ ਸਭ ਬੋਰੀ ॥ ੮੯ ॥

ਸਵੈਯਾ—ਜੀਤ ਸੁਰੇਸ਼ ਮਹੇਸ਼ ਕੋ ਪੂਤ ਗਨੇਸ਼ ਕੋ ਦੰਤ ਉਪਾਰ
ਲੀਓ । ਜਸਕੋਬਸ ਕੈ ਪੁਨ ਬਾਹਨ ਕੋ ਜਿਨ ਤੋਰ ਵਿਖਾਨ ਕੁਵੰਡ
ਕੀਓ । ਦਸ ਮੁੰਡਨ ਲੋ ਜਿਨ ਦਾਨ ਦੀਯੋ ਸ਼ਿਵ ਕੋ ਛਿਨ ਮਾਂ
ਹ ਰਿਝਾਇ ਲੀਓ । ਸੋਈ ਰਾਵਨ ਪਾਇ ਰਹਿਓ ਗਹਿ ਤੈ ਨ
ਉਠਾਇ ਦੁਹੂੰ ਕਰ ਮਾਨ ਦੀਓ ॥ ੯੦ ॥

ਸਵੈਯਾ—ਸੋ ਡਰਪਾਇ ਰਹੀ ਬਹੁ ਭਾਂਤਨ ਔਰ ਵਿਭੂਤ ਦਿਖਾ-
ਇ ਰਹੀ । ਜੀਅ ਮੈਂਸਭ ਜਾਨਤ ਯੋਂ ਠਕੁਰਾਇਤ ਦੀਪ ਸਸੀ
ਜੈਸੇ ਹੋਤ ਗਹੀ । ਯਹ ਪੂਰਬ ਪਛਮ ਉਤਰ ਚੌ ਦਿਸ ਦਛਨ
ਬਾਂਤ ਸੁਨੀ ਸਬਹੀ । ਰਵਿਰਾਮ ਬਿਨਾਂ ਕਹੂੰ ਏਕ ਛਿਨਾ ਨਲ
ਨੀ ਸੀਅ ਫੁਲਤ ਹੈ ਕਬਹੀ ॥ ੯੧ ॥

ਸਵੈਯਾ—ਨਾਹਿਬਿਨਾ ਸੀਅ ਜੀਅ ਦੁਖ ਪਾਵਤ ਸੋ ਪੁਨ ਸੀਅ
ਬਿਨਾ ਦੁਖ ਪਾਵੈ । ਹੋਤ ਬਡੇ ਦੁਹ ਓਰਨ ਯੋਂ ਸੋਈ ਨੇਹੁ ਤੁਮੈ

ਕਵਿਰਾਮ ਸੁਨਾਵੈ । ਜਜੋਂ ਛਬਿ ਛੀਨ ਸਸੀ ਬਿਨ ਰੈਨ ਬਿਭਾ
ਵਰੀ ਸਾਵਰੀ ਦੇਹ ਬਨਾਵੈ । ਕਾਲ ਬਤੀਤ ਭਯੋ ਇਹ ਰੀਤ
ਸੋ ਕੋਪ ਸੁਗੀਵਹਿ ਰਾਮ ਬੁਲਾਵੈ ॥ ੯੨ ॥

ਸੋਰਠਾ—ਸੰਤ ਸੁਨਹੁ ਮਨ ਲਾਇ ਕਥਾ ਜੁ ਕਛੁ ਆਗੇਭਈ ।
ਪਰਸ ਰਾਮਕੇ ਪਾਇ ਹਨੂਮਾਨ ਲੰਕਾ ਗਯੋ ॥ ੯੩ ॥

ਇਤੀ ਸ੍ਰੀ ਰਾਮ ਗੀਤੋ ਬਾਲੀ ਬਧਿ ਪੰਚਮ ਅੰਕ ਸਮਾਪਤੰ॥੫॥

ਅਬ ਛੇਵਾਂ ਅੰਕ

(ਰਾਮਚੰਦ੍ਰਉਵਾਰ)

ਕਬਿੱਤ—ਦੁਤਦੌਰ ਜਾਇ ਸਮਝਾਇਲੈ ਲਵਾਇ ਆਇ ਕਾਲ
ਇਤ ਬੀਤਯੋ ਅਬ ਆਗੈਕੋ ਉਪਾਇ ਕੋ । ਰਾਜਤੁਮ ਪਾਯੋਬਾਲੀ
ਸੁਰਗ ਪਠਾਯੋ ਤੁਮੈ ਬਾਤ ਭੂਲ ਗਈ ਸੁਧ ਸੀਤਾ ਕੀ ਕੋ
ਜਾਇਕੋ । ਆਪ ਨਹੀਂ ਆਯੋ ਕੋਊ ਉਤਰ ਪਠਾਯੋ ਨਹੀਂ ਲਾਯੋ
ਹੈ ਬਿਲੰਬ ਬੋਲ ਕੀਜੈ ਸਤ ਭਾਇਕੋ । ਸੋਏ ਸੁਖ ਜਾਮਨੀ
ਮਿਲੇਜਯੋ ਘਨ ਦਾਮਨੀ ਹੋ ਕਾਮਨੀ ਕੋ ਪਾਇ ਕਾਮ ਭੂਲਯੋ
ਰਘੁਰਾਇ ਕੋ ॥ ੧ ॥

ਸਵੈਯਾ—ਬਾਤ ਸੁਨੇ ਕਪਿ ਰਾਇ ਰਹਯੋ ਚਕ ਰਾਜ ਸਮਾਜ ਲਏ
ਸੰਗ ਆਯੋ । ਦੇਖਤ ਹੀ ਮੁਸਕਾਇ ਦਯੋ ਪ੍ਰਭੁਦੌਰ ਕੈ ਪਾਇਨ
ਸੀਸ ਨਿਵਾਯੋ । ਸੰਗ ਲਏ ਨਲ ਨੀਲ ਹਨੂਕਪ ਕੋਟਨ ਕੋਟਨ
ਝੰਡ ਮਿਲਾਯੋ । ਛਾਡਿ ਬਿਲੰਬ ਕਹਯੋ ਅਬ ਹੀ ਸੀਅ ਸੋਧ
ਜਟਾਊ ਕਹਾਂ ਹੈ ਬਤਾਯੋ ॥ ੨ ॥

ਸਵੈਯਾ—ਸੀ ਰਘੁਬੀਰ ਕਹੀ ਭੁਜ ਦੰਡ ਉਠਾਇ ਅਖੰਡਲ
ਜਯੋਂ ਬਲ ਸੈ । ਤੁਮ ਮੋਬਲਵੰਡ ਪ੍ਰਚੰਡ ਮਹਾਂ ਕਪਿਕੋ ਜੁ ਨਿਸੰਕ
ਹੈ ਲੰਕ ਧਸੈ । ਰਨਮੰਡ ਘਮੰਡ ਨ ਪੰਡਕਰੈ ਮੁਖ ਪੈਜਬ ਸਾਰ
ਕੀ ਧਾਰ ਲਸੈ । ਕਪਿਰਾਜ ਕਹੀ ਸੋਈ ਏਕ ਹਨੂਜੋ ਕ੍ਰਿਪਾ ਕਰ
ਯਾ ਤਨ ਰਾਮ ਬਸੈ ॥ ੩ ॥

ਸੁਗੀਵਉਵਾਰਰਾਮਚੰਦ੍ਰਸੋਂ

ਕਬਿੱਤ—ਹਨੂ ਪ੍ਰਭ ਸੇਵਕ ਨ ਨੌਤਨ ਹੈ ਨਾਥ ਯਹ ਅੰਜਨੀ ਕੋ

ਪੂਤ ਹੈ ਸਪੂਤ ਮਨ ਪੂਤਕੀ । ਚਢੇ ਰਨ ਰੋਖ ਪਕੇ ਤੂਤ ਸੇ
ਗਿਰਾਵੈ ਅਰਿ ਏਕ ਬਾਰ ਬਾਗ ਜਾਇ ਗਹੈ ਪੁਰਹੂਤ ਕੀ। ਪਰੇ
ਦੁਖ ਪਾਰ ਕਰੇ ਬੀਰਨ ਕੇ ਕਾਮ ਰਘੁਰਾਇ ਕੇ ਸਹਾਇ ਕਰ-
ਬੈ ਕੋ ਬਡੇ ਕੂਤਕੀ । ਸੀਤਾ ਸੋਧ ਲਜਾਇਬੈ ਕੋ ਸਿੰਧੁ ਫਾਂਧ
ਜਾਇਬੈ ਕੋ ਪਾਇਕ ਸੋ ਰਾਮ ਯਹ ਲਾਇਕ ਹੈ ਦੂਤ ਕੀ ॥ ੪
ਕਬਿੱਤ-ਔਰ ਚਹੂੰ ਓਰ ਕੋ ਪਠਾਉਂ ਕਪਿ ਜੂਥ ਸੀਅ ਸੋਧ ਕੋ
ਮੰਗਾਉਂ ਤਬ ਕੰਠ ਪਾਨੀ ਧਸ ਹੈ । ਕੌਨ ਮੰਦ ਭਾਗੀ ਸੁਨ ਰਾਮ
ਕਾਮ ਬੈਠ ਰਹੈ ਆਪਨੇਹੀ ਹਾਥ ਕਟਿ ਆਪਨੀ ਨ ਕਸ ਹੈ ।
ਲੰਕ ਗਢ ਜੈਬੈ ਕੋ ਨਿਸੰਕ ਲੰਕ ਬਾਂਧਿ ਅਕਲੰਕ ਬਲ ਜਾਕੋ
ਹਨੂਮਾਨ ਏਕ ਬਸ ਹੈ । ਕਹਜੇ ਰਘੁਬੀਰ ਸੁਨ ਬੀਰ ਹਨੂਮਾਨ
ਆਜ ਤੇਰੋਈ ਭਰੋਸੇ ਮੀਚ ਰਾਵਨ ਕੇ ਗ੍ਰਸ ਹੈ ॥ ੫ ॥

ਕਵਿਵਾਰ ਕਬਿੱਤ-ਏਕ ਕਪਿ ਪੁਰਬਪਛਾਹਏਕ ਸਿੰਧਮਾਹਿ
ਉਤਰਕੀਛਾਹਏਕ ਪਠਏ ਬਿਚਾਰ ਕੈਤਉ ਤੋ ਨਿਵਾਇ ਸੀਸ
ਚਲੇ ਜਗਦੀਸ ਜੂਕੇ ਬੀਸਨਕੇ ਝੰਡ ਏਕ ਏਕਲੇ ਪਚਾਰ ਕੈ।
ਦੱਛਨ ਭੁਜਾ ਕੋ ਠੋਕ ਦੱਛਨ ਸਮੀਰ ਸੁਤ ਦੱਛਨ ਕੇ ਜੈਬੈਕੋ
ਜਗਾਯੋ ਕਿਲਕਾਰ ਕੈ । ਲੰਕਕਸਪੂਤ ਅਕਲੰਕ ਜਾਨਕੀ ਕੋ
ਸੋਧ ਲੰਕ ਧਸ ਆਇ ਦੈ ਨਿਸੰਕ ਅਰਿ ਮਾਰਕੈ ॥ ੬ ॥

(ਸੁਗ੍ਰੀਉਵਾਰਹਨੂਮਾਨ ਸੋ)

ਸਵੈਯਾ-ਦੇਖ ਹਨੂ ਗਢ ਲੰਕ ਬਿਨਾ ਤੋਹਿ ਸਾਰ ਕਹੂੰ ਗਢ
ਔਰ ਜੋ ਹੋਈ । ਤਾਂ ਕਹੁ ਔਰ ਅਨੇਕ ਖਰੇ ਕਪਿ ਜਾਹਿਕਹਜੇ
ਕਰਕਾਰਜ ਸੋਈ । ਰਾਘਵਰਾਵਨਮਾਰਬੈਕੋ ਸੀਅਸੋਧ ਕੋ ਤੂੰ ਸੁ
ਰੱਚੇ ਬਿਧਿ ਦੋਈ । ਕੂਰ ਕਹੂੰ ਨਹਿ ਰਾਮ ਹਜੂਰ ਹੋਂ ਤੋ ਸਮ
ਸੂਰ ਨ ਦੇਖਤ ਕੋਈ ॥ ੭ ॥

ਸਵੈਯਾ-ਰਾਮਹਿ ਰਾਜ ਦੀਓ ਹਮ ਕੋ ਅਰ ਬਾਲੀ ਕੀ ਬੰਦ ਤੇ
ਨਾਰਿ ਛੁਡਾਵੈ ॥ ਐਸੀਏ ਪੀਰ ਸਹੈ ਰਘੁਬੀਰ ਪੈ ਧੀਰ ਬਡੇ
ਮੁਖ ਤੇ ਨ ਜਨਾਵੈ ॥ ਬਾਦ ਜਨੇ ਜਨਨੀ ਜਗਤੇ ਦੁਖ ਮੈਪ੍ਰਭ
ਮੀਤ ਕੇ ਕਾਮ ਨ ਆਵੈ ॥ ਔਰਰਹਿਓ ਉਪਚਾਰ ਧਰਿਓਸੁਨ

ਰਾਮ ਕੇ ਕਾਮ ਕੇ ਕੋਨ ਨ ਧਾਵੈ ॥ ੮ ॥

ਸਵੈਯਾ-ਜਾਂ ਛਿਨ ਸਾਹਿਬ ਕਾਮਕੋ ਸੇਵਕ ਜਾਵਤ ਤਾ ਛਿਨ
ਕੀ ਬਲ ਜੱਯੈ। ਬਾਤ ਬਿਚਾਰ ਕਹੈ ਹਸਕੈ ਬਿਨਾ ਦਾਮਨ ਤਾਹਿ
ਕੇ ਹਾਥ ਬਿਕੱਯੈ ॥ ਹੈ ਇਹ ਭਾਂਤ ਕੀ ਬਾਤ ਚਹੂੰ ਜੁਗ ਤਾਂਪਰ
ਰਾਮ ਸੋ ਠਾਕੁਰ ਪਯੈ ॥ ਨਿਆਇ ਹਨੂ ਸਬ ਕਾਮ ਕਰੈ ਭਟ
ਲਾਖਨ ਮੈ ਜਬ ਏਕ ਬੁਲੱਯੈ ॥ ੯ ॥

(ਕਵਿਉ ਵਾਰ)

ਕਬਿੱਤ-ਰੋਮਰੋਮ ਫੂਲ ਗਯੋ ਠੋਕ ਭੁਜਾ ਠਾਢੇ ਭਯੋ ਰਾਮ ਮੁਸ
ਕਾਨੇ ਦੇਖਿ ਰੂਪ ਹਨੂਮਾਨ ਕੋ ॥ ਸੀਤਾ ਜੁਕੀ ਸੋਧ ਹਮ ਆਜਹੀ
ਤੇ ਪਾਯੋ ਮਾਨੈ ਦੇਖਤ ਹੋਂ ਡੀਲ ਯਾ ਕੋ ਸਿੰਧੁ ਫਾਂਧ ਜਾਨ ਕੋ
॥ ਜੋਲੋ ਰਘੁਬੀਰ ਮਿਲ ਬੀਰ ਸੋਂ ਬਿਚਾਰੈਂ ਤੋਲੋ ਭਯੋ ਕਪਿ
ਛੱਯਾ ਸੁ ਛਵੱਯਾ ਅਸਮਾਨ ਕੋ ॥ ਹਾਥ ਜੋਰ ਕਹੈ ਲੰਕ ਬਾਰਧ ਕੈ
ਪਾਰ ਅਬ ਕੀਜੈ ਨ ਅਵਾਰ ਦੀਜੈ ਆਇਸ ਨਿਦਾਨ ਕੋ ॥ ੧੦ ॥

ਹਨੂਮਾਨਉਵਾਰ ਰਾਮ ਚੰਦ੍ਰਸੋਂ

ਕਬਿੱਤ-ਜੋ ਕਹੈ ਤੋ ਰੀਤੋ ਸਿੰਧ ਕਰੋਂ ਜੈਸੇ ਪੀਓਮੁਨਿ ਔਰਜੋ
ਕਹੈ ਤੋ ਬੀਚ ਪਾਨੀ ਰਾਖੇਂ ਨਾਮ ਕੋ। ਕਹੈ ਜਾਇ ਲੰਕ ਮਾਰੋਂ
ਭੀਤਨ ਸੋਂ ਭੀਤ ਕਹੈ ਰਾਵਨ ਸਮੇਤ ਪਰਸਾਉਂ ਪਗ ਬਾਮ
ਕੋ ॥ ਦੇਖ ਕੈ ਅਨੀਤਾ ਮੇਰੇ ਮਰਤ ਨਾਹੀ ਪੀਤਾ ਜੋਈ ਕਹੈ
ਸੋਈ ਕਰੋਂ ਨਾਥ ਨੈਕ ਭਰੇ ਹਾਮਕੋ ॥ ਸੁਨੋ ਮੇਰੇ ਮੀਤਾ ਸੁਖ
ਸੋਈਏ ਨਚੀਤਾ ਕਹੈ ਸੀਤਾ ਸੋਧ ਲਿਆਉਂ ਕਹੈ ਸੀ
ਮਿਲਾਉਂ ਰਾਮ ਕੋ ॥ ੧੧ ॥

ਕਬਿੱਤ-ਖੇਦ ਮਾਰੋ ਖੇਦ ਬਿਨ ਖੇਦ ਜਿਨ ਕਰੋ ਨਾਥ ਸੀਤਾ
ਲੈਕੈ ਸਾਤਏ ਪਤਾਲਹੂੰ ਜੋ ਜਾਇਗੋ ॥ ਛਵਤ ਤਿਹਾਰੇ ਪਾਇ
ਕਹਾਂ ਲੋ ਪਰਾਇ ਮੋਤੇ ਤੋ ਕਹਾਂ ਬਸਾਇ ਆਇ ਸੀਸ ਪਗ
ਨਾਇ ਗੋ ॥ ਕੂਪ ਸੁਰ ਲੋਕ ਸਿੰਧੁ ਅਚਲ ਸੁਮੇਰ ਬਿੰਦ ਰਾਵਨ
ਪਰੇਵਾ ਹਨੂ ਬਾਜ ਜਜੋਂ ਉਡਾਇਗੋ ॥ ਨਾਇ ਮਾਥ ਕਹੈਂ ਨਾ
ਗਹਿਓ ਤਾਂਕੇ ਪਾਛੇ ਰਘੁ ਨਾਥ ਮੇਰੇ ਹਾਥ ਕੀ ਸੁ ਭਲੀ ਮਾਰ

ਖਾਇ ਗੋ ॥ ੧੨ ॥

ਕਬਿੱਤ-ਕਹਿਓ ਹਨੂਮਾਨ ਤਾਕੋ ਕਹੋ ਪਰਮਾਨ ਪ੍ਰਭ ਸੁਨੀਐ
ਸ੍ਵਨ ਦੈਕੈ ਤੁਮਹਿ ਬਤਾਇ ਦਯੋ ॥ ਜਰ ਤੋ ਕਮਠਿ ਭਾਲ
ਸਾਤੋ ਸਿੰਧੁ ਆਲ ਬਾਲ ਦੇਸ ਐ ਬਿਦੇਸ ਡਾਲ ਚਢ ਕੈ ਨਿ-
ਵਾਇ ਦਯੋ ॥ ਪਾਤ ਮੇਘ ਸੇਤ ਕਾਰੇ ਫੂਲ ਜੇ ਅਕਾਸ ਤਾਰੇ ਭਾਰੇ
ਫਲ ਸੂਰ ਸਸਿ ਤੇਊ ਮੈ ਝੁਕਾਇ ਦਿਯੋ ॥ ਹੋਤੋ ਸਾਖਾਮ੍ਰਿਗ
ਮ੍ਰਿਗਰਾਜ ਰਘੁਨਾਥ ਐਸੇ ਬਿਓਮਤਰੁ ਤੇ ਤਿਹਾਰੀ ਸੀਅ ਕੋ
ਮੈਂ ਲਿਆਇ ਦਿਯੋ ॥ ੧੩ ॥

ਕਬਿੱਤ-ਕਹੋ ਸੀਅ ਲਿਆਉਂ ਕਹੋ ਤਾਹੀਂ ਕੋ ਸੰਦੇਸ ਕਹੋ
ਗਵਨ ਸਮੇਤ ਲਿਆਉਂ ਬੇਗ ਸਿਖ ਦੀਜੀਏ ॥ ਕਹੋ ਤਾਹੀ
ਛੁਦ ਕੋ ਕੁਟੰਬ ਲੋ ਸਮੁੰਦ ਬੋਰੋਂ ਲੈਆਉ ਮੰਦੋਦਰੀ ਕੋ ਜਾਨੀਏ
ਸੁ ਕੀਜੀਏ ॥ ਕਹੋ ਦਸ ਸੀਸ ਭੁਜ ਬੀਸਨ ਬਖੇਰੋਂ ਆਗੇ ਕਹੋ
ਜਾਇ ਘੇਰੇ ਗਢ ਬਿਨਤੀ ਪਤੀਜੀਏ ॥ ਚੰਕ ਹਨੂਮਾਨ ਕੋ
ਨਿਸੰਕ ਪਾਨਦੀਜੈ ਰਾਮ ਕਹੋਤੋ ਉਠਾਇ ਗਢ ਲਿਆਉਂ ਢੁੰਡ
ਲੀਜੀਏ ॥ ੧੪ ॥

ਰਾਮ ਚੰਦ੍ਰਉਵਾਰ

ਸਵੈਯਾ-ਦੇਖ ਹਨੂ ਕਪਿ ਰੂਪ ਸੀਆ ਰਘੁਬੀਰ ਕਹੀ ਜੀਅਮੈ
ਡਰਪੈ ਹੈ। ਮਾਨਸ ਕੀ ਕਹਾਂ ਟੋਟ ਪਰੀ ਜਬ ਦੂਤ ਕੀਏ ਕਪਿ
ਗੀਛ ਲਜੈ ਹੈ। ਦੇਵਨ ਕੋ ਮਗ ਹੈ ਨ ਜਹਾਂ ਗਢ ਲੰਕ ਸੁ ਏ
ਕਹਿ ਕੈ ਸੁ ਬੁਝੈ ਹੈ। ਹੈ ਪਰਬੀਨ ਤਊ ਸੀਅ ਕੋ ਬਿਨ ਚੀਨ
ਦੀਏ ਪਰਤੀਤ ਨ ਐਹੈ ॥ ੧੫ ॥

ਸਵੈਯਾ-ਭੂਖ ਲਗੇ ਬਨਕੇ ਫਲ ਤੋਰਤ ਯਾਹਿ ਭਲੇ ਮੁਖਮੈ
ਧਰ ਲੀਜੈ। ਏਕ ਨਿਦਾਨ ਕੀਏ ਬਿਨ ਹੇ ਕਪਿਸੀਅ ਬਿਨਾ
ਪਰਤੀਤ ਨ ਕੀਜੈ। ਏਮਨਿ ਕੇ ਗੁਨ ਗੁੰਥਤਜੇ ਪਹਿਚਨਤ
ਜਾਨਕੀ ਔਰ ਨ ਬੀਜੈ। ਕੈ ਬਨਿ ਮੈ ਕੈ ਗਿਰਾਨ ਦੁਰੀਜਹਿ
ਹੈ ਸੁੰਦਰੀ ਮੁੰਦਰੀ ਤਹਿ ਦੀਜੈ ॥ ੧੬ ॥

(ਹਨੁਮਾਨੋ ਵਾਚ ਰਾਮਚੰਦ੍ਰਸੋਂ)

ਸਵੈਯਾ—ਏਕ ਕਰੋਂ ਬਿਨਤੀ ਤੁਮ ਸੋ ਸੁਨਕੈ ਰਘੁਨਾਥ ਬੁਰੇ
ਜਿਨ ਮਾਨੋ ॥ ਏਕ ਫਲੰਗ ਕਰੋਂ ਤਜ ਸੰਕ ਨਿਸੰਕ ਸੁ ਲੰਕ
ਧਸਜੇ ਮੋਹਿ ਜਾਨੋ ॥ ਹੋ ਹਨੁਮਾਨ ਅਜਾਨ ਨਹੀਂ ਪ੍ਰਭ ਦੇਖਨ
ਕੋ ਸਬ ਠੌਰ ਸਯਾਨੋ ॥ ਮੰਜਲ ਵੈ ਪਦਕੰਜ ਕਹੇ ਕਿਨ ਹੋਂ ਸੀਅ
ਕੋ ਕਿਹਭਾਂਤ ਪਛਾਨੋ ॥ ੧੭ ॥

(ਰਾਮਚੰਦ੍ਰਉਵਾਚ)

ਸਵੈਯਾ—ਸਾਚ ਕਹੀ ਇਨ ਬਾਤ ਤਉ ਸੀਅ ਕੀ ਦੁਤਿਹੋਂ ਕਿਹ
ਭਾਂਤ ਸੁਨਾਉਂ ॥ ਜੇ ਉਪਮਾਂ ਕਵਿ ਦੇਤ ਸਬੈ ਤੇਈ ਫੇਰ ਕਹੋਂ
ਸਬ ਅੰਗ ਲਜਾਉਂ ॥ ਹੋਂ ਕਪਿ ਵੁਡ ਰਹਜੇ ਜਗ ਮੈ ਛਬਿ
ਅੰਗਨ ਕੀ ਸਮ ਕੋਨਹਿ ਪਾਉਂ ॥ ਮੋ ਦੁਖ ਤੇ ਜਿਹ ਭਾਂਤ ਸੀਆ
ਸੋਈ ਚੀਨ ਹਨੁ ਸਬ ਤੋਹਿ ਬਤਾਉਂ ॥ ੧੮ ॥

ਕਬਿੱਤ—ਜਹਾਂ ਨ ਹੁਲਾਸ ਤਾਤੇ ਸ੍ਵਾਸਨ ਅਵਾਸ ਤਹਾਂ ਨੀਕੇ
ਬੀਰ ਬਾਤ ਸੁਨ ਲੀਜੀਏ ਨਿਦਾਨ ਕੀ । ਜਾਕੇ ਦਾਰੇ ਕਾਜਰ
ਸੋਂ ਮਿਲੀ ਪੰਕ ਲੰਕ ਮਾਂਹਿ ਤਹਾਂ ਕਹੂੰ ਦੇਖੀਓ ਨਿਸੰਕ ਬਧੂ
ਭਾਂਨਕੀ ॥ ਜਾਕੇ ਨਿਸ ਧਾਮ ਮੁਖ ਦੀਪ ਹੀ ਕੇ ਦੀਪ ਬਿਨਾ
ਫੂਲ ਅੰਗ ਬਾਸ ਤਹਾਂ ਰਾਨੀ ਹਨੁਮਾਨ ਕੀ ॥ ਜਹਾਂ ਮੁਖ ਮੂਕ
ਰਾਮ ਰਾਮ ਹੀ ਕੀ ਕੂਕ ਜਹਾਂ ਸੋਵੈ ਛਾਹਿ ਧੂਪ ਤਹਾਂ ਹੈਅਚੂਕ
ਜਾਨਕੀ ॥ ੧੯ ॥

ਕਬਿੱਤ—ਜਾਕੇ ਬਾਂਧੇ ਕੇਸ ਤਨ ਤਾਪਸੀ ਕੋ ਭੇਸ ਸੁਨ ਬਾਨਰ
ਨਰੇਸ ਦ੍ਰਿਗ ਨੀਰ ਉਰ ਧੋਵਤੀ ॥ ਭੂਖਨ ਮਲੀਨ ਪੀਅ
ਹੀਨ ਮੁਖ ਛੀਨ ਜਾਕੀ ਹੈਹੈ ਦਸਾ ਦੀਨ ਨਿਸ ਨੀਂਦ ਹੂੰ ਨਾਂ
ਸੋਵਤੀ ॥ ਅੰਗਨ ਰੁਖਾਈ ਫਲ ਸੇਜ ਨ ਡਸਾਈ ਜਾਕੀ ਤਾਂਕੋ
ਜਾਣ ਲੀਜੈ ਨਾਰਿਨੀਚੇ ਮੁਖ ਜੋਵਤੀ ॥ ਹਨੁ ਸੁਨ ਮੀਤ ਸੀਅ
ਪਾਇਬੇ ਕੀ ਰੀਤ ਲੰਕ ਜਾਕੀ ਭੀਤ ਭੀਤ ਰਾਮ ਰਾਮ ਕਹਿ
ਰੋਵਤੀ ॥ ੨੦ ॥

ਸਵੈਯਾ—ਗਵਨ ਪਾਪ ਕੋ ਜਾਲ ਰਚਜੇ ਬਿਧਿ ਤਾਮਹਿ ਪਾਂਉਂ

ਸੰਭਾਰ ਕੈ ਦੀਜੋ ॥ ਬਾਤ ਬਿਨਾ ਮਰਜਾਵ ਕਹੋ ਜਿਨ ਕ੍ਰੋਧ
ਕਰੈ ਤੋ ਕਰੈ ਸਹਲੀਜੋ ॥ ਦੇਖ ਫਲਜੋ ਬਨ ਦੇਖਿ ਰਹੋ ਜਿਨ
ਅੰਮ੍ਰਿਤ ਜਜੋਂ ਜਸ ਅੰਮ੍ਰਿਤ ਪੀਜੋ ॥ ਕਾਢ ਲੈ ਸੂਲ ਨਿਹਾਲ
ਕਰੋ ਮੁਹਿ ਜਾਹਿ ਹਨੂ ਅਤਿ ਕਾਲ ਨ ਕੀਜੋ ॥ ੨੧ ॥

(ਕਵਿਉ ਵਾਰ)

ਸਵੈਯਾ—ਪਾਨ ਲਏ ਦੋਊ ਪਾਨ ਧਰੇ ਸਿਰ ਪਾਇ ਛੁਏ ਰਘੁ-
ਨੰਦਨ ਜੁਕੇ ॥ ਔਰ ਕਰੀ ਬਿਨਤੀ ਬਹੁ ਭਾਂਤਨ ਦੇਹ ਬਢੀ
ਪ੍ਰਭੂ ਪਾਇ ਕਨੂਕੇ ॥ ਆਪਨੋ ਜਾਨ ਧਰੇ ਰਹੀਓ ਜੀਅ ਹੋ ਕਪਿ
ਸੰਤਕਹੋਂ ਤੋਹਿ ਕੂਕੇ ॥ ਨਿੱਤ ਕਰੋਂ ਸੁਧ ਚਿੰਤ ਕੇ ਸਾਥ ਸੁਚਿੰਤ
ਚਲਜੋ ਸੰਗ ਮਿੱਤ ਹਨੂਕੇ ॥ ੨੨ ॥

ਸਵੈਯਾ—ਛਾਡ ਚਲਜੋ ਸੁ ਮਹੇਸ਼ ਕੋ ਅੰਸ ਗਨੇਸ਼ ਮਨਾਇ ਚ-
ਲਜੋ ਦ੍ਰਿੜ੍ਹ ਹੈ ॥ ਭੁਜ ਪੀਠ ਸੁਠੋਕ ਨਿਹਾਰ ਹਨੂ ਮੁਖ ਲੋਚਨ
ਚਾਰ ਚਲਜੋ ਜਲ ਚੈ ॥ ਮੁੰਦਰੀ ਕਰ ਸੋਂਪ ਕਹੋ ਮੁਖ ਬੈਨ ਸੁ
ਦੇਹ ਬਿਨਾ ਕਪਿ ਪ੍ਰਾਨ ਨ ਦੈ ॥ ਜਬ ਲੋ ਮਮ ਦੇਹ ਉਡੈ ਹੈ ਨ
ਖੇਹ ਤੂੰ ਆਨ ਦੈ ਸੋਧ ਸੀਆ ਪਗ ਛੈ ॥ ੨੩ ॥

ਸਵੈਯਾ—ਬਾਂਧਿ ਮੁਠੀ ਦੋਊ ਪਾਇ ਲਗਾਇ ਸੁ ਬੀਰ ਬਡੋਰਘੁ-
ਬੀਰ ਕੀ ਘਾਂਕੋ ॥ ਪੂਛ ਉਠਾਇ ਨਿਵਾਇ ਦਈ ਕਟਿ ਲੋਚਨ
ਮੁੰਦ ਨ ਨੀਰਹਿ ਤਾਕੋ ॥ ਰਾਮ ਕੋ ਨਾਮ ਲੀਓ ਮੁਖ ਤੇ ਜੀਅ
ਮੈ ਧਰ ਪੌਰਖ ਤਾਹਿ ਕਿਰਪਾ ਕੋ ॥ ਬਾਰ ਲਗੀ ਨਹਿ ਪੌਨਕੇ
ਪੂਤਹਿ ਪਾਰ ਪਰਜੇ ਲੰਘ ਬਾਰਿਧ ਬਾਂਕੋ ॥ ੨੪ ॥

ਸਵੈਯਾ—ਰਾਮ ਕੋ ਕਾਜ ਕਰੋਂ ਜੀਅ ਤੇਇਹਤੇ ਸੁਭ ਕੌਨਸੀ ਔਰ
ਘਰੀ ॥ ਛਬਿ ਬਾਰਿਧਿ ਬਾਰਿਧਿ ਏਕਹੀ ਸੋਂ ਕਵਿਰਾਮ ਜਹਾਂ
ਤੁਮਰੀ ਨ ਤਰੀ ॥ ਨਿਧਨੀਰ ਕੇ ਪਾਰ ਪਰਜੇ ਪਲ ਮੈਂ ਪਗ
ਕੀ ਅੰਗੁਰੀ ਜਲ ਮੈ ਨ ਪਰੀ ॥ ਕਪਿ ਨਾਉਂ ਹਨੂ ਜਿਨਕੋ
ਤਿਨਤੋ ਰਘੁਬੀਰ ਕੇ ਨਾਉਂ ਕੀ ਨਾਉ ਕਰੀ ॥ ੨੫ ॥

ਸਵੈਯਾ—ਸਿੰਧੁ ਕੇ ਫਾਂਧਬੇ ਕੋ ਸੁਰਪਤਿ ਫਨੀ ਪੱਤਿ ਹੂੰ ਨਰਤੀ
ਮਨ ਕੀਨੋ ॥ ਲੈ ਰਤਿਨਾਵਲ ਪੌਢ ਰਹੇ ਕਵਿਰਾਮ ਗੁਬੰਦਹਿ

ਅੰਤ ਨ ਲੀਨੋ ॥ ਸੋ ਹਨੂਮਾਨ ਕਛੂ ਨ ਗਨੋ ਬਲ ਨਾਉ ਕ-
ਰਿਓ ਜੁ ਸੁਨਯੋ ਪਰ ਤੀਨੋ ॥ ਜਾਨਤ ਹੋਂ ਸੁਦਈ ਮੁੰਦਰੀ ਪਢ
ਰਾਮ ਕਛੂ ਜਨ ਟਾਮਨ ਕੀਨੋ ॥ ੨੬ ॥

ਕਬਿੱਤ-ਸਿੰਧੁ ਕੇ ਕਿਨਾਰੇ ਨਿਜ ਪੋਰਖ ਸੰਭਾਰੇ ਕਿਲਕਾਰ
ਐਸੋ ਉਠਯੋ ਨਭ ਮੰਡਲ ਡਰਾਯੋ ਹੈ ॥ ਕਮਠ ਕੇ ਭਾਲ ਪਰ
ਫਨਿ ਫਨਿ ਮਾਲ ਧਰ ਦੇਸ ਦੇਸ ਚਾਲ ਭੂਮਿਚਾਲ ਸੋ ਜਨਾ-
ਯੋ ਹੈ ॥ ਮਹਿਮਾਂ ਅਪਾਰ ਜਾਕੇ ਬਲ ਕੋ ਨ ਪਾਗਵਾਰ ਰਾਕਸ਼ੀ
ਕੋ ਮਾਰ ਪੁਰ ਰਾਕਸ਼ ਕੇ ਆਯੋ ਹੈ ॥ ਕੀਨੀ ਮਨ ਸੰਕ ਨਹਿ
ਕੰਚਨ ਕੀ ਲੰਕ ਯਹ ਹੈ ਨਿਸੰਕ ਧਸਯੋ ਰੂਪ ਧਾਮ ਕੋ ਬਨਾਯੋ
ਹੈ ॥ ੨੭ ॥

ਸਵੈਯਾ-ਕੰਚਨ ਕੋ ਗਵ ਲੰਕ ਭਲੋ ਪਰ ਰਾਮ ਸੋ ਬੈਰ ਕਲੰਕ
ਯਹੈ ਹੈ ॥ ਦੇਖ ਫਿਰਯੋ ਸਬਕੇ ਘਰ ਭੀਤਰ ਸੀਤਹਿ ਸੋਧ ਕਹੂੰ
ਨ ਰਹੈ ਹੈ ॥ ਜੇ ਰਘੁਬੀਰ ਕਹੇ ਮੁਹਿ ਚੀਨ ਸੁ ਏਕ ਨਹੀਂ ਹ-
ਨੂਮਾਨ ਕਹੈ ਹੈ ॥ ਝਾਰਨਿ ਮੈਂ ਕਿ ਪਹਾਰਨ ਮੈਂ ਕਿਧੋਂ ਰਾਵਨ
ਕੋ ਗੁਹਿ ਬੀਚਰਹੈ ਹੈ ॥ ੨੮ ॥

ਕਬਿੱਤ-ਏਕ ਜੀਹ ਪਾਇ ਪੁਨ ਸਾਰਦਾਸਹਾਇ ਨਹੀ ਰਾਵਨ
ਕੇ ਨਗਰ ਕੀ ਕੈਸੇ ਛਬ ਗਾਈਏ ॥ ਫੂਲੀ ਫੂਲ ਡਾਰ ਤਰ
ਬੈਠ ਫੂਲ ਮਾਲ ਅਲਿ ਸੁੰਦਰ ਕਿਲਾਲ ਤਾਲ ਪਾਲ ਸੋ ਰਿਝਾ
ਈਏ ॥ ਬਾਪੀ ਕੂਪ ਕੁੰਡਨ ਪੈ ਗੁਨਨ ਕੇ ਝੁੰਡ ਬੈਠੇ ਕੀਨੇ
ਦੁਖ ਰੁੰਡ ਮੁੰਡ ਹੋਇ ਤੋ ਜਨਾਈਏ ॥ ਬਾਰਨ ਤੁਰੰਗ ਰਥ
ਕੰਚਨਕੇ ਧਾਮ ਪਰ ਕੌਨ ਸੀ ਬਿਭੂਤਿ ਛਾਡਿ ਕੌਨ ਸੀ ਬਤਾ-
ਈਏ ॥ ੨੯ ॥

ਕਬਿੱਤ-ਜਾਹੀ ਪੌਰ ਜਾਇ ਤਹਾਂ ਕੌਤਕ ਲੁਭਾਇ ਤਾਲ ਆਵਤ
ਮ੍ਰਿਦੰਗ ਬੀਨ ਬਾਜਤੇ ਸੁਹਾਵਨੇ ॥ ਸੁਰ ਸਮਿ ਬਰਨ ਬਿਰੰਚ
ਸੁਰਰਾਜ ਆਜ ਕੌਨ ਇਹ ਲਾਇਕ ਜੁ ਪਾਵੈ ਈਹਾਂ ਆਵਨੇ
॥ ਔਰੈ ਕਛੂ ਰੂਪ ਕਰਿ ਅੰਜਨੀ ਕੋ ਪੂਤ ਜਾਇ ਪਹੁਚਯੋ ਤਹਾਂ
ਲੋ ਜਹਾਂ ਖਾਸਗੀ ਬਿਛਾਉਨੇ ॥ ਦੇਵਨਕੀ ਬੇਟੀ ਦੇਖ ਸੰਗ ਪੀਅ

ਲੇਟੀ ਤਹਾਂ ਸੀਤਾ ਕੇ ਭਰਮ ਹਨੂੰ ਲਾਗੋ ਪਛਤਾਵਨੇ ॥ ੩੦ ॥
 ਸਵੈਯਾ-ਰਾਮ ਤਜੈ ਕਹ ਪਾਪ ਭਜੈ ਗਤਿ ਰੂਪ ਨਿਹਾਰ ਭਈ
 ਦੁਚਿਤਾਈ ॥ ਕੈਤਨ ਛਾਡਿ ਗਈ ਨਭ ਕੋ ਕਿ ਇਹੈ ਸੀਅ
 ਹੈ ਕਪਿ ਯੋਂ ਠਹਿਰਾਈ ॥ ਦੇਖਿ ਮੰਦੋਦਰਿ ਕੀ ਛਬਿ ਕੋ,
 ਮਰਝਾਇ ਰਹਯੋ ਮਨ ਮੈ ਫਿਰ ਆਈ । ਲੰਕ ਪਤੀ ਪਰ ਜੰਕ
 ਪਰਯੋ ਸੋਊ, ਏਕਹਿ ਅੰਕ ਕਰੈ ਨ ਢਿਠਾਈ ॥ ੩੧ ॥

ਸਵੈਯਾ-ਕਾਹੂ ਕਹੀ ਸੀਆ ਕੀ ਤਹਾਂ ਬਾਤ ਕਿ ਆਨ ਅਸ਼ੋਕ
 ਬਨੀ ਮਹਿ ਰਾਖੀ । ਦੈ ਤਬ ਪੀਠ ਕਹਿਓ ਧ੍ਰਿਗ ਰਾਜ ਬਿਭੂਤਿ
 ਸਬੈ ਸਸਿ ਸੂਰਜ ਸਾਖੀ । ਹੈ, ਜਸ ਰਾਮ ਕੋ ਦੂਧ ਮਨੋ ਜਮ
 ਕਾਢ ਪਰੇ ਯਹ ਰਾਵਨ ਮਾਖੀ । ਫੂਲ ਗਯੋ ਸੁਨ ਕੈ ਹਨੂਮਾਨ
 ਭਯੋ ਪਗ ਦੇਖਨ ਕੋ ਅਭਿਲਾਖੀ ॥ ੩੨ ॥

ਸਵੈਯਾ-ਸ੍ਰੀ ਰਘੁਬੀਰ ਕੋ ਸੀਸ ਨਿਵਾਇ ਗਯੋ ਕਪਿਰਾਇ
 ਜਹਾਂ ਸੁਧ ਪਾਈ । ਚੰਪਕ ਮੌਲ ਸਿਰੀਬਟ ਤਾਲ ਲਵੰਗ ਲਤਾ
 ਕਚਨਾਲ ਸੁਹਾਈ । ਕੰਜ ਕਦੰਬ ਜੁਹੀ ਕਦਲੀ ਸੁਠ ਦਾਰਮ
 ਬੇਲ ਇਲਾ ਅੰਬਰਾਈ । ਕੇਤਕੀ ਹਾਰ ਸਿੰਗਾਰ ਗੁਲਾਬ
 ਸਰੋਵਰ ਕੂਪ ਮਹਾਂ ਸੁਖਦਾਈ ॥ ੩੩ ॥

ਸਵੈਯਾ-ਮੋਰ ਚਕੋਰ ਕਪੋਤ ਕਹੂੰ ਸੁਕ ਸਾਰਸ ਚਾਤ੍ਰਕ ਹੰਸ
 ਲੁਭਾਨੇ । ਖੰਜਨ ਚਕ੍ਰ ਝਿਲੀ ਬਕ ਬਾਨਰ ਨੀਰ ਕਪਿੰਜਲ
 ਔਰ ਬਖਾਨੇ । ਅੰਗ ਕੁਰੰਗ ਸਦਾ ਧੁਨ ਸੋਂ ਸਬ ਸੇਵਤਿ ਤਾਂਬਨ
 ਕੋ ਲਪਟਾਨੇ । ਏ ਸੁਖ ਜਾਨਕੀ ਰਾਮ ਬਿਨਾਂ ਕਵਿਰਾਮ ਨ
 ਸੇਵਤ ਜਾਗਤ ਜਾਨੇ ॥ ੩੪ ॥

ਸਵੈਯਾ-ਦੇਖ ਹਨੂੰ ਚਿਤ ਚੌਕ ਰਹਯੋ ਯਹ ਦੇਵਨ ਕੇ ਪਤਿ ਕੋ
 ਬਨਿ ਹ । ਕਿਧੋਂ ਉੱਜਲ ਨੀਲ ਸਿਲਾ ਗਿਰ ਹੈ ਕਿਧੋਂ ਸਾਵਨ
 ਕੋ ਉਮਡਯੋ ਘਨ ਹੈ । ਅਹੋ ਕੈ ਨਿਜ ਪਾਵਸ ਕੋ ਯਹ ਰੂਪ, ਕਿ
 ਰਾਮ ਅਮਾਵਸ ਕੋ ਮਨ ਹੈ । ਅਬ ਮੋਹਿ ਕਛੂ ਸਮਝੈ ਨ ਪਰੈ
 ਕਿ ਯਹੀ ਕਮਲਾਪਤਿ ਕੋ ਤਨ ਹੈ ॥ ੩੫ ॥

ਸਵੈਯਾ-ਤਾਂ ਬਨ ਮੈ ਕਪਿ ਬੈਠ ਗਯੋ ਬਿਗਸਯੋ ਜਬ ਜਾਨਕੀ

ਫੁੰਡਤ ਪਾਈ । ਰੂਖ ਅਸੋਕ ਤਰੈ ਮਨ ਸੋਕ ਮਨੋ ਇਹਤੇ
ਉਪਜੀ ਦੁਚਿਤਾਈ । ਨਾਰਿ ਨਿਵਾਇ ਰਹੀ ਜੁਗ ਜੰਘ ਖਨੇ
ਨਖਸੋਂ ਪੁਹਮੀ ਜੀਅ ਆਈ । ਰਾਮ ਬਿਓਗ ਕਰੈ ਜਨੁ ਸੁੰਦਰ
ਬੈਠ ਧਰਾ ਜਨਨੀ ਦੁਖਦਾਈ ॥ ੩੬ ॥

ਸਵੈਯਾ-ਤਾਹਿ ਮਹੀਰੁਹ ਉਪਰ ਬੈਠ ਸੁ ਕਾਢ ਲਈ ਮੁੰਦਰੀ
ਮੁਖ ਤੇ । ਸੋਈ ਡਾਰ ਦਈ ਹਰ ਏ ਕਹਿ ਬਾਤ ਸੀਆ ਬਚ
ਮਾਤ ਮਹਾਂ ਦੁਖ ਤੇ । ਤਬਿ ਦੇਖਿ ਬਿਚਾਰਕੀਓ ਚਿਤ ਚੌਕਜੀ
ਓ ਤਜੀਏ ਅਬ ਯਾ ਸੁਖ ਤੇ । ਸਖੀ ਰਾਮ ਮਿਲਾਪ ਕੀ ਆਸ
ਭਈ ਯਹ ਆਨ ਪਰੀ ਕਤ ਤੇ ਰੁਖ ਤੇ ॥ ੩੭ ॥

[ਸੀਤਾਉਂਵਾਰ]

ਕਬਿਤ-ਪ੍ਰਾਨਨ ਕੇ ਕਾਢਬੇ ਕੇ ਕਰ ਕੀ ਕਿਧੋਂ ਕਰ ਕੀ
ਹੈ ਵੈਸੇਈ ਲਗੇ ਹੈਂ ਨਗ ਵੈਸੇਈ ਹੈ ਸੁੰਦਰੀ । ਬਨ ਕੋ ਨ ਪਥ
ਬਨ ਪਥ ਮਹਾਂ ਬਨ ਪਥ ਛਾਡਿ ਕੈ ਘਿਨਾਨੀ ਬਨ ਪਾਤਨ
ਕੀ ਗੁੰਦਰੀ । ਪ੍ਰਭੁ ਹੈ ਸੁ ਮੁੰਦਰੀ ਸੁਮੁੰਦਰੀ ਹੈਂ ਪ੍ਰਭੁ ਆਪ ਕੌਨ
ਧੋ ਪਗਾਰਨ ਮੈਂ ਛਾਡ ਆਈ ਤੁੰਦਰੀ । ਮੇਰੇ ਮਨ ਉਤਰੀ
ਤੂੰ ਕੈਸੇ ਕਰ ਉਤਰੀ ਹੈਂ ਮੁੰਦਰੀ ਤੂੰ ਕੈਸੇ ਕਰ ਉਤਰੀ ਸਮੁੰ-
ਦਰੀ ॥ ੩੮ ॥

ਕਬਿਤ-ਬਿਨਾ ਕਹੇ ਪੌਨ ਕੋ ਨ ਗੌਨ ਯਾ ਨਗਰ ਬੀਚ ਕੌਨ
ਆਇ ਸਕੈ ਈਹਾਂ ਰਾਹ ਪਾਥ ਨਾਥ ਕੀ । ਜੀਅ ਮੈ ਨ ਰਹੀ
ਭਈ ਨਰਹੀਨ ਕਹਾਂ ਕਰੈ ਬਿਧਿ ਬਿਰਹੀਨ ਕੈ ਕੈ ਬਿਧਿਕੈ
ਅਕਾਥ ਕੀ । ਮਕਰੰਦ ਇਹੈ ਜੀਅ ਜਾਨੀ ਮਨਿ ਸਾਥ ਕੀ
ਹੈ ਯਾਤੇ ਕਪਿ ਨਾਥੈ ਬੁਝਬੇਕੀ ਮਨਸਾਥਕੀ । ਦੇਖੀ ਨੈਨ
ਹਾਥ ਕੀ ਨ ਸੁਧ ਪਾਇ ਹਾਥ ਕੀ ਸੁ ਰਘੁਨਾਥ ਹਾਥ ਕੀ ਨਿ-
ਸਾਨੀ ਜਬ ਹਾਥ ਕੀ ॥ ੩੯ ॥

ਸਵੈਯਾ-ਦੇਖ ਰਹੀ ਚਹੂੰ ਓਰਨ ਤਾਹਿ ਸੁ ਕੋਊ ਨ ਮਾਨਸਦੇਤ
ਦਿਖਾਈ । ਸੋਚ ਬਿਚਾਰ ਕੀਏ ਬਹੁ ਭਾਂਤਿਨ ਰੀ ਮੁੰਦਰੀ ਨਭ
ਤੇ ਉਡ ਆਈ । ਤੋਹੀ ਲੋ ਬੋਲ ਉਠਯੋ ਕਪਿ ਯੋਂ ਮੁਹਿ ਰਾਮ

ਦਈ ਸੁ ਤੁਮੈ ਪਹੁੰਚਾਈ । ਦੂਤ ਹਨੂੰ ਮੇਰੇ ਨਾਉਂ ਹੈ ਮਾਤ ਪਰੋਂ
ਪਗ ਜੀ ਨ ਕਰੋ ਦੁਚਿਤਾਈ ॥੪੦॥

ਦੋਹਰਾ—ਤਬ ਜੀਅ ਮੈ ਸੀਅ ਸੁਖ ਕੀਓ ਰਾਮ ਦੂਤ ਯਹ ਆਹਿ
॥ ਮਾਨਸ ਕੀ ਕਹ ਦੇਵ ਹੀ ਮਿਲਨ ਕਹਯੋ ਹੈ ਤਾਹਿ ॥ ੪੧ ॥

ਸੋਰਠਾ—ਬਹੁਰੇ ਕੀਓ ਬਿਚਾਰ ਪ੍ਰਾਨ ਨਾਥ ਅਤਿ ਚਤੁਰ ਹੈਂ ॥
ਕੀਨੋ ਕਪਿ ਪ੍ਰਤਿਹਾਰ, ਮਾਨਸ ਕੋ ਰਾਖਸ ਭਖੈ ॥ ੪੨ ॥

ਕਬਿਤ—ਦੂਜੀ ਭਲੀ ਕਰੀ ਮੇਰੇ ਜੀਕੀ ਸੂਲ ਹਰੀ ਪ੍ਰਭੂ ਮਾ-
ਨਸ ਜੋ ਹੋਤੇ ਤਾਸੋਂ ਕੈਸੇ ਮੁਖ ਜੋਰਤੀ । ਰਾਮ ਦੂਤ ਸੁਨੈ ਤੇਹੀ
ਘਰੀ ਮਾਰ ਡਾਰਿਓ ਹੁਤੇ ਤਾਹੀ ਕੇ ਜਯਾਇਬੇਕੋ ਕੌਨ ਕੋ
ਨਿਹੋਰਤੀ । ਐਸੇ ਕਹਿ ਪਾਛੇ ਮੁੰਦਰੀ ਕੋ ਛਾਤੀ ਲਾਇ ਰਹੀ
ਮਾਨੋ ਮਿਲੇ ਪ੍ਰਾਨਨਾਥ ਨੈਕ ਨ ਬਿਛੋਰਤੀ ॥ ਕਬਹੂੰ ਉਘਾਰੈ
ਢਾਂਪੈ ਨਿਰਧਨ ਕੋ ਧਨ ਜੈਸੈ ਨੈਨਨ ਕੇ ਨੀਰ ਉਰ ਅੰਚਰ
ਨਿਚੋਰਤੀ ॥ ੪੩ ॥

ਕਬਿਤ—ਬੁਝਤ ਹੈ ਤਾਹੀ ਕੇ ਸੰਦੇਸੋ ਸੀਆ ਬਾਰ ਬਾਰ ਮੇਰੇ ਪ੍ਰਭੂ
ਪ੍ਰਾਨ ਨਾਥ ਸੁਖ ਸੋਂ ਰਹਤ ਹੈਂ । ਲਛਮਨ ਨੀਕੇ ਕਹਾਂ ਛਾਡੇ
ਕਹਾ ਕਹਿਓ ਤੋਸੋਂ ਮੇਰੀ ਸੁਧ ਲੈਬੇ ਕੋ ਕਬਹੂੰ ਉਮਹਤ ਹੈਂ ॥
ਕਿਧੋਂ ਮੇਰੇ ਔਗਨ ਬਿਚਾਰੇ ਹੈਂ ਬਿਸਾਰ ਦੀਨੀ ਕਿਧੋਂ ਮੇਰੇ
ਨਾਮ ਲੈ ਉਸਾਸਨ ਭਰਤ ਹੈਂ ॥ ਬੋਲੇ ਹਨੂਮਾਨ ਇਸੈ ਮੁੰਦਰੀ
ਨ ਕਹੈ ਮਾਤ ਤੇਰੇ ਪਾਛੇ ਰਾਮਯਾਕੇ ਕੰਕਨ ਕਹਤ ਹੈਂ ॥੪੪॥
ਦੋਹਰਾ—ਭੁਜਾ ਭਈ ਅਤਿ ਦੂਬਰੀ ਕੰਕਨ ਕੀਨੀ ਛਾਪ ॥ ਹ-
ਨੂਮਾਨ ਸਾਚੀ ਕਹੈ ਕੌਨ ਹਮਾਰੇ ਪਾਪ ॥ ੪੫ ॥

[ਹਨੂਮਾਨਉ ਵਾਰ ਸੀਤਾ ਸੋਂ]

ਕਬਿਤ—ਤੇਰੇ ਪਾਛ ਤੇਰੇ ਦੁਖ ਤੇਰੇ ਜਪੈ ਨਾਮ ਮੁਖ ਦੂਜ ਕੀ
ਸੀ ਕਲਾ ਕੇਹੂੰ ਦੇਹ ਨਿਬਹਤ ਹੈ । ਸੁਨੀਏ ਨ ਤੇਰੀ ਬਾਤ
ਤਾਹੀ ਕੋ ਅਟਪਟਾਤ ਤਲਫਤ ਗਾਤ ਬੀਜਰੀ ਸੀ ਚਮਕਤ
ਹੈ । ਕੰਕਨ ਕਰੀ ਹੈ ਛਾਪ ਸੋਊ ਹੈ ਢਿਲ ਢਿਲਾਤ ਪ੍ਰਾਨਨਾਥ
ਹੂੰ ਕੋ ਚਿੰਤਾ ਗਹੇ ਹੀ ਰਹਤ ਹੈ । ਛੀਨ ਰਘੁਰਾਈ ਸੁਨ ਸੀਅ

ਮੇਰੀ ਮਾਈ ਜੈਸੇ ਪੜਵਾ ਪੜੈਯਾ ਐਸੇ ਬਿਧਉ ਲਹਤ ਹੈ ॥੪੬॥

[ਤ੍ਰਿਜਟੀਉ ਵਾਚ ਸੀਤਾ ਸੋ]

ਦੋਹਰਾ—ਤਬ ਬੋਲੀ ਤ੍ਰਿਜਟੀ ਸੁਮਤਿ ਸੁਨ ਜਾਨਕੀ ਅਚੇਤ ।
ਤੂੰ ਜੁ ਰਾਮ ਸੰਗ ਉਠ ਚਲੀ ਘਰ ਤਜ ਬਨ ਕਿਹ ਹੇਤ ॥ ੪੭
ਕਥਿਤ—ਤੂੰ ਨ ਸੰਗ ਹੁਤੀ ਤਬ ਇਤੀਓ ਨ ਹੁਤੀ ਕਹਾਂ ਤੋ
ਬਿਨ ਅਕੇਲੇ ਰਾਮਚੰਦ ਕਛੂ ਡਰਤੇ । ਤਾਪਰ ਮਨਾਇ ਰਹੇ
ਰਾਖਬੇ ਕੋ ਪਾਇ ਗਹੇ ਪਾਛੇ ਸਬ ਮੰਦਰ ਕੇ ਲੋਗ ਤੋਸੇ ਲਰਤੇ
। ਕਹੂੰ ਬਨ ਜਾਏ ਕਹੂੰ ਕੰਦ ਮੂਲ ਖਾਇ ਸੰਗ ਲਛਮਨ
ਲੈਕੇ ਸੁਖੀ ਦੁਖੀ ਦਿਨ ਭਰਤੇ । ਕਾਹੇ ਕੀ ਭਲਾਈ ਜਬਨਾਰ
ਮੁਖ ਲਾਈ ਆਜ ਤੇਰੇ ਦੁਖ ਕਾਹੇ ਕੋ ਹਨੂਸੇ ਮੋਸੇ ਮਰਤੇ ॥੪੮॥
ਕਥਿਤ—ਸੁਨ ਹੇ ਨਿਡਰ ਆਜ ਰਹਤੀ ਜੈ ਘਰ ਨਾਰ ਭੀਤਰ
ਤੇ ਪਕਰ ਨਿਸਾਚਰਨ ਲਜਾਵਤੇ । ਬਿਛਰੇ ਤੇ ਪੀਆ ਕਹੇ ਕੌਨ
ਸੀ ਮਰੀ ਹੈ ਤੀਆ ਤੁਮ ਸੁਖੀ ਹੋਤੇ ਰਘੁਬੀਰ ਸੁਖ ਪਾਵਤੇ ।
ਜਾਨਤੀ ਤੋ ਤਬ ਢਿਗ ਮੋਸੀ ਜੋ ਨ ਹੋਤੀ ਤੇਰੇ ਔਰ ਹਨੂਮਾਨ
ਬਿਨ ਲੰਕ ਕੌਨ ਆਵਤੇ । ਤੇਰੀਓ ਉਪਾਧ ਜੋ ਤੂੰ ਸੰਗ ਹੀ ਨ
ਹੋਤੀ ਤਬ ਗਵਨ ਹੈ ਜੋਗੀ ਰਾਮਚੰਦ ਕੋ ਚੁਗਵਤੇ ॥ ੪੯ ॥

[ਸੀਤੋ ਵਚ ਤ੍ਰਿਜਟੀ ਸੋ]

ਦੋਹਰਾ—ਸੁਨ ਤ੍ਰਿਜਟੀ ਸੀਤਾ ਕਹੈ ਮਰਮ ਨ ਜਾਨੈ ਕੋਇ ।
ਪੀਆ ਦੁਖੀ ਬਨ ਮੈ ਰਹੈ ਤੀਆ ਸੁਖੀ ਘਰ ਹੋਇ ॥ ੫੦ ॥
ਸੋਰਠਾ—ਔਰ ਕਹੋਇਕ ਬਾਤ ਜਾਂਹਿ ਸਮਝ ਹੋਂ ਸੰਗ ਚਲੀ ।
ਸੁਨਹੁ ਧਰਮ ਕੀ ਭ੍ਰਾਤ ਤ੍ਰਿਜਟੀ ਸਭ ਤੋਸੇ ਕਹੋਂ ॥ ੫੧ ॥
ਕਥਿਤ—ਮੂੰਡ ਤੋ ਪਿਤਾ ਬਚਨ ਭਾਰ ਹੈ ਉਠਾਯੋ ਰਾਮ ਦੁਸਰੇ
ਜਟਾ ਕੋ ਰਾਖ ਯਾਤੇ ਉਕਲਾਇਗੇ । ਕੰਠ ਖਗ ਭਾਰ ਕਰ
ਧਨੁਖ ਖਰੋਈ ਭਾਰ ਕਟਿਸੋ ਨਿਖੰਗ ਅੰਗ ਅੰਗ ਮੁਰਝਾਇਗੇ
॥ ਮੇਰੇ ਘਰ ਰਹੇ ਤੇ ਨਿਪਟ ਛਾਤੀ ਭਾਰਹੈ ਹੈ ਇਹੈ ਮੈਬਿਚਾਰੀ
ਇਨ ਪੈ ਨ ਸਹਯੋ ਜਾਇਗੇ । ਭੂਖ ਹੈ ਕਿ ਰੂਖ ਹੈ ਕਿ ਨਜਾਇ
ਮੁਰਝਾਇਹੈ ਸੁ ਯਾਂਤੇ ਸੰਗ ਚਲੀ ਯਹ ਭਾਰ ਤੋ ਨਸਾਇਗੇ ॥੬੨॥

[ਕਵਿਉ ਵਾਚ]

ਦੋਹਰਾ—ਤਬ ਤਿਜਟੀ ਪਾਇਨ ਪਰੀ ਚਤੁਰ ਜਾਨਕੀ ਆਹਿ।
ਜੋ ਲਜਾਯੋ ਕਪਿ ਰਾਮ ਤੇ ਪੁਨ ਸੀਅ ਬੁਝਤਿ ਤਾਹਿ ॥ ੫੩ ॥
ਸੋਰਠਾ—ਜਿਨਸੋ ਬਹੁਤ ਸਨੇਹ ਰਾਮਚੰਦ ਮਨਤੇ ਕਰਹਿ। ਤਿਨ
ਹੂੰ ਕੀ ਗਤਿ ਏਹ ਸੁ ਕਵਿਰਾਮ ਸੰਗ ਤਜ ਰਹੀ ॥ ੫੪ ॥

[ਸੀਤਉ ਵਾਚ]

ਸਵੈਯਾ—ਰਾਜ ਬਿਭੂਤਿ ਬਿਚਛਨ ਏਕ ਤੱਤਛਿਨ ਰਾਮਹਿ
ਪੀਠ ਦਈ। ਮਨ ਭਾਵਨ ਕੇ ਪਹੁਚਾਵਨ ਕੇ ਮਿਸ ਪੌਰ ਹੂੰ ਲੈ
ਨਹਿ ਸੰਗ ਗਈ। ਪੁਨ ਮੈ ਬਨ ਮੈ ਤੁਮ ਮਾਰਗ ਮੈ ਸੁਨ ਹੋ
ਮੁੰਦਰੀ ਬਿਪ੍ਰੀਤ ਨਈ। ਹਮ ਤੀਨਹੁਤੇ ਸੁ ਪਤਿਬ੍ਰਤ ਕੀ
ਤਿਹੂੰ ਲੋਗਨ ਮੈ ਪਰਤੀਤ ਗਈ ॥ ੫੫ ॥

ਕਬਿੱਤ—ਪਹਿਲੇ ਤੇ ਤੁਮੈ ਸੁਨ ਮੁੰਦਰੀ ਪ੍ਰਬੀਨ ਰਘੁਬੀਰ ਜੂ
ਕੀ ਮੂਰਤਿ ਹੋਂ ਨੀਕੇ ਕੈ ਨਿਹਾਰਤੀ। ਪਾਛੇ ਤੇ ਤੇ ਦੇਖਤੀ ਹੋਂ
ਆਪਨੇ ਸਰੂਪ ਸਬ ਔਰ ਹੈ ਕਿ ਵਹੈ ਹੈ ਕਹੇ ਨ ਕਜੇਂ ਹੋਂ
ਮਾਰਤੀ। ਪਾਛੇ ਰਹੀ ਸੋਚ ਸੀਆ ਮੇਰੇ ਧਿਆਨ ਹੂੰ ਤੇ ਪੀਅ
ਮੇਸੇ ਹੈ ਗਏ ਹੈਂ ਰਾਮ ਆਸਨ ਕੇ ਡਾਰਤੀ। ਦੈ ਕਪੋਲ ਹਾਥ
ਰਹੀ ਨਾਥ ਕਹਿ ਸ੍ਵਾਸ ਭਰੇ ਮਾਥੇ ਲਿਖੇ ਅੰਕਨ ਬਿਧਾਤਾ ਨ
ਨਿਵਾਰਤੀ ॥ ੫੬ ॥

ਕਬਿੱਤ—ਬੋਲਯੋ ਹਨੂਮਾਨ ਮਾਤਾ ਜਾਨਕੀ ਨਿਵਾਰਸ਼ੋਕ ਜਾਹੀ
ਦਿਨ ਜਾਇ ਤੇਰੇ ਸੋਧਹ ਸੁਨਾਇ ਹੋਂ। ਰਾਵਨ ਕੇ ਮਾਰ ਬੇ ਕੋ
ਉਮਡ ਰਹਜੇ ਹੈ ਮਨ ਤਾਹੀਂ ਦਿਨ ਸਬਨ ਚਢਾਏ ਲਏ ਆਇ
ਹੋਂ। ਔਰ ਜੋ ਕਦਾਚਿ ਮੇਸੇ ਬਹੁਰੇ ਕਹੇਂਗੇ ਰਾਮ ਸੀਤਾ ਕੋ ਲੈ
ਆਇ ਤਬ ਛਿਨ ਮੈਂ ਲੈ ਜਾਇ ਹੋਂ। ਰਾਮਹਿ ਲੈ ਆਇ ਹੋਂ
ਕਿ ਤੋਹਿ ਪਹੁੰਚਾਇ ਹੋਂ ਤੂੰ ਮਾਨ ਮੇਰੀ ਬਾਤ ਹਨੂ ਤਾਂ ਦਿਨ
ਕਹਾਇ ਹੋਂ ॥ ੫੭ ॥

ਕਬਿੱਤ—ਔਰ ਜੋ ਤੂੰ ਕਹੇਂ ਮੋਹਿ ਅਬ ਹੀ ਲੈ ਜਾਉ ਤੋਹਿ
ਲੰਕਹੀ ਕੇ ਲੋਗਨ ਕੇ ਕੌਤਕ ਦਿਖਾਇ ਕੈ। ਰਾਵਨਹਿ ਮਾਰੇਂ

ਪੂਰ ਭਲੀ ਭਾਂਤਿ ਜਾਰੇਂ ਰੁੰਡ ਮੁੰਡਨ ਬਿਥਾਰੇਂ ਆਜਰਾਮ ਬਲ
ਪਾਇਕੈ। ਔਰ ਜੋ ਤੂੰ ਕਹੈ ਗਢ ਕੰਚਨ ਕੋ ਮੂਲ ਹੂਤੇ ਲੈ
ਉਖਾਰ ਚਲੇਂ ਨਭ ਮੰਡਲ ਉਡਾਇ ਕੈ। ਤਾਂ ਪਰ ਜੋ ਮੇਸੇਂ
ਰਘੁਬੀਰ ਜੂ ਖਿਝੈਂ ਗੇ ਤਬ ਬੀਚ ਪਰ ਮਾਤ ਮੋਹਿ ਲੀਜੇ
ਬਖਸਾਇ ਕੈ ॥ ੫੮ ॥

ਕਬਿੱਤ—ਜਾ ਦਿਨ ਤੇ ਕਪਟੀ ਲੈ ਆਯੋ ਤੁਮੈ ਮੂੜ ਮਤਿ ਤਾਂ
ਦਿਨ ਤੇ ਜਾਨੀ ਲੰਕਾ ਨਗਰ ਉਦਾਸ ਹੈ। ਹੈ ਜੋ ਕੋਊ ਦਿਨ
ਚਟਕੀਲੇ ਪ੍ਰਤਾਪ ਯਹਿ ਕੈਸੇ ਜੈਸੇ ਸਾਂਝ ਸਮੈ ਦਿਨ ਕੋ ਹੁਲਾ
ਸ ਹੈ। ਧੂਆਂ ਕੇ ਸੇ ਧੌਲਹਰ ਮਿਟੇਈ ਸੇ ਦੇਖੀਅਤ ਰਾਤ
ਘਰੀ ਦੈਕ ਪਾਛੇ ਰਵਿ ਕੋ ਪ੍ਰਕਾਸ ਹੈ। ਜਮ ਕੀ ਬਨੈਗੀ ਸ਼ਿਵ
ਜੂ ਕੀ ਬਿਗਰੇਗੀ ਰਘੁਬੀਰ ਕੋਪ ਸਿੰਘ ਮ੍ਰਿਗ ਰਾਵਨ
ਗ੍ਰਾਸ ਹੈ ॥ ੫੯ ॥

ਦੋਹਰਾ—ਸੁਖ ਪਾਯੋ ਜੀਅ ਜਾਨਕੀ ਭਲੇ ਦੂਤ ਯਹਿ ਕੀਨ।
ਸੂਕੈ ਸਰ ਜਨ ਮੇਘ ਕਪਿ ਬਰਖ ਜਿਆਏ ਮੀਨ ॥ ੬੦ ॥

ਸੋਰਠੀ—ਸੁਨਹੁ ਬੀਰ ਹਨੁਵੰਤ ਤੇਰੇ ਬਲ ਸਾਚੇ ਸਬੈ। ਰਾਮਚੰਦ
ਬਲਵੰਤੁ ਕਹਜੇ ਤੁਮੈ ਸੋਈ ਕੀਜੀਓ ॥ ੬੧ ॥

ਕਬਿੱਤ—ਸੂਰ ਸਸਿ ਮੇਘ ਪੌਨ ਇੰਦ੍ਰ ਜਮ ਸਿੰਧ ਕੌਨ ਆਇ
ਸ ਕੋ ਮੇਟੇ ਤੀਨ ਲੋਕ ਐਸੇ ਕੋ ਰਚੈ। ਜੋ ਕਦਾਚ ਮੇਟੈ ਕੋਊ
ਤਾਕੀ ਆਉ ਮੇਟੈ ਬਿਧਿ ਲੋਕ ਕਹੈ ਪਾਪੀ ਪਰਲੋਕ ਦੁਖ ਮੈ
ਪਚੈ। ਤਾਤੇ ਬੇਗ ਜਾਹੁ ਲੰਕ ਲੋਗਨ ਪਤਿਯਾਹਿ ਜਿਨ ਪਾਪ
ਛਲ ਕਪਟ ਨ ਏਕ ਇਨ ਤੇ ਬਚੈ। ਇਨਕੇ ਮਿਲੇ ਤੇ ਹੋ ਹੂੰ
ਹੈਗਈ ਕਠੋਰਜਾਤੇਮੇਰੇਪ੍ਰਾਨਰਹੇਸੁਨ ਰਾਮਦੁਖ ਨਾਤਚੈ॥੬੨॥

ਕਬਿੱਤ—ਨਾਥ ਪਰਪੀਰ ਕਹੋ ਕਬ ਤੇ ਬਿਸਾਰੀ ਕਪਿ ਬੀਰ
ਰਘੁਬੀਰ ਪਦ ਕੋਲੋਂ ਲੰਕ ਆਇ ਹੈਂ। ਕਛੂ ਆਸ ਲਾਗੇ ਕਛੂ
ਆਰਜ ਪਥ ਕੋ ਜਾਗੇ ਪਾਛੇ ਤੇ ਪਤਿਆਨੇ ਪ੍ਰਾਨ ਆਗੇ ਨ
ਪਤਿਆਇ ਹੈਂ ॥ ਬਾਸੀ ਹੈ ਨਿਕਟ ਕੇ ਉਦਾਸੀ ਸੇ ਤੇ
ਨਾਹਿ ਮੇਸੇ ਦਾਸੀ ਸੀਅ ਕੋ ਸੰਦੇਸੇ ਬਹੁਰੇ ਨ ਪਾਇ ਹੈਂ। ਬਾਤ

ਕਹੋਂ ਗੋਂਕੀ ਕਿਧੋਂ ਕਰੀ ਹੋਂ ਇਨੋਂਕੀ ਮੇ ਪੈ ਪ੍ਰਾਨਨਕੀ ਚੋਂਕੀ
ਨਾਥ ਕਬ ਲੋਂ ਦਿਵਾਇ ਹੈਂ ॥ ੬੩ ॥

ਕਬਿੱਤ-ਬਿਰਹਕੀ ਜ਼ਾਲ ਮੈਂ ਨ ਜਾਤ ਜਰ ਮੇਰੇ ਤਨ ਨੈਨਨ
ਕੇ ਨੀਰ ਹੂੰ ਮੈਂ ਬੁਡ ਨ ਮਰਤ ਹੋਂ । ਰਾਵਨ ਕੇ ਤ੍ਰਾਸਨ ਉਸਾਸ
ਨਨ ਪ੍ਰਾਨ ਜਾਤ ਦੇਹ ਛਾਡ ਛਾਡ ਜੀ ਸੋ ਨਿਤਹੀ ਲਰਤ ਹੋਂ ।
ਛਤੀਆਂ ਕੀ ਬਤੀਆਂ ਕਹਾਂ ਲੋਂ ਕਹੋਂ ਪ੍ਰਾਨ ਨਾਥ ਰਾਮ ਬਿਨ
ਨੈਕ ਹੂੰ ਨ ਕਹੂੰ ਬਿਚਰਤ ਹੋਂ । ਏਹੋ ਮੈਲੋ ਭੇਸ ਮੇਰੇ ਕਹੀਓ
ਸੰਦੇਸ ਕਪਿ ਆਸ ਬਸ ਪਰੀ ਤਾਂਤੇ ਜੀਬੋਈ ਕਰਤ ਹੋਂ ॥ ੬੪ ॥
ਸਵੈਯਾ-ਕੰਚਨ ਕੇ ਮ੍ਰਿਗ ਕਾਜ਼ ਹਨੂ ਮਹਾਰਾਜਹਿ ਜੋਤਬ ਹੋਂ
ਨ ਪਚਾਰੋਂ । ਕਾਹੇ ਕੋ ਹੋਤ ਇਤੀ ਵਿਪਰੀਤ ਜੋ ਰੇਖ ਮਿਟਾਇ
ਕੈ ਪਾਉਨ ਧਾਰੋਂ । ਏ ਦੋਊ ਮੈਂ ਅਪਰਾਧ ਕਰੇ ਛਮੀਓ ਰਘੁਬੀਰ
ਨ ਫੇਰ ਪਚਾਰੋਂ । ਸੋ ਅਬ ਲੋਂ ਦੁਖ ਪਾਵਤ ਹੋਂ ਜਬ ਪਾਇ ਨ
ਦੇਖੋਂ ਤੋ ਪ੍ਰਾਨ ਨਿਕਾਰੋਂ ॥ ੬੫ ॥

ਕਬਿੱਤ-ਚੰਦ ਦੇਖ ਚਕਵੀ ਮਿਲਾਨ ਸਰਫੂਲੇ ਐਸੋ ਬਿਪਰੀਤ
ਕਾਲ ਹੈ ਸੁ ਦੇਖ ਕਹੀਅਤ ਹੈ । ਬਾਤੀ ਸੰਝ ਬਾਤੀ ਘਨਸਾਰ
ਨੀਰ ਚੰਦਨ ਸੋ ਬਾਨ ਲੀਜੀਅਤ ਨ ਅਨਲ ਚਹੀਅਤ ਹੈ ।
ਸੰਗ ਕੇ ਦੁਕੂਲ ਦੇਖ ਕੰਚਨ ਕੇ ਫੂਲ ਦੇਖ ਰੁਖਨ ਕੇ ਮੂਲ ਦੇਖ
ਸੂਲ ਸਹੀਅਤ ਹੈ । ਹਮੈ ਪਲ ਭਾਰੀ ਰਾਮ ਪਲੋਂ ਨ ਸੰਭਾਰੀ
ਕਪਿ ਐਸੇ ਗਢ ਲੰਕ ਐਸੀ ਭਾਂਤ ਰਹੀਅਤ ਹੈ ॥ ੬੬ ॥

ਦੋਹਰਾ-ਹਨੂਮਾਨ ਦੁਖ ਪਾਇ ਅਤਿ ਲੋਚਨ ਜਲ ਨ ਰਹਾ-
ਇ ॥ ਰਾਮਚੰਦ ਬਿਨ ਸੀਅ ਦੁਖੀ ਸੀਅ ਬਿਨ ਉਤ ਰਘੁਰਾ-
ਇ ॥ ੬੭ ॥

ਸੋਰਠਾ-॥ ਤੁਮਹਿ ਭਈ ਪਰਤੀਤ ਜਬ ਮੁੰਦਰੀ ਤੋਕੋ ਦਈ ॥
ਦੂਤਹਿ ਵੈ ਵਿਪਰੀਤ ਇਕ ਪਾਤੀ ਅਰ ਪਤੇ ਬਿਨ ॥ ੬੮ ॥

ਕਬਿੱਤ-ਜਾਨਕੀ ਜੀਅਮੈ ਆਨਿਓ ਭਲੋਹੋ ਸਯਾਨੋ ਕਪਿ ਯਾਹੀ
ਤੇ ਪਠਾਯੋ ਰਾਮ ਜਾਨੈ ਯਾਕੀ ਮਤਿ ਕੋ । ਚੋਟੀ ਮੈਂ ਲਪੇਟੀ ਏਕ
ਮਨਹੀ ਸੋ ਕਾਢ ਦੀਨੀ ਦੀਜੋ ਰਾਮ ਹਾਥ ਜੋ ਬਢੈਯਾ ਤੇਰੀ

ਰਤਿ ਕੋ । ਦੂਸਰੇ ਸੰਦੇਸੇ ਚਿਤ੍ਰਕੂਟ ਤੁਮਮੇਰੇ ਹਿਤ ਕਾਨੋ ਕੀਓ
ਕਾਕ ਸੀਕ ਬਾਨ ਲੈ ਸੁ ਗਤਿ ਕੋ । ਤਿਲਕ ਬਨਾਯੋ ਨਿਜ
ਹਾਥ ਮੇਰੇ ਮਾਥੇ ਕਪਿ ਤੀਨੋ ਪਤੇ ਦੀਜੇ ਤਿਨ ਤੀਨੋ ਲੋਕ
ਪਤਿ ਕੋ ॥ ੬੬ ॥

ਸਵੈਯਾ-ਜਾਹੁ ਹਨੂ ਅਬ ਛਾਡ ਬਿਲੰਬ ਚਲਜੇ ਤਿਨ ਦੂਰ ਹੁੰਤੇ
ਸਿਰਨਾਯੋ । ਆਇ ਗਈ ਫਿਰ ਕੈ ਮਨ ਮੈ ਕਛੁ ਹਜਾਂ ਅਪਨੋ
ਬਲ ਮੈ ਨ ਜਨਾਯੋ । ਕਿਆ ਚਲ ਹੈ ਜਗ ਮੈਂ ਯਹਿ ਬਾਤ ਕਿ
ਰਾਮ ਕੋ ਦੂਤ ਕੋਊ ਕਪਿ ਆਯੋ । ਰਾਵਨ ਜੋ ਜਬ ਜਾਇ ਮਿਲੈ
ਤਬ ਕਜੇਂ ਮਿਟ ਹੈ ਮਨ ਕੋ ਪਛਤਾਯੋ ॥ ੭੦ ॥

ਸੋਰਠਾ-ਚੰਚਲ ਜਾਤ ਸੁਭਾਉ ਹਨੂਮਾਨ ਚਿਤ ਯੋਂ ਧਰਜੇ ॥
ਸੂਰਨ ਕੋ ਸਤਭਾਉ ਕਾਇਰ ਬਕ ਮੁਖ ਹੀ ਰਹੈ ॥ ੭੧ ॥

ਦੋਹਰਾ-ਜੋ ਖਿਝ ਹੈਂ ਰਘੁਬੰਸ ਮਣਿ ਹਿਆਂ ਤੋ ਜਸ ਲੈ ਜਾਉਂ ॥
ਪ੍ਰਾਨ ਰਹੈ ਕੈ ਜਸ ਰਹੈ, ਦੋ ਮਹਿ ਏਕ ਕਮਾਉਂ ॥ ੭੨ ॥

ਕਬਿੱਤ-ਬਾਗ ਤੋਰ ਖਾਇ ਬਲ ਆਪਨੋ ਜਨਾਇ ਤਾਂਕੋ ਏਕ
ਪੂਤ ਘਾਇ ਤਬ ਸਿੰਧ ਪਾਰ ਜਾਇ ਹੋਂ । ਲੰਕਹਿ ਜਰਾਇ
ਕੈ ਕਲੰਕਹਿ ਚਵਾਇ ਬਡੇ ਊਧਮ ਮਚਾਇ ਦੂਤ ਰਾਮ ਕੋ
ਕਹਾਇ ਹੋਂ । ਰਾਵਨ ਕੋ ਸਾਵਨਕੇ ਮੇਘ ਜਜੇਂ ਰੁਵਾਇ ਰਾਮ-
ਚੰਦਹ ਸੁਨਾਇ ਬਡੇ ਬਾਂਦਰ ਕਹਾਇ ਹੋਂ । ਔਰ ਜੋ ਕਹੇਂਗੇ
ਬਿਨਾ ਕਹੇ ਕਜੇਂ ਕਰੀਰੇ ਤਬ ਮੇਰੇ ਕਹਾਂ ਜੈਹੈ ਨਾਮ ਸੀਤਾ ਕੋ
ਬਤਾਇ ਹੋਂ ॥ ੭੩ ॥

ਕਬਿੱਤ-ਜੋਹੋਂ ਜੀਅ ਕੋ ਬਿਚਾਰ ਜਾਨਕੀਸੋਂ ਕਹੇਂ ਅਬ ਡਰਹੀ
ਮਰੈਗੀ ਯਹਿ ਜਾਨਤ ਨ ਬਲ ਕੋ । ਆਇਸ ਬਿਨਾ ਜੋ ਕਰੇਂ
ਦੋਖਨਤੇ ਡਰੇਂ ਤਬ ਕਹੈ ਹਨੂਮਾਨ ਹੋਂ ਕਰੇਂ ਤੋ ਏਕ ਛਲ ਕੋ ।
ਢੀਲੇ ਢੀਲੇ ਪਾਇਨ ਸੋ ਸੀਤਾ ਜੂਸੋਂ ਕਹਜੇ ਜਾਇ ਭੂਖਲਾਗੀ
ਬਿਨਾ ਕਹੇ ਬਾਗ ਮੈਂ ਕਜੇਂ ਢਲ ਕੇਂ । ਬੋਲੀ ਸੀਅ ਜੈਸੇ ਤੇਰੇ
ਜੀਅ ਕੋ ਨ ਧੋਖੇ ਹੋਇ ਤੈਸੇ ਤੋਰ ਖਾਹਿ ਕੋਊ ਏਕ ਆਧ ਢਲ
ਕੋ ॥ ੭੪ ॥

ਸੋਰਠਾ--ਸੀਅ ਸੂਧੀ ਬਡਭਾਗ ਕਪਿ ਪਤਿ ਛਲ ਸਮਝੈ ਨਹੀ
 ॥ ਚਕਮਕ ਕੀਸੀ ਆਗ ਹਨੂਮਾਨ ਆਗਯਾ ਲਈ ॥ ੭੫ ॥
 ਵੋਹਰਾ--“ਇਕ ਚੰਚਲ ਕਪਿ ਜਾਤ ਅਤਿ ਆਇਸਕੀਓਸ-
 ਗਾਇ ॥ ਪਟਕ ਪੁੰਛ ਠਾਢੇ ਭਯੋ ਰਾਮ ਤੇਜ ਸੁਲਗਾਇ” ॥ ੭੬ ॥
 ਕਬਿੱਤ--ਪੈਠੋ ਬਨ ਤੇਹੀ ਖਿਨ ਮਨ ਕੀ ਨ ਹੋਸ ਰਾਖੀ ਮਾਰੇ
 ਰਖਵਾਰੇ ਸਬ ਉਚੀ ਕਿਲਕਾਰ ਕੀ ॥ ਭਾਗੇ ਏਕ ਡਾਟੇ ਰੂਖ
 ਮੂਲ ਤੇ ਉਪਾਟੇ ਫਲ ਤੋਰੇ ਮੀਠੇ ਖਾਟੇ ਹਰੀ ਠੌਰ ਹੀ ਸੁ-
 ਛਾਰ ਕੀ । ਆਨ ਪੁਰਹੂਤ ਜਿਨ ਹਾਬਨ ਸਵਾਰੀ ਐਸੀ ਰਾਵਨ
 ਕੀ ਬਾਰੀ ਪਾਤ ਪਾਤ ਡਾਰ ਡਾਰ ਕੀ । ਦੂਤ ਕਹੀ ਬਾਝ ਮਹਾ-
 ਰਾਜ ਉਤਪਾਤ ਭਯੋ ਆਯੋ ਕਪਿ ਏਕ ਤਿਨ ਮਾਰੇ ਹਮ ਹਾਰ
 ਕੀ ॥ ੭੭ ॥

ਕਬਿੱਤ--ਹਰੇ ਹਰੇ ਆਯੋ ਪੇਡ ਹਰਏ ਹਰਾਯੋ ਏਕ ਤਾਕੇ ਮਾਰਬੇ
 ਕੋ ਹਮ ਬਡੀ ਹਾਲ ਹੂਲ ਕੀ ॥ ਪਾਛੇ ਉਨ ਪੁੰਛ ਸੇ ਫਿਰਾਇ ਸਬ
 ਮਾਰ ਡਾਰੇ ਭਾਗੇ ਹਮ ਆਏ ਬਾਤ ਭਈ ਐਸੇ ਸੁਲਕੀ ॥ ਜਾਕੀ
 ਛਬ ਦੇਖੇ ਬਨਨੰਦਨ ਸੇ ਮੀਚੈਂ ਆਂਖ ਸੀਚੈ ਮੇਘ ਮਾਲੀ ਐਸੀ
 ਬਾਰੀ ਨਿਰਮੂਲਕੀ ॥ ਹਮ ਤੋ ਕਹੀ ਹੈ ਬਾਤ ਬਾਗ ਮੈ ਨ
 ਰਹਯੋ ਪਾਤ ਆਸਾ ਜਿਨ ਕਰੇ ਮਹਾਰਾਜ ਫਲ ਫੂਲ ਕੀ ॥
 ੭੮ ॥

ਕਬਿੱਤ--ਜੋਗਵਰਧਰੇ ਪੇਡ ਖਰੇਈ ਸਬਰ ਗਾਢੇ ਬਿਟਪ ਅਬਰ
 ਬਰ ਅੰਬਰ ਛੁਹਤ ਹੈ । ਕੌਰੀ ਮੈਂ ਨ ਆਵੇ ਜਿਨੈ ਬਾਉ ਨ
 ਹਿਲਾਵੈ ਬਲਵਾਨਨ ਝੁਲਾਵੈ ਏਤੇ ਮਾਨ ਡਿਢੀਅਤ ਹੈ । ਸਿਰੋ
 ਮਨ ਬਾਗਨਬਗੀਚਨ ਬਨਨ ਬੀਚਹੁਤੇ ਰਖਵਾਰੇ ਤਹਾਂ ਪੰਛੀਕੀ
 ਨ ਗਤ ਹੈ । ਚਫਤ ਦੁਖਾਰੇ ਹਨੂਮਾਨ ਕੇ ਉਖਾਰੇ ਐਸੇ ਰੂਖ
 ਉਖਰਤ ਜੈਸੇ ਉਖ ਉਖਰਤ ਹੈ ॥ ੭੯ ॥

ਕਬਿੱਤ--ਕੌਨ ਕਪਿ ਆਯੋ ਜਿਨ ਉਧਮ ਮਚਾਯੋ ਐਸੇ ਜਾਇ
 ਮੇਘਨਾਦ ਜਿਨ ਮਾਰੇ ਬਾਂਧ ਲਜਾਈਓ । ਕਾਂਕੇ ਕਹੇ ਕੀਨੋ
 ਉਤਪਾਤ ਵਾਹਿ ਬੂਝੇ ਬਾਤ ਤਾਂਤੇ ਏਕ ਬਾਰ ਵਾਹਿ ਮੋਹਿ ਦਿਖ-

ਰਾਈਓ । ਔਰ ਜੋ ਕਦਾਰ ਕਾਹੂੰ ਦੇਵਤਾ ਕੋ ਹੋਇ ਛਲ ਤੋ ਤੋ
ਤਾਹਿ ਨੀਕੇ ਬ੍ਰਹਮ ਫਾਂਸ ਸੋ ਫਸਾਈਓ । ਮਾਰਿਯੋ ਜਿਨ ਅੱਛ
ਮਤ ਵਹੈ ਬਲੀ ਹੋਇ ਤਾਸੇ ਸਾਵਧਾਨ ਹੈ ਕੈ ਬੇਟਾ ਜੀਤੇ ਘਰ
ਆਈਓ ॥ ੮੦ ॥

ਕਬਿੱਤ-ਚਲਿਓ ਤਬ ਧਾਇ ਨਾਦ ਬਾਜੇ ਸੂਰ ਸਾਜੇ ਸਬ ਜਾ-
ਇ ਢਿਗ ਦੇਖਯੋ ਕਛੂ ਮੇਰ ਸੋ ਬਨਾਯੋ ਹੈ ॥ ਘਰੀ ਦੈਕ ਲਰੇ
ਏਈ ਮਾਰੇ ਉਤ ਕੌਨ ਮਰੇ ਹਾਰ ਪਰੇ ਬ੍ਰਹਮ ਮੰਤ੍ਰ ਪਛਕੈ ਚਲਾ
ਯੋ ਹੈ ॥ ਮਾਨੀ ਬ੍ਰਹਮ ਆਨ ਬੋਲੇ ਕਹਾਂ ਪਾਵੈ ਜਾਨ ਕਪਿ ਯੋਂ
ਨ ਜਾਨੈ ਮੂੜ ਬਪੁਆਪਤੇ ਬੰਧਾਯੋ ਹੈ ॥ ਯਾਂਕੋ ਫਲ ਆਗੇ ਘਰ
ਲਾਗੈ ਜਾਨ ਜੈ ਹੈਂ ਸਬ ਬਾਧ ਹਨੁਮਾਨ ਕੋ ਸੁ ਮੇਘਨਾਦ
ਲਿਆਯੋ ਹੈ ॥ ੮੧ ॥

ਦੋਹਰਾ-ਪੁਰਜਨ ਸੁਰਜਨ ਮਨ ਹਰਖ ਦੇਖ ਹਨੂ ਮੁਸਕਾਹਿ॥
ਇਹ ਬਿਧ ਬਾਂਧੋ ਕਪਿ ਸਹਿਤਰਾਵਨ ਕੀ ਢਿਗਜਾਹਿ ॥ ੮੨ ॥
ਸੋਰਠਾ-ਗਢ ਲੰਕਾ ਸਿਰ ਮੋਰ ਦੇਖ ਹਨੂ ਤਨ ਯੋਂ ਕਹੈ ॥ ਯਹ
ਚਿੰਤਾ ਕੀ ਠੌਰ ਮਨ ਜਾਨੈ ਮੁਖ ਤੇ ਹਸੈ ॥ ੮੩ ॥

ਪ੍ਰਸਨੋਤਰ ਰਾਵਨ ਕੇ ਹਨੁਮਾਨ ਸੋਂ

ਕਬਿੱਤ-ਕੌਨ ਹੈ ਰੇ ਕਪਿ ਹੋਂ ਰੇ ਕੌਨ ਕਪਿ ਹਨੁਮਾਨ ਕਾਕੋ
ਸੁਤ ਨੀਕੇ ਬੁਝ ਅੰਜਨੀ ਕੋ ਪੂਤਹੋਂ । ਕੌਨ ਕਾਜ ਬਾਗ ਤੋਰ
ਡਾਰਜੋ ਸੁਤ ਮਾਰਜੋ ਮੇਰੇ ਭੂਖ ਲਾਗੇ ਤੋਰਜੋ ਅਰਮਾਰਬੇਕੋ ਭੂਤ
ਹੋਂ । ਮੇਰੇ ਆਗੇ ਸੂਰ ਹੈ ਕਹਾਵਤ ਕਹਾਉਂ ਕਜੋਂ ਨ ਤੋਸੇ ਗਿਰਿ
ਤੋਰਬੇ ਕੋ ਬਜ੍ਹ ਪੁਰਹੂਤ ਹੋਂ । ਕਜੋਂ ਹੈਂ ਲੰਕ ਆਯੋ ਰਘੁਬੀਰਹੋਂ
ਪਠਾਯੋ ਕਛੂ ਲਾਗਤਹੈ ਸੇਵਕ ਹੋਂ ਦੂਤਨ ਸੋ ਦੂਤ ਹੋਂ ॥ ੮੪ ॥
ਕਬਿੱਤ-ਜਾਨਕੀ ਲੈ ਜਾਤੇ ਤੋ ਤੇ ਨੈਕ ਨ ਸੰਕਾਤੋ ਮੂਢ ਆਪ
ਨੋ ਹੋਂ ਤਨ ਆਪਕਾਹੇ ਕੋ ਬੰਧਾਵਤੇ । ਕੈਸੇ ਮੇਘਨਾਦ ਆਦਿ
ਜੀ ਸੋਛਾਡ ਦੇਤੇ ਅਰ ਲਰਬੇ ਕੋ ਤੋਸੇ ਸੂਰ ਆਜ ਕਹਾਂ ਪਾਵ-
ਤੇ । ਤੇਰੀਬੀਸਬਾਹਨ ਕੀ ਹੋਂਸ ਨਰਹਿਨ ਦੇਡੇ ਨੈਕ ਰਾਮਚੰਦ
ਜੀ ਕੋ ਆਇਸ ਜੁ ਪਾਵਤੇ ॥ ਕਾਂਸੇ ਕਹੋ ਜਾਇ ਜੈਸੀ ਮਨ ਕੀ

ਸਹਾਇ ਹਾਇ ਹਾਇ ਹਾਇ ਨੀਕੋ ਰਣ ਕੋਤਕ ਦਿਖਾਵਤੇ ॥੮੫॥
 ਕਬਿੱਤ-ਬਡੇ ਬਾਕ ਚਾਲ ਯਾਹਿ ਸੁਝਤ ਨ ਕਾਲ ਨਿਜ ਕਹੋਤੇ
 ਬਿਚਾਰ ਕਪਿ ਕੋਨ ਭਾਂਤ ਮਾਰੀਏ । ਏਕ ਕਹੈ ਬੰਦ ਕੀਜੈ ਏਕ
 ਕਹੈ ਦੀਜੈ ਬਿਖ ਜੀਜੈ ਤਬ ਕੇਉ ਦਿਨ ਐਸੀ ਭਾਂਤ ਟਾਰੀਏ ।
 ਬੋਲਜੇ ਹਨੂਮਾਨ ਹੈ ਤੋ ਐਸੇ ਨ ਮਰੇਂ ਰੇ ਜੈਸੇ ਤੁਮ ਹੋ ਕਹਤ ਮੇਰੇ
 ਬਚਨ ਬਿਚਾਰੀਏ ਪਤਿ ਹੀ ਸੁਗਈ ਅਬ ਹੋਹੂੰ ਮਰਜੇ ਚਾਹਤ
 ਹੋਂ ਤੂਲ ਤੇਲ ਸੋਂ ਲਪੇਟ ਦੇਹ ਮੇਰੀ ਜਾਰੀਏ ॥੮੬॥

ਕਬਿੱਤ-ਔਰ ਭਾਂਤ ਕੇਹੂੰ ਜਬ ਮਾਰਿਯੋਨ ਮਰਤ ਤਬ ਤੈਸੇਈ
 ਬਿਚਾਰਜੇ ਜੈਸੇ ਹਨੂਮਾਨ ਕਹੁੰਦੇ ਹੈ ॥ ਤੂਲ ਸਨ ਤੇਲ ਸੋਤੇ
 ਲਜਾਏ ਮੇਲ ਘ੍ਰਿਤ ਬਾਕੀ ਖਾਸਗੀ ਫੁਲੇਲ ਪਟ ਆਨਜੇ
 ਯਹੈ ਰਹੁੰਦੇ ਹੈ । ਦੇਖੋ ਕਵਿਰਾਮ ਕਛੁ ਭਾਵੀ ਸੋ ਚਲਤ
 ਨਾਹਿ ਜਾਂਤੇ ਘਰ ਜਰੈ ਇਨ੍ਹੈ ਸੋਈ ਬਯੋਤ ਗਹੁੰਦੇ ਹੈ ॥ ਪੈਨ ਪੂਤ
 ਤੂ ਜੋ ਕਹੈ ਰਾਮ ਪੁਰਹੂਤ ਮੇਰੇ ਦੂਤ ਸੋਈ ਕਪਿ ਤਿਨ ਜਾਇ
 ਲੰਕ ਦਹੁੰਦੇ ਹੈ ॥ ੮੭ ॥

ਕਬਿੱਤ-ਬ੍ਰਹਮ ਫਾਂਸ ਛੋਰ ਦੀਨੀ ਆਗੇ ਕਪਿ ਗਯੋ ਭਾਗ ਆ-
 ਪ ਫੂਕ ਲੀਨੀ ਕਹੁੰਦੇ ਰਾਵਨ ਗਵਾਰ ਕੇ ॥ ਜੈਸੇ ਇੰਦ੍ਰ ਬਰਨ
 ਕੁਬੇਰ ਜਮ ਜੀਤਯੋ ਤੈਸੇ ਮੋਹੂ ਜੀਤਯੋ ਚਾਹਤ ਹੈ ਰੁਦ੍ਰ ਅਵਤਾਰ
 ਕੋ ॥ ਬਾਗ ਤੋਰਯੋ ਤੇਰੇ ਪੂਤ ਮਾਰਯੋ ਬੁਧਿ ਦੇਖੀ ਤੇਰੀ ਰਾਮੈ ਕੈਸੇ ਜੀ-
 ਤ ਹੈ ਨ ਜੀਤਯੋ ਪ੍ਰਤਹਾਰ ਕੇ ॥ ਦੇਖਹੁ ਅਬ ਰੰਕ ਲੰਕ ਜਾਰਤ
 ਨਿਸੰਕ ਤੇਰੀ ਤਊ ਨ ਬੁਝੈਗੀ ਜੋਲੋ ਆਇ ਹੋਂ ਕੁਪਾਰਕੋ ॥੮੮॥
 ਕਬਿੱਤ-ਐਸੀ ਰਿਸ ਆਵਤ ਹੈ ਤੋਹੀ ਕੋ ਜਗਾਇ ਜਾਊਂ ਜਾਨ-
 ਕੀ ਲੈ ਜਾਊਂ ਅਬ ਯਹੈ ਹੋਂਸ ਰਹੀ ਹੈ ॥ ਕਹਾਂ ਕਰੇ ਰਾਮ ਚੰਦ ਅੰਗਦ
 ਸੁਗ੍ਰੀਵ ਜਾਂ ਮਵੰਤ ਨਲ ਨੀਲ ਜੁਰ ਏਕ ਬਾਤ ਕਹੀ ਹੈ ॥
 ਸੀਤਾ ਸੋਧ ਲਜਾਇ ਜਾਇ ਰਾਵਨ ਪਚਾਰ ਮਾਰੇ ਹੋਹੂੰ ਬਜ੍ਜ
 ਭੁਜਦੰਡ ਸੋਪਕਰ ਮਾਰੇ ਮਹੀ ਹੈ ॥ ਐਸੀ ਜੋ ਨ ਹੋਤੀ ਤੇਰੇ ਛਾਡਤੇ
 ਨਗੋਤੀ ਕੇਉ, ਹੈ ਨ ਬਸਵਾਂਸੋ ਰਾਮ ਰਾਜਗਾਹ ਗਹੀ ਹੈ ॥ ੮੯ ॥
 ਕਬਿੱਤ-ਰਾਮ ਬਲ ਪ੍ਰਥਮ ਗਨੇਸ਼ ਕੋ ਮਨਾਇ ਚਲਜੇ, ਜਾਤਹੀ

ਤੋ ਕਲਸ ਜਰਾਏ ਅਰਿ ਧਾਮਕੇ ॥ ਸਿੰਘ ਪੌਰ ਜਾਰੀ ਉਚੇ
 ਚੌਪਟਾ ਅਟਾਰੀ ਭਲੀ ਕਰੀ ਰਾਮ ਦੂਤ ਇਨਹੂੰ ਚਲਾਏ ਚਾਮ
 ਕੇ ॥ ਰਾਵਨ ਨਿਹਾਰ ਰਹਜੇ ਸਭਾ ਮੇਂ ਪੁਕਾਰ ਕਹਜੇ ਬਡੇਦਿਨ
 ਮੇਲੇ ਇਨ ਏਕ ਦੂਤ ਰਾਮਕੇ ॥ ਪਾਇਨ ਹਜੂਰ ਤਿਨ ਸੂਰਨਕੇ
 ਕੌਨ ਗਨੈ ਜਾਂਕੇ ਪ੍ਰਤਿਹਾਰ ਕਪਿ ਏਤੇ ਬਡੇ ਕਾਮ ਕੇ ॥ ੯੦ ॥
 ਕਬਿੱਤ—“ਪਾਛੇ ਕਹਜੇ ਲੰਕਪਤਿ ਸੁਨੋ ਹਨੂਮਾਨ ਕਪਿ ਰਾਮ
 ਚੰਦ ਹੀ ਕੋ ਏਕ ਤੈਹੀ ਖਾਯੋ ਲੋਨ ਹੈ ॥ ਸਾਰੀ ਕਹਿ ਜੋ ਤੂੰ
 ਅਵਤਾਰ ਹੈ ਉਮਾਪਤਿ ਕੋ ਤੋਤੇ ਹੋਂ ਭਗਤ ਤੋ ਸੋ ਨਾਤੇ ਪਾਨੀ
 ਪੈਨ ਹੈ ॥ ਜੀਅ ਮੈਨ ਕ੍ਰੋਧ ਕਰ ਜਾਹਿ ਅਬ ਕੇਹੂੰ ਟਰ ਨਗਰ
 ਜਰਾਂਵੈਂ ਜਿਨ ਸਾਧਿਓ ਹਮ ਮੈਨ ਹੈ ॥ ਬੋਲਜੋ ਤਬ ਜੋ ਹੋਂ ਸ਼ਿਵ
 ਭਯੋ ਤੋ ਕਹਾਂ ਹੈ ਗਯੋ ਰਾਮ ਕੋਪਆਗੇ ਰੁਦ੍ਰ ਮਹਾਂ ਛੁਦ੍ਰ ਕੌਨ ਹੈ
 ॥ ੯੧ ॥

ਕਬਿੱਤ—ਜਾਨੀ ਜਬ ਬਾਤ ਤਬ ਰਾਜਾ ਬਿਲਲਾਤ ਡੋਲੈ ਮੋਂਤੇ
 ਅਪਰਾਧ ਭਯੋ ਤਾਕੋ ਫਲ ਪੇਖੀਏ ॥ ਸ਼ੰਕਰ ਇਕਾਦਸ ਮੈਂ
 ਦਸੋ ਸੀਸ ਕਾਟ ਕਾਟ ਪੂਜੈ ਦਸ ਰਹਜੇ ਏਕ ਕਾਂਸੋ ਅਭਿਖੇਕੀ
 ਏ ॥ ਤਾਤੇ ਲੰਕਜਾਰੀ ਸੇਵਾ ਮਾਨੀ ਨ ਹਮਾਰੀ ਅਬ ਆਗਈ
 ਕੁਸਲ ਜਬ ਹੈ ਹੈ ਤਬ ਲੇਖੀਏ ॥ ਜਾਨਤ ਹੋਂ ਮੇਰੇ ਪ੍ਰਭੁ ਮੋਹਿ
 ਸਮਝਾਵਤ ਹੈ ਰੁਦ੍ਰਨ ਕੇ ਝੰਡਨ ਮੇਂ ਭੇਦ ਕੋ ਨ ਦੇਖੀਏ ॥ ੯੨ ॥
 ਦੋਹਰਾ—ਇਹ ਬਿਧ ਰਾਵਨ ਲੰਕਪਤਿਮਨਹਿ ਰਹਜੇ ਮੁਰਝਾਇ
 ॥ ਜਹ ਜਹ ਕਪਿਜਾਰਤਫਿਰੈ ਤਹੀ ਨਿਰਖਮਰਜਾਇ ॥ ੯੩ ॥
 ਕਬਿੱਤ—ਪੁੰਛ ਪਰਜਾਰੇ ਤੇ ਬਿਰਾਜ ਮਾਨ ਹਨੂਮਾਨ ਮਾਨੋ
 ਬੜਵਾ ਅਨਲ ਸਿੰਧੁ ਅਕੁਲਾਤ ਹੈ ॥ ਕਿਧੇ ਮੇਘ ਸੰਗ ਕੋਟ
 ਬੀਜਰੀ ਕੇ ਪੁੰਜ ਕਿਧੇ ਭੀਜੋ ਨੈਨ ਸੋ ਤਿਨੈਨ ਮੈਨ ਉਤਪਾ-
 ਤ ਹੈ ॥ ਕਿਧੇ ਹੇਮ ਗਿਰਿ ਨਭ ਮੰਡਲ ਸੇ ਡੋਲੇ ਕਿਧੇ ਸੂਰਜ
 ਸੋ ਮਿਲਿਓ ਇੰਦ੍ਰ ਧਨੁਖ ਸੁਹਾਤ ਹੈ ॥ ਔਰੈ ਛਬਿ ਰਾਮ ਕਵਿ
 ਮਾਨੋ ਰਾਮਚੰਦ ਡਰ ਰਾਵਨ ਪ੍ਰਚੰਡ ਕੋ ਪ੍ਰਤਾਪ ਭਾਜਿਓ ਜਾਤ
 ਹੈ ॥ ੯੪ ॥

ਕਬਿੱਤ-ਛਾਡ ਛਾਡ ਛੋਹਰਨ ਭੋਹਰਨਸੌਜ ਡਾਰ ਛਪਿ ਜਲ
ਜੋਹਰ ਹੁਤਾਸਨ ਕੈ ਤ੍ਰਾਸ ਤੇ ॥ ਜਾਤਨ ਬੁਝਾਈ ਛਿਨ ਛਿਨ
ਹੈਹੈ ਸਵਾਈ ਲਾਈ ਹਨੂਮਾਨ ਕੀਨ ਬੁਝੈ ਪੁਸ ਪਾਸਤੇ॥ਸੋਨੇ
ਕੀ ਅਟਾਰੀ ਚਿਤ੍ਰ ਸਾਰੀ ਪਰਜਾਰੀ ਜੈਸੇ ਘਾਸ ਕੀ ਪਟਾਰੀ
ਜਰ ਗਈ ਲੇਤ ਸਾਸਤੇ॥ਦਾਂਤਨ ਚਬਾਇ ਹਾਇਪਕਰਿਓ ਨ
ਜਾਇ ਕਪਿ ਭਾਜਗਈ ਰਾਨੀ ਸਬ ਰਾਵਨ ਕੇਪਾਸ ਤੇ ॥ ੯੫
ਕਬਿੱਤ-ਲਾਗੀ ਚਹੂੰ ਓਰ ਆਗ ਸੂਤੇ ਸਬ ਉਠੇ ਜਾਗ ਛੁਹੇ
ਕਾਹੂ ਕੇ ਨ ਪਾਗ ਏਕ ਚਲੇ ਜਾਤ ਹੈਂ ॥ ਭੂਤੇ ਹੈ ਰਹੇ ਹੈਂ ਤੇ
ਅਛੂਤੇ ਨ ਰਹਨ ਪਾਏ ਹਨੂਮਾਨ ਜੀ ਤੇ ਗਹਿਓ ਦਾਂਤਨ ਸੋ
ਪਾਤ ਹੈ ॥ ਕੀਨੋ ਜਿਨ ਰਾਵਨ ਨਿਪੂਤੇ ਜਮਹੂੰ ਤੇ ਜਮ ਕੂਤੇ
ਖੇਤ ਮੁੰਡ ਅਜਹੂੰ ਤੇ ਨ ਸਿਰਾਤ ਹੈ ॥ ਪਰੀ ਦਿਨਹੂੰ ਤੇ ਰੌਰ ਹੈ
ਗਏ ਕਪੂਤ ਸਬ ਰਾਮਚੰਦ ਦੂਤ ਇੰਦ੍ਰਹੂੰ ਤੇ ਨ ਡਰਾਤ ਹੈ॥੯੬
ਸਵੈਯਾ-ਜਾਂ ਛਿਨ ਰਾਮ ਸੋ ਬੈਰ ਕੀਯੋ ਸਠ ਤਾਂ ਦਿਨ ਤੇਮਤ
ਹੈ ਗਈ ਕਾਚੇ ॥ ਲੰਕਪਤੀ ਗ੍ਰਹਿ ਮੈਂ ਸੀਅ ਆਂਨ ਸੁਦੈ ਕਰ
ਤਾਲ ਭਲੀ ਬਿਧਿ ਨਾਚੇ ॥ ਪੂਛ ਸੋ ਲਾਇ ਜਗਾਇ ਦਏ
ਹਨੂਮਾਨ ਸੁਨਾਰਕੇ ਢਾਰਤ ਸਾਂਚੇ ॥ ਰਾਵਨ ਕੇ ਪਰ ਪੰਚਨ ਤੇ
ਜਰੇ ਕੰਚਨ ਕੇ ਗ੍ਰਹਿ ਰੰਚ ਨ ਬਾਚੇ ॥ ੯੭ ॥

ਸਵੈਯਾ-ਫੂਲ ਗਯੋ ਅਮਰੇਸ਼ਦਿਨੇਸ਼ ਗਨੇਸ਼ ਮਹੇਸ਼ ਸਸੀ ਸਬ
ਹੀਂਤੇ ॥ ਸੂਰਜਬੰਸ ਸਿਰੋਮਣਿ ਹੈ ਸੁਨ ਸ੍ਰੀ ਰਘੁਬੀਰ ਭਏ ਜਬ
ਹੀਂਤੇ ॥ ਜਜੋਂ ਮਣਿ ਕੋਢਨਿ ਰਾਜ ਨਿਹਾਰ ਡਰੇ ਨ ਰਤੀ ਤਮ
ਰੂਪ ਮਹੀਤੇ ॥ਜਾਰਕੈ ਰੰਕ ਨਿਸੰਕਭਯੋ ਕਪਿ ਰਾਵਨ ਰੰਕ ਭਯੋ
ਤਬ ਹੀ ਤੇ ॥ ੯੮ ॥

ਕਬਿੱਤ-ਖਾਸੀ ਚਿਤ੍ਰ ਸਾਰੀ ਚਿਤ੍ਰ ਹੀਰਨ ਸਵਾਰੀ ਧਾਇ ਤੇ-
ਈ ਤੇ ਜਗਾਈ ਜਰ ਗਈ ਲੇਤ ਸਾਸ ਤੇ ॥ ਲੋਗ ਭਾਗੇ ਜਾਤ
ਪਾਛੇ ਓਢਨਾ ਜਰਤ ਜਾਤ ਕੈਸੇ ਸੁਖ ਪੱਯੇ ਬਿਨ ਲੰਕ ਪਤਿ
ਨਾਸ ਤੇ ॥ ਚੌਹਟਾ ਬਜਾਰ ਜਰੈ ਬੀਬੀ ਚਟਸਾਰ ਜਰੇ ਘੋੜਾ
ਹਥੀਯਾਰ ਜਰੇ ਕਪਿਕੇ ਬਿਲਾਸਤੇ ॥ ਜਾਰੀ ਹਨੂਮਾਨ ਪਰ

ਜਾਰੀ ਸੀਤਾ ਜੂਕੇ ਸਤਛਾਰ ਹ੍ਵੈਨ ਗਈ ਸੁਵਿਭੀਛਨ ਕੇ ਵਾਸਤੇ ॥
੬੯ ॥

ਕਬਿੱਤ—ਪਾਵਨ ਪਵਨ ਪੂਤ ਦੂਤ ਰਘੁਬੀਰ ਜੂਕੇ ਤੀਰ ਦਸ
ਕੰਧ ਕੇ ਨ ਨੈਕ ਸਕੁਚਾਤ ਹੈ ॥ ਰਾਮ ਬਲਡੀਠ ਨੈਕ ਨੀਚੇ ਨ
ਕਰਤ ਡੀਠ ਬੋਲੇ ਹਨੂਮਾਨ ਕੇ ਨਪਟਕਤ ਪਾਤ ਹੈ ॥ ਸਬੈ ਸਹ
ਰਹੇ ਢੇਰ ਉਤਰ ਨ ਕਹੇ ਯੋਹੂੰ ਕਹੇਂ ਕਜੇਂ ਹੂੰ ਜਾਇ ਬੋਲੇ ਦੋਰ
ਫਾਰ ਖਾਤ ਹੈ ॥ ਮਨਮੋ ਨ ਸ਼ੰਕਾ ਜਾਕੇ ਐਸੇ ਗਢ ਬੰਕਾ ਐਸੀ
ਲੰਕਾ ਜਾਰੇ ਬੀਰ ਜਸ ਡੰਕ ਦੀਏ ਜਾਤ ਹੈ ॥ ੧੦੦ ॥

ਕਬਿੱਤ—ਐਸੀ ਭਾਂਤਿ ਜਾਰੀ ਲੰਕ ਸਮੁੰਦ ਪਖਾਰੀ ਪੋਛ ਸਮਾ-
ਧਾਨ ਹੋਤ ਜਾਨਕੀ ਕੇ ਸਿਰ ਨਾਯੋ ਹੈ । ਬਾਗ ਮੈਂ ਉਪਾਰਿਯੋ
ਵਾਕੇ ਬੇਟਾ ਏਕ ਮਾਰਿਓ ਮਾਤਾ ਗਾਂਉ ਪਰ ਜਾਰਜੇ ਐਸੇ ਬਚਨ
ਸੁਨਾਯੋ ਹੈ । ਰਾਮ ਕਾਮ ਕੀਨੋ ਔਰ ਮੈਂਹੂੰ ਜਸ ਲੀਨੋ ਰਘੁਬੀ-
ਰ ਕੇ ਰਤਨ ਦੀਨੋ ਹੋਂ ਤੇ ਸੋ ਬਚਾਯੋ ਹੈ । ਮੁਖ ਮੈ ਦਿਖਾਇ
ਏਕ ਦੰਤ ਕੇ ਮਨਾਇ ਤਬ ਹਨੂਮਾਨ ਫਾਂਦ ਸਿੰਧ ਰਾਮ ਢਿਗ
ਆਯੋ ਹੈ ॥ ੧੦੧ ॥

ਕਬਿੱਤ—ਦੂਰਹੀ ਤੇ ਦੇਖ ਰਘੁਬੀਰ ਸੁਖ ਪਾਯੋ ਕਹਜੇ ਦੇਖੋ ਹਨੂ-
ਮਾਨ ਆਯੋ ਲਾਗਤ ਸੁਹਾਵਨੋ ॥ ਖੇਤਨ ਉਪਾਰਤ ਹੈ ਬੋਲੈ ਤਾਂਹਿ
ਮਾਰਤ ਹੈ ਜਾਨਤ ਹੈ ਸੀਤਾ ਸੋਧ ਆਜ ਹਮੈ ਪਾਵਨੋ ॥ ਮਾਥੇ
ਚਰਨਾਰ ਬਿੰਦ ਉਪਰ ਲੁਠਾਇ ਰਘੁਗਾਇ ਸੁ ਉਠਾਇ ਕੀਓ
ਛਾਤੀ ਸੋ ਲਗਾਵਨੋ ॥ ਬੋਲਜੇ ਪੈਨ ਪੂਤ ਮੈਂ ਸਪੂਤੀ ਕੌਨ ਕਰੀ
ਨਾਥ ਪਾਇਨ ਤੇ ਘਰੀ ਦ੍ਵੈਕ ਮੋਹੂ ਨ ਉਠਾਵਨੋ ॥ ੧੦੨ ॥

ਕਬਿੱਤ—ਪੀਓ ਨ ਸਮੁੰਦਰ ਬਾਰਿ ਲੰਕ ਨਕਰੀ ਉਜਾਰ ਜਾਨਕੀ
ਨ ਲਜਾਯੋ ਕੌਨ ਕਾਜ ਕੀਓ ਜਾਇ ਕੈ । ਤਾਂਤੇ ਮੇਰੇ ਅੰਗ
ਕੈਸੇ ਸ੍ਰੀ ਅੰਗ ਸੋ ਮਿਲੈ ਰਾਮ ਰਾਵਨ ਕੇ ਸੀਸ ਨ ਬਖੇਰੇ ਆਗੇ
ਆਇ ਕੈ । ਕਹਾ ਭਯੋ ਸਿੰਧ ਫਾਂਦ ਗਯੋ ਸੀਅ ਦੇਖ ਆਯੋ ਮਾ-
ਰਜੇ ਅੱਛ ਲੰਕ ਗੜ ਦੀਓ ਹੈ ਜਰਾਇਕੈ । ਸੀਤਾ ਕੋ

ਦੀਨੋਪਾਨ ਕੇ ਪਤਨ ਰਾਖਯੋਬੁਝਤ ਸੰਦੇਸੇ ਰਘੁਨਾਥ ਮੁਸਕਾ-
ਇਕੈ ॥ ੧੦੩ ॥

ਸਵੈਯਾ—ਐਹੋ ਹਨੂ ਕਹਯੋ ਸ੍ਰੀ ਰਘੁਬੀਰ ਕਛੂ ਸੁਧ ਹੈ ਸੀਅ ਕੀ
ਛਿਤ ਮਾਹੀਂ । ਹੈ ਪ੍ਰਭੁ ਲੰਕ ਕਲੰਕ ਬਿਨਾਸੁ ਬਸੈ ਤਹ ਰਾਵਨ
ਬਾਗ ਕੀ ਛਾਂਹੀ । ਜੀਵਤ ਹੈ ਕਹਬੇਈ ਕੋ ਨਾਥ, ਸੋ ਕਿਉਂ ਨ
ਮਰੀ ਹਮ ਤੇ ਬਿਛੁਰਾਹੀ । ਪ੍ਰਾਨ ਬਸੈ ਪਦ ਪੰਕਜ ਮੈਂ ਜਮ
ਆਵਤ ਹੈ ਪਰ ਪਾਵਤ ਨਾਹੀਂ ॥ ੧੦੪ ॥

ਸਵੈਯਾ—ਫਾਂਧ ਗਯੋ ਸਤ ਜੋਜਨ ਸਿੰਧੁ ਪਰਜੋਲੰਘ ਬਾਰਿ ਹਨੂ
ਤਨ ਹੋਰੇ । ਫਾਂਸ ਪਰੇ ਦੁਖ ਆਂਚ ਲਗੀ ਨਹਿ ਫੂਕ ਦੈ ਲੰਕ
ਨਿਸ਼ੰਕ ਨਿਬੇਰੇ । ਖਾਈ ਯੋ ਕੰਠ ਮ੍ਰਿਨਾਲ ਜਜੋਂ ਹੋਰੀ ਜਜੋਂ
ਸ੍ਰੀ ਰਘੁਬੀਰ ਛੁਹੇ ਤਨ ਤੇਰੇ । ਜੈਸੇ ਕਛੂ ਸੀਅ ਨੈਨ ਕੇ ਨੀ-
ਰ ਪਰਜੋ ਨਿਧਿ ਤੀਰ ਗਯੋ ਬਲ ਮੇਰੇ ॥ ੧੦੫ ॥

ਸਵੈਯਾ—ਮੇ ਪ੍ਰਭੁ ਆਨ ਸੁ ਜਾਨ ਮਹਾਂ ਰਘੁਬੀਰ ਸੁਨੋ ਹਨੂਮਾ-
ਨ ਸੁਨਾਵੈ ॥ ਤੋ ਲਗ ਤਾਲ ਤਮਾਲ ਬਿਸਾਲ ਪਖਾਨਨ ਸੋ
ਨਿਧਿ ਨੀਰ ਪਟਾਵੈ ॥ ਜੋਲਗ ਜਾਨਕੀ ਨੈਨ ਸਮੁੰਦਰ ਕੇ
ਸੰਗ ਆਂਸੁਨ ਹੋਨ ਨ ਪਾਵੈ ॥ ਡਾਟ ਕਹੈ ਕਪਿ ਜੁਥਨ ਸੋ
ਬਹੁਰੇ ਬਿਧਿ ਬੰਧ ਕਿ ਆਪ ਬੰਧਾਵੈ ॥ ੧੦੬ ॥

ਦੋਹਰਾ—ਜੁਗਲ ਸਿੰਧ ਕੀ ਕਹਕਥਾ ਪੰਡਿਤ ਜਜੋਂ ਸੁਖਦਾਇ
। ਤਬ ਸੀਤਾ ਕੇ ਅੰਗ ਕੀ ਕਹਤ ਹਨੂਸਿਰਨਾਇ ॥ ੧੦੭ ॥

ਕਬਿੱਤ—ਦੁਬਰੀ ਤੋ ਐਸੀ ਦੇਖੀ ਸੁਨੋ ਰਘੁਰਾਇ ਜਾਂਕੇ ਆਗੇ
ਦੁਜ ਸਸਿ ਕੀ ਕਲਾ ਤੋ ਅਤਿ ਪੀਨ ਹੈ ॥ ਪੀਰੀਇਹ ਭਾਂਤਿ
ਜਾਂਤੇ ਹਰਵੀ ਕਸੰਭ ਰੰਗ ਆਂਸੁਨਕੈ ਆਗੇ ਮੇਹ ਸਾਵਨ ਕੇ
ਹੀਨ ਹੈ ॥ ਬਿਰਹਿ ਕੇ ਸਾਸਨ ਕੇ ਆਗੇ ਆਗ ਐਸੇ ਜੈਸੇ ਮਹ।
ਹਿਮ ਬੋਲ ਮੁਖ ਸਾਸਨ ਅਧੀਨ ਹੈ । ਜਨਕ ਸੁਤਾ ਕੋ ਏਕ
ਪਤਿਬ੍ਰਤਸੀਲਸੁਨਔਰਦੇਖਦੇਖਮੈਂ ਤੋਵਾਰੇਪੁਰਤੀਨਹੈ ॥ ੧੦੮ ॥

ਦੋਹਰਾ—ਹਸ ਬੋਲੇ ਰਘੁਬੰਸ ਮਣਿ ਪਵਨ ਪੂਤ ਪਰਬੀਨ ॥
ਬੁਝਤ ਤੋ ਕਹ ਲੱਛਮਨ ਕਥਾ ਕਹੈ ਅਬ ਤੀਨ ॥ ੧੦੯ ॥ ॥

ਸੋਰਠਾ—ਰਾਵਨਨਗਰ ਸਮੇਤ ਅਰ ਜਲਨਿਧਿ ਕਜੇਂ ਤਰਗਯੋ ।
ਅਗਨਿਲੰਕਕੇ ਦੇਤਲੰਕਾਪਤਿਚੁਪ ਕਜੇਂ ਕਰੀ ॥ ੧੧੦॥

ਸਵੈਯਾ—ਜਾਨਤ ਹੋ ਹਮ ਤੋ ਕਪਿ ਹੈਂ ਚਢਿ ਰੂਖਨ ਕੇ ਫਲ ਕੇ
ਅਨੁਰਾਗੀ ॥ ਔਰ ਬਡੇ ਯਹਿ ਪੌਰਖ ਹੈ ਇਹ ਡਾਰਤੇ ਡਾਰ
ਪਰੈ ਤਰੁ ਲਾਗੀ ॥ ਸ੍ਰੀ ਰਘੁਬੀਰ ਕੇ ਨਾਮਹਿ ਲੈ ਭਵ ਪਾਰ
ਪਰੈ ਜਗ ਮੈਂ ਬਡਭਾਗੀ ॥ ਤਾਂਹੀ ਕੋ ਧਯਾਨ ਕੀਓ ਮਨ ਮੈਂ
ਮੁਹਿ ਬਾਰਿਧ ਲਾਂਘਤ ਬਾਰਨ ਲਾਗੀ ॥ ੧੧੧॥

ਦੋਹਰਾ—ਕਹਤ ਬਡਾਈ ਆਪਨੀ ਹਨੁਮਾਨ ਸਕੁਚਾਤ ॥ ਸਿੰਧ
ਕਥਾ ਕਹਿ ਲੰਕਕੀ ਕਹਤ ਰਾਮ ਸੋ ਬਾਤ ॥ ੧੧੨ ॥

ਸਵੈਯਾ—ਕੋਪ ਭਯੋ ਤਹਾਂ ਪਾਵਕ ਕੋ ਪ੍ਰਭੁ ਕੰਚਨ ਕੋ ਗਢ ਐਸੇ
ਜਗਯੋ ॥ ਸ੍ਰੀ ਰਘੁਬੀਰ ਬਿਯੋਗ ਭਰੇ ਪੁਨ ਜਾਨਕੀ ਸ੍ਰਾਸਨ
ਪੋਨ ਪੁਜਾਯੋ ॥ ਤੇਲ ਸੋਂ ਤੂਲ ਭਿਜੈ ਘ੍ਰਿਤ ਸੋ ਪਟ ਤਾਂਹੀ ਕੇ
ਊਪਰ ਹੋਂ ਧਰ ਆਯੋ ॥ ਦੇਖਹੁ ਨਾਥ ਬਡੇ ਯਹਿ ਕੌਤਕ ਲੋਗ
ਕਹੇ ਹਨੁਮਾਨ ਜਗਯੋ ॥ ੧੧੩ ॥

ਦੋਹਰਾ—ਅਬ ਰਾਵਨ ਕੇ ਨਗਰ ਕੀ ਕਥਾ ਕਹਤ ਹਨੁਮਾਨ ॥
ਸੁਨਤ ਰਾਮ ਚਿਤਚੌਪਸੋਂ ਸੰਤਸੁਨਹੁ ਦੈਕਾਨ ॥ ੧੧੪ ॥

ਕਬਿੱਤ—ਕਥਾ ਹੈ ਨਿਦਾਨ ਕੀ ਨ ਰੁਦ੍ਰ ਸਨਮਾਨ ਕੀ ਨ ਬਾਨ
ਨ ਕਮਾਨ ਕੀ ਨ ਕਥਾ ਰਾਗ ਤਾਨ ਕੀ ॥ ਰਹੀ ਨ ਗੁਮਾਨ ਕੀ ਨ
ਕਹੂੰ ਚਢ ਜਾਨਕੀ ਨ ਪੌਰਖ ਪ੍ਰਮਾਨ ਕੀ ਨ ਕਥਾ ਖਾਨ ਪਾਨ
ਕੀ ॥ ਬੇਦ ਨ ਪੁਰਾਨ ਕੀ ਨ ਸੁਨੀਏ ਸਯਾਨ ਕੀ, ਹੋਂ ਝੂਠ ਜੋ
ਕਹੇਂ ਤੋ ਸੋਹ ਰਘੁਕੁਲ ਭਾਨਕੀ ॥ ਰਾਮ ਡਰ ਰਾਵਨ ਕੇ ਨਗਰ
ਦਗਰ ਘਰ ਬਗਰ ਬਜਾਰ ਆਜ ਕਥਾ ਭਾਜ ਜਾਨਕੀ ॥ ੧੧੫॥

ਦੋਹਰਾ—ਇਹ ਬਿਧਿ ਸਬ ਸੁਖ ਸੋ ਬਚਨ ਸੁਣੇ ਰਾਮ ਪਰਬੀਨ ।
ਹਨੁਮਾਨ ਸੋ ਯੋਂ ਕਹਿਯੋ ਜਯੋਂ ਹੈ ਦੈ ਤਿਉਂ ਤੀਨ ॥ ੧੧੬ ॥

ਇਤਿ ਖਸ਼ਟਮੋ ਅੰਕ ੬

ਅਥ ਸਪਤਮੋਂ ਅੰਕ

—:—

ਕਬਿੱਤ—ਚੰਦ੍ਰਮਾਂ ਚਕੋਰ ਜੈਸੇ ਗੁਡੀ ਬਸ ਡੋਰ ਘਨ ਘੋਰਨ ਸੇ
ਮੋਰ ਦੇਵਤਾ ਪਸੂਖ ਪਾਨ ਸੇ ॥ ਜੈਸੇ ਉਖ ਪੂਖ ਪਾਨ ਫੂਲ ਜਲ
ਰੂਪ ਭੂਪ ਦੇਸ ਕਵਿ ਜਸ ਸੁਨੋ ਬਾਮਨ ਕੋ ਦਾਨ ਸੇ ॥ ਜੈਸੇ ਬੇਦ
ਗਿਆਨ ਨਿਰਪੇਖ ਸਨਮਾਨ ਜੈਸੇ ਕਾਨਨ ਕੋ ਤਾਨ ਜਿਉਂ ਸ
ਰੋਜ ਭੋਰ ਭਾਨ ਸੇ ॥ ਜੈਸੇ ਬੀਰ ਬੀਰਸੇਂ ਜਜੋਂ ਬਾਰਿਧ ਕੋ ਤੀਰ
ਸੇਂ ਤਿਉਂ ਐਸੀ ਪ੍ਰੀਤਿ ਲਾਗੀ ਰਘੁਬੀਰ ਹਨੁਮਾਨ ਸੇਂ ॥ ੧ ॥

ਦੋਹਰਾ—ਤਾਂ ਪਾਛੇ ਕਪਿ ਕਟਕ ਕੀ ਅਟਕ ਚੁਕੀ ਕਵਿ ਰਾਮ ।
ਸ੍ਰੀ ਰਘੁਪਤਿ ਸ੍ਰੀ ਮੁਖ ਕਹਿਓਂ ਅਬ ਬਿਲੰਬ ਕਿਹ ਕਾਮ ॥ ੨ ॥
ਸੋਰਠਾ—ਸਬੈ ਚਲੈ ਕਪਿ ਨਾਥ ਸੁਭਦਿਨ ਘਰੀ ਨਿਖੜ ਪਲਾ
ਰਾਮ ਲਖਨ ਪੁਨ ਸਾਥ ਦਸਮੀ ਬਿਜੈ ਪ੍ਰਸਿਧ ਦਿਨ ॥ ੩ ॥

ਸੋਰਠਾ—ਨਿਰਖ ਕਟਕ ਭਟ ਭੀਰ ਪਟਕ ਪੁੰਛ ਚਿਤ ਹਰਖਸੇ ।
ਚਲ ਰਘੁਪਤਿ ਕੇ ਤੀਰ, ਹਨੁਮਾਨ ਬਿਨਤੀ ਕਰੈ ॥ ੪ ॥

ਸਵੈਯਾ—ਨਾਥ ਚਲੇ ਉਮਡੇ ਕਪਿ ਰਾਇ, ਸੁ ਲਾਇਕ ਹੈਂ ਸਬ
ਜੁੱਧ ਅਨੀਕੀ । ਹਾਲਤ ਨਾਉ ਚਢੇ ਗਜਕੇ, ਤੈਸੇ ਦੇਖਤ ਹੂੰ
ਗਤਿ ਯਾ ਧਰਨੀਕੀ । ਭੂਤਲ ਬਿਓਮ ਪਰੀ ਜਨਰਾਤ ਗਈ
ਦਬ ਧੂਪ ਪ੍ਰਭਾਤ ਮਨੀਕੀ । ਭਾਰ ਤੈ ਕੱਛਪ ਕੇ ਸਿਰ ਉਪਰ
ਫੈਲ ਰਹੀ ਫਨਿ ਮਾਲ ਫਨੀਕੀ ॥ ੫ ॥

ਕਬਿੱਤ—ਕਹਿਓਂ ਰਘੁਬੀਰ ਸੁਨ ਬੀਰ ਹਨੁਮਾਨ ਕਪਿ, ਜੁਥ
ਇਨ ਬਾਤਨ ਕੋ ਲਾਗਤ ਸੁਹਾਵਨੋ । ਭੂਮਿ ਭਾਰ ਦੀਬੇ ਕੋ ਕਿ
ਸੂਰ ਢਾਂਪ ਲੀਬੇ ਕੋ, ਸਮੁੰਦ੍ਰ ਕੀਚ ਕੀਬੇ ਕੋ ਕਿ ਕਿ ਪਾਨ ਕੋ
ਸੁਕਾਵਨੋ । ਕੂਰਮ ਕਲੇਸ ਕੋ ਕਿ ਸ਼ੋਰ ਦੇਸ ਦੇਸ ਕੋ ਕਿ ਹਾਲ
ਹੁਲ ਆਗੇ ਕਰ ਉਧਮ ਮਚਾਵਨੋ । ਤੇਰੇ ਭੁਜਦੰਡ ਕੇ ਪ੍ਰਤਾਪ ਕੇ
ਭਰੋਸੇ ਮੋਹਿ, ਰਾਵਨ ਸੇ ਮਾਰ ਜਸ ਦੁੰਦ ਭੀ ਬਜਾਵਨੋ ॥ ੬ ॥

ਦੋਹਰਾ—ਕਰੀ ਬਡਾਈ ਦਾਸ ਕੀ, ਆਪਨ ਸ੍ਰੀ ਰਘੁਬੀਰ। ਬਨ
ਪੁਰ ਪੱਟਣ ਨਗਰ ਤਜ, ਨਿਜ ਕਾਨੇ ਨਿਧ ਨੀਰ ॥ ੭ ॥

ਸੋਰਠਾ—ਦੇਖ ਗਾਉਂ ਕੀ ਨਾਰਿ, ਨਿਜ ਮਾਨਸ ਸੇ ਯੋਂ ਕਹੈਂ ।
 ਰਾਜ ਸਮਾਜ ਬਿਸਾਰ, ਚਲੇ ਲਰਨ ਦੈ ਤਾਪਸੀ ॥ ੯ ॥

ਸੋਰਠਾ—ਤੇ ਕਪਿ ਕਹੈਂ ਬਿਬੇਕ, ਤੁਮ ਪ੍ਰਤਾਪ ਜਾਨਤ ਨਹੀਂ ।
 ਜੇ ਰਘੁਪਤਿ ਹੈਂ ਏਕ, ਅਰ ਕੁਲ ਬਨ ਦਾਵਾ ਅਨਲ ॥ ੧੦ ॥

ਕਬਿੱਤ—ਕਹਾ ਭਯੋ ਜੈਨ ਸੰਗ ਬਾਰਨ ਤੁਰੰਗ ਰਥ ਚਾਮਰਧੁਜਾ
 ਨ ਛਤ੍ਰ ਚਾਮਰ ਨ ਪਾਲਕੀ ॥ ਹਾਥ ਨ ਕਮਾਨ ਕਟਿ ਬਾਨ
 ਰਨ ਸੁਲ ਨਹੀਂ, ਕਾਹੂਕੇਤ੍ਰਿਸੁਲਹੈ ਨ ਦੇਖੀ ਛਬ ਢਾਲਕੀ ।
 ਰੀਛ ਕਪਿ ਸੰਗ ਝੁੰਡ ਰਾਜਾਕੇ ਜਟਾ ਹੈ ਮੁੰਡ, ਰਾਵਨ ਸੇਂ ਬੈਰ
 ਸਿੰਧ ਬਾਂਧਿਓ ਬਡੇ ਸਾਲਕੀ । ਤਉ ਏਕ ਰਾਮ ਹੂੰ ਤੇ ਪੂਰਨ ਹੈ
 ਕਾਮ ਸਬ, ਕਰੈਗੀ ਰਸੋਈ ਅਰਿ ਸੈਨਾਂ ਮਹਾਂ ਕਾਲ ਕੀ ॥ ੧੦ ॥

ਕਬਿੱਤ—ਐਸੀ ਭਾਂਤਿ ਸੰਗ ਕਪਿ ਰਾਜਾ ਜਾਮਵੰਤ ਨਲ ਨੀਲ
 ਬਾਲੀ ਪੂਤ ਪੋਨ ਪੂਤ ਸੇ ਸੁਹਾਯੋ ਹੈ । ਏਕਨ ਕੇ ਹਾਥ ਗਹਿ
 ਏਕਨ ਸੇਂ ਬਾਤ ਕਹਿ ਏਕਨ ਕੇ ਆਗੇ ਅੰਗ ਏਕਨ ਨਚਾਯੋ ਹੈ ।
 ਜੀਅ ਮੈਂ ਤੇ ਜਾਨੈ ਪੀਰ ਧੀਰਨ ਮੈਂ ਬਡੇ ਧੀਰ ਬੀਰ ਲਘੁਬੀਰ
 ਤੀਰ ਬਾਰਿਧ ਕੇ ਆਯੋ ਹੈ ॥ ਕਹੈ ਲਛਮਨ ਯਾਂਕੀ ਦੇਖੀਓ
 ਵਿਠਾਈ ਆਪ ਰਾਮਚੰਦ ਆਗੇ ਸਿੰਧ ਗਰਬ ਜਨਾਯੋ ਹੈ ॥ ੧੧ ॥

ਕਬਿੱਤ—ਆਗੇ ਨ ਮਿਲਨ ਆਯੋ ਭੇਟ ਮਣਿ ਹੂੰ ਨ ਲਿਆਯੋ
 ਸੀਸ ਆਨ ਚਰਨ ਕਮਲ ਨ ਛੁਵਾਯੋ ਹੈ । ਕਹੈ ਤੋ ਗੁਸਾਂਈ
 ਯਾਂਹਿ ਬਾਂਏ ਵੀਏ ਕੈਸੇ ਬਨੇ ਜੋ ਲੋ ਐਸੇ ਮੂਰਖ ਨ ਨੀਕੇ ਸਮ
 ਝਾਯੋ ਹੈ । ਆਇਸ ਜੋ ਪਾਉਂ ਯਾ ਮੈਂ ਛਾਰਹੀਂ ਉਡਾਉਂ ਰਾਮ
 ਤੋ ਲੋ ਆਗ ਬਾਨ ਲੈ ਕਮਾਨ ਸੇ ਚਵਾਯੋ ਹੈ । ਬਾਮਨ ਕੋ ਰੂਪ
 ਕਰ ਰਾਮਚੰਦ ਜੁਕੇ ਡਰ ਕਾਂਪਤ ਅਸੀਸ ਦੈਕੈ ਵਚਨ ਸੁਨਾਯੋ
 ਹੈ ॥ ੧੨ ॥

(ਸਮੁੰਦਰੋ ਵਾਰ)

ਕਬਿੱਤ—ਬਡੇ ਰਨ ਧੀਰ ਤੁਮ ਭੀਰ ਮੈ ਸਹਾਇ ਹੋਤ ਮੋਤੇ ਕਹਾ
 ਬੁਕ ਪਰੀ ਕ੍ਰਿਪਾ ਕੈ ਸੁਨਾਈਏ । ਸੀਅ ਦਸਕੰਧ ਹਰੀ ਕੋਨ
 ਜਾਨੈ ਕਹਾ ਧਰੀ ਛਪੀ ਹੋਇ ਮੇ ਮੈਂ ਤਬ ਤੁਮਕੋ ਬਤਾਈਏ ।

ਕਹੋ ਸੂਕ ਜਾਂਉ ਸੈਨਾ ਉਤਰੈ ਬਿਨਾਹੀ ਨਾਉ ਕਹੋ ਲੰਕ ਬੋਰੋਂ
ਨੈਕ ਆਇਸ ਜੋਪਾਈਏ । ਕਾਰਨ ਕਰਨਾ ਹੀ ਤੇ ਸਾਗਰ ਸਰਨ
ਆਯੋ ਲਾਗਤ ਚਰਨ ਮੋਹਿ ਕਾਹੇ ਕੇ ਜਰ ਈਏ ॥ ੧੩ ॥

ਰਾਮ ਦੇ ਉਦਾਰ

ਕਬਿੱਤ—ਤੋਰੋਈ ਤੇ ਉਪਰ ਹੈ ਲੈ ਗਯੋ ਸੀਆ ਕੋ ਪਾਪੀ ਤਾਂਸੋ
ਜਾਇ ਆਗੇ ਲਰ ਝਗਰ ਛੁਡਾਵਤੇ । ਔਰ ਤੇ ਮੈ ਨੱਕੁ ਬੱਕੁ
ਕਛਪ ਕਠੋਰ ਹੁਤੇ ਮੱਛ ਬੜਵਾਗਨਿ ਹੋ ਤਾਹਿ ਕੋ ਪਠਾਵਤੇ ।
ਪਰਬਤ ਸਪੱਛ ਹੋ ਭੁਜੰਗਨ ਕੇ ਲੱਛ ਹੋ, ਮਿਲਾਇ ਏਕਠੌਰ
ਨਭ ਸਾਮ੍ਹਰੇ ਉਡਾਵਤੇ । ਔਰ ਸਬ ਰਹੀ ਤੇਰੀ ਮਾਨਤੇ ਤੇ ਸਹੀ
ਸਿੰਧੁ ਸੀਤਾ ਜੁਕੇ ਕਾਜ ਜਾਇ ਸ੍ਰੀ ਪਤਿ ਜਗਾਵਤੇ ॥ ੧੪ ॥

ਕਬਿੱਤ—ਜੋ ਹੋਂ ਉਚੇ ਜਾਉਂ ਤਬ ਤੁਮਤੇ ਡਰਾਉਂ ਨਾਥ ਏਕਹਾਥ
ਚਢੇ ਮੇਰੇ ਪੁਲੈ ਉਤਪਾਤ ਹੈ ॥ ਔਰ ਇਨ ਮੱਛ ਕੱਛ ਉਰਗ
ਹੁਤਾਸਨ ਤੈ ਸੁਨੋ ਬਲਿ ਜਾਂਉ ਲੰਕਾਪਤਿ ਜੀਤਯੋ ਜਾਡ
ਹੈ ॥ ਏਕ ਗਿਰ ਸਹੀ ਹੈ ਸਪੱਛ ਤਾਕੇ ਪੱਛਨ ਕੇ ਕਾਟਬੇ ਕੋ
ਇੰਦ੍ਰ ਬਜ੍ਜ ਲੀਏ ਅਕੁਲਾਤ ਹੈ ॥ ਸ੍ਰੀ ਪਤਿ ਬਤਾਵਤ ਹੋ ਮੋਹਿ
ਬਹਕਾਵਤ ਹੋ ਮੋਮੇਨਹੀ ਸੋਤੇ ਅਬ ਰਾਵਰੋਈ ਗਾਤ ਹੈ ॥ ੧੫ ॥

ਦੋਹਿਰਾ—ਇਹ ਬਿਧਿ ਬਿਨਤੀ ਕਰ ਉਦਧ ਰਹੈ ਚਰਨ ਲਪ-
ਟਾਇ । ਕਹੁ ਲਛਮਨ ਕਹਕੀਜੀਏ ਪ੍ਰਭੁ ਲੀਜੀਏ ਉਠਾਇ ॥ ੧੬ ॥

ਸੋਰਠਾ—ਮੁਸਕਾਨੇ ਰਘੁਬੀਰ ਬਡੇ ਚਤੁਰ ਸਰਤਾਪਤੀ ॥ ਥਾਹ
ਹੋਹੁ ਨਿਧਿਨੀਰ, ਜੋ ਮਾਨੈ ਪਤਿਜੋਖਸਬ ॥ ੧੭ ॥

ਕਬਿੱਤ—ਆਜ ਯੇ ਤਿਹਾਰੇ ਕੂਲ ਬਸੇ ਯਹਿ ਰੂਖਮੂਲ, ਸੋਈ
ਸੂਲ ਕੀਬੋ ਪੈਂਡੇ ਰਾਤਹੀ ਬਨਾਇ ਬੋ ॥ ਬਾਤ ਹੈ ਨ ਆਰਸ ਕੀ
ਰੀਤਨ ਸਪਾਰਸ ਕੀ, ਲਾਖ ਫੇਰ ਏਕਬਾਰ ਪਾਰ ਤੇਰੇ ਜਾਇਬੋ
॥ ਕਹਯੋ ਲਛਮਨ ਤੇਸੋਂ ਰਾਮ ਹੈਂ ਕਹਤ ਸਿੰਧੁ, ਆਜ ਜਸ ਲੇਹੁ
ਐਸੇ ਸਮੇ ਕਬ ਪਾਇਬੋ । ਨਾਤੇ ਰਾਜਾ ਸਗਰ ਕੀ ਸੰਤਤ ਕੋ
ਜਾਨਤ ਹੋ ਬਿਨਾ ਸ਼੍ਰਮ ਖੋਦੇ ਵੈਸੇ ਤੁਰਤ ਪਟਾਇਬੋ ॥ ੧੮ ॥

ਕਬਿੱਤ—ਮਾਨੀ ਬਾਤ ਸੀਸ ਧਰ ਚਲਯੋ ਹੋ ਪ੍ਰਨਾਮ ਕਰ ਸੁਨੀ

ਹਨੂਮਾਨ ਰਾਮ ਐਸੇ ਠਹਿਰਾਈ ਹੈ ॥ ਕਹੀ ਬੁਰੀ ਭਈ ਬਾਤ
ਪੈਰਖ ਕੀ ਗਈ ਸਬ ਜਾਇ ਜਾਮਵੰਤ ਨਲ ਨੀਲ ਸੋਜਨਾਈ
ਹੈ ॥ ਜਗ ਮੈਂ ਚਲੇਗੀ ਬਾਤ ਸੈਨਾ ਕਪਿ ਰਾਜਨ ਕੀ ਰਾਮ
ਬੁਝਸਿੰਧਥਾਹੁਰੈਕੈ ਪਹੁੰਚਾਈ ਹੈ। ਹੋ ਤੋ ਏਕਬਾਲਕ ਨ ਮੋਹਿਕਛੁ
ਤਾਲਕ ਪੈ ਦੇਖੋ ਤਾਤ ਤੁਮ ਹੂੰ ਕੋ ਕੈਸੀ ਲਘੁਤਾਈ ਹੈ ॥ ੧੯ ॥
ਕਬਿਤ—ਸਬੈ ਏਕ ਜਾਤ ਮੁਖ ਰਾਤੇ ਮਾਨੋ ਹੈਂ ਰਿਸਾਤ ਤਾਂ ਪਰ
ਸੁਨਾਈ ਬਾਤ ਹਨੂਮਾਨ ਕੋਪ ਕੀ ॥ ਅੰਗਦ ਸੁਗ੍ਰੀਵ ਏਉ ਦੋਨੋ
ਗਏ ਰਾਮ ਫਿਗ ਸੁਨੋ ਮਹਾਰਾਜ ਸਿੰਧੁ ਕਰੀ ਬਾਤ ਧੋਪ
ਕੀ। ਨਾਥ ਹਮ ਸਾਗਰ ਕੀ ਗੈਲ ਕੈਸੇ ਚਲੇਂ ਅਰ ਤੁਮ
ਹੀ ਬਿਚਾਰੋ ਯਾ ਮੈ ਕੌਨ ਬਾਤ ਓਪਕੀ ॥ ਕਿਧੋ ਯਾਕੇ ਬਾਂਧਬੈਕੋ
ਹੈ ਨ ਬਲਵੰਤ ਹਮ ਕਿਧੋ ਹਨੂਮਾਨ ਹੂੰ ਕੇ ਆਗੇ ਪਤਿ ਲੋਪ
ਕੀ ॥ ੨੦ ॥

ਕਬਿਤ—ਦੇਖੋ ਐਸੀ ਭਾਂਤਿ ਸਬ ਰਾਮਚੰਦ ਬੋਲੇ ਤਬ ਮੈ ਹੂੰ ਤੋ ਕ-
ਹੀ ਹੈ ਜੋ ਸੁਗ੍ਰੀਵ ਉਰ ਆਨ ਹੈ। ਮੋਹਿ ਤੋ ਤਿਹਾਰੇ ਸੁਖ ਸੁਖ ਹੈ
ਸਦਾਈ ਸੂਧੇ ਸਾਗਰ ਬੰਧਾਵੇ ਕਾਲ ਯਾਂਕੀ ਕਹਾਂ ਕਾਨ ਹੈ ॥ ਮੇਰੇ
ਜੀਅ ਹੁਤੀ ਯਾਹਿ ਕਾਹੇ ਕੋ ਬੰਧਾਉਂ ਅਪਰਾਧ ਹੈ ਨ ਯਾਕੋ ਦਯਾ
ਕੀ ਸੀ ਮੇਰੀ ਬਾਨ ਹੈ ॥ ਯਾਕੀ ਤੋ ਸਹਿਲ ਆਗੇ ਰਾਵਨ ਕੇ
ਮਾਰਬੈਕੀ ਕਹਜੋ ਲਛਮਨ ਨਾਥ ਦਯਾ ਕੌ ਨਮਾਨ ਹੈ ॥ ੨੧ ॥

ਦੋਹਰਾ—ਸੀਤਾ ਬਿਰਛਨ ਦੁਖ ਉਦਧਿ ਪੈਰਤ ਗਏ ਨ ਪ੍ਰਾਨ।
ਯਾਕੋ ਪਾਟਤ ਕੌਨ ਸ਼ੂਮ ਸਤ ਯੋਜਨ ਪਰਮਾਨ ॥ ੨੪ ॥

ਸੋਰਠਾ—ਰਘੁਪਤਿ ਕਹਿਓ ਸੁਨਾਇ ਉਤਸਾਗਰ ਇਤ ਸੁਭਟ
ਸਬ ॥ ਦੁਮਨਪਖਾਨਨਛਾਇਬਾਂਧਹੁਸੇਤਬਿਲੰਬ ਤਜ ॥ ੨੩ ॥

ਕਬਿਤ—ਚਲੇ ਕਪਿ ਜੂਥ ਮਿਲ ਆਨੰਦ ਸੋ ਗੂਥ ਅਤਿ ਸਿੰਧ
ਬਾਤ ਮਾਨੀ ਅਬ ਕਹੀਏ ਉਪਾਇਕੋ। ਐਸੇ ਤੀਨੋ ਲੋਕ ਮਾਹਿ
ਰਾਮ ਕਵਿ ਦੇਖਜੋ ਸੁਨਜੋ, ਦੇਵ ਨਰ ਚਾਲੈ ਆਜ ਆਇਸ
ਮਿਟਾਇ ਕੌ ॥ ਸਿੰਧੁ ਦੁਖ ਸਹਜੋ ਬੋਲ ਇਨ ਹੀ ਕੋ ਰਹਜੋ ਭਾ-
ਈ ਭਯੋ ਨਿਰਾਧਾਰ ਯਾਹਿ ਬੋਲ ਰਘੁਰਾਇਕੋ ॥ ਹਨੂਮਾਨ ਜਾ-

ਨ ਜੀਅ ਬਾਤ ਪਰਮਾਨ ਯਹਿ ਬਾਰਧ ਪਟਾਇ ਬਿਨਾ ਆਜ
ਪਾਰ ਜਾਇਕੋ ॥ ੨੪ ॥

ਸੋਰਠਾ-ਬਿਦਾ ਭਏ ਨਿਧਿ ਨੀਰ ਭੋਰ ਜਗਾਵਤ ਰਾਮ ਕਹਿ ॥
ਸੁਖ ਸੋਏ ਰਘੁਬੀਰ ਕਪਿ ਭਟ ਅਤਿ ਫੂਲਤ ਚਲੇ ॥ ੨੫ ॥

ਕਬਿੱਤ-ਚਿਰਈ ਚੁਹੁ ਚੁਹਾਨੀ ਪ੍ਰਾਚੀ ਪਿਆਰਨੀ ਅਤਿ ਆ-
ਧ ਬਾਟ ਚਕਵਾ ਔ ਚਕਈ ਮਿਲਾਤ ਹੈ ॥ ਅਮਲ ਆਕਾਸ਼
ਭਯੋ ਕਮਲ ਫੁਲਾਨ ਲਾਗੇ ਜੁਮਲ ਭਵਰ ਰਸਮਾਤੇ ਅਕੁਲਾਤ
ਹੈ ॥ ਤਮੀ ਪਤਿ ਜੋਤ ਕੁਮਲਾਨੀ ਤਮਚਰ ਬੋਲੇ ਚੋਰ ਬਾਟ
ਭਾਗੇ ਸੰਖ ਸ਼ਬਦ ਸੁਹਾਤ ਹੈ ॥ ਜਾਗੇ ਰਾਮ ਕਾਮ ਕੀ ਕਮਾਨ
ਟੂਟੀ ਛੂਟਯੋ ਬਲ ਲਟੀ ਸੀ ਤਰੈ ਯਾ ਬੀਚ ਤੇਉ ਛਪ ਜਾਤ ਹੈ ॥ ੨੬ ॥

ਕਬਿੱਤ-"ਕੌਤਕ ਕੇ ਕਾਜ ਰਘੁਨਾਥ ਬੈਠੇ ਸਿੰਧ ਕੂਲ ਜਹਾਂ
ਨਲ ਨੀਲ ਲੈ ਲੈ ਆਵਤ ਪਹਾਰਕੇ ॥ ਏਕ ਦ੍ਰੁਮ ਡਾਰੈਂ ਰੂਖ
ਮੂਲ ਤੇ ਉਪਾਰੈ ਏਕਵਾਰ ਏਕ ਪਾਰ ਏਕ ਪਾਟੇ ਮਾਝ ਧਾਰਕੇ ।
ਤਯੋਂ ਤਯੋਂ ਸਕੁਚਾਹਿ ਅਪਰਾਧ ਸਾਗਰ ਕੇ ਨਾਹਿ ਕਰੁਨਾ ਨਿ-
ਧਾਨ ਰਾਮ ਯੋਂ ਕਰੈ ਬਿਚਾਰ ਕੇ ॥ ਤੋਲੋਂ ਜੁਰ ਆਇ ਕਪਿਰਾ-
ਇ ਕਰਸੀ ਸਨਾਇ ਬਚਨ ਸੁਨਾਏ ਐਸੇ ਰਾਘਵ ਕੁਮਾਰ ਕੇ" ॥ ੨੭ ॥
ਸਵੈਯਾ-ਬਾਂਧਤ ਸੇਤ ਜਹਾਂ ਰਘੁਨਾਥ ਲਜੋਹੇ ਸੇ ਨੈਨ ਕੀਏ
ਪਛੁਤਾਹੀ ॥ ਬਾਤ ਸੁਨੀ ਬਰ ਬਾਰਨ ਬੀਰਨ ਧੀਰ ਤਜੀ ਪ੍ਰਭੂ
ਪੈ ਚਲ ਜਾਹੀ ॥ ਨੈਨਨ ਕੀ ਕਰੁਨਾ ਰਘੁਬੰਸ ਸਿਰੋਮਣਿ ਜੋ
ਨਹਿ ਦੂਰ ਕਰਾਹੀ ॥ ਤੋ ਕਰਨਾਕੇ ਕੀਏ ਕਰਨਾ ਨਿਧਿ ਪਾ-
ਥਰ ਪਾਂਤਨ ਪੰਥ ਮਿਲਾਹੀ ॥ ੨੮ ॥

ਕਬਿੱਤ-ਬਾਨਰ ਅਪਾਰ ਲੈ ਲੈ ਆਵਤ ਪਹਾਰ ਕਿਲਕਾਰ ਰਘੁ
ਬੀਰ ਸੋ ਸੁਨਾਇ ਕਹੇਂ ਬਤੀਆਂ । ਤਾਂਹੀ ਕੋਬੁਲਾਇ ਰਘੁਗਾਇ
ਪੀਠ ਠੋਕ ਕਹੇਂ ਜਾਹੁ ਜਾਹੁ ਚਲੇ ਹਸ ਕਾਢ ਕਾਢ ਦਤੀਆਂ
॥ ਰਾਜਾ ਕੇ ਕੁਮਾਰ ਹਮ ਫਾਰਤ ਹੈਂ ਸਿੰਧ ਧਾਰ ਦੇਖੀਓ ਗੁਸਾ-
ਈ ਏਈ ਰਾਵਣ ਕੀ ਛਤੀਆਂ ॥ ਸਮੁੰਦ ਕਸੂਤਨ ਕੀ ਸਾਖਾ
ਮ੍ਰਿਗਪੂਤਨ ਕੀ ਲੰਕਾ ਪਤਿ ਦੂਤਨ ਪਠਾਈ ਲਿਖ ਪਤੀਆਂ ॥ ੨੯ ॥

ਕਬਿੱਤ—ਏਕ ਕਪਿ ਵਾਰ ਏਕ ਪਾਰ ਏਕ ਸਿੰਧੁ ਧਾਰ ਹਾਰ ਬਾ
 ਰ ਕੀਏ ਮਿਲ ਪਾਏ ਨਿਧਿ ਨੀਰ ਕੇ ॥ ਏਕ ਦੁਮ ਡਾਰ ਏਕ
 ਡਾਰਤ ਪਹਾਰ ਏਕ ਭਾਰੇ ਭਾਰੇ ਪਾਵੇ ਨ ਜਨਾਵੇਂ ਨਿਜ ਪੀਰ
 ਕੇ ॥ ਏਕ ਜੇ ਉਦਾਰ ਭਰ ਛਾਰ ਵੇਉ ਹਾਥ ਯਹ ਰਾਵਨ ਲਿ-
 ਲਾਰ ਯੋਂ ਸੁਨਾਵੇ ਰਘੁਬੀਰ ਕੇ ॥ ਏਕ ਕਿਲਕਾਰ ਕਿਲਕਾਰ
 ਉਠੇ ਬਾਰ ਬਾਰ ਏਕ ਸੂਮ ਦੇਹ ਕੇ ਸੁਨਾਵੇਂ ਭਟ ਭੀਰ ਕੇ ॥੩੦॥
 ਕਬਿੱਤ—ਮਾਨੋ ਛੀਰ ਨਿਧਿ ਮੈ ਰਿਸਾਨ ਰਾਮ ਜੀ ਸੇ ਪਤਿ ਤਾਂਤੇ
 ਬੀਚ ਭੀਤ ਕਰ ਆਧੇ ਬਾਂਟ ਲੀਜੀਏ ॥ ਕਿਧੇ ਸੰਗ ਚਲਬੇ ਕੇ
 ਫੇਟਾ ਕਟ ਬਾਂਧਤ ਹੈ ਕਿਧੇ ਜੁਰ ਮੇਘਨ ਕੇ ਝੁੰਡਨ ਸੇ ਪੀਜੀਏ
 ॥ ਕਿਧੇ ਨਭ ਛੂਟਿਓ ਕਿਧੇ ਛੂਟਿਓ ਬਿੰਦ ਦਿੱਗਜ ਕੇ ਕਹੈ ਸੇਸ
 ਨਾਗ ਸਮੇ ਹੋਤੋ ਸੈਨ ਕੀਜੀਏ ॥ ਕਿਧੇ ਟੂਟ ਗਯੋ ਪਹਿਰਾਵਤ
 ਜਨੇਉ ਯਾਹਿ ਬਾਂਧੇ ਹੂੰ ਤੇ ਸਾਤ ਛਬਿ ਕਹੈ ਕੌਨ ਦੀਜੀਏ ॥੩੧॥
 ਕਬਿੱਤ—ਦੌਰ ਦੌਰ ਆਇ ਰਘੁਰਾਇ ਜੀ ਸੋਂ ਕਹੈ ਕਪਿ ਏਕ
 ਕੀ ਕਹਾਂ ਹੈ ਕਹੈ ਸਾਤੇ ਬਾਂਧੇ ਛਿਨ ਮੈਂ ॥ ਚਰਨ ਪਤਾਪ ਆਜ
 ਤੇਉ ਤੋ ਪਹਾਰ ਲਿਆਵੇਂ ਬੂਢੇ ਖੰਜ ਦੂਬਰੇ ਜੇ ਰੋਗੀ ਹੁਤੇ ਬਨ
 ਮੈਂ ॥ ਚਲੀਏ ਗੁਸਾਈਂ ਅਬ ਲੰਕ ਗਢ ਤੋਰ ਡਾਰੈਂ, ਰਾਵਨ
 ਕੇ ਮਿਲੇ ਰਹਿ ਜੈ ਹੈ ਹੋਂਸ ਮਨ ਮੈ ॥ ਬੋਲੇ ਰਘੁਬੀਰ ਬੀਰ ਸੇਤ
 ਕੇ ਬਢਾਇਜਾਹੁਕੈਸੇ ਜੈਸੇ ਕ੍ਰਿਪਨ ਬਢਾਇ ਧਨ ਧਨਮੈਂ ॥੩੨॥
 ਦੋਹਰਾ—ਸੇਤ ਸਕਲ ਪੂਰਨ ਭਯੋ ਚਲੇ ਰਾਮ ਬਲਵੰਡ ॥ ਇਕ
 ਪੁਲ ਪਰ ਪੁਲਕਤ ਚਲੇ ਇਕ ਨਭ ਮਗ ਪਰਚੰਡ ॥ ੩੩ ॥
 ਸੋਰਠਾ—ਲੈ ਅਛੂਤ ਫਲ ਏਕ ਰਾਮ ਸਮਰਪਯੋ ਸਿੰਧ ਕੇ ॥ ਦੇ
 ਖਹੁ ਰਾਜ ਬਿਬੇਕ ਬਾਂਧਤ ਫਿਰ ਪੂਜਤਪ੍ਰਗਟ ॥ ੩੪ ॥
 ਕਬਿੱਤ—ਸਿੰਧ ਪਾਰ ਪਰੇ ਸਬ ਆਨੰਦ ਸੋਭਰੇ ਕਪਿ ਗਾਜੇ ਸੰਖ ਬਾਜੇ
 ਅਬ ਲੰਕਾ ਪਰ ਧਾਵਨੀ ॥ ਬਡੇ ਬਡੇ ਸੂਰ ਜੇ ਲੰਗੂਰ ਤੇ ਹਜੂਰ
 ਆਵੇਂ ਏਕ ਕਹੈ ਰਾਵਨ ਕੀ ਬਨੇ ਮਤ ਆਵਨੀ ॥ ਤਾਂਹੀ ਕੇ
 ਨਗਰ ਜਾਇ ਬੋਲੈ ਤਾਂਹੀ ਫਾਰ ਖਾਇ ਖਾਸਗੀ ਰਸੋਈ ਏਕ
 ਬਾਰ ਤੇ ਲੁਟਾਵਨੀ ॥ ਬੋਲੇ ਹਸ ਰਾਮ ਤੁਮ ਭੂਖੇਹੋ ਰਹਿਤ ਨਾਥ

ਫਸਲ ਕੋ ਲੂਟ ਘਰ ਝੂਠ ਆਨ ਪਾਵਨੀ ॥ ੩੫ ॥

ਦੋਹਰਾ—ਇਤਿ ਕਪਿ ਭਟ ਉਤਰੇ ਉਦਧਿ ਕੁਸਲ ਛੇਮ ਸਬਗਾਤ
। ਉਤ ਰਾਵਨ ਸੇ ਜੋਰ ਕਰ ਕਹਿਤ ਵਿਭੀਖਨ ਬਾਤ ॥ ੩੬ ॥

ਸੋਰਠਾ—ਜੋਨ ਕਰਹੁ ਰਿਸ ਨਾਥ ਤੇ ਸੇਵਕ ਬਿਨਤੀ ਕਰੈ ॥ ਧਰੋਂ
ਚਰਨ ਪਰ ਮਾਥ ਰਾਮ ਬੈਰ ਕੁਲ ਛੈ ਕਰਨ ॥ ੩੭ ॥

ਕਬਿੱਤ—ਸੀਤਾਈ ਕੀ ਬਾਤ ਤਾਕੇ ਏਤੋ ਉਤਪਾਤ ਕੀਜੈ ਮੇਰੇ ਪਾ-
ਛੈ ਨਾਥ ਮੇਰੇ ਬਚਨ ਬਿਚਾਰੀਓ ॥ ਨਗਰ ਕੇ ਬਾਸਨ ਕੇ ਸੌਂਹ ਦੇ
ਦੈ ਬੂਝੇ ਤੁਮ ਕੋਊ ਯੋਂ ਕਹਤ ਹੈ ਜੁ ਰਾਮਚੰਦ ਹਾਰੀਓ ॥ ਤੀਨੋ
ਲੋਕ ਸੰਪਤ ਸਮਾਜ ਰਾਜ ਤੇਰੇ ਘਰ ਸੋਈ ਯੋਂ ਕਹਿਤ ਹੈ ਨ ਮੂਲ
ਤੇ ਉਪਾਰੀਓ । ਕਹੇ ਹੋਹੂੰ ਜਾਉਂ ਸੀਅ ਲੈਕੈ ਰਾਮ ਛਾਉ ਜੋ ਪੈ
ਮਿਲੈ ਮਾਰ ਡਾਰ ਹੈ ਤੋ ਮੋਹਿ ਮਾਰ ਡਾਰੀਓ ॥ ੩੮ ॥

ਕਬਿੱਤ—ਜੋਲੋਂ ਨਲਨੀਲ ਜਾਮਵੰਤ ਹਨੁਵੰਤ ਭੌਂਹ ਅੰਗਦ ਸੁ-
ਗੀਵ ਗੀਵ ਫੇਰ ਕੈ ਨ ਬੰਕ ਕੀ । ਜੋਲੋਂ ਰਘੁਬੀਰ ਜੂਕੇ ਕੋਪ ਨ
ਘਟਾਈ ਓਪ ਮੇਰਸੀ ਬਡਾਈ ਜੋ ਪੈ ਭਈ ਹੈ ਨ ਟੰਕ ਕੀ । ਜੋਲੋਂ
ਰਨ ਜੋਗਨੀ ਨ ਗੀਧਨੀ ਅਘਾਈ ਜੋਲੋਂ ਫਿਰੀ ਨ ਦੁਹਾਈ
ਠਕੁਰਾਈ ਕਾਲ ਰੰਕ ਕੀ । ਤੋਲੋਂ ਹੈ ਉਪਾਇ ਜਾਇ ਗਹੇ ਸਰਨਾ-
ਇ, ਜੋਲੋਂ ਰੀਛ ਕਪਿ ਭਾਰੀ ਨ ਬਿਦਾਰੀ ਛਬਿ ਲੰਕਕੀ ॥ ੩੯ ॥

ਕਬਿੱਤ—ਜੋਲੋਂ ਰਘੁਨਾਥ ਜੀਕੇ ਹਾਥ ਤੇ ਨ ਛੂਟੇ ਬਾਨ, ਆਨ ਦਸ
ਸੀਸਨ ਕੀ ਰਾਵਨ ਨ ਹਾਨਕੀ ॥ ਸੁਨਲੈ ਨਿਫੋਟ ਓਟ ਬਜ੍ਯ ਕੀ
ਨ ਬਚੈ ਕੋਊ, ਲਾਗੇ ਭੇਦ ਚੋਟ ਸਾਵਧਾਨ ਨ ਅਚਾਨਕੀ । ਜਾਇ
ਗਹਿਪਾਇ ਸਿਰਨਾਇ ਹਾਥ ਜੋਰ ਕਹਿ, ਚੂਕ ਪਰੀਪਰੀ ਅਬਲੀਜੈ
ਨਾਥ ਜਾਨਕੀ ॥ ਮੇਰੇ ਕਹਯੋ ਮਾਨ ਕਰ ਹਾਨ ਹੀ ਕੀ ਹਾਨ ਜਾਹ-
ਲੀਨੇ ਸੀਅ ਸੰਗ ਹੈ ਨ ਹਾਜਤ ਜਮਾਨਕੀ ॥ ੪੦ ॥

ਸਵੈਯਾ—ਓਟ ਕਹਾਂ ਭਟਯੋਂ ਕਰ ਹੈ ਰਨ ਚੋਟ ਪਰੈ ਢਿਗ ਬੈਠ ਰ-
ਹੈਂਗ ॥ ਵੈ ਜਬ ਬਾਨ ਸਮੀਰ ਸਮਾਨ ਚਲੈਂ ਘਨ ਜਜੋਂ ਚਲ ਦੇਸ
ਗਹੈਂਗੇ ॥ ਏ ਪਰਧਾਨ ਮਹਾਂ ਕਪਟੀ ਤੁਮਸੇ ਨਹਿ ਬਾਤ ਦੁਖਾਇ
ਕਹੈਂਗੇ ॥ ਜਾਨਤ ਹੋ ਸਿਵਕੋ ਬਲ ਹੈ ਸੋਊ ਰਾਮ ਕੈ ਕੋਪ ਨ ਲਾਜ

ਬਹੈਂਗੇ ॥ ੪੧ ॥

ਦੋਹਰਾ—ਬੋਲਯੋ ਤਬ ਰਾਵਨ ਕੁਮਤਿ ਨਿਰਖ ਭੁਜਾ ਪਰਚੰਡ ।

ਅਨੁਜ ਤਨੁਜ ਹੋ ਤੋਂ ਨਹੀਂ ਤੋਂ ਕਰਤੇ ਸਤਖੰਡ ॥ ੪੨ ॥

ਸੋਰਠਾ—ਸੁਨ ਮੂਰਖ ਮਮ ਭ੍ਰਾਤ ਲੰਕਾਪਤਿ ਤੋਂ ਸੋ ਕਹੈ ॥ ਕਹੋ ਪੁ-
ਰਾਤਨ ਬਾਤ ਪੂਨ ਕਰ ਰਨ ਛਾਡੋਂ ਨਹੀਂ ॥ ੪੩ ॥

ਕਬਿੱਤ—“ਤੈਂ ਤੈਂ ਨਾ ਨਿਹਾਰਯੋ ਤੇਰੇ ਜਟੀ ਹਰ ਰੂਪ ਧਾਰਯੋ
ਤਾਂਹੀਂ ਕੀ ਉਪਾਸ਼ਨਾ ਮੇਂ ਸਾਵਧਾਨ ਗਾਤ ਹੈ ॥ ਚਾਰੇ ਭੁਜ ਤੀਅ
ਸੰਗ ਸੋਚ ਦੇਖ ਧਾਰੀ ਗੰਗ ਤਿਲਕ ਬਨ ਮਾਲ ਚੰਦ ਆਕ ਫੂਲ
ਪਾਤ ਹੈ ॥ ਚੱਕਰ ਸੇ ਚੱਕਰੀ ਸੁ ਗਦਾ ਜੈਸੇ ਦੰਡ ਨਾਦ ਸੰਖ ਸੇਕ-
ਪਾਲ ਤੀਨੋਂ ਨੈਨ ਜਲਜਾਤ ਹੈ ॥ ਤੀਨ ਤਾਪ ਖਾਪ ਨੀਲਕੰਠ
ਜਾਕੇ ਕਰੇ ਜਾਪ ਆਪ ਨ ਲਜਾਵੇ ਤਾਂਪੈ ਚਾਪ ਲੈ ਚੜਾਤ ਹੈ” ॥

ਸਵੈਯਾ—ਸਿੰਧ ਗਹੈ ਬੜਵਾਨਲ ਕੋ ਜਰ ਛਾਰ ਭਯੋ ਨਹਿ ਛਾਡ
ਦਯੋ ਹੈ ॥ ਸੇਖ ਅਸੇਖ ਧਰੀ ਵਸੁਧਾਫਿਰ ਯੋ ਨ ਕਹਯੋ ਮੁਹਿਭਾਰ
ਭਯੋ ਹੈ ॥ ਕੰਠ ਹਲਾਹਲ ਹੈ ਸ਼ਿਵਕੇ ਅਜਹੂੰ ਸਸਿਮੈ ਮ੍ਰਿਗਅੰਕ
ਛਯੋ ਹੈ ॥ ਏਜਬ ਯੋਂ ਪੂਨ ਕੋ ਨਿਬ ਹੈਂ ਤਬ ਰਾਵਨ ਕੋ ਬਲ
ਟੂਟ ਗਯੋ ਹੈ ॥ ੪੪ ॥

ਸਵੈਯਾ—ਜਾਨਤ ਜਾਨਕੀ ਹੈ ਜਨਨੀ ਜਗ ਆਜ ਤਜੈ ਮਨਕੋ
ਨਹਿਛਾਵੈ ॥ ਸੇਸਕੋ ਈਸ ਸੁਰੇਸ ਕੋ ਠਾਕਰ ਹੈ ਰਘੁਬੀਰ ਇਹੈ
ਜੀਅ ਆਵੈ ॥ ਤਾਂਹੀਂ ਕੇ ਹਾਥ ਮਰੇ ਦਸਕੰਧ ਰੇ ਅੰਧ ਤੂ ਮੋਹਿ
ਕਹਾਂ ਸਮਝਾਵੈ ॥ ਐਸੀ ਕਛੂ ਜੀਅ ਮਾਹਿ ਪਰੀ ਜਕ ਤਾਂ
ਸੰਗ ਰਾਵਨ ਪੂਨ ਪਠਾਵੈ ॥ ੪੫ ॥

ਸਵੈਯਾ—ਬਾਤ ਕਹਿਓ ਕਛੂ ਚਾਹਤ ਹੋ ਸੋਈ ਸਾਧ ਵਿਭੀਖਨ
ਲਾਤਨ ਮਾਰਿਓ ॥ ਸੋ ਫਿਰਕੈ ਇਕ ਬਾਤ ਕਹੈ ਪ੍ਰਭੂ ਹੋਂ ਸਹਿਤੇ
ਸਬ ਰੋਖ ਤਿਹਾਰਿਓ ॥ ਹੈ ਉਰ ਮੈਂ ਰਘੁਬੀਰ ਕੀ ਠੌਰ ਹਨੀ
ਸੋਈ ਤੋਂ ਕੁਲ ਤੇ ਸੁਖ ਟਾਰਿਓ ॥ ਯੋਂ ਕਹਿਕੈ ਉਠ ਠਾਡੇ ਭਯੋ
ਤਬ ਰਾਮਕੋ ਪਾਇਨਕੋ ਪਗਧਾਰਿਓ ॥ ੪੬ ॥

ਦੋਹਰਾ—ਦੁਖ ਪਾਯੋ ਪੌਰਖ ਨਹੀਂ ਲੋਚਨ ਜਲ ਨ ਰਹਾਇ ॥

ਘਰ ਛਾਡਿਓ ਬਨਕੇ ਚਲਿਯੋ ਅਬ ਰਘੁਬੀਰ ਸਹਾਇ ॥ ੪੭ ॥

ਸੋਰਠਾ—ਜਾਕੇ ਕੋਊ ਨਾਹਿ ਤਾਤ ਮਾਤ ਸੁਤ ਸਜਨ ਜਨ ॥

ਤਾਕੇ ਘਰ ਬਨਮਾਹਿ ਰਘੁਪਤਿ ਚਰਨ ਪ੍ਰਤਾਪ ਬਲ ॥ ੪੮ ॥

ਸਵੈਯਾ—ਦੂਰਤੇ ਦੇਖ ਕਹਿਓ ਕਪਿ ਮੰਡਲ ਹੈ ਰਿਖਿਨਾਰਦ
ਕੈ ਰਵਿ ਜੋਤੀ । ਕੈ ਧਰ ਦੇਹ ਹੁਤਾਸਨ ਆਵਤ ਸਕ੍ਰਿਕਧੋ ਛਬਿ
ਹੈ ਸੰਗ ਓਤੀ । ਜੋ ਸੀਅ ਦੂਤ ਕਹੈ ਤੇ ਸਹੀਪਰ ਤਾਂ ਕਹ ਮਾ-
ਨਸ ਦੇਹ ਨ ਹੋਤੀ ॥ ਰਾਮ ਕੇ ਪਾਇਨ ਲਾਗਿਓਈ ਚਾਹਤ
ਰਾਵਨ ਹੈ ਕਿਧੋ ਰਾਵਨ ਗੋਤੀ ॥ ੪੯ ॥

ਸਵੈਯਾ—ਰਾਵਨ ਕੇ ਡਰ ਛਾਡ ਚਲਿਓ ਗਵ ਮੋਹਤਜਿਓ ਜਨ
ਜਾਤ ਜਤੀ ਸੋ । ਜਾਇਵਿਭੀਖਨ ਪਾਇਗਹੇ ਸਿਰ ਨਾਇਰਤੀ
ਬਿਨ ਹੋ ਨ ਰਤੀ ਸੋ ॥ ਲੇਤ ਉਸਾਸ ਚਲਿਓ ਪ੍ਰਭ ਪਾਸਸੁ ਘਾਸ
ਗਹੈ ਤਿਨ ਦੰਤ ਬਤੀਸੋ ॥ ਥਾਪਕੀਓ ਰਘੁਬੰਸ ਸਿਰੋਮਨਿ ਨੈਨ
ਕੀ ਸੈਨਨ ਲੰਕ ਪਤੀਸੋ ॥ ੫੦ ॥

ਸਵੈਯਾ—ਰਾਵਨ ਜੋ ਦਸ ਸੀਸ ਉਤਾਰ ਬਡੈ ਸ਼ੂਮ ਸੇ ਸਿਵਤੇ ਪਦ
ਲੀਨੋ ॥ ਜੀਤ ਲਯੋ ਸੁਰ ਰਾਜਕੋ ਰਾਜ ਸੁਦੇਵਨ ਕੋ ਨ ਰਤੀ
ਡਰ ਕੀਨੋ । ਬਾਸਰ ਰੈਨ ਡਰੈ ਚਤੁਰਾਨਨ ਸੇਵਤ ਪੌਰ ਮਿਲੇ
ਪੁਰਤੀਨੋ । ਪਾਇਗਹੇ ਜਬਹੀ ਰਘੁਗਾਇਲ ਜਾਇਵਿਭੀਖਨ ਕੋ
ਸੋਈ ਦੀਨੋ ॥ ੫੧ ॥

ਦੋਹਰਾ—“ਯਹਿ ਸੁਨਕੈ ਮੰਦੋਦਰੀ ਤਲਫੈ ਬਿਨ ਜਲ ਮੀਨ ।
ਰਾਮ ਬਚਨ ਝੂਠੇ ਨਹੀਂ ਜਾਨਤ ਹੈਂ ਪੁਰਤੀਨ” ॥ ੫੨ ॥

ਸੋਰਠਾ—“ਨਿਪਟੈ ਕੰਤ ਅਜਾਨ ਸ਼ਿਵਕੈ ਬਲ ਕੂਦਤ ਫਿਰੈ
ਪ੍ਰਗਟਸਹਸ ਕਰ ਭਾਨਦੀਪਕ ਰਾਵਨ ਸੋ ਕਹੈ ॥ ੫੩ ॥ ਕਬਿੱਤ
ਗਹੀ ਸਰਨਾਈ ਜਾਇ ਰਾਖੀ ਨ ਬਡਾਈ ਨੈਕ ਬੀਰ ਦੁਖਦਾਈ
ਤਿਨ ਨੈਕ ਹੂੰ ਨ ਸ਼ੰਕਕੀ । ਤੇਰੀ ਪ੍ਰਭੁਤਾਈ ਖਾਰੇ ਸਮੁਦ੍ਰਬਹਾਈ
ਕੁਲ ਲਾਜਬੈਰਖਾਈ ਡਾਰਨਾਰਿ ਪਰਜੰਕਕੀ ॥ ਤਾਸੋ ਰਘੁਗਾਈ
ਪ੍ਰੀਤਿ ਬਹੁਤੈ ਜਨਾਈ ਰਹੇ ਛਾਤੀ ਸੋ ਲਗਾਈ ਯੋਂ ਬਢਾਈ
ਪਤਿ ਰੰਕ ਕੀ । ਯੋਂ ਕਹੈ ਲੁਗਾਈ ਤੇ ਸੋ ਕਾਹੂੰ ਨ ਸੁਨਾਈ ਕੰ

ਸੁਨੀ ਠਕੁਰਾਈ ਤੇਰੇ ਭਾਈ ਪਾਈ ਲੰਕਕੀ ॥ ੫੪ ॥

ਸਵੈਯਾ-ਸ੍ਰੀ ਰਘੁਬੀਰ ਕੇ ਤੀਰਤਥੈ ਕਪਿਰਾਜ ਕਹੈ ਇਕ ਬਾਤ
ਕਹੈ ॥ ਤੁਮ ਲੰਕ ਵਿਭੀਖਨ ਕੋ ਬਖਸੀ ਅਬਹੀਂ ਮਿਲਤੇ ਕਹੇ
ਹੈਂ ਨ ਰਹੈਂ । ਜੋਪੈਰਾਵਨ ਆਨ ਮਿਲੇ ਸੰਗ ਜਾਨਕੀ ਦੇਹੁ ਕਹਾ
ਪ੍ਰਭੁ ਪਾਇ ਗਹੈਂ ॥ ਤਬ ਮੈਂ ਹੂੰ ਬਿਚਾਰ ਧਰੀ ਜੀਅ ਮੈਂ ਵਹ
ਔਧ ਬਸੇ ਸੀਅ ਸੋ ਬਨ ਹੈਂ ॥ ੫੫ ॥

ਦੋਹਰਾ-ਰਹਿਓ ਵਿਭੀਖਨ ਪਾਇ ਗਹਿਲੈ ਮਿਲਿਓ ਕਪਿਰਾਜ
॥ ਸ੍ਰੀ ਰਘੁਪਤਿ ਲੰਕਾ ਦਈ ਭਰਿ ਭਰਿ ਨੈਨਨ ਲਾਜ ॥ ੫੬ ॥

ਸੋਰਠਾ-ਜੋ ਪ੍ਰਸੰਨ ਰਘੁਰਾਇ ਕਿਤਕ ਲੰਕ ਗਢ ਬਾਪਰੇ ॥

ਆਗੇ ਅੰਗਦ ਜਾਇ ਦਸਮੁਖ ਕੋ ਸਮੁਝਾਇ ਹੈ ॥ ੫੭ ॥

ਇਤਿ ਸ੍ਰੀ ਰਾਮਗੀਤੇ ਸਮੁੰਦਰ ਬਾਂਧ ਪਾਰ ਜਾਇਬੋ
ਨਾਮ ਸਪਤਮੇ ਅੰਕ ਸਮਾਪਤੰ ॥

ਅਠਵਾਂ ਅੰਕ

ਦੋਹਰਾ-ਰਾਮਚੰਦ੍ਰ ਲਛਮਨ ਸਹਿਤ ਕਪਿ ਪਤਿ ਲੀਓ ਬੁਲਾਇ

॥ ਕੈ ਟੂਟੈ ਲੰਕਾ ਪਤੀ ਕੈ ਝੂਟੈ ਸਤ ਭਾਇ ॥ ੧ ॥

ਦੋਹਰਾ-ਸਬ ਕਪਿ ਕਟਕ ਉਦਧਿ ਉਤਰ ਕੋ ਕਰ ਸਕੈ ਬਖਾ
ਨ ॥ ਕਪਿ ਪਤਿ ਅੰਗਦ ਨੀਲ ਨਲ ਜਾਮਵੰਤ ਹਨੁਮਾਨ ॥

ਸੋਰਠਾ-ਅੰਗਦ ਲੀਓ ਬੁਲਾਇ ਕਹੀ ਬਾਤ ਰਘੁਬੰਸ ਮਣਿ ॥

ਜਾਇ ਅਜਹੁ ਸਮਝਾਇ ਆਇ ਮਿਲੈ ਲੰਕਾਪਤੀ ॥ ੨ ॥

ਸੋਰਠਾ-ਭਈ ਸੁਗਈ ਬਿਹਾਇ ਅੰਗਦ ਤੂੰ ਸਮਝਾਇ ਕਹਿ ॥

ਅਬ ਹੀ ਕਹਿ ਰਘੁਰਾਇ ਦੂਤ ਪਠਾਯੋ ਬਾਲ ਸੁਤ ॥ ੩ ॥

ਕਬਿੱਭ-ਮੇਰੇ ਪਾਛੇ ਹਰੀ ਕਿ ਤੈ ਬਿਨਾ ਜਾਨੈ ਕਰੀ ਐਸੇ ਸਿੰਧੁ
ਕੇ ਭਰੋਸੇ ਕਿ ਤੈ ਰਾਜ ਅਭਿਮਾਨ ਤੇ ॥ ਕਿਧੇ ਕੁੰਭ ਕਾਨ ਮੇਘ

ਨਾਦ ਆਇ ਦੀਨੋ ਮੰਤ ਕਿਧੋ ਸ਼ਿਵਜੋਰ ਰਾਜਾ ਕਿਧੋ ਮਦ
ਪਾਨ ਤੇ ॥ ਤੋਕੋ ਛਿਮਾ ਕੀਨੀ ਸਬ ਜਾਨਕੀ ਲੈ ਮਿਲੇ ਅਬ
ਜਾਇਕਹੋ ਬੀਰਿ ਕਹਾ ਲੇਹੁਗੇ ਸਿਧਾਨ ਤੇ । ਨਾਤੋ ਸੁਨ ਭਾਈ
ਲਛਮਨ ਕੀ ਚਢਾਈ ਹੋਤ ਲੰਕਹਿ ਲਪੇਟ ਲੈ ਹੈ ਉਪਜਯੋ ਜੁ
ਭਾਨ ਤੇ ॥ ੪ ॥

ਕਬਿੱਤ-ਚਲਯੋ ਸਤਭਾਇ ਰਘੁਰਾਇ ਪਾਇ ਛੁਹੇ ਕਹਯੋ ਨਾਥ
ਯਾਹਿ ਬਾਤ ਕੇ ਹੋ ਉਤਰਤੋ ਆਇ ਦਯੋ ॥ ਜੋਕਦਾਰ ਮੋਸੇ ਬੁਰੇ
ਬੋਲੈ ਦਸ ਕੰਧ ਤਾਂਕੇ ਦਸੇ ਮੁੰਡ ਜੋ ਕਹੋ ਤੋ ਤੁਮ ਪੈ ਚਲਾਇ
ਦਯੋ ॥ ਜੋ ਕਹੋ ਤੋ ਸੀਸੇ ਗਹਿ ਲਜਾਊ ਦਿਖਰਾਊ ਪਾਇ ਤਾਕੇ
ਪਰਿਵਾਰ ਮਾਰ ਸਮੁੰਦ੍ਰ ਬਹਾਇ ਦਯੋ ॥ ਜੋ ਕਹੋ ਤੋ ਜਾਨਕੀ
ਸਮੇਤ ਬਨ ਲਜਾਊ ਤੁਮ ਜੋ ਕਹੋ ਤੋ ਰਾਵਨ ਸਮੇਤ ਲੰਕ
ਲਜਾਇ ਦਯੋ ॥ ੫ ॥

ਕਬਿੱਤ-ਬੀਰ ਸੁਨ ਬਾਤ ਜਿਨ ਕਰੇ ਕਾਹੂੰ ਘਾਤ ਤਵ ਬੀਸ
ਬਾਤੈ ਕਹੇ ਹਮੈ ਉਨਹੀ ਸੇ ਕਾਜ ਹੈ ॥ ਕਹਯੋ ਤੇਰੇ ਮਾਨੈ ਸੀਅ
ਆਨੈ ਹਮ ਜਾਹਿ ਫਿਰ ਅਜਹੂੰ ਲੋ ਤੂੰ ਕਿ ਤੇਰੇ ਬੀਰ ਹੂੰ ਕੋ
ਰਾਜ ਹੈ ॥ ਔਰ ਕਛੁ ਸਮਾਚਾਰ ਬੁਝੈ ਜੋ ਹਮਾਰੀ ਤੋਹਿ ਨੀਕੋ
ਸਮਝਾਯੋ ਤੇ ਪਰੇਵਾ ਕੇ ਸੇ ਬਾਜਹੈ ॥ ਦੀਜੀਓ ਬਡਾਈ ਐਸੇ ਕ-
ਹਯੋ ਰਘੁਰਾਈ ਕਛੁ ਮਿਲਬੇ ਕੇ ਸਾਜ ਕਿ ਲਗਾਈ ਕੇ ਸਮਾਜ
ਹੈ ॥ ੬ ॥

ਸਵੈਯਾ-ਨਾਇ ਚਲਯੋ ਸਿਰ ਅੰਗਦ ਬੀਰ ਮਨਾਇ ਗਣੇਸਹ
ਬਾਲਿ ਢਟੇਨਾ ॥ ਕੂਦਤ ਫਾਂਦਤ ਲੰਕ ਨਿਹਾਰ ਨਿਸੰਕ ਭਯੋ
ਮਨ ਰੰਚਕ ਭੋ ਨਾਂ ॥ ਆਇ ਗਈ ਸੁਧ ਤਾਂ ਦਿਨ ਕੀ ਜਬ
ਬਾਪ ਕੇ ਜੀਵਤ ਹੋਤ ਹੋਂ ਛੋਨਾ ॥ ਤਾਹੀ ਪੈ ਆਜ ਚਲਿਯੋ ਬਿ-
ਧਿ ਯੋ ਪਲ ਨਾਪਰਬਾਂਧ ਕੀਓ ਜੁ ਖਿਲੋਨਾ ॥ ੭ ॥

ਕਬਿੱਤ-ਅੰਗਦ ਨਿਹਾਰ ਲੰਕ ਪਰੀ ਹੈ ਪੁਕਾਰਿ ਏਕ ਬਾਰ
ਬਾਰ ਗਯੋ ਅਬ ਆਵਤ ਸਰੋਖ ਸੇ ॥ ਛਾਡ ਗਢ ਚਲੇ ਏਕ
ਕਹੈਂ ਭਾਗ ਭਲੇ ਨਾਹੀ ਦੇਸ ਨਾਸ ਹੈਹੈ ਭਾਈ ਰਾਵਨ ਕੇ ਦੋਖ

ਸੋ ॥ ਏਕ ਜੋ ਸਯਾਨੇ ਛਰ ਮਾਟੀ ਜਲ ਆਨੇ ਲੈ ਚਢਾਏ ਧਾਮ
ਧਾਮ ਫੈਟ ਬਾਂਧ ਠਾਢੇ ਚੌਖ ਸੋ ॥ ਕਾਪਿਯੋ ਰਨਵਾਸ ਸ੍ਵਾਸ ਭਰੇ
ਤ੍ਵਾਸ ਭਯੋ ਜੀਅ ਆਯੋ ਕਪਿ ਵਹੈ ਭਯੋ ਅੰਜਨੀ ਕੀ ਕੋਖ
ਸੋ ॥ ੮ ॥

ਕਬਿੱਤ—ਹੈ ਗਈ ਉਜਾਰ ਕਿਲਕਾਰ ॥ ਲੰਕ ਪੈਠੋ ਜਬ ਦੈ ਰਹੇ
ਕਿਵਾਰ ਸਬ ਕਹੈ ਬਾਤ ਡੋਬੀਆ ॥ ਕੰਚਨ ਕੇ ਧਾਮ ਕਿਹ ਕਾਮ
ਜਹਾਂ ਏ ਉਪਾਧਿ ਰਾਮ ਰਾਜ ਭਲੋ ਜਹਾਂ ਸੋਵੈ ਖਾਇ ਲੋਬੀਆ
॥ ਭਾਵੈ ਗਢ ਤੋਰੈ ਭਾਵੈ ਨਾਉ ਸੀ ਲੈ ਬੋਰੈ ਕਪਿ ਉਤਰ ਜੋ
ਦੇਹ ਯਾਹਿ ਕਹੇ ਆਜ ਕੇ ਬੀਆ ॥ ਲਾਟ ਪਾਟ ਕੀਏ ਤਬ
ਰਹੀ ਪਤਿ ਜੈਹੈ ਅਬ ਹਾਟ ਹਟਤਾਰ ਪਰੀ ਘਾਟ ਹੈ ਨ
ਧੋਬੀਆ ॥ ੯ ॥

ਕਬਿੱਤ—ਏਕ ਹੋ ਜੁ ਆਯੋ ਤਿਨ ਪੌਂਛ ਸੋ ਜਰਾਯੋ ਗਾਂਉ ਲੈ
ਕਟਕ ਧਾਯੋ ਜਿਨ ਸਿੰਧ ਨੀਰ ਪੰਕ ਕੀ ॥ ਕਹਿਬੇ ਕੋ ਬੀਸਪੈ
ਨ ਸੁਝਤ ਹੈ ਏਕ ਆਖ ਦੇਖਤ ਹੈ ਬਾਤ ਕੋਉ ਕੁਲ ਕੇ ਕਲੰਕ
ਕੀ ॥ ਦੀਨੀ ਬਿਧ ਨਵੇ ਨਿਧਿ ਜਾਨਕੀ ਮੈਕਹਾ ਸਿਧਿ ਰਾਵਨ
ਸੋ ਕਹੇ ਐਸੀ ਬਾਤ ਕਯੋ ਨ ਸੰਕਕੀ ॥ ਸੇਵਕ ਕੇ ਆਏ ਸਬ
ਕਾਂਪਯੋ ਕਰੈ ਰੈਨ ਦਿਨ ਠਾਕਰ ਕੇ ਆਏ ਠਕੁਰਾਈ ਜੈ ਹੈ
ਲੰਕ ਕੀ ॥ ੧੦ ॥

ਦੋਹਰਾ—ਇਹ ਬਿਧ ਪੁਰ ਬਾਸੀ ਸਬੈ ਰਹੇ ਪੈਠ ਘਰ ਮਾਹਿ ।
ਕਥਾ ਸੁਨੈ ਹਨੁਮੰਤ ਕੀ ਜੱਹ ਜੱਹ ਅੰਗਦ ਜਾਹਿ ॥ ੧੧ ॥

ਸੋਰਠਾ—ਕਛੁ ਚਾਲ ਕਛੁ ਦੌਰ ਪੌਰ ਜਾਇ ਠਾਢੇ ਭਯੋ ਮਾਥੇ ॥
ਨੰਦਨ ਖੋਰ ਰਾਮ ਤੇਜ ਮਾਨੋ ਦਿਪੈ ॥ ੧੨ ॥

ਕਬਿੱਤ—ਏਕ ਓਰ ਦੇਵਤਾ ਬਿਛੋਨਾ ਕਰੈ ਠਾਢੇ ਸੇਵ ਏਕ ਓਰ
ਕਿੰਨਰ ਸੁਆਸਨ ਭਰਤ ਹੈਂ ॥ ਏਕ ਓਰ ਚਾਰਨ ਪਵਤ ਏਕ
ਓਰ ਮੱਤ ਬਾਰਨ ਕੋ ਜੁਥ ਸਿਰ ਧੁਨਯੋਈ ਕਰਤ ਹੈਂ ॥ ਏਕ
ਓਰ ਪੰਡਿਤ ਪ੍ਰਬੀਨ ਕਵਿਬਾਜੀ ਰਬ ਬ੍ਰਿਖਭ ਮਹਿਖ ਮੱਲ
ਸਾਰੰਗ ਲਰਤ ਹੈਂ ॥ ਐਸੋਈ ਸਮਾਜ ਕੋਨ ਕਾਜ ਰਾਜਾ ਰਾਮਬਿਨ

ਚਾਮ ਰਾਮ ਰਾਵਨ ਸੋ ਸੋਗਈ ਮਰਤ ਹੈ ॥ ੧੩ ॥

ਕਬਿੱਤ-ਡਰਪਯੋ ਨਿਵਾਇ ਨਾਰ ਹਾਥ ਜੋਰ ਛਰੀਦਾਰ ਰਾਜਨ
ਕੇ ਰਾਜਾ ਬਾਤ ਕਹੋ ਸਤਿਭਾਇ ਸੋ ॥ ਬਾਂਦਰ ਕੇ ਰੂਪ ਏਕ
ਦਾਰੇ ਠਾਢੇ ਨਾਥ ਤੁਮ ਜੋ ਕਹੋ ਤੋ ਜਾਇ ਕਹੋ ਆਇ ਲਾਰੀ
ਪਾਇ ਸੋ ॥ ਸੀਤਾ ਪਤਿ ਹੂੰ ਕੋ ਦੂਤ ਜਾਨੀਅਤ ਮਹਾਰਾਜ
ਸਭਾ ਕੈ ਨਿਹਾਰਬੇਕੋ ਭਰਜੋ ਚਿਤ ਚਾਇ ਸੋ ॥ ਹਨੂਮਾਨ ਤੇ
ਚਉਨੋ ਜੈਸੇ ਸਸਿ ਚੌਥ ਪੂਨੇ ਦੌਰ ਬਾਤ ਕਹੀ ਦਰਵਾਨ ਲੰਕ
ਰਾਇ ਸੋ ॥ ੧੪ ॥

ਕਬਿੱਤ-ਰਾਵਨ ਬਿਚਾਰੀ ਹਮ ਬਾਤਹੀ ਬਿਸਾਰੀ ਰਾਮ ਵਹੈ
ਕਪਿ ਲੰਕ ਗਢ ਬਹੁਰੇ ਪਠਾਯੋ ਹੈ ॥ ਕਿਧੇ ਮੇਰੇ ਲੋਕ ਯਾਹਿ
ਚਹੂੰ ਓਰ ਰੋਕਤ ਹੈਂ ਤਾਤੇ ਦੁਖ ਪਾਇ ਪਰਵਾਨਗੀ ਕੋ ਆਯੋ
ਹੈ ॥ ਦੇਖੋ ਇਨ ਢੀਠ ਡੀਠ ਬੰਦ ਸੋ ਦਿਖਾਯੋ ਤਬ ਆਪ ਤੋ
ਨ ਜਰਜੋ ਮੇਰੇ ਨਗਰ ਜਰਾਯੋ ਹੈ ॥ ਕਹਜੋ ਬੋਲ ਲੇਹੁ ਆਇ
ਗਯੋ ਕਹਜੋ ਕਿਉਂਰੇ ਸਠ ਦੂਸਰੇ ਉਪਾਇ ਮਰਬੇ ਕੋ ਗਢ
ਲਿਆਯੋ ਹੈ ॥ ੧੫ ॥

ਕਬਿੱਤ-ਅੰਗਦ ਪਠਾਯੋ ਰਾਮ ਜਾਤੇ ਡਰਜੋ ਲੰਕ ਗ੍ਰਾਮ ਜਾਕੋ
ਨਾਮ ਸੁਰਨ ਮੈ ਪ੍ਰਥਮੇ ਸੁਨੀਜੀਏ ॥ ਮਿਤ੍ਰ ਪੀਰ ਹਰ ਰਿਪ
ਚੀਰ ਰਨ ਧੀਰ ਬੀਰ ਮਾਰੈ ਜਾਂਕੇ ਮਰੀਏ ਜਿਆਏ ਜਾਕੈ ਜੀ
ਜੀਏ ॥ ਹਨੂੰ ਜਾਕੇ ਰੋਮ ਸਾਨੀ ਬਡੇ ਅਭਿਮਾਨੀ ਗਜਾਨੀ ਕਹਾ
ਲੈ ਕਹਾਨੀ ਯਾ ਕੇ ਬਲ ਕੀ ਕਹੀਜੀਏ ॥ ਰਾਵਨ ਸਕਾਨਯੋ
ਆਯੋ ਵਹੈ ਕਪਿ ਜਾਨਜੋ ਜੈਸੇ ਦੂਧਕੇ ਜਰੇ ਤੇ ਛਾਛ ਫੂਕ ਫੂਕ
ਪੀਜੀਏ ॥ ੧੬ ॥

ਕਬਿੱਤ-ਸੀਤਾ ਜਬ ਹਰੀ ਬੁਰੇ ਕੀਓ ਤਾਂਹੀ ਘਰੀ ਐਸੀ ਕਬ
ਹੂੰ ਨਕਾਹੁ ਕਰੀ ਜੈਸੀ ਕਰ ਸੋਇਗੋ ॥ ਤਾਂਪਰ ਨ ਕੁਸਰਾਤ ਔਰ
ਸੁਨੋ ਉਤਪਾਤ ਹਨੂਮਾਨ ਆਯੋ ਵਹਿ ਸਮਝਾਇ ਰੋਇਗੋ ॥
ਹੋ ਕਹੈ ਉਪਾਇ ਵਹ ਕੋ ਹੈ ਲੰਕ ਰਾਇ ਤਾਂਹਿ ਦੇਹੁ ਦਿਖਰਾਇ
ਦੁਖ ਕਾਲ ਜਾਂਹਿ ਪੋਇਗੋ ॥ ਦੇਖੋ ਹਾਇ ਹਾਇ ਤਾਕੀ ਕੈਸੀ

ਪਤਿ ਜਾਇ ਭਾਈ ਰਾਮ ਨਾਮ ਦੀਪਕ ਪਤੰਗ ਪਰਜੇ ਹੋਇਗੇ
॥ ੧੭ ॥

ਸਵੈਯਾ—ਜਾਂ ਦਿਨ ਤੇ ਗਰ ਫਾਸਿ ਪਰੀ ਕਪਿ ਤਾ ਦਿਨ ਤੇ
ਮੁਖ ਆਜ ਦਿਖਾਯੋ । ਜਾਹਿ ਹਨੂ ਪਤਿ ਰਾਖਤ ਹੋਂ ਅਬ ਲੋ
ਹੀਅ ਰੋਖ ਨਹੀ ਉਪਜਾਯੋ । ਰਾਮਹਿ ਸੋਧ ਕਹੇ ਸੀਅ ਕੇ ਅਰ
ਕ੍ਰੋਧ ਬਢਾਇ ਜੋ ਜਾਇ ਬਢਾਯੋ । ਜੋ ਬਲ ਤੋ ਨ ਬਿਲੰਬ ਕਰੇ
ਸੁਨਦੰਭ ਬਿਨਾ ਰਨ ਖੰਭ ਗਡਾਯੋ ॥ ੧੮ ॥

ਕਬਿੱਤ—ਅੰਗਦ ਬਿਹਸ ਕਹੀ ਬਾਤ ਸੁਨ ਰਾਜਾ ਮੀਚ ਆਪਨੀ
ਬਤਾਈ ਉਨ ਤੈਸੇ ਫਲ ਪਾਯੋਹੈ । ਬ੍ਰਹਮ ਫਾਸ ਪਰੀ ਮਾਰ ਖਾਈ
ਪੇਛ ਜਰੀ ਯਹ ਬਾਤ ਸੁਨ ਬਾਂਦਰਨ ਮੁਹ ਨ ਲਗਾਯੋ ਹੈ ॥
ਤਾਕੇ ਪਰਪੰਚ ਪਰ ਰੰਚਕ ਤੋ ਹਸੇ ਰਾਮ ਲਾਜ ਗਾਤ ਪਰੀ
ਫਿਰ ਸਭਾ ਮੈਂ ਨ ਆਯੋ ਹੈ । ਲੰਕ ਸੰਕ ਮੱਛ ਅੱਛ ਬਾਗਸਾਗ
ਤੋਰਿਓਜਿਨ ਹਨੂ ਵਹ ਔਰ ਯਹ ਔਰ ਕਪਿ ਆਯੋ ਹੈ ॥ ੧੯ ॥

ਕਬਿੱਤ—ਏਕ ਦੂਤ ਆਯੋ ਕਹੇ ਸਨੇਹੋ ਪਠਾਯੋ ਰਾਮ ਲੰਕ ਜਾਰ
ਗਯੋ ਤਾਤੇ ਕਪਿਨ ਖਿਸਾਯੋ ਹੈ ॥ ਛਲ ਤਾਸੋਂ ਕੀਜੈ ਭੁਜ ਬਲ
ਨ ਬਸਾਇ ਰੰਕ ਕਹਾਂ ਲੰਕ ਪਤੀ ਜਾਸੋਂ ਪਾਖੰਡ ਚਲਾਯੋ ਹੈ ॥
ਵਾਕੀ ਐਸੀ ਗਤਿ ਜਾਕੇ ਡਰ ਤੁਮੈ ਹੈ ਨ ਮਤਿ ਹਨੂਮਾਨ ਲੈ
ਲੈ ਨਾਮ ਮੋਹੂ ਕੇ ਬੁਲਾਯੋ ਹੈ ॥ ਜੀਅ ਮੈ ਬਿਚਾਰ ਮੋਹਿ ਨੀਕੇ ਕੈ
ਨਿਹਾਰ ਬੁਝ ਅੰਗਦ ਤੂੰ ਰਾਮਚੰਦ ਕਾਹੇ ਕੇ ਪਠਾਯੋ ਹੈ ॥ ੨੦ ॥

ਦੋਹਰਾ—ਰਾਵਨ ਜੀਅ ਸਮਝੀ ਤਬਹਿ ਸਬ ਚੰਚਲ ਕਪਿ ਜਾਤ
॥ ਪੈ ਯਾਕੀ ਕਛੁ ਬਾਤ ਤੇ ਛਤੀਆ ਅਧਿਕ ਸਿਰਾਤ ॥ ੨੧ ॥

ਸੋਰਠਾ—ਛਾਡਿਯੋ ਕੋਪ ਸੁਭਾਉ ਬੈਠਾਯੋ ਤਬ ਸਭਾ ਮੈਂ ॥ ਕਹਿ
ਮੋਸੇ ਸਤਭਾਉ ਰਾਮਚੰਦ ਲਛਮਨ ਕਹਾਂ ॥ ੨੨ ॥

ਸੋਰਠਾ—ਸੁਨਤ ਹੀ ਕੀਓ ਪ੍ਰਨਾਮ ਰਾਜਾ ਤੇ ਮੁਖ ਧੰਨ ਹੈ ॥
ਜਹ ਤੇ ਲਛਮਨ ਰਾਮ, ਨਿਕਸਤ ਚੌਦਹ ਲੋਕਪਤਿ ॥ ੨੩ ॥

ਸੋਰਠਾ—ਗਯਾਨ ਕਥਾ ਬਿਸਤਾਰ, ਜਲ ਬਲ ਘਟ ਘਟ ਰਾਮ
ਹੈ ॥ ਉਤਰੇ ਜਲ ਨਿਧਿ ਵਾਰ ਅਚਤੁਮਸੋਹਸਿ ਯੋਂਕਹੀ ॥ ੨੪

ਕਬਿੱਤ—ਅੰਗਦ ਪ੍ਰਬੀਨ ਬੁਧਿ ਪੌਰਖ ਨ ਹੀਨ, ਤਬ ਮੇਰੇ ਪਾਛੇ
ਹਰੀ ਵਹੈ ਕਬਿੱਤ ਸੁਨਾਯੋ ਹੈ ॥ ਪਾਛੇ ਕਹੀ ਬਾਤ ਰਾਜਾ ਬਡੇ
ਉਤਪਾਤ ਕੀਨੋ ਰਾਮਚੰਦ ਜੂ ਸੋ ਬੈਰ ਮਨ ਤੇ ਬਢਾਯੋ
ਹੈ ॥ ਯਾਹੀ ਮੈ ਸਮਝ ਤੈ ਤੋ ਰੇਖ ਨ ਮਿਟਾਇ ਸਕੀ, ਤਾਂਕੇ ਏਕ
ਦੂਤ ਢਾਂਧ ਨੀਰ ਨਿਧਿ ਆਯੋ ਹੈ ॥ ਔਰ ਜੋ ਕਦਾਂਚ ਰੁਦ੍ਹ ਹੂੰ
ਕੋ ਅਭਿਮਾਨ ਹੈ ਤੋ, ਰੁਦ੍ਹ ਹੂੰ ਕੋ ਬੂਝ ਰੁਦ੍ਹ ਕੋ ਨ ਕੋ ਬਨਾਯੋ ਹੈ ॥ ੨੫ ॥
ਦੋਹਰਾ—ਲੰਕਾਪਤਿ ਜੀਅ ਮੈ ਕਹੈ, ਰਿਸ ਕੀਨੋ ਉਤਪਾਤ ॥
ਬਿਨ ਬੋਲੇ ਛਤੀਆ ਜਰੇ, ਉਰਗ ਚਚੁੰਧਰ ਬਾਤ ॥ ੨੬ ॥

ਸੋਰਠਾ—ਤਬ ਬੋਲਯੋ ਲੰਕੇਸ ਜੋ ਰਘੁਬੀਰ ਮਹਾਬਲੀ ॥ ਅਸਤਿ
ਕਰੋ ਕਪਿ ਭੇਸ ਬਿਨਾ ਜੁੱਧ ਸੀਤਾ ਨਹੀਂ ॥ ੨੭ ॥

ਕਬਿੱਤ—ਚਾਤਰ ਕਹਾਵਤ ਹੈ ਬਾਨਰ ਪਠਾਵਤ ਹੈ ਮੇਰੀ ਜਾਨ
ਕੀ ਕੋ ਏਈ ਅਬ ਤੋ ਲੈ ਜਾਇਗੋ ॥ ਜਾਨਤ ਹੋਂ ਸਭਨ ਕੋ
ਕਾਲ ਨਿਜਕਾਨਿਯੋਂ ਇਹ ਤਬਹੀ ਰਹੇਗੋ ਜਬ ਭਲੀ ਮਾਰ
ਖਾਇਗੋ ॥ ਮਾਤੇ ਗਜ ਰਾਜਨ ਕੇ ਕੁੰਭਨ ਬਿਦਾਰ ਜੇਵੈ ਲੋਹੂ
ਸੋ ਮਿਲਾਇ ਮੋਤੀ ਕੇਹਰ ਚਬਾਇਗੋ ॥ ਤਿਨ ਹੀ ਕੀ ਦਾਢਨ
ਕੋ ਮਾਸ ਲੀਓ ਚਾਹੈ ਕਪਿ ਐਸੇ ਰਾਮ ਚੰਦ ਆਇ ਲੰਕਾ
ਪਛੁਤਾਇਗੋ ॥ ੨੮ ॥

ਕਬਿੱਤ—ਕੌਨੈ ਸਿਖ ਦੀਨੀ ਤੇਰੀ ਦੇਖੀ ਮਤਿ ਹੀਨੀ ਜਾਤੇ
ਐਸੀ ਬਾਤ ਕੀਨੀ ਭਾਰੀ ਸੁਖ ਕੀ ਤੋ ਹਾਨ ਕੀ ॥ ਸੂਰ ਸਸਿ
ਸੇਵੈ ਪੌਰ ਆਵਤ ਬਿਰੰਚ ਦੌਰ ਔਰ ਪੁਰਹੂਤ ਕੇ ਨ ਰਹੀ ਬਾਤ
ਮਾਨ ਕੀ ॥ ਦੇਖਤ ਸਮਾਜ ਐਸੇ ਆਜ ਹੂੰ ਨ ਕਾਲ ਮੂਢ ਅਜੋ
ਚੇਤ ਚਲ ਬਾਤ ਯਹੈ ਹੈ ਸਯਾਨ ਕੀ ॥ ਜਾਨਕੀ ਨ ਬਾਤ ਤੈਸੀ
ਸੀਆ ਹਾਥ ਹੂੰ ਨ ਲਾਗੀ ਜਾਨਕੀ ਲੈ ਆਯੋ ਸੋਈ ਜਾਨੀ ਬਾਤ
ਜਾਨ ਕੀ ॥ ੨੯ ॥

ਕਬਿੱਤ—ਅੰਗਦ ਤੂੰ ਕਾਕੇ ਸੁਤ ਨੀਕੋ ਸਮਝਾਇ ਮੋਹਿ ਬਾਲੀ
ਬਲਵੰਤ ਜੀ ਕੋ ਏਕਲੋ ਤੋ ਤਾਤ ਹੈਂ ॥ ਕੌਨ ਬਾਲੀ ਕਹੋ ਕਿ
ਉਨ ਔਰ ਸੋ ਤੋਂ ਕਹੋ ਪਰ ਤੋ ਸੋ ਕਹੋ ਤਾਕੇ ਗੁਨ ਉਲਟੇ

ਲਜਾਤ ਹੈਂ ॥ ਸਾਚ ਕੈਲ ਜਾਨੁ ਜੋ ਕਹਿਓ ਜਾਨ ਵਹੈ ਜੀਵਤ ਹੈ
ਕੈਸੇ ਜੀਏ ਰਾਮ ਕੋਪ ਕੌਨ ਕੋ ਨ ਪਾਤ ਹੈ ॥ ਤੈ ਨ ਬੈਰ ਲੀਓ
ਆਨ ਮਿਲੇਈ ਤੇ ਜੀਓ ਆਗੇ ਤੇਰੇ ਬੈਰ ਮੇਘਨਾਥ ਲੀਏ ਨ
ਪਰਾਤ ਹੈ ॥ ੩੦ ॥

ਸਵੈਯਾ—ਬਾਲੀ ਕੀ ਦੇਹ ਬੁਢਾਨੀ ਹਤੀ ਅਰ ਤਾਪਰ ਰਾਮ ਕੀਓ
ਛਲ ਮਾਰਿਓ ॥ ਹੋ ਬਲਵੰਤ ਬਡੇ ਜਗ ਮੈ ਵਿਪਰੀਤਿ ਬਡੀ ਵਹਿ
ਕਾਹੇ ਤੇ ਹਾਰਿਓ ॥ ਕੈ ਵਹ ਝੂਠ ਕੈ ਮੇਰੇਈ ਲੋਗਨ ਮੇਸੇ ਪੁਰਾਤਨ
ਬੈਰ ਚਿਤਾਰਿਓ ॥ ਜਾਨੀ ਨ ਜਾਇ ਕਛੁ ਸ਼ਿਵ ਕੀ ਗਤਿ ਕੰਟਕ
ਹੋ ਸੁਖ ਸੋ ਬਿਧਿ ਟਾਰਿਓ ॥ ੩੧ ॥

ਕਬਿੱਤ—ਰਾਮ ਹੀਕੇ ਕੋਪ ਹਰਨਾਕਸ ਕੀ ਘਟੀ ਓਪ ਔਰ ਹਰ-
ਨਕਸਪਕੀ ਦਯੋ ਜਰ ਤੇਲ ਹੈ ॥ ਰਾਮ ਹੀ ਕੇ ਕੋਪ ਮਧਕੈਟਭ
ਸੰਘਾਰੇ ਅਰ ਤਾਂਹੀਤੇ ਵਿਗੂਤੇ ਬਲ ਰਾਮ ਸੋ ਨ ਮੇਲ ਹੈ ॥ ਰਾਮ
ਹੀਕੇ ਕੋਪ ਮ੍ਰਿਗ ਮਾਰਿਯੋ ਨਾਕ ਕਾਟੀ ਅਰ ਖਰ ਦੁਖਗਾਦਿ
ਕੇ ਲਗਾਯੋ ਛਾਤੀ ਸੇਲ ਹੈ ॥ ਤਾਂਹੀ ਗਿਨਤੀ ਮੈ ਮ੍ਰਿਗਰਾਜ ਸਾਖਾ
ਮ੍ਰਿਗ ਮਾਰਿਓ ਰਾਮ ਕੋਪ ਮੇਰੇ ਜਾਨੇ ਤੋਕੇ ਹਾਸੀ ਖੇਲ ਹੈ ॥ ੩੨ ॥

ਕਬਿੱਤ—ਜਾਨਿਓ ਹਮ ਨਿਰਾਧਾਰ ਅੰਗਦ ਤੁਹੀ ਬਿਚਾਰ ਬਾਪ
ਜਿਨ ਮਾਰਿਓ ਤਾਂਕੀ ਯੋ ਬਡਾਈ ਕੀਜੀਏ ॥ ਅੰਸ ਪੁਰਹੂਤ ਹੂੰ
ਕੋ ਕੀਨੋ ਹੈ ਕਸੂਤ ਜਿਨ ਸੁਨ ਰੇ ਕਪੂਤ ਤਾਕੋ ਦੂਤ ਹੈਕੈ ਜੀ-
ਜੀਏ ॥ ਸਤ ਕੋ ਨ ਛਾਡ ਅਜਹੂੰ ਲੋ ਰਨ ਮਾਂਡ ਤਾਸੇ ਮੇਰੀ ਓਰ
ਹੈਕੈ ਸੰਗ ਸੈਨਾ ਬਲ ਲੀਜੀਏ ॥ ਬਨੀ ਹੈ ਰੇ ਬਾਤ ਨੈਕ ਬਾਤ
ਹੂੰ ਕੋ ਮਾਨੇ ਨਿਜ ਤਾਤ ਬੈਰ ਲੈਕੇ ਜਸ ਸੁਧਾ ਕਜੋਂ ਨ ਪੀਜੀ-
ਏ ॥ ੩੩ ॥

ਕਬਿੱਤ—ਔਰ ਜੋਗਨਾਏ ਜੇਤੇ ਐਸੇ ਕੀਟਿ ਭਏ ਕੇਤੇ ਤੇਰੇ ਮਿਲੇ
ਲੰਕਾਪਤਿ ਕਬਹੂੰ ਨ ਹਾਰ ਹੈ ॥ ਬੈਰੀ ਤਿਨ ਦਲ ਤਾਂਕੇ ਰਾਵਨ
ਅਨਲ ਅਰ ਤੋ ਸਮੀਰ ਪਾਏਤੇ ਘਨੇਈ ਘਰ ਜਾਰਿ ਹੈ ॥ ਭਟ
ਹੈਂ ਕਿ ਭਾਟ ਹੈਂ ਬਢਾਵਤ ਹੈਂ ਰਾਮਜਸੁ ਸੋਊ ਹਮ ਮਾਨੀ ਕਹਾ
ਮੋਹੁ ਆਨ ਮਾਰ ਹੈ ॥ ਜਿਉਂ ਬਜਾਰ ਬੇਗ ਸੋ ਨਿਬਾਹਤੇ ਚਲੇਗੀ

ਤਬ ਰੂਖਨ ਗਿਰਾਇ ਹੈ ਨ ਗਿਰਿ ਕੇ ਉਪਾਰ ਹੈ ॥ ੩੪ ॥
 ਕਬਿੱਤ-ਹਸਿਓ ਮੁਸਕਾਨਿਓ ਤੇਰੇ ਪੋਰਖ ਤੇ ਜਾਨਿਓ ਤਬ
 ਬੋਲਿਓ ਸੁਨ ਬੋਲੇ ਬਿਨ ਹੀਅਰੇ ਜਰਤ ਹੈ ॥ ਬਾਪਤੇਨ ਬਲੀ
 ਹੋਂ ਨ ਸਿੰਧ ਤੇ ਅਚਲ ਰਾਮ ਤੇਊ ਮਾਰੇ ਬਾਂਧੇ ਤੈ ਤੇ ਸੁਨੇ ਨ
 ਡਰਤ ਹੈ ॥ ਹੋਂ ਤੇ ਸਮਝਾਇ ਬੇਕੇ ਕਾਜ ਤੇ ਪੈ ਆਯੋ ਅੰਧ ਤੂੰ ਤੇ ਮੋਹਿ
 ਪੰਚਨ ਤੇ ਨਜਾਰੋਈ ਕਰਤ ਹੈ ॥ ਮਾਨਤ ਨ ਬਾਤ ਤੋਹਿ ਭਯੋ
 ਸੰਨਪਾਤ ਮੂਢ ਆਪ ਤੇ ਬਚਤ ਨਾਹੀਂ ਮੋਹਿਲੈ ਮਰਤ ਹੈ ॥ ੩੫ ॥
 ਕਬਿੱਤ-ਮੋਹਿ ਦਲ ਦੇਤ ਹੈਂ ਸੇ ਤੇਰੇ ਕਹਾਂ ਹੇਤ ਹੈ ਤੂੰ ਤੀਨੋ ਲੋਕ
 ਲੈਕੇ ਸੰਗ ਕਿਉਂ ਨ ਸਮੁਹਾਤ ਹੈ ॥ ਘਰ ਮੈ ਬਿਰਾਜਤ ਹੈ ਬਾਦਰ
 ਜਿਓ ਗਾਜਤ ਹੈ ਤੋ ਲੈ ਜੋ ਲੈ ਲਛਮਨ ਬਾਨ ਕੇ ਨ ਪਾਤ
 ਹੈ ॥ ਹਨੂਮਾਨ ਹੂੰ ਕੇ ਆਏ ਸਾਤੇ ਭੂਲੀ ਹੁਤੀ ਅਬ
 ਸੋਕ ਭੂਲ ਜੈਹੈ ਕੋਊ ਐਸੇ ਇਤਰਾਤ ਹੈ ॥ ਛਾਡ ਬਕਬਾਦ
 ਯਾਹਿ ਮਤਿਕੇ ਪ੍ਰਸਾਦਿ ਤੂੰ ਤੇ ਨਿਆਇ ਦੇਸ ੨ ਠੌਰ ੨ ਬਾ-
 ਧਿਓ ਜਾਤ ਹੈ ॥ ੩੬ ॥

ਕਬਿੱਤ-ਕੰਟਕ ਅਲਾਪੀ ਕਪਿ ਬਾਲੀ ਬੰਸ ਘਾਤੀ ਤੀਨੋ ਲੋਕ
 ਮਾਂਹ ਐਸੇ ਕੌਨ ਮੋਹਿ ਗਹਿ ਬਾਂਧ ਹੈ ॥ ਜਾਕੇ ਬਲ ਕੁਦਤ ਹੋ
 ਸੋਈ ਰਾਮਚੰਦ ਰਨ ਆਇ ਮੋਹਿ ਦੇਖ ਕੈ ਸੁ ਕੈਸੇ ਬਾਨ ਸਾਧ
 ਹੈ ॥ ਏਕ ਹੀ ਪ੍ਰਹਾਰ ਸਿੰਧ ਧਾਰ ਮੈ ਲੈ ਬੋਰੇਂ ਕਪਿ ਕੀਓ ਪੈਹੈ
 ਆਪਨੋ ਜੁ ਮੋਸੇ ਬੈਰ ਸਾਧ ਹੈ ॥ ਦਾਨੋ ਔਰ ਦੇਵ ਸਬ ਕਰੈ
 ਜਾਕੀ ਸੇਵ ਸੋਈ ਰਾਵਨ ਤਿਹਾਰੇ ਜੈਬੇ ਕੌਨ ਨ ਮੈ ਰਾਧ ਹੈ ॥ ੩੭ ॥
 ਦੋਹਰਾ-ਜਬ ਰਾਵਨ ਐਸੇ ਕਹਜੇ ਮੋਹਿ ਨ ਬਾਧੇ ਕੋਇ । ਤਬ
 ਅੰਗਦ ਹਸ ਹਸ ਪਰੈ ਰਾਮ ਕਰੈ ਸੋ ਹੋਇ ॥ ੩੮ ॥

ਸੋਰਠਾ-ਵਹੈ ਸੁਨਾਊਂ ਆਜ ਜੇ ਜੇ ਰਾਵਨ ਮੈ ਸੁਨੇ ॥ ਰਾਮਚੰਦ
 ਕੈ ਕਾਜ ਫਿਰ ਬੋਲੇ ਪੂਰੇ ਕਰੈ ॥ ੩੯ ॥

ਕਬਿੱਤ-ਏਕ ਕੇ ਸਹੱਸ੍ਰ ਬਾਹੁ ਬਾਧ ਲੈ ਗਯੋ ਅਵਾਸ ਐਸੇ ਤ੍ਰਾਸ
 ਦੀਨੋ ਤੋਹਿ ਕੈਸੇ ਕੈ ਸੁਨਾਈਏ ॥ ਦੂਸਰੇ ਕੇ ਰਾਜਾ ਬਲ ਬਾਂਧ
 ਲੈ ਗਯੋ ਪਤਾਲ ਦਾਸਨ ਕੇ ਆਗੇ ਨਾਚੇ ਜੋਤ ਤਬ ਪਾਈਏ ॥

ਤੀਸਰੇ ਕੋ ਮੇਰੇ ਪਿਤਾ ਬਾਲੀ ਮੇਰੇ ਕਾਜ ਲਜਾਯੋ ਛੋਨਾ ਲੈ
ਖਿਲੋਨਾ ਬਾਂਧ ਪਾਲਨੇ ਝੁਲਾਈਏ ॥ ਰਾਵਨ ਸੁਨੇ ਅਨੇਕ
ਤਿਨ ਮੈਂ ਤੂੰ ਕੌਨ ਏਕ ਗਰਬਕੀ ਏਕ ਮੇਰੇ ਆਗੇ ਨ ਜ-
ਨਾਈਏ ॥ ੪੦ ॥

ਕਬਿੱਤ-ਭਾਈ ਕੁੰਭਕਾਨ ਸਨਮਾਨ ਜਾਕੇ ਕਰੈ ਬਿਧਿ ਬਲ
ਕੋ ਪ੍ਰਮਾਨ ਤਾਕੇ ਕੈਸੇ ਉਰ ਆਨੀਏ ॥ ਪੂਤਮੇਘਨਾਦਿ ਜਿਨ
ਇੰਦ੍ਰ ਆਦਿ ਜੀਤੇ ਸਬ ਔਰਨ ਕੋ ਬੁਝ ਦੇਖ ਕੈਸੇ ਕੈ ਬਖਾ-
ਨੀਏ ॥ ਧਾਰ ਤਲਵਾਰ ਕੀ ਨ ਬਜ੍ਹ ਪੈ ਸਹਾਰੀ ਜਾਇ ਐਸੇ
ਚੰਦ੍ਰਹਾਸ ਜਾਕੇ ਤੇਜ ਨਭ ਆਨੀਏ ॥ ਐਸੇ ਰਾਜਾ ਰਾਵਨ ਕੋ
ਤੂੰ ਨਾ ਪਹਿਚਾਨਤ ਹੈ ਆਜ ਜਾਕੇ ਪੌਰਖ ਤਿਲੋਕੀ ਮਾਹਿ
ਜਾਨੀਏ ॥ ੪੧ ॥

ਕਬਿੱਤ-ਇੰਦ੍ਰ ਮੇਰੇ ਮਾਲੀ ਅੰਸੁਪਾਲੀ ਵਰਬਾਰ ਪਾਲੀ ਤਾਰਾ-
ਪਤਿ ਛੱਤ੍ਰ ਹਾਥ ਲੀਏਈ ਰਹਿਤ ਹੈ ॥ ਬਰਨ ਸਮੀਰ ਮੇਰੇ
ਮੰਦਰ ਬੁਹਾਰਤ ਹੈ ਨੀਰ ਅਚਵਤ ਪਾਛੈ ਜਗ ਮੈਂ ਬਹਤ ਹੈ ॥
ਪਾਕ ਕਰੈ ਪਾਵਕ ਪ੍ਰਬੀਨ ਬੀਨ ਲੀਨੇ ਰਿਖ ਨਾਰਦ ਔ
ਬਾਕਪਤਿ ਸਭਾ ਮੈ ਰਹਤ ਹੈ ॥ ਸੁਨੋ ਰਾਮਦੂਤ ਘਰ ਏਤੀ ਹੈ
ਵਿਭੂਤ ਮੇਰੇ ਰਾਵਨ ਸਪੂਤ ਬਿਧਿ ਆਪਨ ਕਹਤ ਹੈ ॥ ੪੨ ॥

ਕਬਿੱਤ-ਜੇਤੀ ਤੈ ਵਿਭੂਤ ਕਹੀ ਸਬੈ ਅੰਗ ਸਬੈ ਸਹੀ ਔਰ ਕੈ
ਪ੍ਰਤਾਪ ਕੀ ਚਲਾਇ ਸਕੈ ਬਾਤ ਕੋ ॥ ਦਾਨ ਸਨਮਾਨ ਭੁਜ
ਪੌਰਖ ਪ੍ਰਮਾਨ ਸੂਰ ਔਰ ਬਲ ਕੌਨ ਗਨੈ ਤੇਰੇ ਬਡੇ ਭ੍ਰਾਤ ਕੋ
॥ ਰਾਕਸ ਸਹਾਇਕ ਹੋ ਸਬੈ ਸੂਰ ਨਾਇਕ ਹੋ ਦੇਵਨ ਬਿਗਾਰੈ
ਤੇ ਸੋ ਮਾਨਸ ਕੀ ਜਾਤ ਕੋ ॥ ਰਾਵਨ ਪ੍ਰਬੀਨ ਪਰ ਏਕ ਮਤਿ
ਹੀਨ ਤੇਰੇ ਰਾਜ ਰਾਮਚੰਦ ਬਿਨ ਜੈਸੇ ਚੰਦ ਪ੍ਰਾਤ ਕੋ ॥ ੪੩ ॥

ਸਵੈਯਾ-ਦੇਵਨ ਕੋ ਪਤਿ ਤਾਹੂੰ ਕੋ ਹੈ ਪਤਿ ਬੈਰੀ ਅੰਧੇਰਨ ਕੋ
ਦਿਨ ਸੋਂ । ਕਪਿ ਤੂੰ ਜੁ ਕੀਏ ਮੁਹਿਡਾਰਤ ਹੈਂ ਲਘੁ ਮਾਨਤ ਹੈ
ਜੀਅ ਮੈ ਤਿਨਸੋਂ । ਅਬ ਜੋ ਲਗ ਤੋਹਿ ਨ ਮਾਰਤ ਹੈਂ ਤਬ ਲੋ
ਛਤੀਆ ਪਰ ਹੈ ਰਿਨ ਸੋਂ । ਸਠ ਰਾਮ ਕੇ ਦੂਤਨ ਯੋ ਰਿਸ

ਆਵਤ ਮਾਰ ਪ੍ਰਲੈ ਕਰੇਂ ਜੀ ਬਿਨ ਸੇਂ ॥ ੪੪ ॥

ਕਬਿੱਤ-ਜਾਨਕੀ ਲੈ ਚਲ ਹੈਂ ਤੇ ਸਦਾ ਫੂਲ ਫਲ ਹੈਂ ਤੇ ਹਾਥ
ਤੇਰੇ ਗਹਿ ਰਘੁਨਾਥਸੇ ਮਿਲਾਇਹੇਂ । ਪਾਇਨ ਲਗਾਇ ਅਪ-
ਰਾਧ ਹੂੰ ਛਿਮਾਇ ਔਰ ਸੀਤਾ ਪੈਕਹਾਇ ਗਵਲੰਕਹੂੰਦਿਵਾਇ
ਹੇਂ । ਜੋ ਪੈ ਰਨ ਬਾਤ ਤੇ ਨ ਦੇਖੇ ਕੁਸਰਾਤ ਤੇਰੇ ਏਕ ਰਾਮਬਿਨ
ਮਾਸ ਗੀਧਨ ਖਵਾਇ ਹੇਂ । ਸੁਨੇ ਬੀਸ ਡੀਠ ਤੋਹਿ ਦੁਹੁ ਭਾਂਤਿ
ਡੀਠ ਹੇਂ ਹੀ ਅੰਗਦ ਬਸੀਠ ਭੂੰਮਿ ਪੀਠਹਿ ਲੁਠਾਇ ਹੇਂ ॥੪੫॥
ਸਵੈਯਾ-ਸੀਸ ਗਏ ਕਪਿਸੀ ਨ ਕਰੇਂ ਅਰ ਲੰਕ ਗਏਉ ਕਲੰਕ
ਸਹੇਰੇ । ਗਾਉਂ ਜਰੇ ਅਬਹੀਉਜਰੇ ਅਰ ਰਾਮ ਵਿਭੂਤਹਿ ਆਨ
ਗਹੇਰੇ । ਬੀਰ ਬਭੀਖਨ ਕੋ ਬਕਸੇ ਏਈ ਬੋਲ ਸੁਨਾਇਕੇਲੋਕ
ਦਹੇਰੇ । ਅੰਗਦ ਪੈ ਅਬ ਜਾਨਕੀ ਲੈ ਪ੍ਰਭ ਚੁਕ ਪਰੀ ਮੁਖ ਤੇ
ਨ ਕਹੇ ਰੇ ॥ ੪੬ ॥

ਸਵੈਯਾ-ਰਾਮ ਕੇ ਦੇਖਤ ਜੋ ਸੀਅ ਕੀ ਪਰਛਾਹੀਂ ਕੇ ਲੈਚਲੈ ਤੇ
ਬਲ ਤੇਰੇ । ਜੋ ਛਲ ਕੈ ਨਹਿ ਰੇਖ ਮਿਟਾਵਤ ਤੋ ਹਮ ਜਾਨਤ
ਤੋਹਿ ਨ ਬੋਰੈ । ਚੇਤ ਅਜੋਂ ਚਿਤ ਮੈ ਸਠ ਰਾਵਨ ਪਾਵਨ ਰਾਮ
ਕ੍ਰਿਪਾਲ ਅਜੋਰੇ । ਦੇ ਮਹਿ ਏਕ ਕਰੇ ਨਿਰਧਾਰ ਤੋ ਕੈ ਸੀਅ
ਦੇਹ ਕੈ ਸੀਸ ਦਸੋਰੇ ॥ ੪੭ ॥

ਕਬਿੱਤ-ਬਾਹਨ ਸਮੇਤ ਬੀਸ ਬਾਹਨ ਸਮੇਤ ਬੀਸ ਏਤੇ ਬੀਸ
ਬਾਹ ਨ ਦੁਬਾਹਨ ਸਮਾਨ ਕੀ । ਵਾਕੇ ਸੰਗ ਬਾਨਰ ਹੈਮੇਰੇ ਸੰਗ
ਬਾਨ ਰਹੈ ਬਾਨਰ ਕੀ ਚਮੁੰਸਬਕਰੇ ਏਕ ਬਾਨ ਕੀ । ਵਾਕੇ ਸੰਗ
ਲਛਮਨਮੇਰੇ ਕੋਟ ਲਛਮਨ ਤੀਨੋਲੋਕਕਾਂਨਕੀ ਨ ਕਾਨ ਕਰੇ
ਆਨਕੀ । ਦੇਹ ਦੇਉਂ ਜਾਨਕੀ ਔ ਗੇਹ ਦੇਉਂ ਜਾਨਕੀ ਸੁ
ਮੇਰੀ ਮਤਿ ਜਾਨਕੀ ਨ ਜਾਨ ਦੇਉਂ ਜਾਨਕੀ ॥ ੪੮ ॥

ਕਬਿੱਤ-ਹਨੂਮਾਨ ਆਯੋ ਤਿਨ ਐਸੇ ਨਖਿਝਾਯੋ ਮੋਹਿ ਬਾਨਰ
ਕੇ ਮਾਰੇ ਮੇਰੇ ਪੌਰਖਗਿਰਾਤ ਹੈ । ਲੰਕਾ ਉਨਜਾਰੀ ਯਹਿਛਾਤੀ
ਕੇ ਜਰਾਵਤ ਹੈ ਕ੍ਰੋਧ ਕੀਏ ਕ੍ਰੋਧ ਸੀਰੇ ਭਏ ਸੀਅਰਾਤ ਹੈ ।
ਸੀਤਾ ਤੁਮ ਭੀਖਸੀ ਜੁ ਮਾਂਗਤ ਹੋ ਬਾਰ ਬਾਰ ਮੈਹੂੰ ਭੀਖ ਪਾਈ

ਰੰਕ ਰੰਕ ਕੇ ਨ ਜਾਤ ਹੈ। ਬਲ ਹੈ ਤੇ ਆਜ ਕਰੈ ਸੂਧੇ ਰਨ ਆ-
ਇ ਲਰੈ ਕਾਇਰ ਜਜੇਂ ਰਾਮ ਤੇਰੇ ਕਾਹੇ ਬਿਲਲਾਤ ਹੈ ॥ ੪੯ ॥

ਕਬਿੱਤ-ਅਰੇਲੰਕਪਤਿ ਮੂਢ ਮਤਿ ਬਿਨਾਰਤੀ ਅਬਸਤੀ ਕੋ ਸੋ
ਡਾਢਸ ਤੂੰ ਕਾਹੇ ਕੋ ਕਰਤ ਹੈ। ਘਰ ਬੈਠੇ ਆਯੋ ਰਾਮ ਸੀਅਦੈ
ਸਵਾਰ ਕਾਮ ਬਿਨਾ ਆਈ ਲੈ ਬੁਰਾਈ ਕਾਹੇ ਕੋ ਮਰਤ ਹੈ। ਪਾਪ
ਕਰ ਭਾਰੇ ਪਾਛੇ ਸਮਝੈ ਸਭਾਰੇ ਪ੍ਰਭੁ ਤੇਤੋ ਸਭ ਤਾਰੇ ਕਹਜੇ
ਕਾਨ ਨ ਧਰਤ ਹੈ। ਕੋਤਕ ਦਿਖਾਂਉ ਚਲ ਪਾਬਰ ਪਯੋ ਨਿਧਿ
ਮੈ ਪਾਬਰ ਤਰਤ ਆਜ ਤੂੰ ਕਜੇਂ ਨ ਤਰਤ ਹੈ ॥ ੫੦ ॥

ਕਬਿੱਤ-ਪਰੇ ਰਨ ਗਾਢੇ ਰੁਦ੍ਹ ਹੋਇਗੇ ਨ ਆਢੇ ਜੋ ਤੂੰ ਠਾ-
ਢੇ ਹੈ ਬਜਾਇ ਢੋਲ ਲਾਖਕ ਪੁਕਾਰ ਹੈ ॥ ਬਿਨਾ ਜਾਨੇ ਤੈ ਤੇ
ਰਾਮਚੰਦ ਸੋ ਬਿਗਾਰੀ ਅਬ ਜਾਇ ਮਿਲੈ ਰਾਮਚੰਦ ਤੋਸੇ ਨ
ਬਿਗਾਰ ਹੈ ॥ ਬਾਲੀਕੇ ਸੰਘਾਰੇ ਹੋਂ ਚਰਨ ਜਾਇ ਲਾਗੇ ਦੀਨੋ
ਰਾਜ ਮੋਹਿ ਕਹਜੇ ਰਾਮ ਮਿਲੇਈ ਤੇ ਹਾਰ ਹੈ। ਹਨੂ ਬਿਨ ਮੋ
ਬਿਨ ਜੋ ਐਹੈ ਕੋਊ ਔਰ ਕਪਿ ਪ੍ਰਭੁ ਕੇ ਬਿਨਾਹੀ ਕਹੇ ਤੋਹਿ
ਮਾਰ ਡਾਂਰ ਹੈ ॥ ੫੦ ॥

ਕਬਿੱਤ-ਜੋਲੋ ਰਘੁਨਾਥ ਜੂ ਕੋ ਨੀਕੇ ਨ ਬਿਲੋਕਜੇ ਮੁਖ ਤੋ ਹੀ
ਲੋ ਨ ਪਾਇਨ ਸੋ ਪ੍ਰੀਤਿ ਜੋਰੀਅਤ ਹੈ। ਕੋਟਿ ਸਸਿ ਕੋਟਿ
ਰਵਿ ਕੋਟ ਮੇਘ ਰਾਮ ਕਵਿ ਕੋਟ ਕਾਮ ਛਬਿ ਚੁਟਕੀ ਮੈ ਚੋਰੀ
ਅਤ ਹੈ। ਸਦਾਈ ਹਸੋਹੈ ਨੈਨ ਨਿਪਟ ਲਜੋਹੈ ਮੈਨ ਮੋਹੈ ਭੋਹੈ
ਭ੍ਰਿੰਗ ਪਾਤ ਮਾਨੋ ਭੋਰੀਅਤਿ ਹੈ। ਦੇਖ ਰੂਪ ਅਪਨੇ ਤੂੰ ਮਨ
ਕੋ ਕਹੈਗੋਧ੍ਰਿਗਵੈਸੀ ਸੀਅ ਐਸੇ ਪੀਅਯੋਂ ਵਿਛੋਰੀਅਤਿ ਹੈ ॥ ੫੧ ॥

ਕਬਿੱਤ-ਐਸੇ ਤੇਰੇ ਰਾਮ ਹੈ ਤੇ ਆਇ ਗਢਲੰਕ ਬਸੈ ਹਸੈ ਖੇਲੈ
ਬੈਰ ਤਜੈ ਹੋਹੂੰ ਨ ਲਰਤ ਹੋਂ। ਮੋਤੈ ਜਿਨ ਡਰੈ ਏਕ ਦੀਪਦੇਹੂੰ
ਰਾਜ ਕਰੈ ਸੀਤਾ ਬਿਨ ਤਾਕੇ ਬਜਾਹ ਬੀਸਕ ਕਰਤ ਹੋਂ। ਮੋ-
ਪਰ ਪਲਾਨਤ ਹੈ ਬਲ ਕੋ ਨ ਜਾਨਤ ਹੈ ਅੰਗਦ ਬਿਨਾ ਹੀ
ਆਗ ਯਾਹੀ ਤੇ ਜਰਤ ਹੋਂ। ਰੁਦ੍ਹ ਪਰਵਾਰ ਸੋ ਪਹਾਰ ਕੋਉਚਾਇ
ਬਾਰ ਬਾਰ ਭੂਮਿ ਤੇ ਉਠਾਇ ਭੂਮਿ ਹੀ ਧਰਤ ਹੋਂ ॥ ੫੨ ॥

ਸਵੈਯਾ—ਰਾਵਨ ਰਾਜ ਸਮਾਜ ਰਹੇ ਘਰ ਸ੍ਰੀ ਰਘੁਬੀਰਹਿ ਸੀਅ
ਦੀਏ ਤੇ । ਔਰ ਬਡੇ ਜਸ ਹੈ ਅਬਲੇ ਵਿਪਰੀਤ ਬਡੀ ਸਿਰ
ਬੈਰ ਲੀਏ ਤੇ ॥ ਜਾਨਤ ਹੋ ਜੁ ਬਸੈ ਫਿਰਗ ਹੀ ਸੁਰ ਲੋਕ ਬਸਜੇ
ਪਿਤ ਬੈਰ ਕੀਏ ਤੇ ॥ ਜੋ ਜਗ ਮੇ ਅਪਕੀਰਤ ਹੈ ਸਠ ਮੀਚ
ਭਲੀ ਇਹ ਭਾਂਤਿ ਜੀਏ ਤੇ ॥ ੫੩ ॥

ਕਥਿਤ—ਤੇਰੇ ਪ੍ਰਭ ਲੰਕਾ ਨਿਸੰਕ ਚਲਿਯੋ ਆਵਤ ਹੈ ਕੌਨ
ਕਾਜ ਆਯੋ ਕਿਧੇਂ ਕਾਹੂੰ ਕਛੁ ਹਰਜੇ ਹੈ । ਸਿੰਧ ਕੋ ਪਟਾਵਤ
ਹੈ ਬਾਨਰ ਪਠਾਵਤ ਹੈ ਸੁਤੇ ਕਪਿ ਬਾਲਕਨ ਖੇਲਬੇ ਕੋ ਕਰਜੇ
ਹੈ । ਮੇਰੇ ਨਾਮ ਜਾਨਤ ਕਿ ਨਾਹੀ ਕਪਿ ਕਹਜੇ ਕਜੇਂ ਨ ਜਾਨਤ
ਕਿ ਨਾਹੀ ਕਛੁ ਨਯੋ ਨਾਮ ਪਰਜੇ ਹੈ । ਲੰਕ ਪਤਿ ਰਾਵਨ ਕ-
ਹਤ ਹੈਂ ਕਜੇਂ ਯਹੈ ਝੂਠ ਅਬ ਤੀਨੋ ਲੋਕ ਮੈ ਵਡੀਖਨ ਕੋ ਧ-
ਰਜੇ ਹੈ ॥ ੫੪ ॥

ਸਵੈਯਾ—ਲੈ ਚਲ ਜਾਨਕੀ ਹੋਹੂੰ ਚਲੇ ਸੰਗ ਰਾਵਨ ਆਜ ਲੋ
ਰੰਗ ਰਹਜੇ ਹੈ । ਨਾਤਰ ਮੂੰਡ ਗਿਰੇਈ ਸੇ ਦੇਖਤ ਮੂੰਡਨ ਸੇ
ਕਹਾਂ ਬੈਰ ਪਰਜੇ ਹੈ । ਰਾਮ ਕੋ ਦੂਤ ਪੈ ਤੋਹੂ ਕੋ ਚਾਹਤ ਸੋਈ ਮੈ
ਮੂੰਡ ਕਲੰਕ ਸਹਜੇ ਹੈ । ਮੇਰੇ ਪਿਤਾ ਕੋ ਤੂੰ ਹੈ ਜਸ ਜੀਵਤ ਤਾਂਤੇ
ਮੈ ਤੋਸੇ ਪੁਕਾਰ ਕਹਜੇ ਹੈ ॥ ੫੫ ॥

ਕਥਿਤ—ਮੇਰੇ ਬਲ ਮਾਹਿ ਕਛੁ ਤੋਹਿ ਕੋ ਹੈ ਭ੍ਰਮ ਸੁਨ, ਬਾਨਰ
ਅਧਮ ਸਬ ਮੇਰੇਈ ਅਧੀਨ ਹੈ । ਕਾਲ ਜਗ ਬਿਆਲ ਬੰਦ
ਸਾਲ ਨ ਬਯਾਲ ਖਾਤ, ਸੁਰਜ ਤਪਤ ਮੰਦ ਮੰਦ ਬਲ
ਛੀਨ ਹੈ । ਆਠੋ ਲੋਕ ਪਾਲਨ ਕੀ ਸਦਾਈ ਮੁਕਟ ਮਾਲ, ਸੇਵਤ
ਚਰਨ ਧੂਰ ਤ੍ਰਾਸ ਪੂਰ ਤੀਨ ਹੈ । ਲਾਜ ਬੇਚ ਖਾਈ ਦੇਤ ਬਾ-
ਨਰ ਪਠਾਈ, ਵਾਕੀ ਬੜੀ ਜੜਤਾਈ ਕਪਿ ਲੇਖੇ ਪਰਬੀਨ
ਹੈ ॥ ੫੬ ॥

ਦੋਹਰਾ—ਕਰਤ ਬਡਾਈ ਆਪਨੀ, ਤੋਹਿ ਨ ਹੋਤ ਗਿਲਾਨ ॥
ਅਪਨੀ ਅਪਨੀ ਹੀ ਕਹੈ, ਰਾਵਨ ਉਲਟੀ ਜਾਨ ॥ ੫੭ ॥

ਸੋਰਠਾ—ਅੰਗਦ ਜੀਅ ਰਿਸ ਮਾਰ, ਬਹੁਤ ਕਹੀ ਲੰਕਾਪਤੀ ।

ਬਹੁਰੇ ਰਾਮ ਸੰਭਾਰ, ਕੋਪ ਨੈਨ ਹਸ ਯੋਂ ਕਹੈ ॥ ੫੮ ॥

ਕਬਿੱਤ-ਰਾਮ ਕੋ ਤੋ ਰਹਿਯੋ ਬਲ ਲਛਮਨ ਹੂੰ ਸੋ ਦਲ, ਏਕ ਪ੍ਰਭੂ ਬਾਨ ਕੋ ਸੁਭਾਉ ਐਸੇ ਪਰਜੇ ਹੈ। ਤਾਰਕਾ ਨਿਪਾਤੀ ਤਾਂਕੇ ਸ੍ਰੋਣਤ ਮੇਂ ਨਾਇ ਲੀਨੋ, ਮਾਰ ਮ੍ਰਿਗ ਕੰਚਨ ਕੋ ਮਾਨੋ ਜਪ ਕਰਜੇ ਹੈ। ਸੁਪਨਖਾ ਨਾਕ ਕਾਟ ਕੀਨੋ ਅਪਮਾਨ ਜਿਨ ਮਾਰ ਖਰ ਦੂਖਨ ਅਘਾਇ ਪੇਟ ਭਰਜੇ ਹੈ। ਆਚਮਾਨ ਸਿੰਧ ਸੇਤ ਪੀਥੇ ਕੋ ਨ ਨੀਰ ਲੇਤ, ਕਹਤ ਮੰਦੋਦਰੀ ਕੋ ਨੈਨਨ ਮੇ ਧਰਜੇ ਹੈ ॥ ੫੯ ॥

ਕਬਿੱਤ-ਰਾਵਨ ਕਹਤ ਸੁਨ ਕੰਟਕ ਅਲਾਪੀ ਤੋਹਿ, ਦੂਤ ਜਾਨ ਛਾਡਤ ਹੋਂ ਮਾਰਬੇ ਨ ਕਹਿਓਂ ਹੈ। ਨਾਤੇ ਭੁਜਦੰਡ ਬਲ ਖੰਡ ਖੰਡ ਕੀਨੋ ਹੁਤੇ, ਜਾਹੁ ਪ੍ਰਾਨ ਲੈਕੇ ਅਜਹੂੰ ਲੋ ਰੰਗ ਰਹਜੇ ਹੈ। ਅੰਗਦ ਝੁਠਾਯੋ ਮੇਰੇ ਮਾਰਬੇ ਕੋ ਗਿਆਨ ਕਾਢਜੇ ਸੀਤਾ ਕੋ ਹਰਤ ਨੈਕ ਗਿਆਨ ਕੋ ਨ ਗਹਜੇ ਹੈ। ਬੈਠੇ ਘਰ ਗਾਜਤ ਹੈ ਬੇਲਤ ਨਲਾਜਤ ਹੈ ਰਾਮ ਕੋਪ ਆਗੇ ਕੋਨ ਕਾਲ ਧਾਰ ਬਹਜੇ ਹੈ ॥ ੬੦ ॥

ਕਬਿੱਤ-ਜਲ ਮੇਂ ਸਮਰ ਰਚ ਮਹਾ ਘਮਸਾਨ ਕੀਨੋ, ਮਾਰ ਮਧ ਕੈਟਭ ਸੇ ਖੇਹ ਮੇਂ ਮਿਲਾਏ ਹੈਂ। ਬਹੁਰੇ ਕਿਲਾਲ ਪੈਠ ਮਾਰਜੇ ਜਿਨ ਸੰਖਾਸੁਰ, ਤਾਂਤੇ ਬੇਦ ਆਨ ਕੈ ਬਿਧਾਤਾ ਕੋ ਦਿਵਾਏ ਹੈਂ। ਜਾਇਕੇ ਪਯਾਲ ਜਿਨ ਮੁਰਸੇ ਮਰੋਰ ਮਾਰੇ, ਯਾਂਹੀਤੈ ਮੁਰਾਰੀ ਨਾਮ ਜਗ ਮੈਂ ਕਹਾਏ ਹੈਂ। ਨਖਨ ਸੋਂ ਫਾਰੇ ਹਰਨਾਖਸ ਸੇ ਤੈਂ ਨ ਸੁਨੇ, ਐਸੇ ਬਲੀ ਮਾਰ ਕਾਲ ਧਾਰ ਮੈਂ ਬਹਾਏ ਹੈਂ ॥ ੬੧ ॥

ਕਬਿੱਤ-ਤੇਰੇ ਬਨਬਾਸੀ ਰਾਮ ਕਹਾਂ ਹੈ ਕਰਤ ਕਾਮ ਬੈਰਨ ਕੋ ਮਾਰਤ ਹੈਂ ਸਦਾ ਯਹ ਬਾਨ ਹੈ। ਕੌਨ ਮਾਰੇ ਤੈ ਨ ਸੁਨੇ ਸਾਖਾ ਮ੍ਰਿਗ ਰਾਜ ਬਾਲੀ, ਕੌਨ ਜਾਨੈ ਕਪਿਨ ਸੇ ਕਾਂਕੀ ਪਹਿਚਾਨ ਹੈ। ਅੰਗਦ ਕਹਿਤ ਰਾਜਾ ਬਾਲ ਬਲੀ ਐਸੇ ਜਬ, ਤੂੰ ਨ ਜਾਨੈ ਬਾਲ ਬਲ, ਔਰ ਕੌਨ ਜਾਨ ਹੈ। ਹੋਂ ਤੋ ਹੁਤੇ ਛੋਨਾ ਮੇਰੇ ਕੀਨੋ ਹੋਖਿਲੋਨਾ ਜਿਨ, ਤਾਂਕੇ ਬਿਸਰਾਯੋ ਤੋਹਿ ਨੈਕ ਨ ਗਿਲਾਨ ਹੈ ॥ ੬੨ ॥

ਕਬਿੱਤ— ਅੰਗਦ ਸੁਨਾਇ ਮੋਹਿ ਪਿਤਾਈ ਕੀ ਸੌਂਹ ਤੋਹਿ, ਰਾ-
ਮਚੰਦ ਕੇਤੇ ਕਪਿ ਕੀਨੇ ਇਕ ਠੌਰ ਹੈਂ। ਤਾ ਮੈ ਕੇਤੇ ਬੁਢੇ ਕੇਤੇ
ਬਾਲਕ ਤਰਨ ਕੇਤੇ, ਤਾਂ ਮੈਂ ਸੂਰ ਕੇਤੇ ਤਾਮੈ ਕੇਤੇ ਸਿਰ ਮੌਰ ਹੈਂ
। ਤਾਂ ਮੈ ਕੇਤੇ ਸਿੰਧ ਕੇ ਫੰਦੈਯਾ ਕੇਤੇ ਹੈਂ ਤਰੈਯਾ, ਤਾਮੈ ਕੇਤੇ ਰਨਭੂਮਿ
ਦੇਖ ਜੁਧ ਦੌਰ ਹੈ। ਕਹੋ ਅਨੁਮਾਨ ਈਹਾਂ ਆਯੋ ਹਨੂਮਾਨ ਸੁਤੋ
ਵੈਸੇ ਵਹੈ ਅਹੈ ਕਿਧੋਂ ਪਾਂਚ ਸਾਤ ਔਰ ਹੈਂ ॥ ੬੩ ॥

ਕਬਿੱਤ—ਜੇਹੀ ਹਨੂਮਾਨ ਬਨ ਤੋਰਿਤਰਵਾ ਸੋ ਕੀਓ, ਮਾਰ ਝਕ
ਝੋਰ ਲੰਕ ਰੰਕ ਕੀ ਸੀ ਨਗਰੀ। ਜੇਹੀ ਹਨੂਮਾਨ ਅੱਛ ਮਾਰ
ਸਭਕੇ ਸਪੱਛ, ਲੱਛ ਲੱਛ ਰੱਛਨ ਕੇ ਭਰੇ ਗਿਰ ਦਗਰੀ। ਸੋਈ
ਹਨੂਮਾਨ ਸੁਤ ਭਾਨਕੇ ਕਟਕ ਮਾਹਿਭਟ ਨ ਗਿਨਤ ਕੋਊ ਕਪਿ
ਸੈਨ ਸਗਰੀ। ਰਾਮ ਕੀ ਰਜਾਇਸ ਤੇ ਪਾਇਸ ਪਰਮ ਪਦ
ਭਯੋ ਪ੍ਰਤਿਹਾਰ ਜਸ ਚਵਿਓ ਲੰਕ ਨਗਰੀ ॥ ੬੪ ॥

ਕਬਿੱਤ—ਏਕ ਬਾਰ ਕੇਹੂੰ ਤੇਰੇ ਰਾਮ ਹੂੰ ਕੋ ਪਾਉਂ ਕਪਿ, ਨੀਕੇ
ਸਮਝਾਉਂ ਬਾਤ ਬੈਰ ਕੀਨ ਦੁਰੀ ਹੈ। ਸਮੁੰਦ ਪਟਾਵਤ ਹੈ ਬਾਨਰ
ਪਠਾਵਤ ਹੈ, ਸ਼ੋਰ ਹੀਂ ਮਚਾਵਤ ਹੈ ਕੌਨ ਬਾਤ ਫੁਰੀ ਹੈ। ਅੰਗਦ
ਹਮਾਰੀ ਪ੍ਰੀਤਿ ਮਾਨਸ ਸੋਂ ਐਸੇ ਜੈਸੀ ਕਾਕਰੀ ਕੋ ਸਾਂਝ ਬਿਨ
ਪੈਨੀ ਧਾਰ ਫੁਰੀ ਹੈ। ਤਾਂਤੇ ਮੇਰੇ ਬਚਨ ਸੁਨਾਇ ਡਰ ਪਾਇ
ਕਹੋ, ਸੀਤਾ ਕੀ ਸਹਿਲ ਧੁਨ ਰਾਵਨ ਕੀ ਬੁਰੀ ਹੈ ॥ ੬੫ ॥

ਕਬਿੱਤ—ਰਾਮਚੰਦ ਜੀ ਸੋ ਜੈਸੇ ਮਾਨਸ ਕਹਤ ਤੈਸੇ, ਗੰਗਾ ਕੋ
ਕਹੋ ਗੋ ਨਦੀ ਰੰਭਾ ਤੀਆ ਜਾਨ ਹੈ। ਐਸੇ ਐਰਾਪਤ ਹੂੰ ਕੋ
ਬਾਰਨ ਕਹੈਗੋ ਅਰ, ਮੇਰੇ ਜਾਨੇ ਮੱਧ ਦੇਸ ਦੇਸਨ ਮੈ ਮਾਨ ਹੈ
। ਕਾਲਹੀਂ ਕਹੈਗੋ ਤੂੰ ਸੁਮੇਰ ਹੂੰ ਕੋ ਭੂਧਰ ਹੈ, ਬਾਸਕ ਭੁਜੰਗ ਧੂ
ਅ ਤਾਰਾ ਕਰ ਠਾਨ ਹੈ। ਬੈਦ ਬਿਨ ਬੁਝੈ ਹੂੰ ਧਨੰਤਰ ਕਹੈ ਗੋ
ਜੈਸੇ ਤੈਸੇ ਹਰਿਲੋਕ ਸਾਤ ਲੋਕ ਮੇਂ ਬਖਾਨ ਹੈ ॥ ੬੬ ॥

ਸਵੈਯਾ—ਜੇ ਨਿਜ ਬੂਡਤ ਹੈਂ ਸਬ ਦੇਸਨ, ਔਰ ਛੁਏ ਤਿਨ ਸੰਗ
ਬੁਡਾਹੀਂ। ਤੇਈ ਤੋ ਪਾਬਰ ਸਿੰਧੁ ਤਰੇਂ ਤਿਨ ਉਪਰ ਕੋਟਨ ਕੋਟ
ਤਰਾਹੀਂ। ਮੂੰਡ ਪਖਾਨ ਸਿਲਾ ਸਰਿਤਾ ਪਤਿ ਬਾਨਰ ਹਾਬਨ ਕੋ

ਗੁਨ ਨਾਹੀਂ । ਰੇ ਦਸਕੰਧ ਨ ਸੁਝਤ ਤੋਹਿ ਯਹੈ ਰਘੁਨਾਥ ਪ੍ਰ-
ਤਾਪ ਕੀ ਛਾਂਹੀ ॥ ੬੭ ॥

ਕਬਿੱਤ-ਸੀਤਾ ਕੇ ਬਿਛੋਹੇ ਰਤੀ ਰਾਮ ਮੇ ਨ ਰਹਿਯੋ ਬਲ, ਦੂਜੇ
ਲਖਮਨ ਮੇਘਨਾਦ ਤੇ ਕਜੇਂ ਜੀਤ ਹੈ । ਕਪਿਨ ਕੇ ਰਾਜਾ ਏਕ
ਸੁਨਯੋ ਹੈ [ਮੈ] ਸੁਗ੍ਰੀਵ ਸੁਤੇ, ਬਾਲੀ ਐਸ ਮਾਰਿਓ ਜੁਰ ਗਏ
ਤੇ ਅਨੀਤ ਹੈ । ਗਯੋ ਜੁ ਵਿਭੀਖਨ ਸੁ ਕੌਨ ਗਿਨਤੀ ਮੈ ਨਲ
ਨੀਲ ਰਨ ਪੌਰਖ ਕੀ ਕੌਨ ਪਰਤੀਤ ਹੈ । ਹਨੂਮਾਨ ਬਾਧਯੋ
ਮਾਰਯੋ ਅੰਗਦ ਨਿਹਾਰਯੋ ਨੀਕੈ ਮੋਹੁ ਕੌਨ ਮਾਰ ਹੈ ਸੁ ਸਡੀ
ਵਿਪਰੀਤ ਹੈ ॥ ੬੮ ॥

ਕਬਿੱਤ-ਅਜਹੂੰ ਲੋ ਕੋਧ ਤਜ ਪ੍ਰਭ ਕੇ ਚਰਨ ਭਜ, ਯਾਹੀ ਮੈਂ
ਸਮਝ ਤੇਰੇ ਬੰਸ ਬੇਲ ਫਲੀ ਹੈ । ਗਵਨ ਵਿਭੂਤ ਕੇ ਭਰੋਸੇ ਜਿਨ
ਭੂਲੇ ਆਜ, ਯਹੈ ਛਲ ਜਾਤ ਹੈ ਨ ਕਾਹੂ ਯਹ ਛਲੀ ਹੈ । ਤੂੰ
ਜੋ ਹੈਂ ਬਕਤ ਐਸੋ ਮੋਹਿ ਕੌਨ ਮਾਰ ਸਕੈ, ਕੋ ਹੈ ਰੇ ਅਮਰ ਅਰ
ਆਈ ਸੁਧ ਭਲੀ ਹੈ । ਐਸੋ ਕੋਜੁ ਤੋ ਤੇ ਹਾਰੇ ਰਾਮ ਕੀ ਬਲਾ-
ਇ ਮਾਰੇ, ਤੇਰੇ ਮਾਰਬੇ ਕੋ ਤੇਰੇ ਪਾਪ ਮਹਾ ਬਲੀ ਹੈ ॥ ੬੯ ॥

ਕਬਿੱਤ-ਗਵਨ ਕਹਤ ਮੈਂ ਤੇ ਰਾਮ ਬਲ ਜਾਨਯੋ, ਏਕ ਜਾ ਜਰੇ
ਪੁਰਾਨੋ ਸ਼ਿਵ ਧਨੁਖ ਚਢਾਯੋ ਹੈ ॥ ਦੂਸਰੇ ਸਪਤ ਤਾਲ ਛੇਦੇ
ਹੈ ਕਰਮ ਕਾਲ, ਕਜੇਹੂੰ ਬਨ ਗਈ ਬੂਢੇ ਸਾਖਾ ਮ੍ਰਿਗ ਘਾਯੋ ਹੈ ॥
ਲਾਖਕ ਨਿਹੋਰੇ ਕਰ ਤੇਰੇ ਮੇਰੇ ਪਾਇ ਪਰਿ, ਲੈਕੇ ਕਪਿ ਰੀਛ
ਨੀਰ ਬਾਰਧ ਪਟਾਯੋ ਹੈ ॥ ਅੰਗਦ ਬਿਕਲ ਵਾਂਕੇ ਏਈ ਚਾਰੇ
ਬਲ ਤਾਕੋ ਆਇ ਲੰਕ ਚੌਗੁਨੋ ਚਵਾਉ ਤੈ ਚਲਾਯੋ ਹੈ ॥ ੭੦ ॥

ਕਬਿੱਤ-ਔਰ ਏਕ ਪੈਡੇ ਚਲੀ ਜਾਤ ਤਾਰਕਾ ਨਿਪਾਤੀ, ਤਾਕੋ
ਮਾਰੇ ਸੂਰਨ ਕੋ ਬਡੇ ਉਪਹਾਸ ਹੈ ॥ ਕੰਚਨ ਕੇ ਲੋਭ ਮ੍ਰਿਗ ਕੰ-
ਚਨ ਕੋ ਮਾਰਯੋ ਮੁਨਿ ਯਹੈ ਕਛੂ ਔਰ ਕਪਿ ਪੌਰਖ ਬਿਸ਼ਾਸ ਹੈ ।
ਮੇਰੇ ਭੁਜ ਦੰਡ ਕੇ ਪ੍ਰਤਾਪ ਕੌਨ ਜਾਨੇ ਰਾਮ ਇੰਦ੍ਰ ਜਮ ਬਰਨ
ਕੁਬੇਰ ਮਾਨੈ ਤ੍ਰਾਸ ਹੈ ॥ ਤਾਂ ਪਰ ਤੇ ਲੰਕ ਕੋ ਨਿਸੰਕ ਚਲਯੋ
ਆਵਤ ਹੈ ਪ੍ਰਾਨ ਤੇ ਉਦਾਸ ਹੈ ਕਿ ਸੀਤਾ ਤੇ ਉਦਾਸ ਹੈ ॥ ੭੧ ॥

ਕਬਿੱਤ-ਕੌਨ ਬਕ ਬਾਦ ਕਰੈ ਰਾਵਨ ਮਾਰਜੋਈ ਮਰੈ ਤਾਂਤੇ
 ਕਹੇ ਅੰਗਦ ਤੂੰ ਸਾਵਧਾਨ ਹੁਜੀਓ ॥ ਰਾਮ ਕੇ ਬਚਨ ਤੈਤੇ
 ਨੈਕ ਨ ਬਿਚਾਰੇ ਮਨ, ਕੋਲੋ ਸਮਝਾਉਂ ਹੋਨ ਐਹੋਂ ਬਾਰਦੁਜੀਓ
 ॥ ਜਾਤ ਹੋਂ ਪੁਕਾਰੇ ਤੈਤੇ ਦਸੋ ਸੀਸ ਹਾਰੇ ਅਬ, ਤੀਨੋ ਲੋਕ ਜੋਰ
 ਭਟ ਕੋਟ ਸ਼ਿਵ ਪੂਜੀਓ ॥ ਆਨੰਦਤਿਲੋਕ ਛਾਯੋ ਤੋਕੋ ਪਰਲੋਕ
 ਭਾਯੋ, ਇਹਾਂ ਪਰਲੋਕ ਬਿਨ ਔਰ ਨ ਕਛੂਜੀਓ ॥ ੭੨ ॥

ਦੋਹਰਾ-ਤਬ ਅੰਗਦ ਮਨ ਮੈ ਕਹੈ ਕਰੋਂ ਏਕ ਬਲ ਆਜ ॥
 ਇਤ ਦਾਨਵ ਦਲ ਪਰ ਰਹੈ, ਉਤ ਪ੍ਰਸੰਨ ਰਘੁਰਾਜ ॥ ੭੩ ॥

ਸੋਰਠਾ-ਤਬ ਕਪਿ ਰੋਪਜੋ ਪਾਉਂ, ਪ੍ਰਗਟ ਸਭਾ ਮੈਂ ਯੋ ਕਹੈ ॥
 ਸੁਨ ਲੰਕਾ ਕੇ ਰਾਉ ਹੈ ਜੁ ਉਠਾਵੈ ਸੂਰਮਾ ॥ ੭੪ ॥

ਸੋਰਠਾ-ਕਹੇ ਨਿਸਾਚਰ ਕੋਪ ਪਕਰ ਉਪਾਰੇ ਚਰਨ ਕੋ ॥ ਆਜ
 ਘਟਾਵੇ ਓਪ ਜਾਇ ਕਹੈ ਰਘੁਨਾਥ ਕੋ ॥ ੭੫ ॥

ਸੋਰਠਾ-ਤਬ ਲਾਗੇ ਦਸ ਬੀਸ ਕਨਕ ਖੰਭ ਚੀਟੀ ਮਨੋ ॥
 ਲੰਕਾਪਤਿ ਧੁਨ ਸੀਸ ਕਹੇ ਬਹੁਤ ਲਾਗੇ ਸੁਭਟ ॥ ੭੬ ॥

ਸੋਰਠਾ-ਤਬ ਘਰ ਮੈ ਇਤਗਤ ਅਬ ਸਭ ਬਲ ਢੀਕੋ ਪਰਜੋ
 ॥ ਮਨਹੁ ਬੇਲ ਸੇ ਪਾਤ ਯੋਂ ਕਾਂਪੇ ਨਿਸਚਰ ਸਬੈ ॥ ੭੭ ॥

ਸੋਰਠਾ-ਜੀਤੇ ਸੁਭਟ ਬਿਸਾਲ ਬਚਜੋ ਨ ਕੋਊ ਲੰਕ ਮੈਂ ॥ ਜਜੋਂ
 ਸਮੇਰ ਉਡਮਾਲ ਫਿਰਤ ਚਹੂੰ ਦਿਸ ਅਚਲ ਸੇ ॥ ੭੮ ॥

ਸੋਰਠਾ-ਜੇ ਆਵਤ ਐਡਾਤ ਭੁਜਾ ਠੋਕ ਸਭ ਸੂਰਮਾ ॥ ਤੇ
 ਰੋਮਨ ਦਬ ਜਾਤ ਜਜੋਂ ਪੰਖੀ ਗਿਰਿ ਪਰ ਬਸੈ ॥ ੭੯ ॥

ਸੋਰਠਾ-ਲਗੇ ਚਰਨ ਸਬ ਸੂਰ ਰਘੁਪਤਿ ਚਰਨ ਪ੍ਰਤਾਪ ਤੇ ॥
 ਰਾਵਨ ਮਰੈ ਬਿਸੂਰ ਹਨੂਮਾਨ ਪਾਸਕ ਨਹੀਂ ॥ ੮੦ ॥

ਸੋਰਠਾ-ਤਬ ਬੋਲਜੋ ਸੁਤ ਬਾਲ ਬਲ ਦੇਖਜੋ ਕਛੂ ਦੂਤ ਕੋ ॥
 ਅਜ ਹੂੰ ਮੁਢ ਸੰਭਾਲ ਚਲਹੁ ਸਰਨ ਤਿਨ ਦੰਤ ਧਰ ॥ ੮੧ ॥

ਸੋਰਠਾ-ਗਰੇ ਕੁਹਾਰੀ ਬਾਂਧ ਜਨਕ ਸੁਤਾ ਆਗੇ ਕਰਹੁ ॥ ਬੈਰ
 ਰਾਮ ਸੇ ਨਾਧ ਜਬ ਸੇਵਕ ਤੇ ਜੀਤੀਓ ॥ ੮੨ ॥

ਸੋਰਠਾ-ਕਾਗਦ ਚਰਨ ਸਮਾਨ ਅਛਰ ਸਭ ਦਾਨੋ ਲਗੇ ॥

ਕਹੋ ਉਡੋਂ ਅਸਮਾਨ ਕਹੋ ਪਖਾਰੋਂ ਸਿੰਧ ਮੈਂ ॥ ੮੩ ॥
 ਸੋਰਠਾ—ਤਿਨ ਸੋ ਕੈਸੀ ਰੀਸ ਜੇ ਪਤਿ ਚੌਦਹ ਲੋਕ ਕੇ ॥
 ਤੇ ਰਘੁਪਤਿ ਜਗਦੀਸ਼ ਤੂੰ ਪ੍ਰਤਾਪ ਜਾਨੈ ਨਹੀਂ ॥ ੮੪ ॥
 ਸੋਰਠਾ—ਰਹਿਓ ਲੰਕ ਤੇ ਬਾਸ ਜੀਅ ਰਾਵਨ ਨਿਸਚੈ ਕਰਹੁ ॥
 ਰਘੁਪਤਿ ਚਰਨ ਬਿਲਾਸ ਨਿਰਖ ਗਹੋ ਸ਼ਿਵਲੋਕ ਕੇ ॥ ੮੫ ॥
 ਸੋਰਠਾ—ਅਬਹ ਉਠਾਵਤ ਪਾਉ ਸੁਭਟ ਸਭੈ ਤਰਹਰ ਕੀਏ ॥
 ਦੂਰਕਰਹੁ ਚਿਤਚਾਉ ਚਿਤਚਾਉ ਮਨ ਮੈਂ ਧਰਹੁ ॥ ੮੬ ॥
 ਸੋਰਠਾ—ਤਬ ਬੋਲਿਓ ਜੁਵਰਾਜ ਮਮ ਚਰਨਨ ਕਿਮ ਗਹਤ
 ਹੈਂ ॥ ਚਰਨ ਗਹੋ ਰਘੁਰਾਜ ਜਉ ਚਾਹਤ ਸੁਖ ਬੰਸ ਕੇ ॥ ੮੭ ॥
 ਸੋਰਠਾ—ਅੰਗਦ ਚਰਨ ਉਠਾਇ ਚਮਕ ਚਲਿਓ ਰਘੁਨਾਥਪੈ
 ॥ ਡਰਪ ਲੰਕ ਕੋ ਗਾਇ ਸਭਾ ਉਠੀ ਮੰਦਰ ਧਸਯੋ ॥ ੮੮ ॥
 ਸਵੈਯਾ—ਬਾਲਿ ਕੇ ਪੂਤ ਸਪੂਤ ਬਡੋਤਜ ਲੰਕ ਪਤੀ ਰਘੁਬੀਰ
 ਪੈ ਆਯੋ ॥ ਪਾਇ ਛੁਏ ਪੁਲਕੇ ਸਬ ਗਾਤ ਕਹੀ ਬਤੀਆਂ ਉ-
 ਤਸਾਹ ਬਢਾਯੋ ॥ ਨਾਥ ਗਿਰਿਓ ਨਿਜਧਾਮ ਤੇ ਰਾਵਨ ਬ੍ਰਹਮ
 ਸਰਾਪ ਬਡੇ ਦੁਖ ਪਾਯੋ ॥ ਡਾਰ ਦਯੋਤੁਮਹੀ ਤਬ ਰਾਵਨ ਆ-
 ਪਨ ਆਨ ਭਲੇ ਪਹੁਚਾਯੋ ॥ ੮੯ ॥
 ਸੋਰਠਾ—ਤਬ ਅੰਗਦ ਰਨ ਧੀਰ ਹਾਥ ਜੋਰ ਬਿਨਤੀ ਕਰੀ ॥
 ਸੋ ਕਰੀਅਹੁ ਰਘੁਬੀਰ ਜੋ ਰਾਵਨ ਪਾਛੇ ਕਰੀ ॥ ੯੦ ॥
 ਦੋਹਰਾ—ਯਹਿ ਬਿਨਤੀ ਰਾਵਨ ਕਰੀ ਸੋ ਮੈ ਕਹੋਂ ਸੁਨਾਇ ॥
 ਸੁਨਤ ਰਾਮ ਲੋਚਨ ਭਰੇ ਅੰਗਦ ਕੰਠ ਲਗਾਇ ॥ ੯੧ ॥
 ਕਬਿੱਤ—ਸੀਸ ਨ ਨਿਵਾਇ ਹੈਂ ਨ ਰੁਦ੍ਰ ਬਿਸਰਾਇ ਹੈਂ ਨ ਬੈ-
 ਰੀ ਬਲ ਗਾਇ ਹੈਂ ਘਨੇਈ ਸੂਰ ਘਾਇ ਹੈਂ ॥ ਆਇ ਹੈਂ ਨ
 ਤੁਮ ਪੈ ਨ ਜਾਨਕੀ ਪਠਾਇ ਹੈਂ ਹੈਂ ਬਾਜੀ ਰਨ ਮਾਂਡ ਬਿੰਦ
 ਬਾਂਦਰ ਨਚਾਇ ਹੈਂ ॥ ਤੁਮਹਿ ਬੁਲਾਇ ਏਕ ਏਕ ਬਿਚਲਾਇ
 ਜੇਉ ਮੀਚ ਇਹ ਭਾਂਤ ਹੈ ਨ ਤਉ ਮਰ ਜਾਇ ਹੈਂ ॥ ਜੇਤੇ ਚਢ
 ਆਇ ਘਰ ਏਕੈ ਨ ਪਠਾਇ ਹੈਂ ਸੁ ਤਾਂਹੀ ਦਿਨ ਮਹਾਰਾਜ
 ਰਾਵਨ ਕਹਾਇ ਹੈਂ ॥ ੯੨ ॥

ਕਬਿੱਤ-ਸੀਸਦਸ ਜਾਤ ਹੈਂ ਤੁ ਜਾਹਿ ਏਹੀ ਕਾਲ ਬਸ ਅੰਗਦ
ਯੋਂ ਜਾਇ ਕਹਿ ਕ੍ਰੋਧ ਨ ਘਟਾਇ ਹੈਂ ॥ ਆਜ ਹੀਂ ਵਿਭੀਖਨ
ਕੇ ਦੇਹ ਜੀਤ ਲੰਕ ਸੇ ਜੁ ਆਇ ਬਸੈ ਐਸੇਉ ਕਲੰਕ ਨ ਲ-
ਜਾਇ ਹੈਂ ॥ ਸ਼ਿਵ ਜੋ ਸਹਾਇ ਕਰੇਂ ਭਲੇ ਨਾਹੀਂ ਖਰੇ ਭਲੇ
ਲੇਹੁ ਬੋਲ ਆਪਨੇ ਨ ਦੇਤ ਦੁਖ ਪਾਇ ਹੈਂ ॥ ਰਾਮ ਚੜ ਆਏ
ਤਬ ਡਰਿਓ ਸੀਅ ਦੀਨੀ ਕਪਿ, ਤਾਹੀਂ ਕੀ ਸਭਾ ਮੈਂ ਐਸੇ
ਨਾਉ ਨ ਧਰਾਇ ਹੈਂ ॥ ੯੩ ॥

ਸੋਰਠਾ-ਤੀਅ ਕਰ ਹੈ ਪਰਬੋਧ ਅਰ ਮੰਤ੍ਰੀ ਸਿਖ ਦੇਂਹਗੇ ॥
ਸਬ ਕੇ ਬਚਨ ਨਿਰੋਧ ਰਾਵਨ ਕਛੁ ਮਾਨੈ ਨਹੀਂ ॥ ੯੪ ॥
ਇਤਿਸ੍ਰੀਰਾਮਗੀਤੇਅੰਗਦਸਮੋਧਅਸ਼ਟਮੋਅੰਕਸਮਾਪਤਹ॥੯॥

ਨਾਵਾ ਅੰਕ ਆਰੰਭ

ਦੋਹਰਾ-ਇਤਿ ਰਘੁਪਤਿ ਕਪਿ ਕਟਕ ਲੈ, ਲੰਕਾਕੋ ਸਮੁਹਾਤਾ॥
ਉਤ ਰਾਵਨ ਰਿਸ ਉਮਡ ਮਨ ਕੰਪਤ ਥਰਥਰ ਗਾਤ ॥੧॥

ਸੋਰਠਾ-ਦੇਖਹੁ ਕਾਲ ਪ੍ਰਮਾਨ ਅਸੁਰ ਦੇਵ ਸੇਵਤ ਚਰਨ। ਅਬ
ਅੰਗਦ ਹਨੂੰਮਾਨ, ਮੋਹ ਡਰਾਵਤ ਰਾਮਤੇ ॥ ੨ ॥

ਕਬਿੱਤ-ਏਕ ਦੌਰ ਕਰੇਂ ਰੌਰ ਮੇਲੋਂ ਭਰ ਕੌਰਿ ਕਪਿ ਏਕਬਾਰ
ਸਿੰਧ ਧਾਰ ਸਬ ਹੀ ਬਹਾਇ ਦਿਓਂ। ਔਰ ਜਿਤੀ ਭੂਮਿ ਬੇਢ
ਪਰਿਓ ਦਲ ਏਕ ਕੋਟ ਹੋਤੋਂ ਏਕ ਬਾਨ ਤਿਤੀ ਭੂਮਹਿ ਗਿਰਾ
ਇੰ ਦਿਓਂ। ਔਰ ਜੀਅ ਆਵਤ ਹੈ ਲੋਗਨ ਸਮੇਤ ਗਢ ਲੰਕ
ਕੇ ਉਪਾਰ ਇਨ ਉਪਰ ਚਲਾਇ ਦਿਓਂ। ਛੋਰ ਬੰਦ ਸਾਲ ਤੇ
ਨਿਹਾਲ ਕਰ ਤਾਤਕਾਲ ਆਵੈ ਮਨ ਐਸੀ ਹਾਲ ਕਾਲ
ਹੀ ਪਠਾਇ ਦਿਓਂ ॥ ੩ ॥

ਕਬਿੱਤ-ਰਿਸ ਮੈਜਰਿਓਈ ਜਾਤ ਓਠਨ ਚਬਚਬਾਤ ਚਲਿਓ
ਰਨਵਾਸ ਕੋ ਜੁਹਾਰ ਸਭਾ ਚਲੀ ਹੈ। ਦੇਵ ਗਏ ਦੇਵ ਲੋਕ
ਦਾਨਵ ਭਏ ਸਸ਼ੋਕ, ਆਜ ਮਹਾਰਾਜ ਕੀ ਨ ਦੇਖੀ ਧੁਨਭਲੀ
ਹੈ। ਏਕ ਕਹੈਂ ਹਮ ਤੋਪੁਕਾਰਸਿਰਮਾਰਚਹੇ, ਕਾਹੇਕੀਭਲਾਈ
ਲੰਕ ਕੰਚਨ ਕੀ ਜਲੀ ਹੈ। ਸੁਨਿਓ ਹਮ ਅੰਗਦ ਪੁਕਾਰਕਹਿਓ
ਗਵਨ ਸੋ, ਤੋਹਿ ਛਲ ਜੈਹੈ ਸੀਆ ਮੁੜ ਤੈ ਨ ਛਲੀ ਹੈ ॥ ੪ ॥

ਕਬਿੱਤ-ਏਕ ਹਾਥ ਧੋਪ ਦੈ ਸੋਕੋਪਹਿ ਜਨਾਵਤ ਹੈ ਏਕਤੀਆ
ਹਾਥ ਪਰ ਠੋਕਿਓ ਏਕ ਭਾਲਸੇਂ। ਦੈ ਸੇਂ ਸ਼ਿਵ ਬੰਦ ਦੈ ਮਰੋਰ
ਅੰਗਰਾਇ ਜੁਗ ਏਕ ਕੋ ਉਠਾਇ ਕਹਯੋ ਮਾਰੇਂ ਰਿਸ (ਰਿਪ)
ਕਾਲ ਸੇਂ। ਦੈ ਕਮਾਨ ਬਾਨ ਤੀਨ ਸੋ ਤਿਲੋਕ ਡਾਟਿ ਏਕ
ਮੂਛਨ ਕੋ ਤਾਉ ਦੇਤ ਲਾਗਿਓ ਏਕ ਢਾਲ ਸੇਂ। ਠੌਰ ਠੌਰ
ਮੂਕ ਛਬਿ ਐਸੀ ਭਾਂਤਿ ਕਛੂ ਨਿਜ ਮੰਦਰ ਕੋ ਚਲਿਓ ਬਾਕੀ
ਏਕ ਅੱਛ ਮਾਲ ਸੇਂ ॥ ੫ ॥

ਕਬਿੱਤ-ਅੰਗਦ ਖਿਝਾਯੋ ਬਕ ਬਾਦ ਕੌਨ ਕਹੈ ਸਕ ਦੇਵ ਬਧੂ
ਰਹੀ ਚਕ ਚਾਮਰ ਸਹਿਤ ਹੈ। ਏਕ ਫੂਲ ਮਾਲ ਹਾਥ ਏਕ ਕੋ
ਗੁਲਾਲ, ਕਾਹੂੰ ਦੇਤ ਨਜਬਾਬਮਾਨੋ ਬਾਰਹਿ ਅਦਿਤਹੈ। ਜੱਛ
ਰੱਛ ਕਿੰਨਰ ਭੁਜੰਗਨ ਕੀ ਬੇਟੀ ਸਬ, ਹੇਠੀ ਮਤਿ ਭਈ ਆਪ
ਆਪ ਕੋ ਚਕਤ ਹੈਂ। ਚਢੈਗਵਿਕਹੇ ਗਾਨੀ ਨੀਕੇ ਕੈਨਿਹਾਰ
ਚਲੇ ਬਾਂਦਰ ਹੈਂ ਆਵਤ ਕੇ ਬਾਦਰ ਅਮਿਤ ਹੈਂ ॥ ੬ ॥

ਕਬਿੱਤ-ਦੇਤ ਕਿਲਕਾਰੀ ਸਬਹੀਂ ਤੇ ਡੀਲ ਭਾਰੀ, ਯਹਿ ਹਾਥ
ਕੋ ਉਠਾਵੈ ਤੋ ਨ ਦੁਰਿਓ ਸਸਿਭਾਨ ਹੈ। ਗਾਤੇ ਬਿਕਰਾਲਨੈਨ
ਕੋਪ ਮਾਨੋ ਐਨ ਬੈਨ, ਅੰਗਕੀ ਕਠੋਰਤਾ ਤੇ ਕੋਮਲ ਪਖਾਨ
ਹੈ। ਯਾਹੀਕੋ ਤੋ ਅੰਗਦ ਕਹਤ ਹੋ ਨ ਰਾਮ ਵਿਗ ਪ੍ਰਗਟੈਕਹਾਂ
ਤੈ ਰਨਜੁੱਧ ਕੋਨਿਦਾਨ ਹੈ। ਯਾਕੋ ਪਹਿਚਾਨਤਹੋ ਲੰਕ ਜਾਰੀ
ਜਾਨਤਹੈ ਅੰਜਨੀਕੋ ਪੂਤ ਬਡੀ ਬਿਆਧ ਹਨੂਮਾਨ ਹੈ ॥ ੭ ॥

ਕਬਿੱਤ-ਦੇਖ ਗਾਨੀ ਤਾਕੇ ਪਾਛੇ ਆਵਤ ਜੋ ਗਾਤ ਆਛੇ ਕਾਂਪੈ
ਕਹਿਓ ਜਾਇ ਯਾਕੇ ਬਲਕੋ ਨ ਪਾਰ ਹੈ। ਏਕ ਬਾਰਮੇਰੇਹਾਥ

ਲਾਗਿਓਹੋਮੈਛਾਡਦਯੋਤਾਕੋਕਪਿਜਾਨੋਜਿਨਇੰਦ੍ਰਅਵਤਾਰ
 ਹੈ। ਭਾਈ ਦੂਰ ਕੀਨੋਜਿਨਦੇਸਰਾਜਲੀਨੋਸਬਨੈਕਬੈਰਕੀਨੋ
 ਯਾਕੋਬੈਰਨਉਧਾਰਹੈ। ਨਾਉਕਪਿਬਾਲੀਜੋਨਕਾਲਬਸ
 ਭਯੋਜੋਤੋਭਯੋਤੋਤੋਤਾਂਕੋਪੂਤਅੰਗਦਕੁਮਾਰਹੈ॥੮॥
 ਕਬਿੱਤ-ਸਬੈਅੰਗਬਢੇਕੇਸਦੇਖੀਅਤਰੀਛਭੇਸਯਾਸੋਲ-
 ਰਬੇਕੋਨਦਿਨੇਸਨਅਨੰਤਹੈ। ਯਾਕੋਕੋਪਰਾਨੀਰਨਭੂਮ
 ਕੀਬਢਾਵੇਓਪਐਸੇਅਰਿਮਾਰੈਮਾਨੋਖੇਲਤਬਸੰਤਹੈ।
 ਸੂਰਨਕੀਭੀਰਪਰੈਊਧਮਮਚਾਵਤਹੈਦੇਖਨਕੋਐਸੇਮਾਨੋ
 ਕੋਊਬਡੇਸੰਤਹੈ। ਬਾਂਕੋਬਲਵੰਤਜਾਕੋਪਾਈਏਨਅੰਤਚ-
 ਤੁਰਾਨਨਕੋਅੰਸਜਸਵੰਤਜਾਮਵੰਤਹੈ॥੯॥

ਕਬਿੱਤ-ਔਰਕਪਿਜੁਥਨਮੈਂਦ੍ਰੋਜੁਚਲੇਆਵਤਹੈਂਬੈਰੀਬਨ
 ਦਾਹਨਕੋਦਾਵਾਨਲਪ੍ਰਬਲਹੈਂ। ਔਰਨਤੇਸੁਨੇਹੈਸੁਤੈਸੇ
 ਹੀਮੈਂਦੇਖੇਆਜਬਡੇਡੀਲਨਿਆਇਰਨਭੂਮਿਕੋਅਚਲ
 ਹੈਂ। ਦੇਖੇਚਹੂੰਓਰਨਤੈਂਔਰਜੇਤੇਆਵੈਂਕਪਿਮਾਨੋਂਕਵਿ
 ਰਾਮਭਾਵੈਂਬਾਦਲਕੇਦਲਹੈਂ। ਹੋਂਨਪਹਿਚਾਨਤਹੋਂਐਸੇ
 ਅਨੁਮਾਨਤਹੋਂਅੰਗਦਕਹੇਹੈਂਮੋਸੋਂਏਈਨੀਲਨਲਹੈਂ॥੧੦॥
 ਕਬਿੱਤ-ਬਡੇਸਨਮਾਨਸਬਕਰੈਂਯਾਕੀਕਾਨਅਰਸਬੈਕਪਿ
 ਮੰਡਲਕੋਦੇਖੀਅਤਜੀਉਹੈ॥ ਯਾਕੀਦੁਤਿਆਗੋਛਬਿ
 ਔਰਨਕੀਫੀਕੀਲਾਗੈਦੇਖੇਕਵਿਰਾਮਮਾਨੋਪੋਰਖਕੀ
 ਸੀਉਹੈ। ਯਾਹੀਕੋਨਿਹੋਰੇਝੂਠੇਸਾਚੇਰਾਮਮਾਰੇਬਾਲੀ
 ਲੋਗਯੋਂਕਹਤਤੀਅਲੈਦਈਸੁਕੀਉਹੈ। ਸੁਨੋਯਾਕੋ
 ਨਾਉਮੇਰੇਦੇਸਦੇਸਗਾਂਉਸਬਸਾਖਾਮ੍ਰਿਗਰਾਉਰਵਿਮੂਰਤ
 ਸੁਗੀਵਹੈ॥੧੧॥

ਛਪੈ-ਸਰਦਕਮਲਲੋਚਨਬਿਸਾਲਅਲਿਮਾਲਅਲਿਕ
 ਜਨ। ਸਜਲਸਘਨਘਨਦੁਤਸਰੀਰਬਨਮਾਲਇੰਦ੍ਰ
 ਧਨ। ਕੋਟਿਮਦਨਛਬਿਰਵਿਪ੍ਰਕਾਸਲਾਵੰਨਸੁਭਗਤਨ।
 ਭੂਅਮੰਡਲਅਵਤੰਸਚਰਨਸੇਵਤਸੁਰਮੁਨਿਜਨ। ਆਜਾ-

ਨ ਬਾਹੁ ਸਾਰੰਗਧਰ ਅਧਮ ਉਧਾਰਨ ਵਿਪਦ ਹਰ । ਕਵਿਰਾਮ
 ਪ੍ਰਗਟ ਰਘੁਬੰਸ ਮਣਿ ਏਈ ਸੀਤਾ ਪਤਿ ਰਾਮ ਬਰ ॥ ੧੨ ॥
 ਛਪੈ-ਤਰਨਿ ਬੰਸ ਭੁਜ ਦੰਡ ਪਗਟ ਪੌਰਖ ਪ੍ਰਚੰਡ ਅਤਿ ।
 ਛਿਤਿ ਮੰਡਲ ਬ੍ਰਹਮੰਡ ਚਕਿਤ ਨਵ ਖੰਡ ਸਚੀਪਤਿ । ਕ੍ਰੋਧ
 ਅਨਲ ਪ੍ਰਜਲਿਤ ਪ੍ਰਬਲ ਜਮ ਦਗਨ ਸੁਭਟ ਸੁਅ । ਕਰ ਕੁ-
 ਵੰਡ ਸਤਖੰਡ ਉਮਡ ਘਨ ਬਰਖ ਸੁਮਤਿ ਭੁਅ । ਅਤਿ ਰੁੰਡ
 ਮੁੰਡ ਕਾਰਨ ਨਿਪਤਿ ਕਰਿਭ ਸੁੰਡ ਕਰਵਰ ਹਰਨ । ਕਵਿਰਾਮ
 ਕਾਮਪੂਰਨ ਸਕਲ ਸੋਈਸੋਈਸੋਈ ਰਘੁ ਕੁਲ ਭਰਨ ॥ ੧੩ ॥
 ਛਪੈ-ਕਨਕ ਬਰਨਛਬਿ ਮੈਨ ਨੈਨ ਬਿਸੀਅਰ ਜਨ ਸਾਇਕ।
 ਕਮਲ ਬਦਨਸੁਖਸਦਨਰਦਨੰਦੁਤਿ ਕੁੰਦਪਲਾਇਕ। ਭ੍ਰਿਕੂਟ
 ਭ੍ਰਮਰ ਚੰਚਲ ਕਪੋਲ ਮ੍ਰਿਦ ਬੋਲ ਅੰਮ੍ਰਿਤ ਸਮ । ਸੁਘਟ ਗੀਵ
 ਰਸ ਸੀਵ ਕੰਠ ਮੁਕਤਾ ਬਿਘਟਤ ਤਮ । ਜਗਜੋ ਪਵੀਤ ਕਟ
 ਪਟ ਕਲਿਤ ਰਘੁਪਤਿ ਅਤਿ ਸੇਵਾ ਨਿਪੁਨ । ਸੋਈ ਜਾਨ
 ਸੁਮਿਤ੍ਰਾ ਸੁਤ ਪ੍ਰਗਟ ਸੁ ਕਵਿ ਰਾਮ ਪ੍ਰਭੁ ਲਛਮਨ ॥ ੧੪ ॥
 ਕਬਿੱਤ-ਮਾਨੋ ਕਨਕਾਚਲ ਸੋ ਨੀਲ ਗਿਰ ਚਲਜੋ ਜਾਤ
 ਕਿਧੋ ਘਨ ਘਟਾ ਛਟਾ ਦਾਮਨੀ ਪ੍ਰਕਾਸ਼ ਹੈ ॥ ਕਿਧੋ ਯਹ ਪਾ-
 ਵਸ ਕੀ ਮਾਵਸ ਮੈਂ ਪੂਨਜੋ ਤਨ ਕਿਧੋ ਗੰਗ ਜਮਨਾ ਤਰੰਗ ਕੇ
 ਬਿਲਾਸ ਹੈ ॥ ਕਿਧੋ ਦਿਨ ਰੈਨ ਆਗੇ ਪਾਛੇ ਚਲੇ ਆਵਤ ਹੈਂ
 ਕਿਧੋ ਭ੍ਰਿੰਗ ਪੁੰਜ ਕੰਜ ਮਾਲ ਜਜੋਂ ਸੁਬਾਸ ਹੈ ॥ ਕਿਧੋਂ ਬੜਵਾ
 ਨਲ ਸਮੁੰਦ ਇਕ ਠੌਰ ਐਸੇ ਰਾਮਚੰਦ ਲਛਮਨ ਸੋਭਾਕੇ
 ਅਵਾਸ ਹੈਂ ॥ ੧੫ ॥
 ਕਬਿੱਤ-ਏਤੇ ਤੋ ਕਹੇ ਬਿਚਾਰ ਆਏ ਕਪਿ ਬੇਸ਼ੁਮਾਰਿ ਪੌਰਖ
 ਅਪਾਰ ਕਹਾਂ ਲੋ ਗਿਨਾਉਂ ਔਰਕੇ ॥ ਦੁਨੇ ਕਜੋਂ ਨਆਵੈਂ ਸੋਰ
 ਸੋ ਗੁਨੋ ਮਚਾਵੈਂ ਸੁ ਤੋ ਸ਼ਿਵਕੀ ਦੁਹਾਈ ਸਬ ਮੇਰੀ ਏਕ ਦੌਰ
 ਕੇ ॥ ਭੀਰ ਕੇ ਪਰੇ ਤੇ ਕੁੰਭ ਕਾਨਹ ਜਗੈਹੋਂ ਜਾਇ ਜਾਕੇ ਭੱਛ
 ਬਾਨਰ ਪਿਟੋਰਾ ਕੌਰ ਕੌਰ ਕੇ ॥ ਤਾਹੂੰ ਪਰ ਮੇਰੇ ਭੁਜਦੰਡ ਕੀ
 ਪ੍ਰਚੰਡ ਚੋਟ ਲਾਗੈ ਛੂਟ ਜੈਹੈ ਜੈਸੇ ਬਾਸਨ ਬਿਲੌਰ ਕੇ ॥ ੧੬ ॥

ਕਬਿਤ-ਕੌਨੇ ਕਪਿਰਾਜ ਨਾਰ ਗਈ ਤੇ ਨ ਰਹੀ ਲਾਜ ਤਾਕੇ
ਸ੍ਰਾਸ ਤ੍ਰਾਸ ਕੈ ਉਸਾਸਨ ਉਡਾਇਹੋਂ॥ ਕਹਾਰੰਕਨੀਲ ਨਲ ਮਾਰਤ
ਨ ਲਾਗੈ ਪਲ ਹਨੂਮਾਨ ਬਾਧਿਓ ਤੈਸੇ ਬਹੁਰੇ ਬੰਧਾਇਹੋਂ॥ ਏਕਨ
ਕੋ ਸਿੰਧ ਬੋਰ ਏਕਨ ਕੀ ਨਾਰ ਤੋਰ ਏਕਨ ਮਰੋਰ ਮੂੰਡ ਕੋਟ
ਲੈ ਉਡਾਇਹੋਂ ॥ ਡਰੇਂ ਜਿਨ ਏਕ ਦਾਮ ਕੌਨ ਗਿਨਤੀ ਮੇਂ
ਰਾਮ ਤਾਂਕੇ ਭਾਈ ਭਾਈ ਸੇਂ ਮਿਲਾਇ ਖਾਇ ਜਾਇਹੋਂ॥ ੧੭॥
ਕਬਿਤ-ਚਹੂੰ ਓਰ ਛੇਕ ਛੇਕ ਮਾਰੇਂ ਗਿਨ ਏਕ ਏਕ ਬਚ ਹੈ
ਨ ਕੋਊ ਤਬ ਕੌਨ ਕਾਂਕੇ ਰੋਇ ਹੈ ॥ ਸ੍ਰੋਨਤ ਮੈਂ ਭਲੀ ਭਾਂਤਿ
ਭੈਰਵ ਨਵਾਂਉ ਜੂਥ ਜੋਗਨੀ ਅਘਾਇ ਕੇ ਪਸਾਰ ਪਾਇ ਸੋਇ
ਹੈਂ ॥ ਮੇਰੇ ਬਲ ਆਗੈ ਕੌਨ ਕੌਨ ਕੀ ਨ ਗਈ ਪਤਿ ਔਰ ਚੰ-
ਦ੍ਰਾਸ ਕੌਨ ਕੌਨ ਕੀ ਨ ਖੋਇ ਹੈ ॥ ਏਤੇ ਪਰ ਰਾਮ ਕਰ ਹੈ
ਸੇ ਹੈ ਹੈ ਨਾਹੀਂ ਨਾਹੀ ਭਲੇ ਸ਼ਿਵਜੀ ਕਰੈਂਗੇ ਸੋਈ ਹੋਇ
ਹੈ ॥ ੧੮॥

ਸੋਰਠਾ-ਯਹਿ ਹੰਕਾਰ ਪ੍ਰਤਾਪ ਅੰਤਰ ਮੈਲੇ ਰਾਮ ਸੇ ॥ ਕੌਨ
ਕਰੇ ਤਪ ਜਾਪ ਨਾਮ ਲੇਤ ਲੱਜਾ ਮਰੇ ॥ ੧੯॥

ਦੋਹਰਾ-ਜੇ ਕੋਊ ਤੁਮਸੇ ਯੋ ਕਹੈ ਬਿਨ ਬੁਝੈ ਯਹਿ ਬਾਤ ॥ ਰਾ-
ਵਨ ਸਬਕੋ ਬਲ ਕਹਜੇ ਕੌਨ ਹੇਤ ਸਕੁਚਾਤ ॥ ੨੦॥

ਦੋਹਰਾ-ਬੈਰੀ ਕੋ ਬਲ ਕਹੇ ਤੇਸਬੈ ਸੂਰਤਾ ਜਾਤ ॥ ਅਬ ਰਾਵਨ
ਲੰਕਾ ਪਤੀ ਕਾਇਰ ਜਿਓਂ ਬਿਲਲਾਤ ॥ ੨੧॥

ਦੋਹਰਾ-ਫਿਰ ਪਾਛੇ ਨਿੰਦੇ ਸਬੈ ਬਹੁਰ ਕਹਾ ਯਹਿ ਹੇਤ ॥ ਕੈ
ਡਰਪੇ ਕੈ ਲਰਤ ਹੈ ਕਿਧੇ ਜਾਨਕੀ ਦੇਤ ॥ ੨੨॥

ਦੋਹਰਾ-ਤਾਂ ਕਹੁ ਫਿਰ ਸਮਝਾਈਅਹੁ ਸੁਨਹੁ ਸੰਤ ਮਨ ਲਾਇ
॥ ਭਲੀ ਪਸਨ ਤੁਮਹੂੰ ਕਰੀ ਉਤਰ ਸੁਨੋ ਅਘਾਇ ॥ ੨੩॥

ਸੋਰਠਾ-ਕੀਨੋ ਸ੍ਰਾਪ ਬਿਨਾਸ ਅਸੁਰਜੋਨ ਰਾਵਨ ਪਰਿਓ ॥
॥ ਹੁਤੇ ਪੁਰਾਤਨ ਦਾਸ ਭਗਤ ਭਾਉ ਮਨ ਮੈ ਧਰੈ ॥ ੨੪॥

ਸੋਰਠਾ-ਜੇ ਅਪਨੋ ਨਹਿ ਹੋਇ ਤਾਂ ਫਿਰ ਪ੍ਰਭ ਆਵੈ ਨਹੀਂ ॥
ਜਜੇਂ ਖੇਲਤ ਮੈਂ ਗੋਇ ਬਹਕ ਗਏ ਖੈਂਚਤ ਫਿਰੈ ॥ ੨੫॥

ਸੋਰਠਾ—ਅਰ ਪ੍ਰਭ ਚਰਨ ਪ੍ਰਤਾਪ ਦਰਸਨ ਹੀਂ ਮਨ ਫਿਰ ਗਏ
॥ ਸੁਕੇ ਸਭਾਰੇ ਆਪ ਜਲ ਤਰੰਗ ਜਲ ਬਿੰਬ ਰਵਿ ॥ ੨੬ ॥

ਸੋਰਠਾ—ਸਿਸਰ ਹੋਤ ਪਤ ਝਾਰ ਆਂਬ ਕਟਾਹਲ ਏਕਸੇ ॥ ਰਾਮ
ਬਸੰਤ ਨਿਹਾਰ ਜਗ ਜਾਨੈ ਮੋਰਤ ਪ੍ਰਗਟ ॥ ੨੭ ॥

ਸੋਰਠਾ—ਲਗੀ ਸਜਾਮਤਾ ਰੇਖ ਬਿਨ ਜਾਨੇ ਮੁਖ ਬਿਸਦ ਕੇ ॥
ਬਹੁਰ ਆਰਸੀ ਦੇਖ ਦੂਰ ਕਰੈ ਕੈ ਬਿਸਤਰੈ ॥ ੨੮ ॥

ਸੋਰਠਾ—ਔਰ ਜੁਗਤ ਸੁਨ ਲੇਹੁ ਤੁਮਹਿ ਸੁਨਾਵਤ ਰਾਮ ਕਵਿ ॥
ਕੈ ਫਿਰ ਉਤਰ ਦੇਹੁ ਕੈ ਸਮਝੈ ਸੁਖ ਪਾਇਕੈ ॥ ੨੯ ॥

ਸੋਰਠਾ—ਰਾਮਹਿ ਰਾਮ ਪੁਕਾਰ ਹਨੁਮਾਨ ਅੰਗਦ ਕਹੈ ॥ ਤਬ
ਰਾਵਨ ਰਿਸ ਮਾਰ ਰਾਮਚੰਦ ਮਨ ਮੈ ਧਰੈ ॥ ੩੦ ॥

ਸੋਰਠਾ—ਪ੍ਰਭ ਜਾਨੀ ਵਿਪਰੀਤ ਮਨ ਮੈਂ ਹੋਂ ਰਾਵਨ ਰਹੇਂ ॥ ਕਹਾਂ
ਜੁੱਧ ਕੀ ਰੀਤਿ ਜਬਲਗ ਹੋਂ ਜੀਅ ਮੈ ਬਸੇ ॥ ੩੧ ॥

ਸੋਰਠਾ—ਦੇਖਤ ਹੀ ਰਘੁਰਾਇ ਸਸਿ ਦੇਖੈ ਜਜੇਂ ਮਨ ਦ੍ਰਵੈ ॥
ਸਬਹਨ ਕੇ ਗੁਨ ਗਾਇ ਰਾਮ ਨਾਮ ਰਾਮਹਿ ਮਿਲਜੇ ॥ ੩੨ ॥

ਸੋਰਠਾ—ਜਜੇਂ ਕੋਕਿਲਾ ਸੁਜਾਨ ਕਾਕ ਬੰਸ ਵਾਸੇ ਕੀਓ ॥ ਬੋਲਤ
ਕੁਲ ਪਹਿਚਾਨ ਰਾਮ ਨਾਮ ਐਸੇ ਗਏ ॥ ੩੩ ॥

ਸੋਰਠਾ—ਤਬ ਲਗ ਚਮਕਤ ਰੇਤ ਦਿਨਕਰ ਕਿਰਨ ਪ੍ਰਤਾਪਤੇ
॥ ਜਬ ਅਪਨੋ ਬਲ ਲੇਤ ਬਹੁਰ ਧੂਰਕੀ ਧੂਰ ਹੀ ॥ ੩੪ ॥

ਸੋਰਠਾ—ਤਾ ਪਾਛੇ ਦਸ ਕੰਧ ਰਿਸ ਬਾਢੀ ਭੁਜ ਬਲ ਕਹਜੇ ॥
ਭਯੋ ਅੰਧ ਕੇ ਅੰਧ ਤਾਹੀਂ ਤੇ ਨਿੰਦਾ ਕਰੈ ॥ ੩੫ ॥

ਦੋਹਰਾ—ਤਬ ਬੋਲੀ ਮੰਦੋਦਰੀ ਚਰਨ ਲਗਾਏ ਮਾਥ ॥ ਬਚਨ
ਜਥਾਰਥ ਮੈਂ ਕਹੇਂ ਸੁਨਹੁ ਲੰਕ ਕੇ ਨਾਥ ॥ ੩੬ ॥

ਸੋਰਠਾ—ਬਿਨਾ ਜਤਨ ਸੋਈ ਹੋਇ ਜੁ ਕਛੁ ਭਾਗਬਿਧਿਨਾ ਲਿ
ਖਜੇ ॥ ਐਸੇ ਰਾਜ ਨ ਖੋਇ ਸੁਰਨਰ ਮੁਨਿ ਬੰਦਤ ਚਰਨ ॥ ੩੭ ॥

ਕਬਿੱਤ—ਕੰਚਨ ਕੇ ਗਾਉ ਤਿਹੂੰ ਲੋਕਨ ਮੈਨਾਉਂ ਸਦਾ ਸੁਖਹੂੰਕੀ
ਛਾਉਂਹੈਂ ਨ ਬੋਲ ਪਰਪੰਚ ਕੇ ॥ ਰੁਦ੍ਰ ਸੇ ਤੇ ਐਸੀ ਰਤਿ ਜਾਤੇਂ
ਸੁਰ ਲੋਕ ਪਤਿ ਖੀਜੈ ਡਰਜਾਤ ਬੈਠ ਆਨੰਦ ਭ੍ਰਮੰਚਕੇ ॥ ਮੇਘ

ਨਾਦ ਆਦਿ ਦੈ ਸਹਾਇਕ ਹੈ ਸਬੈ ਸੂਰ ਪੂਰਨ ਭੰਡਾਰ ਮਨਿ
ਮਾਨੋ ਗਿਰਿ ਕੰਚਕੇ ॥ ਆਜ ਤੋ ਵਿਭੂਤਿ ਘਰ ਮਾਹਿ ਤੇਰੇ ਐਸੀ
ਜੈਸੀ ਇੰਦ੍ਰ ਨ ਕੁਬੇਰ ਕੇ ਨ ਬਰਨ ਬਿਰੰਚ ਕੇ ॥ ੩੮ ॥

ਕਬਿੱਤ-ਚਹੂੰ ਓਰ ਸੈਨ ਦੀਨ ਔਰ ਨਾਰਿ ਦੂਰਿ ਕੀਨ ਨਾਰਿ
ਕੋ ਨਿਵਾਇ ਕਹੈ ਬਿਨਤੀ ਕਰਤ ਹੋਂ ॥ ਏਕ ਬਾਤ ਮੋਹਿ ਮਾਂਗੀ
ਦੀਜੈ ਨ ਬਿਲੰਬ ਕੀਜੈ ਕੋਊ ਦਿਨ ਜੀਜੈ ਜਾਤੇ ਤਾਹੀ ਕੇ
ਅਰਤ ਹੋਂ ॥ ਐਸੀ ਕੌਨ ਬਾਤ ਤਾਕੋ ਬੇਗ ਕਜੇ ਨ ਮਾਂਗੋ ਰਾਨੀ
ਮਾਂਗੇ ਜੋ ਨ ਦੇਹੁ ਤਾਂਤੇ ਮਾਂਗਤ ਡਰਤ ਹੋਂ ॥ ਰਾਜ ਕਜੇਂ ਨ
ਕਰੇ ਕਰੀਏਹੈ ਅਨੁਸਰੈ ਸਿਰ ਜਾਨਕੀ ਨ ਦੈਹੋ ਦੇਹੁ ਪਾਇ
ਨ ਪਰਤ ਹੋਂ ॥ ੩੯ ॥

ਸਵੈਯਾ-ਸੋ ਸੀਅ ਹੈ ਸਿਰ ਕੇ ਸੰਗ ਸੁੰਦਰਿ ਰਾਵਨ ਔ ਰਘੁ-
ਨਾਥ ਜਤੀ ਕੇ ॥ ਦੇਖ ਸੰਘਾਰ ਜੁ ਡਾਰਤ ਹੋਂ ਕਪਿ ਜੁਥ ਰਤੀ
ਬਿਨ ਏਕ ਰਤੀ ਕੇ ॥ ਰਾਮ ਕੇ ਜੀਤਤ ਯੋਂ ਭਜ ਹੈਂ ਜੈਸੇ ਕੌਤ
ਕ ਦੇਖਨ ਹਾਰ ਸਤੀ ਕੇ ॥ ਆਪ ਉਮਾਪਤਿ ਬਾਂਧ ਦਯੋ ਸਭ
ਪੌਰਖ ਦੇਖਹੁ ਲੰਕ ਪਤੀ ਕੇ ॥ ੪੦ ॥

ਸਵੈਯਾ-ਨਾਥ ਯਹੈ ਸਬ ਬਾਤ ਸਹੀ ਪਰ ਸਾਚ ਕਹੋ ਜਿਹ ਤੇ
ਦੁਚਿਤਾਈ । ਜਾਂ ਕਹੁ ਬੇਦ ਪੁਰਾਨ ਕਹੋ ਸੋਈ ਜੋ ਯਹਿ ਰਾਮ
ਤੋ ਹੈ ਨ ਭਲਾਈ । ਜਾਨਤ ਹੋਂ ਸੁਨ ਨਾਰਿ ਭਲੀ ਬਿਧਿ ਕਾਹੂੰ
ਕੀ ਬਾਮਨ ਹੈ ਡਹਿਕਾਈ । ਏ ਸਬ ਦੰਤ ਕਥਾ ਦਈ ਜੋਰ
ਕਹਜੇ ਯਹਿ ਬਯੋਤ ਸੋ ਖਾਹ ਕਮਾਈ ॥ ੪੧ ॥

ਕਬਿੱਤ-ਚਾਰੋਂ ਜੁਗ ਜਹੀਂ ਤਹੀਂ ਤੀਨ ਰਾਮ ਸੁਨੇ ਸਹੀ ਐਸੇ
ਕੌਨ ਤੀਨ ਮੈ ਜੁ ਮੇਰੇ ਬਲ ਟੇਕ ਹੈ ॥ ਏਕ ਤੋ ਪਰਸਰਾਮ ਦੂਜੇ
ਬਲਿਰਾਮ ਏਕ ਔਰ ਸੁਨਯੋ ਕੋਊ ਆਯੋ ਘਨੇ ਘਾਉ ਸੇਕ ਹੈ ।
ਮੇਸੇ ਸੁਨ ਪ੍ਰਗਟ ਬਿਰੰਚ ਕਹਿਓ ਬੀਸ ਬਾਰ ਤੇਰੀ ਓਰ ਤੀਨ
ਲੋਕ ਮਾਹਿ ਕੋ ਨ ਦੇਖ ਹੈ । ਏਕ ਰਾਮ ਬੀਤਿਓ ਏਕ ਹੈ ਹੈ ਏਕ
ਛੇਕਤ ਹੋਂ ਰਾਖੈ ਪੁਨ ਬੋਲੇ ਸੁ ਤੋ ਰਾਵਨ ਹੀਂ ਛੇਕ ਹੈ ॥ ੪੨ ॥

ਸਵੈਯਾ-ਸੋ ਡਰਪੀ ਜਬ ਬਾਤ ਸੁਨੀ ਬਿਧਿ ਆਨ ਬਨੀ ਬਿਧਿ

ਤੂੰ ਡਹਕਾਯੋ । ਦੇਵਨਕੇ ਪਰਪੰਚ ਬਡੇਜੁ ਛਲਜੇ ਤਿਹ ਨੌਰ ਕਹੂੰ
ਨਹਿ ਪਾਯੋ । ਜੇ ਇਹ ਰਾਮਹਿ ਛੇਕਤਹੋ ਪ੍ਰਭ ਤਾਹੀ ਕੇ ਹਾਥਨ
ਕਜੋਂ ਨ ਛਿਕਾਯੋ । ਅੰਤਕ ਚੌਥੇ ਹੰਕਾਰ ਮੈਂ ਕੈ ਰਿਸ ਛੇਕ ਹੈ
ਰਾਵਨ ਕੋ ਯਹਿ ਆਯੋ ॥ ੪੩ ॥

ਕਬਿੱਤ—ਸੋਈ ਯਹਿ ਰਾਮ ਤੇਰੇ ਕਾਮ ਛਾਡ ਆਯੋ ਧਾਮ ਜਾਕੇ
ਬਲ ਲੋਕਪਾਲ ਨਿਰਭੈ ਰਹਤ ਹੈਂ । ਸੋਈ ਰਾਮ ਛੀਰਿ ਸਿੰਧੁ ਤੇ
ਜਗਾਯੋ ਜਾਇ ਬਿਧਿ ਤੁਮ ਸੋਂ ਨ ਕਹੈ ਦੇਵ ਤੁਮ ਤੇ ਡਰਤ ਹੈਂ
। ਇਨਹੀ ਕੇ ਮਾਰੇ ਮਧੁ ਕੈਟਭ ਸਿੰਘਾਰੇ ਅਜਹੂੰ ਲੋ ਤੀਅ
ਨੈਨਨ ਤੇ ਝਰਨਾ ਝਰਤ ਹੈਂ । ਔਰ ਏਕ ਬਡੇ ਹੈ ਸੁਭਾਉ ਨੈਕ
ਜਾਇ ਮਿਲੈ ਔਗੁਨ ਨ ਹੋਤ ਤਾਸੇ ਸੋਗੁਨੋ ਢਰਤ ਹੈਂ ॥ ੪੪ ॥

ਸਵੈਯਾ—ਰਾਮ ਕੇ ਦੂਤ ਤੋ ਬਾਤ ਕਹੀ ਸੁ ਸਹੀ ਅਬ ਆਗੇ ਤੇ
ਮੇਨ ਗਹੇ । ਤੀਅ ਹੈ ਵਿਪਰੀਤ ਕੀ ਬਾਤ ਸਹੀ ਤਬ ਲੰਕ ਦਹੀ
ਅਬ ਮੋਹਿ ਦਹੇ । ਗਢ ਆਨ ਵਿਭੀਖਨ ਰਾਜ ਕਰੈ ਰਘੁਬੀਰ ਕੇ
ਬਾਨਨ ਦੇਹ ਸਹੇ । ਤਿਨ ਰਾਜ ਦਯੋ ਨਹਿ ਸੀਅ ਦਈ ਇਕ
ਰਾਵਨ ਕੋ ਯਹਿ ਬੋਲ ਰਹੇ ॥ ੪੫ ॥

ਸਵੈਯਾ—“ਆਪਨੇਹਾਥਨ ਆਪਨੇ ਸੀਸ, ਉਤਾਰ ਉਮਾਪਤਿ ਰੁਦ੍ਰ
ਰਿਝਾਏ । ਤੇ ਪੁਨ ਆਪਨੇ ਹਾਥ ਸਵਾਰ, ਸੁਧਾਰਸ ਸਾਨ ਕਬੰਧ
ਬਨਾਏ । ਬਾਤ ਕਹੇ ਬਿਨ ਕਿਉ ਬਨਹੈ, ਸੁਨ ਮੂੜ ਜੇ ਰਾਮ ਕੇ
ਹਾਥ ਗਿਰਾਏ । ਰੁਦ੍ਰ ਕਹਾਂ ਸੁਨ ਛੁਦ੍ਰ ਤੇ ਮੂਢ ਨ ਰੁਦ੍ਰ ਕੇ ਬਾਪ
ਪੈ ਜਾਹਿ ਲਗਾਏ” ॥ ੪੬ ॥

ਦੋਹਰਾ—ਕੈ ਮਿਲਕਰ ਮੇਰੇ ਕਹਜੇ, ਕੈ ਕਰ ਮੇਰੇ ਘਾਤ । ਪਾਛੇ
ਬਚਨ ਸੰਭਾਰੀਅਹੁ, ਕਹੋਂ ਨਿਫੋਟਕ ਬਾਤ ॥ ੪੭ ॥

ਸੋਰਠਾ—ਤਬਹੀਂ ਲੋ ਤੋ ਕਾਨ, ਜਬ ਲਗ ਜੀਅ ਜੋਖੇ ਨਹੀ ॥
ਫਿਰ ਕਾਸੇਂ ਪਹਿਚਾਨ, ਆਨ ਬਨੈ ਜੋ ਪ੍ਰਾਨ ਸੋ ॥ ੪੮ ॥

ਦੋਹਰਾ—ਬੇਦ ਪੁਰਾਨ ਸਿੰਮ੍ਰਤ ਸਬੈ ਬੋਲਤ ਬਚਨ ਰਸਾਲ ਰਾਮ
ਬਿਮੁਖ ਨਰ ਤੇ ਭਲੇ, ਸੁਕਰ ਸ੍ਰਾਨ ਸ੍ਰਿਗਾਲ ॥ ੪੯ ॥

ਸੋਰਠਾ—ਔਰ ਕਹੋਂ ਇਕ ਬਾਤ ਰਾਜਾ ਏ ਸਬ ਹੋਹਿਗੀ । ਜਿਉਂ

ਪੈ ਯੋ ਉਫਨਾਤ, ਰਾਮ ਤੇਜ ਤੀਛਨ ਲਗੈ ॥ ੫੦ ॥

ਸਵੈਯਾ-ਤੂਤੋ ਭਯੋ ਚਤੁਰਾਨਨ ਕੋ ਕੁਲ, ਪੌਰਖ ਮੈ ਨ ਰਤੀ
ਛਤਿ ਹੈ ॥ ਸੀਅ ਦੇਹ ਸੁਖੀ ਕਰ ਬੰਸ ਸਬੈ ਜੋ ਸਹੀ ਸ਼ਿਵ ਕੇ
ਪਦ ਸੋ ਰਤਿ ਹੈ। ਸੁਨ ਨਾਤਰ ਹੈ ਉਤਪਾਤ ਬਡੇ ਮੁਹਿ ਜਾਨਤ
ਹੋ ਤੀਅ ਕੀ ਮਤਿ ਹੈ। ਸਠ ਸੋ ਧਰਨੀ ਸਰਨੀ ਸਰਨੀ, ਗੜ
ਕੀ ਧਰਨੀ ਸਬ ਕਾਂਪਤਿ ਹੈ ॥ ੫੧ ॥

ਕਬਿੱਤ-ਬਾਤ ਤੋ ਬਨੀ ਹੈ ਭਲੀ ਆਜਲੋ ਗਈ ਹੀ ਚਲੀ ਰਾਮ
ਸੋ ਜੋ ਬੈਰ ਯਹੈ ਜਾਨੀ ਬਾਤ ਹਾਨਕੀ। ਸੂਕੀ ਬੇਲ ਕਾਲ ਕੀ
ਲੈ ਫੂਲੀ ਲਾਗੀ ਕਲੀ ਸੁਤੋ, ਜਾ ਦਿਨਤੇ ਲੰਕ ਜਲੀ ਬਾਤ
ਸੋ ਪ੍ਰਮਾਨ ਕੀ ॥ ਤੋਕੋ ਨਿਜ ਲੋਕ ਦੈਕੈ ਆਪਨੋ ਕੁਬੇਲ ਲੈਕੈ,
ਜਾਨਤ ਹੈ ਬਾਤ ਕਛੂ ਸ਼ਿਵਕੇ ਸਯਾਨਕੀ। ਗੰਗਕੇ ਤਰੰਗ ਸੋ ਅਨੰ
ਗ ਰਿਪ ਰੁਦ੍ਰ ਤੇਰੇ, ਸੋਈਹੈ ਸਮੁਦ੍ਰ ਰਾਮ ਨਾਮ ਲੈਹੈ ਜਾਨਕੀ ॥ ੫੨
ਕਬਿੱਤ-ਬਾਨਰ ਕੇ ਪੂਤ ਮਿਲ ਬਡੇ ਅਵਧੂਤ ਦੇਖ, ਛਿਨਮੈਂ ਕਸੂ
ਤ ਕਰ ਡਾਰਜੋ ਹੈ ਸਮੁਦ੍ਰ ਕੋ। ਹਨੂਮਾਨ ਆਯੋ ਤਿਨ ਠੋਕ ਕੈ
ਜਰਯੋ ਪੁਰ, ਵਾਕੋ ਕਹੈ ਅੰਗਦ ਕੀਯਾ ਹੈ ਕਾਮ ਛੁਦ੍ਰ ਕੋ। ਰਾਮ
ਚੰਦ ਜੁ ਸੋ ਸਬਹੀਂ ਕੋ ਬਲ ਫੀਕੋ ਜੈਸੇ, ਬਾਮਨ ਕੈ ਆਗੇ ਬੇਦ
ਕੋਨ ਸੁਨੋ ਸੁਦ੍ਰ ਕੋ ॥ ਤੇਰੇ ਜੀਅ ਮੈ ਨ ਰਹੇ ਪ੍ਰਗਟ ਪੁਰਾਨ ਕਹੈ,
ਜੈਸੇ ਪ੍ਰਭੂ ਤੇਰੇ ਰੁਦ੍ਰ ਤੈਸੇ ਰਾਮ ਰੁਦ੍ਰ ਕੋ ॥

ਕਬਿੱਤ-ਜੈਸੇ ਭ੍ਰਮ ਟਾਰ ਕੈ ਮਿਲੀ ਬਿਬੇਕ ਬਾਨੀ ਤਮ, ਤੀਨ
ਲੋਕ ਮਾਂਹਿ ਚੰਦ ਚਾਂਦਨੀ ਨ ਆਨ ਕੀ। ਅਰ ਕੁਮਲਾਨੀ ਕੁ
ਮਦਨੀ ਛਬਿ ਪਾਇ ਸਸਿ, ਸੋਕਕੋ ਨਿਵਾਰ ਫੂਲ ਜਾਤ ਹੈ
ਅਚਾਨਕੀ। ਜੈਸੇ ਬਡੇ ਪਾਪ ਕੋ ਪਛਾਰ ਦੌਰ ਬੇਦ ਬਿਧਿ ਜਾਇ
ਮਿਲੈ ਤਾਪਸੀ ਕੋ ਜੋਗ ਜੱਗ ਦਾਨ ਕੀ। ਤੈਸੇ ਤੋਕੋ ਕੁਟੰਬ ਸਮੇ
ਤ ਪੀਸ ਡਾਰੈ ਕੰਤ, ਰਾਮਚੰਦ ਜੁ ਸੋ ਮਿਲ ਜੈਹੈ ਯਹਿ ਜਾਨਕੀ
॥ ੫੪ ॥

ਕਬਿੱਤ-ਜੈਸੇ ਪੋਨ ਪਾਨੀ ਮਿਲ ਜਾਤ ਦਾਨ ਦਾਨੀ ਐਸੀ ਬਾਨੀ
ਕੋਤੋ ਸਦਾ ਨਿਤ ਕੋ ਪ੍ਰਬੀਨ ਤੇ ਕਹੈ। ਜੈਸੇ ਘਟ ਪੂਰਨ ਮੈ

ਪਰਜੇ ਪ੍ਰਤਿ ਬਿੰਬ ਰਵਿ, ਫੂਟੈ ਘਟ ਮਾਹਿ ਸਠ ਸੂਰਨ ਅਨੇਕ
 ਹੈਂ। ਜੈਸੇ ਰਾਗ ਤਾਨ ਮਿਲੈ ਬੇਦ ਕੇ ਪੁਰਾਨ ਪਢੇ ਸੁਕ੍ਰਤ ਸੋ
 ਦਾਨ ਤੋ ਤਰੰਗ ਜਲ ਟੇਕ ਹੈਂ। ਤੈਸੇ ਪੀਆ ਜਾਨਕੀ ਕੇ ਨਾਥ
 ਰਘੁ ਨਾਥ ਤੇਰੇ, ਚੰਦ੍ਰ ਮੋਲ ਪਾਰਬਤੀ ਨਾਥ ਨਾਥ ਏਕਹੈਂ ॥੫੫॥
 ਕਬਿੱਤ—ਕੋਲੋ ਸਮਝਾਵੈ ਕੋਊ ਖੋਏ ਖਿਨ ਮਾਹਿ ਦੋਊ, ਲੋਕ ਪਰ
 ਲੋਕ ਗਯੋ ਗਯੋ ਸ਼ਿਵ ਹੈ ਕਹੂੰ। ਮੈਹੂੰ ਸੁਨੀ ਗੌਰੀ ਵਹੈਹੈ ਰਹੀ
 ਚਕੋਰੀ ਰਾਮਚੰਦ ਬਿਨਤੋਰੀ ਓਰ ਦੇਖਤ ਨ ਨੈਕ ਹੂੰ। ਆਏ
 ਰਘੁਬੀਰ ਮੋਹਿ ਯਹੈ ਬਡੀ ਪੀਰ, ਰਣ ਤਾਸ ਕੈਸੇ ਜੀਤ ਹੋ ਨ
 ਜੀਤੀ ਸੀਅ ਤੈ ਕਹੂੰ॥ ਮੇਰੇ ਕਹਿਓ ਮਾਨਬਾਤ ਯਹੈ ਸਾਚੀ ਜਾਨ
 ਮੂੜ ਜੋ ਨ ਮਾਨਹੈ ਤੋ ਦੁਖ ਪਾਇ ਹੈਂ ਅਨੇਕ ਹੂੰ॥ ੫੬ ॥

ਕਬਿੱਤ—ਲੈ ਆਯੋ ਚੁਰਾਇ ਸੀਅ ਧਰਜੇ ਡਰਹੈ ਨ ਹੀਅ, ਰਾਮ
 ਚੰਦ ਜੁਕੋਐਸੇ ਦੁਖ ਦੀਜੀ ਅਤ ਹੈ। ਤਾਂ ਪਰ ਨਿਸ਼ੰਕ ਪਰਜੰਕ
 ਪੌਢੇ ਲੰਕ ਪਤਿ ਲੈ ਕਲੰਕ ਮੁੰਡ ਏਕੋ ਦਿਨ ਜੀਜੀਅਤ ਹੈ॥
 ਅਜਹੂੰਹਮਾਰੀ ਮਤਿ ਜਾਨਕੀ ਦੈਰਾਖ ਪਤਿ, ਨਾਰਹੂੰ ਕੋ ਕਹਜੋ
 ਕਹੂੰ ਮਾਨ ਲੀਜੀਅਤ ਹੈ। ਖਾਂਮੀਦੇਖ ਤੇਰੀ ਹਾਮੀ ਸੰਕਰ ਨ
 ਭਰੈ ਆਜ, ਬੋਰੇ ਬਾਮੀ ਕਾਮੀ ਐਸੇ ਕਾਮ ਕੀਜੀਅਤ ਹੈ॥੫੭॥
 ਕਬਿੱਤ—ਰਨ ਕੀ ਟਕੋਰ ਲਾਗੇ ਦੁੰਦਭੀ ਮੈਂ ਮਾਰੂ ਬਾਜੇ ਤੇਰੇ
 ਜੀਅ ਐਸੀ ਰੁਦ੍ਰ ਮੇਰੀ ਓਰ ਲਰੈ ਗੋ॥ ਜੈਸੇ ਤੁਮ ਦਾਨਵ ਭਏ
 ਹੋ ਏਕ ਓਰ ਸਬ, ਤੈਸੇ ਦੇਵ ਏਕ ਹੋਤ ਬੀਚ ਕੌਨ ਪਰੈਗੋ॥
 ਬੋਲਨ ਗਏ ਤੇ ਸ਼ਿਵ ਕਹੈਗੋ ਤੂੰ ਬਡੇ ਪਾਪੀ, ਰਾਮ ਤੇ ਨ
 ਡਰਜੋ ਤੇ ਤੂੰ ਮੋਤੇ ਕਹਾ ਡਰੈ ਗੋ। ਦੂਰਜਾਹ ਨਾਰ ਨਾਗੀ ਬੋਲ
 ਕੀ ਤੇ ਪੀਠ ਲਾਗੀ, ਬੇਟਾ ਸੁਰ ਰਾਗੀ ਐਸੇ ਭਾਖ ਫੇਰ ਕਰੈ
 ਗੋ॥ ੫੮ ॥

ਕਬਿੱਤ—ਤੂਠੇ ਦੇਤ ਨਵੇ ਨਿਧਿ ਰੂਠੇਈ ਮੁਕਤਿ ਬਿਧਿ ਐਸੇ
 ਕਰੁਨਾ ਕੀ ਨਿਧਿ ਕੋਹੈ ਕਹਾਂ ਪਾਈਏ॥ ਤੂਠੇ ਸਬ ਤੇਰੇ ਹਠ
 ਦੇਵਬਿਨਾ ਜੈਹੈ ਸਠ ਸੋਈ ਰਘੁਬੀਰ ਨੀਲ ਕੰਠ ਕੰਠ ਗਾਈ
 ਏ॥ ਸਿਮਰੈ ਜੋ ਏਕ ਬਾਰ ਤਾਕੈ ਰਾਮ ਬਾਰਬਾਰ, ਇਸਰੈ ਬਿ-

ਸਾਰੈ ਨਾਹੀਂ ਸੋ ਕਜੇਂ ਬਿਸਰਾਈਏ ॥ ਰਘੁ ਕੁਲ ਤਿਲਕ ਮਿਲ
ਕ ਬਲ ਜਾਂਕੀ ਤਾਂਕੀ, ਕਿਲਕ ਕਿਲਕ ਕੈ ਸ਼ਰਨ ਕਜੇਂ ਨ
ਜਾਈਏ ॥ ੫੯ ॥

ਦੋਹਰਾ—ਤਬ ਬੋਲੀ ਮੰਦੋਦਰੀ, ਸੁਨ ਲੈ ਬਾਤ ਨਿਫੋਟ ॥ ਸ੍ਰੀ
ਰਘੁ ਪਤਿ ਜਸ ਸੋ ਕਹੈ ਜਾਕੀ ਰਸਨਾ ਕੋਟ ॥ ੬੦ ॥

ਸੋਰਠਾ—ਮੇ ਮੁਖ ਰਸਨਾ ਏਕ, ਗੁਨ ਗਾਵਤ ਸੁਮਤੇ ਥਕੇ ॥ ਰਘੁ
ਪਤਿ ਚਰਿਤ ਅਨੇਕ, ਤਾਂਕੋ ਸੇਖਭੁਜੰਗ ਪਤਿ ॥ ੬੧ ॥

ਸੋਰਠਾ—ਜਜੇਂ ਖਗ ਗਗਨ ਉਡਾਨ ਬਿਨਾ ਅੰਤ ਗਿਰਭੁਇ ਪਰ
ਹਿ ॥ ਤੈਸੇ ਮਤਿ ਅਨੁਮਾਨ ਰਘੁ ਪਤਿ ਜਸ ਬਰਨਤ ਸਬੈ
॥ ੬੨ ॥

ਸੋਰਠਾ—ਤੋਹਿ ਨ ਉਪਜਤ ਗਜਾਨ ਰਾਜਾ ਮੋਹ ਪ੍ਰਤਾਪਤੇ ॥ ਅਬ
ਨਿਹਚੈ ਜੀਅ ਜਾਨ ਰਾਮ ਬਿਮੁਖ ਸੁਖ ਤੇ ਰਹੈ ॥ ੬੩ ॥

ਸੋਰਠਾ—ਮਹਿਮਾ ਮਹਾ ਅਪਾਰ ਜੇ ਘਟ ਮੰਦਰਿ ਭਰ ਰਹੇ ॥ ਧਰੇ
ਗੰਗਕੀ ਧਾਰ ਸ਼ਿਵ ਅਜ ਹੂੰ ਹੈ ਧਯਾਨ ਮੈਂ ॥ ੬੪ ॥

ਸੋਰਠਾ—ਕਹਿਬੇ ਕੋ ਵਹ ਨੀਲ ਬਿਨਾ ਅੰਤ ਆਕਾਸ਼ ਜਜੇਂ ॥
ਤਜੇਂ ਸੀਤਾ ਕੋ ਸੀਲ ਸਾਤ ਲੋਕ ਉਪਰ ਸਦਾ ॥ ੬੫ ॥

ਸਵੈਯਾ—ਜਾਨਕੀ ਕੇ ਸਤਤੇ ਧਰ ਸੈਸ, ਰਹਜੇ ਛਿਤਕੋ ਸਿਰ ਭਾ
ਰਨ ਲਾਗੇ ॥ ਜਾਨਕੀ ਕੇ ਸਤ ਤੈਂ ਸਸਿ ਸੂਰ ਫਿਰੈਂ ਕਨਕਾਚਲ
ਸੋਂ ਅਨੁਰਾਗੇ ॥ ਜਾਨਕੀ ਕੇ ਸਤਤੇ ਸ਼ਿਵ ਸਾਧ ਸਮਾਧ ਰਹੇ
ਅਜਹੂੰ ਨਹਿ ਜਾਗੇ ॥ ਤਾਂ ਸਤ ਦੀਪਕੀ ਜੋਤ ਨਿਹਾਰ ਕੈ,
ਰਾਵਨ ਰੰਕ ਪਤੰਗ ਜਜੇਂ ਪਾਗੇ ॥ ੬੬ ॥

ਸਵੈਯਾ—ਮੇਰ ਚਲੈ ਧੂਅ ਸੋਂ ਛਿਤ ਮੰਡਲ, ਨੀਰ ਬਯਾਰ ਬਹੈ
ਪ੍ਰਜਰੈ ਰੇ ॥ ਜੋ ਸੀਅ ਰੋਸ ਧਰੇ ਜੀਅ ਮੈਂ, ਫਿਰ ਕੈ ਭ੍ਰਿਕੁਟੀ
ਤਵ ਕਾਲ ਮਰੈ ਰੇ ॥ ਜਾਨਕੀ ਸੀਲ ਪਤਿਬ੍ਰਤਿ ਤੇ, ਸ਼ਿਵ ਸੱਕੂ
ਬਿਰੰਚ ਲੋ ਪਾਇ ਪਰੈ ਰੇ ॥ ਤੋਹਿ ਜੁ ਸ੍ਰਾਪ ਨ ਦੇਤ ਸੁ ਤੋ
ਰਘੁਨਾਥ ਕੇ ਪਾਇਨ ਤੇ ਡਰਪੈਰੇ ॥ ੬੭ ॥

ਕਬਿੱਤ—“ਪ੍ਰਭ ਤੋ ਬਡੇ ਸੁਸੀਲ ਤਾਂਤੇ ਕਾਲ ਕੀ ਨ ਢੀਲ

ਤੇਰੇ ਡੀਲ ਦੇਖਬੇ ਕੋ ਕੌਤਕ ਸੇ ਰਾਮ ਹੈਂ ॥ ਲਛਮਨ ਕ੍ਰੋਧ ਕਰੈ
ਸੋਈ ਭੋਹ ਦੇਖ ਡਰੈ ਰੁਦ੍ਰ ਆਨ ਬੀਚ ਪਰੈ ਤਾਕੋ ਕੌਨ ਕਾਮ
ਹੈ ॥ ਤੇਰੇ ਅਪਰਾਧ ਸੀਅ ਮਾਨ ਹੂੰ ਨ ਲੀਨੋ ਜਾਤੇ, ਭਸਮ ਨ
ਕੀਨੋ ਅਰ ਥਾਂਭਿਓ ਕ੍ਰੋਧ ਧਾਮਹੈ ॥ ਤਾਂਕੇ ਸ੍ਰਾਪ ਦੀਜਤ ਹੈ
ਜਾਕੇ ਨਾਮ ਲੀਜਤ ਹੈ ਰਾਮ ਤਜ ਨੀਚ ਕੌ ਨ ਲੇਤ ਤੇਰੇ ਨਾਮ
ਹੈ ॥ ੬੮ ॥

ਦੋਹਰਾ—ਕੈ ਇਹ ਬਚਨ ਬਿਚਾਰ ਕੈ, ਪਤਿ ਬੁਝੇ ਪਰਧਾਨ ॥
ਬਿਨ ਆਈ ਮਰਜਾਇਬੇ, ਕਹਬੇ ਕੌਨ ਸਿਆਨ ॥ ੬੯ ॥
ਸੋਰਠਾ—ਸੁਨ ਦੇਵਨ ਕੀ ਰੀਤ, ਭੀਰ ਪਰੇ ਸੇਵਤ ਚਰਨ ॥
ਜਬ ਦੇਖਤ ਵਿਪਰੀਤ, ਫਿਰ ਮਾਰਤ ਸਬ ਸਿਮਟਕੈ ॥ ੭੦ ॥
ਕਬਿੱਤ—ਜਜੇਂ ਜਿਉਂ ਐਸੀ ਬਾਤਨ ਮੰਦੋਦਰੀ ਸਮੋਧੈ ਤਿਉਂ ਤਿਉਂ
ਦੇਵ ਦੁਖ ਪਾਵੈ ਕਹੈ ਕੈਸੇ ਸਮਝਾਈਏ ॥ ਯਾਕੀ ਬਾਤ ਮਾਨੈ ਸੀ
ਅਲੈਕੈ ਜਾਇ ਮਿਲੈ ਯਹ ਔਗੁਨ ਬਿਸਾਰ ਯਾਕੇ ਸੋ ਗੁਨੋ ਬ-
ਢਾਈਏ ॥ ਲਾਖੇ ਏਚ ਪੇਚਨ ਸੋ ਜੋਗ ਹੈ ਬਨਾਯੋ ਬਿਧ, ਹੇਤ
ਹੈ ਸੋ ਹੋਨ ਦੇਹੁ ਨਾਹੀਂ ਉਰਝਾਈਏ ॥ ਕੋਊ ਯਾਹਿ ਜਾਇ ਸ-
ਮਝਾਵੈ ਰਾਂਡ ਮੈਨ ਭਜ ਤੋਕੇ ਔਰ ਰਾਵਨ ਕੀਓ ਹੈ ਸੋ ਸੁਨਾ-
ਈਏ ॥ ੭੧ ॥

ਦੋਹਰਾ—ਮਤਿ ਮਾਨੇ ਯਾ ਨਾਰ ਕੀ, ਦੇਵ ਮਨਾਵਤ ਦੇਵ ॥
ਸੀਤਾ ਸਤਤੇ ਜਾਈਓ, ਰਾਵਨ ਕੋ ਅਹੰਮੇਵ ॥ ੭੨ ॥
ਸੋਰਠਾ—ਨਿਕਸ ਮਹਲ ਤੇ ਆਇ, ਸਭਾ ਮਾਹਿ ਬੈਠਤ ਭਯੋ ॥
ਮੰਤ੍ਰੀ ਚਾਰ ਬੁਲਾਇ ਕੌਨ ਕੌਨ ਕਵਿ ਰਾਮ ਕਹਿ ॥ ੭੩ ॥
ਸੋਰਠਾ—ਤੀਅ ਸਮਝਾਯੋ ਰੋਇ ਸਮਝ ਗਿਰਜੇ ਰਾਵਨ ਬਿਮੁਖ
॥ ਰਾਮ ਕਰੈ ਸੋ ਹੋਇ ਕਹਾਂ ਰੰਕ ਕਹ ਛੱਤ੍ਰ ਪਤਿ ॥ ੭੪ ॥
ਕਬਿੱਤ—ਏਕ ਸੁਤ ਤਾਕੇ ਤੁਮ ਬਿਆਸ ਸੁਤ ਜਾਨੋ ਜਿਨ, ਦੈਕੈ
ਬਡੇ ਆਦਰ ਮਹੇਦਰ ਬੁਲਾਯੋਹੈ ॥ ਔਰ ਬੀਰਪਾਛ ਜਾਕੀ
ਸਾਖ ਦੀਜੈ ਦੇਵ ਗੁਰ ਤਾਂ ਕੀ ਭੁਜ ਗਹਿਕੈ ਬਰਾਬਰ ਬਿਠਾਯੋ
ਹੈ ॥ ਚੌਥੇ ਏਕ ਸਾਰਨ ਸੁਮੰਤ੍ਰ ਕੋ ਪ੍ਰਬੀਨ ਕਹਯੋ ਸਬਕੋ ਸੁਨਾਏ

ਯਹਿ ਕੌਨ ਕਾਲ ਆਯੋਹੈ ॥ ਕੋਊ ਕਹੈ ਰਾਮ ਭਜ ਕੋਊ ਕਹੈ
ਸੀਆ ਤਜ, ਤੁਮ ਹੂੰ ਕਹੋ ਤੋਂ ਕਹਾਂ ਕਹੋ ਦੁਖ ਪਾਯੋ ਹੈ ॥ ੭੫ ॥
ਕਬਿੱਤ-ਚਾਰੋ ਹਾਥ ਜੋਰ ਫਿਰ ਤਾਸੋਂ ਕਹੈਂ ਬਾਤ ਉਠ ਜੋ ਕਹੋ
ਤੇ ਰਾਜਾ ਮਤਿ ਏਕਹੀ ਡਿਢਾਈਏ ॥ ਔਰ ਜੋ ਤਿਹਾਰੇ ਮਨ
ਰੁਚੈ ਨਿਆਰੇ ਨਿਆਰੇ ਹੈ ਕੈ ਜੋਈ ਭਲੇ ਹੋਇ ਮੰਤ੍ਰ ਸੋਈ ਪੈ
ਪਕਾਈਏ ॥ ਏਕਬਾਤ ਤੋਸੇ ਹਮ ਸਬੈ ਕਹਿ ਲੇਤ ਪ੍ਰਭੁ ਬੈਰੀ
ਛੋਟੇ ਜਾਨੇਤੇ ਨ ਜੀਤ ਘਰ ਆਈਏ ॥ ਕੈਸੇ ਜੈਸੇ ਮਹਾਂ ਰੁਦ੍ਰ
ਬੈਰੀ ਸਬ ਕੀਨੇ ਛੁਦ੍ਰ ਤਉ ਸਾਵਧਾਨ ਸਦਾ ਕਹੋਤੇ ਸੁਨਾਈਏ ॥ ੭੬ ॥
ਦੋਹਰਾ-ਤਬ ਰਾਵਨ ਫਿਰ ਯੋਂ ਕਹਿਓ ਕਹੋ ਰੁਦ੍ਰ ਕੀ ਬਾਤ ॥
ਜਾ ਸੁਨ ਕੈ ਮੇਰੇਸਦਾ, ਲੋਚਨ ਸ੍ਰਵਨ ਸੁਹਾਤ ॥ ੭੭ ॥

ਸੋਰਠਾ-ਚਾਰੋ ਕਹਤ ਬਿਚਾਰ ਅਰਿ ਨੀਕੇ ਕਰ ਜੀਤੀਏ ॥
ਤਉ ਨ ਨੈਕ ਬਿਸਾਰ ਸਿਵ ਅਜਹੂੰ ਦੁਚਿਤੋ ਰਹੈਂ ॥ ੭੮ ॥
ਸੋਰਠਾ-ਪ੍ਰਲੈ ਕਾਲ ਕੋ ਹੇਤ, ਬ੍ਰਹਮ ਰੁਦ੍ਰਮੈਂ ਭੇਦ ਨਹਿ ॥ ਸੋ
ਤਪ ਧਨਹ ਨਿਕੇਤ ਅਰ ਦਾਤਾ ਰੀਝਤ ਸਦਾ ॥ ੭੯ ॥

ਕਬਿੱਤ-ਦੇਸਨ ਕੋ ਰਾਜ ਨਾਹੀਂ ਰਾਜਕੋ ਸਮਾਜ ਨਾਹੀਂ ਖਾਤਾ
ਸੈਕ ਨਾਜ ਨਾਹੀਂ ਬਿਆਜ ਨਾਹੀਂ ਆਵਤੋ ॥ ਕੋਊ ਬਡੋਬਾਪ
ਨਾਹੀਂ ਮੰਤ੍ਰਨ ਕੋ ਜਾਪ ਨਾਹੀਂ, ਹਾਥ ਬਾਨ ਚਾਪ ਨਾਹੀਂ ਖੇਪ
ਨ ਚਲਾਵਤੋ । ਬਲਕੀ ਪ੍ਰਤੀਤ ਹੈ ਜੁ ਠੌਰ ਠੌਰ ਜੀਤ ਤਉ,
ਬੈਰੀ ਤੇ ਨਿਚੀਤ ਹੈ ਨ ਆਖਨ ਮਿਲਾਵਤੋ । ਤਿਨਹੀ ਕੋ
ਕਾਜ ਮਹਾਂਰਾਜ ਸੁਨ ਤੋਸੇ ਕਹੈਂ, ਜੈਸੇ ਜੈਸੇ ਬਿਓਤਨ ਕੋ ਰੁਦ੍ਰ
ਹੈ ਬਨਾਵਤੋ ॥ ੮੦ ॥

ਸੋਰਠਾ-ਜੋ ਘਰ ਮਾਹਿ ਸਮਾਜ, ਸੋ ਸਬ ਹਮ ਤੁਮ ਸੋ ਕਹੈਂ ॥
ਅਰ ਜਾਨਤ ਮਹਾਰਾਜ, ਕ੍ਰਿਪਾ ਪਾਤ੍ਰ ਸੇਵਾ ਨਿਪੁਨ ॥ ੮੧ ॥
ਕਬਿੱਤ-ਰਾਖਹੀ ਕੋ ਢੇਰ ਦੇਤ ਔਰਨ ਕੋ ਲਾਖ ਤਾਕੀ, ਸਾਖ
ਕੋ ਪੁਰਾਨ ਬੇਦ ਆਜ ਦੀਜੀਅਤ ਹੈਂ ॥ ਆਕ ਪਾਤ ਖਾਤ
ਬਿਖ ਭਾਂਗ ਸੋ ਅਘਾਤ ਦੇਤ, ਫਲ ਸਿੰਧ ਤਰ ਭਿੱਛਾ ਮਾਂਗ
ਲੀਜੀਅਤ ਹੈ ॥ ਬਾਰਨ ਕੀ ਖਾਲ ਗਰੇਰੁੰਡਨਕੀ ਮਾਲ ਨੈਕ,

ਗਾਲ ਕੇ ਬਜਾਏ ਹਾਲ ਤਾਲ ਰੀਝੀਅਤ ਹੈ। ਬੈਲ ਧਨ ਲੋ
ਨਾਂ ਘਰ ਪਾਤਰ ਨ ਦੋਨਾ ਜਹਾਂ, ਪੰਨਗਕੇ ਛੋਨਾ ਕੋ ਬਿਛੋਨਾ
ਕੀਜੀਅਤ ਹੈ ॥ ੮੨ ॥

ਕਬਿੱਤ-ਰੁੰਡਨ ਕੀ ਮਾਲ ਸਸਿ ਭਾਲ ਲੋਚਨ ਕਰਾਲ, ਡੋਰੂ
ਮ੍ਰਿਗ ਛਾਲ ਕਟ ਕੇਹਰ ਕੀ ਖਾਲਹੈ ॥ ਨੈਕ ਹੀ ਬਜਾਏ ਗਾਲ
ਰੀਝ ਜਾਤਤਾਤਕਾਲ, ਬਿਸ੍ਵਪ੍ਰਤਿਪਾਲ ਪੁਨ ਕਾਲ ਹੀ ਕੇ ਕਾਲ
ਹੈ ॥ ਰਾਵਨ ਅਭੰਜਨ ਨਿਰੰਜਨ ਪ੍ਰਸੰਨ ਮੁਖ, ਗੰਜਨ ਅਨੰਗ
ਅਰ ਦੀਨ ਕੋ ਦਯਾਲ ਹੈ ॥ ਤੀਨੋ ਲੋਕ ਨਾਥ ਭੋਲਾ ਨਾਥ
ਸੁਰਸਰੀ ਮਾਥ, ਪਾਰਬਤੀ ਪ੍ਰਾਨ ਨਾਥ ਸਬ ਕੋ ਕ੍ਰਿਪਾਲਹੈ ॥ ੮੩ ॥

ਕਬਿੱਤ-ਕਾਹੂ ਕੋ ਨ ਕਰੈ ਜਾਪ ਤਾਕੋ ਕੋਊ ਮਾਂ ਨ ਬਾਪ ਦਾਤਾ
ਤੇ ਵਰ ਸ੍ਰਾਪ ਸਦਾ ਸੁਭ ਮਤ ਹੈ ॥ ਨੈਕ ਹੂੰ ਕੇ ਰੀਝੇ ਰਾਮ ਨਵੇ
ਨਿਧ ਡਾਰ ਦੇਤ ਮਨਕੇ ਬਿਚਾਰੇ ਤੇ ਪੁਕਾਰ ਪਹੁੰਚਤ ਹੈ ॥
ਭਸਮ ਚਢਾਏ ਬਾਂਝੇਂ ਹਾਥ ਸੋ ਡਰਾਏ ਬੈਲ ਦਰਸਨ ਪਾਏ
ਤਾਂਕੋ ਗਤ ਹੀ ਕੀ ਗਤ ਹੈ ॥ ਮੁੰਡ ਗੰਗਾਧਾਰ ਮਾਥੇ ਚੰਦ੍ਰਮਾ
ਤ੍ਰਿਨੈਨ ਧਰ ਕੰਠ ਬਿਖ ਧਰ ਐਸੇ ਪਾਰਬਤੀ ਪਤ ਹੈ ॥ ੮੪ ॥

ਕਬਿੱਤ-ਪਾਛੇ ਨ ਨਿਵਾਯੋ ਮਾਥ ਤੁਮ ਕੋ ਤੇ ਭੋਲਾਨਾਥ, ਭਯੋ
ਨ ਮੁਕਤ ਤਾਂਤੇ ਜੀ ਸੋ ਖੀਜੀਅਤ ਹੈ ॥ ਸੁ ਤੋ ਵਾਹੀ ਦੋਖਨ
ਤੇ ਪਸੁ ਪੰਖੀ ਕੀਟ ਕ੍ਰਿਮ, ਮਾਨੁਖਕੋ ਜਨਮ ਮਰਨ ਦੀਜੀਅਤ
ਹੈ ॥ ਰਾਮ ਅਬ ਪਾਇਨ ਪਰਤ ਮਨ ਮੈ ਡਰਤ, ਯਹੈਏਕ ਨਯੋ
ਅਪਰਾਧ ਕੀਜੀਅਤ ਹੈ ॥ ਜਨਮ ਨ ਲੈ ਹੈ ਪਗ ਸੀਸ ਨ ਛੁ-
ਵੈਹੈ ਆਗੇ, ਦੋਊ ਪਾਪ ਛਮੋ ਤੁਮੇ ਕਹੈ ਲੀਜੀਅਤ ਹੈ ॥ ੮੫ ॥

ਕਬਿੱਤ-ਜਦਪ ਮਨੋਜ ਬੈਰੀ ਡਾਰਜੋ ਕਰ ਖਾਕ ਢੇਰੀ ਤਊ
ਗਿਰ ਜਾਇ ਅਰਧੰਗ ਹੀ ਅਧੀਨ ਹੈ ॥ ਯਾਹੀ ਤੇ ਸੁਧਾਕਰ
ਕੋ ਮਾਥੇ ਪਰ ਦੀਨੋ ਘਰ ਕਾਲ ਕੂਟ ਪਚੈ ਕਿ ਨ ਪਚੈ
ਕੰਠ ਲੀਨ ਹੈ ॥ ਪ੍ਰਲਯ ਕਾਲ ਆਗ ਹੂੰ ਕੋ ਨੈਨ ਕੀਨੋ ਰਾਮ
ਤਾਕੋ ਜਟਾ ਗੰਗ ਰਾਖਿ ਬੈਰੀ ਜਾਨਿਓਂ ਨਹੀ ਹੀਨ ਹੈ ॥ ਐਸੇ
ਮਹਾਂ ਰੁਦ੍ਰ ਜਾਤੇ ਡਰੈ ਕਾਲ ਛੁਦ੍ਰ ਸੋਈ ਰਸ ਕੋ ਸਮੁਦ੍ਰ ਰਾਜ-

ਨੀਤਿ ਕੋ ਪ੍ਰਬੀਨ ਹੈ ॥ ੮੬ ॥

ਦੋਹਰਾ—ਜੇ ਬੈਰਨ ਤੇ ਡਰਤ ਹੀ ਰੁਦ੍ਰਾਦਿਕ ਸਬ ਦੇਵ ॥ ਤੁਮ
ਸਭ ਬਿਧਿ ਹੂੰ ਹੋ ਬਲੀ ਤਉ ਤਜੇ ਅਹੰਮੇਵ ॥ ੮੭ ॥

ਸੋਰਠਾ—ਮੰਤ੍ਰਿਨ ਕੀ ਯਹ ਰੀਤ, ਬਿਨ ਬੂਝੈ ਬੋਲੈ ਨਹੀ ॥ ਸੁਰ
ਗੁਰ ਬਾਧੀ ਨੀਤਿ, ਮੰਤ੍ਰ ਵਿਫਲ ਤੇ ਹੋਤ ਹੈ ॥ ੮੮ ॥

ਸੋਰਠਾ—ਰਘੁਪਤਿ ਮਾਂਡੀ ਰਾਰ, ਕਪਿ ਦਲ ਲੈ ਗੜ ਲੰਕ ਪਰ
॥ ਤੁਮਕੋ ਮੰਤ੍ਰ ਬਿਚਾਰ, ਸਮਝ ਪਰੈ ਪਲਕਾਂ ਸੁਖੀ ॥ ੮੯ ॥

ਸੋਰਠਾ—ਜੇ ਪ੍ਰਿਅਬਾਦੀ ਲੋਕ ਭੀਰ ਪਰੇ ਪ੍ਰਭਸੇਂ ਕਹੈ ॥ ਅਬਤੋ
ਕਰ ਲੈ ਭੋਗ ਕਾਲ ਸ਼ਤੁ ਮਰ ਜਾਂਹਿਗੇ ॥ ੯੦ ॥

ਸੋਰਠ—ਤਿਨ ਕੇ ਬਚਨ ਪ੍ਰਮਾਨ, ਜੇ ਭੂਪਤਿ ਮਨ ਮੈਂ ਧਰਹਿ ॥
ਤਿਨ ਪਰ ਕਾਲ ਪਲਾਨ, ਜਗਜੀਵਨ ਨਿਸ ਸੁਪਨ ਜਿਓਂ
॥ ੯੧ ॥

ਸੋਰਠਾ—ਕਹੈ ਮੰਤ੍ਰਵਿਪਰੀਤ ਮੁਖ ਮੀਠੇ ਜੀਅ ਮੈਂ ਡਰੈ ॥ ਪਿਤਾ
ਬੰਧਗੁਰ ਮੀਤ ਸੁਰ ਗੁਰਕੇ ਮਤਿ ਮਾਰੀਏ ॥ ੯੨ ॥

ਦੋਹਰਾ—ਰਾਵਨ ਤਿਨ ਕੇ ਬਚਨ ਸੁਨ ਬੋਲਿਓ ਤਬ ਮੁਸਕਾਇ
॥ ਲਾਇਕ ਬੈਰੀ ਜਾਨੀਏ ਤਬ ਕੀਜੀਏ ਉਪਾਇ ॥ ੯੩ ॥

ਕਬਿੱਤ—ਕਾਂਪਰ ਬਿਚਾਰੇ ਮੰਤ੍ਰ ਰਾਮ ਕੋਨ ਬਲਵੰਤ ਔਰ ਕਪਿ
ਜੁਥ ਕੋਊ ਲਾਯਕ ਨ ਜਾਨਿਓ ਹੈ ॥ ਜੋਗ ਰੂਪ ਰਾਜ ਨਹੀਂ
ਰਾਜ ਕੋ ਸਮਾਜ ਨਹੀਂ ਕੋਨ ਜਾਨੈ ਲੰਕਪਤਿ ਕਹਾ ਕਰ ਮਾਨਿ
ਓ ਹੈ ॥ ਸਕੁ ਨ ਬਦਨ ਚਾਰੀ ਯਾਹੀਂ ਤੈ ਸਕੁਚ ਭਾਰੀ ਕਾਸੇਂ
ਜਾਇ ਲਰੇਂ ਮੈਤੋਐਸੇ ਜੀਅ ਆਨਿਓ ਹੈ ॥ ਜੈਸੇ ਸਿੰਘ ਸਿਆਰ
ਕੋ ਨ ਪੰਡਿਤ ਗਵਾਰ ਕੋ ਪਪੀਲਕਾ ਕੋ ਕਾਹੂੰ ਗਜ ਰਾਜ ਨ
ਪਲਾਨਿਓ ਹੈ ॥ ੯੪ ॥

ਦੋਹਰਾ—ਤੁਮ ਹਮ ਸੋ ਦੋਊ ਕਹੋ ਰੁਚਿ ਅਨਰੁਚਿ ਕੀ ਧੀਰ ॥
ਜੋ ਮੇਰੇ ਮਨ ਰੁਚੈਗੀ ਸੋ ਕਰ ਹੋਂ ਸੁਨ ਬੀਰ ॥ ੯੫ ॥

ਸੋਰਠਾ—ਤਬ ਸੁਕ ਮਨਹਿ ਬਿਚਾਰ ਅਬਹਿ ਜਥਾਰਥ ਕਹਤ
ਹੋਂ ॥ ਤੋ ਯਹਿ ਡਾਰੈ ਮਾਰ, ਪਾਛੇ ਕੀ ਪਾਛੇਲਗੀ ॥ ੯੬ ॥

ਕਬਿੱਤ—ਸੁਨੋ ਰਾਜਾ ਲੰਕਪਤਿ ਆਜ ਮੇਰੀ ਬਾਤ ਅਤਿ ਕੋਨ
ਸੁਰ ਪਤਿ ਧਨਪਤਿ ਲੋਕਪਤਿ ਹੈ ॥ ਬੀਸੇ ਭੁਜ ਬਲਵੰਡ ਦਸੇ
ਮੁੰਡ ਰੁੰਡ ਕਰ ਪੂਜਿਓ ਪਸੁਪਤਿ ਐਸੀ ਤਾਸੇ ਆਜ ਰਤਿ ਹੈ ॥
ਤੀਨੋ ਲੋਕ ਚਰਨ ਕਮਲ ਤੇਰੇ ਸੇਵੈ ਅਰ ਮਾਨੁਖ ਕੀ ਪਾਂਤਿ
ਚੇਰੀ ਬੋਲਕੀ ਬਸਤ ਹੈ ॥ ਭਲੀ ਕਰੀ ਹਰੀ ਸੀਅ ਰਾਮ ਕੋ
ਬਸਾਰ ਜੀਅ ਬੋਲਿਓ ਤਬ ਸਾਧੁ ਸਾਧੁ ਭਲੀ ਤੇਰੀ ਮਤਿ ਹੈ
॥ ੯੭ ॥

ਦੋਹਰਾ—ਜਬ ਸੁਕ ਕੇ ਬਚਨਨ ਹਸਿਓ ਦਈ ਬਡਾਈ ਤਾਹਿ
॥ ਤਬ ਸਾਰਨ ਮਨਮੇਂ ਕਹੈ, ਈਹਾਂ ਤੋ ਐਸੀ ਆਹਿ ॥ ੯੮ ॥

ਸੋਰਠਾ—ਕਾਹੇ ਕੀ ਕੁਸਰਾਤ ਐਸੇ ਮੰਤ੍ਰ ਸਰਾਹੀਅਹਿ ॥ ਪਰਾ
ਧੀਨ ਕੀ ਬਾਤ ਅਰ ਪ੍ਰਭੁ ਤਜੈ ਅਨੀਤਿ ਹੈ ॥ ੯੯ ॥

ਕਬਿੱਤ—ਤੇ ਬਿਨਾ ਸ੍ਰੀ ਲੰਕਪਤਿ ਚਾਰੇ ਜੁਗ ਮੂੜਮਤਿ ਚੀਟੀ
ਚਤੁਰਾਨਨ ਲੋ ਸਦਾ ਆਵਾ ਗੋਨ ਹੈ ॥ ਸੂਰ ਸਸਿ ਸੇਵੈ ਪੌਰ
ਬਾਧਿਓ ਸੁਰ ਰਾਜ ਦੌਰ ਤੇਰੇਈ ਅਧੀਨ ਕਾਲ ਨਰਪਤਿ
ਪੋਨ ਹੈ ॥ ਕੁੰਭ ਸੇ ਕਰਨ ਆਜ ਆਪਦਾ ਹਰਨ ਬੀਰ ਮੇਘ
ਨਾਦ ਸੇ ਸਪੁਤ ਤੋਹਿ ਡਰ ਕੋਨ ਹੈ ॥ ਹਸਿਓ ਤਬ ਸਾਰਨ ਕੋ
ਬਾਰਨ ਦਿਵਾਏ ਦਸ ਨਜਾਇ ਤੇਰੇ ਆਗੇ ਬਾਕਪਤਿ ਕੀਨੋ
ਮੋਨ ਹੈ ॥ ੧੦੦ ॥

ਦੋਹਰਾ—ਕਹੇ ਮਹੇਦਰ ਹਾਲ ਤੋ, ਮਨ ਮੈਂ ਫੂਲਤ ਕੂਰ ॥ ਜਬ-
ਹਿ ਜਥਾਰਥ ਕਹੇਂ ਗੋ, ਤਬ ਕਰ ਹੈ ਚਕਚੂਰ ॥ ੧੦੧ ॥

ਸੋਰਠਾ—ਹਮਯਾਕੇ ਆਧੀਨ, ਸ੍ਰੀ ਰਘੁਪਤਿ ਜਾਨਤ ਸਬੈ ॥ ਜਜੋਂ
ਲਕੁਟੀ ਤੇ ਦੀਨ ਕਪਿ ਨਾਚੈ ਬੈਠੇ ਉਠੈ ॥ ੧੦੨ ॥

ਕਬਿੱਤ—ਰਾਜਾ ਤੂੰ ਬਡੇ ਰਸੱਗ ਕੀਨੋ ਤੈ ਅਨੇਕ ਜੱਗ ਤਾਕੇ
ਫਲ ਲਾਗਿਓ ਜੁ ਤੂੰ ਜਾਨਕੀ ਲੈ ਆਯੋ ਹੈ ॥ ਰਾਮ ਕੋ ਸੁਭਾਉ
ਸਬ ਲੋਕਨ ਮੈਂ ਐਸੇ ਪਰਿਓ ਔਰ ਕਹੇ ਕਹੂੰ ਕਾਹੂੰ ਯਾਤੇ ਦੁਖ
ਪਾਯੋ ਹੈ ॥ ਔਰ ਜੋ ਤਿਲੋਕੀ ਰਚਿਓ ਚਾਹੈ ਤੋ ਤੂੰ ਰਚੈ ਅਰ
ਤੋਹੀ ਲੋ ਨ ਰਚੈ ਜੋ ਲੋ ਜੀਅ ਮੈ ਨ ਆਯੋ ਹੈ ॥ ਕਾਹੇ ਤੇ ਮਹੇ-

ਦਰ ਕਹੈ ਨ ਮੋਸੈ ਐਸੀ ਬਾਤ ਮੰਤ੍ਰੀ ਹੈ ਪੁਰਾਨੋ ਅਰ ਮੇਰੇ ਹੀ
ਬਢਾਯੋ ਹੈ ॥ ੧੦੩ ॥

ਦੋਹਰਾ—ਬੀਰਪਾਛ ਮਨ ਮੈ ਕਹਿਓ ਨਿਰਖ ਰਾਜ ਕੀ ਓਰ ॥

ਠਕੁਰ ਸੁਹਾਤੀ ਬਿਨ ਕਹੇ, ਮੇ ਪਰ ਪਰੈ ਨ ਚੋਰ ॥ ੧੦੪ ॥

ਸੋਰਠਾ—ਕੋਟਕ ਸਹੇਂ ਅਕਾਜ, ਔਰ ਅਬਹਿ ਸਿਰ ਕਾਟੀਓ ॥

ਤਾਂਕੀ ਜਨਨੀ ਲਾਜ ਰਘੁਪਤਿ ਤਜਿ ਔਰੈ ਭਜੈ ॥ ੧੦੫ ॥

ਕਬਿੱਤ—ਐਸੇ ਤੁਮ ਬਲੀ ਭਏ ਸਾਤੇ ਲੋਕ ਛੇਦ ਗਏ ਬਹੁਰੇ

ਫਿਰੇ ਤੇ ਅੰਤ ਭੂਮਹਿ ਅਧਾਰ ਹੈ ॥ ਹਾਲ ਹਮ ਰਾਮ ਬਲ ਢਾਂਪੈ

ਜੈਸੇ ਭੂਲ ਆਗ ਪ੍ਰਗਟ ਭਏ ਤੇ ਕਛੁ ਪਾਛੇ ਕੋ ਬਿਚਾਰ ਹੈ ॥

ਬੋਲਯੋ ਤਾਸੇ ਕੋਪ ਕਰ ਕਜੋਰੇ ਬੀਰ ਪਾਛ ਆਜ ਮੇਰੇ ਜਾਨੇ ਤੂੰ

ਤੇ ਬੁਢੇ ਬਾਵਰੇ ਗਵਾਰ ਹੈ ॥ ਏਜੇ ਯੋਂ ਕਹਤ ਇੰਨੈ ਸੋਹ ਦੇਕੇ

ਬੁਝੈ ਰਾਜਾ ਔਰ ਕਛੁ ਮੰਤ੍ਰ ਹੈ ਕਿ ਯਹੈ ਮੰਤ੍ਰ ਸਾਰ ਹੈ ॥ ੧੦੬ ॥

ਦੋਹਰਾ—ਤਬ ਬੋਲਯੋ ਸਬ ਸੇਂ ਉਲਟ ਔਰੇ ਕਛੁ ਬਿਚਾਰ ॥

ਬੀਰਪਾਛ ਯੋਂ ਕਹਤ ਹੈ ਅਬਹਿ ਕਰੋ ਨਿਰਧਾਰ ॥ ੧੦੭ ॥

ਦੋਹਰਾ—ਪੁਨ ਬੋਲੇ ਤਾਸੇਂ ਸਬੈ ਹਾਥ ਜੋਰਸਿਰ ਨਾਇ ॥ ਮਹਾ-

ਰਾਜ ਜੋ ਕਹੀਹੀ ਦੇਉ ਕਹੈ ਸੁਨਾਇ ॥ ੧੦੮ ॥

ਸੋਰਠਾ—ਤੁਮ ਸਭ ਕੇ ਸਿਰ ਮੋਰ ਏਕ ਪਛ ਬਿਨਤੀ ਕਰੀ ॥

ਏਕ ਮੰਤ੍ਰ ਹੈ ਔਰ ਆਇਸ ਬਿਨ ਕਜੇਂ ਕਹ ਸਕੈਂ ॥ ੧੦੯ ॥

ਸੋਰਠਾ—ਬਾਂਧ ਕਾਲ ਕੀ ਪੋਟ ਜੀਅ ਮੈ ਗਿਰ ਰਾਵਨ ਕਹੈ ॥

ਕੋਨ ਬਜ੍ਹ ਕੀ ਚੋਟ ਮੰਤ੍ਰੀ ਸੁਰਪਤਿ ਮਾਰ ਹੈ ॥ ੧੧੦ ॥

ਸੋਰਠਾ—ਜੇ ਕਹ ਹੈ ਸੀਅ ਦੇਹੁ ਤੋ ਹੋਂ ਕਹਿਓ ਨ ਮਾਨ ਹੋਂ ॥

ਜੁੱਧ ਸਾਮੁਹੇ ਲੇਹੁ ਤੋ ਏ ਬਚਨ ਪ੍ਰਮਾਨ ਹੈ ॥ ੧੧੧ ॥

ਦੋਹਰਾ—ਤਬ ਬੋਲਿਓ ਲੰਕਾਪਤੀ ਕਹੋ ਦੂਸਰੀ ਬਾਤ ॥ ਤੁਮ

ਮੰਤ੍ਰੀ ਮੇਰੇ ਸਬੈ ਰਘੁਪਤਿ ਤੇ ਨ ਡਰਾਤ ॥ ੧੧੨ ॥

ਸੋਰਠਾ—ਰਾਵਨ ਕੋ ਯਹ ਹੇਤ ਯਾਹੀ ਤੇ ਪ੍ਰਭਤਾਕਹੈ ॥ ਯੋ ਨਹੀਂ

ਜਾਨਤ ਪ੍ਰੇਤ ਮ੍ਰਿਗ ਹੈ ਤਾਕੇ ਸਿੰਘ ਕੋ ॥ ੧੧੩ ॥

ਦੋਹਰਾ—ਤਬ ਸੁਕ ਕੋ ਬੋਲਤ ਭਏ ਸਭ ਕੇ ਆਗੇ ਧਾਇ ॥ ਜਜੇਂ

ਤਬਤੈ ਪ੍ਰਭਤਾ ਕਹੀ ਤਜੇ ਅਬ ਸਾਚ ਸੁਨਾਇ ॥੧੧੪॥
 ਦੋਹਰਾ—ਤਬ ਸਾਚਨ ਸੋਂ ਸੁਕ ਕਹੀ ਸੁਨ ਮੰਤ੍ਰਨ ਕੇ ਗਾਇ ॥
 ਬਾਰਨ ਲੈ ਤੁਮ ਘਰ ਗਏ ਮੋਕੇ ਦੇਉ ਝੁਕਾਇ ॥੧੧੫॥
 ਦੋਹਰਾ—ਪੁਨ ਸੁਕਮਨ ਸਮਝਯੋ ਤਬਹਿ ਜਹਾਂਦਿਵਸ ਤਹਰਾਤ ॥
 ਧਰਮ ਕਰਤ ਜੋ ਮਾਰ ਹੈ ਯਾਤੇ ਭਲੀ ਨ ਬਾਤ ॥੧੧੬॥
 ਕਬਿੱਤ—ਰਾਜਾ ਸੁਨ ਠਕੁਰ ਸੁਹਾਤੀ ਹਮ ਸਬੈ ਕਹੀ ਅਬ ਤੁਮੈ
 ਬਚਨ ਯਥਾਰਥ ਸੁਨਾਈਏ ॥ ਰਾਮ ਕੋਪ ਚੀਟੀ ਔ ਬਿਰੰਚ
 ਲੋ ਨ ਬਚੈ ਕੋਉ ਔਰ ਇਨ ਬੀਚ ਪ੍ਰਾਨ ਕਹਾਂ ਲੋ ਬਚਾਈਏ।
 ਔਰ ਬਿਪਰੀਤ ਅਪਰਾਧ ਬਿਨ ਤਾਂਕੀ ਤੀਅਸੁਨੇ ਘਰਜਾਇ
 ਛਲ ਬਲ ਕੈ ਚੁਰਾਈਏ ॥ ਭਾਵਿੰ ਮਾਰ ਡਾਰ ਮਹਾਰਾਜ ਗਜ-
 ਰਾਜ ਸੁਨ ਮਦ ਕੇ ਭਏ ਤੇ ਕਹਾਂ ਕੇਹਰ ਜਗਾਈਏ ॥੧੧੭॥
 ਕਬਿੱਤ—ਬੋਲਯੋ ਤਬ ਲੰਕਪਤਿ ਕਜੇਂ ਰੇ ਕੀਟ ਮੂੜਮਤਿ ਰਾਮ
 ਬਲ ਕਹੈ ਅਬ ਛਤੀਆ ਦਹਤ ਹੈਂ ॥ ਬੀਸ ਭੁਜ ਸੀਸ ਦਸ
 ਸੁਰਾਸੁਰ ਸਬੈ ਬਸ ਉਮਾਪਤਿ ਬਸ ਮੇਰੇ ਪ੍ਰੀਤ ਕੇ ਬਹੁਤ ਹੈ ॥
 ਦੇਖ ਸਬਹੀ ਕੋ ਏਕ ਮੀਚ ਹੂੰ ਕੋ ਹੋਇ ਡਰ ਸੁਤੋ ਕਾਲ ਬਜਾਲ
 ਪੇਟ ਬਾਂਧਯੋ ਹੀ ਰਹਤ ਹੈ ॥ ਸਾਚ ਕੇ ਕਹੇ ਤੇ ਰਾਜਾ ਐਸੇ ਦੁਖ
 ਲਾਗਤ ਹੈ ਸੁਕਤੋ ਕਹਯੋ ਹੈ ਅਬ ਸਾਰਨ ਕਹਤ ਹੈ ॥੧੧੮॥
 ਕਬਿੱਤ—ਨੀਤਿ ਕੀ ਸੁਨਤ ਬਾਤ ਕਾਹੇ ਕੋ ਰਿਸਾਤ ਪ੍ਰਭੁ ਮੰਤ੍ਰ
 ਕੇ ਸੁਨੇ ਤੇ ਕ੍ਰੋਧ ਮਨ ਮੈ ਨ ਧਰੀਏ ॥ ਔਰ ਸਬ ਬਾਤਨ ਕੋ
 ਪਾਇਨ ਅਧੀਨ ਰਹੈਂ ਮੰਤ੍ਰ ਜਬ ਬੂਝੇ ਤਬ ਹਮੈ ਅਨੁਸਰੀਏ ॥ ਸੂਰ
 ਕੋ ਸੁਭਾਉ ਬਿਨਾ ਜੁੱਧ ਨ ਕਰੈ ਵਖਾਨ ਕਾਇਰ ਜਜੇਂ ਕਹਾਂ
 ਘਰ ਬੈਠੇ ਸੋਚ ਕਰੀਏ ॥ ਜੋ ਲੋ ਸੀਆ ਘਰ ਮੈ ਬਿਰਾਜ ਮਾਨ
 ਮਹਾਰਾਜ ਤੋ ਲੋ ਲਾਖ ਰੁਦ੍ਰ ਕੀ ਸਹਾਇ ਹੂੰ ਤੇ ਮਰੀਏ ॥੧੧੯॥
 ਕਬਿੱਤ—ਸਾਰਨ ਕੋ ਬਾਰਨ ਦਏ ਹੈਂ ਸੁ ਤੋ ਫੇਰ ਲੇਹੁ ਜਾਨਤ
 ਹੋਂ ਪਾਪੀ ਯਹ ਰਾਮ ਹੀਂ ਕੀ ਓਰ ਹੈ ॥ ਕਾਹੇ ਰੇ ਕੁਮਤਿ ਸਬ
 ਮੰਤ੍ਰਿਨ ਮੈ ਨੀਚ ਮਤਿਆਜ ਸੁਰਪਤਿ ਤੇ ਕਜਾ ਰਾਮਚੰਦ ਜੋਰ
 ਹੈ ॥ ਐਸੀ ਐਸੀ ਬਾਤਨ ਕੈ ਹਸ ਕੈ ਬਿਖਾਦ ਕਰੈ ਏਤੋ ਕਹੈਂ

ਬਜ੍ਹ ਹੀਤੇ ਸੁਮਨ ਕਠੋਰ ਹੈ ॥ ਬੋਲਯੋ ਬੀਰਪਾਛ ਰਾਜਾ ਆਛੀ
ਬਾਤ ਐਸੀ ਬੁਰੀ ਤਉ ਸੁਨ ਲੀਜੈ ਆਜ ਮੰਤ੍ਰ ਕੇ ਨਿਚੋਰ ਹੈ
॥ ੧੨੦ ॥

ਕਬਿੱਤ-ਸੂਰ ਜਬ ਕਰੈ ਛਲ ਤਾਹੀਂ ਘਰੀ ਜਾਇ ਬਲ ਨਾ ਤੇ
ਰਾਮ ਬੈਰ ਭਏ ਕੌਨ ਸੀ ਅਨੀਤ ਹੈ ॥ ਰਾਜਨਕੀ ਰੀਤਿ ਰਨ
ਮਾਂਡੈ ਅਰਿ ਮਾਰੈ ਮਰੈਂ ਹਾਰੇ ਪਰਲੋਕ ਜਾਹਿ ਜਸ ਜਬ ਜੀਤ
ਹੈ ॥ ਜਹਾਂ ਹੈ ਧਰਮ ਬਾਤ ਤਹਾਂ ਹੈ ਨ ਪੱਛ ਪਾਤ ਮੰਤ੍ਰ ਚੂਕ ਗਏ
ਹਮੈ ਬਡੀ ਵਿਪਰੀਤ ਹੈ ॥ ਰਹੀਓ ਨਚੀਤ ਸਦਾ ਨੀਤ ਚਲੇ
ਜੱਯੋ ਜਬ ਨੀਤਿ ਨੈਕ ਛਾਡੈ ਤਾਕੀ ਕੌਨ ਪਰਤੀਤ ਹੈ ॥ ੧੨੧ ॥

ਕਬਿੱਤ-ਸੁਨਰੇ ਗਵਾਰ ਏਕ ਬਾਰੇਂ ਨ ਗਯੋ ਲਟਕਹੋ ਤੋਉ ਪਾਰ
ਮੇਰੁ ਸਿੰਧੁ ਪਾਰ ਡਾਰ ਦਯੋਂ ॥ ਜੇ ਕਹੋਤੋ ਸੂਰ ਕੋ ਨਿਚੋਰ ਤੇਜ
ਫੀਕੋ ਕਰੋਂ ਸਸਿ ਮੈਤੇ ਸੁਧਾ ਰਤੀ ਰਤੀ ਕੈ ਨਿਚੋਰ ਦਯੋਂ ।
ਦੇਵਨ ਕੋ ਮਾਰ ਤਾਤਕਾਲ ਕਰੋਂ ਰੁੰਡ ਮਾਲ ਸ਼ਿਵ ਕੋ ਚਢਾਉਂ
ਹਾਲ ਕਾਲ ਹੂੰ ਕੋ ਮਾਰ ਦਯੋਂ ॥ ਮਨ ਮੈਂ ਮਹੇਦਰ ਕਹੀ ਸੁਦਿਨ
ਬੀਤੇ ਅਬ ਚੂਕੇ ਕਰ ਬਾਤ ਕਹੋ ਕਹੋ ਤੇ ਬਿਸਾਰ ਦਯੋਂ ॥ ੧੨੨ ॥

ਕਬਿੱਤ-ਹਨੂਮਾਨ ਆਯੋ ਤਿਨ ਹੋਰੀ ਸੋਜਰਾਯੋ ਗਾਉ ਬਾਧਿਓ
ਬੈਰ ਤਾਂਹੀ ਕੋ ਕਹੋ ਤੇ ਛਾਡ ਦੀਜੀਏ ॥ ਬਾਲਿਸੁਤ ਧਾਇਓ ਤਾਂ
ਕੋ ਪਾਉ ਨ ਉਠਾਯੋ ਕਾਹੂੰ ਤਿਨ ਸੋ ਨ ਖੀਜੋ ਰਾਜਾ ਹਮ ਹੂੰ ਸੋ
ਖੀਜੀਏ ॥ ਬੁਝੈ ਤੇ ਨ ਸਾਰ ਕਹੈਂ ਤੋ ਸਦਾ ਨਰਕ ਰਹੈਂ ਕਹੈਂ ਜੋ
ਜਥਾਰਥ ਤੋ ਐਸੀ ਮਾਨ ਲੀਜੀਏ ॥ ਤੇਰੇ ਦੁਖ ਸੁਖ ਸੋ ਨ ਰਾਮ
ਕੋ ਨ ਖਾਯੋ ਲੋਨ ਦੋਉ ਹਮ ਕਹੀ ਜੋਉ ਜਾਨੀਏ ਸੋ ਕੀਜੀਏ
॥ ੧੨੩ ॥

ਦੋਹਰਾ-ਸੁਨ ਰਾਵਨ ਜੀਅ ਮੈ ਜਰੈ ਕੀਨੋ ਤਿਹ ਹੰਕਾਰ ॥
ਮੰਤ੍ਰਿਨ ਕੋ ਅਰ ਨਾਰ ਕੋ ਦੇਖਤ ਏਕ ਬਿਚਾਰ ॥ ੧੨੪ ॥

ਸੋਰਠਾ-ਇਹ ਮੰਤ੍ਰੀ ਕਿਹ ਕਾਮ ਪ੍ਰਭੁ ਕੋ ਹਿਤ ਸਮਝੈ ਨਹੀ ॥
ਅਬ ਮਾਯਾ ਕੋ ਰਾਮ ਰਚ ਮਾਰੋਂ ਸੀਅ ਕੋ ਛਲੋਂ ॥ ੧੨੫ ॥

ਸੋਰਠਾ-ਸਭਾ ਉਠੀ ਯਹਿ ਬਾਤ ਸੁਨੀ ਇੰਦ੍ਰ ਜਮ ਲੋਕ ਧਤਿ

॥ ਭਲੀ ਭਈ ਕੁਸਰਾਤ ਮੰਤ੍ਰ ਨ ਮਾਨੈ ਸੀਸ ਦਸ ॥ ੧੨੬ ॥
 ਕਬਿੱਤ-ਤੀਅ ਲੀਨੀ ਸਾਥ ਧਰਿਓ ਹਾਥ ਪਰ ਹਾਥ ਕਹਿਓ
 ਨਾਥ ਬਡੀ ਬਾਰ ਲੋ ਸੁ ਮੰਤ੍ਰ ਕਛ ਕਰਿਓ ਹੈ ॥ ਵੈਤੋ ਸਬ ਬੂਢੇ
 ਕਛੁ ਬਾਵਰੀ ਸੀ ਕਹੈਂ ਬਾਤ ਜਾਨਤ ਹੋਂ ਉਨਹੀ ਕੇ ਜੀ ਮੈਂ ਰਾਮ
 ਪਰਯੋ ਹੈ ॥ ਰਾਨੀ ਦੁਖ ਪਾਯੋ ਕਹੈ ਜੀ ਮੈ ਕਾਲ ਆਯੋ ਪਾਛੇ
 ਕਹੀ ਭਲੀ ਕੀਨੀ ਤੁਮ ਤੇ ਤੋ ਇੰਦ੍ਰ ਡਰਿਓ ਹੈ ॥ ਥੋਰੇ ਰਹਿਓ
 ਸਾਥ ਕੋਨਕਾਜ ਕੋ ਬੁਰੇ ਮਨਾਉਂ ਰਾਮ ਗੁਨ ਗਾਂਊ ਰਾਂਡ ਭਈ
 ਪਤਿ ਮਰਿਓ ਹੈ ॥ ੧੨੭ ॥

ਦੋਹਰਾ-ਅਬ ਆਗੇ ਛਲ ਕਰੈ ਗੋਸੀਤਾਕੇ ਫਿਰ ਜਾਇ ॥ ਕਥਾ
 ਸੁ ਆਗੈ ਹੋਇਗੀ ਸੰਤ ਸੁਨੋ ਮਨ ਲਾਇ ॥ ੧੨੮ ॥

ਸੋਰਠਾ-ਬਹੁਤ ਆਪਦਾ ਪਾਇ ਪ੍ਰਾਨ ਤਜਤ ਹੈ ਜਾਨਕੀ ॥
 ਤਿਜਟੀ ਕਰੈ ਸਹਾਇ ਯਾਹੀਂ ਤੇ ਜੀਵਤ ਬਚੈ ॥ ੧੨੯ ॥

ਇਤ ਸ੍ਰੀ ਰਾਮ ਗੀਤੋ ਮੰਤ੍ਰੀ ਉਪਦੇਸ ਨਵਮੋ ਅੰਕ ਸ-
 ਮਾਪਤੋ ॥ ੯ ॥

ਦਸਵਾਂ ਅੰਕ

ਦੋਹਰਾ-ਤਬ ਰਾਵਨ ਮਨ ਮੈ ਕਹੈ ਕਰੋਂ ਏਕ ਅਬਕਾਮ ॥ ਮਾਯਾ
 ਕੋ ਪਰਪੰਚ ਕਰ ਰਚੋਂ ਲਛਮਣ ਰਾਮ ॥ ੧ ॥

ਸੋਰਠਾ-ਤਿਨ ਕੋ ਤੁਰਤ ਬਿਨਾਸ ਦਿਖਰਾਉਂ ਮਾਥੇ ਜੁਗਲ ॥
 ਸੀਅਕੀ ਤੋਰੇ ਆਸ ਤਬ ਭਜਹੈ ਦਸਕੰਧ ਕੋ ॥ ੨ ॥

ਸੋਰਠਾ-ਏ ਮਾਯਾ ਕੇ ਕਾਲ ਯੋ ਨਹੀ ਜਾਨਤ ਮੂਢਮਤ ॥ ਜਿਉਂ
 ਈਵਰ ਕੇ ਜਾਲ ਪਰੇ ਮੀਨ ਛਲ ਕੋ ਕਰੈ ॥ ੩ ॥

ਸੋਰਠਾ-ਉਤ ਰਵਿ ਕੁਲ ਉਦਿਓਤ ਰਜਨੀ ਚਰ ਤਮ ਹਰਨ

ਕੋ ॥ ਚਿਤ੍ਰ ਦੀਪ ਜਯੋਂ ਜੋਤ ਇਤ ਰਾਵਨ ਐਸੇ ਲਗੈ ॥ ੪ ॥
 ਕਬਿਤ-ਜੀਅ ਮੈਂ ਬਿਚਾਰੀ ਜੈਸੀ ਜਾਇਬਨ ਕਰੀ ਤੈਸੀਜਹਾਂ
 ਸੀਅ ਬੈਸੀ ਚਲਜੇ ਤਹਾਹੀ ਕੋ ਧਾਇਕੈ। ਤੀਅ ਲੀਨੀ ਸੰਗ
 ਮਾਨੋ ਰੁਦ੍ਰ ਪੈ ਅਨੰਗ ਧਸਜੇ ਕਾਲ ਹਸਜੇ ਆਜ ਕਾਲ ਦੇਤ
 ਹੋਂ ਉਠਾਇਕੈ। ਚਹੂੰਚਕ ਸਬਦ ਕਰਾਲ ਭਯੋਰਾਮ ਕਵਿਹਾਲ
 ਚਾਲ ਮੇਲ ਭੇਰੀ ਦੁੰਦਭੀ ਬਜਾਇ ਕੈ। ਭਾਜਜੇ ਜਾਇ ਰਾਵਨ
 ਤਿਹਾਰੇ ਡਰ ਮਹਾਰਾਜ ਰਾਮ ਚੰਦ੍ਰ ਜੂ ਸੇ ਕਾਹੂੰ ਕਹੀ ਐਸੀ
 ਜਾਇਕੈ ॥ ੫ ॥

ਕਬਿਤ-ਐਸੀ ਸੁਨ ਬਾਤ ਸਬ ਫੂਲ ਗਏ ਗਾਤ ਕਪਿ ਰਾਮ
 ਸ੍ਵਾਸ ਭਰੇ ਭਾਰੀ ਅਬ ਕੈਸੀ ਕਰਹੋਂ। ਆਇ ਲਛਮਨ ਮੁਸਕਾ-
 ਇ ਕਹਜੇ ਪਾਇ ਗਹਿ ਕੌਨ ਦੁਚਿਤਾਈ ਨਾਥ ਕਹੇ ਨਾਹੀਂ
 ਮਰਹੋਂ। ਲੋਗ ਯੋਂ ਕਹਿਤ ਲੰਕਾਪਤਿ ਭਾਗਜੇ ਮੇਰੇ ਡਰ ਮੋਕੇ
 ਡਰ ਦੈ ਭਏ ਸੁ ਕੈਸੀ ਭਾਂਤਿ ਭਰਹੋਂ। ਵਾਂਕੇ ਬਿਨ ਮਾਰੇ ਹੋਂ ਤੇ
 ਸੀਅ ਕੋ ਨ ਲੈ ਹੋਂ ਅਰਭਾਜਜੇ ਅਰਿ ਤਾਂ ਕੀ ਤੋਂ ਨ ਪੀਨ ਚਢ
 ਲਰਿਹੋਂ ॥ ੬ ॥

ਕਬਿਤ-ਕਹੀ ਲਛਮਨ ਸੁਨ ਸੁਭਟ ਮੁਕਟਮਨਿ ਐਸੀ ਐਸੀ
 ਬਾਤਨ ਤੇ ਐਸੇ ਅਨੁਸਰ ਹੋਂ। ਆਜ ਜੋ ਤ੍ਰਿਡੀਠ ਯਾਕੋ ਪੀਠ
 ਸੋਂ ਲਗਾਇ ਰਾਖੈ ਤਾਂਹੀਂ ਤੇ ਘਸੀਟਤ ਨ ਏਕ ਅੰਕ ਡਰ ਹੋਂ।
 ਔਰ ਜੋ ਕਹੇ ਤੇ ਚਹੂੰ ਓਰ ਘੇਰ ਰਾਖੇਂ ਪ੍ਰਭੂ ਜੋਲੈ ਤੁਮ ਆਵੇ
 ਤੋਲੈ ਠੌਰ ਤੇ ਨ ਟਰ ਹੋਂ। ਐਹੋ ਰਘੁਬੀਰ ਛੀਰਨੀਰ ਕੇਬਿਬੇ-
 ਕ ਕਪਿ ਭੀਰ ਕੀ ਬਹੀਰ ਕੋ ਸਮਾਇ ਕੈ ਨਿਕਰ ਹੋ ॥ ੭ ॥

ਕਬਿਤ-ਤੈਤੇ ਬਾਤ ਕਹੀ ਤੇਰੇ ਪੌਰਖ ਤੇ ਸਹੀ ਤਉ ਸੂਰਨ ਕੇ
 ਲਰਬੇ ਕੀ ਔਰੈ ਭਾਂਤਿ ਬਾਤ ਹੈ। ਜੋ ਲੈ ਨਭ ਰਾਵਨ ਕੋ ਮਾਸ
 ਨ ਉਡਾਂਉਂ ਗੀਧ ਜੋਗਨੀ ਪਿਸਾਰ ਪ੍ਰੇਤ ਗੀਧ ਨ ਅਘਾਤ ਹੈ
 । ਜੋ ਲੈ ਦਸ ਮੁੰਡਨ ਕੇ ਝੁੰਡ ਨ ਬਖੇਰੇਂ ਧਰ ਬੀਸੇ ਭੁਜ ਦੰਡਨ
 ਤੇ ਲੋਹੁ ਨ ਚੁਚਾਤ ਹੈ। ਜੋ ਲੈ ਸੁਨ ਬੀਰ ਮੇਰੇ ਬਾਨ ਠਹਰਾਤ
 ਨਾਂਹੀ ਤੋਲੈ ਰਘੁਬੀਰ ਕੇ ਨ ਲੋਚਨ ਸਿਰਾਤ ਹੈ ॥ ੮ ॥

ਕਬਿੱਤ—ਜੈ ਤੋ ਭਾਜ ਜਾਇ ਤੋ ਨਧਰੋਂ ਆਗੇ ਪਾਇ ਔਰਕਪਿ
ਮਨੇ ਕਰ ਤਬ ਆਗੇ ਅਨੁਸਰ ਹੋਂ । ਦੇਖੀਓ ਬਿਨਾ ਬਿਚਾਰ
ਲਜਾਵੇ ਸੀਅ ਮੇਰੇ ਢਿਗ ਤਾਂਹੀ ਘਰੀ ਤਾਂਕੇ ਮਾਰ ਤੇਹੀ ਘਰੀ
ਮਰ ਹੋਂ । ਜੈਲੋ ਰਨ ਆਇ ਸਮੁਹਾਇ ਦੁੰਦਭੀ ਬਜਾਇ ਜੈਸੀ
ਭਾਂਤਿ ਲਰੈ ਮੇਸੇ ਤੈਸੀ ਭਾਂਤਿ ਲਰ ਹੋਂ । ਤਾਕੇ ਨੀਕੇ ਮਾਰ ਪਾਛੈ
ਰਾਜ ਦੇ ਵਿਭੀਖਨ ਕੋ ਤਾਕੇ ਪਾਛੈ ਜਾਨਕੀ ਕੀ ਮਨੋਹਾਰ ਕਰ
ਹੋਂ ॥ ੯ ॥

ਕਬਿੱਤ—ਬੋਲਜੇ ਲਛਮਨ ਯਹਿ ਕੌਨ ਰੰਕ ਮਾਰੋ ਰਨ ਬਾਤਕੇ
ਕਹੇ ਤੇ ਨਾਥ ਕ੍ਰੋਧ ਮੈਂ ਉਮਾਹੁਗੇ । ਸਾਤੇ ਲੋਕ ਭਾਰ ਦੇਕੇ ਚਾਪ-
ਤ ਹੋਂ ਭ੍ਰੰਮ ਫਟ ਜਾਇਗੀ ਪਤਾਲ ਤਬ ਸੇਸ ਸੋਂ ਰਿਸਾਹੁਗੇ ।
ਐਸੇ ਕੋਊ ਚੌਦਹ ਭਵਨ ਮੈ ਨ ਰਚਜੇ ਤੁਮ ਭ੍ਰਿਕੁਟੀ ਚਢਾਇ
ਰਣ ਜਾਸੋ ਸਮੁਹਾਹੁਗੇ । ਭਾਜੇ ਕੋ ਨ ਮਾਰਤ ਹੋ ਮੋਕੋ ਨ
ਪਚਾਰਤ ਹੋ ਜਾਨਤ ਹੋਂ ਯਾਕੇ ਰਾਜ ਯਾਹੂੰ ਕੋ ਦੇ ਜਾਹੁਗੇ ॥ ੧੦ ॥

ਦੋਹਰਾ—ਏ ਯੋਂ ਕਰਤ ਬਿਚਾਰ ਇਤ ਉਪਜਤ ਜੁੱਧ ਤਰੰਗ ॥
ਉਤ ਰਾਵਨ ਸੀਅ ਢਿਗ ਗਯੋ ਲੈ ਅਪਨੀ ਤੀਅ ਸੰਗ ॥ ੧੧ ॥

ਸੋਰਠਾ—“ਪੀਅ ਜੀਅ ਅਜਹੂੰ ਬਿਚਾਰ ਮਮਸੀਅ ਅੰਗਨ ਭੇਦ
ਨਹਿ ॥ ਘਟ ਜੇਵਰੀ ਨਿਕਾਰ ਘਸੀਕੂਪ ਕੁਛ ਸੇਖਕਰ ॥ ੧੨ ॥

ਕਬਿੱਤ—ਜੈਸੇ ਕਨਕਾਚਲ ਸੋ ਲੋਹ ਜਜੋਂ ਬਿਬੇਕ ਮੋਹ ਜੈਸੇ
ਦਿਨ ਦੀਪਕ ਕੇ ਆਗੇ ਤਮ ਜਾਮਨੀ ॥ ਜਨਕ ਸੁਤਾ ਕੀ ਦੇਹ
ਦਾਮਨੀ ਦਮੱਕ ਆਗੇ ਤੂੰ ਤੇ ਲਾਗੇ ਐਸੀ ਕਾਰੇ ਬਾਦਰ ਕੀ
ਕਾਮਨੀ ॥ ਮ੍ਰਿਗ ਮਦ ਕੁੰਕਮ ਕਪੂਰ ਬਾਸ ਤੇਰੇ ਤਨ ਚੋਆ ਸੋ
ਚੰਬੇਲੀ ਹੂਤੇ ਹੈਨ ਬਾਸ ਭਾਮਨੀ ॥ ਜੈਸੀ ਸੀਅ ਓਰ ਤੇ ਝਕੋਰ
ਆਵੇ ਮਾਰਤ ਕੀ ਸੋਈ ਤੀਨ ਲੋਕ ਛੁਟੇ ਸੋਰਭ ਕੀ ਗਾਮਨੀ
॥ ੧੩ ॥

ਕਬਿੱਤ—ਤੂੰ ਜੋ ਗਰਬਾਤ ਸੁਨ ਬਾਵਰੀ ਸਦਾ ਕੀ ਨਾਰਿ ਜਾ-
ਨਕੀ ਕੇ ਅੰਗ ਤੇ ਨ ਮੇਰੇ ਘਟ ਗਾਤ ਹੈਂ ॥ ਜੈਲੋ ਸਸਿ ਪੂਰਨ
ਪ੍ਰਕਾਸ਼ਤ ਨ ਪ੍ਰਾਚੀ ਦਿਸ ਤੋਲੋਂ ਨਜਾਇ ਤੁਮ ਸੀ ਤਰੈਯਾ

ਇਤਰਾਤ ਹੈਂ ॥ ਜੈਸੇ ਕੂਜਾ ਕੇਤਕੀ ਗੁਲਾਬ ਮਾਲ ਦੇਖੇ ਬਿਨ
ਬਾਸ ਬਨ ਆਕ ਫੂਲ ਫੂਲੇ ਨ ਸਮਾਤ ਹੈਂ ॥ ਤੇਰੇ ਜੀਅ ਰੂਪ
ਕੋ ਅਡੰਬਰ ਹੋ ਭਾਰੀ ਪੈ ਸੁਕੰਬਰ ਪਟੰਬਰ ਬਰਾਬਰੀ ਬਿਕਾਤ
ਹੈਂ ॥ ੧੪ ॥

ਕਬਿੱਤ—ਐਸੇ ਰੂਪ ਭਯੋ ਤੋਂ ਕਹਾਂਹੈ ਗਯੋ ਪ੍ਰਾਨ ਨਾਥ ਮਾਂਗੇ ਤੇ
ਨ ਆਵੇ ਹਾਥ ਮੇਲ ਹੂੰ ਨ ਪਾਈਏ । ਜੈਸੇ ਚਿੱਤ੍ਰ ਪੂਤਰੀ ਬਨਾ-
ਇ ਕਾਹੂ ਦੀਨੀ ਹਾਥ ਤਾਕੇ ਦੇਖ ਮੂੜ ਜਿਉਂ ਨ ਚਿੱਤਕੇ ਡੁ-
ਲਾਈਏ ॥ ਰੇਵਾ ਸੁਰਸ੍ਰਤੀ ਗੰਗਾ ਗੋਮਤੀ ਜੋ ਜਮਨਾ ਕੇਨਾਇ
ਕੈ ਤਰੰਗਨ ਮੈਂ ਪਾਪ ਕੋ ਬਹਾਈਏ ॥ ਕਿਧੋਂ ਆਪ ਬੂਡ ਜਯੈ
ਤੋਂਹਿ ਕੋਲੋਂ ਸਮਝਯੈ ਪੀਅ ਕਾਹੂ ਕੋਤੋ ਢੇਟਾ ਲੈਕੈ ਰੂਖ ਚੜ੍ਹ
ਜਾਈਏ ॥ ੧੫ ॥

ਸੋਰਠਾ—ਯਹਿ ਬਕਬਾਦ ਨਾਰਿ ਖੰਡਤ ਬਚਨ ਨਿਸ਼ੰਕ ਮਮ ॥
ਜਨ ਬਿਧਿਨਾ ਉਨਹਾਰ ਅਹਿ ਮੁਖ ਰਸਨਾ ਦੁਇਕਹਤ ॥ ੧੬
ਦੋਹਰਾ— ਸੁਨ ਰਾਜਾ ਤੋਸੋਂ ਕਹੋਂ ਜੋ ਉਪਜੀ ਮਨ ਮਾਂਹਿ ॥ ਤਜੇ
ਕਪਟ ਸੁਖ ਪਾਈਏ ਭਜੇ ਰਾਮ ਦੁਖ ਜਾਂਹਿ ॥ ੧੭ ॥

ਕਬਿੱਤ—ਦਾਨ ਪੁਰਹੂਤ ਸੋਈ ਕੁਲ ਮੈਂ ਸਪੂਤ ਸੋਈ ਲਾਖ ਕਾਮ
ਛਾਡ ਕੈ ਜੋ ਕਰੈ ਏਕ ਕਾਮਕੋ ॥ ਪੰਡਿਤ ਪ੍ਰਬੀਨ ਸੋਈ ਪ੍ਰੇਮ
ਜਲ ਮੀਨ ਸੋਈ ਔਰ ਪੈ ਕਹਾਵੈ ਆਪ ਕਹੈ ਹਰਿ ਨਾਮ ॥
ਲਾਜਕੋ ਜਹਾਜ ਸੋਈ ਆਜ ਕਵਿਰਾਜ ਸੋਈ ਲੋਕ ਸਿਰਤਾਜ
ਸੋਈ ਕੋ ਜੁ ਭਰੈ ਹਾਮ ਕੋ ॥ ਰਾਮ ਕਵਿ ਰਾਜ ਸੋਈ ਰਾਜ ਕੋ
ਸਮਾਜ ਸੋਈ ਮਹਾਰਾਜ ਸੋਈ ਜੋਈ ਭਜੈ ਰਾਜਾ ਰਾਮ ਕੋ ॥ ੧੮ ॥

ਕਬਿੱਤ—ਸੁਨੀਏ ਪੁਰਾਨ ਗੁਨੀਏ ਭਗਤਿ ਰਾਜਾਨ ਸੁ ਤੇ ਬਡੋਈ
ਸਯਾਨ ਅਭਿਮਾਨ ਪਰਿਹਰੀਏ ॥ ਸੋਈ ਹੈ ਸੁਜਾਨ ਜਿਹ
ਜਾਨਜੋ ਭਗਵਾਨ ਪ੍ਰਭੁ ਛਾਡ ਕੇ ਅਸਾਧਨ ਕੋ ਸਾਧ ਅੰਕ ਭਰੀਏ
॥ ਐਸੀ ਜਬ ਹੋਏ ਤਬ ਜੀਤ ਹੂੰ ਲੈਜਯੋ ਗੋਇ ਔਰ ਜੋਨ ਹੋਇ
ਤੋਂ ਤੋ ਏਕ ਕਾਮ ਕਰੀਏ ॥ ਜੋਲੋਂ ਜਗਜੀਜੈ ਤੋਲੋਂ ਜਸ ਲੀਜੈ
ਦਾਨ ਦੀਜੈ ਸਨਮਾਨ ਦੀਜੈ ਹਸ ਦੀਜੈ ਪਾਇ ਪਰੀਏ ॥ ੧੯ ॥

ਸਵੈਯਾ-ਜਾਨਕੀ ਦੇ ਅਪਨਾਇ ਲੈ ਰਾਮਹਿ ਯਾ ਮਹਿ ਤੇ ਨ
ਰਤੀ ਸੁਖ ਛੀਜੈ ॥ ਦੇਸ ਬਸੈ ਨਹਿ ਲੋਕਹਸੈ ਦੁਖ ਜੀ ਨ ਧਸੈ
ਪੀਆ ਯੈਂ ਜਗ ਜੀਜੈ ॥ ਜੋ ਯਹਿ ਬਾਤ ਰੁਚੈ ਤੋ ਭਲੀ ਨ ਰੁਚੈ
ਤੋ ਭਲੀ ਬਿਨਤੀ ਸੁਨ ਲੀਜੈ ॥ ਬੰਚਕ ਜੋ ਮਨ ਨੇਹੁ ਨਹੀਂ
ਤਬ ਰੰਚਕ ਹੂੰ ਪਰਪੰਚ ਨ ਕੀਜੈ ॥ ੨੦ ॥

ਦੋਹਰਾ-ਬਹੁਕਾਈ ਸਰਵਰ ਕਰੈਂ ਤਬ ਬੋਲੈਂ ਸਰ ਬੈਨ । ਲਗਤ
ਚਟਕ ਸੀ ਦੇਖੀਏ ਬਹੁਰ ਕਰੈਂ ਜਲ ਸੈਨ ॥ ੨੧ ॥

ਕਬਿੱਤ-ਉਚੈ ਕਹਿ ਦੇਰਿ ਦੇਰਿ ਪੰਚਨ ਸੇ ਘੇਰਿ ਘੇਰਿ, ਹੁਜੇ
ਸਾਵਧਾਨ ਏਕ ਛਲ ਕੇ ਕਰਤ ਹੋਂ ॥ ਰਾਮ ਲਛਮਨ ਕੇ ਬਨਾ
ਇ ਮਾਥੇ ਲਾਇ ਮਨ, ਕਹਜੇ ਸ਼ਿਵ ਐਸੇ ਧਯਾਨ ਹੋਹੂੰ ਨ ਧਰਤ
ਹੋਂ ॥ ਕੁੰਡਲ ਮੁਕਟ ਕੀ ਚਟਕ ਦੀਨੀ ਗੰਡਨ ਮੈ ਨੈਕ ਹੂੰ ਨ
ਕਹੈ ਗੀਤ ਪਾਇਨ ਪਰਤ ਹੋਂ ॥ ਲਛਮਨ ਤਉ ਵਿਪਰੀਤ ਬਡੀ
ਮੋਕੇ ਹੋਇ, ਗਵਨ ਤੇ ਹੋਤੇ ਭਾਂਤਿ ਭਾਂਤਨ ਡਰਤ ਹੋਂ ॥ ੨੨ ॥
ਕਬਿੱਤ-ਛੋਟੀਛੋਟੀਜਟਾਮੁੰਡ ਮੋਤੀ ਮਾਲ ਕੰਠ ਝੁੰਡ, ਕਹੂੰ ਕਹੂੰ
ਛਿਟਕ ਬਨਾਇ ਲੋਹੂ ਕੀਕਨੀ ॥ ਤੇਹੀ ਘਰੀ ਛਬਿ ਕੇ ਤਰੰਗ
ਬਢੇ ਰਾਮ ਕਵਿ, ਮਾਨੋ ਨੀਲ ਮਨਿ ਪਰ ਫਣਿ ਮਨਿ ਸੀਠਨੀ
॥ ਕਿਧੈ ਨੀਲ ਕਮਲ ਪੈ ਅਮਲ ਬਿਰਾਜ ਮਾਨ, ਲਾਲਨ ਕੀ
ਪਾਂਤ ਕਾਮ ਕਾਰੀਗਰ ਹੈ ਖਨੀ ॥ ਏਤੇ ਅਪਰਾਧ ਪਰ ਨੈਕ
ਗੀਤ ਪਰੈ ਪਾਇ, ਤੋ ਤੋ ਤੀਨ ਲੋਕ ਮਾਂਹਿ ਬਾਤ ਯਾਹੀਂ ਕੀ
ਬਨੀ ॥ ੨੩ ॥

ਕਬਿੱਤ-ਲੋਚਨ ਬਿਸਾਲ ਮਾਨੋ ਭੌਂਹ ਭ੍ਰਿੰਗ ਮਾਲ, ਕਹੈ ਗਵਨ
ਕਰਾਲ ਆਜ ਜਾਨਕੀ ਹਰਤ ਹੋਂ ॥ ਜਾਕੀ ਛਬਿ ਛੂਟੈ ਦੁਤਿ
ਦਾਮਨੀ ਸੀ ਕੌਧਜਾਤ, ਤਾਕੀ ਰੂਪ ਜੋਤ ਮੈਂ ਪਤੰਗ ਸੇ ਜਰਤ
ਹੋਂ ॥ ਗੋਤਮ ਕੇ ਸ੍ਰਾਪ ਆਨ ਆਜ ਹੀ ਜਰਾਵੈ ਮੋਹਿ, ਦੇਹ ਹੂੰਕੇ
ਗਏ ਮਨ ਧੀਰਜ ਕਰਤ ਹੋਂ ॥ ਰਾਮ ਕਵਿ ਯਾਕੇਕਛੂ ਪਾਪਨ
ਕੇ ਲੇਖੇ ਨਾਹਿ, ਪਾਪ ਯੈਂ ਕਹਤ ਐਸੇ ਪਾਪੀ ਤੇਡਰਤ ਹੋਂ ॥ ੨੪ ॥
ਕਬਿੱਤ-ਐਸੀ ਭਾਂਤਿ ਕੀਨੋ ਛਲ ਕੇਵਲ, ਪ੍ਰਪੰਚ ਬਲ ਰਾਮਨ

ਸਭਾਰੇ ਪਲ ਸਖ ਹੀ ਕੀ ਹਾਨ ਹੈ ॥ ਜੈਸੇ ਏਕ ਰੋਗ ਮੈ ਤ੍ਰਿਦੋਖ
ਸੰਨਪਾਤ ਜੋਗ, ਮਾਰੇਲ ਰੈਲੋਗਨ ਮੈਂਕਾਕੀ ਤਬਕਾਨ ਹੈ ॥ ਰਾਮ
ਕਵਿ ਜਦਪ ਜਾਨਕੀ ਪਤਿ ਆਏ ਘਰ ਤਉ ਮਨ ਪਾਪਨ ਕੀ
ਮਿਟੈ ਨ ਕੁਬਾਨ ਹੈ ॥ ਜੈਸੇ ਤੀਨ ਲੋਗਨ ਕੋ ਜਾਤ ਤਮ ਉਦੇਲੇਤ,
ਕੌਨ ਹਾਨ ਸੂਰ ਕੀ ਉਲੂਕ ਜੋ ਨ ਜਾਨ ਹੈ ॥ ੨੫ ॥

ਕਬਿੱਤ-ਦੁੰਦਭੀ ਬਜਾਇ ਢੋਲ ਤਾਲ ਕਰਨਾਇ, ਬਡੇ ਊਧਮ
ਮਚਾਇ ਛਲ ਕੀਨੇ ਡੀਮ ਡਾਮ ਕੇ ॥ ਬਾਰਨ ਬਨਾਇ ਆਗੇ
ਕੌਤਕ ਚਲਾਇ ਮੁਖ, ਧੂਰ ਲਪਟਾਇ ਮਾਨੋ ਜੀਤੇ ਰਨ ਧਾਮ
ਕੇ ॥ ਧੁਜਾ ਫਹਿਰਾਇ ਛੱਤ੍ਰ ਚੌਰ ਸੇ ਦੁਰਾਇ ਬਾਗੇ ਬੀਰਨ
ਬਨਾਇ ਯੋਂ ਚਲਾਏ ਦਾਮ ਰਾਮ ਕੇ ॥ ਰੋਈ ਬਿਕਰਾਲ ਧ੍ਰਿਗ
ਕਾਲ ਕਹਾ ਲਾਈ ਢੀਲ, ਜਾਨਕੀ ਨੇ ਐਸੇ ਹਾਲ ਦੇਖੇ ਜਬ
ਰਾਮਕੇ ॥ ੨੬ ॥

ਕਬਿੱਤ-ਰਾਮ ਹੇ ਸੁਲਛਮਨ ਸੋ ਸਿਧਾਰੇ ਦੇਵਲੋਕ, ਮੇਰੀਏ
ਸ਼ਰਨ ਅਬ ਹੈ ਨ ਆਸ ਆਂਨ ਕੀ । ਤਾਂਤੇ ਚਲੋ ਸੰਗ ਹੋਂ ਅ-
ਨੰਗ ਸੈ ਬਚਾਇ ਲੀਜੈ ਗੰਗ ਜਜੋਂ ਸਮੁਦ੍ਰ ਮਿਲੀ ਛਾਡ ਬਾਤ
ਮਾਨ ਕੀ ॥ ਤਾਹੀ ਛਿਨ ਦੇਖ ਛਬ ਨੈਨ ਰਹੇ ਨੀਰ ਦਬ ਫੂਟ
ਚਲੀ ਛਾਤੀ ਜਜੋਂ ਮਰੀਚ ਪ੍ਰਾਤਭਾਨ ਕੀ ॥ ਰੋਈ ਬਿਕਰਾਲ
ਧ੍ਰਿਗ ਕਾਲ ਕਹਾਂ ਲਾਈ ਢੀਲ ਕੌਨ ॥ ਏਈ ਰਾਮਚੰਦ ਕੌਨ
ਏਈ ਜਾਨਕੀ ॥ ੨੭ ॥

ਕਬਿੱਤ-ਹਾਇ ਹਾਇ ਰਾਮ ਲਛਮਨ ਜਗ ਏਕ ਬੀਰ ਹਾਏ
ਕੰਤ ਪੂਰਨ ਅਨੰਤ ਹੇ ਕਹਾਵਤੇ ॥ ਆਨਦਾਰੇ ਨਾਰਦਬਿਰੰਚ
ਸ਼ਿਵਸ਼ੈਸ਼ ਸਸਿ ਬੇਦ ਤੁਮਹੀਕੋ ਨੇ ਤਿਨੇਤਿ ਕਹਿ ਗਾਵ ਤੇ ।
ਸਿੰਧੁ ਸੁਰਰਾਜ ਔਰ ਲੋਕ ਲੋਕਨ ਕੇ ਮੇਰੇ ਆਗੇ ਨਾਥ ਤੇਰੀ
ਜਾਇ ਪਨਹੀਂ ਉਠਾਵਤੇ । ਭੂਪ ਦਸ ਦੇਸਨ ਕੇ ਬਾਲਕ ਨਰੇ-
ਸ਼ਨ ਕੇ ਸਭਾ ਮੈਂ ਪ੍ਰਵੇਸ਼ ਕਰ ਬੈਠਨ ਨ ਪਾਵਤੇ ॥ ੨੮ ॥

ਕਬਿੱਤ-ਰਾਮ ਪ੍ਰਾਨਨਾਥ ਕਾਮ ਕੇਲ ਏਕ ਸਾਥ ਤੁਮ ਮੇਰੇਈ
ਅਧਰ ਕੇ ਸਧਾ ਅਘਾਇ ਪੀਵਤੇ । ਤਾਂਕੇ ਪਾਛੇ ਮੋਹੁਕੇ ਪਿਵਾਇ

ਕੈ ਪਸੁਖਪਾਨ ਦੇਉ ਤਨ ਭੇਦ ਹੂੰ ਨ ਪ੍ਰੇਮਭੋਰੀ ਸੀਵਤੇ ॥ ਔਰ
ਜੇ ਕਦਾਰ ਕਹੇ ਤੇਰੇਈ ਅੰਮ੍ਰਿਤ ਸਾਰੇ ਤੋਤੇ ਪਾਨ ਕਰਕੈ
ਜਿਵਾਏ ਕਜੇਂ ਨ ਜੀਵਤੇ । ਆਜ ਬੈਰੀ ਕਾਲ ਮੋਹਿ ਆਇ ਕੈ
ਦਿਖਾਵੈ ਤ੍ਰਾਸ ਆਸ ਹੀ ਜੁਰਾਮਕੀ ਸੁਦੇਖੇ ਕਟੀ ਗੀਵਤੇ ॥ ੨੯ ॥
ਕਬਿੱਤ-ਬੈਠ ਪ੍ਰਜੰਕ ਭਰ ਅੰਕ ਮੇਸੇ ਕਹੀ ਬਾਤ ਸੀਤਾ ਮੈ ਤੂੰ
ਪ੍ਰਾਨ ਹੂੰਕੇ ਪ੍ਰਾਨ ਮੈ ਬਸਾਈ ਹੈਂ ॥ ਸੁ ਤੇ ਮੇਰੇ ਭਲੋਈ ਮਨਾਵਤ
ਹੋ ਜਾਨੀ ਅਬ ਤਾਂਤੇ ਬਨ ਲਜਾਇ ਪਰਤੀਤਿ ਉਪਜਾਈ ਹੈ ।
ਕਪਟ ਕੀ ਬਾਤ ਭਈ ਨਿਪਟ ਪ੍ਰਗਟ (ਭਈ ਸੀਤਾ ਪ੍ਰਾਨ ਹੂੰ
ਜੇ ਹੋਤੀ) ਸੀਅ ਜੀਅ ਮੈ ਜੁਹੋਤੀ ਸੰਗ ਕਾਹੇ ਨ ਲਗਾਈ ਹੈ ॥
ਰਾਵਰੀ ਤੋ ਐਸੀ ਗਤ ਬਾਤ ਕਹੇ ਬਾਵਰੀ ਸੀ ਕਹੇ ਬਲਜਾਉ
ਪਾਛੇ ਕੋਨ[ਕਹੇ]ਕੇ ਜਿਵਾਈ ਹੈ ॥ ੩੦ ॥

ਕਬਿੱਤ-ਨੀਲ ਨਲ ਅੰਗਦ ਤੇ ਆਗੋਈ ਅਨੰਦ ਘਨ, ਕਾਹੂੰ
ਨ ਨਿਵਾਰੇ ਤੁਮ ਕੋਨ ਭਾਂਤਿ ਲਰੇ ਹੋ । ਕਿਧੇ ਮੇਰੇ ਬਿਰਹ ਤੋ
ਪੌਰਖ ਪੁਰਾਨੇ ਸਬ ਕਿਧੇਂ ਲੰਕਪਤਿ ਕੇ ਕੁਪੇਚ ਮਾਝ ਪਰੇ ਹੋ ।
ਕਿਧੇ ਹਨੁਮਾਨ ਜਾਇ ਕਹੇ ਮੇਰੇ ਲਰੇ ਅੰਗ, ਤਿਨਸੇ ਅਲਿਗ-
ਨ ਕੇ ਦੇਤ ਪੀਅ ਡਰੇ ਹੋ । ਏਕੈ ਬਾਰ ਨਾਥ ਆਜ ਜਾਨਕੀ
ਅਨਾਥ ਕਰੀ ਕਾਹੂੰ ਨਭ ਬਧੂ ਨਵ ਬਧੂ ਦੇਉ ਬਰੇ ਹੋ ॥ ੩੧ ॥
ਕਬਿੱਤ-ਪੌਰਖ ਤਿਹਾਰੇ ਤਬ ਜਾਨਤੀ ਹੈਂ ਮਹਾਰਾਜ ਮੋਹਿ
ਘਰ ਛਾਡਿ ਕੈ ਅਕੇਲੇ ਬਨ ਆਵਤੇ । ਦੂਜੇ ਸੁਪਨਖਾ ਬਨ
ਆਇ ਕੇ ਰਿਝਾਇ ਰਹੀ ਸਹੀ ਬਲਜਾਨਤੀ ਹੋਵਾ ਤਨ ਲ-
ਗਾਵਤੇ ॥ ਕਹਾ ਕਰੇ ਮੇਰੇਭਾਗ ਪਰੀ ਨਜਾਰੀ ਰਾਮਚੰਦ ਸੀਲ
ਹੋਸ ਦੇਖਿਓ ਲੋਗ ਮਾਨੋ ਝੂਠ ਗਾਵਤੇ । ਰਨ ਹੂੰ ਮੈਂ ਸੰਗ ਜੋਹੋਂ
ਹੋਤੀ ਕਹੋ ਮੇਰੀ ਸੋਹ, ਮੋਹਿ ਛਾਡ ਕੈਸੇ ਸੁਰ ਲੋਕਜਾਨ ਪਾਵਤੇ
॥ ੩੨ ॥

ਕਬਿੱਤ-ਤੁਮੈ ਰਘੁਨਾਥ ਸੁਰਨਾਥ ਬੁਝੈ ਮੇਰੀ ਗਾਥ, ਰਹੀ ਸੀਅ
ਛਾਡ ਸੰਗ ਐਸੇ ਕੈ ਨ ਭਾਖਬੋ ॥ ਜੋ ਲੋ ਕਾਠ ਜੋਰ ਕੈ ਜਰਾਇ
ਤਨ ਛਾਰ ਕਰੋਂ, ਤੋਲੋ ਪਤਿਬ੍ਰਤਿ ਮੇਰੇ ਜੈਸੇ ਤੈਸੇ ਰਾਖਬੋ ॥

ਸੀਲ ਤੇ ਸਿਧਾਰਜੋ ਤਬ ਸੰਗ ਨ ਸਿਧਾਰੀ ਜਬ, ਤਉ ਭਲੋ
ਅਜਹੂੰ ਲੋ ਫੂਟੇ ਘਟ ਲਾਖਬੋ ॥ ਜੈਸੀ ਆਵਿ ਹੁਤੀ ਤੈਸੀ ਅੰਤ
ਨ ਨਿਬਾਹੀ ਰਾਮ ਤਉ ਪਰ ਰਾਵਨ ਕੀ ਆਪਦਾ ਮੈ ਨਾਖਬੋ
॥ ੩੩ ॥

ਕਬਿੱਤ—ਅਰੇ ਹਨੂਮਾਨ ਧਿਰ ਪੌਰਖ ਪ੍ਰਮਾਨ ਤੇਰੇ ਰਾਮ ਨਾਮ
ਲੈਕੇ ਤਬ ਗਾਂਉ ਤੈਂ ਜਰਾਯੋ ਹੈ। ਕਿਧੋ ਸਿੰਧੂ ਬੂਡਯੋ ਕਿਧੋ ਬੂਢੇ
ਭਯੋ ਕਿਧੋ ਅੰਧ, ਕਿਧੋ ਕਾਹੂ ਆਪਦਾ ਤੇ ਬੇਰ ਬਲ ਖਾਯੋ ਹੈ ॥
ਦੇਖੋ ਮਿਲ ਬਾਨਰ ਅਨੰਤ ਏਕ ਮਤੋ ਕਰ, ਮਾਰੂਕੋ ਬਜਾਇ
ਰਾਮ ਰਣ ਮੈ ਪਠਾਯੋ ਹੈ। ਲਰੇ ਆਂਚ ਲਾਗੈ ਕੌਨ ਜਾਇ ਮਰੈ
ਆਗੈ ਔਰ ਕਾਲਕੇ ਬਟੋਆ ਲੋਕ ਕਾਕੇ ਕਾਮ ਆਯੋ ਹੈ ॥ ੩੪ ॥

ਕਬਿੱਤ—ਰਾਵਨ ਕੋ ਮਾਰਕੇ ਨ ਲਜਾਏ ਰਾਮ ਮੇਰੇ ਵਿਗ, ਲ-
ਖਮਨ ਚੌਰ ਲੈਕੇ ਲਾਗੇ ਨ ਸੁਹਾਵਨੇ। ਕੇਸਨ ਕੋ ਛੋਰ ਮੈਂ ਨ
ਝਾਰੀ ਧੂਰ ਪਾਇਨ ਕੀ, ਤਾਹੀ ਛਿਨ ਨੈਨ ਕੰਜ ਕੀਏ ਨ ਬਿ
ਛਾਵਨੇ। ਮੇਰੇ ਜੀਅ ਹੁਤੀ ਮੈਂ ਮੰਦੋਦਰੀ ਕੋ ਦੇਤ ਮਾਨ, ਸੋ ਤੇ
ਸਬ ਰਹੀ ਕੋਉ ਲਜਾਯੋ ਨ ਮਿਲਾਵਨੇ ॥ ਦੇਖੋ ਮਾਝ ਧਾਰ ਮੈ
ਮਨੋਰਥ ਕੀ ਨਾਉ ਬੂਡੀ, ਰਾਮ ਕਵਿ ਐਸੇ ਸੀਅ ਲਾਗੀ ਦੁਖ
ਪਾਵਨੇ ॥ ੩੫ ॥

ਕਬਿੱਤ—ਏਕ ਕਾਮ ਕਰੋ ਪਤਿਬ੍ਰਤ ਤੇ ਹੋਂ ਡਰੋਂ ਭਾਰੀ, ਰਾਮ
ਤਨ ਦੇਖਯੋ ਕੈਸੇ ਆਗ ਕੋ ਵਿਖਾਈਏ ॥ ਕਰਮ ਅਧੀਨ ਦੇਹ
ਪੈਠੋ ਬਾਰ ਬਾਰ, ਪਰ ਔਸਰ ਕੇ ਚੂਕੈ ਪਾਛੇ ਕਜੋਂ ਧਰਮ ਪਾ-
ਈਏ ॥ ਤਾਤੇ ਸਿਰ ਕਮਲ ਲੈ ਅੰਕ ਪਰਜੰਕ ਰਾਖ, ਤਾਂਹੀ ਸੋ
ਲਗਾਇ ਧਯਾਨ ਪ੍ਰਾਨ ਨਾਥ ਗਾਈਏ। ਬਿਰਹ ਬਿਯਾਰ ਸਾਧ
ਦੇਹੁ ਨੇਹੁ ਡੋਰ ਬਾਂਧ, ਗੁਡੀਆ ਬਨਾਇ ਜਾਇ ਰਾਮ ਸੋ ਮਿ-
ਲਾਈਏ ॥ ੩੬ ॥

ਕਬਿੱਤ—ਔਰ ਜੇ ਏ ਮੇਰੇ ਪ੍ਰਾਨ ਹੋਹਿੰਗੇ ਬਡੇ ਸੁਜਾਨ, ਛੁਵਤ
ਪ੍ਰਾਨ ਮੂੰਡ ਦੇਵ ਲੋਕ ਜਾਈਏ ॥ ਯਹੈ ਏਕ ਰਾਵਨਕੋ ਭਯੋਉ-
ਪਕਾਰ ਮੋਕੋ, ਰਾਮ ਕਰੈ ਯਾਕੋ ਲੋਗ ਰਾਮ ਸੰਗ ਗਾਈਏ ॥ ਜੋਤੋ

ਕਛੂ ਛਲ ਹੈ ਤੋ ਕੁਟੰਬ ਸਮੇਤ ਦਸਕੰਧ ਦਿਨ ਥੇਰੇਈ ਮੈ ਯਾਕੇ
ਛਲ ਪਾਈਏ ॥ ਬਾਤ ਹੈ ਨਦਾਨ ਕੀ ਯੋਂ ਰੋਇ ਕਹੈ ਜਾਨਕੀ
ਤੋ ਮੇਰੀ ਦੇਹਿ ਪ੍ਰਾਨ ਨਾਥ ਆਪ ਨ ਬਚਾਈਏ ॥ ੩੭ ॥

ਕਬਿੱਤ—ਯਹੈ ਜੀ ਬੀਚਾਰ ਕਹੈ ਜਾਨਕੀ ਪੁਕਾਰ ਮੇਰੇ ਹਾਥ
ਬਡ ਭਾਗੀ ਆਜ ਰਾਮਹਿ ਲਪਟਾਂਹਿਗੇ ॥ ਔਰ ਤੋ ਅਭਾਗੇ
ਮੇਰੇ ਸਬੈ ਅੰਗ ਆਸ ਤਜ, ਰਾਮਦੰਦ ਅੰਗ ਕੋ ਸਦਾਹੀ ਪਛ-
ਤਾਂਹਿਗੇ । ਦੇਵਨ ਬਿਚਾਰਯੋ ਏਤੋ ਮਾਯਾ ਕੇ ਬਨਾਏ ਮੰਡ ਸੀਅ
ਕੇ ਛੁਹੇ ਤੇ ਤੀਨ ਲੋਕ ਜਰ ਜਾਂਹਿਗੇ । ਬੋਲੇ ਤਬ ਲੋਪ ਹੁਕੈ
ਸੋਕ ਤਜ ਏਕੈ ਅੰਕ, ਰਾਮ ਕੈਸੇ ਰਾਵਨ ਕੇ ਹਾਥਨ ਸਮਾਂਹਿ-
ਗੇ ॥ ੩੮ ॥

ਕਬਿੱਤ—ਰਹੀ ਹੋ ਤੋ ਸੰਗ ਪੈ ਅਨੰਗ ਕੋ ਪ੍ਰਬੀਨ ਅਤਿ, ਪੌਰਖ
ਨ ਜਾਨਤ ਹੈਂ ਤੀਨ ਲੋਕ ਕੇ ਦਹੈ ॥ ਲੰਕਪਤੀ ਰੰਚਕ ਪਰ
ਪੰਚਨ ਤੇ ਡਰ ਤੇਰੀ, ਦੇਹ ਛੂਟ ਜਾਤ ਤਬ ਰਾਮ ਕੋਪ ਕੋਸਹੈ ।
ਰਾਖ ਰਾਖ ਪ੍ਰਾਨ ਸਿਰ ਭਏ ਅੰਤਰ ਧਯਾਨ, ਦੇਖ ਰਾਮਦੰਦ
ਬਾਨ ਅਬ ਯਾਹੀ ਤੇ ਸਿਰੇ ਗਹੈਂ । ਕੇਹਰ ਕੇ ਆਗੈ ਜਯੋਂ ਕੁਰੰਗ
ਤੈਸੇ ਰਾਵਨ ਪੈ, ਜੋਲੋ ਜੀਵੈ ਤੋ ਲੋ ਯੋ ਪੁਕਾਰ ਬਾਤਕੋ ਕਹੈ ੩੯
ਸੋਰਠਾ—ਸੀਤਾ ਬਡੀ ਅਜਾਨ, ਸਬੈ ਦੇਵ ਮਿਲ ਯੋਂ ਕਹੈਂ ।

ਅਬ ਲੋ ਜਾਤੇ ਪ੍ਰਾਨ, ਜੋ ਹਮ ਬੀਚ ਨ ਆਵਤੇ ॥ ੪੦ ॥

ਸੋਰਠਾ—ਹਮ ਨਹਿ ਸਕੈਂ ਸੰਭਾਰ, ਰਾਵਨ ਕੇ ਛਲ ਬਲ ਪ੍ਰਬਲ ॥

ਸੀਤਾ ਰਾਜ ਕੁਮਾਰ, ਰਾਮ ਪ੍ਰੇਮ ਜੀਵਤ ਬਚੈ ॥ ੪੧ ॥

ਸੋਰਠਾ—ਸੁਨ ਸੀਅ ਬਚਨ ਪ੍ਰਤੀਤ, ਸਮਝਾਵਤ ਸਭ ਦੇਵਤਾ ।

ਯਹਿ ਰਾਵਨ ਕੀ ਰੀਤਿ, ਛਲ ਕੀਨੋ ਅਰ ਕਰੈਗੋ ॥ ੪੨ ॥

ਸੋਰਠਾ—ਪੌਰਖ ਰਾਮ ਅਭੰਗ, ਕੌਨ ਕੀਟ ਰਾਵਨ ਕੁਮਤਿ ।

ਜੈਸੇ ਗਰੁੜ ਭੁਜੰਗ ਕੋਪ ਕਰਤ ਲੱਜਾ ਮਰੈ ॥ ੪੩ ॥

ਕਬਿੱਤ—ਸੀਤਾ ਕੋ ਬਚਨ ਸੇਵ ਗਏ ਲੋਕ ਲੋਕ ਦੇਵ, ਆਇ
ਕੇ ਅਸੋਕ ਬਨ ਸੋਕ ਕੋ ਨਿਵਾਰ ਕੈ । ਜਾਨਕੀ ਕੇ ਆਪਦਾ ਕੇ
ਪੁੰਜ ਅੈਸੇ ਭਾਗੇ ਜੈਸੇ, ਗੰਗ ਕੋਊ ਨ੍ਰਾਇ ਤਾਕੋ ਪਾਪ ਜਾਇ

ਡਾਰ ਕੈ। ਸੀਸ ਤੋ ਗਏ ਅਕਾਸ਼ ਰਾਵਨ ਨਿਰਾਸ ਹੈਕੈ, ਚਪਯੋ
 ਰੂਖ ਰੂਖਨ ਸੋ ਮੂੰਡ ਮਾਰ ਮਾਰ ਕੈ। ਰਾਮ ਕਵਿ ਚਾਰੋ ਚਾਰੋ
 ਬਾਟਨ ਕੋ ਚਲੇ ਕੈਸੇ, ਜੈਸੇ ਰਾਮ ਬਿਮੁਖ ਚਲੇ ਜਨਮ ਹਾਰ ਕੈ॥੪੪॥
 ਕਬਿੱਤ—ਆਯੋ ਗੜ ਲੰਕਾਪਤਿ ਪਾਇ ਦੁਖ ਪਾਪ ਮਤਿ, ਆ-
 ਪਨੋ ਸੋ ਕੀਨੋ ਅਤਿ ਬੈਠਿਓ ਮੁਰਝਾਇਕੈ। ਮਨੋ ਕੀਏ ਸਬੈ
 ਲੋਕ ਜੀਅ ਮੈਂ ਬਢਾਯੋ ਸੋਕ, ਲਾਗਤ ਨ ਹਾਥ ਸੀਆ ਥਕਯੋ
 ਹੈ (ਹੋ)ਉਪਾਇ ਕੈ। ਕਾਲ ਪਰਯੋ ਬੰਦ ਸਾਲ ਸੇਵੈ ਆਗੇ ਲੋਕ
 ਪਾਲ ਦੇਖੋ ਰਾਮ ਮੋਸੇ ਬੈਰ ਕੀਓ ਹੈ ਬਜਾਇਕੈ। ਕੈਸੀ ਹੈਹੈ
 ਵਈ ਠਕੁਰਾਈ ਹੈ ਹੈ ਨਈ; ਜਾਨਕੀ ਨ ਲਈ ਗਈ ਰਾਖੀ
 ਦੇਵਨ ਬਚਾਇਕੈ ॥ ੪੫ ॥

ਕਬਿੱਤ—ਚਾਰੋ ਮੁਖ ਚਾਰੋ ਬਾਕ ਪੜੇ ਜਿਨ ਏਕ ਆਂਕ, ਦੂਰ
 ਦੂਰ ਝਾਕ ਜਾਇ ਆਯੋ ਕੌਨ ਕਾਜ ਕੋ। ਦੇਖਯੋ ਬਾਕ ਪਤਿ
 ਤਾਂਕੋ ਕਹਯੋ ਚੁਪ ਮੂੜ ਮਤਿ, ਜਾਨਤ ਹੈ ਜੀ ਮੈ ਸੁਰਪਤਿ ਕੇ
 ਸਮਾਜ ਕੋ। ਠੱਕੋ ਜਿਨ ਬੀਨ ਸੁਨ ਨਾਰਦ ਪ੍ਰਬੀਨ ਅਰ, ਜੀ
 ਨ ਡਰ ਤੇਰੇ ਇੰਦ੍ਰ ਚਾਹਤ ਨ ਲਾਜ ਕੋ। ਡਾਟ ਡਾਟ ਦੇਵਨ
 ਸੋਂ ਕਹੈ ਦਰਵਾਨ ਆਜ, ਜਾਨਕੀ ਬਚਨ ਆਨ ਲਾਗਯੋ ਲੰਕ
 ਰਾਜ ਕੋ ॥ ੪੬ ॥

ਕਬਿੱਤ—ਰਾਵਨ ਕੀ ਐਸੀ ਗਤਿ ਸੀਤਾ ਆਪਨੀ ਵਿਪਤਿ
 ਕਹੀ ਸਬ ਤ੍ਰਿਜਟੀ ਔ ਸਰਮਾ ਬੁਲਾਇ ਕੈ। ਦੇਖੋ ਇਨ ਪਾਪੀ
 ਮੋ ਸੋਂ ਕੈਸੇ ਛਲ ਕੀਨੋ, ਜੋ ਨ ਦੇਵ ਬਾਲੀ ਹੋਤੀ ਪ੍ਰਾਨ ਦੇਤ
 ਹੋਂ ਉਡਾਇ ਕੈ ॥ ਬੋਲੀ ਦੋਉ ਯਾਕੇ ਪਰਪੰਚ ਕੋ ਨ
 ਅੰਤਰਾਨੀ, ਆਗੇਉ ਕਰੈਗੇ ਤੋਸੋਂ ਕਹਯੋ ਸਮਝਾਇਕੈ। ਸਾਵ-
 ਧਾਨ ਹੂਯੋ ਯਾਕੀ ਬਾਤਨ ਪਤੀਜੋ ਜਿਨ, ਰਾਮ ਆਜ ਕਾਲ
 ਯਾਹਿ ਡਾਰਤ ਪਚਾਇ ਕੈ ॥ ੪੭ ॥

ਕਬਿੱਤ—ਆਯੋ ਰਾਮ ਨਿਕਟ ਬਿਕਟ ਕਿਲਕਾਰੇ ਕਪਿ, ਸਬੈ-
 ਰੰਗ ਰੰਗ ਭਾਰੀ ਧੁਜਾ ਫਹਰਾਤ ਹੈਂ। ਸੰਖਨ ਕੀ ਘੋਰ ਸੁਨ
 ਮੋਰ ਕਪਿ ਨਾਚਤ ਹੈਂ, ਮਾਨੋ ਮੇਘ ਸ਼ੋਰ ਹੂੰ ਤੇ ਲੋਚਨ ਸਿਰਾਤ

ਹੈਂ । ਝਰਨਾ ਝਰੈ ਅਪਾਰ ਫੁਲੇ ਦੁਮ ਲਤਾ ਡਾਰ, ਮਾਨੋਂ ਫੁਲ
ਫੁਲ ਗਿਰੇ ਪ੍ਰੇਮ ਸੋਚੁਰਾਤ ਹੈਂ । ਬਾਜੀ ਹਿਨਨਾਤ ਮਾਤੇ ਹਾਥੀ
ਝਿਨਨਾਤ ਸੀਅਰਾਵਨ ਸੇ ਪਾਪਨ ਕੇ ਐਸੇ ਘਰ ਜਾਤ ਹੈਂ ॥੪੮॥
ਕਬਿੱਤ--ਰਾਵਨ ਕੇ ਮਾਰ ਪਾਛੇ ਰਾਜ ਦੇ ਵਿਭੀਖਨ ਕੇ, ਮਹਾ-
ਰਾਜ ਰਾਮ ਤਬ ਤੇਰੀ ਢਿਗ ਆਇ ਹੈਂ । ਦੂਰ ਹੂੰ ਤੇ ਤੇਰੀ ਓਰ
ਦੇਖ ਮੁਸਕਾਇ ਤੇਰੇ, ਬਿਰਹ ਬਿਯਾਰ ਧਾਇ ਹੀਏ ਸੇਂ ਲਗਾ-
ਇ ਹੈਂ । ਕਹੈ ਸਰਮਾ ਤਿਜਟੀ ਪਿਆਰੀ ਸੀਅ ਤਾਂਹੀ ਘਰੀ
ਦਾਸੀ ਕਰ ਆਪਨੀ ਜੋ ਹਮੈ ਨ ਬਚਾਇ ਹੈਂ ॥ ਬਾਨਰ ਕੇ ਝੁੰਡ
ਹਾਥ ਲੀਏ ਰੁੰਡ ਮੁੰਡ ਤੋਤੇ ਕੋਊ ਕਪਿ ਭੂਖੇ ਮਾਰ ਹਮੈਂ ਫਾਰ
ਖਾਇ ਹੈਂ ॥ ੪੯ ॥

ਕਬਿੱਤ--ਨੈਕ ਸੀਅ ਹਸੀ ਸਖੀ ਸੁਨੋ ਘਰ ਬਸੀ ਤੁਮੈ, ਪ੍ਰਾਨਨ
ਸਮਾਨ ਰਘੁਬੀਰ ਸੇ ਮਿਲਾਇ ਹੈਂ । ਔਰ ਤੁਮੈ ਪੋਨਪੂਤ ਨੀਕੇ
ਪਹਿਚਾਨਤ ਹੈ, ਸੋਗੁਨੀ ਤਿਹਾਰੀ ਸੇਵਾ ਤਾਹੂੰ ਪੈ ਕਰਾਇ ਹੈਂ ।
ਜਾਨਕੀ ਤੂੰ ਹਨੂਮਾਨ ਕੇ ਭਰੋਸੇ ਭੂਲੇ ਜਿਨ ਵਹੈ ਫਾਰ ਖਾਇ
ਤੋ ਹੈਂ ਪ੍ਰਾਨ ਕਹਾ ਪਾਇ ਹੈਂ ॥ ਬੀਰਰਸ ਮਾਤੇ ਹੈ ਹੈਂ ਲੋਹੂ ਹੋਂ
ਆਨ੍ਹਾਤੇ ਹੈ ਹੈਂ ਕਹਾਂ ਭਯੋਤਾਹੀ ਤੇਰੇ ਪਾਇਨ ਲੁਠਾਇ ਹੈਂ ॥੫੦॥

ਕਬਿੱਤ--ਜਾਂ ਦਿਨ ਧਾਇ ਪਰੇ ਕਪਿ ਕੇ ਦਲ ਜੀਤ ਫਿਰੈ ਕੋਊ
ਆਨ ਸੁਨਾਵੈ ॥ ਰਾਵਨ ਕੇ ਸਿਰ ਦੇ ਸ਼ਿਵ ਕੇ, ਕਵਿ ਰਾਮ ਨਿ-
ਸ਼ੰਕ ਹੈ ਲੰਕ ਵਹਾਵੈ ॥ ਜੀਵਤ ਜਾਇ ਸੁਨੋ ਜਬ ਸਾਸ ਸਪੂਤ
ਬਧੂ ਕਰ ਮੋਹਿ ਭੁਲਾਵੈ । ਸ੍ਰੀ ਰਘੁਬੀਰ ਕੇ ਪਾਇ ਰਹੇਂ ਗਹਿ,
ਸੇ ਦਿਨ ਮੋਹਿ ਕਹੋ ਕਬ ਆਵੈ ॥ ੫੧ ॥

ਸਵੈਯਾ--ਜਾਂ ਦਿਨ ਆਨ ਮੰਦੋਦਰੀ ਸੁੰਦਰ ਦੀਨ ਹੈ ਰਾਮ ਕੇ
ਪਾਇ ਪਰੈ । ਮੁਕਤਾ ਖਿਸ ਮਾਂਗਤੇ ਟੂਟ ਪਰੈ ਦੇਊ ਨੈਨ ਕੇ ਨੀਰ
ਸੇਂ ਭੂਮਿ ਭਰੈ ॥ ਤਬਹੋਂ ਹੀ ਬੁਲਾਇ ਸਮੋਧ ਕਰੇਂ, ਕੋਊ ਤੋਹਿ
ਗਹੇ ਤਬ ਸੀਅ ਮਰੈ । ਇਹ ਭਾਂਤ ਮਨੋਰਥ ਹੈ ਸਜਨੀ, [ਤਿਜ
ਟੀ] ਸੁ ਬਿਨਾ ਰਘੁਬੀਰਹਿ ਕੌਨ ਕਰੈ ॥ ੫੨ ॥

ਕਬਿੱਤ--ਦੁਖ ਸਾਗਰ ਕਜੇਂ ਤਰਸਕੈ ਸੀਅ ਧਰਮ ਕੀ ਸੀਵ ।

ਦੇਵ ਨਾਗ ਨਵ ਬਧੂ ਲੈ ਪੁਨ ਆਯੋ ਦਸਗ੍ਰੀਵ ॥ ੫੩ ॥

ਸੋਰਠਾ—ਤੂੰ ਸੀਅ ਨਿਪਟ ਕਠੋਰ ਮੈਂ ਛਲ ਬਲ ਬਹੁਤੇ ਕੀਏ ।

ਨੈਕ ਨਿਰਖ ਮਮਓਰ ਜਰਤ ਅੰਗ ਸੀਤਲ ਕਰੇ ॥ ੫੪ ॥

ਕਬਿੱਤ—ਦਿਨਹੀਂ ਤੇ ਕਰੋਂ ਰਾਤ ਮੇਲੋਂ ਚਾਲ ਲੋਕ ਸਾਤ ਬਜ੍ਹ

ਪਾਤ ਹੋਹਿ ਤੇ ਸਹਾਰਬੇ ਕੋਸਾਂਹਸੀ । ਮੇਰੇ ਕੋਪਬਿਨਾ ਰੁਦ੍ਰ ਸਬ

ਕੀ ਘਟਾਈ ਓਪ, ਤੋਸੇ ਪਚਹਾਰਜੇ ਪੈਤੂੰ ਜੋਰ ਨੈਨ ਨਾਹਸੀ ॥

ਤੇਰੇਈ ਨਿਹੋਰੇ ਜੇ ਤੂੰ ਕਹੈਂ ਛਾਡੋਂ ਤੇਰੇ ਪਤਿ ਨਾਤੇ ਰਾਮਜੀ

ਬੇ ਕੀ ਹੋਂ ਜਾਨ ਬਾਤ ਬਾਹਸੀ ॥ ਬੋਲੀ ਸੀਅ ਯਾਸੋ ਕੋਊ ਕਹੈ

ਦਸਕੰਧ ਅੰਧ ਆਜਹੀ ਪਰੀ ਹੈ ਮੂਢ ਮਰਬੇਕੀ ਹਾਹਸੀ ॥੫੫॥

ਕਬਿੱਤ—ਜੇ ਕਹੋਤੇ ਮੂੰਡ ਕਾਟ ਰਾਖੋਂ ਤੇਰੇ ਪਾਇਤਰ ਤੋਹੀ ਪਰ-

ਵਾਰ ਦੇਹਖੇਹ ਕੈ ਉਡਾਇ ਦਿਓਂ ॥ ਔਰ ਜੇ ਕਹੋ ਤੇ ਤੇਰੇ ਹੈਕੈ

ਸੇਵੇਂ ਗਾਢੇ ਬਨ ਜੇ ਕਹੋ ਤੇ ਚੇਰੇ ਹੈਕੈ ਪਲਕਾਂਡ ਸਾਇ ਦਿਓਂ ॥

ਜੇ ਕਹੋ ਮੰਦੋਦਰੀ ਸਮੇਤ ਰਨਵਾਸ ਤੇ ਉਦਾਸ ਹੈਕੈ ਆਜਏਕ

ਏਕਹਿ ਲੁਟਾਇ ਦਿਓਂ ॥ ਐਸੀ ਕਰਿ ਬੀਰ ਰਘੁਬੀਰ ਤਜ

ਕਹਿਓ ਸੀਅ ਜਾਹਿ ਜਾਹਿ ਜੇ ਕਹੈ ਤੋ ਅਬਹਿਜਰਾਇ ਦਿਓਂ

॥ ੫੬ ॥

ਕਬਿੱਤ—ਐਸੇ ਦੁਖ ਦੇਤ ਹੈ ਉਪਾਧਿਹੀਂ ਕੋਹੇਤ ਹੈ ਪੈਤਊਸੀਅ

ਦੈ ਸਰਾਪ ਪਾਪੀ ਨ ਜਰਾਯੋ ਹੈ ॥ ਸਾਜ ਦਲ ਆਏ ਮੇਰੇ ਪਾਨ

ਨਾਥ ਯਾਹੀ ਪਰ ਤਾਂਤੇ ਪ੍ਰਭੂ ਖੇਲ ਮੋਪੈ ਜਾਤ ਨ ਮਿਟਾਯੋ ਹੈ ।

ਸੋਈ ਤੀਅ ਕੌਨ ਕਾਮ ਰਾਮ ਕਵਿ ਸਾਰੀ ਕਹੈਂ ਪਤਿ ਕੋ ਮਿ-

ਟਾਇ ਜਸ ਆਪਨੋ ਚਲਾਯੋ ਹੈ ॥ ਰਵਿ ਕੇ ਉਦੋਤ ਆਗੇ ਦੇਖ

ਕੇ ਖਦਿਓਤ ਤਨ ਅੰਧ ਦਸਕੰਧ ਮਨ ਕੌਨ ਸੋ ਲੁਭਾਯੋ ਹੈ

॥ ੫੭ ॥

ਕਬਿੱਤ—ਪਾਪ ਕੇ ਮਨੋਰਥ ਰੇ ਪਾਪੀ ਮਨਹੀ ਮੈਂ ਭਲੇ ਉਪਰ

ਕਹੇ ਤੇ ਲੋਕ ਬਾਵਰੇ ਕਹਤ ਹੈਂ ॥ ਤ੍ਰਿਜਟੀ ਤ੍ਰਿਦੇਖ ਜਾਂਹ ਬਿ-

ਆਪਿਓ ਤਾਕੇ ਦੇਖ ਨਹੀਂ ਯਾਂਤੇ ਮੇਰੇ ਪਾਨ ਨੈਕ ਰੋਖਨ ਗਹਤ

ਹੈਂ ॥ ਰਾਮ ਭੁਜਦੰਡ ਪਰ ਐਸੇ ਖੰਡ ਖੰਡ ਕਰ ਕੋਟਕ ਬਹਾਉਂ

ਪ੍ਰਾਣ ਕਾਹੇਕੋ ਦਹਤ ਹੈਂ ॥ ਜਾਹਿ ਦਸਕੰਧ ਬੀਸ ਲੋਚਨ ਸੇਂ
ਅੰਧ ਕਹੂੰ ਪਾਰੇ ਪੁੰਜ ਬੀਜਰੀ ਕੇ ਹਾਥ ਮੇਂ ਰਹਤ ਹੈਂ ॥ ੫੮ ॥
ਕਬਿੱਤ—ਐਸੀ ਸੁਨ ਗਯੋ ਲੰਕ ਨੈਕ ਨ ਭਯੋ ਨਿਸੰਕ, ਜੈਸੇ
ਚੰਕ ਮੀਨ ਬਿਨ ਨੀਰ ਅਕੁਲਾਤ ਹੈ ॥ ਰਾਮਇਤ ਆਯੋ ਦਬ
ਸੀਤਾ ਕੀ ਨ ਲੂਟੀ ਛਬਿ, ਐਸੇ ਪਛਤਾਇ ਏਕ ਯਹੈ ਉਤਪਾਤ
ਹੈ ॥ ਕਰੇਂ ਏਕ ਬਡੇ ਛਲ ਦੇਖੇਂ ਤੇ ਸੀਆ ਕੇ ਬਲ, ਕੈਸੇ ਨ
ਮਿਲੇਗੀ ਮੇ ਸੋ ਐਸੇ ਇਤਗਤ ਹੈ। ਕੰਚ ਧਨ ਦੈਕੈ ਮਨਿ ਚਾ-
ਹਤ ਹੈ ਬੰਚਕ ਜਿਓਂ ਐਸੇ ਪਰ ਪੰਚਨ ਤੇ ਚੰਚ ਨ ਲਜਾਤ ਹੈ
॥ ੫੯ ॥

ਕਬਿੱਤ—ਮਨ ਮੈਂ ਕੀਓ ਕਲਾਪ ਰਾਮਚੰਦ ਬਨਿਓ ਆਪ, ਲੀਨੋ
ਹਾਥ ਚਾਪ ਮਾਥੇ ਮੁਕਟ ਬਨਾਇਕੈ ॥ ਪੀਰੇ ਪਟਕਟਸੇ ਲਪੇਟ
ਕੈ ਨਿਖੰਗ ਕਸ, ਅੰਗ ਅੰਗ ਸੁੰਦਰ ਅਨੰਗ ਕੋ ਲਜਾਇ ਕੈ।
ਰਾਵਨ ਕੇ ਮਾਥੇ ਕਾਟ ਬਾਟ ਆਯੋ ਆਯੋ ਕਰ ਪਾਂਚ ਪਾਂਚ ਲੀਨੋ
ਕਰ ਲੋਹੂ ਸੇਂ ਭਿਜਾਇ ਕੈ। ਚਲਿਓ ਸੀਅ ਤੀਰ ਰਘੁਬੀਰ
ਬਨਮਾਯਾ ਬਲ ਬੇਖਕੇ ਪ੍ਰਤਾਪ ਪਾਪ ਪਰਸਿਓ ਨ ਆਇ
ਕੈ ॥ ੬੦ ॥

ਕਬਿੱਤ—ਧਾਯੋ ਚਢ ਬਾਰਨ ਬਿਦਾਰਨ ਸੀਆ ਕੋ ਸਤ ਪਤਿਤ
ਉਧਾਰਨ ਕੋ ਰੂਪ ਤਨ ਧਾਰਕੈ ॥ ਸੇਵਕ ਸਿਖਾਏ ਰਣ
ਰਾਮਚੰਦ ਆਏ ਜੀਤ ਮੁੰਡ ਲਟਕਾਏ ਹਾਥ ਬੈਰੀ ਨਿਜ
ਮਾਰ ਕੈ ॥ ਭੇਰੀ ਢੋਲ ਪਟਹ ਨਿਸ਼ਾਨ ਸੇਂ ਸੁਹਾਇ ਬੀਰ ਦੁੰਦਭੀ
ਬਜਾਇ ਲੋਕ ਰੀਝਤ ਨਿਹਾਰ ਕੈ ॥ ਰਾਵਨ ਕਹਤ ਬਾਂਮੀ
ਹੈ ਨ ਮਨ ਕਾਮੀ ਅਬ, ਜਾਨਤ ਹੋਂ ਜਾਨਕੀ ਲਖੇ ਤੇ ਛਾਡੈ
ਜਾਰ ਕੈ ॥ ੬੧ ॥

ਕਬਿੱਤ—ਕੇਊਕ ਨਿਹਾਰ ਕੈ ਸਰੂਪ ਭਏ ਰੂਪ ਲੀਨ ਮਾਨੋ ਮਨ
ਹਾਰੇ ਪੂਜ ਐਸੇ ਰਹੇ ਹੇਰ ਕੈ ॥ ਏਕ ਕਰ ਧਯਾਨ ਭਏ ਮੋਛਕੇ
ਪਯਾਨ ਜੋਗ ਏਕ ਲੋਗ ਕਹੈਂ ਹਮ ਦੇਖੈਂ ਕਹੂੰ ਢੇਰਕੈ ॥ ਏਕ
ਕਹੈਂ ਭਲੀ ਕੀਨੀ ਮਹਾਰਾਜ ਰਾਮਚੰਦ, ਰਾਵਨ ਸੋ ਪਾਪੀ ਤੁਮ

ਮਾਰਜੇ ਘੇਰ ਘੇਰ ਕੈ ॥ ਏਕ ਕਹੈ ਰਾਜ ਕਰੇ ਲੰਕਾ ਕੋ ਨਿਸੰਕ
ਆਜ ਬਗਰ ਬਜਾਰ ਸਬ ਕਹੇਂ ਦੇਰ ਦੇਰ ਕੈ ॥ ੬੨ ॥

ਕਬਿੱਤ—ਜੈਸੇ ਜਾਕੇ ਲਾਗੋਂ ਮਨ ਤੈਸੇ ਤਾਕੇ ਪੂਰਜੇ ਪਨ, ਪੂਰਨ
ਅਨੰਤ ਰਾਮ ਬੇਖ ਸਿਰਤਾਜ ਤੇ ॥ ਰਾਵਨ ਕਹਤ ਜੇ ਵੈ ਪਾਵਤ
ਸਰੂਪ ਮੋਖ ਤੇ ਤੋ ਬਡ ਭਾਗੀ ਬੈਰ ਕੀਨੋ ਬੇਹੀ ਕਾਜ ਤੇ ॥
ਬਹੁਰੇ ਬਕਨ ਲਾਗਜੇ ਸਤ ਤੇ ਛਡਾਉਂ ਸੀਅ ਜੈਸੇ ਖਗ ਰਾਜ
ਸੁਧਾ ਛੀਨੀ ਸੁਰ ਰਾਜ ਤੇ ॥ ਪਹੁੰਚਜੇ ਅਸ਼ੋਕ ਬਨ ਵਾਪਜੇ ਸੀਲ
ਤੋਹੀ ਛਿਨ ਐਸੀ ਮਨ ਆਈ ਮਾਨੋ ਉਪਜਜੇ ਹੈ ਲਾਜ ਤੇ ॥ ੬੩ ॥
ਕਬਿੱਤ—ਰਾਵਨ ਕਹਤ ਬਾਮੀ ਜੈਸੇ ਮੇਰੇ ਮਨ ਕਾਂਮੀ ਪਹਲੇ
ਸੀਆ ਸੋ ਤੈਸੇ ਕਜੇਂ ਨ ਉਮਹਤ ਹੈ ॥ ਕਹਾ ਰਾਜ ਪਰੀ ਮਤਿ
ਰਾਮੈ ਅਨੁਸਰੀ ਜਾਤੇ ਘਰੀ ਘਰੀ ਲਾਜ ਸੀਲ ਡੀਲ ਕੋ
ਗਹਤ ਹੈ ॥ ਔਰ ਮੇਰੇ ਜੀਅ ਤੇ ਪ੍ਰਚੰਡ ਕ੍ਰੋਧ ਛੀਨ ਹੋਤਿ ਜਾਇ
ਬ੍ਰਹਮੰਡਨ ਅਖੰਡਲ ਦਹਤ ਹੈ ॥ ਯੋ ਨ ਜਾਨੇ ਪਾਪੀ ਦੇਹ ਰਚੀ
ਹੈ ਕ੍ਰਿਪਾ ਕੀ ਜਾਕੀ ਐਸੀ ਏਕ ਜਾਨਕੀ ਕੋ ਘਰ ਮੈ ਰਹਤ
ਹੈ ॥ ੬੪ ॥

ਕਬਿੱਤ—ਤਉ ਪੈ ਨ ਤਜੀ ਆਸ ਕਾਹੇ ਤੇ ਜੁ ਪਾਪ ਰਾਸ ਗਯੋ
ਸੀਅ ਪਾਸ ਹਾਥ ਮੂੰਡ ਲਟਕਾਇ ਕੈ ॥ ਰਾਵਨ ਕੇ ਮਾਥੇ ਨਜਾਰੇ
ਨਜਾਰੇ ਮੈ ਉਭਾਰੇ ਦੇਖ ਨੀਕੇ ਅਬ ਡਾਰ ਦੇਤ ਤੋ ਕੋ ਦਿਖਰਾ-
ਇ ਕੈ ॥ ਜਾਨਕੀ ਕੇ ਅੰਗ ਕਛੂ ਤਾਹੀਂ ਛਿਨ ਐਸੇ ਭਏ, ਜਾਂ
ਤੇ ਕਛੂ ਬੋਲੀ ਨ ਮਿਲੀ ਹੈ ਦੌਰ ਆਇ ਕੈ ॥ ਪ੍ਰੇਮ ਕੀ ਤਵਾਰ
ਤੇ ਪਛਾਰ ਖਾਇ ਪਰੀ ਕਹੂੰ ਹਾਰ ਕਹੂੰ ਬਾਰ ਕਹੂੰ ਭੂਖਨ ਗਿ-
ਰਾਇਕੈ ॥ ੬੫ ॥

ਕਬਿੱਤ—ਉਠੀ ਚੇਤ ਭਟ ਜਜੇਂ ਕਲਪ ਕੈਸੇ ਪਟ ਜਜੇਂ ਕਪਟ
ਕੋ ਨ ਜਾਨਜੇ ਜੈਸੇ ਨਟ ਕੋ ਦਿਖਾਇ ਬੇ ॥ ਦੂਜੈ ਦੇਵ ਬਾਣੀ
ਕਹਜੇ ਜਾਨਕੀ ਅਯਾਨੀ ਭਈ ਯਹੈ ਏਕ ਲੰਕ ਪਤਿ ਰੂਪ ਕੋ
ਬਨਾਇ ਬੇ ॥ ਤੋਲੋ ਚਾਹੈ ਭੇਟਬੇ ਕੋ ਦੌਰਜੇ ਪੈ ਨ ਦੌਰੈ ਮਨ
ਕੈਸੇ ਜੈਸੇ ਪ੍ਰਾਣ ਬਿਨ ਦੇਹ ਕੋ ਚਲਾਇ ਬੇ ॥ ਜਜੇਂ ਜਜੇਂ ਚਲੈ

ਧਾਇ ਤਜੇਂ ਤਜੇਂ ਠਗ ਕੈਸੇ ਪਰੈ ਪਾਇ, ਤੋ ਲੋ ਆਇ ਤਿਜਟੀ
ਕੇ ਬਨਜੇ ਹੈ ਸਿਖਾਇ ਬੇ॥ ੬੬ ॥

ਕਬਿੱਤ—ਤਾਂਹੀ ਛਿਨ ਭਯੋ ਲੋਪ ਲੰਕ ਪ੍ਰਗਟਿਓ ਸੁ ਸੋਕ, ਓਪ
ਬਿਨ ਕੋਪ ਤੇ ਖਿਸਾਇ ਭੂਮਿ ਪਾਰ ਕੈ ॥ ਯਾਹੀਂ ਪਰਪੰਚ ਤੇ
ਮੈਂ ਰੰਚਕ ਨ ਪਾਯੋ ਸੁਖ, ਕੰਚਨ ਸੀ ਜਾਨਕੀ ਨ ਭੇਟੀ ਹੈ
ਨਿਹਾਰ ਕੈ ॥ ਜੋ ਲੋ ਜਾਇ ਸਾਚੇਊ ਨ ਜੀਤੋ ਰਣ ਰਾਮਚੰਦ
ਤੋ ਲੋ ਮੋ ਕੋ ਦੁਖ ਕੀ ਸਦਾਈ ਅਧਿਕਾਰ ਹੈ ॥ ਜੀਤਜੇ ਸੁਰ
ਰਾਜ ਤੀਨ ਲੋਕ ਕੋ ਸਮਾਜ ਤਉ ਮੇਰੇ ਮਨ ਆਜ ਪਾਤ ਪਾਤ
ਡਾਰ ਡਾਰ ਹੈ ॥ ੬੭ ॥

ਦੋਹਰਾ—ਇਹ ਬਿਧਿ ਰਾਵਨ ਇਤ ਲਟੈ, ਮੀਚ ਨਿਪਟ ਨਿਜ
ਕਾਤ ॥ ਉਤਤਿਜਟੀ ਸਰਮਾ ਸਹਿਤ, ਸੁਨੋ ਸੀਅ ਕੀ ਬਾਤ॥ ੬੮॥
ਸੋਰਠਾ—ਕਰਮ ਲੇਖਨੀ ਸੀਸ, ਫਿਰੀ ਸ੍ਰਿਸਟ ਦੋਹੀ ਸਕਲ ॥
ਰਾਮ ਸਕਲ ਸੁਰ ਈਸ, ਤਾਂਕੀ ਤੀਅ ਐਸੀ ਦੁਖੀ ॥ ੬੯ ॥

(ਸੀਤੋਵਾਰ)

ਕਬਿੱਤ—ਸੀਤਾ ਪਛੁਤਾਇ ਮੁਰਝਾਇ ਦੁਖ ਪਾਇ ਪਾਇ, ਕਹੈ
ਹਾਇ ਹਾਇ ਸੀਲ ਲਾਜ ਧਨ ਗਯੋ ਹੈ ॥ ਕੰਟਕ ਬਨਾਇ ਬੇਖ
ਰਾਮ ਹੀ ਕੋ ਆਯੋ ਪਾਪੀ, ਮੇਰੇ ਮਨ ਧੂਆ ਕੋ ਸੋਧੋਲਹਰ ਛਯੋ
ਹੈ ॥ ਜੋ ਨ ਆਨ ਤਿਜਟੀ ਤੁਰਤ ਮੋ ਸੋ ਕਹੈ ਤੋ ਤੋ, ਆਜ ਹੀ
ਨਿਸੰਕ ਹੈ ਕਲੰਕ ਬੀਜ ਬੁਯੋ ਹੈ ॥ ਦੇਖੇ ਦੇਖੇ ਯਾਹੀ ਮੇਰੇ ਮਨ
ਕੀ ਢਿਠਾਈ ਮਾਈ, ਬਡੇ ਪਾਪੀ ਸੋ ਤੋ ਪਾਪੀ ਮਿਲਬੇ ਕੋ ਭਯੋ
ਹੈ ॥ ੭੦ ॥

ਕਬਿੱਤ—ਹਾ ਬਿਰੰਚ ਹਾ ਸੁਰੇਸ ਚੰਡਕਾ ਗਨੇਸ਼ ਸ਼ੇਸ਼, ਹਾ ਦਿ-
ਨੇਸ਼ ਦੇਹ ਅਬ ਲਾਗਤ ਗਿਲਾਨ ਕੀ ॥ ਬਡੇ ਅਪਰਾਧ ਇਨ
ਕੀਨੋ ਦੁਖ ਦੀਨੋ ਮੋਹਿ ਦੇਖ ਦੇਖ ਭੂਲੀ ਤਉ ਹੈ ਤੋ ਅੰਤ ਆਨ
ਕੀ ॥ ਮੀਚਿ ਮੋਲ ਪਾਉ ਤੋ ਤੋ ਪ੍ਰਾਨ ਦੇ ਮੰਗਾਉਂ ਆਜ, ਜੋਗ
ਸਾਧਜੇ ਹੁਤੋ ਤਉ ਮਰਤੀ ਅਚਾਨਕੀ ॥ ਰਾਮ ਭੋਗ ਭੂਲ ਰਹੀ
ਲੋਗਨ ਮੈਂ ਭੂਲੀ ਸਦਾ, ਰਾਮ ਕਵਿ ਐਸੇ ਰੋਇ ਰੋਇ ਕਹੈ

ਜਾਨਕੀ ॥ ੭੧ ॥

ਕਬਿੱਤ-ਪਹਿਲੇ ਤੋ ਰਾਮ ਹੀਂ ਤੇ ਕੋਟਕ ਕਪਟ ਜਾਤੇ, ਅਬ ਤੋ
ਕਪਟ ਹੀ ਮੈਂ ਆਪ ਆਇ ਜਾਤ ਹੈਂ ॥ ਜੱਦਪ ਨ ਮੇਰੇ ਅਪ-
ਰਾਧ ਮੇਰੇ ਪ੍ਰਾਨ ਨਾਥ, ਤਉ ਮੇਰੇ ਅੰਗਨ ਸੋਂ ਅੰਗ ਹੀਂ ਰਿਸਾਤ
ਹੈਂ । ਦੇਹ ਕਹੈਂ ਪਾਇ ਚਲੇ ਪਾਇ ਕਹੈਂ ਨੈਨ ਢਲੇ, ਨੈਨ ਦੌਰ
ਮੇਰੇ ਮੋਹੂ ਆਇ ਲਪਟਾਤ ਹੈਂ ॥ ਪ੍ਰਾਨ ਨ ਉਡਾਇ ਭੂਮਿ ਕਾਹੇ
ਤੈ ਨ ਢਾਟ ਜਾਇ ਯਾਹੀਂ ਮੈ ਸਮਾਇ ਸੀਅ ਐਸੀ ਦੁਖ ਗਾਤ
ਹੈ ॥ ੭੨ ॥

ਕਬਿੱਤ-ਅਰੇ ਮੇਰੇ ਪ੍ਰਾਨ ਮੇਰੇ ਕਹੇ ਤੇ ਉਡਾਤ ਨਾਹੀਂ, ਆਪਨੋ
ਕੀਓ ਤੁਰਤ ਰਾਮ ਹੀਂ ਤੈ ਪਾਈਓ ॥ ਸਦਾ ਕੇ ਸੰਗਾਤੀ ਮੋਹਿ
ਹਾਤੀ ਕਰ ਤਾਤਕਾਲ, ਰਾਮ ਜੂ ਪੈ ਜਾਹੁ ਮੇਰੇ ਦੁਖ ਅਤਿ ਗਾ-
ਈਓ ॥ ਆਦਰ ਨ ਹੋਇ ਤਹਾਂ ਕੈਸੇ ਰਹਯੋ ਭਾਵਤ ਹੈ, ਨਿਪਟ
ਨਿਲਾਜ ਹੋ ਤੋ ਭੇਦ ਕੋ ਬਤਾਈਓ ॥ ਕਿਧੈ ਮੇਰੇ ਪ੍ਰਾਨਨਾਥ
ਤੁਮ ਸੋਂ ਕਹਯੋ ਹੈ ਯਾਂ ਕੇ, ਖੀਜੇ ਭੁਖੇ ਪਜਾਸੇ ਦੇਹ ਛੋਡ ਜਿਨ
ਜਾਈਓ ॥ ੭੩ ॥

ਕਬਿੱਤ-ਪ੍ਰਾਨ ਕਹੈਂ ਬਾਤ ਸੁਨ ਜਾਨਕੀ ਪ੍ਰਬੀਨ ਹਮ, ਤੋ ਮੈਂ
ਰਘੁਬੀਰ ਜੂ ਮੈਂ ਨਜਾਰੇ ਨ ਰਹਤ ਹੈਂ ॥ ਲੋਗ ਯੋਂ ਕਹਤ ਸੀਤਾ
ਬਿਰਹ ਤੇ ਮਰੀ ਚੁੰਨੈ ਉਨਹੀਂ ਸੋ ਰਾਮ ਫਿਰ ਐਸੇ ਕੈ ਕਹਤ
ਹੈਂ ॥ ਜਾਨਤ ਹੋਂ ਜੀਵਤ ਹੈ ਕਾਹੇ ਤੇ ਗੁਸਾਈ ਸੁਨੋ ਜਾਤੇ ਮੇਰੇ
ਪ੍ਰਾਣ ਮੇਰੀ ਦੇਹ ਕੋ ਬਹਤ ਹੈਂ ॥ ਤਾਂਤੇ ਜੋਲੋਂ ਤੋਕੇ ਰਘੁਨਾ-
ਇਕ ਨ ਭੇਦਤ ਹੈਂ, ਤੋ ਲੋ ਤੇਰੀ ਬਾਤੈਂ ਹਮ ਲਾਖਕ ਸਹਤ
ਹੈਂ ॥ ੭੪ ॥

[ਤ੍ਰਿਜਟੀ ਉਵਾਰ]

ਕਬਿੱਤ-ਐਸੇ ਭਯੋ ਸਮਾਧਾਨ ਪ੍ਰਾਣਨ ਸਮੋਧਯੋ ਗਜਾਨ, ਤ੍ਰਿ-
ਜਟੀ ਕਹਯੋ ਸਜਾਨ ਕਾਹੇ ਕੋ ਕਰਤ ਹੈਂ ॥ ਕਾਲ ਪਰੋ ਨਰੋ
ਰਘੁਬੀਰ ਕੋ ਮਿਲੇਗੀ ਕੌਨ ਤੂੰ ਤੋ ਏਕ ਛਲ ਹੀਂ ਮੈਂ ਛਲ ਸੀ
ਮਰਤ ਹੈਂ ॥ ਤੋ ਕੋ ਚਹੁੰਘਾ ਤੈ ਡਰ ਲਾਗੋਈ ਰਹਤ ਪਜਾਰੀ,

ਮੇਤੇ ਯਾਤੇ ਰਾਵਨ ਤੇ ਰਾਮ ਤੇ ਡਰਤ ਹੈਂ ॥ ਜੋਲੋ ਭੋਂਹ ਚਾਂਪ ਤਾਂਨ
ਦੇਤ ਨ ਸਰਾਪ ਯਾ ਕੋ, ਤੋ ਲੋ ਪਾਪ ਮੋਲ ਲੈ ਲੈ ਆਪ ਕੋ ਧ-
ਰਤ ਹੈਂ ॥ ੭੫ ॥

ਕਬਿੱਤ—ਤੇਰੀ ਪਦ ਰਜ ਕੇ ਪ੍ਰਤਾਪ ਤੇ ਪ੍ਰਤਾਪ ਹਮ, ਜਾਨਜੋ
ਰਘੁ ਬੀਰ ਜੁ ਕੋ ਤੋਹਿ ਨ ਬਿਸ਼ਾਸ ਹੈ ॥ ਤੀਰਥ ਕੇ
ਬਾਸੀ ਜੈਸੇ ਜਾਤ੍ਰਿ ਸੋ ਕਹੈਂ ਤੁਮ, ਜਾਨਤ ਹੋ ਯਾ ਕੋ ਭਯੋ
ਹਮ ਤੇ ਪ੍ਰਕਾਸ਼ ਹੈ ॥ ਰਾਮ ਦੀਪ ਜੋਤ ਮੈਂ ਪਤੰਗ ਕੋਟ ਰਾਵਨ
ਸੇ ਪਰੈ ਨੈਕ ਲਰੈ ਪੁਨ ਪਲਹੀਂ ਮੈ ਨਾਸ ਹੈ ॥ ਦੇਖ ਹੈ ਤਮਾਸੋ
ਜੈਸੇ ਪਾਨੀ ਮੈਂ ਪੱਤਾਸੋ ਲੂਟਜੋ, ਗੀਧਨ ਮਵਾਸੋ ਪਾਯੋ ਮਾਸੋ
ਮਾਸੋ ਮਾਸ ਹੈ ॥ ੭੬ ॥

ਕਬਿੱਤ—ਹਿਮ ਰਿਤ ਕਾਟੀ ਆਛੇ ਸਿਸਰ ਬਸੰਤ ਪਾਛੇ ਗ੍ਰੀਖ-
ਮ ਕੇ ਲਾਗੇ ਕਹੇ ਕੌਨ ਨਜਾਇ ਬੂਡੀਏ ॥ ਉਤਰੀ ਹੋ ਦੁਖਕੇ
ਸਮੁੰਦ੍ਰ ਮੇ ਸੀ ਨਾਉ ਚਢ ਲਾਗਤ ਕਨਾਰੇ ਹੋਇ ਹਾਸੀ ਕੂਦ
ਡੂਬੀਏ । ਨੈਕ ਡਰ ਪਾਏ ਹਰਖਾਏ ਜੀਓ ਮਰੇ ਕੈਸੇ ਜੈਸੇ ਬਾਉ
ਚਲੇ ਅਨਚਲੇ ਦਸਾ ਗੂਡੀਏ ॥ ਤ੍ਰਿਜਟੀ ਹਮਾਰੇ ਦੇਸ ਅੈਸੇ ਉਤ-
ਪਾਤਨਾਹੀਂ ਰਾਮ ਰਾਜ ਸੁਨੇ ਤੇ ਲਗਾਇ ਪੰਖ ਉਡੀਏ ॥ ੭੭ ॥

[ਸੀਤੋ ਵਾਚ]

ਦੋਹਰਾ—ਨਗਰ ਅਜੁੱਧਯਾ ਸਬ ਸੁਖੀ ਜਹਾਂ ਹਮਾਰੇ ਰਾਜ ॥

ਰਘੁਪਤਿ ਚਰਨ ਪ੍ਰਤਾਪਤੇ ਘਰ ਘਰ ਇੰਦ੍ਰਸਮਾਜ ॥ ੭੮ ॥

ਦੋਹਰਾ—ਰਾਜ ਨੀਤਿ ਤੋ ਸੋ ਕਹੈਂ ਸੁਨ ਤ੍ਰਿਜਟੀ ਦੈਕਾਨ ॥

ਬਿਨਦਰਸਨ ਰਘੁਨਾਥ ਕੇ ਬਿਧਿ ਨ ਕਰੈ ਜਲਪਾਨ ॥ ੭੯ ॥

ਦੋਹਰਾ—ਰਘੁਪਤਿ ਬਿਨ ਸਬ ਏਕ ਸੇਛਤ੍ਰ ਚਮਰ ਸਿਰਨਾਹਿ ॥

ਭੂਖਨ ਭੋਨਭੰਡਾਰ ਤੇ ਹਯ ਗਯ ਸੁਖ ਘਰ ਮਾਹਿ ॥ ੮੦ ॥

ਕਬਿੱਤ—ਚਿਤ੍ਰ ਹੂੰਮੈ ਲਿਖੇ ਨ ਬਚਿਤ੍ਰ ਚਿਤ੍ਰ ਕਾਰ ਤੀਆ ਪੀਅ
ਤੈ ਬਿਛੋਰ ਕੈ ਨ ਲੰਕ ਕੋ ਸੋ ਹਾਲ ਹੈ ॥ ਮਾਨਸ ਕੀ ਕਹਾਂ ਜਹਾਂ
ਕੋਕਲਾ ਕਪੋਲ ਮੋਰ ਚਕਵਾ ਚਕੋਰ ਬਿਨ ਨਾਰ ਨ ਮਰਾਲ ਹੈ
॥ ਸਦਾ ਮਤਿ ਗਯਾਨ ਮੈ ਕਿ ਬੇਵ ਕਿ ਪੁਰਾਨ ਮੈ ਕਿ ਧਯਾਨ

ਦਾਨ ਮਾਨ ਮੈਸੁ ਐਸੇ ਏਕ ਢਾਲ ਹੈ॥ ਦਾਰਿਦ ਕੋ ਛਲ ਕੋ ਕਪਟ
 ਕੋ ਸਦਾਈ ਕਾਲ ਪਤਿਬ੍ਰੁਤ ਪੁਨਜ ਜੱਗ ਅੰਨ ਕੋ ਸੁਕਾਲ ਹੈ॥ ੮੧॥
 ਦੋਹਰਾ—ਜਹ ਦਿੜ ਪੋਥੀ ਬਾਂਧੀਏ ਬਾਦ ਬ੍ਰਹਮ ਕੇ ਕਾਜ ॥ ਸ੍ਰ-
 ਪਨ ਬਿਦੇਸ ਨ ਜਾਨੀਏ ਹਮ ਬਿਨ ਹਮਰੇ ਰਾਜ॥ ੮੨॥
 ਦੋਹਰਾ—ਜੋ ਅਬ ਕੈ ਰਘੁਪਤਿ ਮਿਲੈ ਵਹੈ ਪ੍ਰੇਮ ਵਹ ਸਾਜ ॥ ਤੋ
 ਤ੍ਰਿਜਟੀ ਤੁਹਿ ਸੰਗ ਲੈ ਦਿਖਰਾਂਉ ਵਹ ਰਾਜ ॥ ੮੩॥
 ਸੋਰਠਾ—ਐਰ ਕਹੋਂ ਇਕ ਰੀਤਿ ਰਘੁਪਤਿ ਚਰਨ ਪ੍ਰਤਾਪਤੇ ॥
 ਕਰੀਅਹੁ ਸੱਤ ਪ੍ਰਤੀਤਿ ਸਖੀ ਸਯਾਨੀ ਪ੍ਰਾਨ ਸਮ॥ ੮੪॥
 ਛਪਯ ਛੰਦ—ਕਟੁਕ ਨਿੰਬ ਕੰਟਕ ਬੰਬੁਲ ਉੱਧਤ ਖਜੂਰ ਤਰ॥
 ਪਰ ਪੰਚਕ ਮੈ ਦੋਹ ਸਦਾ ਬੰਚਕ ਪੁਰਾਨ ਨਰ ॥ ਕੁਟਲਤਰਨ
 ਭੂਅਭਿੰਗ ਜਟਲ ਬਟ ਭਸਮਮੁਕਰਮੁਖ ॥ ਬਿਨ ਬਿਜਲ ਧੁਨ
 ਕਦਲ ਅਵਰ ਕੰਪਤ ਨ ਪਾਇਦੁਖ ॥ ਅਕਲੰਕ ਰਾਮ ਸਬ
 ਬਿਨਾ ਸਸਿ ਅਰ ਦਾਰਦ ਬਿਨ ਪ੍ਰਜਾਪਸੁ ॥ ਪੁਰ ਨੀਚ ਕੂਪ
 ਲੰਪਟ ਭ੍ਰਮਰ ਚਿੱਤ ਚੋਰ ਰਘੁਪਤ ਸੁ ਜਸ ॥ ੮੫॥

[ਕਵਿਉਵਾਰ]

ਦੋਹਰਾ—ਇਹ ਬਿਧ ਸੀਅਤ੍ਰਿਜਟੀ ਮਿਲੀ ਤਜਿਓ ਸੋਕ ਅਗਯਾਨ।
 ਤਬ ਜਾਨਕੀ ਪ੍ਰਸੰਨ ਮੁਖ ਕਰਤ ਰਾਮ ਕੋ ਧਿਆਨ ॥ ੮੬॥
 ਛਪਯ—ਅਮਲ ਕਮਲ ਦਲ ਨੈਨ ਬੈਨ ਜਲਧਰ ਧੁਨ ਸੁੰਦਰ ॥
 ਰਤਨ ਜਟਤ ਸੁੰਦਰ ਕਪੋਲ ਝਲਕਨ ਅਲਕਨ ਬਰ ॥ ਕਚ
 ਸਵਾਰ ਪ੍ਰਫੁਲਤ ਸਰੋਜ ਸਰਵਰ ਆਨਨ ਦੁਰ ॥ ਪੀਤ ਬਸਨ
 ਦੁਤਦਸਨ ਗ੍ਰਸਨ ਅਰ ਬਸਨ ਔਧਪੁਰ ॥ ਕਹਿਸੁ ਕਵਿਰਾਮ
 ਰਘੁਬੰਸ ਮਣਿ ਮਦਨ ਦਹਤ ਸੇਵਤ ਚਰਨ ॥ ਸੁਖ ਕਰਨ ਭਰਨ
 ਪੋਖਨ ਨਿਪੁਨ ਮਮ ਪਤਿ ਰਘੁਪਤ ਦੁਖ ਹਰਨ ॥ ੮੭॥
 ਦੋਹਰਾ—ਦੁਖ ਸੁਖ ਕੀ ਬਾਤੈ ਸਬੈ ਜਾਨੀ ਸ੍ਰੀ ਰਘੁਬੀਰ ॥ ਖੁਨ-
 ਸਾਂਨੇ ਨਹਿ ਰਹਿ ਸਕੇ ਬੋਲੇ ਕਪ ਸਭ ਧੀਰ ॥ ੮੮॥
 ਸੋਰਠਾ—ਅਬ ਤਜ ਸੁਕਚ ਬਿਚਾਰ ਘੋਰੇ ਲੰਕ ਨਿਸੰਕ ਹੁਇ ॥
 ਗਵਨ ਨਿਪਟ ਗਵਾਰ ਪੁਰਨ ਸੋ ਪੂਰੇ ਕਰੈ ॥ ੮੯॥

ਸੋਰਠਾ-ਫੂਲੇ ਅੰਗ ਨ ਮਾਤ ਹਨੂਮਾਨ ਅੰਗਦ ਸੁਭਟ ॥
 ਚਲੀ ਜੁੱਧ ਕੀ ਬਾਤ ਸੁਨਹੁ ਸੁਨਾਵੈ ਰਾਮ ਕਵਿ ॥ ੯੦ ॥
 ਸੋਰਠਾ-ਰਘੁਪਤਿ ਕੋ ਗੁਨ ਗ੍ਰਾਮ ਸੁਨਿਓ ਬਿਰੰਚ ਪਪੀਲ ਕਾ ॥
 ਤਉ ਜਥਾਮਤ ਰਾਮ ਬਰਨਤ ਸੰਤ ਪ੍ਰਤਾਪਤੇ ॥ ੯੧ ॥
 ਦੋਹਰਾ-ਸੁਨੈ ਸੁਨਾਵੈ ਮਨ ਧਰੈ ਰਘੁਪਤਿ ਚਰਤਿ ਅਨੰਤ ॥
 ਤਾਂ ਕੋ ਮੁਕਤ ਸਦਾ ਕਹੈ ਬਰੇ ਬਰੇ ਮੁਹਿ ਕੰਤ ॥ ੯੨ ॥

ਇਤ ਸ੍ਰੀ ਰਾਮ ਗੀਤੇ ਰਾਵਣ ਛਲ ਬਰਨਨੰ ਨਾਮ
 ਦਸਮੇ ਅੰਕ: ੧੦

ਏਕਾਦਸ਼ ਅੰਕ ਪ੍ਰਾਰੰਭ

ਦੋਹਰਾ-ਰਾਮ ਕਥਾ ਕਵਿ ਜਥਾ ਮਤਿ, ਵਰਨਤ ਜਗ ਅਨੁਸਾਰ ॥
 ਜਿਉ ਖਗਉਡ ਫਿਰਧਰਗਿਰਤ, ਪਰਤ ਨ ਅੰਬਰ ਪਾਰ ॥
 ਦੋਹਰਾ-ਰਾਮ ਭਗਤ ਬਿਨੁ ਅਤਿ ਕਠਨ, ਨਿਗਮ ਬਤਾਵਤ-
 ਨੇਤ ॥ ਛਲ ਬਲ ਤੇ ਰਾਵਣ ਛਲਿਓ, ਮੀਚ ਉਗਾਹੀ ਦੇਤ ॥ ੨ ॥
 ਸੋਰਠਾ-ਤਬ ਲਗ ਸਾਧਨ ਧੂਰ, ਜਬ ਲਗ ਪਰਸ ਨ ਪੇਮ
 ਕੋ ॥ ਕਿਉਂ ਤਮ ਭਾਜੈ ਦੂਰ, ਬਿਨਾ ਦੀਪ ਬਾਤਨ ਕਰੈ ॥ ੩ ॥
 ਸੋਰਠਾ-ਏਕ ਸਰਣ ਬ੍ਰਤ ਹੋਇ, ਜਪ ਤਪ ਨੇਮ ਸਬੈ ਰਹੈ ॥
 ਪੁਰਖ ਨਾਰ ਨਹ ਦੋਇ, ਕਿਉ ਪਤਬ੍ਰਿਤਾ ਸਰਾਹੀਏ ॥ ੪ ॥
 ਸੋਰਠਾ-ਇਤਨੇ ਕਰੇ ਉਪਾਇ, ਸਬ ਫੋਕਟ ਇਕ ਪ੍ਰੇਮ ਬਿਨ।
 ਸੇਈ ਸੁਨਹੁ ਮਨ ਲਾਇ, ਹਿਰਦੇਰਾਮ ਬਿਨਤੀ ਕਰੈ ॥ ੫ ॥
 ਕਬਿੱਤ-ਤੀਰਥ ਕਰੈ ਅਨੇਕ ਸਦਾਮਿਲਮੀਨ ਭੇਕ, ਕੱਛਪ ਅ-
 ਨੇਕ ਅਰ ਚਾਰੋਂ ਜੁਗ ਥਾਏ ਹੈਂ ॥ ਪੈਨ ਹੂੰ ਸੇਂ ਪੇਟ ਭਰ ਸੇਵਤ
 ਭੁਜੰਗ ਔ, ਕੁਰੰਗ ਤਿਲ ਖਾਤ ਬਨ ਹੀਂ ਮੈ ਘਰ ਛਾਏ ਹੈਂ।
 ਚਾਤ੍ਰਕ ਬਿਨਾਹੀਂ ਸਾਥੀ ਧੂਰ ਮੂੰਡ ਮੇਲੈ ਹਾਥੀ, ਧਯਾਨ ਹੀਂ
 ਬਿੜਾਲ ਬਕ ਜਨਮ ਗਵਾਏ ਹੈਂ। ਨਾਰ ਨਾਰ ਮੋਰ ਜਯੋਂ ਬਿ-

ਬਾਵ ਘਨ ਘੋਰ ਜਜੋਂ, ਉਡਾਇ ਪ੍ਰੇਮ ਹੀਨ ਰਘਨਾਥ ਕਾਹੂ
ਪਾਏ ਹੈਂ ॥ ੬ ॥

ਸੋਰਗ-ਰਾਵਨ ਅਤਿ ਮਤਿ ਹੀਨ, ਸਮਝੈ ਪੈ ਚਰਨ ਨ ਭਜੈ।
ਸੁਨਅਤਿ ਭਗਤਿਪ੍ਰਬੀਨ, ਕੁੰਭਕਰਨ ਬਧਕਾਨਵੈ ॥ ੭ ॥

ਛਪੈ-ਗਾਮਚੰਦ ਰਨਧੀਰ ਸੁਭਟ ਕਪਿ ਭੀਰ ਬਿਕਟ ਮਤਿ।
ਕਿਲ ਕਿਲਾਇ ਉਛਲੰਤ ਪੁਛਪਟਕਤ ਚੰਚਲ ਅਤਿ। ਡੀਠ
ਜੋਰਿ ਸਭ ਧਰਤ ਅਸੁਰ ਤਬ ਦੂਰ ਰਹਤਦਬਿ। ਰਵਿ ਪ੍ਰਗਟਤ
ਪਰਭਾਤ ਜਾਤ ਤਮ ਨਿਰਖ ਬਦਨ ਛਬਿ। ਰਘੁਪਤਿ ਪ੍ਰਤਾਪ
ਕਵਿ ਰਾਮ ਕਹਿ; ਨਿਰਖਤ ਪੀਠ ਭਜਾਇ ਅਰਿ। ਮ੍ਰਿਗ ਰੰਕ
ਕੋਨ ਲੰਕਾਧਿਪਤਿ, ਜਹਿ ਸਿੰਘ ਬਿਦਾਰਨ ਕੁੰਭ ਕਰਿ ॥ ੮ ॥
ਕਬਿੱਤ-ਅੰਗ ਕੋ ਗਿਰੀਸ ਮਾਨ ਭੰਗ ਕੋ ਕਪੀਸ ਪੁੰਜ; ਦੇਵਨ
ਕੋ ਦੂਤ ਜਮ ਦੂਤਨਕੀ ਆਵਨੀ। ਜਾਨਕੀ ਕਲੇਸਕੁਲ ਲਾਜ
ਸੀਲ ਡੀਲ ਛਾਡ, ਆਠੋਂ ਲੋਕ ਪਾਲਨਕੀ ਡੀਠ ਕੀ ਲਗਾ-
ਵਨੀ। ਪੰਚ ਭੂਤ ਦੇਹਿ ਕੋ ਸੂ ਮੁੰਡਮਾਲ ਮੁੰਡਨ ਕੋ, ਆਏ ਗਨ
ਝੰਡ ਏਤੀ ਬਾਤਨ ਚਲਾਵਨੀ। ਲੰਕ ਈਸ ਉਪਰ ਨਿਸ਼ੰਕ
ਦਾਤ ਪੀਸਪੀਸ ਦੇਖੇ ਬੀਸ ਕਰੀ ਏਕ ਬਾਰਐਸੀਧਾਵਨੀ॥੯॥
ਕਬਿੱਤ-ਅੰਗਦ ਸੋਂ ਕਹੈ ਬਾਤ ਰਾਵਨਕੀ ਦੇਖੀ ਘਾਤ, ਅਜਹੁੰ
ਲੋ ਆਇ ਕੈ ਨ ਮੋ ਕੋ ਸਿਰ ਨਾਯੋ ਹੈ। ਹੋਨਹਾਰ ਜਾਕੋ ਜੈਸੀ
ਤੈਸੀ ਮਤਿ ਹੀਏ ਬੈਸੀ, ਜਾਨਤ ਹੋਂ ਜਾਨਕੀ ਕੋ ਕੋਪ ਡਹਕਾਯੋ
ਹੈ। ਬੋਲਜੋ ਹਨੂਮਾਨ ਯਹਿ ਪਾਪੀ ਅਬ ਲੋ ਤੋ ਨਾਥ, ਰਾਵਰੋਕੇ
ਨੈਨਨ ਕੀ ਕਰੁਣਾ ਜਿਵਾਯੋ ਹੈ। ਨਾਂਤੋ ਯਾਕੋ ਮਾਰ ਸੀਆ ਲੈ
ਕੈ ਦੇਸ ਗਏ ਹੁਤੇ, ਰਾਮ ਡਰ ਕਾਹੁੰ ਹਾਥ ਪਾਉਂ ਨ ਚਲਾਯੋ
ਹੈ ॥ ੧੦ ॥

[ਕਵਿ ਉਵਾਚ]

ਕਬਿੱਤ-ਕੀਨੇ ਨਰ ਰੂਪ ਕਪਿ ਸੁੰਦਰ ਅਨੂਪ ਛਬਗਏ ਛਪ,
ਭੂਪ ਐਸੇ ਚਰਿਤ ਬਨਾਯੋ ਹੈ। ਜੇਤੇ ਡੀਲ ਤੇਤੇਹਾਥੀ ਤੇਤੇਈ
ਖਵਾਸ ਸਾਥੀ, ਕੰਕਨ ਕੇ ਕੁੰਡਲ ਕਿਰੀਟ ਪੁੰਜ ਛਾਯੋ ਹੈ।

ਪ੍ਰਭੂ ਕੀ ਰਜਾਇ ਪਾਇ ਚਢੇ ਧਾਇ ਧਾਇ ਮਾਨੋ, ਆਪਨ ਆਪਨ ਗਿਰ ਆਗੇ ਲੈਨ ਆਯੋ ਹੈ। ਕੌਨ ਬਡੀ ਬਾਤ ਤ੍ਰਈ ਤਾਪਕੇ ਹਰਨਹਾਰ, ਰਾਮ ਕੇ ਕਟਾਛ ਤੇ ਝਟਾਕ ਪਦ ਪਾਯੋ ਹੈ ॥ ੧੧ ॥

ਕਬਿੱਤ-ਰਾਮਚੰਦ ਜੂ ਕੇ ਕਾਜ ਸੇਵਾ ਕੀਨੀ ਸੁਰਰਾਜ, ਰਾਜਕੋ ਸਮਾਜ ਕਵਿਰਾਮ ਦੇ ਪਠਾਯੋ ਹੈ। ਚੰਦਮਾ ਸਮਾਨ ਛੱਤ੍ਰ ਰਾਮ-ਰ ਤੁਰੰਗ ਪੁੰਜ, ਏਈ ਰਾਖੇ ਬਾਹਨ ਨ ਆਪਨੋ ਬੁਲਾਯੋ ਹੈ। ਭਏ ਅਸਵਾਰ ਬਾਜੇ ਦੁੰਦਭੀਅਪਾਰ ਰਾਮ, ਲੰਕ ਵਿਗ ਆਏ ਪੈਨ ਕੋਪ ਵਿਗ ਆਯੋ ਹੈ ਬੈਰੀ ਹੂੰ ਕੇ ਮਾਰਬੇ ਕੀ ਬਾਤ ਮੁਸ-ਕਾਤ ਕਰੈਂ, ਚੇਤੈਂ ਨੈਕ ਰਾਵਨ ਤੋ ਬਡੇ ਪ੍ਰਭੂ ਪਾਯੋ ਹੈ ॥ ੧੨ ॥
ਕਬਿੱਤ-ਐਸੀ ਭਾਂਤਿ ਰਹੇ ਤਹਾਂ ਗਾਡਯੋ ਰਨ ਖੰਡ ਜਹਾਂ, ਕਹੈਂ ਰਘੁਬੀਰ ਮੋਕੇ ਬਡੇ ਉਪਹਾਸ ਹੈ। ਉਮਾਪਤਿ ਤਾਰਕਉਪਾਸੈ ਉਪਦੇਸੈ ਯਾਕੋ, ਸੋਨ ਉਪਦੇਸੈ ਜਾਂਤੇਹਮਸੋਂ ਉਦਾਸ ਹੈ। ਬੋਲਯੋ ਹਨੂਮਾਨ ਰਾਮ ਰੁਦ੍ਰ ਯਾਕੋ ਬਡੇ ਬੈਰੀ, ਯਾਹੀਤੇਨ ਦੀਨੋ ਉਰ ਦੇਖਯੋ ਨ ਬਿਸਾਸ ਹੈ। ਸੰਪਤਿ ਬਿਲਾਸ ਸ਼ਿਵ ਦੀਨੋ ਪ੍ਰਭੂ ਭਲੋ ਕੀਨੋ ਸੋਤੇ ਵਾਹੀਮੰਤ੍ਰ ਕੇ ਕਟਾਛ ਕੋ ਪ੍ਰਕਾਸ ਹੈ ॥ ੧੩ ॥

(ਹਨੂਮਾਨ ਅੰਗਦੋ ਵਾਚ ਬਡੀਖਨਸੋਂ)

ਕਬਿੱਤ-ਅੰਗਦ ਪਵਨਪੂਤ ਦੋਊ ਬਡੇ ਰਾਮ ਦੂਤ ਹਸ ਕੈ ਬਿ-ਭੀਖਨ ਕੋਕਹਿਯੋ ਕਾਂਤੇ ਡਰੋਗੇ। ਰਾਵਨਕੋ ਮਾਰ ਰਘੁਬੀਰਕੇ ਪ੍ਰਤਾਪਤੁਮ ਜਾਇ ਲੰਕ ਹੈ ਨਿਸੰਕ ਬਡੇ ਰਾਜ ਕਰੋਗੇ। ਤੋਕੋ ਰਾਜ ਦੇਤ ਹਮ ਬੀਚਨ ਬਿਗਾਰਯੋ ਕਾਮ ਜਾਨਤ ਹੈਂ ਹਮੈਂ ਛਾਡਿ ਭੋਗਨ ਮੈਂ ਪਰੋਗੇ। ਭਾਈ ਕੀ ਬਿਭੂਤਿ ਪਾਇ ਰਾਮ ਚੰਦ ਕੋ ਰਿਝਾਇ ਕਹੋ ਤੋ ਹਮਾਰੇ ਆਗੇ ਕਹਾ ਕਹਾ ਧਰੋਗੇ ॥ ੧੪ ॥

(ਬਡੀਖਨੋਵਾਚ)

ਕਬਿੱਤ-ਸੂਧੋ ਦੁਖ ਦੇਤ ਹੋ ਕਿ ਪ੍ਰਾਨ ਕਾਢਲੇਤ ਹੋ ਜੁ ਜਾਨਤ ਹੋ ਰਾਜ ਪਾਇ ਰਾਜ ਕੋ ਕਮਾਇ ਹੈਂ। ਏਕ ਰਾਮਰੋਮ ਪਰ ਕੋਟ ਰਾਜ ਦਿਓਂ ਲੁਟਾਇ ਜਹਾਂ ਪਗਧੂਰ ਤਹਾਂ ਮਾਥੋਈ ਲੁਠਾਇ

ਹੈਂ । ਆਪਨੇ ਈ ਲੋਚਨ ਕਮਲ ਕੇ ਬਿਛੋਨਾ ਕਰ ਦੇਉ ਪ੍ਰਭੁ
ਤਾਂਹੀ ਗੈਲ ਧਾਮ ਪਧਰਾਇ ਹੈਂ । ਲੰਕਛਿਰਕਾਇ ਚਰਨੋਂਦਕ
ਸੈ ਹਨੁਮਾਨ ਤਾਂਕੈ ਪਾਛੇ ਤੁਮੈ ਕੋਟ ਬਿੰਜਨ ਖਵਾਇ ਹੈਂ ॥ ੧੫ ॥

(ਕਵੀਓਵਾਰ)

ਦੋਹਰਾ—ਏਇਤ ਸਬੈ ਪ੍ਰਸੰਨ ਮਨ ਹਰਖਵੰਤ ਸਬ ਗਾਤ ।
ਸੰਖ ਸਬਦ ਸੁਨ ਰੰਕ ਜਿਮ ਸੁਨਹੁਲੰਕ ਕੀ ਬਾਤ ॥ ੧੬ ॥

(ਰਾਵਨੋਵਾਰ)

ਸੋਰਠਾ—ਸੁਨਹੁ ਮਹੇਦਰ ਬਾਤ ਤੂੰ ਮੰਤ੍ਰੀ ਰਾਵਨ ਕਹੈ ।
ਦੇਖ ਰਾਮ ਕੀ ਘਾਤ ਆਇਗਯੈ ਜਾਨਜੇਂ ਨਹੀਂ ॥ ੧੭ ॥

(ਮਹੇਦਰੋਵਾਰ)

ਸੋਰਠਾ—ਯਹੈ ਬਡੀ ਬਿਪਰੀਤਿ, ਤੁਮ ਰਾਮਹਿ ਜਾਨਤ ਨਹੀਂ ।
ਸਦ ਬਡਨ ਕੀ ਰੀਤਿ, ਬਹੁਤ ਕਰੈਂ ਥੋਰੈ ਕਹੈਂ ॥ ੧੮ ॥
ਕਬਿਤ—“ ਰਾਮਚੰਦ ਚਢੇ ਜਬ ਧੀਰਜ ਨ ਰਹਯੋ ਤਬ ਭੂਮਿ
ਡਗਮਗੀ ਗਤਿ ਭਈ ਭਾਰੀ ਨਾਉ ਕੀ । ਸੂਰਛਪਯੋ ਧੁਜਾਬੀਚ
ਕੀਨੋ ਹੈ ਸਮੁਦ੍ਰ ਕੀਚ, ਨੀਚ ਸੇ ਹੈ ਗਏ ਅਰਿ ਹੈ ਨ ਆਸ
ਆਉਕੀ । ਸੰਖਨ ਕੇ ਬਾਜਤ ਬਹੁਰ ਭਈ ਛਾਤੀ ਟੂਕ, ਭ੍ਰਮ
ਹੀਂਤੇ ਦੇਹ ਮਾਨ ਲੀਨੀ ਮਨੁ ਘਾਉ ਕੀ । ਏਤੇ ਪਰ ਬੁਝਤ ਹੋ
ਬਾਰ ਬਾਰ ਮਹਾ ਰਾਜ, ਜੱਯੈ ਬਲ ਰਾਵਰੇ ਕੇ ਬਾਵਰੇ ਸੁਭਾਉ
ਕੀ ॥ ੧੯ ॥”

ਕਬਿਤ—ਔਰਸੁਨੋ ਬਾਤ ਕੀਨੇ ਮਾਨੁਖਕੇ ਗਾਤ ਕਪਿ, ਹੀਰ
ਚੀਰ ਰਾਜ ਬੇਖ ਸਬ ਕੋ ਬਨਾਇਕੈ । ਸਬ ਹੀਂਕੋ ਦੈ ਕਮਾਨ
ਬਾਨ ਸਾਵਧਾਨ ਕਰ, ਚਾਉ ਸੋਬਡਾਇ ਚਾਂਪ ਹਾਥਨ ਚਵਾਇ
ਕੈ । ਦੁੰਦਭੀ ਬਜਾਇ ਬੈਰ ਪ੍ਰਗਟੈ ਜਨਾਇ ਰਾਮ, ਲੰਕ ਕੇ
ਨਿਸੰਕ ਵਿਗ ਮਾਂਡਯੋ ਦਲ ਆਇ ਕੈ । ਸੂਰਨ ਬੁਲਾਇ ਕੁੰਭ-
ਕਰਨੈ ਜਗਾਇ ਰਾਜਾ, ਬਾਤ ਬੀਤ ਗਏ ਤੇ ਰਹੋਗੇ ਪਛਤਾਇ
ਕੈ ॥ ੨੦ ॥

(ਰਾਵਨੋਵਾਚ)

ਕਬਿਤ-ਬਾਂਧ ਬਾਂਧ ਗਾਤੀ ਪੱਛਪਾਤੀ ਜੇ ਸੰਗਾਤੀ ਮੇਰੇ, ਤਾਤੀ
ਬਾਨੀ ਬੋਲ ਬੋਲ ਕਹਜੇ ਹੈ ਸੁਨਾਇ ਕੈ। ਮਾਨਸ ਕੀ ਜਾਤੀ
ਭੱਛ ਬਾਤੀ ਪਾਈ ਬੈਠੇ ਘਰ ਮਨ ਕੀ ਸੁਹਾਤੀ ਬਾਤੀ ਪ੍ਰਗਟੀ
ਹੈ ਆਇ ਕੈ। ਸ਼ਿਵਕੀ ਕ੍ਰਿਪਾ ਤੇ ਕਰੋਂ ਜਮ ਕੇ ਜਮਾਤੀ ਸਬ,
ਜੋਗਨੀ ਬਿਲਾਤੀ ਅਬ ਪਠਓਂ ਅਘਾਇ ਕੈ। ਪਾਤੀ ਲਿਖੀ
ਦੈਂਤਨ ਕੋ ਨਾਤੀ ਕਮਲਾਸਨ ਕੇ, ਰਾਤੀ ਕਰ ਆਖੈਂ ਛਾਤੀ
ਕ੍ਰੋਧ ਉਪਜਾਇ ਕੈ ॥ ੨੧ ॥

(ਕਵਿਉਵਾਚ)

ਸੋਰਠਾ-ਰਾਜ ਮੰਚ ਪਰ ਬੈਠ, ਮੰਤ੍ਰਿਨ ਸੋਂ ਬੁਝਤ ਪ੍ਰਗਟ।
ਬੀਸੋਂ ਭੁਜਾ ਅਮੈਠ, ਰਾਮ ਲਖਨ ਘਰਿ ਪਾਹਨੇ ॥ ੨੨ ॥
ਦੋਹਰਾ-ਬੋਲ ਮਹੋਦਰ ਕੋ ਕਹਜੇ, ਬਹੁਰ ਲੰਕ ਕੇ ਰਾਇ।
ਰਾਮਚੰਦ ਕਹ ਕਰਤ ਹੈ, ਕਹੋ ਮੋਹਿ ਸਤ ਭਾਇ ॥ ੨੩ ॥

(ਮੰਤ੍ਰਿਉਵਾਚ)

ਸੋਰਠਾ-ਸੁਨ ਰਾਜਾ ਮਮ ਈਸ, ਹਾਥ ਜੋਰ ਬਿਨਤੀ ਕਰੋ।
ਰਘੁਨਾਇਕ ਜਗਦੀਸ, ਇਹ ਬਿਧ ਰਹਿਤ ਪ੍ਰਸੰਨ ਸੁਖ ॥ ੨੪ ॥
ਛਪਯ-ਮ੍ਰਿਗ ਕੰਚਨ ਮ੍ਰਿਗ ਛਾਲ ਮਾਲ ਕਪਿ ਮੱਧਿ ਨੀਲ
ਮਣਿ। ਦਸਸਰ ਭਰਤੁ ਤੁਨੀਰ ਔਰ ਬੀਰਹਿ ਸੋ ਪਤ ਗਣਿ।
ਚਰਨ ਕਮਲ ਹਨੂਮਾਨ ਪਾਨਿ ਲਾਲਤ ਉਹ ਭਿੱਟਤ।
ਕਹਿਤ ਬਾਤ ਤਵ ਅਨੁਜ ਸੁਨਤ ਮੁਸਕਤ ਦੁਖ ਮਿੱਟਤ।
ਮ੍ਰਿਦੁ ਬਚਨ ਰਚਨ ਸੁਗੀਵ ਪ੍ਰਤਿ ਅਤਿ ਪ੍ਰਸੰਨ ਲੱਜਾ ਨਮਿ-
ਤ। ਰਾਜਾਧਿਰਾਜ ਲੰਕਾਧਿ ਪਤਿ, ਜੋਈ ਜਾਤ ਸ਼ਰਨ ਬੈ-
ਰਹਿ ਛਿਮਤ ॥ ੨੫ ॥

ਛਪਯ-ਕਪਿ ਪ੍ਰਚੰਡ ਝੰਡਨਿ ਉਮੰਡ, ਰੰਡਣ ਅਰੁਣ ਦੁਤਿ ॥
ਪ੍ਰਗਟਿ ਮੰਡ ਰਣ ਕਹੈ, ਕਰੁਨ ਰਸ ਨੈਨਨ ਛੁਭਤ। ਪਵਨ
ਪੁਤ੍ਰ ਕ੍ਰੋਧਤਿ ਨਿਵਾਇ, ਅੰਗੁਲਿ ਭੂਅ ਲਿੱਖਤ। ਸੀਅ ਆਗੈ
ਧਰ ਮਿਲੈ ਰਾਵ, ਤਵ ਮਾਰਗੁ ਪਿੱਖਤਿ। ਸਨੱਧ ਬੱਧ ਬਿਨੁ

ਲੱਛਮਨ, ਚਵਰ ਹਾਥ ਉਪਰ ਕਰੈ। ਕਵਿ ਰਾਮ ਸੂਰ ਮਣਿ
ਜੁੱਧ ਮਨਿ, ਛੁਵਤਿ ਚਰਨ ਡਗ ਮਗ ਧਰੈ ॥ ੨੬ ॥

(ਰਾਵਨੋਵਾਰ)

ਕਬਿੱਤ-ਰਾਮ ਕੀ ਤੋ ਜਾਨੀ ਬਾਤ ਬਿਨਾ ਜੁਧ ਕਜੇਂ ਪਲਾਤ,
ਮੇਰੇ ਸੂਰਜਾਤ ਹੈਂ ਘਰੀਕ ਮਾਂ ਉਡਾਇ ਹੈਂ। ਏਕਨ ਕੋ ਬਾਂਧ
ਲਜਾਇ ਏਕਨਕੋ ਦੈਂ ਉਡਾਇ, ਏਕਨ ਕੀ ਨਾਰਿ ਹੀਂ ਮਰੋਰ
ਤੋਰ ਖਾਇ ਹੈਂ। ਤੋਲੋਂ ਏਕ ਰਾਕਸ਼ੀ ਪ੍ਰਭੰਜਨੀ ਬੁਲਾਇ ਕਹਜੇ,
ਆਧੀ ਰਾਤ ਭਏ ਤੇ ਸਬੈਈ ਸੋਇ ਜਾਇ ਹੈਂ। ਤਹਾਂ ਜਾਇ
ਰਾਮ ਕੋ ਉਠਾਇ ਲਜਾਇ ਮੇਰੇ ਢਿਗ, ਭੋਰ ਭਏ ਜੀਤ ਕੇ
ਨਿਸ਼ਾਨਹਿ ਬਜਾਇ ਹੈਂ ॥ ੨੭ ॥

(ਭਭੀਖਨੋਵਾਰ ਰਾਮਚੰਦ੍ਰਸੇਂ)

ਕਬਿੱਤ-ਤੋਹੀ ਲੋਂ ਬਿਭੀਖਨ ਕਹੀ ਹੈ ਬਾਤ ਹਾਥ ਜੋਰਿ, ਆਵਤ
ਹੈ ਰਾਤਿ ਨਾਥ ਸਾਵਧਾਨ ਹੋਇ ਬੋ। ਬੋਲਜੇ ਬਾਲਿ ਪੂਤ ਰਘੁ-
ਬੀਰ ਪੁਰ ਹੂਤ ਸੁਨ, ਮੇਰੀ ਚੌਕੀ ਪਾਇ ਕੈ ਪਸਾਰ ਪਾਇ
ਸੋਇਬੋ। ਰਾਵਨ ਕੋ ਆਵਤ ਲੋਂ ਤੁਮੈ ਨ ਜਗੈਹੈਂ ਦੈ ਹੋਂ, ਏਕਲੋ
ਜਬਾਬ ਤਾਕੋ ਪੌਰਖ ਬਿਗੋਇਬੋ। ਪ੍ਰਾਤਰਣ ਬਾਤ ਹੈ ਹੈ ਸਾਖਾ
ਮ੍ਰਿਗ ਭ੍ਰਾਤ ਸੁਨੋ, ਮਾਰਮਾਰ ਬੈਰਨ ਕੋ ਰਾਮ ਮੁਖ ਜੋਇਬੋ ॥ ੨੮ ॥

(ਕਵੀਓਵਾਰ)

ਕਬਿੱਤ-ਸੂਰਛਪਜੇ ਪੱਛਮ ਪ੍ਰਕਾਸਿਓ ਸਸਿ ਪ੍ਰਾਚੀਦਿਸ, ਚੱਕ੍ਰਵਾਕ
ਬਿਛੁਰੇ ਚਕੋਰ ਸੁਖ ਪਾਯੋ ਹੈ। ਕੁਮਦਨੀ ਫੁਲੀ ਕੰਜ ਮੁੰਦੇ ਭੋਰ
ਬੰਧੇ ਬੀਚ, ਪ੍ਰਾਤਨਾਥ ਬੂਡਜੇ ਮਾਨੋਕਾਲ ਕੂਟ ਖਾਯੋ ਹੈ। ਆਧੀ
ਰਾਤਿ ਬੀਤੀ ਸਬ ਸੋਏ ਜੀਆ ਜਾਨ, ਆਨ ਰਾਕਸ਼ੀ ਪ੍ਰਭੰਜਨੀ
ਪ੍ਰਭਾਉਸੋ ਜਨਾਯੋ ਹੈ। ਬੀਜੁਰੀ ਸੀ ਫੁਰੀ ਭਾਂਤਿ ਬੁਰੀ ਹਾਥ
ਛੁਰੀ ਲੋਹੂ, ਚੁਰੀ ਡੀਠ ਜੁਰੀ ਦੇਖ ਅੰਗਦ ਲਜਾਯੋ ਹੈ ॥ ੨੯ ॥
ਕਬਿੱਤ-ਰਾਮ ਲੋਂ ਨ ਜਾਨ ਦੀਨੀ ਬਾਟ ਹੀ ਮੈਂ ਖਰੀ ਕੀਨੀ,
ਬਾਟ ਪਾਰਬੇਕੋ ਬਲੀ ਅੰਗਦ ਪ੍ਰਬੀਨ ਹੈ। ਦੌਰ ਜਾਇ ਹਾਥ
ਗਹਜੇ ਮੋਸੈ ਸੂਧੇ ਬਾਤ ਕਹੋ, ਲਰਿਯੋ ਚਾਹੈਂ ਲਰੇ ਅੈਸੋ ਕੌਨ

ਤੇਤੇ ਹੀਨ ਹੈ। ਕਛੂ ਨ ਬਸਾਇ ਭਾਜ ਜੈਬੇ ਕੋ ਬਿਲ ਬਿਲਾਇ
ਕੈਸੇ ਜੈਸੇ ਸਿੰਘ ਮੇਵ ਹਰਨੀ ਕੋ ਚੀਨ ਹੈ। ਕੀਨੋ ਬਡੇ ਸੋਰ
ਸਬ ਜਾਗੇ ਮਾਨੋ ਭਯੋ ਭੋਰ, ਕੋਰ ਕਾਰ ਭਈ ਸੁਨਯੋ ਰਾਵਨ
ਮਲੀਨ ਹੈ ॥ ੩੦ ॥

ਕਬਿਤ-ਭਯੋ ਪ੍ਰਾਤ ਫੁਲੇ ਜਲਜਾਤ ਰਘੁਨਾਥ ਮੁਖ, ਭਾਜਿਯੋ
ਤਮ ਮਾਨੋ ਭੋਗ ਰਾਵਨ ਪ੍ਰਤਾਪ ਕੇ। ਮਿਲੇ ਚੱਕ੍ਰਵਾਕ ਐਸੇ
ਸੀਤਾਉ ਮਿਲਨ ਹਾਰ, ਛੂਟੀ ਭ੍ਰਿੰਗਮਾਲ ਮਾਨੋ ਬਾਨ ਰਾਮ
ਚਾਪ ਕੇ। ਪੂਰਨ ਪਕਾਸ਼ਿਯੋ ਪੁੰਜ ਕਿਰਨਕੇ ਧਾਇ ਛਾਇ
ਕੈਸੇ ਜੈਸੇ ਆਇ ਸੁਖ ਜਾਨਕੀ ਮਿਲਾਪ ਕੇ। ਚੰਦ ਪਰਯੋ
ਫੀਕੋ ਲੰਕਾਪਤੀ ਹੂੰਤੇ ਨੀਕੋ ਤਾਰੇ ਲਟੇ ਮਾਨੋ ਆਉ ਅੰਕ
ਮੇਘਨਾਦ ਬਾਪ ਕੇ ॥ ੩੧ ॥

ਕਬਿਤ-ਰਘੁਪਤਿ ਜੁਕੇ ਦਲ ਕੀ ਪ੍ਰਬਲ ਦੇਖੀ ਛਬ ਬਡੇ
ਦੁਖ ਜੀਆ ਪੈ ਨ ਮੁਖਤੇ ਜਨਾਈਏ। ਤੀਨ ਕੋਟ ਰਾਖਸ
ਖਪਾਏਜੋਪਠਾਏ ਹਮਜੈਸੇ ਮੇਲ ਪਾਰੋ ਤਬ ਆਗਮੈ ਉਡਾਈਏ।
ਬੋਲਜੋ ਮੇਘਨਾਦ ਚਹੂੰ ਓਰ ਜਾਇ ਛੇਕੋਂ ਦਲ, ਮਾਰੋਂ ਏਕ
ਏਕ ਗਨਆਇਸ ਜੋ ਪਾਈਏ। ਕਿਧੋਂ ਕਹੋ ਚਲੋਂ ਜਾਇਕੁੰਭ-
ਕਾਨ ਕੋ ਜਗਾਇਕਹੈਂ ਆਯੋ ਘਰ ਭੱਛ ਤਾਂ ਕੋ ਭਲੋਈ ਮਨਾ-
ਈਏ ॥ ੩੨ ॥

ਕਬਿਤ-ਮੇਘਨਾਦ ਜਾਇ ਵੋਲ ਲਾਖਕ ਬਜਾਇ ਰਹਯੋ, ਤਯੋਂ
ਤਯੋਂ ਕੁੰਭਕਾਨ ਜੂ ਬਡੋਈ ਸੁਖ ਪਾਯੋ ਹੈ। ਹਾਥਨ ਕੇ ਪੁੰਜਨ ਕੋ
ਗੋਡ ਪੈ ਚਲਾਇ ਰਹੇ, ਮਾਨੋ ਪਾਉਂ ਚਾਪ ਭਲੀ ਭਾਂਤਿ ਸੋਂ ਸਵਾ-
ਯੋਹੈ। ਬੋਲੀ ਤਬ ਨਾਰਿ ਯਾਂਕੋ ਏਕ ਹੈ ਉਪਾਇ ਕਹੋਂ ਐਸੀ
ਭਾਂਤਿ ਰੁੱਦ੍ਰ ਆਨ ਆਪਨ ਜਗਾਯੋ ਹੈ। ਕਾਨ ਮੈ ਗਣੇਸ਼ ਕੋ
ਪਠਾਇ ਪਾਛੇ ਕੋਟ ਗਨ ਲੋਚਨ ਮੁੰਦੇਈ ਰਹੇ ਉਤਰ ਸੁਨਾਯੋ
ਹੈ ॥ ੩੩ ॥

ਕਬਿਤ-ਸੋਈ ਕਾਮ ਕੀਨੋ ਗਜਝੰਡਨ ਬੁਲਾਇ ਕੈ, ਬਜਾਇ
ਵੋਲ ਦੁੰਦਭੀ ਸੁ ਕਾਨ ਮੈ ਪਠਾਏ ਹੈਂ। ਔਰ ਸਭ ਸੂਰਨ ਸੋ

ਕਹਜੋਹੈ ਪਵਰ ਲਾਗੇ ਜਾਇ ਲਾਗੇ ਕੈਸੇ ਜੈਸੇ ਪੰਛੀ ਗਿਰ ਛਾਏ
ਹੈਂ । ਘਰੀ ਚਾਰ ਪਾਂਚ ਲੋ ਤੇ ਸਮਝੇ ਨ ਪਰੀ ਕਹਾ ਭਏ ਗਤਿ
ਗਏ ਕਿਧੋਂ ਪੇਟ ਮੈਂ ਪਚਾਏ ਹੈਂ । ਤਾਂਕੇ ਪਾਛੇ ਰਾਜਾਕੇ ਕੁਮਾਰ
ਕੁੰਭਕਾਨ ਕਹਜੇ ਜਾਨਤਹੈਂ ਦੇਨ ਦੁਖ ਰਾਵਨਜੁ ਆਏਹੈਂ ॥੩੪॥
ਸਵੈਯਾ-ਸੋਵਤਹੋ ਘਟਕਾਨ ਜਹਾਂ ਚਲਲੰਕਪਤੀਪਹੁੰਚਜੇ ਤਿਹ
ਠੋਰੈ । ਕਜੇਂ ਹੋ ਜਗਾਵਤ ਮੈ ਹਰੀ ਜਾਨਕੀ ਸੋ ਜਗ ਕੈ ਸਮਝਾ-
ਵਤ ਬੋਰੈ । ਸੋ ਭੁਗਤੀ ਨਹਿ ਕਜੇਂ ਸੁਨ ਨਾਥ ਬਿਨਾ ਰਘੁਨਾਥ
ਭਜੈ ਨਹਿ ਔਰੈ । ਰਾਮਹੀਂ ਕਜੇਂ ਨ ਬਨਜੇ ਕਪਟੀ ਜੋ ਬਨਜੇ
ਤਉ ਡੀਲ ਸੁ ਸੀਲ ਕੇ ਦੋਰੈ ॥ ੩੫ ॥

ਸਵੈਯਾ-ਤਾਹੀ ਕੇ ਹੇਤ ਲਏ ਕਪਿ ਕੋ ਦਲ, ਰਾਮ ਬਡੇ ਸੁਨ
ਬੈਰ ਬਡਾਯੋ । ਦੋਰ ਬਿਭੀਖਨ ਭਾਈ ਮਿਲਜੇ, ਇਕ ਬਾਨਰ
ਆਇਕੈ ਗਾਉ ਜਰਾਯੋ । ਔਰ ਬਡੀ ਬਿਪਰੀਤ ਸੁਨੋ, ਤੁਮਤੇ
ਨ ਡਰਜੇ ਤੁਮਕੋ ਡਰ ਪਾਇਯੋ । ਯਾਹੀਂ ਤੇ ਬੇਗ ਚਲੋ ਘਰਕੇ,
ਦੁਖ ਮੋਹਿ ਜੁਹੋ ਸਭ ਤੋਹਿ ਸੁਨਾਯੋ ॥ ੩੬ ॥

ਸਵੈਯਾ-ਔਰ ਸਭੈ ਤੁਮ ਜਾਨਤ ਹੋ, ਖਰਦੂਖਨਵੈ ਜਿਹ ਭਾਂਤਿ
ਪਛਾਰੇ । ਸੂਪਨਖਾ ਪਤਿ ਹੀਨ ਕਰੀ, ਮੁਨਿ ਮਾਰ ਮਰੀਚ
ਦਏ ਦੁਖ ਭਾਰੇ । ਅੱਛ ਕੁਮਾਰ ਕੇ ਸੰਗ ਖਪੇ ਭਟ ਰਾਛਸ ਕੋਟਨ
ਕੋਟ ਸੰਘਾਰੇ । ਕ੍ਰੋਧ ਬਢਾਇ ਲਵਾਇ ਲੈ ਬੀਰਹਿ ਲੰਕ ਪਤੀ
ਗਢ ਲੰਕ ਸਿਧਾਰੇ ॥ ੩੭ ॥

(ਕੁੰਭਕਰਨਉਵਾਚ)

ਸਵੈਯਾ-ਜੋਰ ਸਭਾ ਸਭ ਬੋਲ ਬਡੇ ਭਟ ਬੁਝਤ ਰਾਜ ਕੀ
ਰੀਤਿ ਪੁਰਾਨੀ । ਜੋ ਬਲ ਹੈ ਤਉ ਕਜੇਂ ਚਲੀਏ ਜਿਹ ਮਾਰਗ
ਹੋਇ ਅਨਾਜ ਨ ਪਾਨੀ । ਬਾਤ ਸੁਨੇ ਸਬ ਬੋਲ ਉਠੇ ਧਨ ਹੋ
ਘਟਕਾਨ ਬਡੇ ਸੁਰਗਜਾਨੀ । ਰਾਵਨ ਬੋਲ ਉਠਜੇ ਸਮਝੀ ਹਮ
ਜਾਨਤ ਹੈਂ ਤੇਰੀ ਦੇਹ ਬੁਢਾਨੀ ॥ ੩੮ ॥

ਕਬਿੱਤ-ਬੋਲਜੇ ਕੁੰਭਕਾਨ ਅਬ ਲੰਕ ਕੇ ਆਵਸ ਏਤੇ ਲਾਗਤ
ਉਦਾਸ ਮੋਹਿ ਵੈਸੇ ਨ ਸੁਹਾਵਨੇ । ਜੇਈ ਜੇਈ ਠੋਰਨ ਤੇ ਕਾਂਮ

ਕੋ ਗਰਬ ਜਾਤੇ ਤੇਈ ਤੇਈ ਠੌਰ ਅਬ ਲਾਗੇ ਡਰ ਪਾਵਨੇ ।
ਚੌਪਖਾ ਅਟਾਰੀ ਚਿਤ੍ਰ ਸਾਰੀ ਚੌਕ ਭਾਰੀ ਭਾਰੀ ਮਾਨੋ ਕੋਊ
ਬਸਜੋ ਨਾਹੀ ਅਬ ਏ ਬਸਾਵਨੇ । ਕੌਨ ਸੀਅ ਬਾਤ ਜਾਂਕੋ ਏਤੋ
ਉਤਪਾਤ ਭ੍ਰਾਤ ਰਾਤ ਬਿਨ ਆਏਦੌਰ ਦੀਪਕ ਜਗਾਵਨੇ ॥੩੯॥

(ਰਾਵਨਉਵਾਚ)

ਕਬਿੱਤ-ਬਾਤ ਸੁਨ ਜਰਜੋ ਅੰਗ ਅੰਗ ਰਿਸ ਭਰਜੋ ਮੋਹਿ ਬਡੋ
ਹੋ ਭਰੋਸੇ ਤੂੰਤੇ ਆਗੇ ਬਿਲਲਾਤ ਹ । ਲੋਹ ਕੀ ਨ ਆਂਚ ਲਾਗੀ
ਬਾਨ ਕੀ ਨ ਬ੍ਰਿਸ਼ ਪਾਗੀ ਨੀਂਦ ਅਬ ਜਾਗੀ ਕਿਧੋਂ ਤਾਤੇ ਭਭ-
ਰਾਤ ਹੈ । ਏਕ ਹਾਂਕ ਬਾਂਦਰ ਪਲਾਤ ਜੈਸੇ ਸੂਕੇ ਪਾਤ, ਬਾਤ ਕੇ
ਚਲੇ ਤੇ ਭ੍ਰਾਤ ਕੌਨ ਉਤਪਾਤ ਹੈ । ਬਾਦ ਹੀ ਉਠਾਯੋ ਹਮ ਤੈਸੇ
ਫਲ ਪਾਯੋ ਅਬ ਕਹੋ ਯਾਂਕੋ ਸੋਇਬੇ ਕੋ ਧਾਮ ਕਜੋ ਨ ਜਾਤ
ਹੈ ॥ ੪੦ ॥

ਕਬਿੱਤ-ਬਡੋਈ ਸਹਾਈ ਜਾਨ ਕਰਤੇ ਬਡਾਈ ਹਮ ਸੁਤੇ ਬਾਤ
ਪਾਈ ਮਾਨੋ ਰਾਮ ਹੀ ਸੋਂ ਪ੍ਰੀਤ ਕੀ । ਆਇਕੈ ਲਰਾਈ ਰਘੁ-
ਰਾਈ ਹੈ ਮਚਾਈ ਜਬ ਤਬ ਯੋਂ ਸੁਨਾਈ ਸੀ ਚੁਰਾਈ ਸੋ ਅਨੀ
ਤ ਕੀ । ਬਡੋ ਦੁਖਦਾਈ ਯਾਂਹਿ ਪੀਰੋ ਨ ਪਰਾਈ ਯਾਂਕੀ
ਨੀਂਦ ਉਚਰਾਈ ਸੁਤੋ ਬਡੀ ਬਿਪਰੀਤਿ ਕੀ । ਸ਼ਿਵ ਕੀ
ਦੁਹਾਈ ਮੈਂ ਨ ਕਹੀ ਹੈ ਬਨਾਈ, ਜਹਾਂ ਐਸੇ ਜੁਰੇ ਭਾਈ
ਤਹਾਂ ਬੁਡੀ ਬਾਤ ਜੀਤ ਕੀ ॥ ੪੧ ॥

(ਕਵੀਉਵਾਚ)

ਕਬਿੱਤ-ਐਸੇ ਜਬ ਬੋਲਜੋ ਕੋਪ ਕ੍ਰੋਧ ਸੋਂ ਬਢਾਈ ਓਪ ਸੋਈ
ਗਯੋ ਨੱਸਕੈ ਬਿਬੇਕ ਨਿਰਮੇਕ ਤੇ । ਬੋਲਜੋ ਕੁੰਭਕਾਨ ਕੌਨ
ਚੰਦ੍ਰਮਾਂ ਸੁਰੇਸ ਭਾਨ ਕੌਨ ਕਾਲ ਬਜਾਲ ਮਰ ਜਾਹਿ ਮੇਰੀ
ਟੋਕ ਤੇ । ਐਸੀ ਸੁਨ ਸਬੈ ਲੋਕ ਪਾਲਨ ਕੋ ਬੁਡੇ ਦੁਖ ਤੇਹੀਛਿਨ
ਕੈਸੇ ਜੈਸੇ ਰਿਣੀ ਰਿਣ ਥੋਕ ਤੇ । ਰਾਮ ਸੋਂ ਜੋ ਲਰੈ ਤੋਤੇ ਦੇਵਨ
ਕੇ ਦੀਵਾਬਰੈ, ਨੈਕ ਰਾਮ ਭਜੈ ਦੇਵ ਭਾਜੈ ਲੋਕ ਲੋਕ ਤੇ ॥੪੨॥
ਕਬਿੱਤ-ਨੀਂਦ ਤੇ ਭਯੋ ਨਿਰਾਸ ਦੇਖੇ ਭਟ ਆਸ ਪਾਸ ਗਾਗਰ

ਪਚਾਸਸੇਂ ਪਖਾਰ ਮੁਖ ਹਸਿਓ ਹੈ। ਖੈਬੇਕੇ ਮੰਗਾਯੇ ਜੇਤੇ ਪਾਯੇ
ਗਵ ਲੰਕ ਮਾਂਹਿ ਤਉ ਨ ਅਘਾਯੇ ਮਧੁਪਾਨਰਸ ਮਸਿਓ ਹੈ।
ਰੁਦ੍ ਪੈਨ ਮਾਂਗਿਓ ਬਰ ਮਾਂਸਕੇ ਪਹਾਰ ਅਰ ਕੂਪ ਭਰੇ ਆਸ-
ਵਨ ਤੀਸੇਂ ਜਗ ਬਸਿਓ ਹੈ। ਪਾਛੇ ਬੋਲਿਓ ਮਹਾਂਰਾਜ ਕਾਹੇ
ਕੋਬਿਖਾਦ ਕਰੈਂ ਰਾਮ ਆਨ ਕੁੰਭਕਾਨ ਦਾਵਨ ਮੈਂ ਧਸਿਓ
ਹੈ ॥ ੪੩ ॥

(ਕੁੰਭਕਾਨੋਵਾਰ)

ਕਬਿਤ-ਕਹੋ ਤੇ ਸੰਘਾਰੇਂ ਕਹੋ ਸਿੰਧੁ ਬੋਰ ਡਾਰੇਂ ਔਰ ਜੋ ਕਹੋ
ਤੇ ਨਭ ਮੈ ਬਿਥਾਰੇਂ ਏਕ ਏਕ ਹੀਂ। ਰੀਛ ਕਪਿ ਝੰਡਨ ਕੇ ਮੁੰ-
ਡਨ ਉਤਾਰੇਂ ਕਹੋ ਕੋਟ ਲੈ ਉਸਾਰੇਂ ਪੈ ਨ ਹਾਰੇਂ ਰਹੇਂ ਏਕ ਹੀਂ
। ਆਪਨੋ ਤੇ ਪੌਰਖ ਨ ਤੋਰ ਡਾਰੇਂ ਮਹਾਰਾਜ ਕਾਲ ਕੋ ਪਛਾਰੇਂ
ਸਭ ਕਰੇਂ ਸਾਚੀ ਜੋ ਕਹੀਂ। ਨੈਕ ਜੋ ਸੰਭਾਰੇਂ ਤਾਰੇ ਤੋਰ ਭੂਮਿ
ਡਾਰੇਂ ਔਰ ਜਾਹਿ ਕੋ ਪਚਾਰੇ ਤਾਹਿ ਮਾਰੇਂ ਛੇਕ ਛੇਕਹੀਂ ॥੪੪॥
ਕਬਿਤ-ਤੋਲੈ ਦੁਰਿਤਾਈ ਜੋ ਲੈ ਨੀਂਦਨ ਜਗਾਈ ਮੇਰੀ ਸੁਨੋ
ਲੰਕਰਾਈ ਭਾਈ ਸੋਕ ਨ ਨਿਹਾਰੀਏ। ਬਿਨਾਈ ਸਹਾਈ ਭੁਜ
ਦਾਹਨੀ ਉਠਾਈ ਜਬਕੋਹੈ ਰਘੁਰਾਈ ਤਬ ਕੌਨ ਕੋਬਿਚਾਰੀਏ
। ਗਾਜ ਉਠੇ ਰਾਵਨ ਬਡੇਈ ਘਨ ਸਾਵਨ ਜਿਓਂ ਸਾਧੁ ਸਾਧੁ
ਕੁੰਭਕਾਨ ਪੌਰਖ ਨ ਹਾਰੀਏ। ਛੱਤ੍ਰ ਪਨ ਛਾਡੇ ਝੰਡ ਛੱਤ੍ਰਨ ਮੈਂ
ਛੂਤ ਲਾਗੈ, ਤੋਰੀਏ ਨ ਛੱਤ੍ਰ ਪੈ ਪਰੱਤ੍ਰ ਨ ਬਿਗਾਰੀਏ ॥ ੪੫॥

(ਕਵਿਉਵਾਰ)

ਕਬਿਤ-ਕੁੰਭਕਾਨ ਗਾਜੇ ਰਨ ਮਾਰੂ ਭਾਂਤਿ ਭਾਂਤਿ ਬਾਜੇ ਸਾਜੇ
ਜਬ ਸੂਰ ਲਾਜੇ ਦੇਵ ਬ੍ਰਹਮੰਡ ਕੇ। ਦਰਕੇ ਪਹਾਰ ਦਿਗ ਪਾਲ
ਸਰਕੇ ਸਰੋਖ ਮਾਨੋ ਪੁੰਜ ਬੀਜਰੀ ਹੀਂ ਕਰਕੇ ਪ੍ਰਚੰਡ ਕੇ। ਹੀਏ
ਕਪਿ ਤਰਕੇ ਫਰਕੇ ਨੈਣ ਦਾਹਨੇ ਉਗਾਹਨੇ ਚਢਿਓ ਹੈ ਜਮ
ਮਾਨੋ ਪਾਨ ਦੰਡ ਕੇ। ਜੁੱਧ ਕੋ ਸਮੁੰਦ੍ਰਗਿਰਮੰਦਰ ਬਿਲੋਵੇਮਾਨੋ
ਦੇਖਤ ਹੈਂ ਰਾਜਾ ਜੁਰ ਆਏ ਖੰਡ ਖੰਡ ਕੇ ॥ ੪੬ ॥

(ਕੁੰਭਕਾਨੋਵਾਰ)

ਕਬਿਤ-ਬੋਲਿਓ ਕੁੰਭਕਾਨ ਕਪਿ ਪੁੰਜ ਕਾਹੇ ਕਾਂਪਤਹੋਤੁਮਸੇਂ

ਲਰੇ ਤੇ ਬਡੀ ਲਾਜਮਰ ਜਾਈਏ । ਅਰੇ ਕੁਲ ਪਾਪੀ ਤੂੰ ਬਿਭੀ-
 ਖਨ ਡਰਾਹਿ ਜਿਨ ਭੀਰ ਪਰੇ ਛਾਡ ਸੰਗ ਪ੍ਰਾਨ ਨ ਬਚਾਈਏ ।
 ਲਛਮਨ ਤੁਹੀ ਪੱਛ ਮਨੋ ਹੋਹੁ ਹਾਸੀ ਨਹੀ ਬਲ ਕੋ ਬਿਲਾਸ ਹੈ
 ਤੇ ਔਰ ਕੋ ਜਨਾਈਏ । ਸ਼ਿਵ ਕੀ ਦੁਹਾਈ ਕਿਓਂ ਮਰਤਹੋ ਬਿ-
 ਨਾ ਹੀ ਆਈ ਕੋ ਹੈ ਰਘੁਰਾਈ ਭਾਈ ਤਾਂਹੀ ਕੋ ਬਤਾਈਏ ॥੪੭॥
 ਕਬਿਤ-ਜੋ ਲੋ ਰਣ ਸੂਰਮਾ ਨ ਪੱਧੈ ਕੋਊ ਔਰ ਤੋਲੋ ਭਲੋ
 ਅਨਹੋਤ ਕੋ ਕਛੂਕ ਰਘੁਰਾਈ ਹੈ । ਮੋਕੇ ਦੇਵ ਜਾਨਤ ਹੈਂ ਜਾਨੋਂ
 ਕਿ ਨ ਜਾਨੋਂ ਮੂਢ ਤੁਮਸੋਂ ਲਰੇਤੇ ਮੇਰੀ ਕੌਨ ਸੀ ਬਡਾਈ ਹੈ ॥
 ਜੈਸੇ ਬਡੇ ਮੇਘ ਬਿਨ ਬਾਰਧ ਕੋ ਪਾਇ ਜਲ ਪੀਛੇ ਛੋਟੀ ਗਾਗਰੀ
 ਤੇ ਪ੍ਰਯਾਸ ਨ ਬੁਝਾਈ ਹੈ ॥ ਔਰ ਜੈਸੇ ਕੇਹਰ ਪਛਾਰ ਪੁੰਜ ਕੁੰਜਰ
 ਕੋ ਪਾਛੇ ਲੱਛ ਮੱਛਰ ਕੋ ਭੋਂਹ ਨ ਚਵਾਈ ਹੈ ॥ ੪੮ ॥

(ਕਵਿਉਵਾਰ)

ਕਬਿਤ-ਏਕ ਕਪਿ ਭਾਗੇ ਜਾਇ ਲਾਗੇ ਹਨੂਮਾਨ ਪੀਠ ਏਕ
 ਆਨ ਲਾਗੇ ਰਘੁਨਾਥ ਕੇ ਚਰਨ ਕੋ ॥ ਏਕ ਕਹੈਂ ਜਾਨਤ ਹੈਂ
 ਏਈ ਦਿਨ ਬੂਝੇ ਇਨ ਤੇਈ ਆਏ ਚਲੇ ਘਰ ਜਮ ਕੇ ਭਰਨ
 ਕੋ ॥ ਏਕ ਕਹੈਂ ਯਾਕੇ ਨੈਕ ਡਾਂਟੇ ਹੀਯੇ ਫਾਟੇ ਜਾਤ ਆਜ ਕੌਨ
 ਸੂਰ ਹੋਇ ਇਨ ਸੋਂ ਲਰਨ ਕੋ ॥ ਏਕ ਕਹੈਂ ਰਾਮ ਲਛਮਨ
 ਸੀਤਾ ਜੀਤ ਲੈਹੈਂ ਮਾਰੇ ਜਾਹੇ ਤੁਮਹੀ ਜੋ ਆਏ ਹੋ ਮਰਨ ਕੋ
 ॥ ੪੯ ॥

ਕਬਿਤ-ਰਾਮ ਮੁਸਕਾਨੇ ਦੇਖ ਕੇਊਕ ਪਿਰਾਨੇ ਕਪਿ, ਲਛਮਨ
 ਬੋਲੇ ਬੋਲ ਆਪਨੇ ਸੁਭਾਇ ਸੋਂ ॥ ਤਾਹੀ ਸਮੇ ਹਨੂਮਾਨ ਆਇਕੈ
 ਨਿਵਾਇ ਮਾਥ ਨਾਥ ਜੇ ਕਹੋ ਤੋ ਮਾਰੋ ਏਕਹੀ ਉਪਾਇ ਸੋਂ ॥ ਅੰ-
 ਗਦ ਅਨੰਤ ਬਲ ਨੀਲ ਨਲ ਜਾਮਵੰਤ ਸਬੈ ਕੋ ਪਭਰੇ ਮਾਰ ਬੇ
 ਕੋ ਚਿਤ ਚਾਇ ਸੋਂ ॥ ਤੋਲੋ ਨਿਜਕਾਇ ਆਇ ਗਦਾਕੋ ਉਠਾ-
 ਇ ਉਚੇ ਕੁੰਭਕਾਨ ਬੋਲਯੋ ਗੁਰਗਾਇ ਰਘੁਗਾਇ ਸੋਂ ॥ ੫੦ ॥

[ਕੁੰਭਕਾਨੇਵਾਰ]

ਕਬਿਤ-ਤਾਰਕਾ ਨ ਤਾਲ ਰਿਖਿ ਬਾਮਨ ਪਰਸਰਾਮ, ਸੇਤ ਨ

ਸਮੁੰਦ੍ਰ ਕੋ ਨ ਛੁਦ੍ਰ ਬੰਸ ਹੀਨ ਮੈਂ ॥ ਲੰਕ ਔਮਰੀਚ ਨਾਹੀ ਬਾਲ
ਕਪਿ ਨੀਚ ਨਾਹੀਂ ਤਿਸਨਾ ਸੁਬਾਹੁ ਖਰ ਦੁਖਨ ਮਲੀਨ ਮੈਂ ॥
ਰੁੰਦ੍ਰ ਕੋ ਪਿਨਾਕ ਨਾਹੀਂ ਇੰਦ੍ਰ ਸੁਤ ਕਾਕ ਨਾਹੀਂ ਸੁਪਨ ਖਾਨਾਕ
ਨਾਹੀਂ ਕੀਨੇ ਦੇਵਦੀਨ ਮੈ ॥ ਕੁੰਭਕਾਨ ਨਾਮ ਕਹਾ ਪਯੋ ਮੋਤੇ
ਜਾਨ ਰਾਮ ਏਜੁ ਤੁਮ ਮਾਰੇ ਹੈਂ ਨ ਤੇਰਹ ਮੈਂ ਨ ਤੀਨ ਮੈਂ ॥ ੫੧ ॥

(ਕਵਿਉਵਾਰ)

ਦੋਹਰਾ—ਜੋ ਰਘੁਪਤਿ ਚਰਨਨ ਬਿਮੁਖ ਤੇ ਐਸੇ ਗਰਬਾਰ ॥
ਨਿਜ ਅਪਰਾਧ ਨ ਸਮਝਈ ਪ੍ਰਭੁ ਸਿਉਂ ਮਾਝੈਂ ਰਾਰ ॥ ੫੨ ॥
ਸੋਰਠਾ—ਤਬ ਬੋਲਯੋ ਹਨੁਮਾਨੁ ਕਹ ਗਿਨਤੀ ਸਾਚੀ ਕਹੀ ॥
ਇਨ ਤੋ ਕੀਯੋ ਸਯਾਨ ਹਮਹਿ ਸਗੁਨ ਹੈ ਸੋ ਗੁਨੋ ॥ ੫੩ ॥
ਕਬਿਤ—ਗਦਾ ਗਹਿ ਧਾਯੋ ਕਪਿ ਮੰਡਲ ਭਜਾਯੋ ਤਿਨ ਜੈਸੇ
ਚਲੇ ਬਾਉ ਪੁੰਜ ਬਾਦਰ ਉਡਾਏ ਹੈਂ ॥ ਏਕ ਹੀ ਚਪੇਟ ਜਮ ਦੂ-
ਤਨ ਕੇ ਭਰੇ ਪੇਟ ਜੀਵਤ ਲਪੇਟ ਸਬ ਜੇਲ ਕੈ ਚਲਾਏ ਹੈਂ ॥
ਬਡੇ ਬਡੇ ਸੂਰਨ ਕੋ ਬਡੇਈ ਲਗਾਏ ਹਾਥ ਦੇਖ ਰਘੁਨਾਥ ਬਲ
ਰੀਝ ਮੁਸਕਾਏ ਹੈਂ ॥ ਏਕ ਦਬ ਰਹੇ ਗਹੇ ਰਾਮ ਪਾਇ ਏਕਨ
ਅਨੇਕਨ ਕੇ ਪ੍ਰਾਨ ਕੁੰਭਕਾਨ ਲੈ ਸਿਧਾਏ ਹੈਂ ॥ ੫੪ ॥
ਕਬਿਤ—ਬਹੁਰੋ ਤਿਸੁਲ ਲੈਕੈ ਧਾਯੋ ਹੈ ਲੰਗੂਰ ਹੇਰ ਯਾਕੀ ਦੇਖ
ਸੂਰਤ ਪਿਨਾਕੀ ਰੀਝ ਗਾਯੋ ਹੈ ॥ ਤਾਂਕੋ ਤੇਜ ਦੇਖੇ ਦੁਰੇ ਰਵਿ
ਕੋ ਮਜੇਜ ਰਾਮ ਦੋਰ ਤਿਨ ਤਾਕ ਕਪਿ ਰਾਜ ਕੋ ਚਲਾਯੋ ਹੈ ॥
ਤਾਂਹੀ ਛਿਨ ਰਾਮਚੰਦ੍ਰ ਬਾਨ ਲੈ ਕਮਾਨ ਮੁਖ ਤੱਛਕ ਕੋ ਗਰੜ
ਪ੍ਰਤੱਛ ਕੈ ਪਠਾਯੋ ਹੈ ॥ ਲਾਗਨ ਨ ਦੀਨੋ ਟੂਕ ਟੂਕ ਮਾਰ
ਕੀਨੋ ਜੈਸੇ ਦੀਪ ਕੋ ਪ੍ਰਤਾਪ ਏਕ ਫੂਕ ਹੀ ਬੁਝਾਯੋ ਹੈ ॥ ੫੫ ॥
ਕਬਿਤ—ਤੀਸਰੋ ਉਠਾਇਕੈ ਫਿਰਾਇ ਮੁਗਦਰ ਧਾਯੋ ਆਯੋ
ਨਲ ਨੀਲ ਫਿਗ ਬੋਲ ਡਰ ਪਾਏ ਹੈਂ ॥ ਫੂਤਕਾਰ ਹੀ ਸੋਂ ਪਕੇ
ਤੂਤ ਸੇ ਗਿਰਾਏ ਕਪਿ ਬੰਸ ਕੇ ਸਪੂਤ ਮਾਨੋ ਦਾਰਿਦ ਉਡਾਏ
ਹੈਂ ॥ ਰੌਂਦੇ ਏਕ ਪਾਇਨ ਸੋਂ ਮਾਰੇਚਿਤ ਚਾਇਨ ਸੋਂ ਕੀਨੇ ਬਹੁ-
ਘਾਇਨ ਸੋਂ ਚਾਮਕੇ ਚਲਾਏ ਹੈਂ ਤੋਲੋ ਹਨੁਮਾਨ ਆਇ ਹਾਥ

ਤੇ ਛਡਾਇ ਲੀਨੋ ਤਾਂਕੋ ਮਾਰਬੇ ਕੇ ਕਪਿ ਔਰਹੀਂ ਬੁਲਾਏ
ਹੈਂ ॥ ੫੬ ॥

ਕਬਿੱਤ-ਅੰਗਦ ਸੁਜਾਨ ਕਹਯੋ ਕਹਾਂ ਪਾਵੈ ਜਾਨ ਅਬ ਪੌਰਖ
ਪ੍ਰਮਾਨ ਦੇਖਿ ਮਾਰ ਮਾਰ ਗਯੋ ਹੈ ॥ ਨੀਲ ਨਲ ਲਾਗੇ ਭੁਜ
ਜਾਮਵੰਤ ਤੋਰੀ ਧੁਜ ਬਾਲਿ ਸੁਤ ਬਹੁਰੇ ਗਿਰਾਇ ਭੂਮਿ ਦਯੋ
ਹੈ ॥ ਕੋਊ ਮਾਰੇ ਬਾਨ ਕੋਊ ਚੋਖੈਂ ਨਾਕ ਕਾਨ ਤਾਂਕੋ ਪ੍ਰਾਨ ਕੌਨ
ਕਾਢੈ ਕੋਊ ਰਾਮ ਬਿਨ ਭਯੋ ਹੈ । ਫੂਲੇ ਕਿਲਕਾਰੀ ਚਢ ਬੈਠੇ-
ਗਿਰਭਾਰੀ ਮਾਨੋ ਵਹੈਸੋਇ ਗਯੋ ਐਸੇ ਬਾਟ ਸੁਖ ਪਯੋ ਹੈ ॥ ੫੭ ॥

ਕਬਿੱਤ-ਰਾਮਚੰਦ ਜਾਨੀ ਕਪਿ ਮੰਡਲਨ ਗਜਾਨੀ ਯਾਂਕੋ ਨੈਕਹੂੰ
ਸੰਭਾਰੇ ਕਥਾ ਬਡੀ ਬਿਪਰੀਤ ਕੀ ॥ ਮਾਰਬੇ ਕੇ ਸਮੋਂਹਮ ਪਾਯੋ
ਹੈ ਗਿਰਾਯੋ ਰਿਪੁ ਅਬ ਜੋ ਨ ਮਾਰਹੋਂ ਤੋ ਹਮਹੂੰ ਅਨੀਤ ਕੀ
॥ ਏਕ ਬਾਨ ਤਾਨ ਕੈ ਲਗਾਯੋ ਹੀਏਤਾਤ ਕਾਲ ਭੇਦਕੈ ਪਤਾ-
ਲ ਜਾਇ ਕਹੀ ਬਾਤ ਜੀਤ ਕੀ ॥ ਦੂਸਰੇ ਕਪਾਲ ਲੈ ਸਿਧਾਰਯੋ
ਸੁਰਲੋਕ ਮਾਂਹਿ ਐਸੇ ਰਿਪੁ ਮਾਰਿ ਸੈਨਾ ਆਪਨੀ ਨਚੀਤਕੀ
॥ ੫੮ ॥

ਕਬਿੱਤ-ਹਾਹਾ ਕਾਰ ਭਯੋ ਭਾਗ ਰਾਵਨ ਕੋ ਗਯੋ ਸਭ, ਪਾਛੇ
ਹਨੁਮਾਨ ਲੈ ਪਹਾਰ ਸੋ ਉਡਾਯੋ ਹੈ ॥ ਹਾਲ ਚਾਲ ਪਰੀ ਨ ਸ-
ਭਾਲ ਰਹੀ ਕਾਹੂੰ ਤਨ, ਮਾਨੋ ਪ੍ਰਲੈ ਕਾਲ ਕੋ ਬਘੂਲਾ ਬਡੋ ਆਯੋ
ਹੈ ॥ ਏਕ ਸੰਗ ਚਲੇ ਏਕ ਆਪਸ ਮੈਂ ਦਲੇ ਕਪਿ, ਏਕ ਗਿਰੇ ਪਾਤ
ਸੇ ਸੰਭਾਰੇ ਸੁਖ ਪਾਯੋ ਹੈ ॥ ਉਚੇ ਨਭ ਹੇਰ ਹੇਰ ਦੇਵਨ ਸੋਂ ਟੇਰ
ਟੇਰ, ਬੇਰਿ ਬੇਰਿ ਲਛਮਨ ਬੋਲ ਯੋਂ ਸੁਨਾਯੋ ਹੈ ॥ ੫੯ ॥

[ਲੱਖਮਨੋ ਵਾਚ]

ਛਪਯ-ਤਜਹੁ ਸ਼ੋਕ ਸਭ ਅਮਰ ਲੋਕ, ਰਹੀ ਅਹੁਦਿ ਦ੍ਰੜ ਆਸਨ
॥ ਪ੍ਰਭੂ ਦਿਨ ਮਣਿ ਮਗ ਤਜਹੁ, ਨੈਕ ਟਰਰਹੁ ਕਮਲਾਸਨ ॥
ਬਿਗਤਿ ਧਯਾਨ ਲੋਚਨ ਪਸਾਰ, ਤ੍ਰਿਪੁਰਾਰਿ ਨਿਹਾਰਹੁ ॥
ਉਡਗਨ ਬਰਨ ਸਮੀਰ ਧੀਰ, ਜਿਨ ਤਜਹੁ ਸੰਭਾਰਹੁ ॥ ਸੁਰ-
ਲੋਕ ਆਜ ਮੰਗਲ ਕਰਹੁ, ਕੁੰਭਕਾਨ ਬਧ ਪਲ ਉਠਗ ॥ ਰਘੁ-

ਪਤਿ ਪ੍ਰਚੰਡ ਭੁਜ ਦੰਡ ਲਗ, ਪਰਸਖੰਡ ਧਰ ਪਰ ਲੁਠਗ
॥ ੬੦ ॥

ਕਬਿੱਤ—ਪਰਜੇ ਜਬਗਾਤ ਭਯੋ ਬਡੋਈ ਅਘਾਤ ਮਾਨੋ, ਪਰਜੇ
ਬੰਜੂ ਪਾਤ ਢਿਗ ਆਏ ਰਘੁਰਾਇ ਹੈਂ ॥ ਕਹਜੇ ਮੁਸਕਾਇ ਯਹ
ਬਡੋਈ ਅਕਾਇ ਮਾਨੋ, ਯਾਂਕੋ ਮਾਸ ਗੀਧ ਮਾਸ ਬੀਸ ਤੀਸ
ਖਾਇ ਹੈਂ ॥ ਬੋਲੇ ਹਨੂਮਾਨ ਰਾਮ ਜਾਨਜੇ ਹੀ ਨ ਜਾਇ ਕਹਾਂ
ਹਾਥ, ਕਹਾਂਪਾਇ ਯਾਂਕੋਕਹਾਂ ਲਗੇ ਘਾਇ ਹੈਂ ॥ ਦੁਪਰ ਕੇਅੰਤ
ਏਕ ਭੀਮ ਬਲਵੰਤ ਹੈ ਹੈ, ਸੋ ਤੋ ਯਾਂਕੀ ਕੋਪਰੀ ਮੈਂ ਬੂਡ ਬੂਡ
ਨੁਇ ਹੈਂ ॥ ੬੧ ॥

ਕਬਿੱਤ—ਬਡੀ ਜੀਤ ਭਈ ਰਨ ਹਰਖੇ ਸੁ ਦੇਵਗਨ, ਬਰਖੇ
ਸੁਮਨ ਸੂਰ ਪਰਖੇ ਲਰਨ ਕੇ। ਕਰਕੇ ਪ੍ਰਚੰਡ ਕਪਿ ਖਰਕੇ ਨ
ਲੰਕ ਭਟ, ਸਰਕੇ ਨਿਸੰਕ ਜੋਰ ਰਾਮਕੇ ਚਰਨ ਕੇ। ਕਹੀ
ਕਪਿ ਰਾਜ ਆਪ ਆਪਨੇ ਸਮਾਜ ਰਘੁਰਾਜ, ਕਾਜ ਕਰੇ ਦੁਖ
ਮੇਟੋਸੀ ਹਰਨ ਕੇ। ਥਾਨੇ ਥਾਨੇ ਹਨੂਮਾਨ ਅੰਗਦ ਸਜਾਨੇ ਰਹੇ,
ਜਾਨੇ ਨਿਜਕਾਨੇ ਦਿਨ ਰਾਵਨ ਮਰਨ ਕੇ ॥ ੬੨ ॥

(ਰਾਵਨੋਵਾਚ)

ਕਬਿੱਤ—ਰਾਵਨ ਨਿਹਾਰੇ ਕੁੰਭਕਾਨ ਤੋ ਪਛਾਰੇ ਰਨ, ਹਾਰੇ
ਕਪਿ ਜੁਥ ਤੇ ਸਿਧਾਰੇ ਦੇਵ ਲੋਕਕੇ। ਤਾਂਕੇ ਸੰਗ ਭਾਰੇ ਭਾਰੇ
ਸੂਰਜੇ ਹਮਾਰੇ ਤੇਊ, ਨੈਕ ਨ ਸੰਭਾਰੇ ਰਾਮਚੰਦਬਾਨ ਢੋਕ ਕੇ।
ਦਈ ਕੇ ਸਵਾਰੇ ਹਨੂਮਾਨ ਤਬ ਜਾਰੇ ਘਰ, ਆਪਨੇ ਤੇ ਆਂਚ
ਨ ਲਗਾਈ ਨਖ ਨੋਖ ਕੇ। ਤਾਂਕੇ ਜਾਇ ਮਾਰੈ ਕੋਊ ਕਾਮ ਕੇ
ਸਵਾਰੇ ਭਾਈ, ਤਾਹੀਂ ਦਿਨ ਭਲੇ ਬਿਦਾਦੇਊ ਮਨ ਸੋਕ ਕੇ ॥ ੬੩ ॥

ਕਬਿੱਤ—ਜਾਂਹੀ ਗੜ੍ਹ ਲੰਕ ਕੋ ਨਿਸੰਕ ਹੈ ਨ ਦੇਖੈਂ ਦੇਵ ਆ-
ਇਸ ਕੋ ਮਾਨ ਮਾਥੇ ਭੂਮਿ ਸਿਰ ਨਾਵਤੇ। ਸਾਤੋਂ ਪੌਰ ਬਾਹਰ
ਬਿਛੋਨਾ ਬਿਨ ਠਾਢੇ ਰਹੈਂ ਨਿਆਰੇ ਨਜਾਰੇ ਆਪਨੇ ਜੁਹਾਰ
ਪਹੁਚਾਵਤੇ। ਜਾਂਹੀ ਕੋ ਬੁਲਾਵਤੇ ਸੁ ਆਵਤੇ ਸੁਸੰਕ ਮਨ ਮੇਰੇ
ਬਿਨ ਕਹੇ ਢਿਗ ਬੈਠਨੇ ਨ ਪਾਵਤੇ। ਤਾਹੀਂ ਗਢ ਕੇ ਤੋ ਰੀਛ

ਬਾਨਰ ਲਪੇਟਤ ਹੈਂ ਸਭ ਦਿਨ ਏਕਸੇ ਨ ਪਾਏ ਮਨ ਭਾਵਤੇ
॥ ੬੪ ॥

ਕਬਿੱਤ-ਕੈ ਤੋ ਸੁਰਲੋਕ ਕੇ ਮੈਂ ਰੋਕ ਰੋਕ ਰਾਖੇ ਦੇਵ, ਰਾਜ ਕੇ
ਸਮਾਜ ਔਰ ਕਹਾਂ ਲੈ ਬਖਾਨੀਏਂ। ਕੰਚਨ ਕੇ ਦੇਸ ਮਨ ਰੰਚਕ
ਨ ਕਾਹੂ ਡਰ, ਮੇਰੇ ਤ੍ਰਾਸ ਸਹੀ ਦੇਸ ਦੇਸਨ ਮੈਂ ਮਾਨੀਏਂ।
ਸੋਈ ਮੇਰੇ ਜੀਵਤ ਨਿਸੰਕ ਹੈ ਲੰਗੂਰ ਰੀਛ, ਬੀਚ ਲੰਕ ਧਸੇ
ਔਰ ਆਗੇ ਕਹਾ ਜਾਨੀਏਂ। ਜਾਨਕੀ ਕੋ ਕੋਪ ਹੈ ਕਿ ਭਾਗ
ਹੀ ਕੋ ਲੋਪ ਹੈ, ਕਿ ਮੇ ਕੋ ਸਿਵ ਲੋਕ ਹੈ ਸੁ ਕੈਸੇ ਪਹਿਚਾਨੀ
ਏਂ ॥ ੬੫ ॥

(ਕਵੀਉਵਾਰ)

ਦੋਹਰਾ-ਰਾਮ ਬਿਮੁਖ ਤਹ ਬੁਰੀ ਮਤਿ, ਪਹਿਲੇ ਹੀ ਹਰਿਲੇਤ
। ਬੁਰਾ ਹੋਤ ਸਮਝੈ ਨਹੀਂ ਭਲੇ ਦਿਖਾਈ ਦੇਤ ॥ ੬੬ ॥

ਸੋਰਠਾ-ਰਾਮ ਗੀਤ ਮਨ ਲਾਇ, ਜੇ ਸੁਨਹੈਂ ਕਵਿਰਾਮ ਕਹਿ।
ਤਿਨਕੇ ਦੁਖ ਰਘੁਰਾਇ, ਕੁੰਭਕਾਨ ਜਿਉਂ ਮਾਰਹੈਂ ॥ ੬੭ ॥

ਸੋਰਠਾ-ਜੇ ਜਗ ਨਿੰਦਕ ਲੋਕ, ਗਵਨ ਰਾਮ ਨ ਸਮਝਹੀ।
ਯਹਿ ਰਸ ਤਿਨਹਿ ਨ ਜੋਗ, ਔਰ ਕਹੈ ਰਸ ਹਾਨਿਹੈ ॥ ੬੮ ॥

ਸੋਰਠਾ-ਮੇਘਨਾਥ ਅਬ ਜਾਇ, ਰਨ ਛਿਤ ਜੁੱਧ ਮਚਾਇਹੈ।
ਸਿਰ ਐਹੈ ਉਤਰਾਇ ਆਗੇ ਕਥਾ ਸੁ ਹੋਇਗੀ ॥ ੬੯ ॥

ਇਤਿ ਸ੍ਰੀ ਰਾਮਗੀਤੇ ਕੁੰਭਕਾਨ ਬਧ
ਏਕਾਦਸੇ ਅੰਕ ਸਮਾਪਤਾ ॥ ੧੧ ॥

ਅਥ ਦ੍ਵਾਦਸੇ ਅੰਕ ਲਿਖਤ

(ਕਵੀਉਵਾਰ)

ਸੋਰਠਾ-ਗਵਨ ਕ੍ਰੋਧ ਪ੍ਰਚੰਡ ਮਨਹੁ ਅਗਨਿ ਘ੍ਰਿਤ ਪਰਸਿਓ ॥
ਪਟਕਬੀਸ ਭੁਜ ਦੰਡ ਮੇਘਨਾਥ ਬੇਲਯੋ ਨਿਕਟਿ ॥ ੧ ॥

[ਰਾਵਨੋਵਾਚ]

ਸੋਰਠਾ—ਅਬਕਹੁ ਕਉਨ ਦੁਰਾਉ ਕੁੰਭਕਾਨ ਜੁਝੇ ਪ੍ਰਗਟ।
ਰਾਮ ਉਤਾਰਜੇ ਚਾਉ ਇੰਦ੍ਰਜੀਤ ਕੇ ਜੀਵਤੇ ॥ ੨ ॥

ਕਬਿੱਤ—ਕੁੰਭਕਾਨ ਮਾਰੇ ਸੂਰ ਬਹੁਤੇ ਪਛਾਰੇ ਅਬ ਜਾਨਤ ਹ-
ਮਾਰੇ ਪੱਛ ਹੈ ਨ ਰੁਦ੍ਰ ਦਾਹਨੇ। ਹਾਰੇ ਸਭ ਰਾਕਸ ਨਟਾਰੇ
ਝੁੰਡ ਬਾਨਰ ਕੇ ਭਾਗੇ ਸੁਖ ਭਾਰੇ ਦੁਖ ਪਰੇ ਹੈਂ ਸਰਾਹਨੇ। ਸੰਕ
ਬਿਨ ਲੰਕ ਕੇ ਕਿੰਗੂਰਨ ਬਿਦਾਰੇ ਅਬ ਕਾਇਰ ਜਜੋਂ ਦੇਤ
ਮੋਹਿ ਘਰ ਮੈਂ ਉਰਾਹਨੇ। ਸੁਨੋ ਪੂਤ ਮੀਤ ਭਾਂਤਿ ਭਾਂਤਿ ਬਿਪ
ਰੀਤ ਰਾਮਚੰਦ ਕੀ ਅਨੀਤ ਤੇ ਨਚੀਤ ਮਨ ਨਾਹਿਨੇ ॥ ੩ ॥

ਕਬਿੱਤ—ਆਜ ਰਾਜਧਾਨੀ ਕੀ ਬਿਕਾਨੀ ਹੈ ਬਿਭੂਤ ਸੁਨ ਪੂਤ
ਮੇਘਨਾਦ ਤੈ ਨ ਨੈਕ ਜੀਅ ਆਨੀ ਹੈ। ਕੁੰਭਕਾਨ ਜੁਝੇ ਦਿਨ
ਤਬਹੀ ਤੇ ਬੁਝੇ ਔਰ ਆਗੇ ਕੇ ਬਨਾਉ ਕੀ ਨ ਬਾਤ ਕਾਹੂ
ਜਾਨੀ ਹੈ। ਯਹੈ ਹਮ ਮਾਨੀ ਤਉ ਜਾਨਕੀ ਬਿਰਾਨੀ ਹੋਤ ਬੀ-
ਜੁਰੀ ਤਰਾਨੀ ਮਾਨੋ ਐਸੀ ਬੋਲੈ ਬਾਨੀ ਹੈ। ਜਾਂਕੇ ਹਰ ਆਨੀ
ਰਹੀ ਭੋਗ ਕੀ ਕਹਾਨੀ ਸੁਨ ਭਈ ਸੀਅ ਰਾਨੀ ਮੇਰੀ ਆਉ
ਸੀਅ ਰਾਨੀ ਹੈ ॥ ੪ ॥

(ਮੇਘਨਾਦੋਵਾਚ)

ਕਬਿੱਤ—ਬੋਲਿਓ ਮੇਘਨਾਦ ਰਾਜਾ ਕਾਹੇ ਕੇ ਬਿਖਾਦ ਕਰੈਂ
ਕਹਾ ਭਯੋ ਜੋਪੈ ਰਨ ਕੁੰਭਕਾਨ ਹਾਰਿਓ ਹੈ। ਰਾਮਚੰਦ ਕੀਨੋ
ਛਲ ਔਰ ਨ ਪੁਜਾਯੋ ਬਲ ਗਯੋ ਦਲ ਭਾਜ ਗਹਿ ਏਕਲੋ
ਪਛਾਰਜੇ ਹੈ। ਭੂਮੈ ਸੇਜ ਭਈ ਤਬ ਨੀਂਦੋ ਆਇ ਗਈ ਹੈ ਹੈ
ਦੋਸ ਕਉਨ ਦੀਜੈ ਉਨ ਪਾਯੋ ਸੁਖ ਭਾਰਿਯੋ ਹੈ। ਕੈਸੀ ਅਬ
ਹਾਸੀ ਕੌਨ ਕਾਜ ਰਹੇਬਾਸੀ ਰਨ ਉਂਘ ਕੀ ਉਸਾਸਨ ਮੈਂ ਫਾਸੀ
ਮੇਲ ਮਾਰਜੇ ਹੈ ॥ ੫ ॥

ਕਬਿੱਤ—ਦੀਜੈ ਮੋਹਿ ਪਾਨ ਅਬ ਕਹਾਂ ਕੋਉ ਪਾਵੈ ਜਾਨ ਜੁੱਧ
ਕੇ ਨਿਵਾਨ ਮੈ ਨਮੇਰੀ ਬਾਤ ਦੁਰੀ ਹੈ। ਤੁਮਹੂੰ ਤੇ ਜਾਨਤ ਕਿ
ਜੀਮੈ ਸੰਕ ਆਨਤ ਹੋ ਜੀਤਜੇ ਸੁਰਰਾਜ ਐਸੀ ਤਾਕੀ ਪਤਿ

ਬੁਰੀ ਹੈ। ਬੈਰਨ ਕੇ ਮਾਰਬੇ ਕੇ ਐਸੀ ਖਗ ਧਾਰ ਜੈਸੇ ਪਾਪਨ
ਕੇ ਕਾਟਬੇ ਕੇ ਕਾਂਸੀ ਸ਼ਿਵ ਪੁਰੀ ਹੈ। ਜੀਜੈ ਤੋਲੈ ਰਾਜ ਕੀਜੈ
ਰਣ ਕੇ ਨ ਪੀਠ ਦੀਜੈ ਲੋਕ ਪਰਲੋਕ ਰਾਖਬੇ ਕੀ ਬਾਤ ਜੁਰੀ
ਹੈ ॥ ੬ ॥

(ਕਵੀਉਵਾਰ)

ਸਵੈਯਾ—ਪ੍ਰੇਮ ਸੇ ਨੈਨ ਵਹੈਂ ਜਸ ਗਾਵਤ ਨਾਰਤ ਸ੍ਰੇਧ ਚਲਿਓ
ਸਬ ਅੰਗਾ। ਕੈਰਨ ਮੈਂ ਗਹਿ ਖੱਗ ਭਲੀ ਬਿਧਿ ਲੋਹੁ ਸੋਂ
ਘਾਉ ਭਏ ਅਰਧੰਗਾ। ਏਦੋਉ ਪੂਤ ਜਨੇ ਜਨਨੀ ਜਗ ਔਰ
ਸਬੈ ਸੁਤ ਕੀਟ ਪਤੰਗਾ। ਜੱਗ ਕੋ ਠਾਕੁਰ ਜੱਗ ਕੋ ਜੀਵਨ ਸੇ
ਨਰ ਹੋਤ ਹੈ ਗੰਗ ਕੋ ਗੰਗਾ ॥ ੭ ॥

ਸਵੈਯਾ—ਆਨ ਪਰੀ ਇਹ ਭਾਂਤ ਕੀ ਗਾਢ ਗਯੋ ਰਨ ਮੈਂ ਸੇ
ਫਿਰਜੇ ਨਹਿ ਕੋਈ। ਰਾਵਨ ਕੇ ਜੀਅ ਤੇ ਨ ਭਈ ਸੁਨ, ਪੂਤ
ਸਬੈ ਅਬ ਹੋਵਤ ਸੋਈ। ਮਾਨਸ ਆਇ ਲਗੇ ਗਾਢ ਲੰਕਾਹਿ,
ਦੇਵਨ ਕੀ ਨ ਚਲਾਵਤ ਕੋਈ। ਬੀਚ ਮੰਦੋਦਰੀ ਬੋਲ ਉਠੀ
ਮੁਖ ਦੀਨ ਭਈ ਮਨ ਤੇ ਅਤਿ ਰੋਈ ॥ ੮ ॥

(ਮੰਦੋਦੀਉਵਾਰ)

ਕਬਿੱਤ—ਸ਼ਿਵਸੇ ਸਹਾਇਕ ਹੈਂ ਸਭੈ ਸੂਰ ਪਾਇਕ ਹੈਂ, ਨਾਰਦ
ਸੇ ਗਾਇਕ ਹੈਂ ਲਾਖ ਭਾਂਤਿ ਮਨੀ ਹੈ। ਕੈਰਨ ਕੋ ਦੇਸਹੋ ਨ
ਸੁਪਨੇ ਬਿਦੇਸ਼ ਹੋ, ਸੁਰੇਸ਼ ਅਲਕੇਸ਼ ਜੀਤਬੇ ਕੀ ਰਨ ਅਨੀ
ਹੈ। ਪੂਤ ਮੇਘਨਾਦ ਹੈ ਸੁ ਰਾਜ ਕੋ ਸੁਵਾਦ ਹੋ, ਨ ਜੀਅ ਮੈਂ
ਬਿਖਾਦ ਹੋ ਨ ਕੇਹੂੰ ਪਤਿ ਛਨੀ ਹੈ। ਜੋ ਤੋ ਸੀਅ ਕਬਹੂੰ ਚੁਗ-
ਵਤੇ ਨ ਕੰਤ ਤੋਤੋ, ਆਜ ਸਬ ਬਾਤ ਕੀ ਬਿਸਾਤ ਭਲੀ ਬਨੀ
ਹੈ ॥ ੯ ॥

(ਰਾਵਨਉਵਾਰ)

ਸਵੈਯਾ—ਕੌਨ ਸਮੇ ਇਨ ਬਾਤਨ ਕੋ ਰਨ ਰਾਮ ਦਹੈ ਘਰ ਮੈਂ
ਪਟਗਾਨੀ। ਰਾਮ ਕੇ ਹਾਥ ਮਰੈ ਦਸਕੰਧਰ ਤੈਂ ਯਹਿ ਬਾਤ ਸੁ
ਕਾਹੇ ਤੇ ਜਾਨੀ। ਔਰ ਕਦਾਂਚ ਬਨੈ ਇਹ ਭਾਂਤਿ ਤੋ ਆਜ ਬਨੈ
ਕਹੁ ਕੌਨ ਸੀ ਹਾਨੀ। ਦੇਹਿਛੁਟੀ ਪੈ ਨ ਸੀਅ ਛੁਟੀ ਚਲਿ ਹੈ

ਜਗ ਮੈ ਜੁਗ ਚਾਰ ਕਹਾਨੀ ॥ ੧੦ ॥

(ਕਵਿਉਵਾਰ)

ਸੋਰਠਾ—ਜਜੇਂ ਸਹੰਸ੍ ਤਪੁ ਭਾਨੁ, ਕੋਧ ਪ੍ਰਗਟ ਰਾਵਨ ਕੀਓ ।
ਦੀਏ ਪੂਤ ਕੇ ਪਾਨ, ਇੰਦ੍ਰਜੀਤ ਜੀਤੈ ਬਨੈ ॥ ੧੧ ॥

ਕਬਿਤ—ਰਾਮ ਤੇ ਨ ਡਰੇ ਸਭ ਦੌਰ ਅਰਗਾਇ ਪਰੇ, ਮੇਘਨਾ-
ਦ ਚਢੇ ਰਥ ਲੋਹ ਜੁਰੇ ਪੇਖੀਏ । ਸ੍ਰੇਣਤ ਸੇਂ ਭਰੇ ਤਉ ਠੌਰਤੇ
ਨ ਟਰੇ, ਹਥਿਆਰ ਭੂਟ ਪਰੇ ਤੇ ਕਹਾ ਲੋ ਲਖ ਲੇਖੀਏ ।
ਬਾਨ ਮੁਖ ਧਰੇ ਲੈ ਕਮਾਨ ਕਰ ਕਰੇ ਪੈ ਨ ਰਾਮੈ ਅਨੁਸਰੇ
ਬਲ ਮੈਂ ਭਲੇ ਬਿਸੇਖੀਏ । ਖਾਲੀ ਕੀਨੇ ਤਰਕਸ਼ ਭਰੇ ਭਰੇ
ਭਰੇ ਭਟ ਲਰੇ ਲਰੇ ਲਰੇ ਪਟ ਮਰੇ ਮਰੇ ਦੇਖੀਏ ॥ ੧੨ ॥

ਕਬਿਤ—ਬਡੇਈ ਬਨੈਤ ਸੂਰ ਸਬੈ ਪਖਰੈਤ ਜੈਤਵਾਰ ਠੌਰ
ਠੌਰਨ ਕੇ ਬਡੇ ਬਡੇ ਡੀਲੇ ਹੈਂ । ਜੁੱਧ ਕੇ ਅਡੋਲ ਸ੍ਰਾਮਿ ਕਾਰਜੀ
ਅਮੋਲ ਗੋਲ ਤੈ ਨਿਕਸ ਲਰੈਂ ਤਾਂਤੇ ਕੀਮਤ ਭਲੀ ਲਰੈਂ ।
ਕਾਲ ਕੋ ਬਨਾਉ ਲੰਕ ਰਾਉ ਕੋ ਨ ਦਾਉ ਪਰੈ ਜੀਤਨ ਕੇ ਚਾਉ
ਕਹੂੰ ਜੱਦਪਿ ਸੁਸੀਲ ਹੈਂ । ਰਾਮ ਕਵਿ ਆਜ ਕਾਲ ਰਾਵਨ ਕੇ
ਲੋਗਨ ਕੇ ਕੋਪ ਹੂੰ ਕੀ ਢੀਲ ਪਰਲੋਕ ਕੀ ਨ ਢੀਲ ਹੈ ॥ ੧੩ ॥

ਸਵੈਯਾ—ਮਘਵਾਜਿਤ ਕੋ ਸਭ ਸੀਸ ਨਿਵਾਇ ਧਸੇ ਰਨ ਮੈਂ
ਹਥਿਆਰ ਉਘਾਰੇ । ਆਇ ਨਿਦਾਨ ਕੀ ਬਾਤ ਬਨੀ ਕਹਿ ਕੈ
ਇਹ ਭ੍ਰਾਂਤਿ ਬਜਾਇ ਨਗਾਰੇ । ਰੋਸ ਭਰੇ ਸਮਝੇ ਨ ਪਰੇ
ਗਹਿ ਬਾਨਰ ਕੋਟਨ ਕੋਟ ਸੰਘਾਰੇ । ਰਾਮ ਕੇ ਕੋਪ ਨ ਓਪ
ਰਹੀ ਫਿਰ ਅੰਤਕੋ ਅੰਤਕੇ ਧਾਮ ਸਿਧਾਰੇ ॥ ੧੪ ॥

ਸੋਰਠਾ—ਮਚਯੋ ਜੁੱਧ ਇੰਨ ਰੈਨ ਦੁਹੂੰ ਓਰਮਾਰੂ ਬਜਯੋ । ਮਾਯਾ
ਰਥ ਚੜ੍ਹ ਗੈਨ ਮੇਘਨਾਦ ਬੋਲਯੋ ਤਬਹਿ ॥ ੧੫ ॥

(ਮੇਘਨਾਦਉਵਾਰ)

ਕਬਿਤ—ਤੋਰਯੋ ਜਿਨ ਧਨੁਖ ਪਿਨਾਕੀਕੋ ਮਹਾਂ ਪ੍ਰਬਲ ਜਾਂਕੀ
ਬਲ ਦੇਖ ਭ੍ਰਿਗ ਨੰਦਕੀਨ ਮੋਨੈ ਹੈ । ਤਾਰਕਾ ਕੇ ਮਾਰਿ ਬਾਲੀ
ਬਲਸੇਂ ਪਛਾਰਯੋ ਜਿਨ, ਜਾਂਕੋ ਹਨੁਮਾਨ ਭਲੀ ਭਾਂਤ ਖਾਯੋ

ਲੈਨ ਹੈ। ਆਪਹੀਂ ਤੇ ਜਾਂਕੇ ਸਭ ਸੇਵਕ ਹੋ ਗਏ ਕਪਿ ਜਾਂਕੇ
ਡਰ ਸਿੰਧੂ ਕੇ ਸ਼ਾਸ ਮੈਂ ਨ ਪੈਨ ਹੈ। ਮੇਘਨਾਦ ਰਬਕ ਭਬਕ
ਕਹਜੇ ਸਭਾਬੀਚ ਕਹੇ ਕਹੇ ਸੀਤਾ ਪਤਿ ਰਾਮਚੰਦ ਕੌਨ ਹੈ॥੧੬

(ਰਾਮਚੰਦ ਕੀ ਸੈਨਾਓਵਾਰ)

ਕਬਿਤ-ਬੋਲੇ ਸਭਸੂਰ ਐਸੇ ਕੂਰ ਹੂੰ ਨ ਬੂਝੈ ਕੋਊ, ਅਰੇ ਮੇਘ-
ਨਾਦ ਆਜ ਐਸੇ ਇਤਰਾਤ ਹੈ। ਜੈਸੇ ਜੇਠ ਮਾਸ ਕੀ ਦੁਪ-
ਹਿਰੀ ਮੈਂ ਜਰੈਂ ਪਾਉਂ ਸੂਰਜ ਬਤਯੈ ਕੋਊ ਐਸੇ ਬਚਰਾਤ ਹੈ।
ਪਾਛੇ ਲਛਮਨ ਆਗੇ ਅੰਗਦ ਸੇਂ ਕਪਿ ਰਾਉ ਨੀਲਿ ਨਲ
ਪਾਂਇ ਤਰ ਅੰਜਨੀ ਕੇ ਤਾਤ ਹੈ। ਬੀਚ ਰਘੁਰਾਇ ਤਾਂਕੇ ਬਲਿ
ਜਾਇ ਰਾਮ ਕਵਿ ਜਾਂਹੀ ਕੋ ਨ ਸੁਝੇ ਤਾਂਕੇ ਆਜ ਕਾਲ ਪਾਤ
ਹੈ ॥ ੧੭ ॥

(ਇੰਦ੍ਰਜੀਤੋਵਾਰ)

ਕਬਿਤ-ਸੁਨ ਰੇ ਸੁਗ੍ਰੀਵ ਗ੍ਰੀਵ ਨੀਚੇ ਕੈ ਨਿਹਾਰ ਰਾਜ ਆ-
ਪਨੋ ਨ ਰਾਖਯੋ ਤੋਂ ਤੇ ਕੌਨ ਭਾਂਤਿ ਡਰ ਹੋਂ। ਨਲ ਮੈ ਨ ਬਲ
ਕੋ ਬਿਲਾਸ ਕਹਾਂ ਬੂਝਤ ਹੋਂ ਨੀਲ ਸੇਂ ਲਰੇ ਤੇ ਟੀਕੇ ਨੀਲ ਕੋ
ਨ ਕਰ ਹੋਂ। ਹਨੂਮਾਨ ਹੂੰ ਮੈ ਕਹੇ ਕੌਨ ਸੇ ਗੁਮਾਨ ਸੁਨੋ ਜਾਮ-
ਵਾਨ ਅੰਗਦ ਕੇ ਪ੍ਰਾਨ ਹੋਂ ਨ ਹਰ ਹੋਂ। ਜੋਲੈ ਠਹਿਰਾਇ ਮੇਰੀ
ਮਾਰ ਤੇ ਨ ਭਾਗ ਜਾਇ ਤੋਲੈ ਕਛੂ ਲਰ ਹੋਂ ਤੇ ਰਾਮ ਹੀ ਸੇਂ
ਲਰ ਹੋਂ ॥ ੧੮ ॥

(ਕਵਿਉਵਾਰ)

ਦੋਹਰਾ-ਯੋਂ ਕਹਿਕੈ ਬਰਖਤ ਭਯੋ ਬਾਣ ਬੂੰਦ ਇਕ ਧਾਰ ।
ਊਚ ਨੀਚ ਕਾਇਰ ਸੁਭਟ ਸਭ ਕੀਨੇ ਇਕ ਸਾਰ ॥ ੧੯ ॥
ਸੋਰਠਾ-ਕਛੂ ਨ ਰਹੀ ਸੰਭਾਰ ਕਿਤੇ ਸੂਰ ਕਟ ਧਰ ਪਰੇ।
ਜਜੋਂ ਦਾਵਾ ਪਰਜਾਰ ਚਟਕਤ ਪਟਕਤ ਬਾਂਸ ਤਿਲ ॥ ੨੦ ॥
ਕਬਿਤ-ਜਾਂਹੀ ਕੋ ਪਚਾਰੈ ਤਾਂਹਿ ਪਹਿਲੇ ਹੀ ਮਾਰੈ ਆਜ
ਭਲੀ ਭਾਂਤ ਸਭਹੀ ਕੇ ਬਲ ਪਰਖਤ ਹੈ। ਕਹੀ ਰਘੁਬੀਰ
ਮੇਘਨਾਦ ਮੇਘਨਾਦ ਕਰ ਪਾਛੇ ਬਾਨ ਬੂੰਦ ਖਰੀ ਬਡੀ ਬਰ-
ਖਤ ਹੈ। ਜਾਨਤ ਹੋਂ ਆਜ ਰਨ ਰਹੈਗੋ ਨ ਕੋਊ ਕਪਿ, ਲਛ-

ਮਨ ਨੈਕਹੂੰ ਨ ਕੋਉ ਹਰਖਤ ਹੈ। ਹੈਂ ਕਹੈਂ ਨਿਵੇਟਕ ਸੁਧਾਂਕੀ
ਓਟ ਹੈਕੈ ਬੀਰ ਸਭ ਹੀ ਕੇ ਪ੍ਰਾਣ ਮਾਂਨੋਂ ਕਾਲ ਕਰਖਤ ਹੈ॥ ੨੧
ਦੋਹਰਾ—ਜਹਾਂ ਜਹਾਂ ਕਪਿ ਲਰਤਹੇ ਤਹਿ ਤਹਿ ਦੀਏ ਭਜਾਇ।
ਤੇ ਮਿਲ ਸ੍ਰੀ ਰਘੁਬੀਰ ਸੋਂ ਬੋਲਤ ਗਹਿ ਗਹਿ ਪਾਇ ॥ ੨੨॥

(ਬਾਨਰੋਵਾਰ)

ਕਬਿਤ—ਮੇਘਨਾਦ ਕੋਪਜੇ ਕਾਲ ਨਾਥ ਐਸੇ ਮੇਲਜੇ ਚਾਲ
ਜਾਂਕੇ ਬਲ ਆਗੇ ਸੂਰ ਕੌਨ ਸੇ ਸਰਾਹਨੇ। ਨੀਲ ਕੇ ਅਨੰਤ
ਘਾਉ ਢੀਲੇ ਮਨ ਕਪਿਰਾਉ ਆਜ ਪ੍ਰਾਨ ਕੀਨੋ ਸਬ ਬਾਨਰ
ਨਿਬਾਹਨੇ। ਏਤੇ ਪਰ ਰਾਵਨ ਸੋਂ ਸੀਲ ਤੁਮਰਾਖਤ ਹੋ ਭੋਹਨ
ਤਨਾਇ ਆਜ ਹੂਜੈ ਨੈਕੁ ਦਾਹਨੇ। ਕੀਜੈ ਨ ਵਲਾਉ ਚਲ
ਦੇਖੋ ਦਸ ਪਾਉ ਰਨ ਲੋਹੂ ਕੇ ਤਲਾਉ ਮੈ ਰਲਾਉ ਕਛੁ ਨਾਹਨੇ
॥ ੨੩ ॥

[ਕਵਿਉਵਾਰ]

ਕਬਿਤ—ਹਨੂਮਾਨ ਹੁੰਕੀ ਓਰ ਦੇਖ ਮੁਸਕਾਨੇ ਰਾਮ ਜਾਇ
ਸੁਧ ਲੇਹੁ ਸਬ ਬਾਨਰ ਦੁਖਾਰੇ ਹੈਂ। ਬੋਲਤ ਕਪੋਲਨ ਤੇ ਛਬਿ
ਕੇ ਤਰੰਗ ਉਠੇ ਤਿਰਛੋ ਹੈਂ ਕੰਜ ਨੈਨ ਭੋਹੈਂ ਭ੍ਰਿੰਗ ਭਾਰੇ ਹੈਂ।
ਬੋਲਜੇ ਲਛਮਨ ਏ ਧਨਖੁ ਲੀਜੈ ਬਾਨ ਲੀਜੈ ਇਨ ਹੂੰ ਕੇ
ਦੀਜੈ ਹਮ ਤਾਪਸੀ ਬਿਚਾਰੇ ਹੈਂ। ਹਾਂਸੀ ਹਾਂਸੀ ਟਾਰਤ ਹੋ
ਜੀਤਜੇ ਰਨ ਹਾਰਤ ਹੋ ਇੰਦ੍ਰ ਜੀਤ ਜੀਤ ਸਬੈ ਮਾਰ ਮਾਰ
ਡਾਰੇ ਹੈਂ ॥ ੨੪ ॥

(ਲਛਮਨੋਵਾਰ)

ਕਬਿਤ—ਕਾਹੇ ਕੇ ਉਠਾਯੋ ਵਾਰ ਕਰਤ ਰਹੇ ਬਿਚਾਰ, ਕਹੇ ਹੈਂ
ਕਮਾਨ ਸੋਂ ਬਡਾਈ ਜੁ ਤਨਾਇ ਹੈਂ। ਬਾਨਨ ਸੋ ਕਹੇ ਹੈਂ
ਬਨਾਇ ਰੁੰਡ ਮੁੰਡ ਕਾਟਿ, ਬੈਰਨ ਕੇ ਸ਼੍ਰੋਨਤ ਮੈਂ ਨੀਕੇ ਕੈ
ਨੁਹਾਇ ਹੈਂ। ਸੁਨੋ ਰਘੁਬੀਰ ਰਨ ਭੀਰ ਕੇ ਪਰੇ ਤੇ ਆਜ
ਕਾਮ ਜੋ ਨ ਆਇਹੋਂ ਤੇ ਕੌਨ ਕਾਮ ਆਇਹੋਂ। ਦੀਜੈ ਮੋਹਿ
ਪਾਨ ਕਹਾਂ ਪਾਵੈ ਕੋਉ ਜਾਨ, ਮੇਘਨਾਦ ਕੋਤੇ ਮੇਘ ਕਰ ਪੋਨ
ਜਜੇ ਉਡਾਇ ਹੈਂ ॥ ੨੫ ॥

(ਰਾਮਚੰਦ੍ਰਉਵਾਰ)

ਕਬਿੱਤ—ਹਸੇ ਰਘਬੀਰ ਕਰਨਾ ਸੋਂ ਰਸਭਰੇ ਨੈਨ, ਲਛਮਨ
ਬਾਨ ਸੋਂ ਕਮਾਨ ਜਬ ਤਾਨਹੈ। ਹਨੂਮਾਨ ਕਾਹੇ ਕੋ ਗੁਮਾਨ
ਰਹੈ ਰਾਵਨ ਮੈਂ, ਭਾਰੀ ਹੈ ਭਰੋਸੇ ਮੋਹਿ ਜੀ ਸੋਂ ਗਹਿ ਆਨ ਹੈ।
ਪੀਠ ਠੋਕ ਡੀਠ ਭਰਿ ਦੇਖਿ ਮੁਖ ਕਹਿਓ ਬੀਰ, ਐਸੇ ਜੁੱਧ
ਕੀਜੇ ਜੈਸੀ ਸਦਾ ਕੁਲ ਬਾਨ ਹੈ। ਬਾਢਿਓ ਅਹਿਲਾਦ ਰਾਮ
ਕੀਨੋ ਸੰਖਨਾਦ, ਕਹਿਓ ਰਨ ਕੋ ਸੁਵਾਦ ਮੇਘਨਾਦ ਆਜ
ਜਾਨ ਹੈ ॥ ੨੬ ॥

[ਕਵਿਉਵਾਰ]

ਕਬਿੱਤ—ਉਮਡੇ ਅਨੇਕ ਕਪਿੰ ਏਕਨ ਤੈ ਏਕ ਚਪਿ, ਲਛਮਨ
ਜੁਕੇ ਚਹੂੰ ਓਰ ਘੇਰ ਘੇਰ ਕੈ। ਆਗੇ ਭਏ ਹਨੂਮਾਨ ਪਾਛੇ
ਨੀਲ ਜਾਮਵਾਨ, ਲੰਕ ਕੇ ਨਿਸ਼ੰਕ ਸੂਰ ਮਾਰੇ ਹੈਂ ਨਿਬੇਰਕੈ।
ਐਸੇ ਬਾਨ ਚਲੇ ਜੈਸੇ ਸਾਵਨ ਕੇ ਮੇਘ ਭਲੇ ਮਾਰੂ ਕੋ ਬਜਾਇ
ਰਾਮ ਰੁਦ੍ ਕਹੈਂ ਦੇਰਕੈ। ਗੀਧਨ ਕੋ ਮਾਸ ਬਡੇ ਰਾਵਨ ਕੋ
ਤ੍ਰਾਸ ਮੇਘਨਾਦ ਗਹਯੋ ਦਾਂਤ ਘਾਸ ਐਸੇ ਜੁਧ ਹੋਰ ਕੈ ॥ ੨੭ ॥

ਕਬਿੱਤ—ਪਰੀ ਲੋਹ ਮਾਰ ਸਭ ਆਪ ਆਪ ਮੈ ਸੰਭਾਰ ਕਹੂੰ
ਤਰਵਾਰਨ ਸੋਂ ਹਾਥ ਤਰਫਤ ਹੈਂ। ਕਹੂੰ ਮਾਤੇ ਹਾਥੀ ਕਹੂੰ ਗਿਰੇ
ਕੋਟ ਸਾਥੀ ਕਹੂੰ ਭਾਥੀ ਬਾਧੇ ਗਿਨਤੀ ਕੇ ਸ੍ਰਾਸਨ ਭਰਤ ਹੈਂ।
ਏਕ ਫੇਂਟ ਬਾਂਧ ਕੈ ਕਟਾਰਨ ਸੋਂ ਲਰੈਂ ਧਾਇ ਏਕ ਸੂਰਘਾਇ
ਬਿਨ ਮਾਥੇਈ ਪਰਤ ਹੈਂ। ਜੁਝੇ ਏਕ ਬਾਰ ਦੇਉ ਕਾਹੂ ਤੇ ਨ
ਪਾਛੇ ਕੋਉ ਤੇ ਤੋਂ ਦੇਉ ਏਕ ਅਪਛਰਾ ਕੋ ਬਰਤ ਹੈਂ ॥ ੨੮ ॥

ਕਬਿੱਤ—ਮੇਘਨਾਦ ਰਿਸ ਆਈ ਮੰਤ੍ਰ ਪਛ ਕੈ ਚਲਾਈ ਬਾਨ
ਹੀ ਮੈਂ ਨਾਗਵਾਸ ਬਡੀ ਦੁਖ ਦਾਇਨੀ। ਜਾਂਕੇ ਤੇਜ ਆਗੇ
ਰਾਮ ਲੋਗਨ ਕੇ ਤੇਜ ਘਟੀ ਜੈਸੇ ਪ੍ਰਭੂ ਤੈਸੇ ਜਨ ਸਭ ਹੀ ਕੋ
ਘਾਇਨੀ। ਪੰਜ ਹਥਿਆਰੇ ਹੈਂ ਪੈ ਸੂਰਮਾਂ ਸੁਭਾਰੇ ਹੈਂ ਪੈ ਨੈਕੁਨ
ਸੰਭਾਰੇ ਪ੍ਰਾਣ ਸਭ ਕੇ ਉਡਾਇਨੀ। ਕਾਹੇ ਕੀ ਲਗਾਈ ਉਨ
ਕਥਾਈ ਚੁਕਾਈ ਜੈਸੇ ਪਾਰਾ ਮਾਰ ਡਾਰਤ ਹੈ ਪਲ ਮੈਂ ਰਸਾ-

ਇਨੀ ॥ ੨੯ ॥

ਦੋਹਰਾ—ਪਹਿਲੇ ਸ੍ਰੀ ਰਘੁਬੀਰ ਜੀ ਚਕਵਹਿ ਦੀਓ ਸਰਾਪ ।
ਅਬ ਨਿਸਕੋ ਚਕਵੀ ਹਸੀ ਤਜਮਨ ਬਿਰਹਿਬਿਲਾਪ ॥ ੩੦ ॥

(ਚਕਵੀਉਵਾਰ)

ਸਵੈਯਾ—ਸ੍ਰਾਪ ਦੀਓ ਜਿਨ ਮੇ ਪਤਿ ਕੇ ਸੋਈ ਰਾਮ ਪਰਜੇ ਦੁਖ
ਸੋ ਰਨ ਮੈਂ । ਲਘੁਬੀਰ ਸਮੀਰ ਕੇ ਪੂਤ ਸਮੇਤ ਰਹੇ ਛਪਿ ਕੈ
ਕਪਿ ਕੇ ਗਨ ਮੈਂ । ਅਬ ਜੀਤ ਭਈ ਮਘਵਾਜਿਤ ਕ੍ਰੀ ਕਹਿਕੈ
ਹਰਖੀ ਅਤਿ ਹੀ ਮਨਮੈਂ । ਚਕਵੀ ਨਿਸ ਬਜਾਕੁਲ ਹੀ ਚਿਤ
ਮੈਂ ਤਉ ਨਾਚ ਉਠੀ ਹਸਕੈ ਬਨਮੈਂ ॥ ੩੧ ॥

(ਰਾਵਨੋਵਾਰ)

ਸਵੈਯਾ—ਰਾਵਨ ਸੋਂ ਕਹੀ ਦੂਤਨ ਜਾਇ ਨਿਚੀਤ ਭਏ ਰਨ
ਮੈਂ ਹਮ ਜੀਤੇ । ਰਾਮ ਸਮੇਤ ਸਭੈ ਕਪਿ ਮੰਡਲ ਭੂਮਿ ਪਰੇ
ਜਨੁ ਚਿਤ੍ਰਨ ਚੀਤੇ । ਨਾਗਕੀ ਫਾਂਸ ਪਰੇ ਇਹ ਭਾਂਤ ਨ ਸ੍ਰਾਸ
ਭਰਜੇ ਉਕਸੇ ਨ ਕਹੀਂ ਤੇ । ਲੈ ਸੀਅ ਕੇ ਦਿਖਰਾਵਹੁ ਜਾਇ
ਜੁ ਮੋਹਿ ਭਜੈ ਅਜਹੂੰ ਅਬਹੀਂ ਤੇ ॥ ੩੨ ॥

(ਸਖੀਸੁਸਰਮਾਵਾਰ)

ਸਵੈਯਾ—ਸੀਅ ਸੋਂ ਬਾਤ ਕਹੀ ਸਰਮਾ ਰਨ ਦੇਖ ਸਭੈ ਭਟ ਝੂਝ
ਮਰੇ । ਤਿਨ ਦੇਖਕੇ ਸ੍ਰੀ ਰਘੁਬੀਰ ਭਰੈ ਦ੍ਰਿਗ ਸੀਚ ਕੀਏ ਦੁਖ
ਪੁੰਜਹਰੇ । ਕਹੀ ਨਾਥ ਸੁ ਜਾਨਕੀ ਪਾਇਨ ਲਾਗਤ ਜਾਂ ਲਗ
ਹੋ ਇਹ ਭਾਂਤ ਲਰੇ । ਤੁਮ ਉਤਰ ਢੇਰ ਨ ਦੇਤ ਹੋ ਮੋਹਿ ਛਿਮੇ
ਅਬ ਜੇ ਅਪਰਾਧ ਕਰੇ ॥ ੩੩ ॥

[ਸੀਤੋ ਵਾਰ]

ਸਵੈਯਾ—ਜਬ ਬਜਾਹ ਸਮੈ ਰਿਖ ਮੰਡਲ ਹੋ ਤਬ ਮੋਹਿ ਅਸੀਸ
ਦਈ ਕਹਿਕੈ । ਰਘੁਬੀਰ ਸੁਹਾਗਨਿ ਹੋਹੁ ਸਦਾ ਭੁਜ ਸੋਂ ਭੁਜ
ਹਾਥਨ ਸੋ ਗਹਿਕੈ । ਤਿਨਹੂੰ ਕੀ ਕਹੀ ਅਬ ਝੂਠੀ ਭਈ ਅਰਬੇਦ
ਕੀ ਬਾਤ ਗਈ ਬਹਿਕੈ । ਸਖੀ ਔਰ ਕੀ ਕੌਨ ਕਹੈ ਇਹ
ਔਸਰ ਪ੍ਰਾਨ ਨ ਜਾਤ ਰਹੇ ਸਹਿਕੈ ॥ ੩੪ ॥

ਸਵੈਯਾ—ਬਨਕੋ ਚਲਤੇ ਕਹੀ ਜੇ ਬਤੀਆਂ ਤੇਈ ਜਾਨਤ ਹੋਂ

ਚਿਤ ਮੈ ਨ ਰਹੀ। ਬਸਕੈ ਬਨ ਮੈਂ ਪੁਨਤੋ ਸੰਗਜਾਨਕੀ ਰਾਜ
ਸਮਾਜ ਕਰੇ ਘਰਹੀ। ਸੋਈ ਸ੍ਰੀ ਰਘੁਨਾਥ ਤਿਹਾਰੀਏ ਬਾਤ
ਗਡੀ ਜੀਅ ਮੈਂ ਸਚ ਕਜੇਂ ਟਰਹੀ। ਤੋਈ ਝੂਠੀ ਭਈ ਮੇਰੇ
ਪ੍ਰਾਨ ਪਤੀ ਸੀਅ ਪਾਪਿਨ ਕੀ ਸਬ ਹੋਂਸ ਰਹੀ ॥ ੩੫ ॥

ਸਵੈਯਾ—ਅਜਹੂ ਅਪਰਾਧਿਨ ਜਾਨਕੀ ਕੀ ਭੁਜ ਬਾਮ ਫੁਰੈ
ਮਿਲ ਲੋਚਨ ਸੇਂ। ਅੰਚਰਾ ਉਕਸੈ ਸੁਭ ਸੋਨ ਸਭੈ ਨ ਮਰੇਂ ਨ
ਜੀਓਂ ਇਨ ਸੋਚਨ ਸੇਂ। ਅਜਹੂ ਨਹਿ ਦੇਖਤ ਹੋ ਭਰ ਨੈਨ
ਪਰੇਛਿਤ ਕੋਨ ਸੰਕੋਚਨਸੇ। ਕਹੈ ਬੁਡ ਮਰੇਂ ਕਹੈ ਜਾਇ ਜਰੇਂ
ਹਿਮ ਬੀਚ ਗਰੇਂ ਮਨ ਪੋਚਨ ਸੇਂ ॥ ੩੬ ॥

ਕਬਿੱਤ—ਐਸੇ ਸੁਖ ਮਾਨ ਤੇ ਨ ਪ੍ਰਾਨਨ ਕੇ ਤਾਨਤੇ ਨ ਰਤੀ
ਭਰ ਭ੍ਰਾਤ ਤੇ ਨ ਮੰਦਰ ਨ ਬਨਤੇ। ਸਾਸ ਕੇ ਸਨੇਹੁ ਤੇ ਨ
ਬਨੀ ਠਨੀ ਦੇਹ ਤੇ ਨ ਕੰਚਨ ਕੇ ਮੇਹਤੇ ਨ ਕਹੂੰ ਸਖੀ ਜ-
ਨ ਤੇ। ਜੈਸੇ ਸੁਖ ਮੇਰੇ ਜੀਅ ਹੋਹਿ ਮੇਰੇ ਪ੍ਰਾਨਨਾਥ ਨੈਕ ਜੋ
ਕਟਾਛ ਕੋਰ ਪਰੈ ਉਠ ਰਨ ਤੇ। ਨੈਨਨ ਮੈਂ ਸਰਮ ਸਮੋਇ
ਸਰਮਾਂਕੇ ਆਗੇ ਜਾਨਕੀ ਬਿਲ ਬਿਲਾਇ ਰੋਇ ਰੋਇ ਮਨ
ਤੇ ॥ ੩੭ ॥

(ਕਵਿਉਵਾਰ)

ਦੋਹਰਾ—ਰਾਮ ਚਰਨ ਤਰ ਲਛਮਨ ਸੀਅ ਦੇਖਯੋ ਬਿਨ ਚੈਨ।
ਹੀਓ ਫਟਤ ਅਸੂਅਨ ਢਰਤ ਬੋਲਤ ਤਾਸੇਂ ਬੈਨ ॥ ੩੮ ॥

[ਸੀਤੋਵਾਰ]

ਸੋਰਠਾ—ਭਜੀ ਮੋਨ ਰਘੁਰਾਜ ਕਹੁ ਲਛਮਨ ਕਿਹ ਹੇਤ ਤੇ।
ਭਲੀ ਨਿਬਾਹੀ ਲਾਜ ਰਘੁਕੁਲ ਤੇ ਲਘੁਕੁਲ ਕੀਓ ॥ ੩੯ ॥

ਕਬਿੱਤ—ਅਰੇ ਪ੍ਰਾਣ ਬਲਭਕੇ ਬੀਰ ਬੀਰ ਲਛਮਨ ਪ੍ਰਾਨਨਾਥ
ਮੇਸੇਂ ਅਬ ਬੋਲਤ ਨ ਨੈਕ ਹੂੰ। ਜਾਨਤ ਹੋਂ ਮੇਰੇ ਅਪਰਾਧਨ
ਤੇ ਰੂਠ ਰਹੇ ਬੂਝੇ ਬਿਨ ਜੈਸੀ ਹੈਂ ਕਰਤ ਐਸੀ ਹੈਂ ਕਹੂੰ। ਤੂੰਤੇ
ਮੇਰੇ ਚਰਨ ਕੇ ਸੇਵਕ ਹੈਂ ਰੇ ਸਪੁਤ ਨੈਕ ਬੋਲ ਪ੍ਰਾਣ ਮੇਰੇ
ਜਾਤ ਕਹੂੰ ਤੇ ਕਹੂੰ। ਕਾ ਸੇਂ ਕਹੇਂ ਬਾਤ ਦਿਨ ਹੀਂ ਤੇ ਮੋਹਿ

ਭਈ ਰਾਤ ਕੈ ਅਨਾਥ ਗਏ ਨਭਲੋਕ ਲੋਕ ਮੈ ਕਹੂੰ ॥ ੪੦ ॥

(ਕਵਿਉਵਾਚ)

ਸੋਰਠਾ-ਬਢ੍ਯੋ ਜੀਅ ਉਤਪਾਤ ਰਾਮਚੰਦ ਲਛਮਨ ਥਕੇ ।

ਤਬ ਸੀਤਾ ਜਗ ਮਾਤ ਪ੍ਰਾਨਨ ਸੋਂ ਬਿਨਤੀ ਕਰੈ ॥ ੪੧ ॥

(ਸੀਤਾਉਵਾਚ)

ਸਵੈਯਾ-ਪ੍ਰਾਨ ਸੁਜਾਨ ਅਜਾਨਪਨੋ ਤਜ ਮਾਨ ਕਹਯੋ ਸੁਨ
ਬਾਲ ਜਮਾਤੀ । ਮਾਂਗਤ ਹੋਂ ਇਕ ਬਾਤ ਬਡੀ ਕਰ ਜੋਰ ਬਡੇ
ਦੁਖ ਮੈਂ ਬਿਲਲਾਤੀ । ਜੋ ਲਗ ਯੋਂ ਨ ਚਲੈ ਜਗ ਮੈਂ ਸੀਅ
ਜੀਵਤ ਹੈ ਬਿਨ ਰਾਮ ਸੰਗਾਤੀ । ਤੋਲਗ ਦੇਹਕੋ ਯੋਂ ਤਜ ਰੇ
ਜੈਸੇ ਪੰਨਗੀ ਕਾਂਚਰੀ ਕੋ ਤਜ ਜਾਤੀ ॥ ੪੨ ॥

ਸਵੈਯਾ-ਕਾਹੇ ਕੋ ਦੂਤ ਕੀਓ ਹਨਵੰਤ ਦਈ ਜਿਨ ਰਾਵਨ ਕੇ
ਪੁਰਿ ਦੋਂ । ਅਰ ਕਾਹੇ ਕੋ ਸਿੰਧਹਿ ਬਾਂਧ ਦੀਓ ਦੁਖ ਲੈ ਜਸ
ਬਾਦ ਹੀ ਕੌਨ ਸੀ ਗੋਂ । ਕਪਿ ਮੰਡਲ ਬੀਰ ਸਮੇਤ ਸਬੈ ਮੋਹਿ
ਛਾਡ ਕੈ ਕਿਓ ਨ ਗਏਘਰ ਕੋਂ । ਤੁਮ ਅੰਤ ਨ ਬਾਤ ਨਿਬਾਹ
ਸਕੇ ਸੁ ਕਹੂੰ ਗਏ ਆਪ ਕਹੂੰ ਰਹੀ ਹੋਂ ॥ ੪੩ ॥

ਦੋਹਰਾ-ਰੇ ਸੀਅ ਕੇ ਜੀਅ ਬਾਤ ਸੁਨ ਅਬ ਪੀਅ ਬਿਨ ਗਤਿ
ਕੌਨ । ਕੈ ਲੈ ਬੁਡ ਸਮੁੰਦ ਮੈਂ ਕੈ ਉਡ ਨਭ ਮਿਲ ਪੌਨ ॥ ੪੪ ॥

(ਕਵਿਉਵਾਚ)

ਕਬਿੱਤ-ਐਸੀ ਬਿਲਲਾਇ ਕਰ ਕਾਟ ਕਾਟ ਖਾਇ ਨ ਬਿ-
ਵਾਨ ਤੇ ਉਤਰਯੋ ਜਾਇ ਆਂਸਨ ਬਹਾਵਤੀ । ਕਛੂ ਨ ਬਸਾਇ
ਕਰੈ ਹਾਇ ਹਾਇ ਰਘੁਰਾਇ ਮੋਹਿ ਤੁਮਐਸੀਕਰ ਛਾਡੀ ਅਨ
ਭਾਵਤੀ । ਮਨਕੇ ਮਨੋਰਥ ਜੇ ਹੁਤੇ ਤੇ ਬਿਲਾਨੇ ਸਬ, ਸਰਮਾਂ
ਸਰਮ ਕਰ ਕਾਹੂ ਨ ਸੁਨਾਵਤੀ । ਲੋਗ ਯੋਂ ਕਹਿਤ ਮੁਹਿ ਮਾਂਗੇ
ਫਲ ਦੇਤ ਬਿਧ, ਜਾਨਕੀ ਤੋ ਆਜ ਮੀਚ ਮਾਂਗੇ ਹੂੰ ਨ ਪਾਵ-
ਤੀ ॥ ੪੫ ॥

(ਸਰਮਾਂਤ੍ਰਿਜਟੀਉਵਾਚ)

ਸਵੈਯਾ-ਰੋਵਤ ਜਾਨਕੀ ਕੋ ਸਰਮਾਂ, ਸੁ ਅਸ਼ੋਕ ਬਨੀ ਮਹਿ
ਜਾਇ ਧਰੀ । ਤ੍ਰਿਜਟੀ ਤਹਿੰਆਇ ਸਮੇਧ ਕੀਓ ਸੀਅ ਪ੍ਰਾਨ

ਤਜੈ ਜਿਨ ਏਕ ਘਰੀ । ਸੁਨ ਰਾਮ ਪ੍ਰਤਾਪ ਹੁਤਾਸਨ ਤੇ, ਤਨ
ਰਾਵਨ ਕੀ ਜਰਹੀ ਸੁ ਜਰੀ । ਮਿਲ ਜੰਬਕ ਜੁਥਨ ਸਿੰਘ ਕੇ
ਸੇਵਤ ਸਿੰਘਾਨਿ ਹੈ ਕਬ ਹੂੰ ਪਕਰੀ ॥ ੪੬ ॥

(ਕਵਿਉਵਾਰ)

ਕਬਿੱਤ-ਸੁਨਿਓ ਸੁਰਗਜ ਆਜ ਹਾਰੇ ਰਘੁ ਰਾਜ ਰਨ ਪ੍ਰਾਣ
ਲੈ ਸਿਧਾਰੇ ਓਟ ਗਹੀ ਹੈ ਸੁਮੇਰ ਕੀ । ਰਾਮ ਕਵਿ ਏਕ ਸ੍ਰੀ
ਮਹੇਸ਼ ਬਿਨ ਧਕ ਧਕੀ ਮਿਟੈ ਨ ਬਿਰੰਚਕੀ ਨ ਬਰਨ ਕੁਬੇਰ
ਕੀ । ਆਠੇਂ ਲੋਕ ਲੋਕਨ ਕੇ ਦੇਵ ਐਸੈ ਭਾਜੇ ਜਿਓਂ ਬਿਘੂ-
ਰਨ ਮੈ ਪਾਤ ਬਾਤ ਦੇਖ ਕੈ ਖੁਫੇਰ ਕੀ । ਨਾਰਦ ਕਹਿਓ
ਪੁਕਾਰ ਨਾਗ ਫਾਂਸ ਬਾਂਧ ਡਾਰੈ ਸੁਨਤ ਹੀ ਗਰੜ ਗਰੂਰ ਸੇਂ
ਦਰੇਰ ਕੀ ॥ ੪੭ ॥

ਸੋਰਠਾ-ਇਹ ਬਿਧਿ ਗਰੜ ਪ੍ਰਚੰਡ ਚਲਿਓ ਸੁਸਾਤ ਰਿਸਾ-
ਤ ਮਨ । ਰਾਵਨ ਕੇ ਭੁਜ ਦੰਡ ਰਾਮ ਰਜਾਇਸ ਤੇ ਹਨੇ ॥ ੪੮ ॥
ਕਬਿੱਤ-ਪੰਛਨ ਕੀ ਬਾਉ ਸੇਂ ਉਡਾਏ ਗਿਰ ਲੱਛਲੱਛ ਮਾਨੋ ਤੱਛ
ਭੱਛ ਕੋ ਪ੍ਰਤੱਛ ਕਾਲ ਆਯੋ ਹੈ । ਬਾਸਨਾ ਤੇ ਅਹਿ ਕੋਸ ਲਾ-
ਖਕ ਗਏ ਹੈਂ ਬਹਿ ਰਾਮਚੰਦ ਜੁਕੇ ਸਿਰ ਨਾਇ ਕੈ ਸੁਨਾਯੋ ਹੈ ।
ਸੂਰਨ ਕੀ ਕੌਨ ਗਤਿ ਚੌਦਹਿ ਭਵਨ ਪਤਿ ਨੈਨਨ ਕੀ ਸੈ-
ਨਨ ਤੇ ਅੰਮ੍ਰਿਤ ਬ੍ਰਸਾਯੋ ਹੈ । ਰਾਮ ਹੀ ਕੀ ਓਰਨ ਕੇ ਜੀਏ ਹੈਂ
ਕਰੋਰਨ ਪੈਰ ਚੌਰਨ ਕੀ ਓਰਨ ਤੇ ਏਕੈ ਨ ਜਿਵਾਯੋ ਹੈ ॥ ੪੯ ॥

ਕਬਿੱਤ-ਸਬੈ ਫਿਰ ਗਾਜੇ ਸਬਹੀ ਕੇ ਸੰਖ ਬਾਜੇ ਸੁਨ ਬਾਤ ਕੋ
ਬਿਰਾਜੇ ਪ੍ਰਾਨ ਜਾਨਕੀ ਕੀ ਦੇਹ ਮੈ । ਗਰੁੜ ਸਿਧਾਰੇ
ਸੁਰ ਲੋਕ ਮਿਟੇ ਸੋਕ ਸਭ ਮੇਘਨਾਦ ਗਏ ਦਬਿ ਮਿਲ ਰਹੇ ਖੇਹ
ਮੈਂ ॥ ਸੁਨਤਹੀ ਰਾਵਨ ਕੇ ਛਪੇ ਸੁਖ ਤੇਹੀ ਛਿਨ ਕੈਸੇਜੈਸੇ ਧੂਰ
ਛਪੇ ਸਾਵਨ ਕੇ ਮੇਹ ਮੈਂ ॥ ਬਾਛਜੇ ਦੁਖ ਭਾਰੀ ਨਾਗ ਫਾਂਸ ਭਈ
ਨਜਾਰੀ ਪਾਈ ਕੌਨ ਬਾਤ ਪਜਾਰੀ ਹਮ ਸ਼ਿਵਕੇ ਸਨੇਹਮੈ ॥੫੦॥
ਕਬਿੱਤ-ਮਨ ਮੈਂ ਬਿਚਾਰਜੇ ਪਾਪ ਮਿਲ ਬੈਠੇ ਬੇਟਾ ਬਾਪ ਮਾਯਾ
ਕੀ ਬਨਾਇ ਸੀਅ ਮਾਰੈਂ ਦਿਖਰਾਇ ਕੈ ॥ ਸੋਈ ਕਾਜ ਕੀਨੋ

ਐਸੀ ਰਚੀ ਹੈ ਨ ਸਚੀ ਰੰਭਾ ਉਰਬਸੀ ਦੇਖ ਦੇਖ ਰਹੈ ਮੁਖ-
ਨਾਇਕੈ ॥ ਰਾਮ ਪਾਨ ਨਾਥ ਰੋਇ ਕਹੇ ਮੁਖ ਬਾਨੀ ਤਹਾਂ ਆ-
ਨੀ ਗਹਿ ਕੇਸ ਜਹਾਂ ਜੁਰੀ ਅਨੀ ਆਇਕੈ ॥ ਰਾਮੈਦਿਖਰਾਇ
ਮਾਥੇ ਕਾਟਜੇ ਹੈ ਬਨਾਇ ਹਾਇ ਹਾਇ ਕਰ ਰਾਮ ਛਿਤ ਪਰੇ
ਮੁਰਛਾਇ ਕੈ ॥ ੫੧ ॥

ਕਬਿੱਤ—ਕੋਊ ਕਪਿ ਹੈ ਨ ਸੁਖੀ ਲਛਮਨ ਮਹਾਂਦੁਖੀਠੋਰਠੋਰ
ਔਰ ਹੀਂਕੀ ਔਰੈ ਭਈ ਬਾਤ ਹੈ ॥ ਧਾਇਕੈ ਵਿਭੀਖਨ ਸੁਨਾ-
ਇ ਕਹੀ ਸਬਹੀ ਸੇਂ ਹਾਇ ਹਾਇ ਰਾਮਚੰਦ ਗਾਤ ਕੁਸਗਾਤ ਹੈ
॥ ਨਾਥ ਮੇਘਨਾਦ ਹੀਂਕੀ ਮਾਯਾ ਕੋ ਬਿਲਾਸ ਜੈਸੇ ਨਾਗ ਫਾਂਸ
ਪਰੀ ਤੈਸੇ ਯਹੈ ਏਕ ਘਾਤ ਹੈ ॥ ਜੋਲੈ ਯਹ ਪਾਪੀ ਦੇਹਿਹੋਮਨ
ਕਰਨ ਪਾਵੈ ਹਾਥ ਆਵੈ ਭਲੀ ਨਹੀਂ ਬਡੇ ਉਤਪਾਤ ਹੈ ॥ ੫੨ ॥
ਸਵੈਯਾ—ਹੈ ਦੁਹਿਨਾਰਲ ਉੱਤਰ ਓਰ ਤਹਾਂ ਰਚ ਜਗਜ ਬਡੇ
ਅਨੁਰਾਗਜੇ । ਆਪਨ ਮਾਸ ਕੋ ਖੰਡਨ ਕਾਟ ਹੁਤਾਸਨ ਮੈ ਸੋਈ
ਹੋਮਨ ਲਾਗਜੇ ॥ ਦੌਰ ਪਰਜੇ ਹਨੂਮਾਨ ਤਹਾਂ ਵਹ ਚੌਂਕ ਪਰਜੇ
ਜਨ ਸੋਵਤ ਜਾਗਜੇ ॥ ਹੋਮ ਨ ਹੋਨ ਦਯੋ ਰਿਪੁ ਕੋ ਹਥਿਆਰ
ਗਹੇ ਰਣ ਕੋ ਉਠ ਭਾਗਜੇ ॥ ੫੩ ॥

ਕਬਿੱਤ—ਪਾਛੇ ਲਛਮਨ ਕਹੀ ਮੇਘਨਾਦ ਮਹਾਂ ਪਾਪੀ ਬਾਮਜਪ
ਜਾਪੀ ਅਬ ਕਹਾਂ ਜਾਨ ਪਾਈਏ ॥ ਰਨ ਕੋ ਨਿਦਾਨ ਆਜ
ਸਾਖੀ ਹੈ ਸਹੰਸੂ ਭਾਨੁ ਮੇਰੇ ਬਾਨ ਸਹਕੇ ਰੇ ਆਪਨੋ ਚਲਾਈਏ
॥ ਸੁਨੀ ਜਬ ਬਾਤ ਆਗ ਉਠੀ ਗਾਤ ਗਾਤ ਤਿਨ ਯੋਂ ਚਲਾਏ
ਬਾਨ ਦਿਨ ਹੀਂ ਤੇ ਗਾਤ ਗਾਈਏ ॥ ਤੇ ਸਬ ਬਚਾਇ ਕਹੀ
ਲਛਮਨ ਜਾਇ ਪ੍ਰਭੂ ਆਜ ਯਾਹਿ ਮਾਰਤ ਹੋਂ ਦੁੰਦਭੀ ਬਜਾ-
ਈਏ ॥ ੫੪ ॥

ਦੋਹਰਾ—ਤਬਹਿ ਕੋਪ ਕਰ ਲਛਮਨ ਪਟਕ ਭੁਜਾ ਛਿਤ ਪੀਠ
॥ ਆਜ ਸੰਘਾਰੇਂ ਇੰਦ੍ਰਜਿਤ ਸ੍ਰੀ ਰਘੁਬੀਰ ਸੁ ਡੀਠ ॥ ੫੫ ॥

ਛਪਯ—ਅਤਿ ਪਚੰਡ ਭੁਜਦੰਡ ਕਠਨ ਕੋਵੰਡ ਸੰਭਾਰਜੇ ॥ ਰਤਨ
ਸੁ ਜਟਤ ਸੁਘਟਤ ਬਾਨ ਤਿਹ ਮੱਧ ਸੰਚਾਰਜੇ ॥ ਅਰ ਸਨਮੁਖ

ਸੋਈ ਸਾਧ ਸੁਭਟ ਰਨ ਮਾਂਹਿ ਚਲਾਯੋ ॥ ਮੇਘਨਾਦ ਸਿਰਕਾਟਿ
ਪ੍ਰਗਟ ਬ੍ਰਹਮੰਡ ਉਡਾਯੋ ॥ ਪੁਨ ਜਹਿ ਰਾਵਨ ਲੰਕਾਧਿ ਪਤਿ
ਸੋਈ ਸਿਰਗਿਰ ਤਿਹ ਕਰ ਪਰਜੋ ॥ ਜੀਤਜੋ ਸੁ ਲੱਛਮਨ ਬਾਂਹਿ
ਬਲ ਅਰਿਕੁਲ ਹਾਰ ਸੁ ਥਰਹਰਜੋ ॥ ੫੬ ॥

ਸੋਰਠਾ-ਨਈ ਨ ਕਥਾ ਬਿਚਾਰ ਸੁ ਕਬਿ ਰਾਮ ਹਿਰਦੇ ਕਹੀ ॥
ਜਜੋਂ ਮਛਲੀ ਬਿਨ ਬਾਰਿ ਤਜੋਂ ਤਰਫੈ ਲੰਕਾਪਤੀ ॥ ੫੭ ॥

ਸੋਰਠਾ-ਆਗੇ ਸੁਨਹੁ ਸੁਜਾਨ ਸ੍ਰੀ ਰਾਘਨਾਥ ਚਰਿਤ੍ਰ ਕੋ ॥
ਲਛਮਨ ਕੋ ਪਹਿਚਾਨ ਸ਼ਕਤਿ ਭੇਦ ਰਾਵਨ ਕਰੈ ॥ ੫੮ ॥

ਇਤਿ ਸ੍ਰੀ ਰਾਮਗੀਤੋ ਮੇਘਨਾਦ ਬਧ ਦ੍ਰਾਦਸੋ
ਅੰਕ ਸਮਾਪਤ ॥ ੧੨ ॥

ਅਥ ਤ੍ਰੇਦਸੋ ਅੰਕ ਆਰੰਭਃ

(ਰਾਵਨ ਬ੍ਰਲਾਪ)

ਚੌਪਈ-ਦੇਖਤ ਮੂੰਡ ਮਹਾ ਤਰਫਰਿਓ। ਨਿਕਸਮੀਨ ਜਨੁਜਲੁ
ਤੇ ਪਰਿਓ। ਸ਼ਿਵ ਸ਼ਿਵ ਸ਼ਿਵ ਰਾਵਨ ਕਰਉਠਿਓ। ਫਣਿਗ ਗਏ
ਮਣਿਮਾਨੋ ਲੁਠਿਓ ॥ ੧ ॥ ਚਿਤ ਹੁਲਾਸ ਧੀਰਜ ਗਯੋ ਟੂਟੀ ॥
ਰੋਗ ਤ੍ਰਿਦੋਖ ਨਾਟਕਾ ਛੂਟੀ ॥ ਅਬਹਿ ਕੌਨ ਸੋਂ ਆਇਸ ਕਰੋਂ।
ਪ੍ਰਾਨ ਨਿਕਾਰ ਬਾਹਰੇ ਧਰੋਂ ॥ ੨ ॥ ਮੇਘਨਾਦ ਜੁਝੇ ਰਣਮਾਹੀਂ
। ਯਹਿ ਸੁਨ ਦੇਵ ਨ ਅੰਕ ਸਮਾਹੀ। ਤਾਂਮੈ ਇੰਦ੍ਰ ਅਬੈ ਉਠ ਧੈ
ਹੈ। ਤਾਂਕਹੁ ਜੀਤ ਕੌਨ ਘਰ ਐਹੈ ॥ ੩ ॥ ਕੁਟਲ ਕੁਬੇਰ ਪਵਨ
ਸਮ ਧਾਵੈ। ਮੇਘਨਾਦ ਬਧ ਸੁਨ ਜਬ ਪਾਵੈ ॥ ਹਾਰੀ ਲੰਕ
ਬਹੁਰ ਅਬ ਜੀਤੈ। ਜਾਨਤ ਹਮ ਜੋ ਹਮ ਸਿਰ ਬੀਤੈ ॥ ੪ ॥
ਦੋਹਰਾ-ਬੰਦਸਾਲ ਤੇ ਕਾਲ ਛੂਟ, ਅਬ ਘੇਰਤ ਹੈ ਆਇ ॥
ਮੇਘਨਾਦ ਬਿਨ ਯੋਂ ਭਏ, ਜਜੋਂ ਕੇਹਰ ਬਿਨ ਪਾਇ ॥ ੫ ॥
ਚੌਪਈ-ਜਾਨਤ ਰੁਦ੍ਰ ਆਜ ਫਿਰ ਜੈਹੈ। ਜਾਇਰਾਮ ਕੋ ਮਾਥੇ
ਨਜੈਹੈ ॥ ਆਜ ਬਿਭੀਖਨ ਕਹਾਂ ਸਮਾਈ। ਬਨੀ ਲੰਕ ਜਾਕੀ

ਠਕੁਰਾਈ ॥ ੬ ॥ ਫੂਲਜੇ ਫਿਰੈ ਗੋਇ ਜਨ ਜੀਤੇ ॥ ਰਾਮਚੰਦ
ਅਬ ਹੋਇ ਨਚੀਤੇ ॥ ਗਵਨ ਜੀਤਤ ਬਿਲਮ ਨ ਹੋਈ । ਬਾਲ
ਬਿਰਧ ਜਾਨੈ ਸਭ ਕੋਈ ॥ ੭ ॥ ਜਾਂਭਾਈ ਕੋ ਭਾਈ ਹਸਈ । ਸੋ
ਨਰ ਸਦਾ ਕਾਲ ਮੁਖ ਬਸਈ ॥ ਅਬ ਮੋਕੋ ਮੰਦੋਦਰਿ ਦਹਈ
॥ ਬਚਨ ਕਠੋਰ ਬੰਜੂ ਸਮ ਕਹਈ ॥੮॥ ਮੈਂ ਜੁ ਕਹੀ ਤਬ ਕਜੋਂ
ਨਹਿ ਮਾਨੀ । ਜੁਝੇ ਦੇਨਹਾਰ ਜੇ ਪਾਨੀ ॥ ਸਭੈ ਕਠਨਈ ਬਹੁ
ਇਧਿ ਭਈ । ਰਾਜੈ ਭੂਲ ਸਭੈ ਸੁਧਗਈ ॥ ੯ ॥

ਦੋਹਰਾ—ਜਿਤ ਦੇਖੈ ਤਿਤ ਹੀਂ ਦੁਖੀ, ਸੁਖ ਸੋਯੋ ਰਣ ਮਾਂਹਿ ॥
ਜਜੋਂ ਜਹਾਜ ਡੁਬਤ ਸਬੈ, ਉਛਰਿ ਉਛਰਿ ਮਰ ਜਾਂਹਿ ॥ ੧੦ ॥
ਚੌਪਈ—ਅਬ ਏ ਬਚਨ ਪ੍ਰਗਟ ਜਗ ਭਏ । ਏਹ ਸੀਤਾ ਸਤਤੇ
ਮਰ ਗਏ ॥ ਬਿਨ ਅਪਰਾਧ ਸੀਆ ਹਰ ਆਨੀ । ਤਾਂਤੇ ਰਹਯੋ
ਨ ਦੇਵਾ ਪਾਨੀ ॥ ੧੧ ॥ ਹਮਭਏ ਮੇਘਨਾਦ ਬਿਨ ਐਸੇ । ਬਿਨ
ਪੂਨਯੋ ਚਕੋਰ ਗਨ ਜੈਸੇ ॥ ਜੈਸੇ ਅੰਧਲਕੁਟ ਬਿਨ ਹੋਈ । ਜਜੋਂ
ਬਿਨ ਲੋਨ ਬਨੈ ਨ ਰਸੋਈ ॥ ੧੨ ॥ ਵੈ ਅਤਿ ਪ੍ਰਬਲ ਨਿਬਲ
ਹਮ ਭਏ । ਸੁਖ ਲੈ ਅਬ ਬਿਧਿਨਾ ਦੁਖ ਦਏ ॥ ਪਹਿਲੇ ਦੇਹਿ
ਨ ਛੁਟੀ ਹਮਾਰੀ । ਤਾਂਤੇ ਪੁਤ੍ਰ ਸੋਕ ਭਯੋ ਭਾਰੀ ॥ ੧੩ ॥ ਉਤਰੈ
ਚਢੈ ਗਟੀ ਮਨ ਤਾਂਕੇ । ਮਨ ਬਚਕ੍ਰਮ ਪੌਰਖ ਸਭ ਥਾਕੇ ॥੧੪॥

[ਕਵਿਉ ਵਾਰ]

ਦੋਹਰਾ—ਪੁਤ੍ਰ ਜਨਮ ਸਮ ਸੁਖਨਹੀ, ਮਰਨ ਸਮਾਨ ਸੰਤਾਪ ॥
ਅਸ੍ਰਮੇਧ ਸਮ ਫਲ ਨਹੀਂ, ਬ੍ਰਹਮ ਹਤਨ ਸਮ ਪਾਪ ॥ ੧੪ ॥
ਚੌਪਈ—ਯਹਿ ਸਬ ਬਾਤ ਚਿੱਤ ਮੈ ਰਾਖੀ ॥ ਪ੍ਰਗਟ ਸਭਾਮੈਰਿਸ
ਕਰ ਭਾਖੀ । ਪਹਿਰ ਕਵਿਚ ਦੁੰਦਭੀ ਬਜਾਈ । ਸੈਨਾ ਚਤੁ-
ਰੰਗਨੀ ਬਨਾਈ ॥ ੧੫ ॥ ਬਾਰਨ ਮੱਤ ਧੁਜਾ ਫਹਿਰਾਈ ।
ਮਨਹੁ ਸਪੰਖ ਉਡੇ ਗਿਰਗਈ । ਅਸਲ ਅਸੀਲ ਚਕਤ ਚਿਤ
ਘੋਰੇ । ਚਲੇਂ ਨ ਚਾਲ ਗਰੁੜ ਤੇ ਥੋਰੇ ॥ ੧੬ ॥ ਰਬ ਪੰਗਤ
ਮਿਲ ਏ ਬਿਧਿ ਜੋਰੀ । ਰਵਿ ਰਬ ਸਮ ਨਹਿ ਪੁਜੈ ਕਰੋਰੀ ।
ਪਾਇਕ ਚਲੇ ਪਰਮ ਚਿਤ ਗਾਵੇ । ਰਨ ਸੁਨ ਕਰਤ ਰੋਮ

ਸਭ ਠਾਵੇ ॥ ੧੭ ॥ ਉਡੀ ਧੂਰਿ ਰਵਿ ਬੀਚ ਸਮਾਨਾ । ਜਨੁ
ਰਾਵਨ ਕੇ ਕ੍ਰੋਧ ਡਰਾਨਾ । ਧੂਮ ਸੁਸਾਤ ਨਿਕਸ ਜਗ ਭਰਈ ।
ਜਨ ਹਿਮ ਰਿਤੁ ਹਿਮ ਨਭ ਤੇ ਪਰਈ ॥ ੧੮ ॥

ਦੋਹਰਾ—ਦ੍ਵਾਦਸ ਭਾਨੁ ਸਮਾਨ ਮੁਖ, ਰੁੱਦ੍ਰ ਇਕਾਦਸ ਡੀਠ ।
ਰਾਮ ਲਖਨ ਸਨਮੁਖਚਲਯੋ ਦਈ ਲੰਕ ਤਿਨ ਪੀਠ ॥ ੧੯ ॥

ਚੌਪਈ—ਲਈ ਚਢਾਇ ਕਮਾਨ ਸ਼ਬਦ ਕਰ । ਬਾਨ ਸਵਾਰ
ਫੇਕ ਤਾਂ ਮੁਖ ਧਰ । ਸਤ ਮੁਖ ਕੁੰਭ ਕੁੰਭ ਚਕ ਚੂਰਨ । ਬ੍ਰਹਮਾ-
ਦਿਕ ਭੈ ਕਰਹਿ ਸੰਪੂਰਨ ॥ ੨੦ ॥ ਅਰ ਤ੍ਰਿਸੂਲ ਤੀਸਰੇ
ਬੰਜੂ ਸਮ । ਜਾਂਕੇ ਲਗਤ ਮਰੈਂ ਕੋਟਕ ਜਮ । ਚੌਥੇ ਚੰਦ੍ਰਾਸ
ਚਮਕਾਈ । ਜਾਂਕੇ ਤੇਜ ਡਰਹਿ ਸੁਰਗਈ ॥ ੨੧ ॥ ਪੰਚਮ

ਫਾਂਸਿ ਜਗਤ ਕੇ ਫਾਸੈ । ਜਾਂਕੇ ਡਰ ਸਬ ਲੋਕਨ ਤ੍ਰਾਸੈ । ਛਠੇ
ਛੁਰੀ ਬੁਰੀ ਭਾਂਤ ਬਿਰਾਜੈ । ਜਾਂਕੇ ਨਿਰਖ ਨਾਗਪਤਿ ਲਾਜੈ

॥ ੨੨ ॥ ਸਪਤਮ ਸਿਪਰਸ ਸੁਰਸ ਬਨਾਈ । ਬਾਨ ਬ੍ਰਿਸ਼ਿ
ਤਿਨ ਸਬੈ ਬਚਾਈ । ਬਨੀ ਆਠਵੈਂ ਬਰਛੀ ਆਛੀ । ਜਨੁ

ਜੋਗਨਿ ਲੋਹੁ ਕੇ ਕਾਂਛੀ ॥ ੨੩ ॥ ਗੋਪਨ ਨਵੈਂ ਹਾਥ ਕਲਮ
ਲਈ । ਸੌ ਮਨ ਕੇ ਸੌ ਗੋਲਾ ਚਲਈ । ਦਸਮੈ ਗਦਾ ਦਸੋਂ

ਦਿਸ ਫੇਰੈ । ਕਰ ਪ੍ਰਹਾਰ ਅਰਿ ਕੋਟ ਨਿਬੇਰੈ ॥ ੨੪ ॥ ਗੁਰਜ
ਗਜਾਰਮੇਂ ਗਿਰ ਸਮ ਆਹੀ । ਡਾਰੈ ਪੀਸ ਪਚਾਰੈ ਜਾਂਹੀ । ਆ-

ਗਮ ਮੰਤ੍ਰ ਬਾਰਵੈਂ ਸੋਹੈ । ਪਛ ਛਾਡੈ ਸੁਰ ਨਰ ਅਹਿ ਮੋਹੈ ॥ ੨੫ ॥
ਸੰਖ ਸਬਦ ਤੇਰੁਵੈਂ ਸੁਹਾਯੋ । ਬਾਜਤ ਮਨੋ ਪ੍ਰਲੈ ਘਨ ਆਯੋ ।

ਚਟਕ ਚੱਕ੍ਰ ਚੌਦਵੈਂ ਚਲਾਯੋ । ਜਨੁ ਰਵਿ ਰਿਪਹਿ ਮਾਰਨੇ
ਧਾਯੋ ॥ ੨੬ ॥ ਨਾਂਗੀ ਧੋਪ ਪੰਦ੍ਰਵੈਂ ਗਹੀ । ਮਾਨੋ ਕਾਲ ਜੀਭ

ਲਹ ਲਹੀ । ਗੁਪਤ ਗੁਲੇਲ ਸੋਲ੍ਹਵੈਂ ਧਾਰੈ । ਰਿਪੁ ਚਿਰਈ
ਦਿਨ ਲਾਖਕ ਮਾਰੈ ॥ ੨੭ ॥ ਚੰਦ੍ਰ ਬਾਨ ਸਤ੍ਰਵੈਂ ਬਿਰਾਜੈ ।

ਸਤ੍ਰ ਹਨੈ ਸੋਈ ਬਚੈ ਜੁ ਭਾਜੈ । ਭਰ ਬੰਦੂਕ ਅਠਾਰਵੈਂ ਛੋਡੈ ।
ਇਤਨੇਉਂ ਦੀਪ ਹੋਹਿ ਤਬ ਓਡੈ ॥ ੨੮ ॥

ਦੋਹਰਾ—ਲੈਨੇਜੋ ਉੱਨੀਸਵੈਂ ਅਰ ਜਮਧਰ ਕਰ ਬੀਸ । ਸਬੈ

ਸਫਲ ਰਘੁਨਾਥ ਬਿਨ, ਬਰ ਦੀਨੋ ਸ਼ਿਵ ਈਸ਼ ॥ ੨੯ ॥

ਚੋਪਈ-ਭਯੋ ਸਵਾਰ ਲੰਕ ਕੋ ਰਾਈ । ਪੰਚ ਸਬਦ ਚਹੂੰ ਓਰ
ਬਜਾਈ । ਰਣਮਾਰੂ ਇਹ ਬਿਧ ਮਨ ਧਰਈ । ਕਾਇਰ ਹੋਇ
ਸੋਈ ਲਰਿ ਮਰਈ ॥ ੩੦ ॥ ਇਤ ਰਾਵਨ ਲੰਕਾ ਰਜ ਧਾਨੀ ।
ਚਢੀ ਮਹਿਲ ਮੰਦੋਦਰਿ ਰਾਨੀ । ਫਿਰ ਸੁਰ ਬਧੂ ਜੂਥ ਮਿਲ
ਠਾਢੀ । ਮਾਨਹੁ ਛੀਰੁ ਸਿੰਧੁ ਮਥਿ ਕਾਢੀ ॥ ੩੧ ॥ ਪਤਿ ਕੋ
ਦੇਖ ਹਰਖ ਨਹਿ ਕਰਈ ॥ ਸ੍ਰੀ ਰਘੁਬੀਰ ਤੇਜ ਤੇ ਡਰਈ ॥
ਰਾਜ ਕਰਤ ਬਹੁਤੇ ਸੁਖ ਪਾਯੋ । ਅਬ ਬਿਧ ਆਨ ਕੁਢੇਰ
ਬਨਾਯੋ ॥ ੩੨ ॥ ਕੰਤ ਅਜਾਨ ਗਰਬ ਨਿਰਬਾਹੈ । ਸ੍ਰੀ
ਰਘੁਪਤਿ ਤੇ ਜੀਤਯੋ ਚਾਹੈ ॥ ਜਯੋਂ ਪਤੰਗ ਬਹੁਤੇ ਬਲ ਕਰਈ
। ਦੀਪ ਨ ਭਸਮ ਹੋਇ ਸੋ ਮਰਈ ॥ ੩੩ ॥

ਦੋਹਰਾ-ਜਯੋਂ ਮ੍ਰਿਗ ਗਜ ਸਿੰਗਨ ਰਦਨ, ਬਡੋਬਡੋ ਨਹਿ ਹੋਇ
ਚਿਤ੍ਰ ਲਿਖਯੋ ਕੇਹਰ ਨਿਰਖ, ਭਾਜਤ ਲਜਤ ਨ ਸੋਇ ॥ ੩੪ ॥
ਚੋਪਈ-ਗਰਜਤ ਨਦੀ ਦੂਰ ਤੇ ਆਵੈ । ਮਿਲੈ ਸਿੰਧ ਕੋ ਫਿਰ
ਕੋ ਪਾਵੈ ॥ ਜਯੋਂ ਚਲ ਪਵਨ ਰੂਖ ਕੋ ਤੋਰੈ ॥ ਬਲੀ ਹੋਇਲ ਸੁ-
ਮੇਰਹਿ ਫੋਰੈ ॥ ੩੫ ॥ ਜਯੋਂ ਦੀਪਕ ਅਤਿ ਜੋਤਿ ਪ੍ਰਕਾਸ਼ੀ ॥
ਤਾਂ ਤਨ ਨਿਰਖ ਨ ਸੂਰ ਉਦਾਸੀ ॥ ਜਯੋਂ ਦ੍ਰਿੜ੍ਹ ਬਾਨ ਹਾਥ ਤੇ
ਛੂਟੈ । ਬੱਜ੍ਹਹਿ ਲਗੈ ਸੋਈ ਫਿਰ ਛੂਟੈ ॥ ੩੬ ॥ ਇਹ ਬਿਧਿਮਨ
ਮੈਂ ਗਟੀ ਬਿਚਾਰੈ । ਸਖਿਨ ਬੀਚ ਇਹ ਭਾਂਤਿ ਉਚਾਰੈ ॥ ਚਲਯੋ
ਕੰਤ ਰਨਕੋ ਸਮੁਹਾਈ । ਬਾਂਧ ਮੂੰਡ ਬਹੁ ਭਾਂਤਿ ਬੁਰਾਈ ॥ ੩੭ ॥
ਲੰਕਾਪਤਿ ਰਨ ਮੈਂ ਉਚਰਈ । ਲਛਮਨ ਕੋ ਜੁ ਨ ਮੋਤੇ ਡਰਈ ।
ਮਾਰੋਂ ਆਜ ਬੱਜ੍ਹ ਸਮ ਬਾਨਾ । ਮੇਘਨਾਦ ਸੰਗ ਕਰੈ ਪਿਆਨਾ
॥ ੩੮ ॥

ਦੋਹਰਾ-ਬ੍ਰਹਮ ਮੰਤ੍ਰ ਪਛ ਸੈਹਥੀ, ਰਾਵਨ ਕਰ ਚਮਕਾਇ ॥
ਕਾਲ ਜਲਦ ਮੈਂ ਬੀਜੁਰੀ, ਜਨੁ ਪ੍ਰਗਟੀ ਹੈ ਆਇ ॥ ੩੯ ॥
ਚੋਪਈ-ਕ੍ਰੋਧ ਉਮਡ ਸੋ ਦਈ ਚਲਾਈ । ਪਹਿਲੇ ਕਮਲਾਸਨ
ਤੇ ਪਾਈ । ਸਫਲ ਸਦਾ ਨਿਹਫਲ ਨਹਿ ਹੋਈ । ਚੋਦਹਿ ਭਵਨ

ਬਚੈਨਹਿਕੋਈ॥੪੦॥ਤੇਜ ਪੁੰਜ ਆਵਤਲਹਿਲਹੀ॥ਸੋ ਹਨੂਮਾਨ
 ਬੀਚ ਹੀਂ ਗਹੀ ॥ ਦ੍ਰਿੜ੍ਹ ਗਹਿ ਰਹਯੋ ਨ ਛਾਡੀ ਢੀਲੀ॥ਗਰੜ
 ਉਡਤ ਸਾਂਪਨਿ ਜਨੁ ਲੀਲੀ ॥ ੪੧ ॥ ਪਕੜ ਸਿੰਧੁ ਮੈ ਦਈ
 ਚਲਾਈ॥ਸੋ ਫਿਰ ਗਵਨ ਕੇ ਕਰ ਆਈ॥ਬਿਸਮੈਭਯੋਲੰਕ
 ਕੋ ਰਾਈ॥ਤਕ ਲਛਮਨ ਤਿਨ ਬਹੁਰ ਚਲਾਈ॥੪੨॥ਫਿਰ
 ਹਨਵਤ ਵੈਸੇਈ ਰੋਕੀ॥ਗਹਿ ਸਮੁਦ੍ਰ ਗਹਿਰੇ ਮੈਝੋਕੀ॥ਸੋਫਿਰ
 ਗਈ ਦੁਸ਼ੁ ਕੇ ਹਾਥਾ॥ਬਹੁ ਭਯੋ ਕੋਪ ਲੰਕ ਕੋ ਨਾਥਾ॥੪੩॥
 ਦੋਹਰਾ—ਸੋ ਬਰਛੀ ਲੈ ਲੰਕਪਤਿ, ਚਲਯੋ ਬ੍ਰਹਮ ਪੁਰਿ ਧਾਇ॥
 ਚਤੁਰਾਨਨ ਕੋ ਮਾਰ ਕੈ ਬਹੁਰ ਲਰੋਂਗੋ ਆਇ॥੪੪॥
 ਚੋਪਈ—ਬ੍ਰਹਮ ਲੋਕ ਮੈ ਗਯੋ ਲੰਕਪਤਿ॥ਕਮਲਾਸਨ ਕਾਂਪਯੋ
 ਚਿਤਮੈ ਅਤਿ॥ਕ੍ਰੁਪ ਡੀਠ ਦੇਖੀ ਦੁਖ ਪਾਯੋ॥ਅਪਨਸਿੰਘਾ-
 ਸਨ ਪਰ ਬੈਠਾਯੋ॥੪੫॥ਮਹਾਰਾਜ ਹਮ ਕਛੁਨ ਬਿਗਾਰਯੋ
 ॥ਕਵਨ ਕਾਜ ਆਪਨ ਪਗਧਾਰਯੋ॥ਹਮ ਪੜ੍ਹ ਬੇਦਦੇਹਿਫਲ
 ਤੋਹੀ॥ਅਬ ਨਹਿ ਪੜ੍ਹੋਂ ਕਹੋ ਜੇ ਮੋਹੀ॥੪੬॥ਜਯੋਂ ਜਯੋਂ ਤੁਮ
 ਰੂਖੇ ਹੈਂ ਹੋਰੇ॥ਤਯੋਂ ਤਯੋਂ ਮਰਨ ਹੋਤ ਹੈ ਮੋਰੇ॥ਤੂੰ ਮੋਰੇ ਕੁਲ
 ਮਾਂਹਿਉਜਾਰੋ॥ਤੇਤੇਮੋਹਿਪ੍ਰਤਿਸ਼੍ਰਾਭਾਰੋ॥੪੭॥ਪਤਿ ਜੋਆਜ ਰਹੈ
 ਨਹਿ ਤੋਤੇ॥ਤੈ ਸੁਰ ਅਸੁਰ ਡਰੈ ਨਹਿ ਮੋਤੇ॥ਜੋ ਤੁਮ ਕਹੋ
 ਕਰੋਂ ਅਬ ਸੋਈ॥ਥਕੀ ਰੁਦ੍ਰ ਤੇ ਜੋ ਕਛੁ ਹੋਈ॥੪੮॥
 ਦੋਹਰਾ—ਕਹਯੋ ਲੋਕ ਪਤਿ ਦੈਂਤ ਸੋ, ਕਰੀ ਭਲੀ ਤੁਮ ਬਾਤ॥
 ਅਜਹੂੰ ਚਿੰਤਾ ਜਿਨ ਕਰਹੁ, ਦਿਨ ਇਕਸੇ ਨਹਿ ਜਾਤ॥੪੯॥
 ਚੋਪਈ—ਕਹਯੋ ਲੰਕਪਤਿ ਮਾਰੋਂ ਤੋਹੀ॥ਦੀਠੀ ਕਪਟ ਸੈਹਬੀ
 ਮੋਹੀ॥ਬਾਰ ਪਚਾਸਕ ਰਹਯੋਹਕਾਰੇ॥ਫਿਰਆਈਬਿਨਲਛਮਨ
 ਮਾਰੇ॥੫੦॥ਜਿਹ ਲਛਮਨ ਸਬ ਕੁਟੰਬ ਨਿਬੇਰਯੋ॥ਅਬਹਿ
 ਆਨ ਲੰਕਾ ਗਢ ਘੇਰਯੋ॥ਹੋਂਹੀ ਬਚਯੋ ਸੁ ਯਹਿ ਗਤਿ ਮੇਰੀ॥
 ਤਾਂ ਪਰ ਸਫਲ ਨ ਬਰਛੀ ਤੇਰੀ॥੫੧॥ਮਨ ਮੈ ਤੋ ਬਿਰੰਚ
 ਸੁਖ ਪਾਯੋ॥ਮੁਖ ਫੀਕੋ ਕੈ ਸ਼ੋਕ ਬਢਾਯੋ॥ਯਹਿ ਤੋ ਸੁਗਮ
 ਬਾਤ ਹੈ ਰਾਈ॥ਮਾਰੇ ਲਛਮਨ ਕਹੋਂ ਉਪਾਈ॥੫੨॥

ਤਬ ਨਾਰਦ ਕੋ ਸਿਮਰਨ ਕਰਿਓ । ਨਾਰਦ ਆਨ ਸੀਸ ਪਗ
ਧਰਿਓ । ਤਬਹੀਂ ਤਾਤ ਭਯੋ ਬਡ ਭਾਗੀ । ਜਬ ਹੀਂ ਡੀਠ
ਚਰਨ ਸੋਂ ਲਾਗੀ ॥ ੫੩ ॥

ਦੋਹਰਾ—ਪੁਨ ਰਾਵਨ ਕੋ ਦੇਖ ਕੈ ਡਰਪ ਗਯੋ ਮਨ ਮਾਹਿ ।
ਚਿਤ ਮੈ ਕਹਯੋ ਬਿਚਾਰ ਕੈ ਆਜ ਕੁਸਲ ਸੀ ਨਾਂਹਿ ॥ ੫੪ ॥

(ਨਾਰਦਉਵਾਚ)

ਚੌਪਈ—ਆਇਸ ਦੇਹੁ ਕਰੋਂ ਅਬ ਸੋਈ । ਮਹਾਂਰਾਜ ਕੋ ਜਜੋਂ
ਸੁਖ ਹੋਈ । ਯਹਿ ਵਾਤਾ ਸਭ ਜਗਤ ਭਿਖਾਰੀ । ਏ ਪਤਿ
ਰਾਖਨ ਹਾਰ ਹਮਾਰੀ ॥ ੫੫ ॥ ਜੋ ਤੁਮ ਯਾਕੋ ਭਲੋ ਨ ਕਰਹੋ ।
ਤੋ ਤੁਮ ਪ੍ਰਾਨਨ ਤੇ ਨਹਿ ਡਰ ਹੋ । ਛਾਡ ਬਿਲੰਬਹਿ ਆਇਸ
ਦੀਜੈ । ਲੰਕਾ ਪਤਿ ਕੋ ਕਾਰਜ ਕੀਜੈ ॥ ੫੬ ॥ ਯਹਿ ਜਸੁ ਤਾਤ
ਆਜੁ ਕਹ ਪਾਵੈ । ਰਾਵਨ ਮਹਾਂਰਾਜ ਘਰ ਆਵੈ । ਜਾਕੀ ਸਭਾ
ਸਕਲ ਸੁਰ ਰਹਈ । ਸੁਰ ਗੁਰ ਬੈਠ ਨਯਾਉ ਕੋ ਕਹਈ ॥ ੫੭ ॥
ਪਵਰ ਬੁਹਾਰੈ ਪਵਨ ਸਦਾਈ । ਆਪਨ ਗੁਹੇ ਫੂਲ ਸੁਰਗਾਈ ।
ਛੱਪਨ ਕੋਟ ਮੇਘ ਜਲ ਭਰਈ । ਪਾਵਕ ਪ੍ਰਗਟ ਪਾਕ ਕੋ
ਕਰਈ ॥ ੫੮ ॥

ਦੋਹਰਾ—ਬੇਦ ਪੜਤ ਹੋ ਆਪ ਤੁਮ ਔਰ ਦੇਵ ਕਿਨ ਮਾਂਹਿ ।
ਸੁਰਪੁਰ ਨਰਪੁਰ ਨਾਗਪੁਰ ਬਸਤ ਬਾਂਹ ਕੀ ਛਾਂਹਿ ॥ ੫੯ ॥
ਚੌਪਈ—ਚੰਦਨ ਛੱਤ੍ਰ ਚੰਦ੍ਰਮਾਂ ਕਰਈ । ਛਰੀ ਹਾਥ ਠਾਢੇ ਰਵਿ
ਧਰਈ । ਬੰਦਸਾਲ ਮੈ ਕਾਲ ਬਿਰਾਜੈ । ਬਜੈ ਦੁੰਦਭੀ ਨੀਰ
ਨਿਧਿ ਗਾਜੈ ॥ ੬੦ ॥ ਤਿਨ ਹਠਕੈ ਜਾਨਕੀ ਚੁਗਈ । ਤਾਂਕੇ
ਹੇਤ ਲਰੈ ਰਘੁਗਾਈ । ਪਹਿਲੇ ਮੁਨਿ ਮਰੀਚ ਤਿਨ ਮਾਰਜੋ ।
ਛੇਦ ਤਾਲ ਕਪਿ ਬਾਲਿ ਸੰਘਾਰਜੋ ॥ ੬੧ ॥ ਖਰ ਦੁਖਨ ਖਿਨ
ਮਾਂਹਿ ਖਪਾਏ । ਸਿੰਧੁ ਪਾਰਿ ਲੰਕਾ ਗੜ ਆਏ । ਕੁੰਭਕਾਨ
ਰਨ ਮਾਂਹਿ ਪਛਾਰੇ । ਤਾਂ ਪਾਛੇ ਮਘਵਾਜਿਤ ਮਾਰੇ ॥ ੬੨ ॥
ਪਵਨ ਪੂਤ ਬਲਵੰਤ ਪ੍ਰਬਲ ਅਤਿ । ਤਿਹ ਛਾਡਯੋ ਜਤਨ ਨ
ਲੰਕਾ ਪਤਿ । ਸੋਈ ਮਹਾਂਰਾਜ ਤਾਤ ਘਰ ਆਯੋ । ਸਬ ਬਯੋਂਤ

ਕਹਿ ਤੋਹਿ ਸੁਨਾਯੋ ॥ ੬੩ ॥

(ਕਵਿਉਵਾਚ)

ਦੋਹਰਾ—ਯਹਿ ਬਿਨਤੀ ਨਾਰਦ ਕਰੀ ਲੰਕਾ ਪਤਹਿ ਸੁਨਾਇ।
ਤਬ ਰਾਵਨ ਬਿਧਿਸੇਂ ਕਹਜੇ ਕਰੀਏ ਕੌਨ ਉਪਾਇ ॥ ੬੪ ॥

(ਬ੍ਰਹਮਉਵਾਚ)

ਚੋਪਈ—ਤਬ ਬੋਲਜੇ ਬ੍ਰਹਮਾ ਸੁਨ ਨਾਰਦ। ਕਹੋਂ ਬਾਤ ਸੁਨ
ਬੁੱਧਿ ਬਿਸਾਰਦ। ਜਬ ਲਗ ਹਨੂਮਾਨ ਰਨ ਮਾਂਹੀ। ਤਬ ਲਗ
ਸਫਲ ਸੈਹਥੀ ਨਾਂਹੀ ॥ ੬੫ ॥ ਪਵਨ ਪੁਤ ਜਬ ਅਨਤ ਸਿਧਾਰੈ
। ਤਬ ਬਰਛੀ ਲਛਮਨ ਕੋ ਮਾਰੈ। ਅਬ ਤੁਮ ਜਾਹੁ ਤੁਰਤ ਹੀ
ਤਹਾਂ। ਰਾਮਚੰਦ ਹਨਵਤ ਹੈਂ ਜਹਾਂ ॥ ੬੬ ॥ ਹਨੂ ਪਕੜਲੈ ਅਨ-
ਤ ਸਿਧਾਰਹੁ। ਤਬ ਬਰਛੀ ਲਛਮਨ ਪਰ ਡਾਰਹੁ। ਮਹਾਰਾਜ
ਤੁਮ ਖੇਦ ਨ ਕਰਹੁ। ਲਖਮਨ ਪ੍ਰਾਨ ਜਾਇ ਤੁਮ ਹਰਹੁ ॥ ੬੭
॥ ਕਰਉ ਮਨੋਰਥ ਜੋ ਮਨ ਹੋਈ। ਚਲਤ ਸੈਹਥੀ ਗਹੈਨ ਕੋਈ
। ਅਬ ਜੋ ਬੀਚ ਯਾਂਹਿ ਕੋ ਗਹਈ। ਜਮਪੁਰਿ ਜਾਇ ਜਾਤ ਨਾ
ਸਹਈ ॥ ੬੮ ॥

ਦੋਹਰਾ—ਨਾਰਦਸੇਂ ਲੰਕੇਸ ਸੇਂ ਕਹੀ ਬਿਰੰਚ ਪੁਕਾਰਾ ਹਨੂਮਾਨ
ਕੋ ਤੂੰ ਗਹੋ ਤੂੰ ਲਛਮਨ ਕੋ ਮਾਰ ॥ ੬੯ ॥

(ਕਵਿਉ ਵਾਚ)

ਚੋਪਈ—ਇਹ ਬਿਧ ਚਤੁਰਾਨਨ ਜਬ ਭਾਖੀ। ਬੀਚਦਯੋਹਰਿ
ਹਰਿ ਕੋ ਸਾਖੀ। ਬਿਦਾ ਭਏ ਮਾਥੇ ਪਗ ਲਾਯੋ। ਬ੍ਰਹਮਾ ਕੋ
ਜੀਅ ਮੈਂ ਜੀਅ ਆਯੋ ॥ ੭੦ ॥ ਰਾਵਨ ਚਲਤ ਕਹਜੇ ਪੁਨ
ਬੈਨਾ। ਲਛਮਨ ਮਰੈ ਤੋਹਿ ਕਛੁ ਭੈਨਾ। ਜਾਇ ਸੈਹਥੀ ਤਾਂਪਰ
ਡਾਰੋਂ। ਲਛਮਨ ਬਚੈ ਤੋਹਿ ਫਿਰ ਮਾਰੋਂ ॥ ੭੧ ॥ ਨਾਰਦ ਹੋਹੁ
ਹਮਾਰੇ ਸਾਖੀ। ਅਰੁਨ ਡੀਠ ਰਾਵਨ ਯੋਂ ਭਾਖੀ। ਲੰਕਾਪਤਿ
ਇਹ ਬਿਧ ਗਰਬਾਨਜੋ। ਕਮਲਾਸਨ ਜੀਅ ਮੈਂ ਤਬ ਜਾਨਜੋ
॥ ੭੨ ॥ ਰੋਗੀ ਚਪੈਤ੍ਰਿਦੇਖ ਨ ਲਾਗੈ। ਸੋ ਯੋਂ ਬਕੈ ਜਗਤਗੁਰ

ਆਗੇ । ਤਾਂਕੇ ਸੰਗ ਨਾਰਦ ਕਰ ਦਯੋ । ਕ੍ਰਮ ਕ੍ਰਮ ਕਰ ਰਾਵਨ
ਤਬ ਗਯੋ ॥ ੭੩ ॥

ਚੌਪਈ—ਨਾਰਦ ਚਲਯੋ ਬਿਲੰਬ ਨ ਕੀਨਾ । ਧਰਿਕਾਂਧੇ ਰਘੁ-
ਪਤਿ ਜਸ ਬੀਨਾ । ਹਨੂਮਾਨ ਕੇ ਦਰਸ ਦਿਖਾਯੋ । ਲੰਕਾਪਤਿ
ਇਤ ਰਨ ਮੈ ਆਯੋ ॥ ੭੪ ॥ ਉਤ ਹਨੂਮਾਨ ਬਹੁਤ ਸੁਖ ਕੀਨੋ
। ਨਾਰਦ ਮਿਲੈ ਮਹਾਂ ਰਸਭੀਨੋ । ਕਰਪ੍ਰਣਾਮ ਪ੍ਰਕਰਮਾਲੀਨੀ
। ਪ੍ਰਭੁ ਕੋ ਜਾਨ ਬਡਾਈ ਕੀਨੀ ॥ ੭੫ ॥ ਜਬ ਹੋਂ ਲੰਕਾਦੂਤ ਹੋ
ਆਯੋ । ਰਾਜ ਸਭਾ ਮੇਂ ਦਰਸਨ ਪਾਯੋ । ਤਬ ਤੇ ਆਜਨਿਹਾਰੇ
ਰਿਖਿ ਬਰ । ਆਗਿਆ ਦੇਹੁ ਆਨ ਦੇਉਂ ਬਨ ਫਰ ॥ ੭੬ ॥
ਪਕਰ ਬਾਂਹ ਨਾਰਦ ਲੈ ਚਲਿਓ । ਹਨੂਮਾਨ ਤਾਂਕੇ ਰਸ ਢਲਯੋ ।
ਨਾਰਦ ਹਰਿ ਮਾਯਾ ਬਿਸਥਰੀ । ਲੈ ਗਯੋ ਦੂਰ ਸਮਝ ਨਹਿ
ਪਰੀ ॥ ੭੭ ॥

ਦੋਹਰਾ—ਰਘੁਪਤਿ ਕਥਾ ਬਿਲੰਬ ਸੋਂ ਸਬ ਬੁਝੀ ਰਿਖਿ ਤਾਹਿ ।
ਕਪਿ ਕੁਲ ਮਣਿ ਧਰ ਪ੍ਰੇਮ ਮਨ ਸਭੈ ਕਹੀ ਅਵਿਗਾਹਿ ॥ ੭੮ ॥
ਚੌਪਈ—ਹਨੂਮਾਨ ਯਹਿ ਭੇਦ ਨ ਪਾਯੋ । ਬ੍ਰਹਮਾ ਕੀ ਆਗਿਆ
ਤੇ ਆਯੋ । ਜੋ ਕਪਿ ਪਤਿ ਯਹਿ ਮਾਯਾ ਜਾਨੈ । ਨਾਰਦ ਸਾਰਦ
ਕਛੁ ਨ ਮਾਨੈ ॥ ੭੯ ॥ ਬਾਤਨ ਰਸ ਅਟਕਯੋ ਬਡ ਭਾਗੀ ।
ਸਮਝ ਨ ਪਰੀ ਘਰੀ ਦੈ ਲਾਗੀ । ਹਨੂ ਨ ਰਾਮਹਿ ਛਾਡੈ ਘਰੀ ।
ਆਨ ਬਾਤ ਨਾਰਦ ਸੋਂ ਪਰੀ ॥ ੮੦ ॥ ਪਾਇ ਭਗਤ ਕੋ ਭਗਤ
ਸੋਂ ਫੁਲੈ । ਪ੍ਰਭੁ ਕੋ ਭਜਨ ਤੁਰਤ ਹੀਂ ਫੁਲੈ । ਬਡੇ ਰਾਮਤੇਰਾਮ
ਸਨੇਹੀ । ਆਪਨ ਭਜੈਂ ਦ੍ਰਿੜ੍ਹਾਵੈਂ ਤੇਹੀ ॥ ੮੧ ॥ ਇਹ ਬਿਧਿ
ਹਨੂਮਾਨ ਨਹਿ ਭੁਲਯੋ । ਚਲੈ ਨ ਬਸ ਰਿਖਿ ਮਾਯਾ ਭੁਲਯੋ ।
ਇਤਨੇ ਮੈ ਦੇਖਯੋ ਲੰਕਾ ਪਤਿ । ਹਨੂਮਾਨ ਰਨ ਨਹੀ ਬਿਸਦ
ਮਤਿ ॥ ੮੨ ॥

ਦੋਹਰਾ—ਤਬ ਫੁਲਯੋ ਬਿਧਿ ਜੋ ਕਹਯੋ ਸੋਈ ਨਾਰਦ ਕੀਨ ।
ਅਬਹੋਂ ਮਾਰੋਂ ਲਛਮਨਹਿ, ਜਯੋਂ ਜਾਨਹਿ ਪੁਰ ਤੀਨ ॥ ੮੩ ॥
ਚੌਪਈ—ਤਬ ਤਿਨ ਤਮਕ ਸੈਹਥੀ ਸਾਧੀ । ਕ੍ਰੋਧ ਡੀਠ ਲਛ-

ਮਨ ਉਰ ਬਾਧੀ। ਤੇਜ ਪੁੰਜ ਤੀਖਨ ਲਹ ਲਹੀ। ਮਾਨਹੁ
 ਰਵਿ ਧਾਰਾ ਹੈ ਬਹੀ ॥ ੮੪ ॥ ਧੂਮਕੇਤ ਜਨੁ ਨਭ ਪ੍ਰਗਟਾਨਯੋ।
 ਲੋਕਨ ਪ੍ਰਲੈ ਕਾਲ ਕਰ ਮਾਨਯੋ। ਜਨੁ ਜੁਰ ਕੋਟ ਬੀਜੁਰੀ
 ਚਲੀ। ਸੈਨਾ ਸਕਲ ਤੇਜਤੇ ਖਲੀ ॥ ੮੫ ॥ ਗਿਰੇ ਭੂਮਿ ਕਪਿ
 ਬਹੁਰ ਨ ਲਰੇ। ਮਾਨਹੁ ਬਾਨ ਕਰੋਰਿਕ ਪਰੇ। ਛੇਦ ਕੈ
 ਲਛਮਨ ਉਹ ਦਿਸ ਗਈ। ਸੁਰ ਪੁਰ ਮਾਂਹਿ ਬਧਾਈ ਭਈ
 ॥ ੮੬ ॥ ਯਾਂਤੇ ਸਬਨ ਕੁਲਾਹਲਿ ਕਰਿਯੋ। ਭਲੀ ਭਈ
 ਲਛਮਨ ਧਰ ਪਰਿਯੋ। ਜੋ ਧਰ ਲਛਮਨ ਆਜ ਨ ਪਰਈ।
 ਤੋ ਗਵਨ ਹਮ ਬਿਨ ਨਭ ਕਰਈ ॥ ੮੭ ॥

ਦੋਹਰਾ—ਅਬ ਪੂਰਨ ਅਪਰਾਧ ਤੇ ਰਿਸ ਕਰ ਹੈਂ ਰਘੁਬੀਰ।
 ਸੀਅ ਬਿਰਹਾਗ ਬੁਝਾਇ ਹੈਂ ਮੰਦੋਦਰਿ ਦ੍ਰਿਗ ਨੀਰ ॥ ੮੮ ॥
 ਚੌਪਈ—ਤਾਂ ਛਿਨ ਨਾਰਦ ਗਯੋ ਲੁਕਾਈ। ਹਨੂਮਾਨ ਠਗਿ
 ਮੂਰੀ ਖਾਈ। ਆਯੋ ਦੌਰ ਰਾਮ ਕੇ ਪਾਸਾ। ਰਹੇ ਛਾਡ ਸਬ ਜੀ-
 ਵਨ ਆਸਾ ॥ ੮੯ ॥ ਬਚਯੋ ਬਿਭੀਖਨ ਬਿਲਪਤ ਬੈਨਨ।
 ਕਪਿ ਪਤਿ ਜਲ ਮਾਂਗਤ ਹੈ ਸੈਨਨ। ਹਨੂਮਾਨ ਕਪਿ ਕਟਕ
 ਨਿਹਾਰਯੋ। ਮਾਨਹੁ ਗੜ੍ਹ ਪਾਥਰ ਕੋ ਡਾਰਯੋ ॥ ੯੦ ॥ ਭਯੋ
 ਨੀਲ ਨੀਲੋ ਅਤਿ ਚੇਟਨ। ਪੀਰੇ ਮੁਖ ਅੰਗਦ ਧਰ ਲੋਟਨ।
 ਔਰ ਕਪਨ ਕੀ ਕੌਨ ਚਲਾਵੈ। ਢੂੰਡ ਰਹਯੋ ਰਾਮਹਿ ਨਹੀ
 ਪਾਵੈ ॥ ੯੧ ॥ ਸਭਨ ਛਾਡਿਹੈਂ ਗਯੋ ਏਕ ਛਿਨ। ਇਨ ਸਭ
 ਹਨ ਕੋ ਯਹੈ ਕਾਲ ਦਿਨ। ਜੋ ਛਿਨਭਰ ਰਘੁਪਤਿ ਨ ਨਿਹਾ-
 ਰੈਂ। ਛਾਡ ਪ੍ਰਾਨ ਜਮ ਪੁਰਹਿ ਸਿਧਾਰੇ ॥ ੯੨ ॥

(ਹਨੂਮਾਨ ਉਵਾਰ)

ਦੋਹਰਾ—ਛਲ ਕਰ ਨਾਰਦ ਹੈਂ ਛਲਯੋ ਬਲ ਕਰਿ ਮਾਰ ਸਿਰਾ-
 ਉ। ਰਾਮ ਰਜਾਇਸ ਹੈ ਨਹੀ ਅਬ ਜਮਪੁਰਿ ਕੋ ਜਾਉ ॥ ੯੩ ॥
 ਚੌਪਈ—ਲਛਮਨ ਰਾਜਕੁਮਾਰ ਨਹੀ ਰਨ। ਕਜੇਂ ਜੀਵੈ ਹਨੂ-
 ਮਾਨ ਏਕ ਛਿਨ। ਕਹਯੋ ਬਿਭੀਖਨ ਤਬ ਸਿਰ ਨਾਈ। ਸਬ
 ਕੋ ਬਲਿ ਮਤਿ ਯਹ ਮਰਜਾਈ ॥ ੯੪ ॥

(ਬਿਭੀਖਨ ਬਚਨ)

ਸੁਨ ਕਪਿ ਪਤਿ ਅਤਿ ਨਿਸ ਅੰਧਜਾਰੀ । ਅਬ ਬਿਨਤੀ ਸੁਨ
ਲੇਹੁ ਹਮਾਰੀ । ਲੈ ਦੀਪਕ ਹਮ ਦੇਖਹਿ ਦੋਉ । ਸਬ ਮਰ ਗਏ
ਕਿ ਜੀਵਤ ਕੋਉ ॥ ੯੫ ॥ ਆਗੇ ਕੀਓ ਬਿਭੀਖਨ ਰਾਈ ।
ਪਾਛੇ ਹਨਵਤ ਦੀਪ ਜਰਾਈ । ਦੇਖਤ ਜਾਮਵੰਤ ਫਿਰਗ ਆਏ ।
ਅਤਿ ਸੁਛਮ ਤਿਨ ਬਚਨ ਸੁਨਾਏ ॥ ੯੬ ॥ ਦੇਖਿ ਬਿਭੀਖਨ
ਰਹਜੇ ਬਿਲਖ ਮੁਖ । ਪਰਜੇ ਆਨ ਸਬ ਕੋ ਇਕਠੇ ਦੁਖ । ਹਾਥ
ਉਠਾਇ ਇਹੈ ਤਿਨ ਪੂਛੀ । ਮੁਖ ਛਬਿ ਆਜ ਸਬਨ ਕੀ
ਛੁਛੀ ॥ ੯੭ ॥

(ਜਾਮਵੰਤ ਉਵਾਚ)

ਦੋਹਰਾ-ਸੁਨਹੁ ਬਿਭੀਖਨ ਲੰਕ ਪਤਿ ਸੁਖ ਦੇ ਬੇਗ ਸੁਨਾਇ ।
ਹਨੂਮਾਨ ਜੀਵਤ ਬਚਜੇ ਕੈ ਮਾਰਜੇ ਤਿਨ ਧਾਇ ॥ ੯੮ ॥

[ਬਿਭੀਖਨ ਉਵਾਚ]

ਚੌਪਈ-ਸੁਨਤ ਬਿਭੀਖਨ ਰੋਇ ਸੁਨਾਏ । ਜੀਵਤ ਜਾਮਵੰਤ
ਇਕ ਪਾਏ । ਤਿਨਹੀ ਕਹੇ ਬੱਜ੍ਹ ਸਮ ਬੈਨਾ । ਤਾਂਕੇ ਦੇਖਿ ਸਿ-
ਰਾਤ ਨ ਨੈਨਾ ॥ ੯੯ ॥ ਸ੍ਰੀ ਰਘੁਪਤਿ ਕੀ ਕੁਸਲ ਨ ਬੂਝੀ ।
ਬਹੁਰੇ ਲਛਮਨ ਦੇਹਿ ਨ ਸੂਝੀ । ਕਪਿ ਪਤਿ ਅੰਗਦ ਸਬੈ
ਭੁਲਾਨੇ । ਸਬਤੇ ਅਧਿਕ ਹਨੂੰ ਤੁਮ ਜਾਨੇ ॥ ੧੦੦ ॥ ਤਜ
ਨਲ ਨੀਲਹਿ ਨੇਹੁ ਜਨਾਏ । ਰਾਮ ਸਹਿਤ ਦਲ ਸਬ ਬਿਸ-
ਰਾਏ । ਕੈਤੁਮ ਗਏ ਭਬਕ ਰਨਮਾਂਹੀ । ਡਰ ਤੇ ਸੁੱਧ ਰਹੀ ਕਛੁ
ਨਾਹੀ ॥ ੧੦੧ ॥ ਹਮੈਂ ਰਾਮ ਕੋ ਬਹੁਤ ਭਰੋਸੇ । ਸੇਵਕ ਕਹਾਂ
ਆਜ ਕਹਿ ਤੋਸੇ । ਅਬ ਕਰ ਬੇਗ ਸਮੋਧ ਹਮਾਰੇ । ਹਨੂਮਾਨ
ਕਿਹ ਹੇਤ ਸੰਭਾਰੇ ॥ ੧੦੨ ॥

[ਜਾਮਵੰਤ ਉਵਾਚ]

ਦੋਹਰਾ-ਜਾਮਵੰਤ ਬੋਲਜੇ ਤਬਹਿ ਸੁਨਹੁ ਬਿਭੀਖਨ ਬਾਤ ।
ਤਾਂਕੇ ਜੀਵਤ ਸਬ ਜੀਐਂ ਮੁਏ ਸਬੈ ਮਰਜਾਤ ॥ ੧੦੩ ॥
ਚੌਪਈ-ਜੈ ਹਨੂਮਾਨ ਪ੍ਰਾਨ ਨਹਿ ਪਰੇ । ਜੇ ਰਨ ਗਿਰੇ ਹੇਤ
ਤਬ ਖਰੇ । ਜੈ ਹਨੂਮਾਨ ਜੁਝ ਪਗ ਧਾਰੇ । ਜੇ ਜੀਵਤ ਤੇਉ

ਬਿਧਿ ਮਾਰੇ ॥ ੧੦੪ ॥ ਤਬਹਿ ਬਿਭੀਖਨ ਬਚਨ ਸੁਨਾਏ ।
ਸ੍ਰੀ ਹਨੂਮਾਨ ਤਾਹਿ ਵਰਸਾਏ । ਸ੍ਰੀ ਰਘੁਪਤਿ ਲਛਮਨ ਢਿਗ
ਖਰੇ । ਏ ਸਬ ਦੌਰ ਰਾਮ ਪਗ ਪਰੇ ॥ ੧੦੫ ॥ ਮਿਲ ਰਘੁਬੀਰ
ਬਹੁਤ ਹੀ ਰੋਏ । ਲਛਮਨ ਆਜ ਸਬੈ ਸੁਖ ਖੋਏ । ਲਗੀ ਸੈਹ-
ਬੀ ਪ੍ਰਾਣ ਉਡਾਨੇ । ਛੁਟੇ ਹਾਥ ਤੇ ਭਏ ਬਿਗਾਨੇ ॥ ੧੦੬ ॥ ਅਬ
ਲਛਮਨ ਬਿਨ ਛਿਨ ਕਜੇਂ ਜੀਓਂ । ਜਾਂ ਬਿਨ ਪਹਿਲੇ ਨੀਰ
ਨ ਪੀਓਂ । ਅਬ ਹੋਂ ਪ੍ਰਗਟ ਤਜਤ ਹੋਂ ਪ੍ਰਾਨਾ । ਬ੍ਰਹਮ ਲੋਕ
ਸੰਗ ਬੀਰ ਪਯਾਨਾ ॥ ੧੦੭ ॥

ਦੋਹਰਾ—ਬੈਨ ਸਮੋਧੇ ਕਾਹਿ ਤਬ ਸਬ ਰੋਵਤ ਬਿਲਲਾਤ ।
ਜੇ ਅਧਜੀਵਤ ਸ਼ਬਦ ਸੁਨ ਤੇਉ ਆਵਤ ਜਾਤ ॥ ੧੦੮ ॥

[ਰਾਮਚੰਦ੍ਰਉਵਾਚ]

ਚੋਪਈ—ਛੁਟੀ ਮੂਰਛਾ ਸਭ ਉਠ ਧਾਏ । ਰੋਵਤ ਰਾਮਚੰਦ੍ਰ ਢਿਗ
ਆਏ । ਲਛਮਨ ਦੇਖ ਸਬੈ ਬਿਲਖਾਨੇ । ਪ੍ਰਾਨ ਆਪਨੇ ਸੰਗ
ਨ ਜਾਨੇ ॥ ੧੦੯ ॥ ਰੋਵਤ ਨੈਨਨ ਜਲ ਨਾ ਰਹਈ । ਤਬ
ਰਘੁਬੀਰ ਬੀਰ ਸੋਂ ਕਹਈ । ਤੁਮ ਰਨ ਧੀਰ ਮਹਾਂ ਰਨ ਗਾਢੇ
। ਗਏ ਛਾਡ ਇਹ ਅਵਸਰ ਠਾਢੇ ॥ ੧੧੦ ॥ ਅਬ ਤੁਮ ਸਬ ਮੈਂ
ਪ੍ਰਗਟ ਜਨਾਯੋ । ਬਨਫਲ ਖਾਤ ਬਹੁਤ ਦੁਖ ਪਾਯੋ । ਸੀਤਾ
ਹਰਨ ਆਦਿ ਦੁਖ ਮਾਨੋ । ਤਾਂਤੇ ਸੁਰ ਪੁਰਿ ਕੀਨ ਪਯਾਨੋ ॥
੧੧੧ ॥ ਮੇ ਬਿਨ ਭੋਜਨ ਪੀਤ ਨ ਪਾਨੀ । ਰਹੀ ਮੀਤ ਸੁਨ
ਪ੍ਰੀਤ ਕਹਾਨੀ । ਗੁਪਤ ਸੋਚ ਜੋ ਮਨ ਮੈਂ ਰਹਈ । ਰੋਵਤ ਰਾਮ
ਸੁ ਤੇਸੋਂ ਕਹਈ ॥ ੧੧੨ ॥

ਸਵੈਯਾ—ਜਾਨਕੀ ਕੋ ਜੀਅ ਸੋਕ ਨਹੀ ਨ ਸੰਕੋਚ ਕਛੂ ਪਿਤ
ਦੇਹ ਗਵਾਈ । ਦੇਸ ਤਜਿਓ ਲੀਓ ਭੇਸ ਤਪੋ ਧਨ ਕੇਕਈ
ਕੀ ਨ ਗਨੀ ਠਕੁਰਾਈ । ਜੈਸੀ ਕਛੂ ਦਿਨ ਰੈਨ ਬਸੈ ਸੁਨ
ਬੀਰ ਬਿਭੀਖਨ ਕੀ ਦੁਚਿਤਾਈ । ਪ੍ਰਾਨ ਨਿਸੰਕ ਤਜੇ ਤੁਮ ਯੋਂ
ਹਮਰੰਕ ਭਯੋ ਇਕ ਲੰਕ ਨ ਪਾਈ ॥ ੧੧੪ ॥

ਦੋਹਰਾ—ਲਛਮਨ ਨਿਪਟ ਅਨੀਤ ਕਰ ਗਏ ਛਾਡ ਰਨ ਮੋਹਿ

। ਅਬ ਰਘੁਨਾਥ ਅਨਾਥ ਸੋਂ ਧੋਂ ਭਾਵਤ ਹੈ ਤੋਹਿ ॥ ੧੧੫ ॥

ਸਵੈਯਾ-ਜਾਨਤ ਹੋਂ ਮਨ ਮੈ ਸੁਨ ਬੀਰ ਨ ਤੋ ਬਿਨ ਬਾਨਰ
ਏਕਲਰੈ। ਭਜਹੋਂ ਰਘੁਕੇ ਕੁਲਕੇ ਦੁਖਹੈ ਮਰ ਹੋਂ ਤਬ ਮੇ ਦੁਖ
ਸੀਅ ਮਰੈ। ਨਹੀ ਝੂਠੀ ਕਹੀ ਕਬਹੂੰ ਮੁਖਤੇ ਇਹ ਝੂਠ ਹੂੰ ਤੇ
ਰਘੁਬੀਰ ਡਰੈ। ਜਿਨਦੇਹਿ ਤਜੈ ਤਬ ਲੋ ਜਬ ਲੋ ਨ ਬਿਭੀ-
ਖਨ ਜਾਇਕੈ ਰਾਜ ਕਰੈ ॥ ੧੧੬ ॥

ਕਬਿਤ-ਛਾਡਯੋ ਨਿਜ ਦੇਸ ਕੀਓ ਤਾਪਸੀ ਕੋ ਭੇਸ ਦੇਖ ਰਾ-
ਵਨ ਨਰੇਸ ਅਤਿ ਰਾਖਸ ਕੋ ਡੀਲ ਹੈ। ਅੰਗਦ ਨ ਦੀਸੈ ਸੁਖੀ
ਘਾਇਨ ਤੇ ਘਨੇ ਦੁਖੀ ਮੁਖਨ ਕੈ ਆਗੇ ਲਾਗੇ ਸੋਨਤ ਕੋ
ਝੀਲ ਹੈ। ਭਾਈ ਲਛਮਨ ਅਬ ਹੋਤ ਹੈ ਹਸਾਈ ਕਹੇ ਕਹਾ
ਜੀਅ ਆਈ ਮੇਰੇ ਜਾਤ ਸੁਖ ਸੀਲ ਹੈ। ਰੋਵੈ ਰਘੁਰਾਇ
ਹਾਇ ਹਾਇ ਲਛਮਨ ਬੀਰ ਤੋ ਬਿਨਾ ਸਹਾਇਕ ਨ ਆਜ
ਨਲ ਨੀਲ ਹੈ ॥ ੧੧੭ ॥

ਕਬਿਤ-ਪਿਛਲੀ ਤੋ ਐਸੀ ਰੀਤਿ ਤੈਸੀ ਕੀਨੀ ਮੇਰੇ ਮੀਤ
ਪ੍ਰੀਤਿ ਪ੍ਰਗਟਾਈ ਜੈਸੇ ਹੈਨ ਸਸਿ ਕੋਕਕੋ। ਪਹਿਲੇ ਖਵਾਇ
ਫਲ ਸੇਜ ਕੋ ਬਿਛਾਇ ਦਲ ਤਾਂ ਪਰ ਸਵਾਇ ਮੋਹਿ ਪਾਛੇ
ਜਾਤੇ ਓਕਕੋ। ਕਿਧੋਂ ਜੀਅ ਪਰੀ ਬਾਤ ਹਮ ਹੈਂ ਬਿਮਾਤ
ਭ੍ਰਾਤ ਐਸੀ ਪ੍ਰਗਟਾਵਤ ਬਢਾਵਤ ਹੈਂ ਸ਼ੋਕ ਕੋ। ਅਜਹੂੰ ਨ
ਜਾਗੇ ਮੇਸੋਂ ਐਸੇ ਅਨੁਰਾਗੇ ਬੀਰ ਮੋਹਿ ਛਾਡਿ ਆਗੇ ਜਾਨ
ਲਾਗੇ ਸੁਰ ਲੋਕ ਕੋ ॥ ੧੧੮ ॥

ਕਬਿਤ-ਦਸਰਥ ਜੂਕੇ ਦੇਹ ਤਯਾਗੇ ਤੇ ਨ ਤਯਾਗੀ ਤੈਂ ਤੋ ਮੇਮੈ
ਚਿਤ ਰਾਖਯੋ ਪੈ ਨ ਰਾਖਯੋ ਹੈ ਜਨਕ ਮੈਂ। ਪਾਛੇ ਬਨ ਆਏ
ਬਨ ਫਲ ਤੈਂ ਖਵਾਏ ਖਾਏ ਇਤੀ ਪ੍ਰੀਤਿ ਭਾਈ ਕੋਊ ਤੋਰ
ਤ ਤਨੱਕ ਮੈਂ। ਜਾਨਕੀ ਹਰਨ ਤੇ ਨ ਮਰਨ ਬਿਚਾਰਯੋ ਤੈਂ
ਤੋ ਮੇਰੇ ਜੀਅ ਕਾਜ ਰਾਖਯੋ ਬਾਨ ਤੈ ਧਨੱਕ ਮੈਂ। ਆਜ ਰਘੁ-
ਬੰਸ ਮੇਰੇ ਬੰਸ ਹੋਤ ਲਛਮਨ ਸੈਹਥੀ ਕੇ ਲਾਗੇ ਸਾਥ ਛਾਡਯੋ ਤੈ
ਛਿਨੱਕ ਮੈ ॥ ੧੧੯ ॥

ਸਵੈਯਾ—ਰਵਿਤੇ ਮਨੁ ਆਦਿ ਦਿਲੀਪ ਹੂਤੇ ਰਘੁਤੇ ਅਜਤੇ ਕਿਨ
ਬੰਸ ਗਯੋ ਛੈ। ਹੈ ਨ ਕਲੰਕ ਸਬੈ ਪਿਤ ਸੋਂ ਜਸ ਸੋਂ ਅਰਿ ਜੀਤ
ਹੁਤੀ ਜਗ ਜੈ। ਅਬ ਮੇਰੇ ਕਲੰਕ ਚਢ੍ਹਯੋ ਸਿਰ ਦੇਖਹੁ ਨਾਰਿ
ਗਈ ਅਰ ਬੀਰ ਚਲਿਓ ਦੈ। ਬਾਢੀ ਖਿਸੀ ਤਿਹੂੰ ਲੋਕ ਧਸੀ
ਧੁਨਿ ਸੀਸ ਅਹੋ ਰਘੁਬੀਰ ਕਹਿਓ ਹੈ ॥ ੧੨੦ ॥

ਸਵੈਯਾ— ਔਧ ਕਹਾਂ ਰਘੁਨਾਥ ਕਹਾਂ ਪਿਤ ਬੈਨਨ ਤੇ ਬਨਕੋ
ਉਠਧਾਵੈ। ਰਾਵਨ ਸੀਅ ਹਰੈ ਸੁ ਕਹਾਂ ਕਪਿਰਾਜ ਸਮਾਜ ਲਏ
ਸੰਗ ਆਵੈ। ਸਿੰਧੁ ਪਟੈ ਰਘੁਬੀਰ ਲਟੈ ਅਬ ਕਾਨ ਘਟੈ ਮਨ ਯੋਂ
ਦੁਖ ਪਾਵੈ। ਜੋ ਜੀਅ ਮੈਂ ਸੁਪਨੇ ਹੂੰ ਨ ਸੁਤ ਸੁ ਸੁਤ ਸਬੈ ਬਿਧ
ਰੋਖ ਬਨਾਵੈ ॥ ੧੨੧ ॥

[ਕਵਿਉਵਾਚ]

ਸੋਰਠਾ—ਇਹ ਬਿਧਿ ਅਤਿ ਦੁਖ ਪਾਇਕੈ ਰੋਵਤ ਕੈ ਧਰ ਲੁ-
ਠਤ। ਤਾਂ ਪਾਛੇ ਰਘੁਰਾਇ ਹਨੂਮਾਨ ਸੋ ਰਿਸ ਭਰਿਓ ॥ ੧੨੨ ॥

[ਰਾਮਚੰਦ੍ਰਵਾਚ ਹਨੂਮਾਨਸੋਂ]

ਕਬਿੱਤ—ਸੀਤਾ ਰਹੋ ਰਾਜ ਬਹੋ ਭਲੀ ਬੁਰੀ ਕੋਊ ਕਹੋ ਜੀਅ
ਆਨਿ ਗਹੋ ਰਿਪੁ ਨੈਕੁ ਨ ਖਿਸਾਇਗੋ। ਸੁਨਰੇ ਸਮੀਰ ਸੁਤ
ਪੀਰ ਸਹੀ ਜਾਤ ਨਹੀ ਜਹਾਂ ਮੇਰੇ ਬੀਰ ਰਘੁਬੀਰ ਤਹਾਂ
ਜਾਇਗੋ। ਏਕ ਛਿਨ ਬਿਨਾ ਲਛਮਨ ਪਾਯੋ ਪ੍ਰਾਨ ਰਿਨ
ਬਿਨਾ ਦੀਨੇ ਰਾਮਚੰਦ੍ਰ ਕੈਸੇ ਕੈ ਸਿਰਾਇਗੋ। ਤਾਂਤੇ ਮੇਰੀ ਸਬ
ਹੀਂ ਸੋਂ ਰਾਮ ਰਾਮ ਰਾਮ ਕਹਿ ਰਾਵਨ ਤਿਹਾਰੇ ਕਿਹ ਲੇਖੇ
ਨਿਜਕਾਇਗੋ ॥ ੧੨੩ ॥

ਸਵੈਯਾ—ਆਨ ਜੁਰੇ ਕਪਿ ਮੰਡਲ ਕਾਲ ਸੁਮਾਰ ਪਰੇ ਰਨ ਕਾਮ
ਨ ਆਵੈ। ਹੋ ਬਲਵੰਤ ਬਡੇ ਹਨੂਵੰਤ ਗਯੋ ਭਜਕੈ ਨਿਜ ਪ੍ਰਾਨ
ਬਚਾਵੈ। ਜਾਂ ਬਿਨ ਆਜ ਦੁਖੀ ਇਹ ਭਾਂਤਿ ਸੁ ਰਾਮ ਕਹਾਂ ਭ-
ਰਤੈ ਅਬ ਪਾਵੈ। ਬੀਰ ਬਿਨਾ ਅਬ ਬੀਰ ਕੇ ਪ੍ਰਾਨਨ ਕੇ ਰਘੁ-
ਬੀਰਹਿ ਆਨ ਮਿਲਾਵੈ ॥ ੧੨੪ ॥

ਕਬਿੱਤ—ਕੇਕਈ ਕੋ ਪੂਤ ਲੱਛਮਨ ਜੁਕੋ ਛਾਡਿ ਰਨ ਤੇਰੇ ਜਜੋਂ

ਪਵਨ ਪੂਤ ਕੈਸੇ ਮੁਖ ਮੋਰਤੇ । ਸੈਹਥੀ ਕੇ ਘਾਉ ਲੰਕ ਰਾਉ ਕੋ
ਨ ਹੋਨ ਦੇਤੇ ਰਾਵਨ ਕੇ ਨਦ ਮੈ ਸਮੁੰਦ ਬਿਖ ਘੋਰਤੇ । ਏਕ
ਹੀ ਸਿਰਾਸਨ ਕੇ ਜੋਰ ਪਾਕ ਸਾਸਨ ਕੇ ਆਸਨ ਗਿਰਾਇ
ਕਮਲਾਸਨ ਸੇਂ ਜੋਰਤੇ । ਗਾਰਤੇ ਗਰਬ ਦਸ ਕੰਧਰ ਕੋ ਸਭੈ
ਆਜ ਹੁਤੇ ਨ ਭਰਤ ਨਭ ਰਥ ਜਾਇ ਤੋਰਤੇ ॥ ੧੨੫ ॥

ਸਵੈਯਾ-ਨਾਰਿ ਗਈ ਅਰ ਬੀਰ ਗਿਰਜੇ ਰਨ ਹੋਂ ਮਨਤੇ ਸਬ
ਭਾਂਤਨ ਹਾਰਜੇ । ਰਾਵਨ ਕੇ ਦਿੜ੍ਹ ਬਾਨਨ ਤੇ ਕਪਿ ਮੰਡਲ
ਭੂਮਿ ਪਰਜੇ ਨ ਸੰਭਾਰਜੇ । ਏਕ ਹੁਤੇ ਹਨੂਮਾਨ ਬਲੀ ਤਿਨ
ਹੂੰ ਜੀਅ ਮੇਂ ਇਹ ਭਾਂਤ ਬਿਚਾਰਜੇ । ਆਸ ਰਹੀ ਗਰੁੜਾਸਨ
ਰਾਮ ਸਰਾਸਨ ਡਾਰ ਕੈ ਆਸਨ ਮਾਰਜੇ ॥ ੧੨੬ ॥

(ਕਵੀਓਵਾਰ)

ਦੋਹਰਾ-ਹਨੂ ਜਾਨ ਅਪਰਾਧ ਨਿਜ ਸਨਮੁਖ ਕਰਤ ਨ ਡੀਠ ।
ਭਰਤ ਭੁਜਾਬਲ ਸ੍ਵਨ ਸੁਨ ਮਨ ਰਿਸ ਮਾਰਤ ਨੀਠ ॥ ੧੨੭ ॥
ਸੋਰਠਾ-ਮਨ ਮੈ ਹਨੂ ਰਿਸਾਇ ਬਦਨ ਨਾਇ ਠਾਢੇ ਭਯੋ ।
ਪ੍ਰਭੁ ਸੇਂ ਕਹਾਂ ਬਸਾਇ ਦੀਨ ਭਯੋ ਬਿਨਤੀ ਕਰੈ ॥ ੧੨੮ ॥

[ਹਨੂਮਾਨ ਉਵਾਰ ਰਾਮਚੰਦ੍ਰਸੇਂ]

ਕਬਿਤ-ਕਾਹੇ ਕੋ ਕਰਤ ਰੋਸ ਸੇਵਕਨ ਦੇਤ ਦੋਸ ਠੋਕਤੇ ਜੋ
ਪੀਠ ਨੈਕ ਕੋਨ ਭਾਂਤਿ ਹਾਰਤੇ । ਖੇਦ ਲਛਮਨ ਜੁਕੀ ਦੇਹ ਕੋ
ਨ ਹੋਨ ਦੇਤੇ ਨੈਕ ਤੁਮੈਂ ਕਾਹੂ ਹੂੰ ਕੋ ਸਿੰਧੁ ਨ ਉਤਾਰਤੇ ।
ਅਬ ਲੋਤੋ ਸੀਤਾ ਜੁਕੈ ਲੈਕੈ ਸੰਗ ਮਹਾਰਾਜ ਭਲੀ ਭਾਂਤਿ ਬੈਠ
ਰਥ ਘਰ ਹੀਂ ਪਧਾਰਤੇ । ਗਾਰਤੇ ਗਰਬ ਦਸਕੰਧਰ ਕੋ ਸਬੈ
ਆਜ ਜੈਸੇ ਲੰਕ ਜਾਰੀ ਤੈਸੇ ਰਾਵਨ ਕੋ ਮਾਰਤੇ ॥ ੧੨੯ ॥

ਕਬਿਤ-ਸਭੈ ਰਹੇ ਬੈਠ ਲੰਕ ਏਕਲੋਈ ਪੈਠਿ ਨਾਥ ਮੂਲਤੇ
ਉਪਾਰ ਸਿੰਧੁ ਧਾਰ ਮੈ ਬਹਾਇ ਦਯੋਂ । ਰਾਖਸਨ ਮਾਰ ਕਿਲ
ਕਾਰ ਸਭਕੋ ਪਛਾਰਿ ਛਿਨ ਹੀ ਮੈ ਚੰਦ ਮੁਖੀ ਜਾਨਕੀ ਕੋ
ਲਿਆਇ ਦਯੋਂ । ਜੇਤੇ ਲੱਛ ਜੁਗਨ ਮੈਂ ਲਛਮਨ ਜੂਝੇ ਰਨ
ਸੁਧਾ ਰਸ ਆਨ ਕਹੇ ਸਭ ਕੋ ਜਿਵਾਇ ਦਿਓਂ । ਕਾਹੇ ਕੋ ਕ-

ਮਾਨ ਬਾਨ ਡਾਰਤ ਹੋ ਮਹਾਰਾਜ ਦੀਜੈ ਨੈਕ ਆਇਸ ਤੋ ਰਾ-
ਵਨ ਗਿਰਾਇ ਦਯੋਂ ॥ ੧੩੦ ॥

ਦੋਹਰਾ—ਹਨੂਮਾਨ ਏਹ ਸਾਚ ਸਭੁ ਜਿਤੀ ਕਹੀ ਤੈਂ ਬਾਤ ।
ਰਨ ਰਾਵਨ ਫੂਲਯੋ ਫਿਰੈ ਕਰ ਲਛਮਨ ਕੋ ਘਾਤ ॥ ੧੩੧ ॥
ਸੋਰਠਾ—ਚਲੀ ਕਥਾ ਬਿਪ੍ਰੀਤ ਦੇਸ ਦੇਸ ਪੁਰ ਪੁਰ ਨਗਰ ।
ਰਨ ਰਾਵਨ ਕੀ ਜੀਤ ਰਾਮਚੰਦ ਹਾਰੇ ਪ੍ਰਗਟ ॥ ੧੩੨ ॥

[ਹਨੂਮਾਨ ਉਵਾਚ]

ਸਵੈਯਾ—ਹੈ ਗਈ ਏਕ ਅਚਾਨਕ ਹੀਂ ਪ੍ਰਭੁ ਕੋ ਬਲ ਕੋ ਕਨਕਾ
ਨਲ ਹੈ ਹੈ । ਰਾਵਨ ਮੀਚ ਕੇ ਹਾਥ ਪਰਯੋ ਗਿਨਤੀ ਪਲ ਪ੍ਰਾਨ
ਲਏ ਨਿਬਹੈ ਹੈ । ਨੀਚ ਬਿਪ੍ਰੀਤ ਕਜਯੋਂ ਸਸਿ ਲੀਲ ਦਿਵਾਕਰ
ਕੋ ਮੁਨ ਜਾਇ ਗਹੈ ਹੈ । ਤੋਂ ਕਹਾਂ ਬੈਠਿ ਸਭਾ ਮਹਿ ਰਾਘਵ
ਰਾਹੁ ਕਹੂੰ ਦਿਨ ਨਾਇਕ ਹੈ ਹੈ ॥ ੧੩੩ ॥

ਚੌਪਈ—ਰਾਵਨ ਰਾਹੁ ਗ੍ਰਸਯੋ ਲਛਮਨ ਸਸਿ । ਹੋਯੋ ਗ੍ਰਹਨ
ਅਬੈ ਉਠ ਹੈਂਹਸ । ਨਾਥ ਸੰਕੋਚ ਨ ਮਨਮੈ ਆਨੋ । ਲਛਮਨ
ਕੋ ਜੀਵਤ ਹੀ ਜਾਨੋ ॥ ੧੩੪ ॥

[ਰਾਮ ਚੰਦ ਉਵਾਚ]

ਚੌਪਈ—ਸੁਧਾ ਸਮਾਨ ਹਨੂ ਕੇ ਬੈਨਾ । ਤਉ ਬੀਰ ਬਿਨ ਫੂਟਹਿ
ਨੈਨਾ । ਜੋ ਹਮ ਅਬ ਜੀਤਯੋ ਲੰਕਾ ਪਤਿ । ਬਿਨ ਲਛਮਨ
ਕਿਹ ਕਾਜ ਰਾਜ ਪਤਿ ॥ ੧੩੫ ॥ ਵੈ ਪ੍ਰਕਾਰ ਸੁਖ ਨਿਧਿ ਕੇ
ਪਾਏ । ਹਨੂਮਾਨ ਤੁਹਿ ਕਹਤ ਸੁਨਾਏ । ਜਾਂ ਬਿਭੂਤਿ ਕੋ ਅਰਿ
ਨ ਨਿਵਾਰੈ । ਮਨ ਦੁਖ ਪਾਇ ਹੀਓ ਪਰਜਾਰੈ ॥ ੧੩੬ ॥

ਉਨ ਭਯਨ ਸੋਂ ਮਿਲਨ ਸੁਹਾਈ । ਖਾਨ ਪਾਨ ਨਹਿ ਸਭਾ
ਬਨਾਈ । ਹਰਿ ਗੁਰ ਬਿਪ੍ਰ ਹੇਤ ਨਹਿ ਦੀਨੀ । ਬਲ ਛਲ
ਕਰਿ ਉਨ ਹੂੰ ਤੇ ਲੀਨੀ ॥ ੧੩੭ ॥ ਜਾਂ ਨਿਧਿ ਕੋ ਨ ਸਰਾਹੈ
ਕੋਈ । ਸੋ ਬਿਭੂਤ ਬੈਰੀ ਕੇ ਹੋਈ । ਤਾਂ ਤੇ ਲਛਮਨ ਬਿਨ
ਅਬ ਮਰਉਂ । ਕਿਹ ਬਿਧਿ ਨਗਰ ਓਰ ਮੁਖ ਕਰਉਂ ॥ ੧੩੮ ॥
ਦੋਹਰਾ—ਮੇਰੇ ਪਾਛੇ ਪਵਨ ਸੁਤ ਜੋ ਜੀਵੈ ਸੀਅ ਨਾਰਿ ।

ਤੋ ਲੈ ਘਰ ਪਹੁਚਾਈਓ ਲੰਕਾ ਪਤਿ ਕੋ ਮਾਰ ॥ ੧੩੯ ॥

[ਕਵਿਉਵਾਰ]

ਚੌਪਈ—ਤਬ ਹਨਵੰਤ ਭਰ ਲੀਨੇ ਨੈਨਾ। ਪਰਸ ਪਾਉਂ ਬੋਲਯੋ
ਮੁਖ ਬੈਨਾ। ਜੋ ਕਛੁ ਆਗਿਆ ਦੇਹੁ ਸੁ ਕਰਉਂ। ਕਹੈ ਜਾਇ
ਜਮ ਹੂੰ ਸੋਂ ਲਰਉਂ ॥ ੧੪੦ ॥ ਪ੍ਰਾਣ ਆਨਿ ਲਛਮਨ ਤਨ
ਮੇਲੋਂ। ਜੋ ਲਰ ਮਰੋਂ ਤੋ ਜੀ ਪਰ ਖੇਲੋਂ। ਤਬ ਬੋਲੇ ਰਘੁਪਤਿ
ਸੁਖਦਾਈ। ਜੋਹੋਂ ਕਹੋਂ ਕਰਹੁ ਕਪਿ ਰਾਈ ॥ ੧੪੧ ॥ ਬੈਦ ਰਾਜ
ਲੰਕਾ ਗਢ ਰਹਈ। ਨਾਮ ਸੁਖੈਨ ਸਕਲ ਜਗ ਕਹਈ। ਪਟ
ਤਰ ਆਜ ਧਨੰਤਰ ਦੀਜੈ। ਤਾਂ ਕੋ ਅਬਹਿ ਆਨਿ ਸੁਖ ਲੀਜੈ
॥ ੧੪੨ ॥ ਜੋ ਵਹੁ ਕਹੈ ਸੁ ਕਰਹੁ ਉਪਾਈ। ਸੱਤ ਬਚਨ ਤਾਕੇ
ਨ ਮਿਟਾਈ। ਹਨੂਮਾਨ ਛਿਨਹੀਂ ਮੈ ਕੀਨੋ ॥ ਆਨਿ ਸੁਖੈਨ
ਸੇਵਤੇ ਦੀਨੋ ॥ ੧੪੩ ॥

ਦੋਹਰਾ—ਹਨੂਮਾਨ ਕੇ ਪ੍ਰਾਣ ਏ ਰਘੁਪਤਿ ਜੁਕੇ ਪਾਇ ॥
ਕੈ ਲਛਮਨ ਪਗ ਤਰ ਮਰੋਂ ਕੈ ਅਬ ਦੇਹੁ ਜਿਆਇ ॥ ੧੪੪ ॥
ਚੌਪਈ—ਤਾਂ ਢਿਗਕਪਿ ਕੋਉ ਨ ਪਠਾਯੋ। ਪਕਰ ਬਾਂਹ ਰਘੁ-
ਬੀਰ ਜਗਾਯੋ। ਉਠਤ ਸੁਖੈਨ ਦੰਡਵਤ ਕੀਨੋ। ਸ੍ਰੀ ਰਘੁਬੀਰ
ਚੰਦਰਮਾਂ ਚੀਨੋ ॥ ੧੪੫ ॥ ਪਕਰ ਬਾਂਹ ਲਛਮਨ ਦਰਸਾਏ ॥
ਅੰਗ ਅੰਗ ਕੇ ਘਾਉ ਵਿਖਾਏ ਧੁਨਿ ਧੁਨਿਗ੍ਰੀਵ ਸੁਖੈਨ ਸੁਨਾਵੈ
। ਬੂਟੀ ਕਠਨ ਕਹਾਂ ਕੋਉ ਪਾਵੈ ॥ ੧੪੬ ॥ ਪਹੁਚੈ ਨਹੀਂ
ਗਰਜ਼ ਤਹਿ ਜਾਈ। ਬੀਚ ਬਸੇ ਆਵੈ ਦਿਨ ਰਾਈ। ਮਨ ਤੇ
ਬੇਗ ਕਠਨ ਕੋਉ ਧਾਵੈ। ਸੂਰ ਉਦੈ ਲਗ ਸੋਉ ਨ ਆਵੈ
॥ ੧੪੭ ॥ ਕਜੋਂ ਲਛਮਨ ਜੀਵੈ ਰਘੁਰਾਈ। ਜਹਿ ਬੂਟੀ ਤਹਿ
ਕੋਉ ਨ ਜਾਈ। ਤਾਂ ਮੈ ਦੁਸ਼ਟ ਬਹੁਤ ਰਖਵਾਰੇ। ਪ੍ਰੇਤ ਪਿਸਾਚ
ਭੂਤ ਮਤਵਾਰੇ ॥ ੧੪੮ ॥

ਦੋਹਰਾ—ਲਛਮਨ ਦੇਖਤ ਦ੍ਰਿਗ ਭਰਤ ਰਾਮ ਦੇਖ ਮੁਰਝਾਇ।
ਨੀਚੇ ਨੈਨ ਸੁਖੈਨ ਕਰਿ ਬੋਲਤ ਮਨ ਪਛਤਾਇ ॥ ੧੪੯ ॥

[ਬੈਦ ਉਵਾਰ]

ਚੌਪਈ-ਤਿਨਤੇ ਕਰਮ ਕਾਲ ਜੋ ਬਚੈ । ਹਿਮ ਸਮੁੰਦ੍ਰ ਤਾਂ ਮੈ
 ਪੁਨ ਪਚੈ ॥ ਤਾਂਤੇ ਸਬੈ ਕਠਨਈ ਜਾਨਹੁ । ਮੇਰੇ ਬਚਨ ਸੱਤ
 ਕਰ ਮਾਨਹੁ ॥ ੧੫੦ ॥ ਨਾਉਂ ਗਾਉਂ ਪਰਠਾਉਂ ਬਤਾਉਂ । ਬਿਦਾ
 ਕਰੋ ਤੋ ਸੀਸ ਨਿਵਾਉਂ । ਉੱਤਰ ਖੰਡ ਦੋਲ ਗਿਰ ਕਹਈ ।
 ਬਸੈਂ ਨ ਦੇਵ ਰਾਕਸੈਂ ਰਹਈ ॥ ੧੫੧ ॥ ਸਾਠ ਲਾਖ ਜੋਜਨ
 ਹੈ ਕੋਸਾ । ਕੋਨ ਜਾਇ ਜੀਅ ਹੈ ਨ ਭਰੋਸਾ । ਔ ਪੁਨ ਸੁਨੋ ਜਰੀ
 ਕੇ ਨਾਉਂ । ਸ੍ਰੀ ਰਘੁਪਤਿ ਜੀ ਤੁਮਹਿ ਸੁਨਾਉਂ ॥ ੧੫੨ ॥ ਹੈ
 ਬਿਸਲਜ ਬਲੀ ਉੱਜਾਰੀ । ਦੀਪ ਜੋਤ ਜਯੋਂ ਜਰੈ ਉਘਾਰੀ ।
 ਬਿਨ ਰਵਿ ਉਦੈ ਜਰੀ ਜੋ ਆਵੈ । ਘਸ ਲਛਮਨ ਕੇ ਅੰਗ
 ਲਗਾਵੈ ॥ ੧੫੩ ॥ ਤਬ ਹੀ ਜੀਐ ਮੂਰਛਾ ਭਾਗੈ । ਉਠ ਲਛ-
 ਮਨ ਚਰਨਨ ਕੇ ਲਾਗੈ । ਲਾਖ ਧਨੰਤਰ ਜੋ ਚਲ ਆਵੈ । ਤਾਂ
 ਬੂਟੀ ਬਿਨ ਤੇ ਨ ਜਿਆਵੈ ॥ ੧੫੪ ॥ ਆਨਿ ਬਿਧਾਤਾ ਜੋ ਉਪ-
 ਚਰੈ । ਜਿਆਇ ਨ ਸਕੈ ਸੰਗ ਸੋ ਜਰੈ । ਜੀਅਨ ਉਪਾਇ
 ਕਹਿਓ ਮੈਂ ਸੋਈ । ਤੁਮ ਈਸ਼੍ਵਰ ਤੁਮਤੇ ਸਭ ਹੋਈ ॥ ੧੫੫ ॥
 ਬਾਤੈ ਕਰਤ ਨ ਬੀਤੀ ਘਰੀ । ਤਬ ਸਖੈਨ ਪੁਨ ਬਿਨਤੀ
 ਕਰੀ । ਸੁਕੇ ਜੁ ਮੋਹਿ ਇਹਾਂ ਲੈ ਆਯੋ । ਤਬ ਹਨੂਮਾਨ ਰਾਮ
 ਦਰਸਾਯੋ ॥ ੧੫੬ ॥ ਦਰਸਨ ਦੇਖ ਬਹੁਰ ਸੋ ਕਹੈ । ਯਹ ਮਨ
 ਕਰੈਤੋ ਪਵਨੈ ਗਹੈ ॥ ਔਰ ਭਰੋਸੇ ਜਾਂਕੋ ਆਵੈ ॥ ਤਾਹੀਕੇ ਮਹਾ
 ਰਾਜ ਪਠਾਵੈ ॥ ੧੫੭ ॥ ਤਾਂਪਰਜੰਕ ਸੁਖੈਨ ਸੁਵਾਯੋ ॥ ਹਨੂ
 ਮਾਨ ਛਿਨ ਮੈ ਪਹੁਚਾਯੋ ॥ ਕਪਿਮਾਯਾ ਸੁਖੈਨ ਭਰਮਾਯੋ । ਸੋਇ
 ਰਹਿਓ ਜਨੁ ਸੁਪਨੋ ਆਯੋ ॥ ੧੫੮ ॥

(ਕਵਿਉਵਾਰ)

ਦੋਹਰਾ-ਇਹ ਬਿਧਿ ਬੂਟੀ ਸਮਝ ਕੈ ਹਨੂਮਾਨ ਸੁਖ ਪਾਇ ॥
 ਤਾਂ ਪਾਛੇ ਬਿਨਤੀ ਕਰੀ ਸਬਸੋਂ ਪ੍ਰਗਟ ਸੁਨਾਇ ॥ ੧੫੯ ॥

(ਹਨੂਮਾਨਉਵਾਰ)

ਚੌਪਈ-ਬੈਦ ਕਹੀ ਸੋ ਸਭ ਸੋ ਕਹੀ ॥ ਰਾਮ ਆਸ ਲਛਮਨ

ਲੈ ਰਹੀ ॥ ਰਾਮ ਟਹਿਲ ਆਯੋ ਸਭ ਕੋਊ ॥ ਜਾਂਤੇ ਪਰੇ ਟਹਿਲ
ਨਹਿ ਹੋਊ ॥ ੧੬੦ ॥ ਜੋ ਲੈ ਸੂਰਨ ਨਿਕਸਨ ਪਾਵੈ ॥ ਜਰੀ
ਉਪਾਰ ਕੋਊ ਲੈ ਆਵੈ ॥ ਅਪਨੋ ਅਪਨੋ ਬਲ ਉਚਰਹੂ ॥ ਰਾਮ
ਨਾਮ ਕੋ ਢੀਲ ਨ ਕਰਹੂ ॥ ੧੬੧ ॥ ਪ੍ਰਭ ਕੈ ਕਾਜ ਨ ਸੇਵਕ
ਆਵੈ ॥ ਲੋਕ ਹਸੈ ਪਰਲੋਕ ਹਸਾਵੈ ॥ ਸੀਤਾ ਕੀ ਚਿੰਤਾ ਕੋ
ਕਰਈ ॥ ਅਬ ਤੋ ਆਸ ਸੁ ਲਛਮਨ ਮਰਈ ॥ ੧੬੨ ॥ ਤਾਂਤੇ
ਤਜਹੁ ਬਿਲੰਬ ਅਹੋ ਕਪਿ ॥ ਅਵਧਾਨਿ ਕਟਕਟਿਕਸਹੁ ਚਲਹੁ
ਧਪਿ ॥ ਪੌਰਖ ਕਥਾ ਜਬੈ ਥਕ ਜੈਹੈ ॥ ਤਬ ਲਛਮਨ ਕੋ ਰਾਮ
ਨ ਪਹੈ ॥ ੧੬੩ ॥

ਦੋਹਰਾ—ਤਾਂਤੇ ਪ੍ਰਗਟ ਕਹੋ ਸਬੈ ਲਾਜ ਸਕੁਚ ਮਨਿ ਖੋਇ ॥
ਤਾਂਪਰ ਮੰਤ੍ਰ ਬਿਚਾਰੀਐ ਰਾਮ ਕਰੈ ਸੋ ਹੋਇ ॥ ੧੬੪ ॥

[ਸਭ ਕਪਿਉਵਾਰ]

ਚੌਪਈ—ਤਬ ਉਠ ਨਲ ਰਘੁਪਤਹਿ ਸੁਨਾਵੈ ॥ ਤੀਨ ਰਾਤਿ
ਬਿਨ ਉਰੇ ਨ ਆਵੈ ॥ ਇੰਦੁ ਕੁਇੰਦ ਦੁਇ ਰਾਤਿ ਬਤਾਈ ॥
ਮਾਰਗ ਕੀ ਕਨਠਈ ਜਨਾਈ ॥ ੧੬੫ ॥ ਤਬ ਕਪਿ ਪਤਿ
ਸੁਗ੍ਰੀਵ ਸੁਨਾਵੈ ॥ ਏਕ ਰਾਤ ਬਸ ਸੇਵਕ ਲਜਾਵੈ ॥ ਨੀਲ
ਕਹੀ ਅਬ ਘਟ ਨਹਿ ਹੋਈ ॥ ਯਾਂਤੇ ਬੇਗ ਨ ਲਿਆਵੈ ਕੋਈ ॥
੧੬੬ ॥ ਅੰਗਦ ਉਠਜੋ ਭਬਕ ਬਲ ਤੋਲਜੋ ॥ ਖੈਂਚ ਪੇਚ ਰਘੁ
ਪਤਿ ਸੋ ਬੋਲਜੋ ॥ ਚਾਰ ਪਹਿਰ ਜੋ ਮਾਂਗੈ ਪਾਉਂ ॥ ਕਾਲ ਦੁਪ-
ਹਿਰੀ ਲੈ ਪਹੁਚਾਉਂ ॥ ੧੬੭ ॥ ਸਭਕੇ ਬਚਨ ਰਾਮਜੀ ਅਧਾਰੇ
॥ ਮੂਰਛ ਪਰੇ ਨ ਬਹੁਰ ਸੰਭਾਰੇ ॥ ਕਪਿ ਮੰਡਲ ਜੋ ਬਚਨ
ਉਚਾਰੇ ॥ ਰਘੁਪਤਿ ਹਿੰਦੇ ਬਾਨ ਜਨੁ ਮਾਰੇ ॥ ੧੬੮ ॥

[ਰਾਮਚੰਦ੍ਰਵਾਰ]

ਦੋਹਰਾ—ਪ੍ਰਾਨਨ ਕੇ ਪਲਟੇ ਬੁਟੀ ਪ੍ਰਾਨ ਬਚਤ ਹੈ ਦੋਇ ॥
ਸੋ ਰਘੁਪਤਿ ਜਾਨੈ ਨਹੀਂ ਕਾਤੇ ਧੀਰਜ ਹੋਇ ॥ ੧੬੯ ॥

ਚੌਪਈ—ਪੀਐਂ ਰਧਿਰ ਜੋਗਨ ਕਿਲਕਾਹੀਂ ॥ ਜੰਬੁਕ ਗੀਧ
ਮਾਸ ਲੈ ਜਾਹੀਂ ॥ ਤਾਂ ਪਰ ਰਾਮ ਜੀਐ ਕਿਹ ਲੇਖੈ ॥ ਲਛਮਨ

ਕੋ ਇਹ ਬਿਧਿ ਦੁਖ ਦੇਖੈ ॥ ੧੭੦ ॥ ਲਛਮਨ ਆਸ ਜਾਮ ਦੇ
 ਬਾਕੀ ॥ ਭੋਰ ਹੋਤ ਸਿਰ ਲੇਤ ਪਿਨਾਕੀ ॥ ਕਹੀ ਸੁਖੈਨ ਕੋਨ
 ਦੁਖ ਹਰਈ ॥ ਬਹੁਤ ਪੰਥ ਕਪਿ ਕੁਲ ਕਹ ਕਰਈ ॥ ੧੭੧ ॥
 ਕਪਿਗਨ ਸਹਿਤ ਰਾਮ ਬਿਲ ਖਾਈ ॥ ਦੇਖ ਹਨੂ ਤਨ ਕਰੀ
 ਬਡਾਈ ॥ ਤੂੰ ਅਵਤਾਰ ਰੁੱਦ੍ਰ ਕੋ ਆਹੀ ॥ ਹਮ ਜਾਨਯੋ ਜਬ
 ਲੰਕਾ ਦਾਹੀ ॥ ੧੭੨ ॥ ਸਿੰਧੂ ਫਾਂਧ ਸੀਅ ਕੋ ਸੁਖ ਦੀਨੋ ॥ ਤੇਰੇ
 ਬਲ ਹਮ ਤਬਹੀਂ ਚੀਨੋ ॥ ਜਬ ਜਬ ਬਿਪਤ ਪਰੈ ਹਮ ਆਈ
 ॥ ਤਬ ਤਬ ਹਨੂਮਾਨ ਤੇ ਜਾਈ ॥ ੧੭੩ ॥ ਪਵਨ ਪੂਤ ਤੋਕੋ
 ਜਗਕਹਈ ॥ ਰਾਮ ਸੂਤ ਤੋਹੀ ਤੇ ਰਹਈ ॥ ਸਬ ਕੇ ਬਲ ਮੈਂ
 ਤੁਮਹੀ ਜਾਨੇ ॥ ਤੁਮ ਬਿਨ ਲਛਮਨ ਹੋਤ ਬਿਰਾਨੇ ॥ ੧੭੪ ॥
 ਅਬ ਹੋਂ ਕਹੋਂ ਕੋਨ ਸੋ ਜਾਈ ॥ ਬਾਤ ਨਿਦਾਨ ਹਨੂਲੋ ਆਈ ॥
 ਕਬਿੱਤ-ਸੂਰਜ ਅਕਾਸ ਪਿਤਾ ਸੁਰ ਪੁਰ ਬਾਸ ਕੀਨੋ ਕੋਨਕੀ
 ਸ਼ਰਨ ਜਾਉਂ ਤਾਕੋ ਤੂੰ ਬਤਾਇ ਦੇ ॥ ਭਰਤਬਿਦੇਸਦੇਸਆਨ
 ਪਰੇਸਿੰਧੂ ਧਾਰ ਮਾਝ ਧਾਰ ਬੁਡਤ ਹੈ ਨਾਉ ਪਹੁੰਚਾਇ ਦੇ ॥
 ਚੋਰੀ ਗਈ ਨਾਰਿ ਬੀਰ ਪਰਿਓ ਰਨ ਪ੍ਰਾਨ ਡਾਰ ਕਹੈ ਰਘੁ
 ਰਾਇ ਹਾਇ ਐਸੇ ਫਿਰਵਾਇ ਦੇ ॥ ਤੇਰੇਈ ਭਰੇਸੇ ਤਾਂਤੇ ਤੇਸੋਂ
 ਕਹੋਂ ਬਾਰ ਬਾਰ ਬੀਰ ਹਨਵੰਤ ਬਲਵੰਤ ਬੀਰ ਜਿਆਇ ਦੇ ॥ ੧੭੫
 ਕਬਿੱਤ-ਤੇ ਸਮ ਨ ਦੇਖੋਂ ਕੋਊ ਅੰਗਦ ਸੁਗ੍ਰੀਵ ਦੋਊ ਆਨ ਨ
 ਸਕਤ ਸੋਊ ਕਹੋਂ ਸ਼ਰਮਾਇ ਦੇ ॥ ਲਾਇਕ ਹੈ ਆਜ ਜੁ ਸਹਾਇ
 ਕਰਬੇ ਕੀ ਬਾਰ ਨ ਤੇ ਦਈ ਮੇਰੇ ਰਬ ਬੈਠੇ ਐਸੇ ਪਾਇ ਦੇ ॥
 ਹਾਰਿਓ ਲੰਕਪਤਿ ਸੋਹੋਂ ਬਲੀ ਜਾਤ ਹਾਥਸੋਂ ਹੋਰੰਕ ਰਘੁਨਾਥਕੀ
 ਤੂੰ ਬਾਤ ਨ ਬਹਾਇ ਦੇ ॥ ਹੋਤ ਹੈ ਕਸੂਤ ਹਨੂਮਾਨ ਪੁਰ ਹੂਤ
 ਸੁਨ ਅੰਜਨੀ ਕੇ ਪੂਤ ਮੋ ਸਪੂਤ ਬੀਰ ਜਿਆਇ ਦੇ ॥ ੧੭੬ ॥
 ਕਬਿੱਤ-ਕਹਾ ਭਯੋ ਜੋਪੈ ਖਰਦੂਖਨ ਬਨਾਇ ਮਾਰੇ ਕਹਾ ਭਯੋ
 ਜੀਤ ਕਪਿਸਿੰਧੂ ਸੇ ਬੰਧਾਏ ਹੈਂ ॥ ਕਹਾ ਭਯੋ ਜੋਪੈ ਕੁੰਭਕਾਨਕੋ
 ਨਿਦਾਨ ਮਾਰ ਮੇਘਨਾਦਕੋ ਪਛਾਰ ਸੂਰਮਾ ਕਹਾਏ ਹੈਂ ॥ ਜੈਸੇ ਜੋਗ
 ਜੰਗਜਤਪਤੀ ਰਥ ਅਨੇਕ ਜਪ ਪ੍ਰੇਮ ਕੇ ਭਜਨ ਹੀਨ ਕਾਂਕੇ ਕਾਮ

ਆਏ ਹੈਂ ॥ ਤੈਸੇ ਬਿਨ ਲਖਮਨ ਪਰਿਓ ਦੁਖ ਲਛਮਨ ਜੈਸੇ
ਪੰਛੀ ਪੰਖ ਬਿਨ ਐਸੇ ਦੁਖ ਪਾਏ ਹੈਂ ॥ ੧੭੭ ॥

ਸਵੈਯਾ—ਦੇਖ ਹਨੂੰ ਯਿਹ ਕੌਨ ਸਮੇ ਅਬ ਤੋ ਬਲਕੀ ਬਿਰੀਆ
ਸਤੇ ਏਹੀ ॥ ਜੋ ਲਗ ਬੀਰ ਨ ਸੂਰ ਉਦੈ ਤੋ ਲੋ ਲਜਾਇ
ਸੰਜੀਵਨ ਪ੍ਰਾਣ ਸਨੇਹੀ ॥ ਬੀਰ ਪਰਜੇ ਜਸ ਸੋ ਰਨ ਭੂਮਿ
ਜਜਾਇ ਉਭੈ ਮਿਲ ਬਾਟ ਨ ਲੇਹੀ ॥ ਹੈ ਤਿਹੁ ਲੋਕ ਕੀ ਪੀਰ
ਕੀ ਭੀਰ ਪਰੀ ਸੁ ਸਹੀ ਰਘੁਬੀਰ ਕੀ ਦੇਹੀ ॥ ੧੭੮ ॥

ਸਵੈਯਾ—ਜੋ ਛਿਤ ਓਰ ਨਿਹਾਰਤ ਹੋ ਸੋਈ ਸਾਸੁ ਲਗੈ ਬਹੁਤੈ
ਸਰਮੈ ਹੈ ॥ ਸੀਅ ਨ ਰਾਖ ਸਕਯੋ ਬਨ ਮੈ ਯਹਿ ਰਾਜ ਬਡੋ
ਕਿਹ ਭਾਂਤ ਕਮੈ ਹੈ ॥ ਜੋ ਨਭ ਓਰ ਕਰੋਂ ਦ੍ਰਿਗਤੋ ਰਵਿ ਜਾਨ
ਕਪੂਤ ਬਡੋ ਦੁਖ ਦੈ ਹੈ ॥ ਤਾਂਤੇ ਰਹੈ ਅਧਬੀਚ ਹੀ ਡੀਠ ਸੁ
ਐਸੇ ਪਰਜੇ ਦੁਖ ਦੇਖ ਓਹੈ ਹੈ ॥ ੧੭੯ ॥

[ਕਵਿਉਵਾਚ]

ਚੋਪਈ—ਦੁਹ ਹਾਥਨ ਮੈਂ ਬਦਨ ਰਹੇ ਧਰ ॥ ਜੁਗਲ ਕਮਲ
ਜਨੁ ਚਾਂਦ ਰਹਯੋ ਪਰ ॥ ਲੋਚਨ ਮੁੰਦ ਨ ਬਿਛਰਤ ਕੋਏ ॥ ਜਨੁ
ਜਲਚਰ ਜੁਗ ਸਰਵਰ ਸੋਏ ॥ ੧੮੦ ॥ ਸਿਥਲ ਭਾਲ ਭਿਕੁਟੀ
ਕੁਮਲਾਨੀ ॥ ਜਨੁ ਫਿਰ ਕਾਮ ਕਮਾਨ ਨ ਤਾਨੀ ॥ ਕੁਟਿਲ
ਅਲਿਕ ਸੂਧੀ ਹੈ ਗਈ ॥ ਜਨ ਸਾਪਨ ਰੋਗ ਨਸੀ ਭਈ ॥
੧੮੧ ॥ ਅੰਗ ਅੰਗ ਸੂਮ ਜਲ ਕਨਿ ਪਰੇ ॥ ਰਘੁਪਤਿ ਗਿਰ
ਝਰਨਾ ਜਨੁ ਝਰੇ ॥ ਜੁਗਲ ਹਾਥ ਸਿਥਲਤਾ ਅਮਿਤਕੇ ॥
ਮਾਨਹੁ ਕਮਲ ਲਟੇਹਿਮ ਰਿਤੁਕੇ ॥ ੧੮੨ ॥ ਛੁਛੇ ਅਧਰਨ
ਬਿਨ ਮਧੁ ਐਸੇ ॥ ਬਿਨਹੀ ਪਕੇ ਬਿੰਬ ਫਲ ਜੈਸੇ ॥ ਜੁਗਲ
ਸਿੰਘ ਸੰਕੋਚ ਨ ਮੀਚੇ ॥ ਜਨੁ ਕਦਲੀ ਬਿਨਹੀ ਜਲਸੀਚੇ ॥ ੧੮੩
ਦੋਹਰਾ—ਕਪਿ ਕੁਲ ਨਿਰਖਯੋ ਪਵਨ ਸੁਤ, ਕਾਹੂੰ ਮੈਬਲ ਨਾਹਿ ॥
ਅਬ ਰਘੁਪਤਿ ਕੀ ਦਸਾ ਤੈ, ਰੁਦਨ ਕਰਤ ਮਨ ਮਾਹਿ ॥ ੧੮੪

[ਹਨੂਮਾਨਉਵਾਚ]

ਚੋਪਈ—ਸ੍ਰੀ ਰਘੁਪਤਿ ਬਲ ਮਨ ਮੈ ਧਾਰਯੋ ॥ ਉਠਕੇ ਸਭਾ

ਮਾਂਹਿ ਕਿਲ ਕਾਰਜੇ ॥ ਅਬ ਤੋ ਜਰੀ ਸਭਨ ਤੈ ਥਕੀ ॥ ਮਿਟੀ
ਨ ਰਾਮਚੰਦ ਧਕਧਕੀ ॥ ੧੮੫ ॥ ਅਬ ਜੋ ਸਭ ਕੀਆ ਗਿਆ
ਪਾਉਂ ॥ ਸ੍ਰੀ ਰਘੁਬਰ ਕੋ ਸੀਸ ਨਿਵਾਉਂ ॥ ਜਰੀ ਦੂਰ ਤੁਮ
ਸਬੈ ਬਖਾਨੇ ॥ ਆਜ ਪ੍ਰਤਾਪ ਰਾਮ ਕੋ ਜਾਨੇ ॥ ੧੮੬ ॥

ਜੋ ਕਛੁ ਪੌਰਖ ਹੋਇ ਸੁ ਕਰੇਂ ॥ ਲਛਮਨ ਪ੍ਰਾਨ ਜਾਨ ਤੇਡਰੇਂ
॥ ਬਕੇਂ ਕਹਾਂ ਅਬ ਕਰੇਂ ਸੁ ਜਾਈ ॥ ਜੈਸੇਭਜੈ ਫਾਮਦੁਚਿਤਾਈ
॥ “ਲਛਮਨ ਉਠੇ ਬਹੁਰ ਫਿਰ ਲਰੈ ॥ ਤੋ ਹਨੂਮਾਨ ਪ੍ਰਾਨ ਕੋ
ਧਰੈ” ॥ ਨਾਤੇ ਲਛਮਨ ਸੰਗ ਸਿਧਉਂ ॥ ਜਮ ਕੋ ਮਾਰ ਸੰਗ ਲੈ
ਆਉਂ ॥ ਦੌਰ ਹਨੂ ਚਰਨਨ ਸਿਰ ਧਰਈ ॥ ਮੇ ਜੀਵਤ ਪ੍ਰਭ
ਕਜੇਂ ਦ੍ਰਿਗ ਭਰਈ ॥ ੧੮੮ ॥

ਕਬਿੱਤ—ਜੋ ਕਹੋ ਤੋ ਜਹਾਂਤੇ ਨਿਕਾਸਜੇ ਦੇਵ ਦਾਨੋ ਮਿਲ,
ਤਿਹ ਠੌਰ ਪਹੁਚ ਕੈ ਏਕ ਲੋ ਬਿਲੋਇ ਲਜੇ ॥ ਜੋ ਕਹੋ ਤੋ
ਜਾਂਇ ਦੇਵਲੋਕ ਰੋਕੇਂ ਸਬੈ ਦੇਵ, ਸੁਧੇ ਦੇਹਿੰ ਦੇਹਿੰ ਨਾਹੀਂ
ਦੇਹਿੰ ਪਤਿ ਖੋਇਲਿਉ ॥ ਕਹੋ ਰੋਕੇਂ ਬਾਟਸੁਰ ਪੁਰ ਕੇ ਕਪਾਟ
ਠੌਰ, ਪੌਰਖ ਜਨਾਉਂ ਕਹੋ ਤੋ ਭਿਖਾਰੀ ਹੋਇਲਜੇਂ ॥ ਜੋ ਕਹੋ
ਤੋ ਸਾਤ ਹੂੰ ਪਤਾਲ ਚਾਲ ਮੇਲੋਂ ਰਾਮ, ਜੋ ਕਹੋ ਸੁਧਾਕਰ ਸੁਧਾ
ਕੈ ਨਿਚੋਇ ਲਜੇਂ ॥ ੧੮੯ ॥

ਚੌਪਈ—ਜੋ ਗਿਰ ਕਹਜੇ ਸੁਖੈਨ ਸੁਭਾਗੇ ॥ ਸੋ ਗਿਰ ਤੋ ਨੈਨਨ
ਕੇ ਆਗੇ ॥ ਬਡੀ ਰਾਤਿ ਤਾਂਤੇ ਨਹਿ ਧਾਉਂ ॥ ਘਰੀ ਪਾਉ ਮੈ
ਲੈ ਹੀਂ ਆਉਂ ॥ ੧੯੦ ॥ ਲਛਮਨ ਕੀ ਚਿੰਤਾ ਮਤ ਕਰਹੁ ॥
ਜਾਗਹੁ ਪ੍ਰਾਨ ਨਾਥ ਜਿਨ ਡਰਹੁ ॥ ਚਲੋ ਅਬਹਿ ਜੋ ਆਗਜਾ
ਪਾਉਂ ॥ ਤੋਉਂਘਤ ਹਰਏਈ ਧਾਉਂ ॥ ੧੯੧ ॥

ਸ੍ਰਾਸਭਰਜੇਧੀਰਜਜੀਅਆਯੋ ॥ ਉਘਰੇਨੈਨਕਮਲਰਵਿਪਾਯੋ ॥

[ਰਾਮਚੰਦਉਵਾਰ]

ਜਾਹ ਹਨੂ ਅਤਿ ਕਾਲ ਨ ਕੀਜੈ ॥ ਪ੍ਰਾਨ ਦਾਨ ਲਛਮਨ ਕਉ
ਦੀਜੈ ॥ ੧੯੨ ॥ ਤੁਮਹਿ ਚਲਤ ਆਈ ਸੁਧ ਬਾਤਾ ॥ ਨਗਰ
ਐਧ ਕੋਸਲਜਾ ਮਾਤਾ ॥ ਲਛਮਨ ਮਾਤ ਸੁਮਿਤ੍ਰਾ ਰਹਈ ॥

ਭਾਈ ਭਰਤ ਬਹੁਤ ਦੁਖ ਸਹਈ ॥ ੧੯੩ ॥

ਰਾਮਚੰਦ੍ਰਉਵਾਰ

ਦੋਹਰਾ—ਇਤਤੇ ਜਾਤ ਪ੍ਰਬੀਨ ਕਪਿ ਉਨਹਿ ਮਿਲੇ ਜਿਨ
ਜਾਇ ॥ ਆਵਤ ਪ੍ਰਗਟ ਸੁਨਾਈਅਹੁ ਲਛਮਨ ਜੀਅਨ ਉ-
ਪਾਇ ॥ ੧੯੪ ॥

ਕਵਿਉਵਾਰ

ਚੌਪਈ—ਮਿਲ ਤਿਨਕੀ ਕੁਸਲਾਤਹਿ ਲੀਜੇ ॥ ਤਬ ਆਵਨ ਕੇ
ਇਤ ਮਨ ਕੀਜੇ ॥ ਯਹਿ ਸੁਨ ਹਨੂ ਪਵਨ ਹੈ ਗਯੇ ॥ ਰਾਮ
ਚਰਨ ਪਰ ਮਾਥੇ ਨਯੇ ॥ ੧੯੫ ॥ ਠੋਕ ਪੀਠ ਮੁਖ ਚੂਮਯੋ
ਰਘੁਪਤਿ ॥ ਮੇ ਚਰਨਨ ਮੈ ਸਦਾ ਰਹੈ ਮਤਿ ॥ ਬਹੁਰ ਸੁਗ੍ਰੀਵ
ਆਸਿਖਾ ਦਈ ॥ ਹਨੂਮਾਠ ਤੋਤੈ ਨਹਿ ਨਹੀ ॥ ੧੯੬ ॥ ਸਭ
ਸੇਂ ਰਾਮ ਰਾਮ ਕਹਿ ਲਈ ॥ ਉਡਯੋ ਹਨੂ ਨ ਦਿਖਾਈ ਦਈ ॥
ਨਭ ਸੇਂ ਮਿਲਯੋ ਜਾਇ ਹਨਵੰਤਾ ॥ ਬਡੇ ਬਡੇ ਅਸੁਰਨ ਕੇ
ਹੰਤਾ ॥ ੧੯੭ ॥ ਜੋ ਮਾਰਗ ਮੈ ਬਿਘਨ ਪਸਾਰੈ ॥ ਏਕ ਚਪੇਟ
ਚੌਥ ਹੀ ਡਾਰੈ ॥ ਪ੍ਰਾਨ ਤਜੈ ਜਾਂਕੋ ਕਪਿ ਡਾਰੈ ॥ ਜੈਸੇ ਧਰਮ
ਪਾਪ ਕੋ ਕਾਰੈ ॥ ੧੯੮ ॥

ਦੋਹਰਾ—ਬਿਛਰਯੋ ਹਨਵਤ ਰਾਮ ਸੇਂ, ਸ੍ਰੀ ਲਛਮਨ ਕੇ ਹੇਤ ॥
ਜੈਸੇ ਮੁਕਰਮਲੀਨ ਮੈ, ਮੁਖ ਨ ਦਿਖਾਈ ਦੇਤ ॥ ੧੯੯ ॥

ਚੌਪਈ—ਏਕ ਮਹੂਰਤ ਮੈਂ ਉਡ ਆਯੋ ॥ ਤਾਂ ਪਰਬਤ ਪਰ
ਪਾਂਉ ਟਿਕਾਯੋ ॥ ਤਿਹ ਬੂਟੀ ਕੇ ਸੋਧ ਨ ਲਾਗਯੋ ॥ ਸਭ ਏਕੈ
ਸਭ ਸੇਂ ਅਨੁਗਾਗਯੋ ॥ ੨੦੦ ॥ ਕੌਨ ਤਜੋਂ ਕਾਂਕੋ ਲੈ ਜਾਉਂ ॥
ਤਾ ਸੇਂ ਜੋ ਲਛਮਨ ਨਹਿ ਪਾਉਂ ॥ ਤਬ ਖਿਸਾਇ ਉਤਰ ਕਹ
ਕਰੋਂ ॥ ਰਘੁਪਤਿ ਕੋਪ ਅਗਨਿ ਤੇ ਡਰੋਂ ॥ ੨੦੧ ॥ ਬੂਝੋਂ ਕਾਹਿ
ਸੰਗ ਕੋਉ ਨਾਹੀਂ ॥ ਉਤਰੈ ਚਢੈ ਗਟੀ ਮਨ ਮਾਂਹੀ ॥ ਅਟਕਯੋ
ਜੀਅ ਮੈ ਬਡੇ ਕੁਲੇਖਯੋ ॥ ਉਤਹਿ ਕੁਸੁਪਨ ਸੁਮਿਤ੍ਰ ਦੇਖਯੋ ॥
੨੦੨ ॥ ਕਾਲ ਭੁਯੰਗ ਰਹਯੋ ਲਪਟਾਈ ॥ ਬਾਮ ਅੰਗ ਸਬ
ਗਯੋ ਚਬਾਈ ॥ ਜਾਗਤ ਕੌਸਲਿਆ ਪੈ ਧਾਈ ॥ ਸੁਪਨ ਕਹਯੋ

ਇਹ ਭਾਂਤਿ ਸੁਨਾਈ ॥ ੨੦੩ ॥

ਕੌਸਲਜੋਵਾਰ

ਦੋਹਰਾ—ਸੁਨਤਨੈਨ ਜਲ ਭਰਰਹਯੋ ਕੌਸਲਿਆ ਦੁਖਪਾਇ ॥
ਉਠਬੈਠੀ ਪਰਯੰਕ ਤਜ ਭਰਤ ਬਸਿਸਟ ਬੁਲਾਇ ॥ ੨੦੪ ॥
ਚੌਪਈ—ਤਿਨਸੋਂ ਸ੍ਵਪਨ ਸੁਨਾਇ ਕਹਿਓ ਤਿਨ ॥ ਇਹ
ਬਿਧਿ ਦੇਖਿਓ ਸ੍ਵਪਨ ਅਬਹਿ ਇਨ ॥ ਤਬ ਰਿਖਿ ਕਹਯੋ
ਬਿਚਾਰ ਸੁਨਾਯੋ ॥ ਬਰੀਆ ਬੁਰੀ ਸ੍ਵਪਨ ਇਨ ਪਾਯੋ ॥ ੨੦੫ ॥
ਰਾਮ ਲਖਨ ਹੂਜੇ ਕੁਸਰਾਤਾ ॥ ਹੈ ਯਹਿ ਸ੍ਵਪਨ ਬਡੇ ਦੁਖ
ਦਾਤਾ ॥ ਤਬ ਲਗ ਹੋਮ ਜੱਗ ਜਪ ਕਰਹੀਂ ॥ ਬੇਦ ਮੰਤ੍ਰ ਬਿਧਿ
ਸੋਂ ਉਚਰਹੀਂ ॥ ੨੦੬ ॥ ਭਰਤ ਧਨੁਖ ਸਰਲੈ ਰਖਵਾਰੋ ॥
ਬਿਘਨ ਕਰੈ ਤਾਹੀਂ ਤੁਮ ਮਾਰੋ ॥ ਇਹਿ ਬਿਧਿਕਥਾ ਅਜੁੱਧਯਾ
ਭਈ ॥ ਹਨੂਮਾਨ ਔਰੈ ਮਤਿ ਠਈ ॥ ੨੦੭ ॥ ਲੈ ਪਰਬਤ
ਅਬ ਚਲੋਂ ਉਡਾਈ ॥ ਜਰੀ ਦੇਖ ਲੈਂ ਹੈਂ ਰਘੁਰਾਈ ॥ ਮੇਰੇ
ਕੌਨ ਜੰਜਾਰੋ ਕਰਈ ॥ ਅਬ ਗਿਰਤੇ ਲਛਮਨ ਨਹਿਮਰਈ ॥ ੨੦੮ ॥
ਦੋਹਰਾ—ਲੈ ਉਪਾਰ ਗਿਰ ਕਰ ਧਰਯੋ, ਪਵਨ ਪੂਤ ਪਰਚੰਡ ॥
ਨਗਰ ਅਜੁੱਧਿਆ ਕੋ ਚਲਯੋ ਗਰਬ ਕੀਓ ਭੁਜ ਦੰਡ ॥ ੨੦੯ ॥

(ਕਵਿਉਵਾਰ)

ਚੌਪਈ—ਨੈਨਨ ਧਯਾਨ ਭਰਤ ਨਭ ਲਾਯੋ । ਯਹਿ ਕੋਊ ਬਿ-
ਘਨ ਕਰਨ ਕੋ ਆਯੋ । ਜਿਨ ਨਿਸ ਮਾਤਾ ਡਸੀ ਹਮਾਰੀ ।
ਜਾਂਕੇ ਕਾਜ ਕਰੀ ਰਖਵਾਰੀ ॥ ੨੧੦ ॥ ਸੋ ਯਹਿ ਜੱਗਯ ਬਿਘ-
ਨ ਕੋ ਆਯੋ । ਤਾਨ ਬਾਨ ਕਰ ਕ੍ਰੋਧ ਚਲਾਯੋ । ਲਗਯੋ ਭਾਲ
ਮੈ ਉਤਹੈ ਫੂਟਯੋ । ਹਨੂਮਾਨ ਬਾਦਰ ਜਯੋਂ ਟੂਟਯੋ ॥ ੨੧੧ ॥
ਰਾਮ ਰਾਮ ਮੁਖ ਤੇ ਉਚਰਈ । ਲਛਮਨ ਪ੍ਰਾਨ ਛੂਟਨ ਤੇ ਡਰ
ਈ । ਗਏ ਸਗਲ ਤਾਂਕੇ ਢਿਗ ਦੌਰੀ । ਜਾਗੇ ਸਬੈ ਪਰੀ ਪੁਰਿ
ਰੌਰੀ ॥ ੨੧੨ ॥ ਚਰਨਨ ਸਬੈ ਜਾਤਹੀਂ ਲਾਗੇ । ਰਾਮ ਨਾਮ
ਸੁਨ ਕੈ ਅਨੁ ਰਾਗੇ । ਬੂਝੀ ਕੁਸਲ ਕੌਣ ਤੂੰ ਆਹੀ । ਕਤ ਕੋ
ਉਡ ਅਬ ਕਤ ਕੋ ਜਾਹੀ ॥ ੨੧੩ ॥

ਦੋਹਰਾ—ਰਾਮ ਨਾਮ ਤੈਂ ਮੁਖ ਕਹਜੇ, ਤੋਂ ਹਮ ਛਾਡਜੇ ਤੋਹਿ ।
ਬਿਨਯਾ ਭਜਨ ਬਚੈ ਨਹੀਂ, ਸਿਵ ਸੁਰਪਤਿ ਜੋ ਹੋਹਿ ॥ ੨੧੪ ॥

[ਹਨੂਮਾਨ ਉਵਾਰ]

ਚੋਪਈ—ਸੁਨੋ ਭਰਤ ਤੁਮਸੇ ਸਭ ਕਹੇਂ । ਘਾਉ ਸੰਭਾਰ ਜੀਅਤ
ਜੋ ਰਹੇਂ । ਨਾਮ ਹਨੂੰਸਬ ਜਗਤ ਉਚਰੈ । ਅਪਨੇ ਜਾਨ ਰਾਮ
ਹਿਤ ਕਰੈ ॥ ੨੧੫ ॥ ਸੋ ਰਘੁਪਤਿ ਲੰਕਾ ਪਰ ਧਾਯੋ ।
ਮਿਲ ਸੁਗ੍ਰੀਵ ਸਮੁੰਦ੍ਰ ਪਟਾਯੋ । ਤਹਾਂ ਜੁੱਧ ਐਸੇ ਕੁਛ ਭਯੋ
। ਕੁੰਭਕਾਨ ਜਮ ਪੁਰਿ ਕੇ ਗਯੋ ॥ ੨੧੬ ॥ ਮੇਘ ਨਾਦ ਤਾਂਤੇ
ਪੁਨ ਮਾਰਜੇ । ਰਾਵਨ ਕੋਪ ਕੀਓ ਤਿਨ ਭਾਰਜੇ ॥ ਤਾਹਿ ਕਛੂ
ਨਿਸ ਦਿਨ ਨਹਿ ਸੂਝਜੇ । ਲਗੀ ਸੈਹਥੀ ਲਛਮਨ ਜੂਝਜੇ ॥
੨੧੭ ॥ ਅਰ ਬਿਸਥਾਰ ਕਥਾ ਜੋ ਕਹੇਂ । ਉਦੇ ਹੋਤ ਸੂਰਜ ਤੇ
ਡਰੇਂ । ਤਾਂ ਲਛਮਨ ਹਿਤ ਗਿਰ ਗਹਿ ਲਯਾਯੋ । ਸੋ ਲਛਮਨ
ਤੁਮ ਸੁਰਗ ਪਠਾਯੋ ॥ ੨੧੮ ॥

ਦੋਹਰਾ—ਸੂਰ ਉਦੈ ਤੇ ਯੋਂ ਡਰੇਂ, ਜੋ ਨ ਲੰਕ ਹੋਂ ਜਾਉਂ । ਉਦੈ
ਹੋਤ ਲਛਮਨ ਮਰੈ ਤਾਂਤੇ ਬਹੁਤ ਡਰਾਉਂ ॥ ੨੧੯ ॥

ਚੋਪਈ—ਬਿਨ ਗਿਰ ਗਏ ਨ ਲਛਮਨ ਜੀਵੈ । ਤਾਂ ਬਿਨ ਰਾਮ
ਨ ਪਾਨੀ ਪੀਵੈ । ਉਤ ਰਘੁਬੀਰ ਬਿਨਾ ਛਿਤ ਭਈ । ਹਮਰੇ
ਮੁਏ ਕਹਾ ਹੈ ਗਈ ॥ ੨੨੦ ॥ ਭਰਤ ਕੁਮਾਰ ਬਾਤ ਹੈ ਐਸੀ ।
ਕਰਹੁ ਅਬੈ ਆਵੈ ਜੀਅ ਜੈਸੀ ॥ “ਲਛਮਨ ਬਾਤ ਸੁਨਤ ਸਬ
ਰੋਏ । ਕੋਸਲਯਾ ਕੇ ਸਭ ਸੁਖ ਖੋਏ” ॥ ੨੨੧ ॥

(ਸੁਮਿਤ੍ਰਾ ਬਚਨ)

ਬਚਨਨ ਸੁਨਤ ਸੁਮਿਤ੍ਰਾ ਧਾਈ । ਲਛਮਨ ਕੀ ਅਤਿ ਕਰੀ ਬ-
ਡਾਈ । ਹੋਂ ਤੇ ਆਜ ਸਪੁਤੀ ਭਈ । ਲਛਮਨ ਦੇਹਿ ਰਾਮ ਹਿਤ
ਗਈ ॥ ੨੨੨ ॥ ਪ੍ਰਭੁਕੇ ਹਿਤ ਜੋ ਸੇਵਕ ਮਰੈ । ਤਾਂਕੀ ਮਾਤ
ਸੋਕ ਕਿਉਂ ਕਰੈ । ਸੂਰ ਭਏ ਕੀ ਰਹੈ ਬਡਾਈ । ਪ੍ਰਭੁ ਦੇਖਨ
ਰਨ ਭੂਮ ਸੁਹਾਈ ॥ ੨੨੩ ॥ ਰਨ ਮੈਂ ਪੀਠ ਜ ਪ੍ਰਭੁ ਕਉ ਦੇਈ
। ਤਾਂਕੋ ਮਾਸ ਗੀਧ ਨਹਿ ਲੇਈ । “ਹਨੂਮਾਨ ਯੋਂ ਕਹੀਓ

ਜਾਈ। ਰਘੁਪਤਿ ਜੀਓ ਸਦਾ ਸੁਖ ਦਾਈ” ॥ ੨੨੪ ॥ ਲਛ-
ਮਨ ਕੋ ਕਛੁ ਸੋਕ ਨ ਕੀਜੇ। ਰਾਵਨ ਜੀਤ ਬਡੇ ਜਸ ਲੀਜੇ।
ਰਨ ਮੈ ਬਾਤ ਹੋਤ ਹੈਂ ਦੋਊ। ਕੈ ਜੀਤੈ ਕੈ ਹਾਰੈ ਕੋਊ ॥ ੨੨੫ ॥
ਜੀਤੈ ਪਾਵੈ ਰਾਜ ਬਡਾਈ। ਸਨਮੁਖ ਜੁਝ ਦੇਵ ਪੁਰਿ ਜਾਈ।
ਤਾਂਤੇ ਮੋਹਿ ਸੋਕ ਨਹਿ ਆਵੈ। ਰਘੁਪਤਿ ਜੀਅੈਂ ਸੋਕ ਬਿਸ-
ਰਾਵੈ ॥ ੨੨੬ ॥

(ਕੌਸਲਯਾ ਬਚਨ)

ਕੌਸਲਯਾ ਮੁਰਛਿਤ ਧਰ ਸੋਈ। ਲਛਮਨ ਪੂਤ ਪੂਤ ਕਰ
ਰੋਈ। ਸੁਨ ਹਨਵੰਤ ਬਿਸਰ ਜਿਨ ਜਾਈ। ਬੈਲਤ ਨੈਨਨ
ਜਲ ਨ ਰਹਾਈ ॥ ੨੨੭ ॥ ਮੇਰੀ ਕਹੀ ਰਾਮ ਸੋਂ ਕਹੀਓ।
ਤੁਮ ਲਛਮਨ ਬਿਨ ਜੀਅਤ ਨ ਰਹੀਓ। ਫਿਰ ਆਵਹੁ ਤੋ
ਦੋਨੋਂ ਭਾਈ। ਜੁਝੇ ਰਨ ਸੋ ਗੁਨੀ ਬਡਾਈ ॥ ੨੨੮ ॥ “ਕਹੀਓ
ਕਪਿਰਨ ਪੀਠ ਨ ਦੀਜੇ। ਜੁਝ ਕਾਮ ਅਰ ਜਨ ਜਯੋਂ ਕੀਜੇ”
ਦੋਹਰਾ-ਸੀਅ ਸੋਂ ਲਛਮਨ ਸੋਂ ਮਿਲੇ ਤੋ ਆਵਹੁ ਇਹ ਦੇਸ।
ਬੀਰ ਤੀਆ ਬਿਨ ਬਨ ਭਲੇ, ਕੀਜੇ ਗੋਰਖ ਭੇਸ ॥ ੨੨੯ ॥

(ਬਸਿਸ਼ਟਬਚਨ)

ਚੌਪਈ-ਤਬ ਬਸਿਸ਼ਟ ਭਲਕਾਗਹਿ ਕਾਢਯੋ। ਔਖਧ ਬਲ ਹਨ
ਵਤ ਕੀਓ ਠਾਢਯੋ। ਕਹੀਓ ਕਪਿ ਅਸੀਸ ਰਘੁਬਰ ਸਨ।
ਬਹੁ ਬਿਧ ਦੁਖ ਪਾਯੋ ਹੈ ਹੈ ਬਨ ॥ ੨੩੦ ॥ ਰਾਵਨ ਕੋ ਸ਼ਿਵਲੋਕ
ਪਠਾਵਹੁ। ਸੀਤਾ ਸਹਿਤ ਬੇਗ ਘਰ ਆਵਹੁ। ਅਰ ਜਿਵਾਇ
ਲਛਮਨ ਕੋ ਲੀਜੈ। ਆਇ ਆਪਨੋ ਰਾਜ ਕਰੀਜੈ ॥ ੨੩੧ ॥

(ਭਰਤ ਬਚਨ)

ਭਰਤ ਜਾਇ ਚਰਨਨ ਤਬ ਲਾਗਯੋ। ਤੁਮਰੇ ਦਰਸਨ ਹੀ ਦੁਖ ਭਾ
ਗਯੋ। ਬਿਨ ਜਾਨੇ ਅਪਰਾਧ ਨਿਵਾਰਹੁ। ਜਾਹੁ ਹਨੂੰ ਰਘੁਬੀਰ ਨਿਹਾ
ਰਹੁ ॥ ੨੩੨ ॥ ਰਘੁਪਤਿ ਕੋ ਪਾਇ ਲਾਗਨ ਕਹੀਓ। ਹਮ ਪਰਕ੍ਰਿਪ
ਕਰਤ ਤੁਮ ਰਹੀਓ। ਕਹੀਓ ਭਰਤ ਮਹਾਂ ਦੁਖ ਪਾਯੋ। ਹੋ ਲਛਮਨ

ਜੇ ਕਾਮ ਨ ਆਯੋ ॥ ੨੩੩ ॥ ਅਬ ਰਾਵਨਕੋ ਮਾਰ ਗਿ-
 ਰਾਵਹੁ । ਲਛਮਨ ਜਗਾਇ ਸੀਅਲੈ ਆਵਹੁ ।“ ਭਰਤ ਚਕੋਰ
 ਨੈਨ ਬਿਨ ਦੇਖੇ । ਬਿਨ ਸਸਿ ਚੰਦ ਰਾਮ ਕਹਿ ਲੇਖੇ,, ॥
 ੨੩੪ ॥ ਚਰਨ ਕਮਲ ਜਬ ਰਾਮ ਦਿਖਾਵੈ । ਤਾਂ ਦਿਨ
 ਭ੍ਰਿੰਗ ਭਰਤ ਸੁਖ ਪਾਵੈ । ਜਲਦ ਅੰਗ ਦੇਖੈ ਜਾਹੀਂ ਦਿਨ ।
 ਚਾਤ੍ਰਕ ਭਰਤ ਜੀਅੈ ਤਾਹੀਂ ਛਿਨ ॥ ੨੩੫ ॥ ਜਰਤ ਅੰਗ
 ਤਬਹੀਂ ਸੀਅ ਰਾਉਂ । ਜਬ ਰਬ ਧੂਰਿ ਮਾਂਹਿ ਮਲਨਾਉਂ । ਬਧੀ
 ਜਟਾ ਸਿਰ ਤਬਹਿ ਸੁਧਾਰੋਂ । ਰਘੁਪਤਿ ਚਰਨ ਧੂਰਿ ਜਬ
 ਝਾਰੋਂ ॥ ੨੩੬ ॥ ਉਘਰਹਿ ਭਲੋਂ ਤਬਹਿ ਦ੍ਰਿਗ ਕੋਨੇ । ਪ੍ਰਭੁ
 ਚਰਨਨ ਕੇ ਕਰੋਂ ਬਿਛੋਨੇ । ਅੰਗ ਸਨੇਹ ਭਲੇ ਤਬ ਲਾਉਂ ।
 ਜਬ ਸਨੇਹ ਚਰਨਨ ਕੇ ਪਾਉਂ ॥ ੨੩੭ ॥ ਭਰਤ ਕਮਲ ਫੁਲੇ
 ਕਿਹ ਲੇਖੇ । ਕਮਲ ਬੰਦੁ ਰਘੁਪਤਿ ਬਿਨ ਦੇਖੇ । ਅਰ ਦੇਖਤ
 ਹੋ ਦਸਾਹਮਾਰੀ । ਤੁਮ ਹੋ ਚਤੁਰ ਨ ਕਹੋਂ ਬਿਥਾਰੀ ॥ ੨੩੮ ॥

(ਕਵੀ ਬਚਨ)

ਹਨੂਮਾਨ ਤਨ ਪੁਲਕਤ ਭਯੋ । ਅਪਨੋ ਪ੍ਰੇਮ ਭੂਲ ਸਭ ਗਯੋ ।
 ਸੋਚ ਰਹਯੋ ਮਨ ਮਾਂਹਿ ਬਿਚਾਰੈ । ਰਘੁਪਤਿ ਭਰਤਹਿ ਨਿ-
 ਆਇ ਸੰਭਾਰੈ ॥ ੨੩੯ ॥ ਤਉ ਭਰਤ ਕੇ ਬਲਕੇ ਦੇਖੋਂ । ਬਹੁਰ
 ਜਾਇ ਰਘੁਪਤਿ ਕੇ ਪੇਖੋਂ ॥

(ਹਨੂਮਾਨ ਬਚਨ)

ਹਨੂਮਾਨ ਤਬ ਕਹਯੋ ਸੁਨਾਈ । ਅਬ ਤੋ ਮੋਪੈ ਉਡਯੋ ਨ ਜਾਈ
 ॥ ੨੪੦ ॥ ਯਹਿ ਗਿਰਲੈ ਪਹੁਚਾਵਹੁ ਤਹਾਂ । ਜੁਝੇ ਲਛਮਨ
 ਲੰਕਾ ਜਹਾਂ । ਜੋ ਰਵਿ ਉਦੈ ਜਾਇ ਉਹ ਪਾਸਾ । ਤੋ ਛਾਡਹੁ
 ਲਛਮਨ ਕੀ ਆਸਾ ॥ ੨੪੧ ॥ ਜੋ ਫਿਰੀ ਕੋਪ ਕਰੈਂ ਰਘੁਰਾਈ
 ਭਰਤ ਮੂੰਡ ਸਬ ਚਢੇ ਬਰਾਈ । ਬਚਨ ਕੇਕਈ ਰਾਮ ਲੀਓ
 ਬਨ । ਕਪਿ ਹਤਿ ਭਰਤ ਸੰਘਾਰਯੋ ਲਛਮਨ ॥ ੨੪੨ ॥ ਭਾਈ
 ਸ਼ੰਕ ਨ ਮਨਮੈ ਧਰਈ । ਹਮ ਸੇਵਕ ਸਭ ਭਾਂਤਨ ਡਰਈ ।
 ਇਹ ਬਿਧਿ ਭਰਤ ਹਨੂ ਡਰ ਪਾਯੋ । ਭਰਤ ਗਾਤ ਜਨੁ ਤੀਰ

ਲਗਾਯੋ ॥ ੨੪੩ ॥

(ਭਰਤਉਵਾਰ)

ਦੋਹਰਾ-ਮੂੰਡ ਹਮਾਰੇ ਦੇਤ ਹੋ, ਲਛਮਨ ਕੋ ਉਤਪਾਤ । ਏਕ
ਬਾਨ ਲਾਗੇ ਹਨੂ ਕਾਇਰ ਜਿਉਂ ਬਿਲਲਾਤ ॥ ੨੪੪ ॥

(ਕਵਿਉਵਾਰ)

ਚੌਪਈ-ਭਰਤ ਕਹਿਓ ਕਪਿਤੈਂ ਬਲ ਹਾਰਜੋ । ਅਬ ਤੂੰ ਪੌਰਖ
ਦੇਖ ਹਮਾਰੇ । ਗਿਰ ਸਮੇਤ ਚਢ ਗਹਿ ਮੋ ਬਾਨਹਿ । ਦੇਉਂ
ਚਲਾਇ ਬਹੁਰ ਤੂੰ ਜਾਨਹਿ ॥ ੨੪੫ ॥ ਬਹੁਰ ਮੋਹਿ ਜਿਨ ਦੇਹ
ਬੁਗਾਈ । ਮੇਰੇ ਬਚਨ ਸਾਚ ਕਪਿ ਰਾਈ । ਜਿਤੀ ਦੂਰ ਤੇ ਲਜਾਯੋ
ਹੈ ਗਿਰ । ਤਿਤੀ ਦੂਰ ਲੰਕਾ ਪਾਛੇ ਫਿਰ ॥ ੨੪੬ ॥ ਜਬ
ਕਪਿ ਚਢ੍ਹਯੋ ਕਮਾਨ ਚਢਾਈ । ਫਿਰ ਕਪਿ ਕੇ ਜੀਅ
ਐਸੀ ਆਈ । ਕਹੂੰ ਜਾਇ ਜੋ ਪਰੇਂ ਅਕੇਲਾ । ਫਿਰ ਰਘੁਪਤਿ
ਸੋ ਮਿਲਨ ਦੁਹੇਲਾ ॥ ੨੪੭ ॥ ਫਿਰਕੇ ਤਬਹਿ ਬਤਾਵਹਿ ਮੋਹੀ
। ਭਰਤ ਭੁਜਾ ਨੀਕੇ ਟਕ ਟੋਹੀ । ਉਤਰ ਬਾਨ ਤੇ ਪਾਇਨ ਪ-
ਰਿਓ । ਉਤਰਿਓ ਗਰਬ ਜੋ ਭੌਹਨ ਭਰਿਓ ॥ ੨੪੮ ॥

ਦੋਹਰਾ-ਰਾਮ ਚਰਨ ਬਲ ਮਨ ਧਰਿਓ ਤਾਂ ਪਰ ਸਭੈ ਸੰਦੇਸ ।
ਪਲਹੀ ਮੈਂ ਛਲ ਹੈ ਗਯੋ ਭਯੋ ਪਵਨ ਕੋ ਭੇਸ ॥ ੨੪੯ ॥

ਚੌਪਈ-ਚਿਤ ਭਰ ਚੌਪ ਲੰਕਾ ਕੋ ਧਾਯੋ । ਭੋਰ ਨ ਭਯੋ ਰਾਮ
ਫਿਗ ਆਯੋ । ਦੇਖਿਓ ਸਭਨ ਹਨੂ ਬਡ ਭਾਗੀ । ਰਾਮ ਡੀਠ
ਉਤਹੀਂ ਕੋ ਲਾਗੀ ॥ ੨੫੦ ॥ ਗਿਰ ਸਮੇਤ ਹਨੂਮਾਨ ਨਿਹਾ-
ਰਿਓ । ਰਘੁਪਤਿ ਸੁਖ ਪਾਯੋ ਜੀਅ ਭਾਰਿਓ । ਜਾ ਦਿਨ
ਬਿਛੁਰੇ ਮੀਤ ਮਿਲਾਹੀਂ । ਤਾਂ ਦਿਨ ਕੋ ਸੁਖ ਸੁਰ ਪੁਰ ਨਾਹੀਂ
॥ ੨੫੧ ॥ ਹਨੂਮਾਨ ਆਏ ਕੁਸਰਾਤਾ । ਲਜਾਯੋ ਜਰੀ ਰਾਮ
ਸੁਖਦਾਤਾ । ਗਹਿ ਦੋਣਾਚਲ ਬੇਗ ਉਠਾਯੋ । ਢੂੰਡਤ ਬੂਟੀ
ਬਿਲਮ ਨਾ ਲਾਯੋ ॥ ੨੫੨ ॥ ਲੇਹੁ ਬੇਗ ਲਛਮਨ ਕੋ ਜਗਾਵਹੁ ।
ਅਪਨੇ ਮਨ ਕੋ ਦੁਖ ਬਿਸਰਾਵਹੁ । ਸਾਧੁ ਸਾਧ ਹਨੂਮਾਨਹਿ
ਕੀਨੋ । ਰਘੁਪਤਿ ਬੋਲ ਬਹੁਰ ਸੁਖ ਦੀਨੋ ॥ ੨੫੩ ॥

(ਰਾਮਚੰਦ੍ਰੋਵਾਰ)

ਦੋਹਰਾ—ਬੇਦ ਚਾਰ ਅਵਤਾਰ ਦਸ, ਰੁੱਦ੍ਰ ਇਕਾਦਸ ਜਾਨ ।
ਦ੍ਵਾਦਸ ਭਾਨੁ ਸਮਾਨ ਨਹਿ, ਤੇ ਸੇਂ ਤੂੰ ਹਨੂਮਾਨ ॥ ੨੫੪ ॥

(ਕਵਿਉਵਾਰ)

ਚੌਪਈ—ਦੌਰ ਹਨੂ ਤਬ ਪਾਇਨ ਲਾਗਿਓ । ਰਘੁਪਤਿ ਸੁਖਦੈ
ਦੁਖ ਲੈ ਭਾਗਿਓ । “ਭੁਜ ਭਰ ਲਟਕ ਲਿਲਾਰਹਿ ਚੂਮਿਯੋ ।
ਭਏ ਹਰਖ ਹਰਿ ਆਵਤ ਭੂਮਿਓ” ॥ ੨੫੫ ॥ ਕੰਠ ਲਗਾਇ
ਲਯੋ ਹਨੂਮਾਨਹਿ । ਸੇ ਸੁਖ ਸ੍ਰੀ ਰਘੁਪਤਿ ਹੀ ਜਾਨਹਿ । ਭਰਤ
ਸੰਦੇਸ ਸੁਨਤ ਸੁਖ ਪਾਯੋ । ਹਨੂਮਾਨ ਕੋ ਬਲ ਦਰਸਾਯੋ ॥ ੨੫੬
॥ ਤਬ ਸੰਜੀਵਨਿ ਤੋਰ ਮੰਗਾਈ । ਪੀਸਤ ਤਾਂਹਿ ਆਪ ਰਘੁ
ਰਾਈ “ਤਿਹ ਬਾਸਨਤੇ ਅੰਗ ਸਰਸਾਨੇ । ਲਛਮਨ ਕਛੁ ਜੀਵ
ਤ ਸੇ ਜਾਨੇ” ॥ ੨੫੭ ॥ ਹੀਏ ਘਾਉ ਕੋ ਜਬਹਿ ਲਗਾਈ ।
ਲਛਮਨ ਸ੍ਰਾਸਨ ਲਈ ਜੰਭਾਈ । ਗਾਂਕਤ ਬਾਉ ਜਰੀ ਜਬ ਸੂਕੀ
। ਰਾਮ ਰਾਮ ਲਛਮਨ ਕਹਿ ਕੂਕੀ ॥ ੨੫੮ ॥ ਉਠਤ ਕ੍ਰੋਧ
ਕਰ ਬਾਨ ਸੰਭਾਰਿਓ । ਰਘੁਪਤਿ ਸੋਕ ਦੂਰ ਕਰ ਡਾਰਿਓ ।
“ਭੁਜ ਭਰ ਰਹੇ ਕੰਠ ਸੇਂ ਲਾਈ । ਪ੍ਰੀਤਿ ਨੀਰ ਨੈਨਨ ਰਹਿਓ
ਛਾਈ ॥ ੨੫੯ ॥ ਲਛਮਨ ਘਾਉ ਪੀਰ ਸਬ ਖੇਵਹੁ । ਮੇਰੇ ਹੀਏ
ਪਲੰਘ ਪਰ ਸੇਵਹੁ । ਤੁਮ ਅਤਿ ਸੂਰ ਕਹੀ ਮੁਖ ਬਾਨੀ । ਘਾਉ
ਪੀਰ ਤੁਮ ਨੈਕੁ ਨ ਜਾਨੀ ॥ ੨੬੦ ॥ “ਤਬ ਲਛਮਨ ਰਘੁ
ਪਤਿ ਸੇਂ ਕਹੈ । ਘਾਉ ਪੀਰ ਮੋਕਉ ਨਹਿ ਦਹੈ । ਕੋਬਲਿ ਘਾਉ
ਮੋਹ ਉਨ ਲਾਨੋ । ਕਿਹ ਬਿਧਿ ਪੀਰ ਸੁ ਤੁਮਹੀ ਜਾਨੋ” ॥
੨੬੧ ॥ ਯਹਿ ਉਪਕਾਰ ਹਨੂ ਕੋ ਆਹੀ । ਮਿਲਹੁ ਪਸਾਰ
ਬਾਂਹਿ ਤੁਮ ਤਾਹੀ ॥

(ਰਾਮਚੰਦ੍ਰ ਉਵਾਰ)

ਸਵੈਯਾ—ਕੌ ਲਗ ਹੋਂ ਬਰਨੋ ਹਨੂਮਾਨ, ਜੁ ਤੈਂ ਹਮਸੇ ਉਪਕਾਰ
ਕਰੇ । ਗਢ ਲੰਕ ਜਰਾਇ ਦਈ ਸੀਅ ਕੀ ਸੁਧ, ਸੀਂਚ ਕੀਏ
ਸੁਖ ਪੁੰਜ ਹਰੇ । ਬਦਲੇ ਹਮ ਏਕ ਕੇ ਪ੍ਰਾਣ ਦਏ, ਤੁਹ ਤੈ

ਦਿਨ ਹੀਂ ਸਿਰ ਔਰ ਧਰੇ। ਸੁਨ ਪੈਨ ਕੇ ਪੂਤ ਰਿਣੀ ਹਮਹੈਂ,
ਇਹ ਲਾਜ ਨ ਹੋਵਤ ਨੈਨ ਖਰੇ ॥ ੨੬੨ ॥

(ਹਨੂਮਾਨ ਉਵਾਰ)

ਸਵੈਯਾ—ਸ੍ਰੀ ਰਘੁਬੀਰ ਕਹਾਂ ਇਤਨੀ, ਬਲ ਜਾਉਂ ਕਹਾ ਹਮ
ਕਾਮ ਕਰੇ। ਹਮ ਤੇ ਕਪਿ ਹੈ ਫਲ ਫੂਲਨ ਸੇਂ, ਚਢ ਰੂਖਨ
ਭੂਖਨ ਪੇਟ ਭਰੇ। ਭੁਜਮੈ ਭੁਜਲੈ ਤੁਮ ਤਾ ਪਰ ਨੈਕ, ਕਰੀ
ਕਰੁਨਾ ਮੁਸਕਾਇ ਢਰੇ। ਤੇਈ ਹੈ ਗਏ ਲਾਖ ਕਰੋਰਨਕੇ,
ਜੇਈ ਮੇਸੇ ਗਰੀਬ ਨਿਵਾਜ ਧਰੇ ॥ ੨੬੩ ॥

ਚੌਪਈ—ਤੁਮ ਹਮ ਸੇਂ ਕਰੀਅਹੁ ਉਪਕਾਰਾ। ਦਾਸਜਾਨ ਮੋਹਿ
ਲੇਹੁ ਸੰਭਾਰਾ। ਤਾਸੇਂ ਰਾਮ ਬਹੁਰ ਫਿਰ ਕਹੈਂ। ਹਨੂਮਾਨ ਪ੍ਰਾ-
ਨਨ ਮੈ ਰਹੈਂ ॥ ੨੬੪ ॥ ਜੋ ਫਿਰ ਅਬਹਿ ਕਹਿਤ ਹੋਂ ਤੇਹੀ।
ਤੇ ਲੱਜਾ ਉਪਜਤ ਹੈ ਮੋਹੀ। ਜਜੇਂ ਸੰਸਾਰ ਰੀਤਿ ਹੈ ਮੀਤਾ।
ਸੇਊ ਕਹਿਤ ਬਡੀ ਬਿਪਰੀਤਾ ॥ ੨੬੫ ॥

(ਰਾਮਚੰਦ੍ਰ ਉਵਾਰ)

ਦੋਹਰਾ—ਬਿਪਤਿ ਪਰਨ ਦੁਖ ਹਰਨ ਕੋ, ਪਹਿਲੇ ਕਰਤ ਬਿ-
ਚਾਰ। ਤਾਂ ਪਾਛੇ ਉਪਕਾਰ ਕੋ, ਚਾਹਤ ਪ੍ਰੀਤਿ ਉਪਕਾਰ ॥ ੨੬੬ ॥

[ਕਵੀ ਬਚਨ]

ਚੌਪਈ—ਤਾਂਤੇ ਤੁਮਹਿ ਬਿਦਿਤ ਮਤਿ ਹੋਊ। ਹਮ ਤੁਮ ਰਹੈ ਸੁਖੀ
ਅਬ ਵੋਊ। ਇਹ ਬਿਧਿ ਲਛਮਨ ਫੇਰ ਜਿਆਏ। ਸ੍ਰੀ ਰਘੁ
ਪਤਿ ਬਹੁਤੇ ਸੁਖ ਪਾਏ ॥ ੨੬੭ ॥ ਜੋ ਯਹਿ ਕਥਾ ਸੁਣੈ ਮਨ
ਲਈ। ਤਿਹ ਬਿਛਰਜੇ ਮਿਲ ਹੈ ਫਿਰ ਭਾਈ। ਸ੍ਰੀ ਰਘੁਬੀਰ
ਭਗਤਿ ਦ੍ਰਿੜ੍ਹ ਹੋਈ। ਸੁਤ ਜੁਵਤੀ ਕੋ ਬਿਰਹ ਨ ਹੋਈ ॥ ੨੬੮ ॥
ਅਸੁਮੇਧ ਕੀਨੋ ਫਲ ਲਹੈ। ਸੇ ਫਲ ਹੋਇ ਰਾਮ ਗੁਨ ਕਹੈ।
ਤੀਰਥ ਕੋਟ ਕਰੈ ਸੋ ਬਾਰਾ। ਸੇਫਲ ਹੋਇ ਅੰਤ ਨਿਸਤਾਰਾ ॥
੨੬੯ ॥ ਜੋ ਰੁਚਿ ਸੋਂ ਕੋਈ ਕਹੈ ਕਹਾਵੈ। ਜਨਨੀ ਜਠਾਰਿ
ਬਹੁਰ ਨਹੀ ਆਵੈ। ਰਘੁਬਰ ਕਥਾ ਪੁਨੀਤ ਸਦਾਈ। ਸੇਵਕ
ਹਿਰਦੇ ਰਾਮ ਸੁਨਾਈ ॥ ੨੭੦ ॥

[ਕਵਿਉਵਾਚ]

ਦੋਹਰਾ—ਰਾਵਨ ਕੋ ਅਤਿ ਕੋਪ ਕਰ ਮਾਰਹਿੰਗੇ ਰਘੁਰਾਇ ।
 ਕਥਾ ਸੁ ਆਗੇ ਹੋਇਗੀ ਸੰਤ ਸੁਨਹੁ ਮਨ ਲਾਇ ॥ ੨੭੯ ॥
 ਇਤਿ ਸ੍ਰੀ ਰਾਮਗੀਤੇ ਲਛਮਨ ਜਿਅਾਇਬੋ ਤੇਰਵੇਂ ਅੰਕ
 ਸਮਾਪਤਃ ॥ ੧੩ ॥

ਅਥ ਚਤੁਰਦਸੇ ਅੰਕ ਲਿਖਯਤੇ ॥

[ਰਾਵਨਉਵਾਚ]

ਚੌਪਈ—ਲਛਮਨ ਜੀਅਤ ਭਯੋ ਸੁਖ ਭਾਰੀ । ਫੂਲੀ ਮਨਹੁ
 ਰਾਮ ਸੁਖ ਬਾਰੀ । ਰਾਵਣ ਸੁਨਤ ਮਹਾਂਦੁਖ ਪਾਯੋ । ਭਯੋ ਪ੍ਰਾਤ
 ਇਕ ਦੂਤ ਬੁਲਾਯੋ ॥ ਤਾਸੇ ਕਹੀ ਬਾਤ ਸਮਝਾਈ । ਤੁਰਤ
 ਸਿਧਾਰਹੁ ਜਹਿ ਰਘੁਰਾਈ । ਜੋ ਹੋ ਕਹੈ ਸੁ ਜਾਇ ਸੁਨਾਵਹੁ ।
 ਪੁਨ ਜੋ ਕਹੈ ਰਾਮ ਸੁਨ ਆਵਹੁ ॥ ੨ ॥ ਭ੍ਰਿਗਪਤਿ ਜੀਤ ਪਰਸ
 ਤੁਮ ਪਾਯੋ । ਤਾਂ ਲਗ ਹੋਂ ਲੰਕੇਸ ਪਠਾਯੋ । ਤਾ ਬਦਲੇ ਜੋ ਜੀਅ
 ਕੋ ਚਾਹੈ । ਸੋ ਲੰਕਾਪਤਿ ਬੋਲ ਨਿਬਾਹੈ ॥ ੩ ॥ ਕਰਤ ਪ੍ਰਨਾਮ
 ਚਲਯੋ ਤਬ ਧਾਈ । ਰਘੁਪਤਿ ਚਰਨ ਨਿਹਾਰੇ ਜਾਈ । ਕਰ
 ਡੰਡੋਤ ਪ੍ਰਕਰਮਾ ਦੀਨੀ । ਅਪਨੀ ਦਿਸ਼ਟਿ ਸਫਲ ਕਰ
 ਲੀਨੀ ॥ ੪ ॥

[ਦੂਤਉਵਾਚ]

ਦੋਹਰਾ—“ਲੋਹਤਾਛ ਠਾਢੇ ਭਯੋ ਚਰਨਨ ਡੀਠ ਲਗਾਇ । ਜੋ
 ਲੰਕਾ ਪਤਿ ਕਹੀ ਹੀ, ਤੇ ਸਭ ਕਹੀ ਸੁਨਾਇ” ॥ ੫ ॥

[ਰਾਮਚੰਦ੍ਰਉਵਾਚ]

ਸੋਰਠਾ—ਰੇ ਲੰਕਾ ਪਤਿ ਦੂਤ ਨਿਕਟ ਬੈਠ ਸਮਝਾਇ ਕਹੁ ।
 ਜੁਝਯੋ ਜਿਤ ਪੁਰ ਹੂਤ ਲੰਕਾਪਤਿ ਕਿਹ ਕਰਤ ਹੈ ॥ ੬ ॥

[ਦੂਤਉਵਾਰ]

ਕਬਿੱਤ—“ਸੋਨੇ ਕੀ ਅਟਾਰੀ ਇਨ ਪੁੰਛ ਸੋਂ ਲਗਾਇ ਜਾਰੀ
ਭਾਰੀ ਦੁਖ ਦੀਨੋ ਲੰਕ-ਲੋਕ ਪਛੁਤਾਤ ਹੈਂ । ਮੂਲ ਤੇ ਉਪਾਰੀ
ਇਨ ਹਮਰੀ ਅਸੋਕ ਬਾਰੀ ਐਸੀ ਕਰ ਡਾਰੀ ਫੂਲ ਫਲ ਹੈ
ਨ ਪਾਤ ਹੈ । ਲਛਮਨ ਜੂ ਕੀ ਦੇਹਇਨਹੂੰ ਉਬਾਰੀ ਔਰ ਸੈਨਾ
ਹੂੰ ਉਤਾਰੀ ਸਿੰਧੁ ਦਾਂਤਨ ਚਬਾਤ ਹੈ । ਬੈਠ ਬੈਠ ਮੀਤਨ ਮੈ
ਭੀਤ ਕੀ ਪਛੀਤਨ ਮੈ ਚੀਤ ਚੀਤਿ ਹਨੂਮਾਨ ਕਾਟ ਕਾਟਿ
ਖਾਤ ਹੈ” ॥ ੭ ॥

[ਰਾਮਚੰਦ੍ਰਉਵਾਰ]

ਪਰਹਾ—ਸੁਨਤ ਦੂਤ ਕੇ ਬਚਨ ਚਤਰ ਚਿਤ ਮੈਂ ਹਸੇ । ਲੋਹਤਾਛ
ਦੈ ਕਠਨ ਬਾਤ ਮੈਂ ਹਮ ਫਸੇ । ਬਲ ਤੇ ਸਬੈ ਉਪਾਇ ਔਰ ਸਬ
ਕੀਜੀਏ । ਨਹਿ ਦੈਹੋਂ ਭੇਟ ਕੁਠਾਰ ਪ੍ਰਾਨ ਕੋਲੀਜੀਏ ॥ ੮ ॥

[ਕਵਿਉਵਾਰ]

ਛਪੈ—“ਤਿਹ ਅਵਸਰ ਰਬ ਰਾਮ ਕਾਜ ਸੁਰ ਰਾਜ ਪਠਾਯੋ ।
ਸੱਤ੍ਰ ਜੀਤ ਤਹਿ ਨਾਮ ਪੁੰਜ ਮਣਿ ਜਟਤ ਸੁਹਾਯੋ । ਤ੍ਰਿਬਿਧਿ
ਤਾਪੇ ਦੁਖ ਹਰਨ ਚਰਨ ਰਘੁਪਤਿ ਗਵ ਗੰਜੈ । ਨੀਲ ਕਮਲ
ਜਨੁ ਸਰਦ ਸੇਤ ਬਾਦਰ ਛਬਿ ਰੰਜੈ । ਫਹਿਰੰਤ ਧੁਜਾ ਹਨੁਵੰਤ
ਕਪਿ ਕਿਲਕਿਲਾਇ ਧੁਨ ਉਛਲਯੋ । ਧਸਕੰਤ ਹੀਓ ਬਿਗ-
ਸੰਤ ਮੁਖ ਤਬ ਸੁ ਦੂਤ ਲੰਕਾ ਚਲਜੋ” ॥ ੯ ॥

ਚੌਪਈ—ਜਾਤ ਹੀਂ ਲੋਹਤਾਛ ਸਿਰ ਨਾਯੋ । ਲੰਕਾ ਪਤਿ ਨੀਕੇ
ਸਮਝਾਯੋ । ਤਾਂ ਪਾਛੇ ਫਿਰ ਰਾਜਾ ਬੋਲਜੋ । ਬਲ ਮਨ ਮਾਂਹਿ
ਨਿਪਟ ਝਕਝੋਲਜੋ ॥ ੧੦ ॥ ਰਾਮਦੰਦ ਧੁਜ ਕੌਨ ਬਿਰਾਜੈ ।
ਜਾਂਕੀ ਧੁਨਿ ਸਾਵਨ ਘਨ ਲਾਜੈ । ਜਾਂਕੋ ਦੇਖਿ ਮਹਾਂ ਭੈ ਆਵੈ ।
ਜਨੁ ਨਭ ਧੂਮਕੇਤ ਦਰਸਾਵੈ ॥ ੧੧ ॥ ਭੁਜਾਦੰਡ ਜਨ ਬੱਜ੍
ਸਮਾਨਾ । ਚਮਕ ਨਿਰਖ ਬੀਜੁਰੀ ਸਮਾਨਾ । ਤਬ ਬੋਲਜੋ ਮੰਤੀ
ਸਿਰ ਨਾਈ । ਯਹਿ ਹਨੂਮਾਨ ਕਪਿਨ ਕੋ ਰਾਈ ॥ ੧੨ ॥ ਜਾਂਕੋ
ਚਰਿਤ ਸਬੈ ਤੁਮ ਜਾਨਹੁ । ਲੰਕ ਬਾਗ ਅਰ ਸਮੁੰਦ ਪਛਾਨਹੁ ।

ਲਛਮਨ ਆਨ ਪ੍ਰਾਨ ਜਿਨ ਦੀਨੋ । ਸੋ ਰਘੁਪਤਿ ਧੁਜਪਤਿ ਹੈ
ਕੀਨੋ ॥ ੧੩ ॥

ਦੋਹਰਾ—ਯਹਿ ਸੁਨ ਰਾਵਨ ਲੰਕਪਤਿ ਭਯੋ ਸਮੁੰਦ੍ਰ ਸਮਾਨ ।
ਰਘੁਪਤਿ ਪੂਰਨ ਸਸਿ ਨਿਰਖ ਲਹਿਰਸ੍ਰਾਸ ਅਨੁਮਾਨ ॥੧੪॥
ਸੋਰਠਾ—ਕਛੁ ਰਿਸ ਕਛੁ ਮਨ ਦੀਨ ਚਲਯੋ ਜਹਾਂ ਮੰਦੋਦਰੀ ।
ਅਨੁਜ ਤਨੁਜ ਤੇ ਹੀਨ ਜਯੋਂ ਉਤਰਤ ਪੂਨਯੋ ਸਸੀ ॥ ੧੫ ॥

[ਗਵਨੋਵਾਰ ਮੰਦੋਦਰੀ ਸੋਂ]

ਕਬਿੱਤ—ਰਾਨੀ ਸੁਨੀ ਐਸੀ ਹੀ ਨ ਜਾਨੀ ਐਸੀ ਭਈ ਰਨ
ਮੇਘਨਾਦ ਆਦਿ ਸਬ ਜੁਝੇ ਮਨ ਭਾਵਨੇ । ਐਸੇ ਰਹਿ ਗਏ
ਜੈਸੇ ਡਾਰ ਪਾਤ ਬਿਨਾ ਰੂਖ ਸਬੈ ਅੰਗ ਸਬਹੀ ਕੋ ਲਾਗਤ
ਡਰਾਵਨੇ । ਤੇਰੇ ਮਨ ਐਸੀ ਜੋ ਹੋਂ ਰਾਮੈ ਅਨੁਸਰੋਂ ਸੀਅ ਲੈਕੈ
ਸੀਸ ਧਰੋਂ ਪਗ ਧੂਰਿ ਕੇ ਬਿਛਾਵਨੇ । ਦੇਖ ਕੈਸੇ ਮਾਰਤ ਹੋਂ
ਢੋਜਨ ਬਿਡਾਰਤ ਹੋਂ, ਐਸੇ ਭਾਜ ਜੈਹੈ ਪ੍ਰਾਨ ਪਰੈਂਗੇ ਬਚਾ-
ਵਨੇ ॥ ੧੬ ॥

[ਕਵਿਉਵਾਰ]

ਚੌਪਈ—“ਸੁਨਤ ਬਚਨ ਜੀਅ ਕੋਧ ਬਢਾਯੋ । ਮਨਹੁ ਗਰਜ
ਘਨ ਮੇਘ ਸੁਹਾਯੋ” । ਚਲਯੋ ਚਮਕ ਰਨ ਕੋ ਸਮੁਹਾਈ । ਰਵਿ
ਦ੍ਵਾਦਸ ਸਮ ਬਦਨ ਬਨਾਈ । ਆਜ ਨਿਦਾਨ ਕਰੋਂ ਰਨ
ਮਾਂਹੀ । ਕੈ ਰਘੁਪਤਿ ਕੈ ਰਾਵਨ ਨਾਹੀ ॥ ੧੭ ॥

ਦੋਹਰਾ—ਚਕਤ ਭਏ ਸੁਰਨਰ ਅਸੁਰ, ਥਕਤ ਭਏ ਰਨ ਗੈਨ ।
ਛਕਤ ਭਏ ਰਨ ਭੂਮਿ ਭਟ, ਸੰਕਤ ਭਏ ਤਿਨੈਨ ॥ ੧੮ ॥

ਸੋਰਠਾ—ਦਸ ਚਿੰਤਾ ਮਨ ਮਾਂਹਿ ਦਸੋਂ ਓਰ ਦਸ ਮੁਖ ਕੀਏ ।
ਦਸੋਂ ਦਿਸਾ ਸੁਖ ਨਾਂਹਿ ਜੇ ਰਘੁਪਤਿ ਚਰਨਨ ਬਿਮੁਖ ॥੧੯॥

ਕਬਿੱਤ—ਏਕ ਸੀਅ ਓਰ ਦੂਜੇ ਦੇਵਨ ਕੋ ਸ਼ੋਰ ਸੁਨ ਤੀਸਰੇ
ਤਿਨੈਨ ਜਾਂਕੇ ਬਰ ਕੋ ਗੁਮਾਨ ਹੈ । ਚੌਥੇ ਚਿਤ ਭੈ ਸੋਂ ਹਨੂ-
ਮਾਨ ਹੀ ਨਿਹਾਰਤ ਹੈ ਪਾਂਚਵੇਂ ਬਿਭੀਖਨ ਕੋ ਦੇਖ ਰਿਸ
ਮਾਨ ਹੈ । ਛਟੇ ਭਰ ਛੋਹ ਭੌਹਿ ਸੁਰਨ ਪਚਾਰਤ ਹੈ ਸਾਤਵੇਂ

ਸੁ ਕੋਪ ਰਾਮ ਚੰਦ ਸੇਂ ਨਿਦਾਨ ਹੈ । ਵੈ ਲਗੇ ਅਨੀਤਿ
ਨੀਤਿ ਬਾਕੀ ਕਹੈਂ ਜੀਤ ਜੀਤ ਦਸੇ ਮੁਖ ਦਸੇ ਓਰ ਕੀਏ
ਸਾਵਧਾਨ ਹੈ ॥ ੨੦ ॥

ਸਵੈਯਾ-ਰਾਮਕੀ ਓਰ ਤੇ ਬਾਨ ਚਲੇ ਚਲ ਰਾਵਨ ਕੇ ਬਹੁਤੇ
ਭਟ ਘਾਏ ॥ ਭੇਦ ਸਨਾਹਨ ਆਹਕਰੀ ਫਿਰ ਮਾਰਨ ਕੋ ਨਹਿ
ਹਾਥ ਉਠਾਏ ॥ ਜੇ ਗਜਰਾਜਨ ਕੇ ਅਸਵਾਰ ਗਿਰੇ ਗਜ ਕੁੰਭ ਨ
ਪ੍ਰਾਨ ਬਚਾਏ ॥ ਮਾਨਹੁ ਕਾਮਨਿ ਕੇ ਕੁਚ ਪਾਇਲਗਾਇ ਹੀਏ
ਬਹੁਤੇ ਸੁਖ ਪਾਏ ॥

ਕਰਖਾ-ਬਾਢਿਓ ਜੁਧ ਪਰਬਲ ਪ੍ਰਚੰਡ ਪਲਚਰ ਬਨਚਰਕਿਲ
ਕਾਰੇ ॥ ਮੁਗਦਰ ਮੂਸਲ ਗੁਰਜ ਗੋਢਨੈ ਗੋਲਾ ਅਨਤੋਲ
ਸੰਭਾਰੇ ॥ ਬਾਨ ਕਮਾਨ ਤਿਸੂਲ ਸੈਹਥੀ ਸਨਮੁਖ ਸਤ੍ਰੁ ਪਚਾਰੇ
॥ ਤਜ ਮੁਖ ਢਾਲ ਕਰਾਲ ਕੋਧ ਮਨ ਅਰਿਕੁਲ ਫੌਜ ਬਿਡਾਰੇ
॥ ੨੨ ॥ ਭਕਭਕਾਇ ਰਨ ਪਰਤ ਸੁਭਟ ਕਟਿ ਰੁਧਿਰ ਅੰਗ ਛਬਿ
ਪਾਵੈਂ ॥ ਮਾਨਹੁ ਮਨ ਅਨੁਰਾਗ ਪ੍ਰਗਟ ਕਰਿ ਨਿਜ ਪ੍ਰਭੁ ਕੋ
ਦਰਸਾਵੈਂ ॥ ਜੂਝੇ ਏਕ ਸੂਰਇਹ ਭਾਂਤਨ ਬਾਨ ਅੰਗ ਸਭ ਛੇਦਜੇ
॥ ਮਾਨਹੁ ਪ੍ਰਾਨ ਲਗਾਇ ਪੰਖ ਉਡ ਦਿਨ ਮਣਿ ਮੰਡਲ ਭੇਦਜੇ
॥ ੨੩ ॥ ਇਕ ਜੂਝੇ ਤਰਵਾਰ ਧਾਰ ਲਗ ਰਹੀ ਹੀਏ ਮਧਿ ਫਾਟੈ
॥ ਜਨੁ ਜਮ ਜੀਭ ਪਾਨ ਸੇ ਖਾਏ ਫਿਰ ਫਿਰਿ ਲੋਹੁ ਚਾਟੈ ॥ ਇਕ
ਜਮਧਰ ਲਾਗਤ ਹੀ ਜੂਝੇ ਫਿਰ ਨ ਨਿਕਾਸਨ ਪਾਈ ॥ ਜਨ
ਜਮ ਦਾੜ ਕਠਨ ਉਰ ਗਡ ਰਹੀ ਯਹਿ ਉਪਮਾਂ ਜੀਅ ਆਈ
॥ ੨੪ ॥ ਬਰਛੀ ਨਿਕਸ ਦੁਸਾਰ ਰੁਧਿਰ ਭਰ, ਛਬਿ ਤਰੰਗ
ਅਤ ਛੂਟੇ ॥ ਰਨ ਸਰਤਾ ਸੀਂਚੇ ਸੁਭਟਨ ਕੇ ਜਨੁ ਜਸ ਅੰਕੁਰ
ਛੂਟੇ ॥ ਕਟੇ ਕਵਚ ਜੂਝੇ ਰਨ ਸਨਮੁਖ ਬਹੁਰ ਨ ਨੈਕ ਸੰਭਾਰੇ ॥
ਚਲੇ ਬਜਾਇ ਨਿਸਾਨ ਸੁਰਗ ਕੋ ਜਨੁ ਕਲੰਕ ਨਿਜ ਡਾਰੇ ॥ ੨੫
॥ ਵੈ ਮੁਖ ਢਾਲ ਕਟੇ ਰਣ ਛਿਤ ਭਟ ਗਢੇ ਬਾਨ ਅਤਿ ਗਾਢੇ ॥
ਮਾਨਹੁ ਕਮਠ ਪੀਠ ਬਾਸਕ ਕੇ ਭਏ ਸਹਸ ਫਨਿ ਠਾਢੇ ॥
ਬਾਨਰ ਬਦਨ ਰੁਧਿਰ ਲਪਟਾਨੇ ਛਬਿ ਕੇ ਉਠਤ ਅਲੂਲੇ ॥

ਰਘੁਪਤਿ ਰਵਿ ਪ੍ਰਤਾਪਰਨ ਸਰਵਰ ਮਨਹੁ ਕਮਲ ਕੁਲ ਫੁਲੇ
 ॥ ੨੬ ॥ ਮੁਖ ਪ੍ਰਚੰਡ ਚਿਤ ਚੌਪ ਹਰਖ ਸੋ ਲਪਟ ਭੁਜਾ ਗਹਿ
 ਪੇਲੇ ॥ ਕਰ ਕਚ ਕਵਚ ਰੁਧਰ ਲਪਟਾਨੇ ਜਨੁਹੋਲੀ ਸੀਖੇਲੇ
 ॥ ਕਿਲ ਕਿਲਾਇ ਕਾਲੀ ਕਰ ਤਾਲੀ ਦੈ ਦੈ ਡਮਰੁ ਬਜਾਵੈ ॥
 ਭਰਵ ਭੂਤ ਪਿਸਾਚ ਪ੍ਰੇਤ ਗਨ ਰੁਧਿਰ ਸਮੁੰਦਹ ਨ੍ਹਾਵੈ ॥ ੨੭ ॥

ਗੀਧ ਮਵਾਸ ਅਕਾਸ ਉਡਤ ਲੈ ਮਾਸ ਮਹਾਂ ਮਨਭਾਯੋ ।
 ਸ੍ਰਾਨ ਸਿੰਗਾਲ ਕਾਕ ਬਿੰਦਨ ਕੋ ਮਾਸ ਸੁ ਭੱਛ ਜਨਾਯੋ ॥ ਇਕ
 ਭਾਜਤ ਦੁਮ ਗਨਕਚ ਅਟਕੇ ਡਰਤ ਨ ਉਤ ਮੁਖ ਮੋਰੇ ॥
 ਛਾਡਹੁ ਪ੍ਰਾਨੋ ਦਾਨ ਦੈ ਹਮ ਕਉ ਕਹਿਤ ਸਤ੍ਰ ਕੇ ਭੋਰੇ ॥ ੨੮ ॥
 ਚਲਤ ਬਾਨ ਸਨਮੁਖ ਆਵਤ ਕਪਿ ਕੁਲ ਤੇ ਸਭੈ ਬਚਾਏ ॥
 ਜੈਸੇ ਮਹਾਂ ਜੋਗ ਸਾਧਕ ਕੋ ਪਾਪਨ ਪਰਸਨ ਪਾਏ ॥ ਅਮਰਬਧੂ
 ਕਰ ਕੁਸਮ ਮਾਲ ਲੈ ਡੋਲਤ ਅਤਿ ਅਨੁਰਾਗੀ । ਮਾਨਹੁ ਸਮਰ
 ਸ੍ਰਯੰਬਰ ਰਚ ਕੇ ਸੁਭਟ ਬਰਤ ਬਡ ਭਾਗੀ ॥ ੨੯ ॥ ਸ੍ਰਾਮਿਕਾਰ
 ਜੀ ਲਰਤ ਸੂਰਮਾ ਜਸ ਆਯੋ ਜਿਹ ਬਾਂਟੇ ॥ ਮਾਨਹੁ ਨਿਰਖ
 ਸੁਰਬਧੂ ਰੀਝਤ ਲੇਤ ਸੀਸ ਕੇ ਸਾਂਟੇ ॥ ਸਿੰਘ ਨਾਦ ਬੋਲਯੋ ਤਬ
 ਰਾਵਨ, ਸਾਖਾ ਮਿ੍ਰਗ ਸਕੁਚਾਨੇ । ਜੈਸੇ ਬੱਜ੍ਰ ਗਰਜ ਤੇ ਗਿਰ
 ਪਤਿ, ਚਮਕ ਸਪੰਛ ਡਰਾਨੇ ॥ ੩੦ ॥

[ਰਾਵਨਉਵਾਚ]

ਸਵੈਯਾ-ਨਾਰਿ ਨਿਪਾਤ ਕੈ ਤੋੜ ਸਰਾਸਨ, ਬਾਮਨ ਜੀਤਕੈ
 ਫੁਲ ਗਏ ਹੋ । ਸੂਪਨਖਾ ਖਰ ਦੂਖਨ ਸੋ ਲਰ, ਮਾਰ ਮਰੀਚ
 ਪ੍ਰਸਿੱਧ ਭਏ ਹੋ । ਕਾਲ ਕੇ ਅੰਕ ਨਿਸੰਕ ਪਰੋ ਜਿਨ, ਕਜੋਂ
 ਸਮਝੇ ਬਿਨ ਆਇ ਖਏ ਹੋ । ਛਾਡਤ ਹੋ ਰਘੁਬੀਰ ਪਧਾਰਹੁ,
 ਸੁੰਦਰ ਹੋ ਅਰ ਬੈਸ ਨਏ ਹੋ ॥ ੩੧ ॥

ਅੰਗਦੋਵਾਚ

ਸਵੈਯਾ-ਅੰਗਦ ਬੀਰ ਕਹਜੇ ਕਿਲਕਾਰ ਸੁਨੇ ਜਬ ਰਾਵਨ ਬੈਨ
 ਅਸੀਲੇ । ਰੇ ਦਸਕੰਧ ਸੀਆ ਸੰਗ ਲੈ ਅਜਹੂੰ ਭਜੀਐ ਪਦਕੰਜ
 ਰਸੀਲੇ । ਜਜੋਂ ਤੁਹਿ ਛਾਡ ਗਏ ਰਨ ਮੈਂ ਸਿਵ ਯਾਹੀਂ ਤੇ ਆਜ

ਦਸੋਂ ਮੁਖਪੀਲੇ । ਤੂੰ ਰਘੁਨਾਥਹਿ ਛਾਡਤ ਹੈਂ ਪਰ ਤੋਹਿ ਨ
ਛਾਡਤ ਰਾਮ ਹਠੀਲੇ ॥ ੩੨ ॥

ਰਾਵਨੋਵਾਚ

ਸਵੈਯਾ—ਬਾਨਰ ਨੀਚ ਨ ਰਾਵਨ ਹੈਂ ਅਰ ਤਾਂਹਿ ਭਲੇ ਕਰ
ਰਾਮ ਪਛਾਨੋ ॥ ਸੰਭੁ ਸਮੇਤ ਉਠਾਇ ਹਿਮਾਚਲ ਤੋਲ ਕੀਓ
ਜਿਨ ਗੋਂਦ ਤੇ ਨਾਨੋ । ਤਾਂ ਦਿਨ ਤੇ ਵਰਈ ਗਿਰ ਧਾਤੁ ਝਰੈਂ
ਝਰਨਾ ਪ੍ਰਗਟਾਇ ਬਹਾਨੋ । ਵੈ ਭੁਜਦੰਡਨਤੇ ਤਨ ਬਜਾਕੁਲ
ਲੋਹੁ ਬਹੈਂ ਅਜਹੂੰ ਗਿਰ ਮਾਨੋ ॥ ੩੩ ॥

ਹਨੂਮਾਨੋਵਾਚ

ਦੋਹਰਾ—ਹਨੂਮਾਨ ਬਿਨਤੀ ਕਰੈ ਦੇਖ ਰਾਮ ਕੀ ਓਰ ॥ ਰਨ
ਰਾਵਨ ਕੈਸੇ ਬਚੈ ਬੋਲਤ ਬਚਨ ਕਠੋਰ ॥ ੩੪ ॥

ਰਾਮਚੰਦੋਵਾਚ

ਸੋਰਠਾ—ਅਜਹੂੰ ਭਰੋਸੇ ਮੋਹਿ ਵੈ ਸੀਤਾ ਰਾਵਨ ਮਿਲੈ ॥
ਔਰ ਸੁਨਾਉਂ ਤੋਹਿ ਹਨੂਮਾਨ ਜਾਂਤੇ ਬਚੈ ॥ ੩੫ ॥

ਸਵੈਯਾ—ਰਾਮ ਕਹੀ ਭਰ ਬਾਨ ਅਥੈ ਜੁ ਹੈਂ ਰਾਵਨ ਕੇ ਹੀਏ
ਮਾਰਤ ਹੈਂ । ਤਹਿ ਸੀਅ ਬਸੈ ਦਿਨ ਰੈਨ ਸਦਾ ਪੁਨ ਸੀ ਜੀਅ
ਮਾਂਹਿ ਮਹਾਂ ਰਤਿ ਹੈਂ ॥ ਪੁਨ ਮੇ ਮਹਿ ਬੇਦ ਪੁਰਾਨ ਬਸੈ ਜਗ ਯੋਂ
ਮਨ ਮਾਂਹਿ ਬਿਚਾਰਤ ਹੈਂ । ਤਾਂਤੇ ਆਪਨੇਈ ਗਹਿ ਆਪਨੇ
ਹਾਥਨ ਚੋਦਹਿ ਲੋਕ ਸੰਘਾਰਤ ਹੈਂ ॥ ੩੬ ॥

ਰਾਵਨੋਵਾਚ

ਦੋਹਰਾ—ਤਬ ਰਾਵਨ ਅਤਿ ਕੋਪ ਕਰ ਦੇਵਨ ਸੋਂ ਕਹਯੋ ਟੇਰਿ ॥
ਜੇ ਹੈਂ ਕਹੈਂ ਸੁ ਕਰਹੁ ਅਬ ਮਾਰਤ ਸਭਨਨ ਘੇਰਿ ॥ ੩੭ ॥

ਸਵੈਯਾ—ਰੇ ਜਮ ਆਜ ਬਿਨਾਹੀਂ ਪ੍ਰਲੈ ਭਰ ਪੇਟਹਿ ਭੂਖ ਜਿਤੀ
ਮਨ ਮੈ । ਗੁਹ ਮੁੰਡਨ ਮਾਲ ਬਿਸਾਲ ਭਲੀ ਸ਼ਿਵਜੀ ਪਹਿਰੋ
ਰੁਚਿ ਸੋਂ ਤਨ ਮੈਂ । ਕਮਲਾਸਨ ਆਸ ਤਜੇ ਜਗ ਕੀ, ਰੁਚਿ ਔਰ
ਕੀ ਬੀਜ ਬੁਵੇ ਮਨ ਮੈ । ਤਬ ਕਾਹੇ ਕੀ ਹੋਂਸ ਰਹੈ ਤੁਮਰੇਜੀਅ,
ਰਾਵਨ ਕੋਪ ਕਰੈ ਰਨ ਮੈਂ ॥ ੩੮ ॥

ਸਵੈਯਾ—ਜੰਬੁਕ ਗਿਰਝਨ ਸੋਂ ਕਹਜੇਂ ਰਾਵਨ ਮੇ ਬਿਨਤੀ ਸੁਨ
ਲੇਹੁ ਰੇਭੱਯੋ॥ ਚੌਪ ਸੋਂ ਆਜਲਰੇਂ ਸੀਅ ਕੇਹਿਤ, ਭੂਮਿ ਅਕਾਸ
ਭਲੇ ਮੰਡਿਰੁਯੋ। ਜੂਝ ਮਰੇ ਰਨਮੈ ਸੁਣ ਮੀਤ, ਨਿਚੀਤਹੈ
ਮੇਰੇਈ ਮਾਸ ਅਘੱਯੋ। ਰਾਮ ਕੀ ਓਰ ਨਿਸੰਕ ਉਡੇ ਪੈ ਘਸੀਟਤ
ਲੰਕ ਕੀ ਓਰ ਨ ਜੱਯੋ ॥ ੩੯ ॥

ਕਵਿਉਵਾਰ

ਚੌਪਈ—ਸਭ ਦੇਖਤ ਚਿਤ ਚੌਪ ਲਗਾਈ। ਰਾਵਨ ਰਾਮ ਨਿ-
ਦਾਨ ਲਗਾਈ। ਸੁਰ ਮੁਨ ਚਢ ਬਿਵਾਨ ਜੁਰ ਪੇਖੈ। ਰਾਵਨ
ਡੀਠ ਬਚਾਇ ਨਮੇਖੈ ॥ ੪੦ ॥ “ਮੱਧ ਸਮੁੰਦ੍ਰੁ ਰੁੰਦ੍ਰ ਅਨੁਰਾਗੀ
। ਛੁਟੀ ਸਮਾਧਿ ਦ੍ਰਿਸਟ ਰਨ ਲਾਗੀ” ॥ ਚਢੀ ਮਹਲ ਮੰਦੋਦਰਿ
ਰਾਨੀ। ਮੁਖ ਛਬਿ ਰਘੁਪਤਿ ਤੇਜ ਬਿਕਾਨੀ। ਸੁਰ ਗਨ ਬਧੂ
ਸੰਗ ਸਭ ਸੋਹੈਂ। ਬਾਤ ਬਨਾਇ ਕਹੈਂ ਮਨ ਮੋਹੈਂ ॥ ੪੧ ॥ ਗੌਰ
ਦੇਹਿ ਤਨ ਸੁਥਰੀ ਸਾਰੀ। ਰਹੀ ਚਿਤ੍ਰਸੀ ਲਿਖੀ ਬਿਚਾਰੀ।
ਜੱਦਪਿ ਦਿਪਹਿ ਪੁੰਜ ਮਣਿ ਮੋਤੀ। ਸਾਂਝ ਸਮੈ ਮਾਨਹੁ ਰਵਿ
ਜੋਤੀ ॥ ੪੨ ॥ ਜਨਕ ਸੁਤਾ ਤ੍ਰਿਜਟੀ ਸੰਗ ਸੋਹੈ। ਚਢ ਬਿਵਾਨ
ਦੇਖੈ ਮਨ ਮੋਹੈ। ਸਬ ਦੁਚਿਤੈਂ ਮਨ ਮੈਂ ਯੋਂ ਕਹੈਂ। ਰਾਵਨ ਮਰੈ
ਸਬੈ ਦੁਖ ਬਹੈਂ ॥ ੪੩ ॥

ਰਾਮਚੰਦ੍ਰੋਵਾਰ

ਦੋਹਰਾ—ਰਘੁਪਤਿ ਰਾਵਨ ਸੋਂ ਕਹਜੇ, ਸੁਭਟ ਸੁਚੇਤ ਸੰਭਾਰ।
ਸ਼ਿਵ ਸਮੇਤ ਸਭ ਸੂਰਮਾ, ਮੋਪਰ ਆਜ ਹਕਾਰ ॥ ੪੪ ॥
ਕਬਿੱਤ—ਸੁਨ ਲੈ ਨਿਵੇਟ ਓਟ ਕਾਹੂ ਕੀ ਨ ਛਾਡੇਂ ਤੋਹਿ ਸਾਂਝ
ਕੇ ਉਰੇ ਲੈ ਆਜ ਮਾਰ ਹੀ ਗਿਰਾਇ ਹੋਂ। ਕਾਹੇ ਕੇ ਚੁਵਾਉ ਕਰ
ਚਾਮ ਕੇ ਚਲਾਵਤ ਹੈਂ, ਮੂੰਡ ਕਾਟਕੈ ਕਬੰਧ ਨਭ ਮੈਂ ਉਡਾਇ
ਹੋਂ। ਬਾਨ ਲੈ ਕਮਾਨ ਕੇ ਸੰਭਾਰਕੈ ਪਿਨਾਕ ਪਾਨ, ਕੇ ਹਕਾਰ
ਘਾਉ ਕਰ ਪਾਛੇ ਤੋਹਿ ਘਾਇ ਹੋਂ। ਮੇ ਜੀਅ ਮੈ ਮੋਤੀਅ ਕੇ
ਬਿਰਹ ਕੀ ਆਗ ਹੈ, ਸੁ ਤੋ ਤੀਅ ਕੇ ਨੈਨਨ ਕੇ ਨੀਰ ਸੋ
ਬੁਝਾਇ ਹੋਂ ॥ ੪੫ ॥

ਕਵਿਉਵਾਰ

ਸਵੈਯਾ—ਹੈ ਬਿਲਖੀ ਮਨ ਮਾਂਹਿ ਮੰਦੋਦਰੀ, ਹੈ ਗਈ ਹੈ ਮੁਖਕੀ
ਛਬ ਫੀਕੀ। ਯੋਂ ਜਬ ਪੈਜ ਕਰੀ ਰਘੁਨੰਦਨ, ਤੋ ਪਤਿਕੀ
ਪਤਿ ਏਕ ਰਤੀ ਕੀ। ਜੇ ਜੁਵਤੀ ਸਭ ਸੰਗ ਹੁਤੀ ਤਿਨ, ਯੋਂ
ਸਮਝੀ ਜੈਸੇ ਭੀਰ ਸਤੀਕੀ। ਭੋਨ ਭੰਡਾਰਤੇ ਯੋਂ ਉਚਟੀ ਜੈਸੇ
ਜੋਗ ਜੁਟੀ ਮਤ ਹੋਤ ਜਤੀ ਕੀ ॥ ੪੬ ॥

ਸਵੈਯਾ—ਕੋਪ ਕੀਏ ਦਸ ਸੀਸਨ ਕੋ, ਜਬ ਰਾਮ ਕਮਾਨ ਮੈਂ
ਬਾਨ ਕਸੈਗੋ। ਲੰਕ ਮੈ ਆਇ ਨਿਸੰਕ ਬਿਭੀਖਨ ਮੋਹਿ ਨਿ
ਹਾਰਿ ਨਿਹਾਰ ਹਸੈਗੋ। ਤਾਂ ਛਿਨ ਔਰ ਬਡੀ ਬਿਪਰੀਤਿ ਸੁਮੇ
ਕਉ ਆਨ ਨ ਕਾਲ ਗ੍ਰਸੈਗੋ। ਮੇਰੇਈ ਜੀਵਤ ਕਾਲ ਸਖੀ ਇਨ
ਭੋਨਨ ਮੈਂ ਕੋਈ ਔਰ ਬਸੈਗੋ ॥ ੪੭ ॥

ਸਵੈਯਾ—ਰੁੱਦ੍ਰ ਨਦੀ ਰਘੁਨਾਥ ਸਮੁੱਦ੍ਰ ਬਚਾਉ ਨਹੀ ਪੀਅ ਕੋ
ਜੀਅ ਕੋ। ਭਰ ਲੋਚਨ ਬਾਰਹੀਂ ਬਾਰ ਨਿਹਾਰਤ ਸੋਤਨ ਸੋਂ
ਉਮਡੇ ਪੀਅ ਕੋ। ਰਘੁਬੀਰ ਉਦੇ ਸਸਿ ਪੂਰਨ ਹੈ ਦੁਖ ਦੈ ਸਰ
ਸੀਰੁਹ ਮੋ ਹੀਅ ਕੋ। ਪੁਨ ਮੋਹਿ ਕਰੈ ਚਕਵੀਇਹ ਸਾਂਝ ਚਕੋਰ
ਬਧੂ ਕਰਹੈ ਸੀਅ ਕੋ ॥ ੪੮ ॥

ਸਵੈਯਾ—ਕਾਂਪਤ ਹੈ ਗਢ ਕੀ ਧਰਨੀ ਕਰਨੀ ਪੀਆ ਕੀ ਪ੍ਰਗਟੀ
ਪਛੁਤਾਨੇ। ਭੂਟਤ ਹੈਂ ਨਭ ਮੰਡਲ ਤੇ ਗ੍ਰਿਹ ਜੰਬੁਕ ਬੋਲ ਸੁਨੈ
ਡਰਪਾਨੇ। ਅੰਜਨ ਹਾਰ ਤੰਬੋਲ ਸਿੰਗਾਰ ਉਤਾਰਹੁ ਸੇਤ ਕਰੋ
ਸਬ ਬਾਨੇ। ਕਾਹੇ ਤੇ ਆਜ ਸਭੈ ਹਮ ਲੋਗ ਭਲੀ ਬਿਧਿ ਕਾਲ
ਕੇ ਹਾਥ ਬਿਕਾਨੇ ॥ ੪੯ ॥

ਕਵਿਉਵਾਰ

ਸੋਰਠਾ—ਗਵਨ ਸਮਝੈ ਬੈਨ ਅਬ ਰਘੁਪਤਿ ਛਾਡੈ ਨਹੀਂ। ਕੋਧ
ਚੁਚੋਹੈਂ ਨੈਨ ਚਪਯੋ ਚੋਰ ਜਯੋਂ ਬਲ ਕਰੈ ॥ ੫੦ ॥

ਸਵੈਯਾ—ਗਵਨ ਕੋਪ ਕੀਓ ਗਰਜਯੋ ਤਬ ਦੇਵ ਅਦੇਵ ਕੀਏ
ਡਰਪੇ ਹੈਂ। ਆਜ ਪੂਲੈ ਦਿਨ ਜਯੋਂ ਉਮਡਯੋ ਕਹ ਚਾਂਪ ਚਢਾਇ
ਤਨਾਇ ਕੈ ਭੋਹੈਂ। ਬਾਨਸਮੂਹ ਚਲੇ ਇਹ ਭਾਂਤ ਭਲੀ ਉਪਮਾਂ

ਉਪਜੀ ਜੀਅ ਮੇ ਹੈਂ । ਲੱਛਕ ਤੱਛਕ ਜਜੋਂ ਨ ਲਗੈਂ ਰਘੁਰਾਜ
ਕਿਧੋਂ ਖਗਰਾਜ ਕਿ ਸੋ ਹੈਂ ॥ ੫੧ ॥

ਕਬਿੱਤ-ਮਾਰੂ ਕੋ ਬਜਾਇ ਏਕ ਬਾਰਹੀਂ ਰਿਸਾਇ ਪਰੇ, ਬਡੇ
ਬਡੇ ਸੂਰ ਜੇਵੈ ਹੁਤੇ ਏਕ ਜੋਰ ਕੇ । ਸਾਹਿਬਕੋ ਲੋਨ ਖਾਇਕੋਨ
ਮੁਖ ਫੈਰੈ ਆਜ, ਭੋਨ ਭੇਟ ਆਏ ਭਏ ਪ੍ਰਾਨ ਤਮ ਭੋਰ ਕੇ ।
ਦੋਖਿ ਰਘੁਬੀਰ ਕਹੀ ਬੀਰ ਸੋਂ ਬੁਲਾਇ ਹਸ ਬੀਰ ਚਢ ਆ-
ਵਤ ਹੈਂ ਲੰਕਾਪਤਿ ਚੋਰ ਕੇ । ਰਾਮਕਵਿ ਏਕ ਰਾਮ ਬਾਨ ਕੋ
ਪ੍ਰਤਾਪ ਦੇਖੋ ਓਰਾ ਜਜੋਂ ਬਿਲਾਨੇ ਸਭ ਰਾਵਨ ਕੀ ਓਰਕੇ ॥ ੫੨ ॥

ਕਬਿੱਤ-ਆਜ ਰਘੁਬੀਰ ਜੂਕੇ ਪਾਇਨ ਕੋ ਪਾਇ ਬਲ ਪਾਇ
ਰੋਪ ਪਾਇਨ ਸੋਂ ਦਲ ਕੋ ਪਰੇਰ ਹੈਂ । ਕਾਟਿ ਦਸ ਸੀਸ ਭੁਜ
ਬੀਸ ਈਸ ਸੀਸ ਧਰ ਰਾਮ ਜਸਦਸੋਂ ਦਿਸ ਸੋ ਗੁਨੋ ਬਖੇਰ ਹੈਂ
। ਆਜਹੀ ਜਨਕਜਾਕੇ ਸਬੈ ਬਿਸਰਾਇ ਦੁਖ ਸੰਗਲੈ ਲਵਾਇ
ਰਘੁਨਾਥ ਮੁਖ ਹੋਰ ਹੈਂ । ਕਹੈਂ ਕਪਿ ਟੇਰ ਟੇਰਿ ਲੰਕਾ ਗਢ ਘੇਰ
ਘੇਰ ਰਾਮ ਕੀ ਦੁਹਾਈ ਸਬ ਕਹੈਂ ਫੇਰ ਫੇਰ ਹੈਂ ॥ ੫੩ ॥

ਸਵੈਯਾ-ਸ੍ਰੀ ਰਘੁਬੀਰ ਕੇ ਬੀਰ ਤਬੈ ਸਭ ਦਾਂਤਨ ਪੀਸ ਕੈ
ਕ੍ਰੋਧ ਭਰੇ । ਚਹੂੰ ਓਰ ਤੇ ਲੰਕ ਲਪੇਟ ਲਈ ਰਨ ਰਾਵਨ ਤੇ
ਨ ਰਤੀਕੁ ਡਰੇ । ਕਵਿਰਾਮ ਪਰੀ ਰਵਿ ਜੋਤ ਤਹਾਂ ਰਨ ਮੈ
ਸਭ ਕੇ ਤਨ ਰੋਮ ਖਰੇ । ਮਨੋ ਕੰਚਨ ਕੋ ਗਢ ਏਕ ਹੁਤੇ ਕਪਿ
ਕੋਟਨ ਕੋਟਨ ਕੋਟ ਕਰੇ ॥ ੫੪ ॥

ਸਵੈਯਾ-ਕੰਚਨ ਕੋਟ ਸੋਂ ਦੇਹ ਗਈ ਮਿਲ ਜਿਉਂ ਮਿਲ ਜਾਤ
ਸਦਾ ਪਯ ਪਾਨੀ । ਫਾਂਧ ਪਰੇ ਕਿਲਕਾਰ ਸਬੈ ਗਢ ਲੰਕ ਕੇ
ਭੀਤਰ ਸ਼ੰਕ ਨ ਆਨੀ । ਔਰ ਭਲੀ ਉਪਮਾਂ ਕਵਿਰਾਮ ਕਹੈ
ਤੁਮ ਸੋਂ ਜੀਅ ਮੈਂ ਜੁਲਭਾਨੀ । ਜੋਗ ਕੇ ਸਾਧਕ ਪੋਨ ਅਰਾਧਕ
ਜਜੋਂ ਜਗ ਛਾਡਿ ਗਏ ਨਭ ਗਯਾਨੀ ॥ ੫੫ ॥

ਸਵੈਯਾ-ਹੈ ਜਹ ਰੱਛਕ ਰਾਛਸ ਕੋਟਨ ਰੁੰਡਨ ਮੁੰਡ ਕੀਏ ਇਕ
ਠੇਰੈਂ । ਕ੍ਰੋਧ ਭਰੇ ਚਹੂੰ ਓਰ ਕਹੈਂ ਕਹੈਂ ਹੈ ਕਹਾਂ ਰਾਵਨ ਜੋ ਅਬ
ਖੋਰੈਂ । ਆਵਤ ਚੌਪ ਚਢੇ ਚਹੂੰ ਓਰਨ ਤੇ ਕਪਿਕੂਕ ਬੁਲਾਵਤ

ਔਰੈਂ । ਮਾਨਹੁ ਲੰਕ ਜਹਾਜ ਫੁਟਿਓ ਜਲਰਾਮ ਚਹੂੰ ਦਿਸ ਤੇ
ਜਲ ਦੌਰੈਂ ॥ ੫੬ ॥

ਕਬਿੱਤ—ਰਾਵਨ ਕੇ ਰਾਕਸ ਕਿ ਸਾਵਨ ਕੇ ਮੇਘ ਕਹੈਂ ਆਵਨ
ਕੇ ਪਾਵੈ ਪਲ ਹੀਂ ਮੈ ਲੋਟ ਪੋਟ ਹੈਂ । ਦੈ ਦੈ ਮੁਖ ਢਾਲ ਕਰਲੈ
ਲੈ ਕਰ ਵਾਰ ਨਾਂਗੀ ਕਾਲਕੀਸੀ ਜੀਭ ਕੀਨੇ ਸਬੈ ਭੂਪ ਚੋਟ
ਹੈਂ । ਤੇ ਤੇ ਰਘੁਬੀਰ ਕਛੁ ਐਸੀ ਭਾਂਤ ਮਾਰੇ ਪਰਲੋਕਹੀਂ ਸਿਧਾ
ਰੇਕਹੈਂ ਕਾਕੀ ਹਮ ਓਟ ਹੈਂ । ਕਾਲ ਤੇ ਨਿਛੋਟ ਕੀਨੇ ਕੋਟਕ
ਉਪਾਇ ਪੀਛੇ ਢਾਹੇਏਕ ਚੋਟ ਜੇਵੇ ਕੋਟਿਨ ਕੋ ਕੋਟ ਹੈਂ ॥ ੫੭ ॥

ਦੌਹਰਾ—ਜਬ ਕੁਵੰਡ ਕਰ ਬਾਮ ਲੈ ਖੈਚਿਓ ਸ੍ਰੀ ਰਘੁਨਾਥ ॥
ਦੱਛਨ ਕਰ ਸੇਂ ਤਬ ਕਹਿਓ ਰਿਸ ਧਰ ਬਾਮੋ ਹਾਥ ॥ ੫੮ ॥

ਕਬਿੱਤ—ਦੱਛਨ ਸੋ ਬੋਲਿਓ ਬਾਮ ਜਬਹੀ ਚਢਾਈ ਰਾਮ ਰਨ
ਮੈਂ ਕਮਾਨ ਫਿਰੁ ਭਾਗੇ ਕਹੀ ਕੇਕਹੀ ॥ ਦਾਨ ਭੋਜਨ ਕੀ ਬਾਰ
ਭੂਖਨ ਪਹਿਰ ਤਬ ਆਗੇ ਹੁਤੇ ਕੀਨੇ ਅਬ ਮੋਕੇ ਛਾਡ ਦੇਕਹੀ
॥ ਬੋਲਿਓ ਤਾਸੇ ਕਾਨ ਲਾਗਿਓਹੋ ਤੋਨ ਡਰਤ ਭਾਗਿਓ ਬੂਝਤ
ਹੋ ਮਾਥਕੈ ਉਡਾਇ ਡਾਰੋ ਲੈਕਹੀ ॥ ਕਹੋ ਏਕ ਬਾਰਹੀ ਉਤਾਰੋਂ
ਦਸ ਸੀਸ ਜੋ ਕਹੋ ਤੇ ਸਰ ਸੇਂ ਉਤਾਰੋਂ ਏਕ ਏਕ ਹੀ ॥ ੫੯ ॥

ਸਵੈਯਾ—ਰਾਮ ਕਮਾਨ ਤੇ ਬਾਲ ਛੁਟੇ ਛੁਟਰਾਵਨ ਘਾਇ ਹਡਾ
ਵਲ ਚੂਸੀ ॥ ਲੋਹੂ ਕੀ ਛੀਟ ਪਰੀ ਫਿਰ ਰਾਮਹਿ ਮਾਨਹੁ ਘਾਵ
ਕੀ ਦੇਤ ਜਸੂਸੀ ॥ ਔਰ ਭਲੀ ਉਪਮਾਂ ਕਵਿਰਾਮ ਕਹੈ ਜੀਅ
ਮੈ ਉਪਜੀ ਜੁ ਕਛੂਸੀ ॥ ਮਾਨਹੁ ਨੀਲ ਸਿਲਾ ਗਿਰ ਉਪਰ,
ਫੈਲ ਚਲੀ ਸਭ ਚੰਦ ਬਧੂਸੀ ॥ ੬੦ ॥

ਕਬਿੱਤ—ਸੂਰਨ ਕੋ ਮਾਰ ਧੂਰਿ ਧੂਰਿ ਕੇ ਜਰੂਰਨ ਸੇਂ ਕੋਟਕ
ਕਿੰਗੂਰਨ ਲੰਗੂਰਨ ਕੇ ਝੰਡ ਹੈਂ ॥ ਬਡੀ ਏ ਅਨੀਤ ਕਹੂੰ ਜੀਤ
ਕੀ ਨ ਬਾਤ ਬਿਪਰੀਤਿ ਹੋਨਹਾਰ ਜਹਾਂ ਤਹਾਂ ਰੰਡ ਮੁੰਡ ਹੈਂ ॥
ਕਹੂੰ ਰਬ ਟੂਟੇ ਕਹੂੰ ਜਿਰਹ ਕਵਚ ਛੁਟੇ ਢਾਟੇ ਪੋਟ ਬਾਜੀ ਕਹੂੰ
ਕਰੀ ਬਿਨ ਸੁੰਡ ਹੈਂ ॥ ਰਾਵਨ ਕਹਤ ਮਾਨੋ ਸਾਵਨ ਕੋ ਮੇਘ
ਪਰਿਓ ਠੌਰ ਠੌਰ ਲੰਕਾ ਪਰ ਸੋਣਤ ਕੇ ਕੁੰਡ ਹੈਂ ॥ ੬੧ ॥

ਸਵੈਯਾ-ਰਾਵਣ ਏਕ ਉਪਾਰ ਬਡੇ ਗਿਰ ਰਾਮ ਕੇ ਤਾਕ ਚਲਾ-
ਇ ਦਯੋ ਹੈ ॥ ਸੋ ਹਨੂਮਾਨ ਲਯੋ ਗਹਿ ਬੀਚ ਸੁ ਗੇਂਦ ਕੀਓ
ਸਿਸੁ ਖੇਲਭਯੋ ਹੈ ॥ ਲੈ ਦੁਹ ਹਾਥਨ ਬੀਚ ਕੀਓ ਚਕ ਚੂਰ
ਸੁ ਧੂਰਹੀ ਮੈ ਮਿਲਿਯੋ ਹੈ ॥ ਸੋ ਧਨ ਹੀਨ ਮਨੋਰਥ ਜਿਓਂ ਉਠ
ਬੀਚ ਹੀ ਬੀਚ ਬਿਲਾਇ ਗਯੋ ਹੈ ॥ ੬੨ ॥

ਸਵੈਯਾ-ਰਾਵਣ ਔਰ ਕੀਓ ਬਲ ਏਕ ਤਕਿਓ ਹਨੂਮਾਨ
ਤਨਾਇਕੈ ਭੋਹੈ ॥ ਤੈਸੇਈ ਅੰਗਦ ਤਾਹਿ ਤਕਿਓ ਦੇਉ ਸੂਰਬਡੇ
ਅਰ ਆਪਨੀ ਗੋਹੈ ॥ ਦੈ ਗਿਰ ਬੀਚ ਮਿਲੇ ਬਲ ਸੋਂ ਨਭ ਹੈ
ਲਟਕੇ ਸੁ ਪਰੇ ਧਰਸੋ ਹੈ ॥ ਬਾਲ ਬਹਿਕ੍ਰਮ ਜਿਉਂ ਬਿਧਵਾ
ਕੁਚ ਨੀਚ ਭਏ ਚਲਕੈ ਉਪਰੋਂ ਹੈ ॥ ੬੩ ॥

ਸਵੈਯਾ-ਰਾਵਣ ਦੌਰ ਚਲਿਓ ਤਬ ਪਾਇਨ ਘਾਇਨ ਸੋਰਿਸਕੇ
ਭਰਤੇ ॥ ਤਿਨ ਧਾਇ ਗਹੇ ਨਲਨੀਲ ਸੁਗ੍ਰੀਵ ਗਏ ਦਬ ਔਧ
ਮਹਾਂ ਡਰਤੇ ॥ ਭੁਜ ਮੈ ਭਰਕੈ ਸੁ ਫਿਰਿਓ ਗਵ ਕੇ ਸੋਊ ਬਾਟ
ਮੈ ਛੂਟ ਗਏ ਕਰਤੇ ॥ ਮਨ ਯੋਂ ਉਪਜੀ ਉਪਮਾਂ ਚਟੀਆ ਜਨੁ
ਭਾਜ ਗਏ ਦਿਜ ਕੈ ਕਰਤੇ ॥ ੬੪ ॥

ਸਵੈਯਾ-ਧਾਇ ਪਰੇ ਸਬ ਰਾਵਣ ਉਪਰ ਹੈ ਸਭ ਕੇ ਮਨ ਕ੍ਰੋਧ
ਜਗਿਓ ॥ ਰਬ ਤੋਰ ਧੁਜਾ ਭੁਜ ਦਾਂਤਨ ਚੌਥ ਸੁਗ੍ਰੀਵਹਿਜਾਇ
ਸੁਗ੍ਰੀਵ ਲਗਯੋ ॥ ਰਿਸਸੋ ਕਿਲਕਾਰ ਮਹਾਂ ਰਜਨੀਚਰ ਘੇਰਨ
ਕੇ ਜਬਹੀ ਉਮਗਿਓ ॥ ਕਪਿ ਯੋਂ ਸਟਕੇ ਮਨੋ ਬੀਚ ਬਜ਼ਾਰ ਕੇ
ਸਿੰਘ ਛੁਟਿਓ ਸਬ ਲੋਗਭ ਗਿਯੋ ॥ ੬੫ ॥

ਸਵੈਯਾ-ਤੇ ਸਬ ਬਾਨ ਚਲਾਇ ਥਕਯੋ ਜਿਨ ਬਾਨਨ ਤੇ ਸੁਰ
ਰਾਜ ਭਗੈ ॥ ਛਲਸੋਂ ਬਲ ਸੋ ਸੋਈ ਦੇਵਨ ਕੇ ਰਘੁਬੀਰ ਬਿਨਾ
ਛਿਤ ਮਾਂਹਿ ਠਗੈ ॥ ਗਜ ਰਾਜ ਸੁਖੀ ਤਬ ਲੈ ਬਨ ਮੈ ਜਬ ਲੈ
ਮ੍ਰਿਗ ਰਾਜ ਨ ਚੌਂਕ ਜਗੈ ॥ ਸਰ ਰਾਵਣ ਕੇ ਭਏ ਰਾਮਹਿ ਯੋਂ
ਜੈਸੇ ਭੂਤ ਕੀ ਈਂਟ ਚਲੈ ਨ ਲਗੈ ॥ ੬੬ ॥

ਰਾਮਚੰਦ੍ਰਵਾਰ

ਕਬਿੱਤ-ਅਰੇ ਲੰਕਨਾਥ ਮੇਰੇ ਹਾਥਨ ਤੇ ਆਜ ਕਟੇ ਤੇਰੇ ਦਸ

ਮਾਥ ਰਨਭੂਮਿ ਮੈ ਸੁਹਾਂਹਿਗੇ ॥ ਕਛੂ ਕਟ ਜੈਹੈਂ ਬਾਕੀ ਤੋਹਿ
ਸਮਝੈ ਹੈਂ ਫਲ ਲਾਗਿਓ ਹੈ ਅਨੀਤਿ ਹੋ ਸੁ ਐਸੇ ਪਛੁਤਾਹਿਗੇ
॥ ਤਾਂਕੇ ਪਾਛੇ ਮੇਰੀ ਓਰ ਦੇਖ ਦਾਂਤ ਕਾਢ ਕਾਢ ਹਾਹ ਛਾਡੇ
ਛਾਡੇ ਰਾਮ ਐਸੇ ਬਿਲਲਾਹਿਗੇ ॥ ਜਾਨਕੀ ਚੁਰਾਇ ਬੇਕੇ ਲੰਕ
ਚਾਢ ਆਇਥੇ ਕੇ ਸੀ ਕੇ ਜੀ ਕੇ ਕ੍ਰੋਧ ਤਬ ਹੀ ਤੇ ਸੀਅ
ਰਾਹਿ ਗੇ ॥੬੭॥

ਰਾਵਨੋਵਾਰ

ਸਵੈਯਾ-ਤਬਕੋਪ ਕੈ ਉੱਤਰ ਦੇਤਭਯੋ ਰਨ ਮੈ ਯਹ ਬਾਤਸੁਨੀ
ਸਬਹੀ ॥ ਬਿਨ ਏਕ ਕੇ ਏਕ ਭਏ ਅਬਹੀ ਸੀਅ ਭੇਟਨ ਕੀ
ਜੀਅ ਹੋਂਸ ਰਹੀ ॥ ਕੈ ਤੋ ਰਾਮਹਿ ਮਾਰ ਸੰਗ੍ਰਾਮ ਕੇ ਜੀਤ ਕੈ
ਨੇਮ ਕਥਾ ਤਬ ਹੋਇ ਸਹੀ ॥ ਅਬ ਆਜ ਚਲੈ ਜਗ ਮੈ ਯਹਿ
ਬਾਤ ਕਿਰਾਵਨ ਨਾਹਿ ਕਿਰਾਮ ਨਹੀਂ ॥੬੮॥

ਕਵਿਉਵਾਰ

ਕਬਿਤ-ਕੋਪ ਅਰਿ ਜੁਰੇ ਨ ਦੁਹੂਕੇ ਮੁਖ ਮੁਰੇ ਰਨ ਸੂਰਨ ਮੈਂ
ਸੂਰ ਰਾਮ ਰਾਵਨ ਮਹਾਂਬਲੀ ॥ ਜੈਸੇ ਕਛੂ ਘਾਉ ਲੰਕ ਰਾਉ ਕੋ
ਲਗਾਏ ਰਾਮ ਤੈਸੇ ਸਹਬੇਕੇ ਦੇਹ ਵਾਹੀ ਕੀ ਰਚੀ ਭਲੀ ॥
ਬੀਰਰਸ ਮਾਤੇ ਸਭ ਤਾਤੇ ਨੈਨ ਰਾਤੇ ਰਾਤੇ ਲੋਹੁ ਭਰੇ ਗਾਤ ਉ
ਪਮਾਂ ਨ ਮਨ ਤੇ ਟਲੀ ॥ ਰਾਮ ਲੱਛਮਨ ਅੰਗ ਗੰਗ ਜਮਨਾ
ਤਰੰਗ ਲੋਹੁ ਧਾਰ ਤਿਨ ਮੈ ਸਰਸ੍ਵਤੀ ਸੀ ਹੈ ਚਲੀ ॥ ੬੯ ॥

ਕਬਿਤ-ਰੀਝਰੀਝਲਰੇ ਦੋਉ ਠੌਰਤੇ ਨ ਟਰੇਰਹੇ ਰੂਖਨਜਿਜੋਂ
ਖਰੇ ਆਛੇ ਬੀਰ ਰਸ ਫਰੇ ਹੈਂ ॥ ਘਾਇਨ ਸੋਂ ਭਰੇ ਲੋਹੁ ਝਰਨਾ
ਜਜੋਂ ਝਰੇ ਤਉ ਤੇ ਨ ਆਹਿ ਕਰੇ ਲਰਬੇ ਕੇ ਕਰ ਕਰੇ ਹੈਂ ॥
ਭਏ ਦੇਵ ਹਰੇ ਨਭ ਤੇ ਪੁਹਿਪ ਪਰੇ ਪ੍ਰਾਨ ਰਾਵਨ ਕੇ ਗਰੇਈ
ਮੈ ਰਾਮ ਆਨ ਧਰੇ ਹੈਂ ॥ ਰੁਦ੍ਰ ਭਰ ਹਰੇ ਬਡੇ ਹੈ ਨ ਬੀਚ ਪਰੇ
ਬਿਹਚਰੇ ਕਹਯੋ ਸਦਾ ਹਮ ਰਾਮੈ ਅਨੁਸਰੇ ਹੈਂ ॥ ੭੦ ॥

ਸਵੈਯਾ-ਜੇ ਜਨਕਾਦਿਕ ਪੋਨ ਅਰਾਧਿਕਜੋਗ ਜੁਟੀ ਅਖੀਆਂ
ਰਹੈਂ ਲਾਗੀ ॥ ਧਿਆਨ ਧਰੈਂ ਨ ਧਸੈ ਤਹ ਰਾਮ ਸੁ ਤੇ ਕਹੀਏ

ਜਗ ਮੈਂ ਅਨੁਰਾਗੀ ॥ ਲੰਕਪਤੀ ਰਨ ਮਾਂਹਿ ਕਹੈ ਤਿਨਕੋ
ਅਰੇ ਰਾਘਵ ਆਵਹੁ ਆਗੀ ॥ ਅੰਕ ਭਰੈ ਮੁਕੀਆ ਉਘਰੈ ਕਹੈ
ਰਾਵਨ ਤੇ ਅਬ ਕੇ ਬਡਭਾਗੀ ॥ ੭੧ ॥

ਸਵੈਯਾ-ਕੋਧ ਕੀ ਡੀਠ ਚਿਤੈ ਨਭ ਓਰ ਸੁ ਦੇਵਨ ਸੋਂ ਕਹਜੇ
ਰਾਵਨ ਯੋਂ ॥ ਧ੍ਰਿਗ ਮੇਰੇਈ ਜੀਵਤ ਰਾਮ ਕੇ ਉਪਰ ਫੂਲ ਦੀਏ
ਬਰਖਾਇ ਸੁ ਕਜੇਂ ॥ ਅਬ ਯੋਂ ਰਿਸਆਵਤ ਹੈ ਰਨ ਮੈਂ ਨਿਰ-
ਮੂਲ ਕਰੋਂ ਤਬ ਜਾਨਹੁ ਜਜੇਂ ॥ ਅਤਿ ਫੂਲਕੀ ਪੀਰ ਭਈ ਤਨ
ਕੇ ਰਘੁਬੀਰ ਕੇ ਤੀਰ ਸਹੇ ਸੁਖ ਸਿਓਂ ॥ ੭੨ ॥

ਕਬਿੱਤ-ਜੇਈ ਜੇ ਚਲਾਏ ਬਾਨ ਤੇਤੇਤੇਰੇ ਹਨੁਮਾਨ ਪ੍ਰਾਨਨਾਥ
ਰਾਮਓਰ ਜਾਨ ਹੂੰ ਨ ਦਏਹੈਂ ॥ ਤਬਹੀਬਿਲਾਨੇਕਾਹੂੰਚਲਤ ਨ
ਜਾਨੇ ਜੈਸੇ ਦਾਰਿਦੀ ਮਨੋਰਥ ਬਿਲਾਇ ਬੀਚ ਗਏਹੈਂ ॥ ਤਾਂਕੇ
ਪਾਛੇ ਅਗਦ ਸੁਗ੍ਰੀਵ ਜਾਮਵੰਤੁ ਨਲ ਨੀਲ ਢੀਲ ਛਾਡਿਰਨ
ਮੈ ਨਿਸ਼ੰਕ ਭਏ ਹੈਂ ॥ ਸੈਹਥੀ ਤਿਸੂਲ ਤਾਂਕੇ ਫੂਲਨ ਜਜੇਂ ਤੋਰ
ਡਾਰੇ ਰਾਵਨ ਕੇ ਚੱਕ੍ਰ ਤੇ ਨ ਨੈਕੁ ਚੱਕ੍ਰਧਏ ਹੈਂ ॥ ੭੩ ॥

ਕਬਿੱਤ-"ਤਾਂਕੇ ਪਾਛੇ ਲੱਛਮਨ ਪੈਠ ਕੇ ਨਿਸ਼ੰਕ ਰਨ ਕਾਟਕੈ
ਕਰੀ ਕਪਾਲ ਆਧੋ ਆਧ ਕਰਜੇ ਹੈ ॥ ਸੁੰਡ ਬਿਨ ਕਰਜੇ ਤਹਾਂ
ਸੋਣਤ ਕੇ ਕੁੰਡ ਜਹਾਂ ਬੂਡ ਗਯੋ ਅੰਗ ਕੁੰਡ ਦੀਸਤ ਉਘਰਜੇ
ਹੈ ॥ ਤਾਂਹੀ ਛਿਨ ਐਸੀ ਛਬਿ ਆਈ ਜੀਅ ਰਾਮ ਕਵਿ ਮਾਨੋ
ਸ਼ਿਵ ਰੂਪ ਸਬਹੀ ਕੋਮਨ ਹਰਜੇ ਹੈ ॥ ਚੰਦਨ ਗੁਲਾਲ ਫੂਲਮਾ-
ਲ ਸੋਂ ਬਜਾਇ ਗਾਲ ਪੂਜ ਪੂਜ ਦੇਵ ਬਧੂ ਜੂਥ ਪਾਇ ਪਰਜੇ
ਹੈ ॥ ੭੪ ॥"

ਸਵੈਯਾ-ਸ੍ਰੀ ਰਘੁਬੀਰ ਸਰਾਸਨ ਤੇ ਜਬ ਬਾਨ ਛੁਟੇਨਹਿਜਾਤ
ਸੰਭਾਰਜੇ ॥ ਬੂੰਦਨ ਜਜੇਂ ਬਰਖੈ ਚਹੂੰ ਓਰ ਕਹੈ ਭਭਗਾਇ ਦਸੋਂ
ਦਿਸ ਮਾਰਜੇ ॥ ਹਾਥਨ ਤੇ ਹਥਯਾਰ ਗਏ ਛੁਟ ਮਾਥਨ ਤੇ
ਮੁਕਟੋ ਭਯੋ ਨਜਾਰਜੇ ॥ ਦਾਸਰਥੀ ਤਬ ਰਾਵਨ ਕੀ ਗਤਿ
ਤੋਰ ਰਥੀ ਬਿਰਥੀ ਕਰ ਡਾਰਜੇ ॥ ੭੫ ॥

ਸਵੈਯਾ-ਰਾਵਨ ਕੇ ਉਤਪਾਤ ਬਡੇ ਦੁਖ ਪੋਹਿ ਗਯੋ ਗਢ ਕੋਟ

ਕਿੰਗੂਰੇ ॥ ਦੇਖ ਮਹਾਂ ਰਨ ਦੇਵ ਕਹੈਂ ਸਠ ਪੂਰਨ ਸੋਂ ਕੀਓ
ਚਾਹਤ ਪੂਰੇ ॥ ਠੌਰ ਹੀਂ ਠੌਰ ਭਭੂਕੇ ਸੇ ਲੂਕੇ ਸੇ ਕਾਲ ਕੇ ਫੂਕੇ
ਸੇ ਬਾਨਰ ਪੂਰੇ ॥ ਹੈ ਸਭਕੇ ਮੁਖ ਰਾਮ ਹੀਂ ਰਾਮ ਕਿ ਮਾਰ ਹੀਂ
ਮਾਰ ਕਰੈਂ ਰਨ ਸੂਰੇ ॥ ੭੬ ॥

ਸਵੈਯਾ—ਸ੍ਰੀ ਰਘੁਬੀਰ ਕੇ ਗਾਜਤ ਹੀਂ ਸੁ ਜਹਾਂ ਕੇ ਤਹਾਂ ਅਰਿ
ਯੋਂ ਦਬਟੇ ॥ ਜੈਸੇ ਸਿੰਘ ਕੇ ਸ਼ੋਰ ਸੁਨੇ ਉਨਮੱਤ ਕਰੀ ਡਰਸੋਂ
ਮਦ ਸੂਕ ਲਟੇ ॥ ਰਘੁਨਾਥ ਕੇ ਕੋਪ ਨ ਓਪ ਰਹੀ ਸੁ ਦਸੋਂ
ਸਿਰ ਰਾਵਨਕੇ ਝਪਟੇ । ਕਰ ਹੈ ਤਰਵਾਰ ਕਿਰੀਗ ਕੀ ਧਾਰ ਮੈ
ਪਾਪਨ ਕੇ ਜਨੁ ਪਾਪ ਕਟੇ ॥ ੭੭ ॥

ਸਵੈਯਾ—ਸੀਸ ਕਟੇ ਦਸ ਸੀਸ ਤਉ ਰਨ ਮੈਂ ਰਘੁਬੀਰਹਿ ਢੂੰਢ
ਤ ਡੋਲੈ ॥ ਜਾਇ ਪਰੈ ਜਿਹ ਓਰ ਬਲੀ ਛਿਤ ਆਗੇ ਤੇ ਮਾਰ
ਹੀਂ ਮਾਰ ਸੁ ਬੋਲੈ ॥ ਜੇ ਗਜ ਕੰਜਰ ਤੂਟ ਪਰੇ ਤਿਨਕੇ ਭੁਜ
ਬੀਸਨ ਸੋਂ ਝਕ ਝੋਲੈ ॥ ਜਯੋ ਘਰ ਮੈਂ ਨਿਸਕੋ ਜੁ ਨਿਸ਼ਾਚਰ
ਭਾਂਜਨੁ ਕੇ ਤਮ ਮੈਂ ਟਕਟੋਲੈ ॥ ੭੮ ॥

ਸਵੈਯਾ—ਤੇ ਦਸ ਸੀਸ ਪਰੇ ਛਿਤ ਮੈ, ਜਨੁ ਦ੍ਵਾਦਸ ਸੂਰ ਪੁਲੈ
ਦਿਨ ਕੇ ॥ ਨ ਉਠਾਇ ਸਕੈਂ ਜਮ ਕੇ ਗਨ ਆਇ, ਸੁ ਸਾਹਸ
ਹੈਬ ਕਹਾ ਇਨ ਕੇ ॥ ਤਬ ਸੀਅ ਕੀ ਓਰ ਸੁ ਬੀਸਹੀ ਲੋਚਨ
ਚਾਹਿ ਰਹੇ ਉਤ ਕੇ ਤਿਨ ਕੇ ॥ ਛੁਟ ਪ੍ਰਾਨ ਗਏ ਨਹਿ ਆਸ
ਛੁਟੀ ਏਈ ਹਾਲ ਸਦਾ ਭਏ ਪ੍ਰੇਮਨ ਕੇ ॥ ੭੯ ॥

ਸਵੈਯਾ—ਰਾਮ ਸੀਆ ਸਿਵ ਸਿੰਧੁ ਧਰਾ ਅਹਿ ਦੇਵਨ ਕੇ ਦੁਖ
ਪੁੰਜ ਬੁਟੇ ॥ ਰਨ ਆਸ ਮੰਦੋਦਰਿ ਜੋਗਨ ਗੀਧਿ ਮਸਾਨ ਔ-
ਬਾਨ ਅਨੰਦ ਲੁਟੇ ॥ ਰਘੁਨਾਥ ਕੇ ਹਾਥ ਤੇ ਰਾਵਨ ਕੇ ਸਿਰ
ਭੁਇੰਗੁ ਲੁਟੇ ਸੁ ਲੁਠੇ ਨ ਜੁਟੇ ॥ ਤਬ ਸਾਤਨ ਕੇ ਦੁਖ ਸਾਤਨ
ਕੇ ਸੁਖ ਵੇਹ ਛੁਟੀ ਸੰਗ ਏਉ ਛੁਟੇ ॥ ੮੦ ॥

ਰਾਵਨੋਵਾਚਰਾਮਚੰਦ੍ਰਸੋਮਰਤੀਬਾਰ

ਕਬਿਤ—ਭੂਲਹੂੰ ਕੇ ਰਾਮ ਚੰਦ ਐਸੀ ਜਿਨ ਜਾਨੋ ਕਿ ਮੈਰਾਵਨ
ਤੇ ਜਾਨਕੀ ਬਜਾਇ ਢੋਲ ਲੀਨੀ ਹੈ ॥ ਔਰ ਜਿਨ ਜਾਨੋ ਕਿ

ਮੈਂ ਬਡੀ ਠਕੁਰਾਇਤ ਮਿਲੇ ਤੇ ਤਾਂਕੇ ਭਾਈ ਕੀ ਬਨਾਇ
ਲੰਕ ਕੀਨੀ ਹੈ ॥ ਕੀਨੋ ਹੈ ਬਿਭੀਖਨ ਬਡੇਈ ਉਪਕਾਰ
ਤਾਂਹਿ ਐਸੇ ਜਸੁਦੀਨੋ ਜਾਂਤੇ ਰਾਮ ਕਥਾ ਚੀਨੀ ਹੈ ॥ ਸੁਤੇ
ਜੈਸੀ ਮੈਂ ਹੂੰ ਕੀਨੀ ਭਲੀ ਭਾਂਤ ਜੋਰਾਵਰੀ ਪਹਿਲੇ ਮੁਕਤਿ
ਲੀਨੀ ਪਾਛੇ ਸੀਅ ਦੀਨੀ ਹੈ ॥ ੮੧ ॥

ਪ੍ਰਾਨੋਵਾਰਗਵਨਸੋ

ਸਵੈਯਾ—ਬੋਰੀ ਏ ਬਾਤ ਕੇ ਕਾਜ ਰੇ ਠਾਕੁਰ ਤੈਂ ਅਪਨੀ ਠਕੁ-
ਰਾਇਤ ਖੋਈ ॥ ਸ੍ਰੀ ਰਘੁਬੀਰ ਸੋ ਬੈਰਕੀਓ ਬਿਨ ਪਤਿ ਕੁ-
ਪਤਿ ਬਿਪੱਤ ਸਮੋਈ ॥ ਜੋ ਫਨਿਪਤਿ ਪਸੂਪਤਿ ਰਾਮਸੋਂ ਅੱਤ
ਕਰੈਂ ਨ ਚਲੈਂ ਦਿਨ ਦੋਈ ॥ ਰਾਵਨ ਸੋ ਕਹਿ ਪ੍ਰਾਨ ਚਲੇ ਰੇ
ਬਿਮੱਤਿ ਕੇ ਹਾਥ ਪਰੇ ਜਿਨ ਕੋਈ ॥ ੮੨ ॥

ਰਾਵਨੋਵਾਰਪ੍ਰਾਨਨਸੋ

ਸਵੈਯਾ—ਰਾਵਨ ਪ੍ਰਾਨ ਸੋਂ ਬਾਤ ਕਹੈ ਫਿਰ ਜਾਹਿ ਭਲੀ ਕਰਿ
ਹੋਂ ਨ ਸੰਭਾਰਜੇ ॥ ਦੈ ਮੁਹਿ ਪੀਠ ਚਲੇ ਕਪਟੀ ਯਹਿ ਕੋਨਸਮੇ
ਰਨ ਹੋਂ ਨਹਿ ਹਾਰਜੇ ॥ ਜਾਨਕੀ ਕੋਰ ਕਟਾਛਨ ਉਪਰ ਤੇਸੇ
ਹੋਂ ਲਾਖਕ ਵਾਰਤ ਵਾਰਜੇ ॥ ਮੈਂ ਰਨ ਸੈਨ ਕਰੀ ਸੁਖ ਸੋਂ ਅਬ
ਛਾਡੀ ਸੀਆ ਰਘੁਬੀਰ ਪਧਾਰਜੇ ॥ ੮੩ ॥

ਕਵਿਉਵਾਰ

ਸਵੈਯਾ—ਤਬ ਗ੍ਰੀਵ ਨਿਵਾਇ ਸੁਗ੍ਰੀਵ ਕਹਿਯੋ ਪ੍ਰਭ ਸੋਭਤ ਹੈਂ
ਕਪਿ ਕੇ ਗਨ ਯੋਂ ॥ ਮਨ ਮੁਰਤਵੰਤ ਪ੍ਰਤਾਪ ਚਹੂੰ ਦਿਸ ਫੈਲ
ਰਹਿਯੋ ਅਬਲੇ ਧਰ ਮੇਂ ॥ ਰਨ ਰਾਵਨ ਜੁਝ ਪਰਜੇ ਪਲ ਮੈ,
ਸਿਵਲੋਕ ਧਸਜੇ ਸੁ ਭਲੀ ਬਿਧਿਸੇਂ ॥ ਤਬ ਰਾਮ ਕੇ ਉਪਰ ਦੇ-
ਵਨ ਕੇ, ਮਾਨੋ ਫੂਲਕੇ ਫੂਲ ਪਰੇ ਘਨ ਜਜੇਂ ॥ ੮੪ ॥

ਸਵੈਯਾ—ਸ੍ਰੀ ਰਘੁਨਾਥ ਕੇ ਪਾਇ ਪ੍ਰਤਾਪ ਤੇ ਘਾਇਕੈ ਰਾਵਨ
ਜੀਤੀ ਹੈ ਲੰਕਾ ॥ ਸੋ ਸਰਮਾਇ ਕੈਯੋਂ ਬਖਸੀ ਜੈਸੇ ਦੇਤਉਦਾ-
ਰ ਲਏ ਕਰ ਦੰਕਾ ॥ ਜਾਇ ਵਿਭੀਖਨ ਰਾਜ ਕਰੈ ਸੁ ਬਜਾਇ
ਕੈ ਰਾਘਵ ਕੇ ਜਸ ਡੰਕਾ ॥ ਜੋ ਬਿਧ ਲੋ ਕੋਉ ਬੈਰ ਕਰੈ ਸੋਉ

ਰਾਮ ਕੋਪ ਰਹੈ ਨਹਿ ਬੰਕਾ ॥ ੮੫ ॥

ਸਵੈਯਾ-ਫੂਲ ਅਏ ਰਘੁਬੀਰ ਮਹਾਂ ਲਘੁ ਬੀਰ ਮਿਲੇ ਕਪਿ-
ਜੁਥ ਸਬੈ ॥ ਉਤ ਜਾਨਕੀ ਫੂਲ ਗਈ ਚਿਤਮੈ, ਤਿਜਟੀ ਸੋਂ
ਕਹੈ ਉਡਜਾਉਂ ਕਬੈ ॥ ਕਛੁ ਐਸੀ ਭਈ ਸਭ ਹੁੰਕੀ ਦਸਾ ਬ-
ਰਨੇ ਤਬ ਰਾਮ ਕੇ ਹੋਇ ਜਬੈ ॥ ਇਹ ਬੀਚ ਮੰਦੋਦਰਿ ਕੀ
ਅਪਦਾਕਛੁਬੋਰੀ ਸੀ ਹੈ ਸੁਨ ਲੇਹੁ ਅਬੈ ॥ ੮੬ ॥

ਕਬਿੱਤ-ਭੋਨਤੇਨਿਕਸਆਇ ਰੋਵੈ ਬਿਲਲਾਇ ਹਾਇ, ਹਾਇ
ਲੰਕਰਾਇ ਧਾਇ ਪਾਇ ਨਪਰਤਹੈ ॥ ਰਹੀ ਨਸੰਭਾਰ ਕਹੂੰ ਹਾਰ ਕਹੂੰ
ਬਾਰ, ਅਜਭਾਂਤਿ ਭਾਂਤਿ ਅਪਦਾ ਕੇ ਪੰਜਨ ਭਰਤਹੈ ॥ ਪਰੇ ਨਜਾਰੇ
ਨਜਾਰੇ ਰਾਮ ਬਾਨ ਕੇ ਉਤਾਰੇ, ਮੁੰਡ ਝੁੰਡਨ ਕੇ ਲੈ ਲੈ ਰੁੰਡ
ਉਪਰ ਧਰਤ ਹੈ ॥ ਜਾਂਕੇ ਡਰ ਚੌਂਕ ਚੌਂਕ ਪਰੈਂ ਚਤੁਰਾਨਨ
ਸੇ, ਸੋਈ ਚੌਂਕ ਚੌਂਕ ਰਾਨੀ ਚੀਂਟੀ ਤੇ ਡਰਤ ਹੈ ॥ ੮੭ ॥

ਕਬਿੱਤ-ਦੇਵਨ ਕੀ ਬੇਟੀ ਦਸਕੰਧਰ ਕੀ ਭੇਟੀ ਜੀਤ ਜੀਤ
ਜੇ ਲਪੇਟੀ ਤੇਤੇ ਤਬੈ ਨਿਕਸਤ ਹੈ ॥ ਰਾਮ ਕਵਿ ਲੰਕ ਕਿਧੇ
ਛੋਭ ਭਰੇ ਸਾਗਰ ਤੇ ਏਹੀ ਬੜਵਾਨਲ ਕੀ ਲਪਟੈ ਲਸਕਤ
ਹੈ ॥ ਸਾਂਝ ਸਮੈ ਜੋਤ ਪੀਅਰਾਇ ਧਾਇ ਧਾਇ ਆਇ ਮਾਨੋ
ਰਵਿ ਰਾਵਨ ਮੈ ਕਿਰਨੈ ਧਸਤ ਹੈ ॥ ਮਾਨੋ ਉਤਪਾਤ ਦਿਨ
ਸੂਕੇ ਜਲ ਜਾਤ ਮੁਖੀ ਲੰਕਾਪਤਿ ਮੇਘ ਬੀਜੁਰੀ ਸੇ ਲਸਕਤ
ਹੈ ॥ ੮੮ ॥

ਕਬਿੱਤ-ਕਿਧੇ ਪਤਿ ਜਾਨ ਛਿਤ ਛਾਡੇ ਹੋ ਨ ਏਕ ਛਿਨ ਪ੍ਰੇਮ
ਬਸ ਹੈਗਏ ਹੋ ਤਾਂਤੇ ਨ ਸੰਮਾਰੇ ਹੈਂ ॥ ਚੀਨ ਟਟਕਾਰੇ ਬਹੈ ਲੋਹੂ
ਕੇ ਪਨਾਰੇ ਕਿਧੇਂ ਨਿਆਰੇ ਨਿਆਰੇ ਰਾਮ ਬਾਨ ਕਾਟ ਹੀ ਉਤਾ
ਰੇ ਹੈਂ ॥ ਜੈਸੇ ਰਾਮਚੰਦ ਬਨ ਸੀਤਾ ਸੋ ਕੀਓ ਹੈ ਛਲ ਤੈਸੇ ਪਰ
ਪੰਚ ਕੋਊ ਰਾਵਰੇ ਬਿਚਾਰੇ ਹੈਂ ॥ ਕਿਧੇ ਸ਼ਿਵ ਉਪਰ ਚੜਾਏ ਹੈਂ
ਬਹੁਰ ਮੁੰਡ ਜੋਰੇ ਨ ਜੁਰਤ ਜੋਰ ਰਹੀ ਹਾਥ ਹਾਰੇ ਹੈਂ ॥ ੮੯ ॥

ਕਬਿੱਤ-ਏਕ ਕਹੈ ਰੋਇ ਹਾਥ ਆਂਸੂਨ ਸੋਂ ਧੋਇ ਕਹੈ ਕੈਸੇ ਸੁਖ
ਹੋਇ ਏਕ ਕਾਂਪਜੋਈ ਕਰਤ ਹੈਂ ॥ ਏਕ ਕਹੈਂ ਤੀਅ ਭਲੇ ਹਾਥ

ਹੈਂ ਲਗਾਏ ਸੀਅ ਹਨੂਮਾਨ ਦੇਖ ਏਕ ਜੀਆ ਲੇ ਡਰਤ ਹੈਂ ॥
ਪਰੀ ਧਾਮ ਧੂਮ ਏਕ ਘੂਮਘੂਮ ਪਰੀ ਭੂਮਿ ਦੁਖ ਕੇ ਸਮੁੰਦ੍ਰ
ਸਬ ਕਜੇਹੂੰ ਨਾ ਤਰਤ ਹੈਂ ॥ ਜੇਹੀ ਮ੍ਰਿਗ ਨੈਨੀ ਭਈ ਭਾਰੀ ਦੁਖ
ਦੈਨੀ ਬੇਨੀ ਏਡੀ ਸੋਅਟਕ ਗਿਰ ਪਾਛੇਈ ਪਰਤ ਹੈਂ ॥ ੯੦ ॥

ਦੋਹਰਾ—ਸਭ ਤੇ ਦੁਖੀ ਮੰਦੋਦਰੀ ਰਹੀ ਚਰਨ ਲਪਟਾਇ ॥
ਸਾਤ ਭਾਂਤ ਉਪਮਾਂ ਭਈ ਸੋ ਅਬ ਕਹੋਂ ਸੁਨਾਇ ॥ ੯੧ ॥

ਕਬਿੱਤ—ਕਿਧੋਂ ਅਪਕੀਰਤਿ ਪ੍ਰਗਟ ਭਈ ਰਾਵਨ ਤੇ ਕਿਧੋਂ
ਤਿਹੂੰ ਲੋਗਨ ਕੀ ਅਪਦਾਈ ਆਈ ਹੈ ॥ ਕਿਧੋਂ ਸੀਅ ਆਸ
ਦੇਹ ਛੁਟੇਤੇ ਉਦਾਸ ਭਈ, ਲੈਗਈ ਮੁਕਤਿ ਪਾਛੇ ਮੀਚਿ
ਨਿਜਕਾਈ ਹੈ ॥ ਕਿਧੋਂ ਠਕੁਰਾਈ ਲੰਕਰਾਈ ਤੇ ਬਿਦਾਈ ਹੋਤ
ਕਿਧੋਂ ਗੀਧ ਜੋਗਨਨ ਜੋਗਨੀ ਪਠਾਈ ਹੈ ॥ ਦੇਖਜੋ ਰਘੁ-
ਰਾਈ ਜਬ ਨੀਕੋ ਠਹਿਰਾਈ ਯਹਿ ਆਇਕੈ ਮੰਦੋਦਰੀ ਚਰਨ
ਲਪਟਾਈ ਹੈ ॥ ੯੨ ॥

ਕਬਿੱਤ—ਕੈ ਤੇ ਇਨ ਪਾਇਨ ਕੋ ਦੇਵਲੋਕ ਲੋਕਨ ਕੇ ਆਇ
ਨਿਜ ਕਾਇ ਭੇਟ ਭੇਟ ਦੈ ਨਿਹੋਰਤੇ ॥ ਆਠੋਂ ਲੋਕ ਪਾਲਨ ਕੇ
ਸਦਾਈ ਮੁਕਟ ਮਾਲ ਲੋਟਬੋ ਕਰਤ ਹੀ ਨਤਾਸੇ ਡੀਠ ਜੋਰਤੇ
॥ ਜੱਛ ਰੱਛ ਕਿੰਨਰ ਭੁਜੰਗ ਫੂਲ ਚੰਦਨ ਸੋ ਪੂਜਤ ਹੇ ਸਾਂਝ
ਲੈ ਬਡੇਈ ਭੋਰ ਭੋਰਤੇ । ਰਾਮ ਕਵਿ ਰਾਮ ਡਰ ਆਜ ਤਿਨ
ਪਾਇਨ ਕੋ ਲਾਜ ਨ ਮਰਤ ਮਨ ਜੰਬੁਕ ਕਢੋਰਤੇ ॥ ੯੩ ॥

ਕਬਿੱਤ—ਜਾਂਦਿਨ ਤੇ ਆਨੀ ਸੀਅ ਤਾਂ ਦਿਨਤੇ ਪਜਾਰੇ ਪੀਅ
ਪੱਛ ਕੈ ਹਮਾਰੇ ਰੁਦ੍ਰ ਦਾਹਨੇ ਨ ਭਏ ਹੈਂ । ਦਿਨੈ ਦਿਨ ਭਈ
ਹਾਨ ਨੈਕ ਹੂੰ ਨ ਬਡੀਕਾਨ ਮਾਨਹੁ ਸੰਭਾਰ ਭਾਂਤਿ ਭਾਂਤਿ ਸੁਖ
ਲਏ ਹੈਂ ॥ ਤਬਹੀ ਤੇ ਮੀਜਤ ਹੈਂ ਹਾਥਨ ਅਨਾਥ ਭਈ ਜਬ
ਹੀਤੇ ਪ੍ਰਾਨ ਨਾਥ ਐਸੇ ਸੋਇ ਗਏ ਹੈਂ ॥ ਨੈਕੁ ਨ ਸੰਭਾਰਤ ਹੋ
ਏਕੈ ਬਾਰ ਹਾਰਤ ਹੋਨਾਥ ਮਾਸ ਲੈ ਲੈ ਗੀਧ ਗੀਧ ਗੀਧ ਗਏ
ਹੈਂ ॥ ੯੪ ॥

ਸਵੈਯਾ—ਜੋ ਅਭਿਮਾਨ ਕਰੈ ਗਢਕੋ ਕੋਊ ਤੋ ਗਢ ਕੰਚਨ ਕੋ

ਕਬ ਹੋਈ ॥ ਖੋਦਕਰੈ ਪਰਖਾ ਗਜ ਬੀਸਕ ਸਿੰਧੁ ਬਨਾਇ ਸਕੈ
ਨਹਿ ਕੋਈ । ਜੀਵਤ ਕੌਨ ਕਹੈ ਮਰਕੈ ਸੁਰ ਰਾਜਹਿ ਜੀਤਤ
ਕੌਨ ਸੋ ਲੋਈ ॥ ਏਸਬ ਰਾਵਨ ਕੋ ਦਈ ਈਸ ਇਤੇ ਪਰ ਰਾ
ਮ ਕੀਓ ਭਯੋ ਸੋਈ ॥ ੯੫ ॥

ਸੁਗ੍ਰੀਵਉਵਾਚ

ਸਵੈਯਾ—ਤੋ ਲਗ ਆਨਸੁਗ੍ਰੀਵ ਕਹਯੋ ਤੁਮ ਖੋਦ ਤਜੋ ਰਨ ਮੈਂ
ਯਹਿ ਹਾਰਯੋ । ਰਾਘਵ ਬਾਨ ਤੇ ਮੂੰਡ ਕਟੇ ਧਰ ਹੈ ਸਭ ਸਾਚੁ
ਸਨੇਹ ਤੁਮਾਰਯੋ ॥ ਧਰਮ ਸੋ ਨੀਤ ਚਲੇ ਮਿਲ ਕੈ ਜਨੁ ਰਾਮ
ਕੀ ਓਰ ਦੁਹੂੰ ਪਗ ਧਾਰਯੋ । ਸ੍ਰੀ ਰਘੁਬੀਰ ਮੰਦੋਦਰਿ ਹੈ ਯਹਿ
ਯੋਂ ਕਹਿਕੈ ਕਪਿਰਾਜ ਪੁਕਾਰਯੋ ॥ ੯੬ ॥

ਸਵੈਯਾ—ਹੈ ਮਘਵਾਜਿਤ ਕੀ ਜਨਨੀ ਮਯ ਦਾਨਵ ਕੀ ਕੰਨਯਾ
ਪਰਧਾਨੀ । ਰਾਜਤ ਹੀ ਸਬ ਕੇ ਸਿਰ ਨਾਥ ਇਹੈ ਦਸ ਕੰ-
ਧਰ ਕੀ ਪਟਗਾਨੀ । ਸ੍ਰੀ ਰਘੁਬੀਰ ਸੁ ਪਾਇਨ ਲਾਗਤ ਦ੍ਰੈ
ਕਰ ਜੋਰ ਮਹਾਂ ਬਿਲਲਾਨੀ । ਰਾਵਨ ਕੇ ਦੁਖ ਯੋਂ ਤਲਫੈਜੈਸੇ
ਮੀਨ ਮਰੈ ਬਿਨ ਸੀਂਚਤ ਪਾਨੀ ॥ ੯੭ ॥

ਕਵਿਉਵਾਚ

ਸਵੈਯਾ—ਨਾਇ ਰਹੇ ਰਘੁਨਾਥ ਦੋਉ ਦ੍ਰਿਗ ਨੀਰ ਭਰੇ ਕਰੁਨਾ
ਰਸਤੇ ॥ ਨਲਨੀਲ ਹਨੂ ਲਘੁ ਬੀਰ ਸੁ ਅੰਗਦ ਮੋਨ ਭਜੀ
ਠਠਕੇ ਹਸਤੇ ॥ ਰਸ ਪਾਂਚ ਭਏ ਰਘੁਬੀਰ ਕੇ ਨੈਨਨ ਮੈਂ ਕਛੁ
ਕਾਰਨ ਕੇ ਬਸ ਤੇ । ਸੋਈ ਸੰਤ ਸੁਨੋ ਮਨ ਲਾਇ ਸਬੈ ਉਚਰੈ
ਜਿਨ ਰਾਘਵ ਕੇ ਜਸਤੇ ॥ ੯੮ ॥

ਦੋਹਰਾ—ਤਿਹ ਅਵਸਰ ਬਹਮਾਦਿਸਿਵ ਸਭ ਰਥ ਚਢੇ ਆਕਾਸ
। ਸੋ ਯਹਿ ਸਭ ਜੁਗ ਹੈ ਪ੍ਰਗਟ ਜਹ ਪ੍ਰਭੂ ਹੈ ਤਹਦਾਸ ॥ ੯੯ ॥

ਸੋਰਠਾ—ਲੱਜਯਾ ਕੋਪ ਪ੍ਰਸਾਦਿ ਝਮਕ ਝੰਡ ਨੈਨਨ ਭਰੇ ।

ਕਰੁਨਾ ਅਰ ਬਿਸਮਾਦੁ ਮਿਲ ਇਨ ਸੋਂ ਪਾਂਚੋਂ ਭਏ ॥ ੧੦੦ ॥

ਸੋਰਠਾ—ਸ਼ਿਵ ਲਛਮਨਾ ਸੁਰੇਸ ਮਿਲ ਦਸ ਕੰਦਰ ਪਿਤਾ ਤੇ ।

ਮੰਦੋਦਰਿ ਦੁਖ ਭੇਸ ਜਯੋਂ ਰਸ ਤਯੋਂ ਕਾਰਨ ਗਨੇ ॥ ੧੦੧ ॥

ਕਬਿੱਤ—ਜੇਈ ਨੈਨ ਦੇਖ ਸਿਵ ਲਾਜ ਕੇ ਜਹਾਜ ਭਏ ਜੇਈ
ਲਛਮਨ ਦੇਖ ਕੋਪ ਉਛਰਤ ਹੈਂ। ਜੇਈ ਇੰਦ੍ਰ ਭਾਨੁ ਸੇ ਨਿ-
ਸਾਨ ਸੁਨ ਰੀਝ ਜਾਤ ਲੰਕਪਤਿ ਤਾਤ ਦੇਖਿ ਸੋਚ ਕੋ ਧਰਤ
ਹੈਂ। ਜੇਈ ਨੈਨ ਦੇਖਕੈ ਮੰਦੋਦਰਿ ਬਿਪਤ ਕਾਲ ਹੈ ਕ੍ਰਿਪਾਲ
ਕਰੁਨਾ ਕੇ ਰਸ ਮੈ ਢਰਤ ਹੈਂ। ਤੇਈ ਨੈਨ ਰਾਮ ਕੇ ਬਚਯਾ
ਕਾਲ ਘਾਮਕੇਵੈ ਰਾਮਕਵਿ ਕਾਮਨਾਕੋ ਪੂਰਨ ਕਰਤਹੈ ॥੧੦੨॥

ਮੰਦੋਦਰੀ ਬਚਨ

ਕਬਿੱਤ—ਸੋਕ ਭਰ ਬੁਝੀ ਰਘੁਬੀਰ ਤਿਹੂੰ ਲੋਕ ਪਤਿ ਨੈਕਭਜੈ
ਦੇਨਹਾਰ ਰੋਕਹੀ ਮੁਕਤਿ ਕੇ। ਬੋਲੀ ਤਬ ਦਸਰਥ ਨੰਦਨ
ਆਨੰਦ ਮਯ ਕੁਮਤਿ ਕਟੱਯਾ ਹੋ ਬਢੱਯਾ ਹੋ ਸੁਮਤਿਕੇ। ਅਬ
ਹੋਂ ਨਿਰਾਸ ਭਈ ਜੋਗਨੀ ਉਦਾਸ ਭਈ ਏਕ ਆਸ ਜੀਓਂ
ਪਾਇ ਪਾਇ ਰਘੁਪਤਿ ਕੇ। ਆਇਸ ਜੋ ਦੇਹੁ ਜਰੋਂ ਪਾਪੀ ਪੀ-
ਅ ਸੰਗ ਮਰੋਂ ਚੇਰੀ ਹੈਕੈ ਪਾਨੀ ਭਰੋਂ ਠਾਕੁਰਭਗਤਿਕੇ ॥੧੦੩॥
ਸਵੈਯਾ—ਸ੍ਰੀ ਰਘੁਬੀਰਹਿ ਭੂਲ ਗਈ ਸਬ ਯੋਂ ਦਪਕੇ ਦ੍ਰਿਗ
ਜਜੋਂ ਨ ਝਰੀ। ਸੁ ਜਹਾਂ ਕੇ ਤਹਾਂ ਰਹੇ ਚਿਤ੍ਰ ਲਿਖੇ ਸਬ ਦੇਵਨ
ਜਜੋ ਪਲਕੈਂ ਨ ਪਰੀ। ਅਲਿਕੇਸ ਦਿਨੇਸ ਕੇ ਉਪਰ ਭੋਹਿ
ਸਦਾ ਰਹਿਤੀ ਤਬ ਕੋਧ ਭਰੀ। ਨ ਅਖੰਡਲ ਤੋਂ ਗਿਨਤੀ
ਬਿਨਤੀ ਸੁ ਕਰੈ ਕਪਿ ਮੰਡਲ ਬੀਚ ਖਰੀ ॥ ੧੦੪ ॥

ਰਾਮਚੰਦ੍ਰਵਾਰ

ਕਬਿੱਤ—ਜਾਂਕੀ ਦੇਹ ਛੁਟੇ ਬੁਟੇ ਦੂਤ ਕਹੀ ਮੇਰੀ ਜੀਤ ਸੁਨਕੈ
ਪ੍ਰਤੀਤਕੋਊ ਦੇਵ ਨ ਕਰਤ ਹੈ। ਕਹੈ ਸੁਰਗਾਜ ਹਮੈਂ ਆਜ ਤੋ
ਸਨਾਵੇ ਜਿਨ ਜੋ ਜੀਅਤ ਹੋਇ ਤੋਤੋ ਉਲਟੇ ਪਰਤ ਹੈ। ਜਾਨੇ
ਕਮਲਾਸਨ ਜੋ ਰਾਮ ਗਰੁੜਾਸਨ ਹੈ ਤਉ ਸਿਵ ਕਾਨਨ ਮੈ
ਆਨ ਨ ਧਰਤ ਹੈ। ਕਹੀ ਰਘੁਬੀਰ ਯਹਿ ਤਾਕੀ ਤੀਅ ਦੇਖੋ
ਕਪਿ ਏਤੇ ਪਰਕਾਲ ਤੇ ਤੋ ਕੋਊ ਨ ਡਰਤਹੈ ॥ ੧੦੫ ॥

ਸਵੈਯਾ—ਸੁੰਦਰਿ ਦਾਹ ਕਰੋ ਪਤਿਕੋ ਬਡ ਭਾਗਨ ਮੈਂ ਤੂੰ ਬਡੀ
ਬਡਭਾਗੀ। ਸੰਗ ਜਰੈ ਜਿਨ ਨੀਤ ਨਹੀ ਸੁਨ ਲੈ ਬਰਕੋ ਬਿ-

ਪਤਾ ਅਬ ਭਾਗੀ । ਸਾਚ ਕਹੋਂ ਯਹਿ ਬਾਤ ਅਬੈ ਜਗ ਜੋ ਲਗ
ਮੋਹਿ ਭਜੈ ਅਨੁਰਾਗੀ । ਤੋ ਲਗ ਸੰਗ ਵਿਭੀਖਨ ਕੇ ਕਰ ਰਾਜ
ਇਹਾਂ ਗੜ ਹੈ ਪਟਰਾਗੀ ॥ ੧੦੬ ॥

ਸਵੈਯਾ—ਜੋ ਕੁਛ ਅੰਕ ਲਿਖੇ ਬਿਧਨਾ ਤੇਉ ਹੋਤ ਹੈ ਸੁੰਦਰਸੋਕ
ਨਿਵਾਰੇ । ਮੇਰੇ ਕਛੂ ਅਪਰਾਧ ਨਹੀ ਅਰ ਹੈ ਅਪਰਾਧ ਤੋ ਆ-
ਪ ਬਿਚਾਰੇ । ਬਾਰ ਦੁਤੀਨਕ ਮੈਂ ਪਠਾਏ ਕਪਿ ਰਾਵਨ ਬੈਰ
ਬਿਸਾਰ ਸੰਭਾਰੇ । ਆਨਿ ਮਿਲੋ ਸੀਅ ਕੇ ਪਲਟੇ ਪਤਿ ਕੀਰਤਿ
ਰਾਜ ਲੈ ਲੰਕ ਸਿਧਾਰੇ ॥ ੧੦੭ ॥

ਸਵੈਯਾ—ਸੋ ਨ ਕਰੀ ਤਿਨ ਯੋਂ ਸਮਝੀ ਕਹਯੋ ਰਾਮ ਕੇ ਬੈਰ-
ਤੀ ਨ ਡਰੋਂ । ਜੈਸੇ ਦੇਵਨ ਜੀਤਤ ਹੋਂ ਸਿਵਕੇ ਬਲ ਏਬ ਕਹਾਂ
ਰਨ ਆਇ ਲਰੋਂ । ਸੁਨ ਭਾਮਨਿ ਆਪਨੀ ਬਾਤ ਹੈ ਆਪਨ
ਹੀ ਕਹਤੇ ਅਤਿ ਲਾਜ ਮਰੋਂ । ਨਾਤੋ ਰੁਦ੍ਰ ਸੇ ਲਾਖ ਸਮੁੰਦ੍ਰ ਕ-
ਰੋਰ ਹੋਂ ਭੋਹਿ ਕੀ ਕੌਰ ਮਰੋਰਿ ਧਰੋਂ ॥ ੧੦੮ ॥

ਮੰਦੋਦਰੀ ਵਾਰ

ਸਵੈਯਾ—ਹੈ ਬਿਨਤੀ ਰਘੁਨੰਦਨ ਜੂ ਅਪਰਾਧ ਛੁਮੋ ਤੁਮ ਰਾ-
ਵਨ ਕੇ । ਜਬ ਸੀਅ ਹਰੀ ਤਬਹੀ ਬਿਗਰੀ ਤੁਮਹੋਬਿਗਰੀ ਨ
ਭੁਲਾਵਨ ਕੇ । ਜੇਈ ਪਾਪ ਦਵਾਗਨਿ ਮਾਂਹਿ ਜਰੈ ਤਿਨਕੋਤੁਮ
ਹੈ ਘਨ ਸਾਵਨ ਕੇ । ਦੁਖ ਸਿੰਧੁ ਮੈ ਬੂਡ ਰਹੇ ਹਮਸੇ ਤੁਮਸੇ ਪ੍ਰਭ
ਪਾਰ ਲਗਾਵਨ ਕੇ ॥ ੧੦੯ ॥

ਕਬਿੱਤ—ਜਾਂਹੀ ਦਿਨ ਚੋਰੀ ਸੀਅ ਥੋਰੀ ਸੀ ਸਬਨ ਜਰੀ ਤਾਂਕੇ
ਪਾਛੇ ਮੈਹੂੰ ਸਮਝਾਇ ਪਰਜਾਰੀ ਹੈ । ਆਯੋ ਹਨੁਮਾਨ ਲੰਕਜਾਰ
ਕੈ ਨਿਸੰਕ ਜਾਰੀ ਪਾਉ ਰੋਪ ਅੰਗਦ ਭਸਮ ਕਰ ਡਾਰੀ ਹੈ । ਜਾ
ਨਕੀ ਬਚਨ ਉਲਕਾ ਨਿਪਟ ਜਾਰੀ ਔਰ ਕੀਓ ਨ ਸਹਾਇ
ਸਿਵ ਯੋ ਝੁਰਸਮਾਰੀ ਹੈ । ਰਾਮ ਬਾਨ ਕਾਟ ਡਾਰੀ ਪਾਇਨ ਪੈ
ਬਲਿਹਾਰੀ ਤਾਂ ਪਰ ਕਹਤ ਹੋ ਜਰੀਅਦੈ ਉਘਾਰੀ ਹੈ ॥ ੧੧੦ ॥

ਸਵੈਯਾ—ਤੇਜ ਤੇ ਕੋਉ ਨ ਬੋਲ ਸਕੈ ਘਰ ਯੋਹੀ ਗਯੋ ਸਭ ਕੋ
ਕੁਮਤੇ । ਸੁ ਬਿਭੀਖਨ ਸੋ ਖਗ ਆਨਿ ਮਿਲਯੋ ਤਜ ਲੰਕਪਤੀ

ਬਿਖ ਕੈ ਦੁਮ ਤੇ । ਸੀਆ ਦੀਪ ਸੋ ਪ੍ਰੀਤ ਪਤੰਗ ਕਰੀ
ਪਤਿ ਪ੍ਰਾਨ ਬੱਚੈ ਤਬ ਕੌਨ ਮਤੇ ॥ ਪੀਅ ਕੋ ਸਬ ਜਾਨਤ ਹੋ
ਪ੍ਰਭਜੂ ਅਬ ਰਾਵਨ ਕੀ ਗਤਿ ਹੈ ਤੁਮਤੇ ॥ ੧੧੧ ॥

ਰਾਮਚੰਦ੍ਰਉਵਾਰ

ਸਵੈਯਾ-ਜੋ ਸੀਅ ਚੋਰੀ ਲਈ ਤੇ ਕਹਾਂ ਅਰੁ ਬੈਰ ਕੀਓ ਤੇ
ਕਹਾਬਿਗਰਜੋ ਹੈ ॥ ਮੈਂ ਜੁ ਕਹੀ ਸੋ ਨ ਏਕ ਕਰੀ ਤੇ ਕਹਾ ਭਯੋ
ਲੈ ਕਰ ਵਾਰ ਲਰਜੋ ਹੈ ॥ ਯਾ ਰਨ ਮੈਂ ਮੇਰੇ ਨੈਨਨ ਤੇ ਪਲ
ਪਾਛੇਕੋ ਪਾਉ ਨ ਨੈਕ ਟਰਿਓ ਹੈ ॥ ਧੰਨ ਸਬੈ ਅੰਗ ਰਾਵਨਕੇ
ਜੋ ਨ ਮੋ ਪਗਤੇ ਮੁਖ ਫੇਰ ਧਰਜੋ ਹੈ ॥ ੧੧੨ ॥

ਕਵਿਉਵਾਰ

ਕਬਿੱਤ-ਰਾਮਕੀ ਰਜਾਇ ਪਾਇ ਹਨੁਮਾਨ ਕੀ ਸਹਾਇ ਚੌਪ
ਸੋਂ ਚਿਤਾ ਬਨਾਇ ਰਾਵਨ ਕੀ ਦੇਹ ਕੋ ॥ ਤਾਂ ਪਰ ਲੈ ਧਰੀ
ਫੂਕ ਦੀਨੀ ਤੇਹੀ ਘਰੀ, ਕਹੈ ਦੇਵ ਭਲੀ ਕਰੀ ਦ੍ਰਿਗ ਦੇਖੈਂ
ਭਰ ਗੋਹ ਕੋ ॥ ਐਸੀ ਪਰਜਰੀ ਅਜਹੂੰ ਲੋ ਹੈ ਸੁ ਹਰੀ ਮਾਨੋ
ਪ੍ਰਗਟੈ ਜਨਾਵਤ ਹੈ ਸੀਤਾ ਕੇ ਸਨੇਹ ਕੋ ॥ ਪਰੈ ਕੋਟ ਮੇਹ ਤਉ
ਜਰੈ ਲੇਹਾ ਦੇਹ ਕੀਏ ਹੀਏ ਕੇ ਹੁਲਾਸ ਤੇ ਨ ਮਿਲੀ ਜਾਇ
ਖੇਹ ਕੋ ॥ ੧੧੩ ॥

ਸੋਰਠਾ-ਤਬ ਅੰਗਦ ਹਨੁਮਾਨ, ਰਾਮ ਰਜਾਇਸ ਪਾਇ ਕੈ ॥
ਕੀਨੋ ਰਬਕ ਪਲਾਨ ਜਨਕ ਸੁਤਾ ਜਿਹ ਬਨ ਬਸੈ ॥ ੧੧੪ ॥
ਕਬਿੱਤ-ਜਾਇ ਸਿਰਨਾਇ ਕਹਜੋ ਚਲੋ ਸੀਅ ਮਾਇ ਧਾਇ
ਦੇਖੋ ਰਾਮ ਪਾਇ ਸਤਭਾਇ ਨਿਰਮਲ ਸੋਂ ॥ ਹੋ ਜੁ ਲੰਕਰਾਇ
ਰਨ ਜੂਝੋ ਅਰਗਾਇ, ਜਸਦੁੰਦਭੀ ਬਜਾਇ ਰਘੁਰਾਇ ਜੀਤੇ
ਬਲ ਸੋਂ ॥ ਕਹੀ ਨ ਬਨਾਇ ਰਹੇ ਲੋਚਨ ਲਗਾਇ ਇਤ,
ਸਭਸੋ ਕਹਤ ਆਜ ਛੂਟੇ ਕਲ ਕਲ ਸੋਂ ॥ ਲੈ ਚਲੇ ਲਵਾਇ
ਕਵਿ ਰਾਮ ਬਲਿ ਜਾਇ ਛਬ ਰਹੀ ਛਿਤ ਛਾਇ ਨਖ ਚੰਦ੍ਰਕਾ
ਕੀ ਛਲ ਸੋਂ ॥ ੧੧੫ ॥

ਸਵੈਯਾ-ਮੋਰ ਚਲੇ ਅਲਿਕੇ ਅਹਿ ਜਾਨ ਚਕੋਰ ਚਲੇ ਮੁਖਜਾਨ

ਸਸੀ ॥ ਦ੍ਰਿਗ ਦੇਖਿ ਸਰੋਜਨ ਤੇ ਸੁਥਰੇ, ਮਧਿਪਾਵਲਿ ਸੀਅ
ਕੈ ਸੰਗ ਧਸੀ ॥ ਸੁਨ ਪਾਇਨ ਨੂਪਰ ਕੀ ਧੁਨਿ ਕੋ ਮਿਲ ਹੰਸ
ਚਲੇ ਜੀਅਮੈਂਜੁ ਬਸੀ ॥ ਅਜਹੂੰ ਸੀਅਲਾਖ ਸੰਕੋਚਨ ਸੇ ਤਉ
ਦਾਮਿਨ ਕੋਰਦ ਪਾਂਤਿ ਹਸੀ ॥ ੧੧੬ ॥

ਸੀਤਾਉਵਾਰ

ਸਵੈਯਾ-ਜੋ ਕਹਿ ਹੈਂ ਰਘੁਬੀਰ ਚਿਤੈ ਮੋਹਿ ਤੈਂ ਬਨ ਮੈਂ ਮ੍ਰਿਗ
ਕਾਜ ਪਠਾਏ ॥ ਔਰ ਇਤੇ ਪਰ ਰੇਖ ਮਿਟਾਇਕੈ ਭੀਖ ਦਈ
ਤੇ ਇਤੇ ਦੁਖ ਪਾਏ ॥ ਤੋ ਜਮ ਕੇਹਰ ਕੋ ਹਨੂਮਾਨ ਏ ਪ੍ਰਾਨ
ਕੁਰੰਗ ਸੀਆ ਹੈਂ ਬਨਾਏ ॥ ਜਾਨਤ ਹੈਂ ਕਛੁ ਹੈ ਬਿਪਰੀਤਿ ਜੁ
ਮੋਹਿ ਬੁਲਾਵਨ ਆਪ ਨ ਆਏ ॥ ੧੧੭ ॥

ਹਨੂਮਾਨੋਵਾਰ

ਸਵੈਯਾ-ਤੋ ਸਤ ਤੇ ਸਤ ਜੋਜਨ ਸਿੰਧੁ ਹੈਂ ਫਾਂਧ ਪਰਜੇ ਪੁਰਿ
ਠੋਕ ਜਗਯੋ ॥ ਤੋ ਸਤ ਤੇ ਸਸਿ ਸੂਰ ਫਿਰੈਂ ਨਭ ਸੇਸ ਧਰੀ
ਛਿਤ ਖੇਦ ਨ ਪਾਯੋ ॥ ਤੋਸਤ ਤੇ ਰਨਕੋਪ ਚਢੇ ਸੁਨ ਜਾਨਕੀ
ਰਾਵਨ ਮਾਰ ਗਿਰਾਯੋ ॥ ਤੋਹਿ ਤੋ ਬੋਲਤ ਹੈ ਦਸ ਪੈਂਡ ਸੁ
ਦਾਸਰਥੀ ਲੰਘ ਬਾਰਧਿ ਆਯੋ ॥ ੧੧੮ ॥

ਕਬਿਤ-ਤੇਰੇ ਬਿਛੁਰੇ ਤੇ ਔਰ ਬਿਛਰੀ ਹੀ ਸਾਤ ਤੀਅ ਰਾਵਨ
ਕੇ ਮਾਰਤ ਹੀ ਸਾਤੋਂ ਵੁਰਿਆਈ ਹੈਂ ॥ ਲਾਜ ਰਾਖੀ ਨੈਨਨ
ਪ੍ਰਬੀਨਤਾ ਸੁ ਬੈਨਨ ਮੈ ਗੀਵ ਕਰ ਸਕੁਚ ਉਦਾਰਤਾ
ਬਸਾਈ ਹੈਂ ॥ ਸੋਭਾ ਅੰਗ ਅੰਗ ਬ੍ਰਹਮੰਡ ਕੀਰਤਿ ਅਖੰਡ ਆਜ
ਭੁਜ ਦੰਡਨ ਮੈ ਸੂਰਤਾ ਸੁਹਾਈ ਹੈਂ ॥ ਜੋ ਤੂੰ ਕਹੈਂ ਮੋਕਉ ਠੌਰ
ਕਹਾਂ ਰਘੁਬੀਰ ਮਨ ਤਾਂਕੀ ਓਰ ਨੈਨ ਭਰ ਦੇਖਨੇ ਨ ਪਾਈ
ਹੈਂ ॥ ੧੧੯ ॥

ਕਵਿਉ ਵਾਰ

ਸਵੈਯਾ-ਜਦਪਿ ਯੋ ਹਨੂਮਾਨ ਕਹੀ ਤਉ ਸੀ ਜੀਅਕੋਨ ਮਿਟੈ
ਖਟਕੋ ॥ ਜਬਹੀ ਕਛੁ ਰਾਵਨ ਕੀ ਚਲ ਹੈ ਮਨਹੀ ਮਨ ਮਾਨਕ
ਹੈ ਚਟਕੋ ॥ ਬਨ ਕੰਟਕ ਕੁੰਜ ਬਿਚਾਰਨ ਮੈ ਭਯੋ ਜਾਨਕੀ
ਪ੍ਰਾਨ ਮਹੀ ਪਟਕੋ ॥ ਕਵਿਰਾਮ ਚਲੈ ਠਠਕੈ ਸਕੁਚੈ ਸੁ ਭਯੋ

ਤਨ ਆਜ ਬਟਾ ਨਟਕੋ ॥ ੧੨੦ ॥

ਸਵੈਯਾ—ਦੂਰ ਤੇ ਰਾਮ ਦਿਵਾਕਰ ਦੇਖ ਭਏ ਸੀਅ ਕੇ ਦ੍ਰਿਗ
ਕੰਜ ਹਸੈ ਹੈਂ ॥ ਸਜਾਮ ਘਟਾਂ ਅੰਗ ਅੰਗਨ ਸੋ ਕੀਏ ਚਾਤ੍ਰਿਕ
ਮੋਰ ਮਹਾਂ ਲਲਚੈ ਹੈਂ ॥ ਨੈਨ ਸਰੋਜ ਨਿਹਾਰਤਹੀ ਤੇਈ ਭ੍ਰਿੰਗ
ਕੀਏ ਉਨਮਤ ਧਸੈ ਹੈਂ ॥ ਪੂਰਨ ਤਾਂ ਮੁਖਚੰਦ ਬਿਲੋਕ ਚਕੋਰ
ਕੀਏ ਚਿਤਕੇ ਚਪਲੈ ਹੈਂ ॥ ੧੨੧ ॥

ਸਵੈਯਾ—ਜਾਨਕੀ ਓਰ ਨਿਹਾਰਤ ਹੀ, ਰਘੁਬੀਰ ਕੇ ਨੈਨ ਭਏ
ਸਰਸੋਂ ਹੈਂ ॥ ਔਰ ਜਿਤੇ ਭਟ ਹੈਂ ਸਭਕੇ ਦ੍ਰਿਗ, ਸੀਲ ਗਹੇ
ਕੀਏ ਭੂਮਿ ਧਸੈ ਹੈਂ ॥ ਕੈ ਪ੍ਰਗਟੀ ਮਨਿ ਬਾਸਕ ਕੀ, ਕਿਧੈਂ
ਕੰਜ ਪਰੇ ਛਿਤਮੈਬਿਗਸੈ ਹੈਂ ॥ ਔਰ ਭਲੀ ਉਪਮਾ ਕਵਿਰਾਮ,
ਨਿਛਤ੍ਰ ਮਨੋ ਜਲ ਮਾਂਹ ਲਗੈ ਹੈਂ ॥ ੧੨੨ ॥

ਸਵੈਯਾ—ਸ੍ਰੀ ਰਘੁਬੀਰ ਕਹੀ ਮੁਸਕਾਇ ਸੁਨਾਇ ਏ ਲੋਗਨ ਕੇ
ਸੀਅ ਸੋ ॥ ਜਬਲੈ ਨਹਿ ਆਗ ਪ੍ਰਵੇਸ ਕਰੈ ਤਬਲੈ ਨ ਗਿਲਾਨਿ
ਮਿਟੈ ਜੀਅ ਸੋ ॥ ਧਰ ਸੀਸ ਲਈ ਸੁ ਕਰੋ ਅਬਹੀ ਸਿਰਨਾਇ
ਕਹਜੇ ਅਪਨੇ ਪੀਅਸੋ ॥ ਅਬ ਔਰ ਕੀ ਕੌਨ ਪ੍ਰਤੀਤ ਕਰੈ ਜਬ
ਰਾਮ ਸੇ ਆਜ ਕਹੈਂ ਤੀਅ ਸੋ ॥ ੧੨੩ ॥

ਸੋਰਠਾ—ਅਬ ਹੋਂ ਕਰੋ ਪ੍ਰਵੇਸ ਰਾਮ ਰਜਾਇਸੁ ਪਾਇਕੈ ॥

ਸਾਖ ਸਮੀਰ ਦਨੇਸਪਤਿਬ੍ਰਤ ਅਤਿ ਪੂਰੇ ਸਦਾ ॥ ੧੨੪ ॥

ਦੋਹਰਾ—ਹਨੂਮਾਨ ਤਬ ਯੋ ਕਹੀ ਜਾਨਤ ਹੋ ਕਿਹ ਹੇਤ ॥

ਕੰਚਨ ਦੇਹਿ ਸੀਆ ਹੁਤੀ ਕੁੰਦਨ ਸੀ ਕਰਲੇਤੁ ॥ ੧੨੫ ॥

ਸਵੈਯਾ—ਹਾਥਨ ਜੋਰ ਕਹੀ ਸੀਅਜੁ ਤਬ ਪਾਵਕ ਕੋ ਸਿਰ-
ਨਾਇ ਕੈ ਐਸੀ ॥ ਜੋ ਰਘੁਬੀਰ ਬਿਨਾ ਜੀਅ ਮੈ ਸੁਪਨੇ ਹੂੰ ਮੈ
ਮੂਰਤਿ ਔਰ ਹੈ ਬੈਸੀ ॥ ਤੋ ਮੇਰੇ ਅੰਗਨ ਜਾਰ ਪਿਤਾ ਤੁਹਿਰਾਮ
ਕੀ ਸੋਹ ਰੇ ਕਾਨ ਹੈ ਕੈਸੀ ॥ ਜੋਪਤਿ ਪਾਇਨ ਸੋਂ ਰਤਿ ਹੈ ਤੋ
ਸਰੋਜ ਸੀ ਰਾਖ ਸਰੋਵਰ ਮੈਸੀ ॥ ੧੨੬ ॥

ਦੋਹਰਾ—ਸਿਵ ਬਿਰੰਚ ਦੇਖਤ ਸਬੈ ਸੁਰ ਗਨ ਅਰ ਸੁਰ ਰਾਇ
॥ ਅਗਨਿਲਾਟ ਮੈ ਲਪਟਸੀ ਗਈ ਸੀਅ ਲਪਟਾਇ ॥ ੧੨੭ ॥

ਸਵੈਯਾ-ਜਦਪਿ ਆਨ ਕਹੀ ਨਭਮੈ ਸੁਰ ਨਾਥ ਫਨੀ ਸਸੁ
ਬੇਦਮਈ ॥ ਤਿਹੂੰ ਲੋਗਨ ਮੈ ਜੋ ਰਮਾ ਸੋ ਉਮਾ ਸੋਈ ਜਾਨਕੀ
ਹੈ ਨਹਿ ਬਾਤਨਈ ॥ ਅਰ ਆਪਨ ਜਾਨਤ ਹੈ ਪੀਅ ਕੀ ਤਉ
ਬਾਤ ਕਛੁ ਸਮਝੀ ਨ ਗਈ ॥ ਕਪਿ ਭੀਰਖਰੀ ਰਘੁਬੀਰ
ਤਉ ਸੀਅ ਆਗਮੈ ਆਗ ਮਿਲਾਇ ਦਈ ॥ ੧੨੮ ॥

ਸਵੈਯਾ-ਰਾਮ ਰਜਾਇਸ ਤੇ ਪਹਿਲੇ ਗਿਰ ਕੰਚਨ ਤੇ ਜਨੁ
ਰਾਸ ਲਈ ॥ ਘਰਿਆਇਕੈਲੰਕਰਚੀ ਰੁਚਿਸੇਂ ਤਿਹੂੰ ਲੋਕਨ
ਤੇ ਤਿਨ ਭਾਂਤਿ ਨਈ । ਤਬ ਦੇਖਿ ਪ੍ਰਸੰਨ ਭਏ ਰਘੁਬੀਰ ਸੁ
ਰੀਝ ਕੈ ਤਾਹਿ ਸੁ ਮੋਖ ਦਈ ॥ ਮਾਨੋ ਰਾਘਵ ਰਾਵਨ ਚੋਰ
ਸੁਨਾਰਤੇ ਕਾਸਨੀ ਸੀ ਸੀਅ ਤਾਇ ਲਈ ॥ ੧੨੯ ॥

ਸਵੈਯਾ-ਸੀਅ ਹੁਤਾਸਨ ਮਾਹਿ ਪ੍ਰਵੇਸ ਕੀਓ ਜਬ ਰਾਮ ਰਜਾ-
ਇਸ ਪਾਈ ॥ ਜਾਨਤ ਹੋ ਇਹ ਕਾਰਨ ਕੌਨ ਭਲੀ ਉਪਮਾਂ
ਕਵਿਰਾਮ ਬਨਾਈ ॥ ਜਾਨਕੀ ਤੇ ਬਿਛੁਰੇ ਬਿਰਹਾਗ ਦੀਓ
ਜੀਅਤੇ ਜਨੁ ਬਾਹਰ ਆਈ ॥ ਰਾਵਨ ਮਾਰ ਬਿਦਾਰ ਦੀਓ
ਅਬ ਤੇ ਪਗ ਛੈ ਕਰ ਹੋਤ ਬਿਦਾਈ ॥ ੧੩੦ ॥

ਸਵੈਯਾ-ਜਾਨਕੀ ਸੀਲ ਕੇ ਤੇਜ ਤੇ ਤੇਜ ਭਯੋ ਉਤ ਪਾਵਕਕੋ
ਅਤਿ ਪੀਰੋ ॥ ਪਾਇਨਿ ਲਾਗ ਕਰੀ ਬਿਨਤੀ ਤੁਮ ਹੋ ਜਗਮਾਤ
ਪਿਤਾ ਰਘੁਬੀਰੋ ॥ ਮੋਪਰ ਆਜ ਕਰੇ ਤੁਮ ਕ੍ਰੋਧ ਕਪੂਰ ਪਟੀਰ
ਸਮੀਰ ਤੇ ਸੀਰੋ ॥ ਜਾਨਤ ਲੋਗ ਸੀਅਾ ਦਿਬਲੇਤ ਸੁ ਆਗ ਕੋ
ਆਨ ਪਰੀ ਦੁਖ ਭੀਰੋ ॥ ੧੩੧ ॥

ਕਬਿੱਤ-ਆਗਤੇ ਨਿਕਸ ਆਈ ਆਗ ਜੋਤ ਤੇ ਸਵਾਈ ਰੀਝੇ
ਰਘੁਰਾਈ ਮਨ ਭਾਈ ਬਿਨ ਖੇਦਸੋ ॥ ਮਾਨੋ ਪ੍ਰਾਨ ਦਾਇਨੀ
ਗਵਾਈ ਮਨਿਆਈ ਆਜ ਕਿਧੋ ਰਾਜਤੀਨ ਲੋਕ ਪਾਯੋ ਰਿਪੁ
ਛੇਦਸੋਂ ॥ ਨਾਨਾ ਚਿਤ ਚਾਇਨ ਸੋ ਵੈਸੇਈ ਸੁਭਾਇਨ ਸੋ ਰਾਮ
ਚੰਦ ਪਾਇਨ ਸੋ ਲਾਗੀ ਏਕ ਭੇਦ ਸੋ ॥ ਮਿਲੇ ਮੀਤ ਮੀਤਾ
ਜਯੋਧਨੀ ਸੋ ਦੌਰ ਨੀਤਾ ਤੈਸੇ ਰਾਮੈ ਮਿਲੀ ਸੀਤਾ ਜੈਸੇ ਗੀਤਾ
ਮਿਲੀ ਬੇਦ ਸੋਂ ॥ ੧੩੨ ॥

ਦੋਹਰਾ—ਜਬ ਨਾਰਾਇਨ ਲਛਤਬ, ਹਰਿ ਸੰਗਿ ਰੁਕਮਣਿ ਹੋਇ॥
ਜਬ ਰਘੁਪਤਿ ਤਬ ਜਾਨਕੀ ਨਏ ਨ ਉਪਜਤ ਦੋਇ ॥੧੩੩॥

ਲਛਮਨੋ ਵਾਰ

ਸੋਰਠਾ—ਹਾਥ ਜੋਰ ਸਿਰ ਨਾਇ ਤਬ ਲਛਮਨ ਬਿਨਤੀ ਕਰੈ ॥
ਦਈ ਲੰਕ ਰਘੁਰਾਇ ਰਾਵਨ ਕੋ ਧਨੁ ਲੀਜੀਏ ॥੧੩੪॥

ਰਾਮਚੰਦੋ ਵਾਰ

ਸੋਰਠਾ—ਜੋ ਰਿਪੁ ਜੀਤਯੋ ਜਾਇ ਸੂਰ ਕਹਾਵੈ ਜਮੁ ਬਢੈ ॥
ਤਬ ਕੀਜੀਐ ਸਹਾਇ ਤਾਂਕੋ ਕਛੂ ਨ ਲੀਜੀਏ ॥੧੩੫॥

ਕਵਿਉ ਵਾਰ

ਸੋਰਠਾ—ਕਪਿ ਗਨ ਸੰਗ ਲਵਾਇ ਚਲਯੋ ਬਿਭੀਖਨ ਪਾਇ ਤਰਾ
ਜਸ ਦੁੰਦਭੀ ਬਜਾਇ ਲਛਮਨ ਸਹਤ ਸੀਆ ਚਲੇ ॥੧੩੬॥
ਕਬਿੱਤ—“ਜੈਸੇ ਦਾਨ ਕੀਰਤਿ ਸੋਂ ਮਾਸ ਰੁਤਿ ਪ੍ਰੀਤਿ ਚਿਤ
ਜੈਸੇ ਰਤਿ ਕਾਮ ਕਵਿ ਰਾਮ ਨਿਧਿ ਭਾਗ ਸੋਂ ॥ ਜਯੋਂ ਅਰਬ
ਬਾਨੀ ਮਹਾਂ ਰੁਦ੍ਰ ਸੋ ਭਵਾਨੀ ਸਿੰਧੁ ਗੰਗ ਚੰਦ ਚਾਂਦਨੀ ਜਯੋਂ
ਮਨਿ ਸੇਖ ਨਾਗ ਸੋਂ ॥ ਜਯੋਂ ਧਰਮਨੀਤਿ ਭਲੇ ਸਾਹਿਬ ਬਸੀਠ
ਤੈਸੇ ਆਜ ਮਿਲੀ ਜਾਨਕੀ ਜੁ ਆਪਨੇ ਸੁਹਾਗ ਸੋਂ ॥ ਬੈਠਕੇ
ਬਿਵਾਨ ਗੀਰਵਾਨ ਚਲੇ ਸੀਅਰਾਮ ਜੈਸੇ ਕਰਤਾਲ ਮਿਲੇ ਤਾਨ
ਚਲੇ ਰਾਗ ਸੋਂ,, ॥੧੩੭॥

ਕਬਿੱਤ—ਚਲੇ ਰਿਪੁ ਜੀਤਿ ਕਰੀ ਰੀਤਿ ਸਭ ਸੂਰਨ ਕੀ
ਜਾਨਕੀ ਲੈ ਸੰਗ ਮਾਨੋ ਪ੍ਰਾਨ ਸੋ ਲਵਾਇਕੈ ॥ ਸੀਆ ਸੋ ਕਹਤ
ਦੇਖ ਆਯੋ ਵਹਿ ਠੌਰ ਜਹਾਂ ਲਛਮਨ ਇੰਦ੍ਰ ਜੀਤ ਮਾਰਿਯੋ
ਹੈ ਰਿਸਾਇਕੈ ॥ ਈਹਾਂ ਨਾਗ ਫਾਂਸ ਪਰੀ ਈਹਾਂ ਹਨੁਵੰਤ
ਬੀਰ ਗਿਰਯੋ ਮੇਰੇ ਬੀਰ ਮੋਕੇ ਦੀਓ ਹੈ ਜਿਵਾਇਕੈ ॥
ਈਹਾਂ ਕਾਹੂ ਮਾਥੇ ਦਸ ਕਾਟੇ ਲੰਕ ਰਾਇ ਹੁੰਕੇ ਕਹੀ ਰਘੁਰਾਇ
ਬਾਤ ਨੈਨ ਸਰਮਾਇਕੈ ॥੧੩੮॥

ਕਬਿੱਤ—ਸੰਗ ਸੀਅ ਬੀਰ ਔ ਸਮੀਰ ਸੁਤ ਅੰਗਦ ਸੁਗ੍ਰੀਵ
ਜਾਮਵੰਤ ਕਪਿ ਮੰਡਲ ਹੁਲਾਸ ਕੀ ॥ ਸੇਵਾ ਕੋ ਤਤੀਖਨ ਬਿ-
ਭੀਖਨ ਸੋਂ ਨਲ ਨੀਲ ਪਲ ਹੀਂ ਮੈ ਕਰੈਂ ਜੋ ਰਮੁਜ ਰਾਮ

ਸ੍ਰਾਸ ਕੀ ॥ ਸਬੈ ਬਡਭਾਗੀ ਅਨੁਰਾਗੀ ਪ੍ਰਭੁ ਪਾਇਨ ਕੇ
ਚਾਇਨ ਸੋਂ ਬਾਤ ਕਹੈਂ ਸਬ ਕੇ ਬਿਲਾਸ ਕੀ ॥ ਚਲੇ ਉਪਰੋਧ
ਮਾਨੋ ਪੋਧ ਲਾਗੀ ਆਨੰਦ ਕੀ ਔਧ ਆਇ ਗਈ ਔਧ ਗਈ
ਬਨ ਬਾਸ ਕੀ ॥ ੧੩੯॥

ਸਵੈਯਾ-ਦੂਰ ਤੇ ਦੇਖ ਬਸਿਸਟ
ਕਹੀ ਨਭ ਮੰਡਲ ਰਾਮ ਅਖੰਡ ਲਾਏ ॥ ਲੋਗ ਸਬੈ ਮਿਲਿ ਯੋਂ
ਨਿਰਖੈਂ ਸਸਿ ਸੋਂ ਦ੍ਰਿਗ ਪੁੰਜ ਚਕੋਰ ਲਗਾਏ ॥ ਆਪਨ ਹੀ ਮਨ
ਭਾਵਨ ਸੋਂ ਮਾਨੋ ਸਾਵਨ ਚਾਤਿਕ ਮੋਰ ਜਿਆਏ ॥ ਰਾਘਵ ਰਾਮ
ਸੀਆ ਪਤਿ ਸ੍ਰੀ ਪਤਿ ਸੋ ਸਭ ਕੇ ਮੁਖ ਕੰਜ ਸੁਹਾਏ ॥ ੧੪੦ ॥
ਸਵੈਯਾ-ਰਾਮ ਬਸਿਸਟ ਕੇ ਪਾਇ ਤਰੇ ਮਿਲ ਬੈਠ ਭਲੀ ਰੁਚਿ
ਸੋਂ ਪਗ ਧੋਏ ॥ ਭੂਪਤਿ ਕੀ ਬਿਪਰੀਤ ਕਥਾ ਸੁਨ ਕੈ ਉਮਡੇ
ਜਲ ਨੈਨ ਸਮੋਏ ॥ ਸਿੰਧੁ ਧਰਾ ਧਰ ਨਾਗ ਨਦੀ ਬਨ ਬੇਹੜ
ਜੋ ਪਹਿਲੇ ਹਮ ਜੋਏ ॥ ਦੇਖਤ ਸ੍ਰੀ ਗੁਰ ਪਾਇਨ ਕੇ ਪਲ ਮੈ
ਬਿਸਰੇ ਪ੍ਰਭੁ ਜੂ ਦੁਖ ਖੋਏ ॥ ੧੪੧ ॥

ਸਵੈਯਾ-ਕੇਕਈ ਨੰਦਨ ਦੂਰ ਤੇ ਆਇ, ਪ੍ਰਨਾਮ ਕੀਓ ਦੁਖ
ਨੈਨ ਬਹਾਏ ॥ ਮੂੰਡ ਜਟਾ ਨਖ ਭੇਸ ਤਪੋਧਨ, ਭੂਪਤਿ ਝੁੰਡ
ਸਬੈ ਪਗ ਲਾਏ ॥ ਸ੍ਰੀ ਰਘੁਬੀਰ ਲਗਾਇ ਰਹੇ, ਛਤੀਆ ਮੁਖ
ਚੁਮ ਕਛੂ ਮੁਸਕਾਏ ॥ ਦੇਖਿ ਬਿਭੀਖਨ ਔਰ ਸੁਗ੍ਰੀਵ, ਨ ਗ੍ਰੀਵ
ਉਠੀ ਬਹੁਤੇ ਸਰਮਾਏ ॥ ੧੪੨ ॥

ਸਵੈਯਾ-ਐਸੀਏ ਭਾਂਤਿ ਸਬੈ ਮਿਲ ਕੈ ਰਘੁਬੀਰ ਸੁ ਕੇਕਈ
ਕੇ ਘਰ ਆਏ ॥ ਪਾਇ ਗਹੇ ਸੀਅ ਬੀਰ ਸਮੇਤ, ਕਹਯੋ ਸਭ
ਆਂਗਨ ਆਜ ਸੁਹਾਏ ॥ ਤਾਤ ਭਯੋ ਅਰਿਨੀ ਸੁਨ ਮਾਤ ਕੀਓ
ਹਿਤ ਤੈਂ ਬਨ ਬਾਸ ਪਠਾਏ ॥ ਦੇਹ ਛੁਟੈ ਸਬ ਕੀ ਜਗ ਮੈਂ,
ਜਸ ਲੈ ਨ ਚਲੇ ਨਰ ਤੇ ਪਛੁਤਾਏ ॥ ੧੪੩ ॥

ਕਬਿੱਤ-ਪੂਰਨ ਪਵਿਤ੍ਰ ਚਲੇ ਮਿਲਨ ਸੁਮਿਤ੍ਰਾਂ ਜੂ ਕੋ, ਲੋਚਨ
ਬਿਛੋਨਾ ਲੋਕ ਕਰੈਂ ਡਗ ਡਗ ਮੈਂ ॥ ਤਿਨ ਹੂੰ ਤੋ ਰਾਮ ਕ੍ਰਵਿ
ਵਾਰ ਫੇਰ ਡਾਰਯੋ ਤਨ, ਪ੍ਰੇਮ ਜਲ ਆਂਸੁਨ ਸੋਂ ਕੀਚਕੀਨੀ
ਮਗ ਮੈਂ ॥ ਜਾਇਲ ਪਟਾਇ ਨੇਹੁ ਬਹੁਤੇ ਜਨਾਇ ਪ੍ਰਭੁ, ਜਾਨ ਕੀ

ਸਮੇਤ ਰਹੇ ਸੀਸ ਧਰ ਪਗ ਮੈਂ ॥ ਰਾਮ ਲਖਮਨ ਜੂ ਕੇ ਗੀਲੇ
 ਘਾਉ ਦੇਖ ਕਹਜੇ ਸੂਰਸੁਤ ਜਨਨੀ ਨ ਜਨੇ ਔਰ ਜਗ ਮੈਂ ॥੧੪੪॥
 ਕਬਿੱਤ-ਜੋ ਲੋ ਰਘੁਬੀਰ ਮਾਤ ਮੰਦਰ ਲੋ ਜਾਂਹੀ ਜਾਂਹਿ, ਤੋਲੋ
 ਹੋਂਸ ਭਿਛਕਨ ਰਚੀ ਹੈ ਨ ਦਾਨਕੀ ॥ ਭੂਖਨ ਪਟੰਬਰ ਉਤਾਰ
 ਸਭ ਵਾਰ ਦੀਨੋ, ਕਹਿਤ ਕੋਸਲਯਾ ਆਜ ਕੋਨ ਮੇਰੇ ਮਾਨ ਕੀ
 ॥ ਆਰਤੀ ਬਨਾਇ ਤਿਨ ਪੌਰ ਹੀ ਮੈ ਆਇ ਲੀਨੇ, ਆਜ
 ਹੋਂ ਸਪੂਤੀ ਭਈ ਦੇਖ ਗਤਿ ਭਾਨ ਕੀ ॥ ਪਾਇ ਤੇ ਉਠਾਇ
 ਮੁਖ ਚੂਮ ਪਾਨੀ ਪੀਓ ਵਾਰ, ਛੋਨਾ ਦੇਉ ਗੋਦ ਲੈਕੇ ਬੀਚ
 ਦੀਨੀ ਜਾਨਕੀ ॥੧੪੫॥ ਸਵੈਯਾ-ਰਾਮਕੇ ਦੇਖਬੇਕੇ ਸਖੀਆਂ,
 ਉਮਡੀ ਘਨ ਜਜੋਂ ਸੰਗ ਆਨੰਦ ਜੀ ਕੇ ॥ ਰੂਪ ਨਿਹਾਰਿ ਸਬੈ
 ਬਲ ਜਾਂਹਿ, ਵੈ ਮਾਨਹੁ ਘੁਟਤਘੁਟ ਅਮੀ ਕੇ ॥ ਖੀੜ ਕਹੈ ਤਿਨ
 ਸੋਂ ਜਨਨੀ, ਮੋਹਿ ਬਾਰਨ ਦੇਹੁ ਦੀ ਆਸ ਬਘੀ ਕੇ ॥ ਤੋਲ ਗਦੇਖਨ
 ਦੇਉਂ ਨ ਕਾਹੂਕੇ ਜੋ ਲਗ ਨੈਨ ਸਿਰਾਤ ਨ ਨੀਕੇ ॥੧੪੬॥
 ਕਬਿੱਤ-ਗਾਉਂ ਕੀ ਲੁਗਾਈ ਲੈ ਲੈ ਆਵਤ ਬਧਾਈ ਤਿਨ
 ਕੀ ਅਸੀਸ ਲੈ ਲੈ ਸੀਸ ਸੋਗੁਨੋ ਧਰਤ ਹੈ ॥ ਏਕਨ ਕੇ ਦਾਨ
 ਸਨਮਾਨ ਦੇ ਦੇ ਏਕਨ ਕੇ, ਏਕਨ ਕੇ ਪਾਂਇ ਪਰ ਬਿਦਾਈ
 ਕਰਤ ਹੈ ॥ ਪ੍ਰਾਨਨ ਸਮੇਤ ਵਾਰ ਡਾਰੋਂ ਰਾਮਚੰਦ ਪਰ, ਜੋਕ
 ਜੋਈ ਜੋਈ ਦੇ ਦੇ ਦੁਖ ਕੇ ਹਰਤ ਹੈ ॥ ਔਰ ਕੀ ਚਲਾਵੈ ਕੋਨ
 ਵਾਰਤ ਹੈ ਰਾਈ ਲੋਨ ਮੇਰੀ ਡੀਠ ਲਾਗੈ ਜਿਨ ਜੀਅ ਮੈਂ
 ਡਰਤ ਹੈ ॥੧੪੭॥ ਕਬਿੱਤ-ਭੋਨ ਤੇ ਨਿਕਸ ਆਇ ਰਾਜ
 ਮੰਡਲੀ ਬਨਾਇ, ਕੀਨੋ ਅਭਿਖੇਖ ਰਿਖ ਮੰਡਲ ਬੀਚਾਰ ਕੈ ॥
 ਛੱਤ੍ਰ ਧੁਜਾ ਚਾਮਰ ਬਿਜਨ ਲੈਕੇ ਬੀਰ ਸਬ, ਰਾਜਕੇ ਸਿੰਘਾਸਨ
 ਬਿਰਾਜੇ ਅਰਿਮਾਰ ਕੈ ॥ ਦੁੰਦਭੀ ਬਜਾਇ ਸੁਰ ਰਾਜ ਬਰਖਾਇ
 ਫੂਲ, ਸੂਲਮਿਟੀ ਸਬ ਹੀਂਕੀ ਫੂਲ ਨਰ ਨਾਰਿ ਕੈ ॥ ਰਾਮਚੰਦ
 ਚੰਦ੍ਰਮਾਂਕੇ ਰਾਜ ਕੇ ਸਮਾਜ ਦੇਖਿ, ਆਜ ਤਾਂਤੇ ਰਾਮ ਕਵਿ ਪ੍ਰਾਨ
 ਦੀਨੇ ਵਾਰ ਕੈ ॥੧੪੮॥ ਕਬਿੱਤ-ਕਹੈ ਰਘੁਰਾਈ ਸੁਨ ਭਾਈ
 ਹੋ ਭਰਥ ਰਾਇ, ਕੋਨ ਕੋਨ ਕਹੋਂ ਉਪਕਾਰ ਕਪਿ ਰਾਜ ਕੇ

॥ ਸੀਤਾ ਸੋਧ ਲਜਾਇ ਸਿੰਧੁ ਪਾਟ ਕੈ ਬਨਾਇਗੈਲ, ਜਜਾਇ
ਲਛਮਨ ਜੁ ਕੇ ਏਤੇ ਬਡੇ ਕਾਜ ਕੇ ॥ ਨੀਲ ਨਲ ਹਨੂਮਾਨ
ਅੰਗਦ ਸੋਂ ਜਾਮਵਾਨ, ਏਈ ਹੈਂ ਜਿੱਤਯਾ ਸਭ ਰਾਵਨ ਸਮਾਜ
ਕੇ ॥ ਤਾਂਤੇ ਹਮ ਇਨਕੇ ਰਿਣੀ ਹੈਂ ਅਜ ਹੂੰ ਲੋ ਬੀਰ, ਲੋਚਨ
ਹਮਾਰੇ ਨ ਉਠਤਮਾਰੇ ਲਾਜ ਕੇ ॥ ੧੪੯ ॥

ਸਵੈਯਾ-ਦੇਸ਼ਨ ਦੇਸ ਤੇ ਆਇ ਨਰੇਸ਼, ਸਬੈ ਰਘੁਬੀਰ ਕੇ
ਪਾਂਇ ਪਰੇ ॥ ਫਿਰੰ ਥਾਪ ਬਿਦਾ ਕਰ ਆਨੰਦ ਸੋ, ਦੁਖ ਸੂਕ
ਗਏ ਸੁਖ ਹੋਤ ਹਰੇ ॥ ਕਪਿ ਮੰਡਲ ਔਰ ਬਿਭੀਖਨ ਕੋ, ਰਬ
ਬਾਰਣ ਦੇ ਮਨ ਪੁੰਜ ਖਰੇ ॥ ਸ੍ਰੀ ਰਘੁਬੀਰ ਕੇ ਸੇਵਤ ਹੀਂ ਜੁਗ
ਚਾਰਨ ਮੈਂ ਕਹੋ ਕੋ ਨ ਤਰੇ ॥ ੧੫੦ ॥

ਹਨੂਮਾਨਉਵਾਰ

ਸੋਰਠਾ-ਰਾਮ ਭਗਤਿ ਰਸ ਹੋਇ ਤੋ ਰਘੁਪਤਿ ਛਾਡੇ ਨਹੀਂ ॥
ਪ੍ਰਭੁ ਚਰਨਨ ਮਨ ਜੋਇ, ਹਨੂਮਾਨ ਸਭ ਸੋਂ ਕਹੈ ॥ ੧੫੧ ॥
ਕਬਿੱਤ-ਦਾਨ ਪੁਰ ਹੂਤ ਸੋਈ ਕੁਲ ਮੈਂ ਸਪੁਤ ਸੋਈ, ਲਾਖ
ਕਾਮ ਛਾਡ ਕੈ ਜੁ ਕਰੈ ਏਕ ਕਾਮ ਕੋ ॥ ਪੰਡਿਤ ਪ੍ਰਬੀਨ ਸੋਈ
ਪ੍ਰੇਮ ਜਲ ਮੀਨ ਸੋਈ, ਔਰ ਪੈ ਕਹਾਵੈ ਆਪ ਕਹੈ ਹਰਿ ਨਾਮ
ਕੋ ॥ ਲਾਜ ਕੋ ਜਹਾਜ ਸੋਈ ਆਜ ਕਵਿ ਰਾਜ ਸੋਈ, ਮੇਰੇ
ਸਿਰ ਤਾਜ ਸੋਈ ਨੈਕ ਭਰੈ ਹਾਮ ਕੋ ॥ ਰਾਮ ਕਵਿ ਰਾਜ
ਸੋਈ ਰਾਜ ਕੋ ਸਮਾਜ ਸੋਈ, ਮਹਾਰਾਜ ਸੋਈ ਜੋਈ ਭਜੈ
ਰਾਜਾ ਰਾਮ ਕੋ ॥ ੧੫੨ ॥

ਅੰਗਦੋਉਵਾਰ

ਸੋਰਠਾ-ਆਨੰਦ ਉਰ ਨ ਸਮਾਇ, ਭੁਜਉਠਾਇ ਅੰਗਦ ਕਹੈ ॥
ਰਘੁਪਤਿ ਕੇ ਗੁਨ ਗਾਇ, ਛਿਨਭੰਗਰਤਨ ਜਾਨਕੈ ॥ ੧੫੩ ॥
ਕਬਿੱਤ-ਸਦਾ ਰਘੁਬੀਰ ਕਹਿ ਲੱਛਮਨ ਬੀਰਕਹਿ, ਮਹਾਂ ਰਣ
ਧੀਰ ਕਹਿ ਮਨਕੇ ਸਹਾਇਰੇ ॥ ਸੀਤਾਪਤਿ ਸਜਾਮ ਕਹਿ ਕਾਮ
ਹੂੰਕੋ ਕਾਮ ਕਹਿ, ਰਾਮ ਰਾਮ ਰਾਮ ਕਹਿ ਔਰ ਦੈ ਬਹਾਇਰੇ ॥
ਤੀਨੋ ਲੋਕ ਨਾਥ ਕਹਿ ਬੂਡੇ ਦੇਤਹਾਥ ਕਹਿ, ਆਪ ਰਘੁਨਾਥ
ਕਹਿ ਔਰ ਪੈ ਕਹਾਇਰੇ ॥ ਬੇਦਨ ਕੋ ਸਾਰਕਹਿ ਸਬਕੋ ਅਧਾਰ
ਕਹਿ, ਮੋਖਲੋ ਉਦਾਰ ਕਹਿ ਹੋਤ ਹੈ ਸਹਾਇਰੇ ॥ ੧੫੪ ॥

ਸਵੈਯਾ-ਨਿਪਮੰਡਲਤੇ ਉਠ ਗਇਬਿਭੀਖਨ ਆਨਚਢੀ
ਚਿਤ ਚੌਪਨਈ ॥ ਯਹਿ ਮੂਰਤਿ ਸਾਵਰੀ ਨੈਨਨ ਮੈਂ, ਉਰਮੈ
ਬਸਹੋਇ ਅਨੰਦ ਮਈ ॥ ਪ੍ਰਭੁ ਕੀ ਮਹਿਮਾਕਹਿ ਕੌਨ ਸਕੈ,
ਸੁਨ ਲੇਹੁ ਸਭੈ ਭਟਬਾਤਨਈ ॥ ਜਬ ਆਇਮਿਲਜੋ ਤਬਹੀਂ
ਹਸਕੈ, ਮੋਸੇ ਰੰਕਨ ਕੋ ਜਿਨ ਲੰਕਦਈ ॥ ੧੫੫ ॥

ਸੋਰਠਾ-ਮੁਖ ਪ੍ਰਸੰਨ ਚਿਤ ਚਾਉ, ਨੈਨ ਕਮਲ ਰਵਿਰਾਮਸੋਂ ॥
ਕਪਟ ਰਹਿਤ ਕਪਿਗਾਉ ਕੀਰਤਿ ਰਘੁਪਤਿ ਕੀਕਰੈ ॥ ੧੫੬ ॥
ਸਵੈਯਾ-ਰਾਮਕੇ ਪਾਇਨ ਕੋ ਬਲਪਾਇ, ਮੈਂ ਬਾਲਿ ਸੋਮਾਰਕੇ
ਦੇਸਲਯੋ ॥ ਅਰੁ ਰਾਮਕੇ ਪਾਇਨਕੇ ਬਲਤੇ, ਕਪਿ ਮੰਡਲ ਮੈਂ
ਕਪਿ ਰਾਜ ਭਯੋ ॥ ਇਤ ਰਾਮ ਕੇ ਪਾਇਨਮੈ ਜਬਹੀਂ, ਚਿਤ
ਚੌਪਮਿਲਾਇਕੈ ਨੈਕੁ ਦਯੋ ॥ ਤਬਹੀਂ ਸਭ ਪੂਰਨ ਕਾਮ ਭਯੋ,
ਕਵਿਰਾਮ ਇਹੈ ਜੀਅ ਜਾਨ ਲਯੋ ॥ ੧੫੭ ॥

ਸੋਰਠਾ-ਸ਼ਿਵ ਬਿਰੰਚ ਸੁਰ ਈਸ ਬੇਦ ਬ੍ਰਹਮ ਸੇਵਤਚਰਨ ॥
ਦੇਤ ਬਸਿਸ਼ਟ ਅਸੀਸ, ਸਭਾ ਸਹਤ ਰਘੁਬੀਰਕੋ ॥ ੧੫੮ ॥
ਕਬਿੱਤ-ਸੇਸ ਸੇ ਸਮਝ ਵਾਰਹੈ ਹੈ ਗੁਨ ਕੇ ਭੰਡਾਰ, ਤੇਈ ਸੀਖ
ਸੀਖ ਕੰਠ ਭੂਖਣ ਜਜੋਂ ਧਰਹੈ ॥ ਆਪਨ ਸਮਝ ਪਾਇਐ ਰਨ
ਸੁਨਾਇ ਸੁਖ ਐਸੇ ਗੁਨ ਗਾਇ ਗਾਇ ਜੀਮੈ ਪ੍ਰੇਮ ਭਰ ਹੈ ॥
ਤਿਨਕੇਹੀਏ ਤੇਰਘੁਬੀਰਬੀਰਲਛਮਨ, ਜਾਨਕੀਸਮੇਤਸਦਾ
ਧ੍ਰਮਨ ਜਜੋਂ ਟਰਹੈ ॥ ਰਾਮਚੰਦਗੀਤਕੇ ਏਚੰਦਹਿਜੁਅੰਕਤੇਉ
ਚੌਦਹਿ ਭਵਨ ਕੋ ਕਲੰਕ ਦੂਰ ਕਰ ਹੈ ॥ ੧੫੯ ॥

ਛਪੈ-ਸੰਮਤ ਬਿੱਕ੍ਰਮ ਨਿਪਤ ਸਹਸ ਖਟ ਸਤ ਅੱਸੀਹ ਬਰ ॥

ਚੇਤ੍ਰ ਚਾਂਦਨੀ ਦੂਜ ਛਤ੍ਰ ਜਗਾਂਗੀਰ ਸੁਭੱਟ ਪਰ ॥

ਸੁਭ ਲੱਛਨ ਦੱਛਨ ਸੁਦੇਸ ਕਵਿਰਾਮ ਬਿਚੱਛਨ ॥

ਕ੍ਰਿਸ਼ਨਦਾਸ ਤਨ ਕੁਲ ਪ੍ਰਕਾਸ ਜਸ ਦੀਪਕ ਰੱਛਨ ॥

ਰਘੁਪਤਿਚਰਿਤ੍ਰਤਿਨਜਥਾਮਤਿ ਪ੍ਰਗਟਕਹਜੋ ਸੁਭਲਗਨਗਲਿ
ਦੈਭਗਤਿਦਾਨਨਿਰਭੈਕਰਹੁ, ਜੈ ਰਘੁਪਤਿਰਘੁਬੰਸਮਲਿ ੧੬੦

ਇਤਿਸ਼੍ਰੀ ਰਾਮਗੀਤੇ ਹਨੂਮਾਨ ਨਾਟਕੇ ਰਾਵਨ ਬਧ ਚੌਧਵੇਂ ਅੰਕ ਸਮਾਪਤ ॥ ੧੪ ॥

ਬਾਣੀ ਭਗਤਾਂ ਸਟੀਕ

ਇਸ ਭਗਤਾਂ ਦੀ ਬਾਣੀ ਦਾ ਟੀਕਾ ਸ੍ਰੀ ਮਹੰਤ ਪੰਡਿਤ
ਤਾਰਾਸਿੰਘ ਜੀ ਮਸ਼ਹੂਰ ਗਿਆਨੀ ਸ੍ਰਗਵਾਸੀ ਪਟਿਆਲਾ
ਨੇ ਕੀਤਾ ਹੈ ਅਰ ਇਸਦੇ ਦੋ ਭਾਗ ਹਨ ਪਹਿਲੇ ਮੋਟੇ ਟੈਪ
ਵਿਚ ਮੂਲ ਸ਼ਬਦ ਰਖੇ ਹਨ ਅਤੇ ਹੇਠਾਂ ਉਸਤੋਂ ਜ਼ਰਾ
ਬਾਰੀਕ ਟੈਪ ਵਿਚ ਸਪਸ਼ਟ ਅਰਥ ਜਿਨ੍ਹਾਂ ਨੂੰ ਅਨਜਾਣ
ਭੀ ਸਮਝ ਲਵੇ ਲਿਖੇ ਹਨ ਏਸਦਾ ਆਕਾਰ ਵਡੀ ਜਨਮ
ਸਾਖੀ ਨਾਲੋਂ ਡੇਉਢਾ ਹੈ ਕਾਗਜ਼ ਭੀ ਚੰਗਾ ਹੈ ॥
ਕੀਮਤ ਬਿਨਾ ਜਿਲਦ ੨॥॥ ਜਿਲਦ ਸਮੇਤ ੩)

ਸ੍ਰੀ ਗੁਰੂ ਨਾਨਕ ਪ੍ਰਕਾਸ਼

ਭਾਈ ਸੰਤੋਖਸਿੰਘ ਜੀ ਦਾ ਬਣਾਯਾ ਹੋਯਾ ਛੰਦਾ ਬੰਦੀ
ਵਿਚ ਸ੍ਰੀ ਗੁਰੂ ਨਾਨਕ ਪ੍ਰਕਾਸ਼ ਉਤਾਰਧ ਤੇ ਪੂਰਬਾਰਧ
ਦੋਨੋਂ ਭਾਗ ਗੁਰਮੁਖੀ ਟੈਪ ਵਿਚ ਛਪਕੇ ਤਿਆਰ ਹੋਗਿਆ
ਹੈ ਮੋਖ ੧॥॥ ਬਿਨਾ ਜਿਲਦ ੧॥॥ ਸਮੇਤ ਜਿਲਦ

ਵਿਗਿਆਪਕ

ਰਾਇ ਸਾਹਿਬ ਮੁਨਸ਼ੀ ਗੁਲਾਬਸਿੰਘ ਐਂਡ ਸਨਜ਼
ਮਾਲਕ ਮੁਫੀਦਆਮ ਪ੍ਰੈਸ ਲਾਹੌਰ

ਅਲਵ ਲੇਲਾ

ਅਰਥਾਤ

ਹਜ਼ਾਰ ਰਾਤ੍ਰੀ ਯਾ ਹਜ਼ਾਰ ਕਹਾਣੀ

ਇਹ ਉਹ ਪੁਸਤਕ ਹੈ ਜਿਸ ਨੂੰ ਸੁਣਾ ਕੇ ਇਕ ਚਤ੍ਰ ਇਸਤ੍ਰੀ ਨੇ ਬਾਦਸ਼ਾਹ ਪਾਸੋਂ ਨਿਤ ਦਾ ਇਕ ਖੂਨ ਕਰਨਾ ਹਟਾ ਕੇ ਆਪਣੀ ਭੀ ਜਾਨ ਬਖਸ਼ਾਈ ਤੇ ਫੇਰ ਹਮੇਸ਼ਾ ਲਈ ਬਾਦਸ਼ਾਹ ਦੀ ਰਾਣੀ ਬਣ ਕੇ ਸਾਰੀ ਉਮਰ ਸੁਖਾਂ ਵਿਚ ਬਿਤੀਤ ਕੀਤੀ ॥

ਗਲ ਕੀ ਇਸ ਪੁਸਤਕ ਦੇ ਪੜ੍ਹਨੇ ਨਾਲ ਪੁਰਸ਼ ਇਸਤ੍ਰੀਆਂ ਦੇ ਚਰਿਤ੍ਰ ਧੋਖਿਆਂ ਤੋਂ ਹੱਛੀਤਰਾਂ ਵਾਕਫ ਹੋ ਜਾਂਦਾ ਹੈ ਅਰ ਰਾਜ ਦਰਬਾਰ ਵਿਚ ਗੱਲ ਕਰਨ ਦਾ ਐਸਾ ਢੰਗ ਆ ਜਾਂਦਾ ਹੈ ਕਿ ਸਬ ਲੋਕ ਤਰੀਫ ਕਰਨ ਲਗ ਜਾਂਦੇ ਹਨ


ਇਸ ਪੁਸਤਕ ਦੇ ਚਾਰਭਾਗ ਹਨ ਸੋਚਾਰੇਹੀ ਠੇਠ ਪੰਜਾਬੀ ਬੋਲੀ ਤੇ ਗੁਰਮੁਖੀ ਟੈਪ ਵਿਚ ਛਪਕੇ ਤਿਆਰ ਹੋ ਗਏ ਹਨ ਕੀਮਤ ਬਿਨਾ ਜਿਲਦ ੨॥ ਡਾਕ ਮਸੂਲ ਵਖਰਾ

ਏਸਦੇ ਬਿਨਾ ਹੋਰ ਹਰ ਕਿਸਮ ਦੇ ਪੁਸਤਕ ਸਾਡੇ ਪਾਸੋਂ ਸਸਤੇ ਮਿਲ ਸਕਦੇ ਹਨ

ਵਿਗਿਆਪਕ—ਰਾਇ ਸਾਹਿਬ ਮੁਨਸ਼ੀ

ਗੁਲਾਬਸਿੰਘ ਐਂਡ ਸਨਜ਼

ਮਾਲਕ ਮੁਫੀਦਆਮ ਪ੍ਰੈਸ ਮੁਤਸਿਲ
ਕੋਠੀ ਕਚੇਹਰੀ ਜ਼ਿਲਾ ਲਾਹੌਰ ॥



ਪੰਜਾਬੀ ਸਾਹਿਤ ਦਾ ਇਤਿਹਾਸ
ਦੀ ਪਹਿਲੀ ਵਾਰੀ ਛਪਾਈ